








Early European Books, Copyright © 2011 ProQuest LLC.
Image reproduced by permission of The Wellcome Trust, London.
98010





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
880/D



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
880/D



Early European Books. Copyright © 2011 ProQuest LLC.
Images reproduced by permission of The Wellcome Trust, London.
000000

Q 13058

880

X

L.B. 4331

Emit Pisis
Franciscus Albitius

1771

76985

PERSICARVM
RERVVM HISTORIA
IN XII. LIBROS
DESCRIPTA,

TOTIVS GENTIS INITIA,
MORES, INSTITVTA, ET RERVVM DOMI
forisq̃ue gestarum veram atque dilucidam enar-
rationem continens.

AVCTORE PETRO BIZARO
SENTINATE.



ANTVERPIÆ,
Ex officina Christophori Plantini.
M. D. LXXXIII.



ILLVSTRISS. AC
POTENTISS. PRINCIPI
AC DOMINO, DOMINO AVGVSTO,
DVCI SAXONIÆ, SACRI ROMANI IMPERII
Electori & Archimarescallo, Landgrauio Tu-
ringiæ, Marchioni Misniæ, & Burgrauio Mag-
deburgensi, &c. Domino meo clementissi°.



ECENNIVM iam effluxit, Illustris-
sime ac potentissime Princeps, ex
quo, Celsitudo tua, nullo meo me-
rito, nullaque officiorum prompti-
tudine prouocata; sed ex mera sua
bonitate me in album domestico-
rum suorum ascribere dignata est:
magnum quidem temporis spatium,
si huius nostræ humanæ vitæ metam, spatiique decur-
rendi lubricitatem & lapsum attendas: exiguum profe-
cto, si hominum, spes suas in immensum extendētium
insatiabili quadam cupiditate, cursum metiri velimus.
Ex eo porrò tempore hætenus mihi perdifficile fuit
iudicij rectitudine assequi, vtrum ego tibi plura, cum
tamen tuæ Celsitudini me omninò plurimum debere
confitear & agnoscam, vel tu tibi ipsi, hoc est, raræ isti
tuæ felicitati, diuinitus concessæ, debeas: Siquidem, si
omnia tua egregia facta, præclarasque & inauditas fe-
rè virtutes ad trutinæ examen & amissim reuocare
libeat, quisnam est, obsecro, tam hebeti vel obscuro
ingenio, vel tam ingrato atque liuido animo, vt non
fateatur, veritate hanc ipsam confessionem exprimen-
te, tibi cælesti quodam consensu heroicum istum ani-

EPISTOLA NVNCVPATORIA

mum obtigisse, quem per omnes politicas artes in tanta
 imperij potentia assidue exerceres, adeo me hercule,
 vt boni omnes vno ore, vnanimique consensu eam
 ipsam Celsitudinis tue generositatem predicent, atque
 laudibus ad cælum vsque vehant: Improbi verò, &
 optimi cuiusque actiones suggillantes, & in diuersum
 detorquentes, virtutem quidem tuam videant: sed ta-
 cite plus admirentur, quam laudent, vel æmulentur.
 Nec mirum, cum hac ingenita sit virtuti natura, vt
 etiam ab aduersariis in hoste prædicetur, & semper
 quidem laudatorem, tametsi non semper æmulatorem,
 reperiatur. Hæc, eò fusius, inclyte Princeps, prosequen-
 da duxi, quia in confesso est, & multis exemplis con-
 testatum, te, tui imperij initia statim ab ipsa ineunte
 ætate, à laude & virtute esse auspicatum, tantaque ani-
 mi constantia hunc tenorem retinuisse, vt difficile esti-
 matu sit, vtrum plus domi, vel foris, bello, vel pace,
 laudis atque gloriæ assecutus fueris. Nam vt tuas bel-
 licas virtutes hîc, breuitatis gratia, omnes non repe-
 tam, quis est, rogo, qui Principum Germaniæ res ge-
 stas literis consecrauerit, tam malè de literis meritis,
 vel in tanta historiæ ignoratione, vt te non iure opti-
 mo inter præstantissimos Imperatores & duces, atque
 adeo suæ ætatis præcipuos retulerit? Expeditiones do-
 mesticas sciens prudensq; omitto, cum præsertim earum
 recordatio plus amarulentia, quam iusti gaudij ac læ-
 titiæ tibi afferat: hanc solum hîc recensebo, quam si-
 lentio præteriisse piaculum fuerit, nempe expeditio-
 nis Seghetanæ per diuum Maximilianum augustæ me-
 moriæ susceptæ enarrationem contra immanissimum
 Christiani nominis hostem Solymanum Turcarum
 Imperatorem, in qua certè egregia tua pietas cum in-
 defesso Christiani orbis proferendi studio coniuncta,
 vsque adeo illuxit & enituit, vt, nulla habita interni
 motus quorundam subditorum suorum coitione ac
 scele-

scelerata factione concitati, sed tandem feliciter oppressi, ratione, nullisq̃ue deterrita sumptibus, alacriter ad Reipub. Christianæ cum tuendam dignitatem, tum communibus auxiliis defendendam, atque propagandam, ipsi Cæsari tam necessario suo tempore auxiliares suas copias submiserit, nimirum equitem ex ipso robore ac totius sue nobilitatis flore descriptum. Cuius aduersus hostem tanta fuit animi præsentia, & decertandi fortitudo, vt paucos pares, primos sibi nullos haberet. Ad domestica Reipub. tuæ ornamenta si diuertere libeat, hæreo animi, à quo potissimum ordiri debeam, cum omnes tuas actiones perpetua quadam harmonia assiduoq̃ue quodam ductu ad eundem semper scopum colliment, nihilq̃ue ipsi omnino sit antiquius, quàm neglecto priuato commodo, in commune prospicere, potiolemq̃ue semper publici boni rationem ducere, quàm earum rerum, quarum sollicitudine & cura plarique Principes torquentur. Has ergo artes cum probè calleas, & iustissimis mediis exerceas, quis, quæso, miretur, si non modò sententiæ, sed etiam opinionis tuæ, tanta non solum apud Saxones tuos, verum etiam apud finitimos sit auctoritas, quanta usquam gentium potest esse maxima? Tanta utique vis ad incitanda, vel inhibenda studia, eò vt vergant statim omnia & ferantur, quò sensus Celsitudinis tuæ & voluntas propendere noscuntur, usque adeò, vt oculorum tuorum circumactu, scæna, vt ita dicam, imperij Saxonicæ, theatrumq̃ue totum communis prudentiæ cum Orchestra, cum Ordinibus, deniq; cum omnibus Prouincialibus ac subditis versetur. Cæterum tuis laudibus forsitan breuius quàm par est, inhærenti, occurrit naturæ tuæ consideratio, quæ non tam sibi ad gratiam, quàm ad veritatem & libertatem omnia dici postulat. Proinde cum neque mea, vel cuiusquam alterius multò maiori eloquentia præditi laudatione indigeas,

EPISTOLA NVNCVPATORIA

superfedebo in praesentia in laudum tuarum praecoonio, modumque mihi statuam non quidem ex arbitrio meo: sed ex tuae optimae naturae moderatione ac modestia petitur, sensimque dilabar ad ocij mei domestici tibi rationem reddendam. Quod, quale haecenus fuerit, paucis atque breuibus accipe. Non dubito, Illustrissime Princeps Elector, quin, licet Celsitudini tuae familiariter non sim notus, attamen in tanta tuorum nobilium & primariorum hominum frequentia, quibuscum seria & priuata negocia conferre solet, extiterit aliquis, qui tuae Celsitudini planum fecerit, quanto animi ardore atque fidei integritate, inde statim à principio, quo me tua liberalitas atque perspecta clementia sui iuris & mancipij fecit, erga ipsius Celsitudinem atque adeò vniuersam praeclarissimam, inclytam & honestam familiam affectus fuerim, tametsi per meae fortunae tenuitatem atque Reipublicae confusionem, illa argumenta solide obseruantiae haecenus non protulerim, neque re ipsa declarauerim, quae mira quadam alacritate praestare animus cupiebat, ita medijsfidijs, ut hoc quasi obstaculo & impedimento rebus meis interposito, cessator ac tergiversator tibi iure videri debeam, si officiorum meorum exiguitatem ad liberalitatis tuae promptitudinem atque lancem deuocare sustinueris: Verum hac de causa me non mediocriter perturbatum, non nihil solatur, quod satis constet, ubi officiorum merita cessant, optimi animi voluntatem semper procedere, & in tantum omnium doctorum iudicio promereri, ut aliquando facta ipsa vel exaequet, vel etiam superet. Hoc dico, Illustrissime Princeps, quod videam, mihi contra animum meum, praeterque spem & expectationem omnem, semper iniuria temporum fieri, ut mihi, tui magis demerendi iusta eripiatur occasio, nisi tandem perfricta fronte, exutoque pudore, apud me statuissem, non amplius relinquendum esse locum

AD ILLVST. PRINCIPEM AVGVSTVM.

locum dubitationi vllum. Porrò ad remouendam emanforis animi suspitionem, nolui committere, quin decennalis ocij fructum tibi vno eodemque tempore proferrem, & tanquam depositum mihi concreditum, tibi cum tali quali vsura in manus darem. Quare, cum iam labores nostri in describenda Persica historia essent consumpti, & opus ipsum ad calcem iam esset perductum, multorum more non diu hæsitauī, cuius potissimum auspiciis in lucem atque vulgus prodiret: Sed tuam Celsitudinem, tanquam vnicum mihi Mæcenatem, optimo iure delegi, cui opellam hanc (si modò opellam, opus tam arduum, & tot tantisque laboribus atque vigiliis elucubratum vocare libeat) consecrarem, in spem certam adductus, vt hac saltem ratione ab ingrati animi crimine, quod Dij hominesque semper oderunt, liber euaderem. Interim cumulatè & probè mecum agi semper reputauero, si gratia tua non excidam: si nulla temporum vel hominum iniquitas me extra gremium beneficentiæ tuæ excusserit; & hæc, quæ tibi maximè probare studia nitor, tibi semper grata atque accepta fore intellexero. Hæc sunt ferè, clementissime atque optime Princeps, quæ ego in hac vltima stadij meta tibi offerre ac præstare ex intimo cordis affectu aueo & maximoperè contendo. Reliqua in posterum erunt eiusmodi, vt mihi semper fidei & diligentiae summa ratio constet: Rogans diuinam Maiestatem, vt Celsitudinem tuam cum augustissima & serenissima ipsius Coniuge, femina pietate, pudicitia, prudentia, & foecunditate lectissima & laudatissima, Illustrissimis liberis, atq; adeò vniuersa sua familia & ditionibus tueri ac protegere dignetur cum ea imperij amplificatione & incremento, vt Celsitudinem tuam Respublica Christiana, accisis iam opibus, & quodammodò euersis tam priuatis, quàm publicis fortunis omnibus, te, quasi obicem habeat, quem tantis

EPISTOLA NVNCVPATORIA.

iniuriis opponat, & ab interitu non modò vindicet ac retrahat, verùm etiam victricibus armis in libertatem afferat, pacemque iam procul exulantem, ad nominis sui gloriam & bonorum salutem restituat.

Ex vrbe Antuerpia Idibus Februarij, Anno à Virginis partu CIO. 15. LXXXIII.

Vestra Illustrissima Celsitudinis

*Humillimus atque obseruan-
tissimus famulus*

Petrus Bizarus.

AVCTOR AD EVNDEM
ILLVSTRISSIMVM
PRINCIPEM, &c.

QVI tibi Pannonicum bellum, & quæ Mustapha gessit
In Cypro, utq; Pias victus ad Echinadas:
Et complura alia, haud memoratu indigna, sacrauit,
Tanquam animi testes ac monumenta sui
Inclyta Persarum Regum atque ingentia facta,
Nota per Eoas Occiduasq; plagas;
Quæq; olim fuerint tanti incunabula Regni,
Progressus, mores, iura, fidesq; simul,
Nunc dicat, auspiciisq; tuis euulgat in orbem,
Atque tuam supplex unius orat opem.
Tu verò interea generose ac maxime Princeps,
Quæ dantur, mihi suscipe fronte precor.
Sic tibi perpetuò faucant pia Numina cali:
Sic placidos tribuant, & sine nube dies.

סדר על סדר הזה ביד ליה

בנינה	סחברה	ראה ספרה
הגינה	לך נותן	שביורו
דברים	בגלוי כל	נכסב בה
סדרים	בפרס על	אשר באו
לשרו	לסחנה	והזכין זאת
ואורו	גדלהו	לאוגוסטו
ורשים	בפי עשיר	עלי ארץ
ונשים	סתרל איש	ואח ביתו

CLARISSIMI VIRI HVGONIS
FAVOLII, PHILOSOPHI AC MEDICI,
carmen, ad Petrum
Bizarum.

QUOD tibi nascenti Pallas, cum Pallade Phœbus
Adfuit, & placido puerum te lumine vidit.
Melpomene cantu Dea cognita, docte Bisare,
Ingenij monumenta tui testantur aperte,
Nulla dies unquam venturo quæ auferet auro.

Scilicet à cunis raptum te ut sedula Diua,
Castaliôque rigans tua lactea labra liquore,
Aonas in montes teneris deduxit ab annis:
Cui rerum varios casus Latonia proles,
Fortunæq; vices varias cognoscere, habendam
Hinc citharam, plectrûmque suum concessit & usum.

At tua nunc canis ornet cum grandior atas
Tempora, & accessit rerum Prudentia maior,
Ad maiora vocat Musarum maxima Clio,
Virginibus comitata suis, quibus unica cura est,
Gesta laboratis Regum committere chartis,
Egregium memori facinus producere fama,
Et senio asserere facti immortalis honorem:
Ut sua virtuti à fato monumenta supersint,
Quæ valeant seri saltem meminisse nepotes.

Ergo tuo merito circum tua tempora laurus
Ibit, & ingentis Persarum exordia Regni,
Incrementa, Status, Bellorum incendia, Cedes,
(Credo prius nullis unquam narrata Latinis)
Immensum venient per te vulganda per orbem:
Cum tu bellorum casus miseratus acerbos,
Æqua solo, & miseris iamdudum oppressa ruinis
Oppida, singlatim memorans reuocabis in auras.

Quare te merito celebris præconia fama
Æternos victura dies, & premia laudum
Certa manent, latè celebri cantanda Camæna.

DE

DE HISTORIA PERSICA,
ILLVSTRISS. PRINCIPI
AVGVSTO dedicata.

PERSIDOS Imperium, formidatamq; rebelli
Assyrio gentem, Barbara fama canit.
Hinc sors virtuti, virtus hinc amula sorti:
Vtraque Pellaum mox subitura Ducem.
Scilicet Arsicidas hac facta, & fata manebant:
Sed male fusa prius, nunc bene lecta patent.
Contulit hanc Bizarus opem, summoq; labore
Contulit: at, qua sint premia iusta, petis?
Hunc augusta manus, laus hunc augusta coronat,
AVGVSTO augustam qui dicat Historiam.

I. IESSEVS.

IN PERSICAM PETRI
BIZARI HISTORIAM N. CLEMEN-
tis Trelæi Mosellani
Epigramma.

QVI Ligures Ligurumq; Duces & gesta reduxit
Italus Italia Bizarus amator alumnos;
Ne Crassi cineres urna tumultentur inulta,
Persiam in Italiam portat monumenta laborum:
Et Persas Ormuziaca euocat urbe Penates,
Vt sua Musa Musas Sophiosq; sophia monarchas
Augusto Aonios doceat sub Principe mores.
Pergeat, eat felix AVGVSTO carus amator;
Augusto AVGVSTVS Princeps augustior ipso,
Ipsius imperio vimat dignissimus orbis.

AD

AD RERV M PERSICARVM
HISTORIAM, CARMEN ET
commendatio.

BELLIPOTENS longa regione hinc Persia distans,
Nunc in vicino est, si data scripta legas.
Ne freta vasta secus; ne terrarum ardua transi;
Cognita non oculis, terra videnda datur.
Arsacidum hic praclara licet cognoscere gesta,
Et foris atque domi, tempore quaque suo:
Cernis ut & norint bello glomerare potentem
Rixè manum Persae; vincere Marte suo:
Martèque Turca cadat; victoria parta refringat
Progressus nimios hostis in Orbe feri.
Arsacidis igitur toto sit in Orbe triumphus,
Totus enim fuis hostibus Orbis ouat.
Prodidit ista palàm Bizarus voce sonora,
Persarum gentis bella decusque novans;
Et, quò descripta regiones longius absunt,
Vera hòc describens, dignus honore magis.

Matth. Sasbout Iureconf. Blanckbergius.

EIVSDEM AD EANDEM
HISTORIAM.

INCUMBENS velut Eurus est fugaci
Velo, atque Oceano ratem incitat am
Infert; sic fugat omnibus tremendum
Hostem Persa ferox, suoque prorsus
Hunc molimine fraudat, & retrudit
Ad plenum pelagus periculorum;
Sorte, haud Marte suo ad trophaea parta.
At virtute valens in Orbe Persa
Primas iure tenet, ruitque primum
Regem: sic meritò dicantur ipsa
Persarum acta Duci & supremo
Saxonum, ut valeat parare grates
Primas iste suo ex labore scriptor,
Tanquam est Persa valens honore primo.

PERSICARVM RERV
HISTORIA IN XII. LIBROS
DESCRIPTA, TOTIVS GENTIS INITIA,
MORES, INSTITVTA, AC RERV DOMI FO-
risque gestarum veram atque dilucidam enarratio-
nem continens.

Auctore Petro Bizaro Sentinate.

LIBER I.

PERSARVM res tam domi quàm foris gestas, impe-
riique formam, atque adeò fortunæ vicissitudinem, qua
passim in imperio administrando vsi sunt, enarraturo,
operæ pretium videtur, Platonis mentem atque sen-
tentiam, statim ab initio in medium proferre, qua di-
uinus ille Philosophus dicere solebat, non temerè oriri,
neque interire imperia, sed diuino quodam nutu gentes
& populos in vnam eandemque legum morumque consensionem con-
fluere; sed interim determinatas & propositas esse ipsis imperiis certas me-
tas, quas ipse periodos vocat, vltra quas rarò, vel nunquam progredierentur.
Hoc licet verum sit, & multis etiam diuersorum regnorum exemplis depre-
hendatur Platonis iudicium esse verissimum; perpaucas propositum ab
ipso imperij terminum, nempe quingentorum annorum, prætergressas esse:
tamen, si diligenti inquisitione res gestas euoluerimus, in confesso erit, ali-
quas vltra illam ipsam propositam periodum fuisse prolatas, & imperij di-
gnitatem etiam cum amplitudine ad aliquot annos vltra retinuisse, vt faciliè
animaduerti potest, si veteres auctores excutiamus; quorum in primis mihi
Berofus Babylonius, & Metasthenes erunt, ac etiam plerique alij, ipsorum fi-
dem atque historiam secuti, qui Assyriorum regnum ad annos M. CCC. siue
ad minimum M. CCXXXVIII. constanter perseverasse ferunt. Siquidem As-
syriorum imperium, cuius Ninus Iouis Beli filius, siue, vt aliis placet, Nem-
brodus, eius pater, principium atque originem dedit, ad Sardanapalum
vsque, in summa potentia atque gloria floruit, diutiusque omnium iudicio
propagari potuisset, nisi regis inertia ac effeminatus animus regni neruum
incidisset. De Medis video variare inter se auctores, & diuersitate sententia-
rum distrahi, cum multi sint in hac opinione, ab Arbace primo ipsorum re-
ge, ad Darium vsque, quem plerique Ciaxarem nuncupant, Astyagis nempe
octauæ Medorum regis filium, Danieli Assuerum vocatum, trecentis tantum-
modò annis viguisse. Reliqui verò, certis forsitan suis rationibus subnixi, pu-
tant Medorum imperium paulò plus, vel minus trecentis annis stetisse. Vt-
cunque sit, nò ibo inficias, hominù animos, licet eruèdæ veritatis studiosos,
quàm sæpissimè posse falli, & ab vno errore in alium incidere, nec se prius
explicare posse, quàm vnius alicuius præstantissimi iudicium secuti, ab hoc,

*Finis Assyri
regni.*

*Medorum
regum.*

A

tan-

tanquam à præstantiori iudice stent & pendeant. Ceterum non morabor hîc
 amplius, sed fatis mihi fuerit, hoc omnium apertorum traditionibus investi-
 gasse, Assyriorum ac Medorum potentiam, Persarum fortunæ cessisse, atque
 paulatim vtriusque regni potentiam, in Persici solij gremium translatam
 fuisse. Verum enimverò cum nostri potissimum labores rebus Persicis de-
 scribendis consecrati sint, non ero curiosior in eruendis Assyriorum ac Me-
 dorum rebus gestis. Siquid tamen eorum per occasionem sese obtulerit, non
 committam, quin illa ad pleniorē nostræ historiæ cognitionem comple-
 ctar. Proinde initio à Cyro Cambyxis filio desumpto, dicemus, ipsius potissi-
 mum auspiciis Persicum imperium in tantam potentiam atque imperij diu-
 rnitatem coaluisse, nimirum, cum inelyta ipsius virtus, atque regnandi
 egregiæ artes vsquead eò ab ipsa fortuna secundisque successibus adiutæ fue-
 rint, vt non mirum sit, gentem regnandi cupiditate suaptè natura incensam,
 & semper dilatandi proferendique imperij auidam, tot annorum curriculis
 insignem imperij formam retinuisse cum tanta finitimarum gentium reue-
 rentia & formidine, vt difficile dictu sit, vtrum Persici imperij gloria propter
 amplitudinem imperij, vel propter res militiæ gestas maior atque illustrior
 sit. Nec in Cyro desit hæc inelyta virtus, sed excepta à posteris, tradita con-
 tinua quodammodo serie per manus, multorum exinde subsecutorum re-
 gum vitam & nomen nobilitauit. Quippe ab hoc Cyro vsque ad Darium
 Arsami filium, quem Alexander Macedo triplici prælio superauit, res Persi-
 cæ perpetuo quodam tenore floruerunt, & longè lateque nomen suum pro-
 pagarunt. Ceterum, vt in rebus humanis nihil est firmum vel solidum, quin
 potius omnia fluxa & euanida, tanquam luxato Persico imperio, cœpit de-
 incept aliquantulum à pristina sua gloria atque maiestate desciscere, & pau-
 latim nonnihil externis armis debilitari. Quæ omnia, quoniam vno loco
 dici non possunt, dabo enixè operam, vt singulis per sua iusta tempora di-
 stributis, nulla subsequatur historiæ confusio, ne scilicet ex præpostera dili-
 gētia lectori tædiū, ac errorē, mihi verò iustæ reprehensionis locum relinqūā,
 simulque Deo fauente, eò vsque historiæ nostræ seriem persequar assiduo
 quodam contextu, vt omnibus constare possit, quibus tandem occasioni-
 bus Persæ, iam euerso illorum imperio atque dominatu, & seruitute à Sara-
 cenis oppressi, iterum à Gempsa Parthorum duce in nouam spem erecti,
 amissas imperij sui prouincias vnà cum libertate recuperarint, donec tan-
 dem Magnus Vsumcassanes, vnus ex Satrapis Persiæ, atque Armeniæ pro-
 curator, Malonchre Partho, vltimo ex Gempsi profapia, extincto, Persi-
 cum regnum inuasit: vtque etiam Hismaël cognomento Sophus, deuic-
 tis in acie aduersariis, Perside potitus fuerit: quæ bella cum Ottomannicis
 Imperatoribus gesserit, & quos denique imperij successores post se relique-
 rit: præterea, quæ oppida & vrbes Persico imperio subiiciantur, & quanam
 hac nostra tempestate propter populi frequentiam, ædificiorumque pulchri-
 tudinem, vel mercium commutandarum commoditatem celebriores sint,
 obiter commemorabo. Et quò facilius lector huius antiquissimæ gentis o-
 riginem atque potentiam comprehendere possit, pauca de ipsorum mori-
 bus, legibus & institutis, necnon quantæ fuerint priscorum regum, vigente
 Monarchia, opes atque diuitiæ, vt quasi vnico obtutu quamplurima intelli-
 gere

gere queat, diligentissimè delibabo. Cæterùm priusquam de Persicis rebus aliquid omninò dicere ac explicare aggrediar, minimè ab instituto alienum fuerit; si breuiter hîc subiecero quæ ex veteribus auctoribus Strabo, ex recentioribus verò, Haithonus Armenus, de huius præstantissimi atque potentissimi regni situ posteris ac memoriæ mandauerunt. Et prior quidem libro xv. Persiam ita describit. Post Carmaniam, inquit, Persia est; multa sanè in ora illius sinus, qui ab ea nomen habet: sed longè maior in mediterranea, præsertim in longitudine quæ ab austro & Carmania in septentrionem & Medicas gentes pertendit. Triplex autem est natura, & aëris temperie. Nam ora maritima æstuosa est, ac ventosa, & fructuum inops, præterquam palmarum. Ea quater mille, & quadringentis stadiis vel ccc. censetur, & in flumen desinit, qui omnium ibi maximus amnium Oroates appellatur. Regio verò vltior, campestris est, omnium ferax, & optima pecorum nutritrix, fluminibus & lacubus plena. Tertia est hyemalis ac montana aquilonem versus; ab extremis eius partibus sunt camelorum pastores. Longitudo est, vt Eratostheni placet, in Septentrionem & Caspias portas ad 11 x. stadiorum millia, secundum vertices quosdam procurrentia. Vltima est vsque ad Caspias portas, non vltra duo millia stadiorum. Longitudo verò in mediterranea, à Susis vsque Persæpolim, stadiorum quater mille, & c c. hinc vsque ad Carmaniæ fines sunt c i c i o c. Gentes regionem hanc incolunt Patischores, & Achæmenidæ, & Magi, quorum hi, honestæ viuendi rationi student. Item Cirtij & Marai, quorum alij prædatores sunt, alij agricolæ. Sed & Susi ferè Persiæ pars est, inter eam & Babylonem posita, & Susa urbem habet memorabilem. Hactenus, quæ Strabo in descriptione Persiæ enumerat, licet satis videri possent ad Persiæ cognitionem habendam, mihi tamen ad afferendam maiorem rebus Persicis lucem; expedire aliqua ex parte videtur, vt huic Strabonicæ descriptioni, Haithoni Armenij viri clarissimi atque in geographia versatissimi subiungam enarrationem. Sic enim Persiæ descriptionem orditur. Regnum Persarum diuiditur in duas partes, quæ dicuntur solummodò vnum regnum, eò præcipuè, quòd vnus solus dominus illarum terrarum semper obtinuerit principatum. Primâ pars Persarum incipit in Oriente, à confinibus regni Turquestan, & portenditur per Occidentem vsque ad magnum flumen Physon, quod est primum inter quatuor flumina, quæ fluunt de paradiso terrestri. Et ex parte Septentrionis extenditur vsque ad mare Caspium; ex parte Meridiei vsque ad desertum Indiæ. Prouincia illa est quodammodò tota plana: in eius medio duæ sunt sitæ magnæ & opulentissimæ ciuitates, quarum altera vocatur Bactara; altera Senorgant. Illarum partium incolæ dicuntur Persæ, & habent proprium idioma; viuuntque de mercimoniis; ac soli agricolationi, & plerique etiam bellicis studiis operam impendunt. Antiquitus colebant idola, & ignem, tanquam Deum præcipuum venerabantur. Postquam verò Mahometi secta, illarum regionum dominium inuasit, effecti sunt omnes Saraceni, eius falsissimis dogmatibus fidem adhibentes. Alia verò pars incipit à Physon, qui & Euphrates, & per Occidentem vsque ad regni Mediæ, & partim maioris Armeniæ fines porrigitur. Cæterùm ex parte Septentrionali, ad mare vsque Caspium extenditur, ex parte autem Meridionali terminat cum quadam prouincia regni Mediæ.

*Descriptio
regni Persici.*

Sinus Persi-
cus.

Persarum o-
rigo, & unde
de appellati.

In ea sitæ sunt duæ maximæ atque insignes vrbes, quarum altera Hefabor, & altera Sachen patrio sermone nuncupatur, quæ in fidei religione ac viuendi ritu sunt consimiles aliis supradictis, &c. Quanquam autem in re satis manifesta prolixior videri possim, tamen quia ad plenariam rerum cognitionem nihil quidem in hac parte superfluum, meo iudicio, existere potest, ideò his duabus præcedentibus etiam Pomponij Melæ de Sinu Persico breuem delineationem subtexam. Ait enim lib. III. cap. VIII. illum, quæ mare accipit, vtrinque rectis lateribus grande ostium quasi ceruice complecti, deinde terris in omnem partem vastè, & æqua portione cedentibus, magno littorum orbe pelagus incingentem, reddere formam capitis humani. Arabicum autem, & os arctius, & latitudinem minorem esse, maiorem aliquantò recessum, & longiora latera. Solin. cap. LVIII. scribit, Rubrum mare in duos sinus scindi: quorum qui ab Oriente est, Persicum appellari, quandoquidem oram illam habitauere Persidis populi, viciæ & sexagies centena millia passuum circuitu patens: ex aduerso vnde Arabia est, alterum Arabicum vocari. At Plinius lib. VI. cap. XXVI. breuiter inquit: Persæ Rubrū mare semper accoluere, propter quod is sinus Persicus vocatur. Regio ibi maritima Cyropolis: quæ verò ipsa subit ad Medos, Elymais. His itaque hactenus delibatis, reliquum est, vt Persici nominis originem atque nomenclaturam inuestigemus, quibûsve nominibus & vocibus hæc gens olim appellata fuerit, & vnde ipsi Persæ primum ortum duxerint. Quod quamuis traditu propter auctorum diuersitatem valde arduum atque difficile sit, tamen adiectis iis, quæ circa hæc commemorantur, vnicuique suum integrum iudicium permittam, nec me huic vel illi auctori ita astringam, vt in eius verba iurasse videar. Proinde cum certatim omnes sua probare velint, potior sententiam sequutis videtur, quod Persicum nomen à Perseo, Iouis & Danaës Acrisæ filio, deriuarit. Hunc enim tradit post multa prosperè ac feliciter gesta, ipsos Persas in suam potestatem redegissee, ac Persopolim, quondam totius regni Metropolim & regum sedem, ab eodem sic appellatam, idque ante vrbein conditam annis M. C C. L X X V. contigisse creditum est. Non pauci verò in hac opinione sunt aheresi, vt Persicum nomen ad Persen ipsius filium ex Andromeda Cephei filia susceptum, & apud Cephorum relictum, referant, atque hinc deinceps continua successione Persarum reges ortos fuisse existimēt: inter quos primarius videtur esse Herodotus, qui cum his auctoribus eandem sententiam sequutus, etiam asserit, Persas prius dictos à Græcis Cepheneis, & ab accolis Artæos. Nec sanè defuerunt, qui huius nominis constitutionem atque originem ad filium Medæ Persen retulerint, sicuti Stephanus, qui etiam addit, Artæos à Persis eos vocatos, quos Græci priscos, & antiquos Heroas appellarunt, inde compositis nominibus, apud illos Artaxerxes, & Artabatos esse cognominatos, sicut apud Ægyptios Heroës, qui cum antiquitate, tum rerum gloria, aut aliquo singulari in homines beneficio collato, erant celebres atque insignes, Millamones & Parapollines nuncupabantur. Cæterum his similibus inualidis rationibus omissis, quæ suis forsitan argumētis, vel potius coloribus defendi queunt, si penitus atque exactius verū ipsum perscrutari velimus, occurreret procul dubio statim validior quædam ratio, quæ nos tanquam prehensa manu in hæc perduceret

perducat sententiam, vt certissimè existimemus, Persas, ab Elymo, siue Elam fratre Madai, filio Iaphet, à quo etiam Medi hoc nomine appellantur, nūcupatos esse, ac eos propterea in sacris literis dici Elamytas: licet in Actis, vtpotè Græcè scriptis, etiam vsitata Græcis, nominis illius enunciatio retineatur. Ex his enim constat, filios Noæ fuisse Sem, Cham, & Iaphet, qui fuerunt geniti ante diluuium, ex quibus ab illa aquarum inundatione præseruatis, vnà cum aliis liberis, quos idem Noe cum reliquis prioribus procreauit, omnes gentes, quæ ab eo tempore ad hodiernum vsque diem extant, fuerunt, eruntque in posterum, sata, genitæ, ac propagatæ sunt. Centesimo verò anno à cataclysmate, his tribus filiis ab eorum parente facta est diuisio Terræ. Sem præfectus est Asiæ, Cham Ægypto, & Africæ Iapetus, vel Iaphet, qui & Atlas Maurus postea dictus est, eo quod obierit in Mauritania: Prioris quidem posteritas, cui fuerunt quinque filij, loca vicina Euphrati Orientem versus occupauit: Alterius, loca finitima Iordani, & Nilo, progressa ad Meridiem: Tertia posteritas minorem Asiam versus Occidentem occupauit, vnde postea, vti etiam superioribus prouinciis, multæ gentes in Europa longè lateque propagatæ fuerunt. Ex hoc igitur Elam stirps est Persarum, vt auctor est Iosephus lib. 1. cap. vi. & Zonaras lib. 1. itidem testatur, à quo etiam Elymi, siue Elymæi, aut Elamitæ, gens Persidis nuncupata: idque à probatis auctoribus diligenter obseruatum est, in quibuscunque locis nominatur Elam, Persas omninò intelligi debere. Plinius lib. 6. cap. 28. cum loquitur de Persis, inquit: Mare accolunt & Elamitæ. Diuus etiā Hieronymus cap. XIII. *Persæ dicti sunt Elamitæ.* Esaiæ, Didicimus, inquit, à quodam fratre Elamita, qui de illis finibus egrediens, nunc Hierosolymis vitam exigit Monachorum, venationes regias esse in Babylone. Quin etiam & Xenophon meminit Tribus Elamitarum. Plutarchus in vita Pompeij, ibi, inquit, Elymæorum & Medorum regibus, qui legatos ad ipsum mittebat, amice respondit. Suidas pag. 571. tradit, hos quoque Maguseos appellatos, & Magog Persam vocari à suis popularibus. Idem pag. 149. scribit, Magiam, & Astrologiam cœpisse initium à Maguseis. Nam Persæ, inquit, ab incolis Magog, & Magusei dicuntur. Sed Iosephus lib. 1. Ant. cap. vi. per Magoges Scythas intelligit. Quo tempore Sarraceni Persiam inuaserunt, dicti sunt Sarraceni, sibi à victoribus nomen assumentes. Postremis verò temporibus dicti sunt, ac etiam nunc dicuntur Sophyani ab Hismaele Sophy, magni Vsumcassani ex filia nepote, sicuti suo loco explicabitur. Nunc Persia vulgò Azemia nuncupatur.

Quatenus autem ad regiam Persarum familiam & genus attinet, Iosephus in hac est persuasione, vt existimet, ipsos reges potissimum ex Achemenidarum stirpe oriundos: cui astipulatur Ælianus & Iustinus, vnanimi consensu affirmantes, eundem Persicæ nobilitatis conditorem esse. Hoc vt credam verissimum esse, facit in primis Platonis auctoritas, omni exceptione maior, qui in suo Alcibiade recenset, Persarum regum præcipuam stirpem ab eodem Achemenese, Lacedæmoniorum verò nobilitatem ab Hercule deriuari, & proinde vtriusque gentis regum originem, quasi in duos surculos distinctam, ab iisdem auctoribus esse repetendam, siquidem Achemenis & Herculis genus, ad Perseum Iouis filium referri, neminem puto in historia versatum, latere posse. Herodotus, vt in plerisque enarrandis & eruendis est fusior, com-

A 3

plura

Persia quomodo nunc appellatur.

Regia Persarum familia unde ortum traxerit.

plura Persarum genera enumerat, videlicet, Arteates, Persas, Pasagardas, Meraphios, Masios, sed subducto calculo, primas partes Pasagardis tribuit, quos, ut præstantissimos, sic etiam primos Achæmenidarum familiæ, vnde Persarum reges originem duxisse diximus, conditores asserit.

Quis nam
fuerit status
regni Persici
ante Monar-
chiam ad-
e-
tam.

Quantum verò ad regni Persici statum atq; administrationem ante Monarchiam attinet, verisimile omnino videtur, quo tempore Assyrij & Medierum potiebantur, habuisse apud ipsos Persas suos procuratores & administratos; qui se ad præsentem rerum ac temporum conditionem attemperare nossent. Verum successu temporis, elanguente harum duarum potentissimarum gentium imperio, opibusque maiori ex parte tam domi, quam foris vel accisis, vel euerfis, in Persarum potestatem redacti sunt, mutuatis tamen ple-risque rebus ab ipsis victis quæ aliquâ fortitudinis vel militaris sciëntiæ imaginem præ se ferrent, nimirum, cum minimè omnium turpe ducerent, omne quod honestum & virtuti cognatum esse videretur, non solum in ipso hoste admirari, verum etiam sedulo imitari. Proinde equitandi, sagittandi que studium, cultum, ornatu, religiosam à subditis, regibus exhiberi solitam venerationem, & pleraque id genus alia, à Medis & Assyriis in Persiam vnà cum potentia commigrasse, Annales referunt. Et si ergo externis principibus parere cogeretur, eosque pro suis dominis agnoscere, id tamen haudquaquam impediuit, quo minus maxima libertate vsi sint, & patria iura perpetuo conseruarint, ac diuersam cum à cæteris gentibus, tum etiam ab ipsis Medis formam imperij ac regiminis inter se habuerint. Hoc autem, si quis verba Xenophontis diligenter obseruauerit, proculdubio verissimum esse fatebitur. Quò autem id rectius intelligatur, paulò altius repetendum censui. Cum enim Astyages filiam suam Mandanem, Cambysi, Achæmenis filio, in matrimonium collocatam, vnà cum nepote, qui iam annum duodecimum & amplius attigerat, & cuius, propter incredibilem tam corporis, quam animi præstantiam & magnitudinem, immenso videndi desiderio tenebatur, accerseret, Mandanem, assumpto filio, ad eum perrexerit. Vbi verò aliquandiu in Media fuissent apud Astyagem, iamque mater in Persiam reditura esset, filium interrogauit, num vellet manere, an discedere. Is autem respondit, se domi suæ videri præstantissimum æqualium, sagittarum & iaculorum arte: sed apud Medos æqualibus inferiorem equitandi scientia, idque sibi permolestum esse, atque idcirco se cupere ibi aliquandiu remanere, ut equitationem perdisceret. Tum matrem dixisse: Iustitiam verò quæ discas hîc, mi fili, cum præceptores sint illic? Cyrum autem dixisse, iam illam se prorsus tenere, iuraque omnia exquisitè addidicisse. Quòd si quid fortè minus calleret, id se ab auo cognosciturum: At illam dixisse, nō eadem iura apud auum, & apud Persas seruari. Hunc enim dominum se constituisse Medorum omnium: apud Persas autem æqualitatem iustam haberi, eiusque patrem primum ex præscripto omnia accipere, omniaque metiri non animo suo, sed legibus. Proinde filium admonebat, cauere, ne à suo præceptore verberibus afficeretur, si domum rediret, edoctus ab eo, quo pacto regia potestas in dominationem & tyrannidem mutanda esset: in quo hæc persuasio inesset, pluribus vnum, quam alios omnes, potiri oportere. Ex hoc Mandanes & eius filij dialogo facillè intelligi potest, quis tunc temporis Persici regni fuerit status atq; guber-

gubernandi formula, cum ex contractis duorum regnorum moribus, atque consuetudinibus, illa vel eius peritiam, vel inscitiam arguere conetur, ita profecto, ut ex hac Xenophontis Cyropædia, tanquam in speculo, multa oculis subiiciantur, quæ haud parum ad politiæ Persicæ cognitionem pertineant. Diuinus enim ille vir, cum Cyrum non tam ad veritatem historia, quam ad veri Principis effigiem, effingit, nihil ociosum profert in medium, sed pro præsentis temporum rerumque cognitione, grauissimè omnia dissertat, nihilque penitus omittit, quod ad plenam istorum regnorum administrationem facere videatur. Nunc reliquum est, ut obiter explicemus, quibus potissimum de causis, quibusque temporibus, & quo pacto reges olim creari cœperint: quæ quidem traditio ut suapte materia requirit magnum iudicium, & singularem delectum, tamen Ciceronis auctoritatem in his secutus, ipsius verba ascribere, operæpretium duxi. Inquit enim Cicero libro Officiorum secundo in hunc ferè sensum: Mihi quidem, non apud Medos *Civ olim
creati reges.* solum, ut ait Herodorus, sed etiam apud maiores nostros, seruandæ iustitiæ causa videntur bene morati reges constituti. Nam cum premeretur inops multitudo ab iis, qui maiores opes habebant, ad vnum aliquem confugiebant virtute præstantem, qui cum prohiberet iniuria tenuiores, æquitate constituenda summos cum infimis pari iure retinebat. Eademque constituendarum legum fuit causa, quæ regum. Ius enim semper est quæsitum æquabile: neque enim aliter esset ius. Id si ab vno bono & iusto viro consequerentur, eo erant contenti: cum id minus contingeret, leges sunt inuentæ, quæ cum omnibus semper vna eademque voce loqueretur. Hæc Cicero. Nec aberrat ab hac Ciceronis sententia & traditione, veterum Romanorum creandorum regum consuetudo. Quippe cum clarum sit, urbem ipsam statim ab initio reges habuisse, quorum primus & conditor fuit Romulus. Multa fuere cum ab ipso Romulo, tum ab eius successoribus, præcipuè verò Numa Pompilio, ac reliquis deinceps, excogitata, quæ regni dignitatem cum populi vtilitate conglutinant. Verum ubi indulgentia fortunæ atque rerum felici successu Res Romana à parvis initiis ad summum rerum fastigium excreuisset, reges non contenti honoris atque dignitatis prærogatiua, & à recto tramite deflectentes, omnia per fas atque nefas attrectarunt, nullumque suis cupiditatibus modum constituerunt, sed cum illorum audacia, opibus atque impunitate confirmaretur, eò tandem ventum est, ut in omnium iustum odium inciderent, & quibus olim summam venerationem exhibuissent, dira omnia imprecarentur. Tarquinij enim Superbi ob tyrannidem inaudita crudelitas atque ferocia, rem Romanam susque deque tulit, & regiam administrationem usque adeò debilitauit, ut Brutus, reliquique boni ciues, cum summo vitæ discrimine superbum regem prorsus de medio tollere iudicarent, quam in afflicta atque tyrannide oppressa vrbe diutius vitam viuere. Hæc cum ex multis auctoribus luculenter videri possint, supersedeo fusiùs enarrare: commemorabo tamen Mithridatis hac de causa erga Romanos stomachationem, qui illos, propter exactos reges, omnium quotquot viuât, regum capitales hostes nominare solebat. Quin etiam non modò tyrannos, ac reges, veluti alienæ libertatis oppressores, ut Arriani verbis utar, ingenti odio prosequerentur, sed etiam regias familias, cum omnes, tum eas maximè

quæ potentes antea fuissent, quas quidem crescere in provinciis nolebant, modisque omnibus annitebantur eas extinguere, ne scilicet quis demum superesset, qui generis sublatus fiducia, ipsorum usurpatam in eos dominationem impediret. Ceterum Persæ, Medi, atque his finitimæ Nationes, regium nomen summa semper veneratione coluerunt; & Republicæ his in locis rariores fuerunt: sicuti è contrà, regij nominis auctoritas & maiestas, ubique eximia & in summa observatione habita, existimantes, Maiestatem imperij, salutis esse tutelam: quin etiam eo cultu & obseruantia minimè contenti, eos deinde instar Deorum adorare incœperunt. Hinc vares Mantuanus cum 4. Georg. lib. de apibus loqueretur, horum populorum naturam & consuetudinem quàm breuissimè nobis ob oculos posuit, inquiens:

Apud Persas
& Medos
regium no-
men in sum-
ma venera-
tione habi-
tū.

*Præterea, regem non sic Ægyptus, & ingens
Lydia, nec populi Parthorum, aut Medus Hydaspes,*

Obseruant. Regū autē filios contraria planè cōsuetudine à Romanis, magno honore ac obseruatiā prosequébatur, & post parentū obitū, in eorū locū substituebant. Id verò neq; semper fuit, neq; apud omnes gentes. Nam Diod. lib. II. Antiquitus, inquit, nō ad principantiū progeniē ferebantur regna: sed ad eos qui plurimū de hominū vita meriti viderētur, siue ob cōmunē vtilitatē creāte sibi reges populo, siue quòd ita in libris sacris cōtineretur. Ex his ergo apparet, nō semper apud ipsos eandē fuisse creandi regis rationē, nec semper filios in parentū locū substitutos. Nam persæpe ex sacerdotibus, vel bellicosis viris reges creabantur. Huic enim generis nobilitas & honor ex fortitudine, illi propter sapientiā accedebat. Qui verò ex bellicosis eligebatur, statim sacerdos fiebat, & particeps philosophiæ, quæ magna ex parte fabulis & rationibus obscura veritatis vestigia præseferentibus inuoluebatur. Quod etiā ipsi significabant Sphinges ante tēpla constituti, vtpotē ænigmaticam sapientiam theologia ipsorum continente. Quin & Minervæ, quam Isidem cognominabant, quod in Sai erat, simulachrum, huiusmodi inscriptionem habebat: Ego sum omne quod fuit, quod est, quod quæerit, & peplum in eum nemo mortalium reuelauit. De Medis quidem montanis Strabo asserit, eos in regem eligere solitos, qui corporis robore ac fortitudine cæteris anteibant. Æthiopes, illum sibi regem præficiēbant, qui esset omnium pulcherrimus. Apud aliquas gentes illi utiq; principatus dabatur, qui corporis magnitudine ac proceritate reliquis præstabat. Nonnulli verò, nihil horum admirati, in eos regiam dignitatem conferebant, quos virtus, rerumque peritia præ cæteris commendabat. Hinc Ægyptij, Amasim, virum bellica disciplina & ingenio præstātem, licet ex humili familia, regali sceptro decorarunt. De Germanis autem Cornelius Tacitus in eo libro, ubi agit de ipsorum moribus, tradit, apud eos scutum reliquisse, præcipuum fuisse flagitium, nec aut sacris adesse, aut concilium inire ignominioso fas, multosq; superstites bellorum infamiam laqueo finiuisse: Reges ex nobilitate, dices ex virtute sumptos. Nec regibus infinitam ac liberam potestatem fuisse, ducesque exemplo potius quàm imperio, si prompti, si conspicui, si ante aciem agebant, cum admiratione præfuisse. Idem paulò post: Cū ventum in aciem, inquit, turpe Principi virtute vinci, turpe comitatu virtutem Principis non æquare. Iam verò infame in omnem vitam ac probrosum, supersti-

Diversa ratio
apud complu-
res Nationes
creandi reges.

tem

tem principi suo ex acie recessisse: illum defendere, tueri, sua quoque fortia facta gloriæ eius assignare, Principi sacramentum est. Principes pro victoria pugnant, comites pro principe. Hæc postrema libèter addidi in decus, dignitatem & gloriam indytæ ac nobilissimæ Nationis Germanicæ, in qua semper vitæ integritas & vera militia resplenduit. His verò temporibus, non modò his virtutibus, quas olim à suis maioribus tanquam per manus accepit, conspicua, & vndiquaque illustris emicat: verum etiam optimarum artium studiis, multiplici doctrina, eloquentia, pietatè, ac variarum linguarum cognitione ita fleret, ut quævis alia vel præcipui nominis. Adde morum simplicitatem, beneficentiam, candorem, fidem, honestatem. Quid iam dicam de opibus & potentia? quid de Principum virorum vetustissimo stemmate? quid munitissima & celeberrima oppida vrbesque commemorem? quid sanctissimas leges, ritus, & instituta recenscam? quid denique soli fertilitatem, hominumque industriam in partim excolendis agris, partim etiam in rebus præclaris inueniendis excogitandisque aut prædicem, aut enarrem? Hæc sanè sic orbi iam innotuere, ut mea commendatione minimè opus habeant, nec si maximè velim, suscepti argumenti series patitur. Ceterum instar longissimæ orationis erit elogium quod extat apud eundem Tacitum Annalium lib. XIIII. NVLLOS MORTALES ARMIS, AVT FIDE, ANTE GERMANOS ESSE. Id verò neutiquam silentio prætereundum videtur, nempe fuisse quàmplurimos, qui hoc iudicium creandi regis, aut Deorum oraculis, aut fortunæ, vel auspiciis committerent. Nec sanè obscurum est, quomodo septem illi Persarum Principes, Dariû Hystaspis filium, sicuti suo loco enarrabitur, ad hoc supremum fastigium prouexerint. Omitto nunc loqui de tyrannis, qui publica libertate oppressa, imperium sibi, omni qua potuerunt ratione vsurparunt: aut de his, qui iure belli aliena regna sibi vendicarunt. Hi enim proprio Marte suisque viribus, quod alioqui publico ciuium suffragio eis denegatum esset, occuparunt, & quod semel adepti fuerant, Virtute duce, comite Fortuna, latius propagantes, effecere, ut qui ex se progeniti erant, nepotes, vel qui arctiori necessitudine iungebatur, sibi post obitum in imperio succederent. Et de his quidem hætenus dictum sit. Nunc ad ipsam Persarum Monarchiam propius accedamus. & primò quidem Cyrus nobis sese offert, tantæ Monarchiæ auctor præcipuus, qui Assyriorum ac Medorum imperium ad suos transferens, Persis initium regnandi fuit. Proinde ab hoc laudatissimo ac præstantissimo rege exorsus, vsque ad vltimum Darium deuietum ab Alexandro Macedone, deueniam, simulque, ut antea me facturum recepi, quisnam fuerit huius potentissimi regni status atque conditio post amissam Monarchiam vsque ad nostram hanc tempestatem, aperiarn, & quàm plenissimè demonstrabo. Hic autem, priusquam vltius progrediar, somnium Nabuchodonosor, cuius mētio fit apud Daniele cap. II. cum ipsius interpretatione subiiciam. Hinc enim liquidò patebit quatuor amplissimorum imperiorum status, & quomodo tandem corruerit. Hoc autem fuit huiusmodi. Videbatur sibi videre statuam grandem stantem, cuius caput erat aureum, humeri ac brachia argentea, venter & fæmora ærea, crura ac pedes ferrei: deinde vidit saxum abruptum à monte in statuam illam incidere, & hanc deiectam conterere, ut nulla eius

Lau Cer-
manorum.

Cyrus Persi-
æ Monar-
chiæ auctor.

Somnium
Nabuchodo-
nosor, ac eius
interpretatio
ex Daniele.

eius pars maneret integra, sed aurum, argentum, æs & ferrum abiret in minuiorem farina puluerem, cumque ingruente venti vi, difflatum in terras diuersissimas. Saxum verò illud, tam magnum accepisse incrementum, ut quantum est terrarum sua mole opprimeret. Et hoc quidem est quod viderat somnium, quod in hunc modum Daniel interpretatus est. Aureum illud caput, inquit, te significat, & alios reges ante te Babylonios: duæ verò manus & humeri duo portendunt, quod à duobus regibus vestrum imperium delebitur, illorum quoque imperium alius ab Occidente veniens, tollet è medio, amictus armis æreis. Huius quoque vires debellabuntur ab alio ferro simili, cui propter naturam ferri nihil poterit resistere, quod ea sit auro, argento, ac ære validior. Hæc Daniel, qui etiam de lapide significationem adiecit, quod simul patet ex Iosepho Antiq. lib. x. cap. xi. De ipso autem Nabuchodonosor, idem sanè dici potest, quod de Aiace Telamonio. Vtenim hic punitus est furore, quia patri benemolenti arrogantissime respondit, Maior sum, quam cui possit fortuna nocere, timidus & ignauis opus est auxilio Dei; ego verò vel sine Deo adiutore hostes vincere possum: ita ipse propter similem arrogantiam mente captus, inter bestias discurrit. Huius furoris mentionem facit Alphæus, de rebus Assyriorum scribens: Megalthenes, inquit, vir priscus, Nabuchodonosorē Hercule robustiorem fuisse dicit, vniuersamque Libyam atque Asiam usque ad Armenios subegisse, quem Chaldæi dicunt, cum in regnum rediisset, furore diuinitus captum, magna voce exclamasse: O Babylonij, futuram vobis calamitatem prænuncio, quam neque Belus, nec vlla vis Deorum auerter, veniet Persa miles, qui vobis afferet seruitutem. Hæc Alphæus. At meminerimus interim, vtriusque exitum fuisse longè diuersum. Hic enim duriter castigatus, ad Deum conuertitur, & mirando modo restitutus in regnum, agnoscit se prius tutum fuisse, nec suā virtute, nec amicorum fide, nec etiam regū ac nationū clientelis quas ostentare crebrò solebat, sed Deo seruante, protegente, & gubernante. Hic igitur, & filius eius Euilmerodach, fiunt vasa misericordiæ: at nihil huiusmodi legitur de Aiace, cuius exitum longè miserrimum extitisse, historici prodiderunt. Nunc ad id, quod potissimum nobis præ manibus est, oratio dirigenda: & primò, vnde Cyrus hoc nomen sumserit, breuiter explicandum. Strabo asserit lib. xv. hunc prius appellatum fuisse Agradatum, & postea Cyrum ab eiusdem nominis fluuio, qui circa Pasagardas per cauam Persiam fluit, nuncupatum. Plutarchus in vita Artaxerxis sub initium, à Sole, quem Persarum lingua Cyrum appellari dicunt, hoc nomen habuisse testatur. Suidas verò pag. 535. sic de ipso, ac eius nomine scriptum reliquit: Cyrus, inquit, rex, patre natus fertur Cambyse, Persarum rege, ex genere Persidarum, qui à Perseo sunt oriundi, & Mandane, Astyagis Medorum regis filia. Hunc Barbari adhuc celebrant, ut & corpore pulcherrimo, & animo humanissimo, discendique cupidissimo præditum: ut & quosuis labores subiret, & nulla pericula recusaret, ob gloriæ cupiditatem. Cyrus autem dictus est, quod per lusum inter adolescentes regni auctoritatem (quod Græcis *κῶερος* est) adeptus esset. Fuit philosophia, ut si quis alius, peritus: à Magis eruditus, & iustitiam, & veritatem didicit, patriis quibusdam legibus, quæ optimatibus latæ sunt. Darium Persæ vocarunt cauponem, ob tributa imposita: Cambysem, dominum: Cyrum, patrem.

Nam

Vnde Cyrus
hoc nomen
sumserit.

Nam ille quidem vendebat omnia: Cambyfes sæuus erat, & temerarius: Cyrus clemens, & populi commodorum studiosus. Hæc Suidas. Quod autem hîc postremò addit, Cyrum vocatum esse patrem, id etiam confirmat Pausanias in Arcadicis pag. 336. Cùm enim fortè in Antonini Augusti, prioris huius nominis, mentionem incidisset, hunc ait, quòd singulari studio visus esset Deos immortales colere, Pium à Romanis vocatum. & mox subiungit: Mea autem opinione & nomen Cyri maioris dignum est quod laude velletur, ut qui pater mortalium sit appellatus. Illud etiam hîc obiter adiiciendum putavi, nimirum ab oraculo Mulum fuisse vocatum, eo quòd, iuxta Herodotum, duabus ex gentibus ortus esset, videlicet patre Persa, & quidem Medis subiecto, & matre Meda, Astyagis regis Medorum filia. Oraculum verò fuit huiusmodi:

*Ast ubi Medorum ius regni Mulus habebit,
Lyde tenelle pedes, illuc quà calculus Hermi
Creber inundat aquis, tunc aufuge, nec properanti
Vlla moram obiiciat res, nec nihili esse recusa.*

Porro illud minimè silentio prætereundum videtur, nempe Astyagi Medorum Assyriorumque regi, in somnis oblatam speciem tulisse, qui ex naturalibus filia vitæ enatam, cuius palmitæ omnis Asia obumbraretur, vidisse visus erat. Quare consulti arioli, nepotem futurum, qui toti Asia imperitaret, & regni sibi responderunt portendi euerfionem. Quænam verò fuerit Cyri coniunx, à Poliano, & Suida variè traditur. Prior quidem lib. VIII. nominat quandam Niteren sibi missam ab Amasi rege Egyptiorum, cuius affinitatem expetuerat, & quam ipsius filiam existimarat, cùm tamen esset filia Apria regis, quo deuieto, is regnum capefferat. Cyrum tamen progressu temporis re cognita, huiusmodi iniuriam ultum esse in eius filio Psammeticcho, cùm Amasis eius pater suum diem obiisset. Alter verò, cuius sententia ad veritatem propius accedit, pag. 527. scribit, fuisse Bardanem, filiam Ciaxaris Medi, qui & alio nomine Darius dictus est, cuius cõsilio Daniele m vatem accersiri iusserit, ut ex eo de successu belli, quod inter ipsum, & Cræsum intercesserat, quodque ipsius animum valde anxium & sollicitum reddebat, intelligeret. Eius autem verba, propter multiplicem ac plenam huius historia cognitionem, hîc subiiciam. Cræsus, inquit, rex Lydorum, Asia immensis opibus subacta, superbè cum omnibus Assyriorum regibus agebat. Cyro itaque Assyriorum regi scribit sic: Permittimus tibi excedere regno, ut quod & initio nostrum fuerit, & ad nostros fines pertineat. Neque enim subsistes, nobis contra te insurgentibus: neque tantam nostram felicitatem sustinebis. Cui Cyrus ita rescripsit: Siquidem totus mundus tibi non satis est in tanto splendore: rectè nobis ista dicis. Si verò tot regionibus dominans, nostram etiam adamas: non apud te fortunæ fauor in certamine contra nos permanebit. His scriptis, Cyrus in Indiam migraturus erat, ut crudelitatem Cræsi effugeret: At vxor eius Bardane, eo consilio animaduerso, monuit, ut Daniele m quæreret, qui sibi, & Dario multa prædixisset: ex eoque, de Cræsi bello quid statuendum esset, cognosceret. Quo Cyrus audito, virum accersit: è quo cùm victorem se fore Cræsi didicisset, bellum apparat. Similiter & Cræsus ad oraculum misit, & hoc responsum accepit:

*Astyagis
somnia.*

*Cyri con-
iunx.*

*De bello in-
ter Cyrum
& Cræsum.*

Novi

Noui ego & arenæ numerum, & mensuras maris:
 Et mutum intelligo, & non loquentem audio.
 Nidor autem in mentem meam venit robustæ testudinis,
 Elixæ in abeno vnâ cum agnitis carnibus,
 Cui æs, & imminet, & æs in ea erit.

Cùm verò se delusum intelligeret, denuò mittit legatos, quibus Pythia re-
 spondit, *κεῖσος ἄλυν δαβὰς μεγάλην ἀρχὴν καταλύσει,*

Cræsus Halim superans, magnam peruertet opum vim.

Peruertit autem suas opes. Cyrus verò captiuus Iudæorum dimissis, instaurat Hierosolyma. Hæc Suidas, qui plāraq; alia de illo recēset, aitque inter cetera, cùm se ditissimum & beatissimum esse existimaret, Solonem Atheniensem, virum sapientem accersuisse: & thesauris ceterisque opibus ostentatis, num quem se beatiorem vidisset, interrogasse. Tum illum: Tellum dixisse, Atheniensem, qui feliciter vixit, & pugnans pro patria occubuit. Rege sciscitante, Quem post illum? Cleobin, inquit, & Bitonem Argiuos: qui cùm mater ipsorum Theano seu Cydippe sacerdos esset, solenni pompa ritu patrio ad fanum Iunonis itura curru, cùm tardè iumenta adducerentur, ceruicibus suppositis currum traxerunt, & matrem in fanum perduxerunt. Quæ cùm Iunonem orasset, vt optimum rerum humanarum suis filiis largiretur; secuta nocte ambo mortui sunt inuenti. Hæc sanè omnia Herodotus ac Xenophon longa & diserta oratione prosequuntur, & quo modo tandem moto aduersus Cyrum bello, victus sit in Cappadocia, & statim postea Sardibus obfessis, à Cyro captus 14. die ab vrbis oppugnatione, quod quidem incidit in annum ab orbe creato 3423. Olympiade 59. anno ab vrb. cond. 209. Seruio Tullio Romanis imperante. Quo tempore cœptæ sunt obsideri Sardes & Cræsus, facta est memorabilis pugna propter contētionem de agro Thyrea, in qua 300. Lacedæmonij cum 300. Argiuis conflixerūt, in quibus duo Argiui, & vnus tantum Spartiata superfuere. Huius quidem congressus & colloquij Solonis cum Cræso super hominis felicitate ac beata vita, præter hos auctores, plurimi alij meminerunt, præcipuè Stagirita, cùm lib. 1. moralis philosophiæ ad Nimochum filium, & cap. x. ac eiusdem operis lib. x. & cap. viii. tum etiam lib. ii. Ethic. ad Eudemum, vbi etiam refellere videtur Solonis sententiam, qui dicebat, neminem dici posse felicem, antequam suprema dies aduenisset. In hac sanè historia multæ sententiæ memorabiles in Herod. leguntur. vt verò alias omittam, ea est vtique insignis, cùm Solon apud Herod. inquit, *πάνθ' ἂν θάνατος συμφορῇ.* id est, Homo hoc totum quod est, est obnoxium multis calamitatibus & aduersis casibus. Apud Xenoph.

Oraculum recitatur:

σπουδὴν γινώσκων ἐν δαίμων κεῖσσε πρῶτος.

Semper eris, si tu noscas te, Cræse beatus.

Sed quoniam hac suiipsius cognitione caruit, seque propter maximas opes ac potentiam inter mortales felicissimum existimabat; ex fastigio tandem supremæ dignitatis, post decimum quartum annum, ex quo regnavit, in extremas calamitates decidit, vt Sennacherib, Nabuchodonosor, Dionysius, Tarquinius Superbus, atque alij innumeri, & fit exemplum inconstantia ac fragilitatis humanarum rerum. In hoc tamen fortuna mitius cum illo egisse vide-

videtur, quòd victorem tam generosum & clementem inuenerit, à quo non modò in vita seruatus est, sed etiam in summo honore habitus, & inter præcipuos amicos. Ex duobus liberis, quos cum habuisse, historici testantur, vnus virtute præstantissimus, Atys nomine, in flore ætatis periit: alter mutus fuisse narratur, de quo sanè sic Aulus Gellius ex Herodoti sententia memoriæ prodidit lib. v. cap. ix. Filius Cræsi regis, cùm iam per ætatem fari posset, infans erat: & cùm iam multum adoleuisset, item nihil fari quibat. Mutus autem & elinguis diu habitus est. Cùm verò in patrem eius bello magno victum, & vrbe, in qua erat, capta, hostis gladio deducto, regem esse ignorans, inuaderet, diduxit adolescens os, clamare nitens, eoq̃ue nixu atque imperu spiritus vitium, nodumq̃ue linguæ rupit, planeq̃ue & articulatè elocutus est, clamans in hostem, ne rex Cræsus occideretur. Tum & hostis gladium reduxit, & rex vita donatus est, & adolescens loqui prorsus deinceps incepit. Herodotus in historiis huius memoriæ scriptor est: eiusque verba sunt, quæ prima dixisse filium Cræsi refert, ὁ δὲ υἱὸς Κρέσιος, μὴ ἴτε εἶναι Κερίσσιον. Huius rei meminit etiam Val. lib. v. cap. iiii. vbi agit de pietate in parentes. Idem etiam lib. i. cap. 7. meminit alterius qui in venatione apri casu interfectus est, cuius quidem rei Herod. longam & disertam narrationem contexuit. Gellius ibidem recenset etiam de quodam Samio athleta, cui nomen fuerit Angles, quem scribit, cùm antea non loquens fuisset, ob similem causam loqui cœpisse perhibitu. Huius autè rei causam Solinus cap. vii. timorè censet, aitq̃ue, metum perimere memoriā, & timorem vocis esse incitamentum, quam non solum acuat, sed etiam, si nunquam fuerit, extorqueat. Denique, inquit, cùm Olymp. octaua & quinquagesima victor Cyrus intrasset Asiæ oppidum Sardas, vbi tunc Cræsus latebat, Athis F. regis mutus ad id vsque temporis, in vocem erupit, vi timoris. Exclamasse enim dicitur, Parce patri meo Cyre, & te hominem esse vel casibus disce nostris. De ipso autem Cræso à veteribus inter cætera proditum est, hunc dicasse Apollini lateres aureos centum viginti, quibus pondus erat talenta bina, & aureas trecentas sexaginta phialas binis minis expensas, leonisque & feminæ signa aurea ex auro excocto, quæ quidem omnia auri talenta trecentis & triginta æstimata fuerint: redactisq̃; omnibus quæ ex auro sunt conflata; ad argenti rationem talenti quatuor millia perficerentur. Polyænus lib. iiii. hæc duo stratagemata de Cræso recensuit, illum videlicet, Græcis auxiliis cunctantibus, robustissimos ac maximos Lydorum Græcanicis armis subornasse: Cyri milites inusitatum armaturæ Græcanicæ speciem extinuisse; ac etiam hastarum cum scutis collifarum fremitum terrorem Persis iniecisse, & æncorum scutorum splendorē, Persicorum equorum aciem perstrinxisse atque auertisse. Itaque Cyrum eo tempore superatum, trium dierum inducias cum Cræso fecisse. Alterum verò huiusmodi fuisse retulit, Cræsum scilicet, in Cappadocia victum à Cyro, vt commodè fugam facere posset, militibus imperasse, vt magnam lignorum multitudinem comportarent: his, viam angustam & arctam strauisse: cumq̃ue nox ingrueret, per ea copias abduxisse magna celeritate: equites verò leuissimos & celerrimos reliquisse: qui cùm primum illuxisset, syluam incenderent: hoc pacto Cræsum per fugam euasisse. Cyrum autem à persequendo flamma prohibitum. Hæc autem lubens interdum recenseo, vt constet,

Filius Cræsi.

Cræsi stratagemata.

B

hoc

Stratagemata
quid sit.

Agessilai vo-
tam.

Stratagemata
non esse
improbanda.

Abrahamus
Patriarcha
vultur stra-
tagemate.

Esaia vati-
cinum de
Cyro.

Cyrus fauet
populo Israe-
lico.

hoc genus pugnandi veteribus non fuisse incognitum, sæpèque illis & de-
cus & maximas utilitates peperisse. Nec enim aliud stratagma est, quàm in-
geniosum in bello inventum, quod ad eius qui excogitat utilitatem, & ad
hostiũ perniciem haud mediocriter momentum habet. Fieri autem nõ potest;
vt hoc tam gloriosum & præstabile nomen iure cadat in perfidiam ac per-
iurium, quibus plerofque homines ad malitiam natos pugnare videmus;
quos tantum abesse à bellicis virtutibus putandum est, quantum absunt à
fide. Nam ea prima laus est militis, fidem etiam hosti, vel capitis sui periculo
servare. Itaque fertur Agessilaus maximis semper votis optasse, vt hostes
Deorum numen aliquo peccato læderent: hinc enim facilem victoriam
sperabat. Nec sanè quicquam tetrius, hominisque natura indignius, quàm
violare iusiurandum, fidem datam fallere, numen contemnere. At hostem
fallere, doloque vti absque perfidia, & iuxta vulgare proverbum, vbi leonis
pelle nihil proficitur, vulpinam pellem induere, id sanè, vt conducibile ac
proficuum est, ita quoque honorificum censi debet: Hæc militaria strata-
gemata non esse improbanda, neque à Deo prohibita, vel Abrahami exem-
plo abundè doceri potest. Hic enim, ceu sacræ literæ testantur Genesis cap.
xiiii. vt captum audiuit Lot fratrem suum, eiusque familiam abreptam, com-
trecentis decem & octo, quinque reges noctu securos & stertentes inuasit.
Hi verò excitati periculo, fugam arripuerunt, ignari tam paucos esse. Non
etiam in vno, sed in pluribus locis, diuiso exercitu eos adortus est, & suos li-
beravit. Rectè itaq; Plutarchus inquit. Fœdera iniuste frangere impium est:
sed hostem fallere, non modò iustum & honestum est, verum iucundum
quoque & lucrosum. Nos autem interim reliqua de Cyro prosequamur. Ci-
cero lib. i. De diuinatione testatur, in Dionysij Persicis libris extare, Cyro
dormienti Solem ad pedes visum esse, ac cum ter frustra appetiuisse manibus,
cùm se conuoluēs Sole elaberetur, & abiret. Ex hac triplici appetitione Solis,
ei Magos, (quod genus, inquit, sapientum, & doctorum hominum habeba-
tur in Persis, & alibi eis tribuit augurandi & diuinandi scientiam) prædixit
se, illum xxx. annos regnaturum esse. Quod ita contigisse ait, eumque ad lxx.
annos peruenisse, cùm lx. natus annos regnare cœpisset. At multò clarius
vaticinium de illo extat in sacris literis, in quibus nominatim exprimitur, &
præsertim in Esaia propheta prædicente, hunc regem liberaturum Israëlitas,
& instauraturum templum ac cultum diuinum Hierosolymis. Constat au-
tem ex Iosepho Ant lib. xi. cap. i. hunc Prophetam ducentis & decem annis
ante ipsius ætatem ea conscripisse, & centum quadraginta annis antequam
templum deuastaretur. Hæc vaticinia cùm Cyrus legisset, admiratus vatis
diuinitatem, gentem Iudaicam summo amore amplexus est, & maxima cu-
pidine correptus exequendi quæ scripta legerat. Dimisit autem Iudæos libe-
ros deductos Babylona ab Assyriis, cùm Nabuchodonosor urbem cepisset,
& illam vnà cum templo diruisset ac inflammasset. Ab huius autem excidio
vsque ad instauracionem interceperunt anni septuaginta, vt clarè habetur
apud Ierem. cap. xxv. In ea verò expeditione Cyrus belli socium habuit Cya-
xarem suum consobrinum, qui à Daniele nominatur Darius Medus, filium
Astyagis, quem sacræ literæ Assuerum vocant, cum eo varia & magna bella
gessit annos amplius viginti, antequam cepit Babylonem. Nam rex Assy-
rius

rius Medis bellum intulerat, & hic socium habuit Cræsum. Nominat autem regem Assyrium Herodotus Labynitum, qui existimatur esse Balassar apud Dan. At Berofus, auctore Iosepho, Nabonidū vocat, Laborosardochi successorem. Idem auctor asserit, Cyrum transmisisse etiam vasa Dei, quæ auferens à templo rex Nabuchodonosor, ad Babyloniam usque portauerat, eaque reuocanda tradidisse Mithridati suorum thesaurorum custodi, ac precepisse, ut ea daret seruanda Abassaro, donec templum instauraretur. Quo tandem absoluto, is traderet sacerdotibus & principibus populi Israëliti reponenda in templo. Præterea Cyrum direxisse epistolam ad Syriæ satrapas hæc continentē. REX Cyrus, inquit, Sisinnio & Sarabasnæ salutē. Iudæos, *Cyri epistola missa ad Syriæ satrapas.* terram meam inhabitantes, qui voluerunt, in suam patriam remigrare permisi, & ciuitatem renouare, & templum Dei in Hierosolyma rursus ædificare in eodem loco, vbi prius fuerat constitutum. Misi autem & Mithridatem meum quæstorem, & Zorobabelum principem Iudæorum, ut fundamenta restituant, & templum instaurent: cuius altitudo sit sexaginta cubitorum, eorundem & latitudo, & faciant tres parietes lapideos ex lapide polito, & vnum parietem ligneum ex materiis ipsius prouinciæ: Similiter & altare, super quod immolent Deo. Sumptus verò de meo in his omnibus volo fieri. Transmisi etiam vasa, quæ de templo rex Nabuchodonosor abstulerat, tradens ea Mithridati pecuniarum mearum custodi, & Zorobabel principi Iudæorum, quatenus ea ad Hierosolymam reportet, & templo Dei restituant. Quorum numerus est tantus. Refrigeratoria aurea quinquaginta; argentea quingenta; situlæ aureæ, quinquaginta: argenteæ quingentæ: libatoria aurea triginta: patere aureæ triginta: argenteæ duo millia quadringentæ: & vasa alia maxima mille. Concedo etiam eis honorem, quo potiebantur parentes eorum. Præterea pro iumentis, & oleo, & vino, dragmas ducenta quinque milia quingentas: & ad similitudinem tritici, viginti quinque millia, quadringentas artabas, quæ iubeo præberi de tributis Samariæ, faciantque immolationes in Hierosolymis sacerdotes secundum leges Mosaicæ, & offerentes supplicent Deo pro salute regis & generis eius, ut regnum Persarum permaneat. Eos verò qui hæc contempserint, vel infirmauerint, iubeo crucifigi, ac eorum bona & fortunas regio fisco adiudicari. Et epistola quidem in hanc sententiam conscripta fuit. Hi autem qui ex captiuitate ad Hierosolymas rediere, fuerunt milia sexcenta duo, & quadringenti sexaginta duo, ut idem auctor testatur. Et quoniam rex Lydorum & Ioniæ Græcis notiores fuerunt, propterea bellum Ionicum copiosius, quàm hæc Cyri Babylonica expeditio, descriptum est. Fuit autem eo tempore florentissima Ionia, & vr- *Ionia.* bibus, ingeniis, atque artibus ornatissima: sed à Cyro & Harpago multæ magnæ vrbes deletæ sunt, fueruntque tantæ calamitates, ut multitudo nauigiis ex vrbibus fugiens, vtrò se in mare demerferit. Apparet autem libidinum confusionem causam fuisse tantarum poenarum. Eo tempore Phocæ Ionica vrbe circumfessa ab Harpago, ciues, deserta patria, cum coniugibus & liberis nauigarunt in Corsicam, indeque Rhegium, & Veliam, postremò vltius profecti, Marsiliam in littore Gallico condiderunt, vbi longo tempore Ionicam linguam & doctrinas retinuerunt, & iustitiæ ac disciplinæ laude excellerunt. Hos autem ferunt relictæ vrbe, cum ab Harpago obsiderentur, pro-

Babylon quo
tempore à
Cyro expu-
gnatur.

fectos esse Occidentem versus, ferreis massis in mare coniectis: addita execratione, se non prius in patriam reuersuros, quam illi emerfissent. Cyrus interea, licet ante Babylonem expugnatam, quod quidem incidit in annum orbis creati 3424. plurima strenuè ac feliciter gessisset, Persicę tamen Monarchiæ initium hac insigni victoria constituit, cum hæc ciuitas eo tempore summā arcē imperij obtineret, eoque magis, quod non multò post, mortuo Cyaxare absq; virili prole, regnū Medorū ad eū ex legitima successione peruenit: etsi plurimi logè aliter censuerint, qui planè perhibuerūt, Medis fuisse ereptū imperiū, & regnū illud occupatum à Persis vi bellica, & armis hostilibus: quod tamē existimo perinde esse, ac Cyrum à cane nutritum esse, alios à cerua, quosdā ab equa, nonnullos à vulpe, aut capra, ipsos deniq; imperij Romani conditores Romulū & Remū, à lupa. Illud etiā omnino à veritate alienum existimauerim, inter Cyrum & Astyagen fuisse vnquam ea bella, quorum tam crebra fit mentio apud Herod. Strab. Iustinum, Polienum, & plerosque alios: cum constet ex Xenophonte in libris de Cyri disciplina, illos inter se amanter vixisse, cumque (quod multò maioris ponderis esse debet) sacre literæ Cyrum Cyaxari Astyagis filio in militia socium adiungant. Vt verò, quo tandem exitu hic optimus & præstantissimus princeps vitam terminarit, quàm breuissimè dicatur, postquam is iam sibi Asiam ferè vniuersam, necnon magnam Orientis partem suo imperio adiecisset, Massagetis bellum intulit. Plinius lib. vi. cap. xvi. ponit Sogdianos vltra Bactrianos, deinde Scythas, quorum celebriores dicit esse Sacas, & Massagetās, quos ait esse populos Scythiæ in Asia, vicinos Caspio mari, vestitu, & victu Scythis perquam similes, quo fieri, vt Scythę à plerisq; credātur. Herodotus lib. i. tradit, hanc gentē & magnā, & robustā perhiberi, ad aurorā Solisq; ortū sitā, trans Araxē fluuiū, è regione Issedonorū, ac multos credere, illā esse Scythicę nationis. De Scythis autē in vniuersum, plura videre est apud Herod. lib. i. & IIII. apud Ptol. & Strab. variis in locis, & Curtiū lib. vi. & vii. Iust. lib. II. Ex recentioribus autē, vide i. lib. Matthiæ à Michou, vbi agit de Sarmatia Asiana, qui inseritur in opere, cui titulus est Nouus orbis. Ex his verò Massagetis, Gothos genus atq; originē duxisse, nomē indicat, quod quidē à Gethis compositū est, & Mes. Fuerūt autē Mes & Gether-posteri Sē, vt Genesis testatur. Ab illis Getas esse consentaneum est, & vicini in ea regione fuerunt Massagetæ, Sueui, & Alani. Cum itaq; Cyrus has gentes populabundas per Asiam excursions facere, multaq; damna inferre animaduerneret, vt eam ab horum prædationibus & iniuriis tutam redderet, iuxtaque suum imperium ampliaret, arma in illos vertit. Herodotus huius belli duas causas recenset, primam quidem fuisse ipsius genituram, eò quod sibi videretur maius quiddam homine esse: alteram felicitatem, qua fuerat vsus aduersus hostes. Cæterum communis fama obtinuit, Cyrum, Scytharum reginam, Thamyrim nomine per suos legatos in matrimonium postulasse, vt ea simul cum regno potiretur. Ipsam verò sagaci suorum sapientum consilio, & qua pollebat prudentia, considerasse, insidiosam fuisse Cyri legationem, per quam non suum coniugium, sed subiectorum populorum seruitus peteretur: proinde missis confestim legatis, Cyrum à regni ingressu prohibuisse. Qui, cum hic dolus non procederet, alia via incedendum putauit. siquidem vt eam leuē iniuriam

Gothi unde
suum genus
traxerint.

Cyrum Thamyrim postulat in matrimonium.

Thamyris prohibet Cyrum ingressu regni.

iniuriam, quam ipse atrocissimam rebatur, vindicaret, totum imperij sui robur eduxit, castraque ad Araxis fluentia collocans, fluminis ripas pontibus iungere cepit, per eos deinde copias traiecturus. Occupato Cyro in eo labore, Regina per legatum mandat, videat, ne in alios bellum moliendo, sibi ipsi fatum vel perniciem acceleret. satis latum & amplum imperium, quod ei fortuna perimiserat, ita regat, ut vicinas ternas non molester, neque temere impugnet, memor instabilis fortunæ, quæ non perpetuò fouet quos semel euexit. Verùm tamen si in eadem sententia persistere contendat, & omnia malit, quàm pacem, & amicitiam Scytharum, desinat pontes immenso labore construere, sed liberè cunctam gentem suam commodiùs quò voluerit, transponat, cum ipsa interim trium dierum itinere, cum suo exercitu regrediatur: vel si malit, Scythis liberum traiectum permittere, tantundem itineris in suam patriam reuertatur. Hac conditione per Cyrum ad Persarum sapientes relata, conueniēte omnium sententiæ, quod Thamyri, eiusque exercitui secura transmissio concedatur. Interrogatus Cræsus quondam Lydorum rex, nunc Cyri captiuus, diuersam ab aliis sapientibus sententiā profert. Quandoquidem, ô Rex, Dij immortales me tuum captiuum esse voluerunt, meliora tibi domino meo, non hosti, ut olim, propono consilia. Si tu immortalis esses, & immortalis exercitui imperares, vana essent nostra consilia immortalitate securis. At si tu, tuique mortales estis, debes rerum mortalium fortunam tibi aliquando aduersari posse providere. Quocirca si hostis in tuum regnum admissus, ut, quod Dij auertant, superarit, teque fors aliqua ad fugam compulerit, de toto regno periclitabere: neque enim quiescet hostis victoriam prosequi, quam sibi viderit tam insigni fauore arridere. Si verò, quod magis opto, à te superati fugerint, nihil eos in sequendo consequaris: quæ omnia tibi in hostili solo pugnanti feliciora succedent. Et si aduersus casus te hostibus inferiorem reddiderit, habebis regnum tuum ad refugium saluum & intactum: ipsos autem fugientes insectando, totum eorum regnum faciliè subiugabis: coniecturam enim accipio, omnia tibi feliciter successura, si in alteram fluminis partem itinere vnius diei progressus, iusseris castra collocari, quæ in omnibus rebus ad humanum victum necessariis, abundantiam luxumque ostendent. Illic lixarum, calorum, cæteramque imbellium turbam, cuius iacturam mimini duxeris, in excubiis relinque: nisi fallat opinio, aderunt hostes illi Aquilonares, & mox trucidatis castrorum custodibus, se super vina, epulasque effundent: nec crapulæ finem imponent, donec somno vinoque sepulti, ad arma penitus inepti reddantur. Tunc tui præstò aderunt, faciliemque & incruentam victoriam de illis suscepturi. Cyrus, audito Cræsi consilio, sententiam, cui omnes sui sapientes antea consenserant, velocius quàm felicius commutauit. Regina, uti constitutum erat, triduo itinere regressa, Cyro totis eisdem diebus liberrimam facultatem copias suas transponendi concessit. Qui, uti erat à Cræso persuasus, post vnius diei iter, castra delitiis quàm bellis aptiora collocauit, seque ad Araxis fluminis ripas concito reditu recipere curauit. Elapsis triduanis induciis, Regina filium Spargapisem, cui tertiam partem sui exercitus parere iusserat, ad speculandum hostilia castra emittit. Qui cum videret castra magnifico & regio splendore explicata, ratus ibi regem adesse, commilitones

Cyru ad Araxim exercitum eduxit.

Thamyris deservit Cyrum à bello

Cræsi regis Lydoris consilium.

Cyru sequitur consilium Cræsi.

Stratagemata Cyri.

*Spargapifes
filius Tha-
myris capi-
tur, eiusque
exercitus in-
sidius Cyri
profigitur.*

*Thamyris
iterum Cy-
rum ad con-
siliū la-
cessit.*

*Spargapifes
sua mortem
consequitur.*

*Cyri exerci-
tus contra
Thamyrim.*

*Cyrus cum
omnibus co-
piis extin-
ctus.*

*Thamyris
condidit vr-
bem Tha-
myram.*

*Thamyris
stratagemata.*

hortatur, ut se viros fortissimos meminerint, virtutemque patriam totis vi-
ribus referentes, in hostium castra irrumpant. Hæc dicens, non secus ac leo
fremens, primus omnium fertur in hostes, oppugnatisque & expugnatis mi-
litum excubiis, castra opulenta magis, quam tuta ingreditur: in quibus, dura
se, & commilitones suos post partam victoriam vino & epulis permiserat, si-
timque & bellicos sudores, avidius sumpto potu, leuare contendit, primò ab
illecebris insidiosorum castrorum superatur, deinde à superueniente Cyro
cum omnibus copiis suis, quemadmodum prædixerat Cræsus, subiugatur;
ex cuius copiis, plurimi trucidati, multi in captiuitatem abducti, nonnulli
etiam fuga seruati, ad reginam redierunt. A quibus, postquam rerum infeli-
citer gestarum ordinem cognouisset, missò caduceatore, talia referri iussit Cy-
ro: Non tibi blandiaris, aut congratuleris Cyre, quòd viros parum virili vir-
tute deuiceris: dolis vicisti quos armis superare nequiuisti: nec poteris affir-
mare, eos tua fortitudine victos, qui suis vitiis potius succubere, quam tibi.
Filiū meum, quem tibi fortuna captiuum permisit, si placet, æquo munere
compensandum ad me remitte. Cæterum, siue id feceris, siue non, para te ad
proelium: memento, te esse in terra hostili, & cum illis hominibus negotium
habere, qui fortitudine, non dolis vincere didicerint. Hanc animosam reginæ
legationem admiratus Cyrus, iussit eius filium à vinculis absolui: qui mox
restitutam sibi libertatem, in suam extremam conuertit perniciem. Nam
commotus captiuitatis verecundia, ob quam materno conspectu se indi-
gnum putabat, gladium in sua viscera propriis manibus intorsit; præfatus,
quòd deliciis superatus esset, qui fortes viros superare didicisset. Quo fortis-
simo factò, etsi Cyrus consideraret, se periculosi bellì negocium contra ho-
mines audacissimos suscepisse, attamen pudore simul animatus, ducenta
millia Persarum & Medorum contra Reginam ex castris eduxit. Illa autem
quasi ob filij mortem, & ad tantæ multitudinis aspectum terrore consterna-
ta fuisset, fugæ simulatione se ad interiora regni loca, sibi quidem per oppor-
tuna, hosti verò minus accommoda, retraxit. Quà Cyrus forti magis quam
prudenti animo insequutus, ad præparatas insidias deuenit: in quibus cum
vniuersa sua multitudo ita extinctus est, ut ne nuntius quidem superesset,
qui acceptam cladem ad Persas referret. Regina iussit inter tot innumera ca-
dauera corpus Cyri perquiri, & ad suum conspectum allatum, capite spo-
liari: caput verò abscissum, in virem Persarum humano sanguine plenum
immergi, adiecta hac memorabili exprobratione & contumelia: Tu quidem
ô Cyre mecum viuentis, & in pugna victricis filium, perdidisti dolo captū;
at ego te, prout interminata sum, cruore saturabo. sanguinem igitur bibe
quem sisti. Hac parta victoria, Scythæ opimam prædam assecuti, primū
ferica tentoria viderunt, sub quorum apparatu Persicam pompam & ma-
gnificentiam nihilo securiorem fuisse compererunt. Deinde Thamyris tanto
triumpho, tantisque spoliis locupletata, in partem Mæsiæ, quæ nunc ex ma-
gna Scythia nomen habet mutatum, se recipiens, ibi prope pontem Mæsiaci
littoris magnificam urbem Thamyram ex suo nomine ædificauit. Me-
tasthenes Persarum historicus, testatur, hoc bellum fuisse sexennale.
Polyænus, cuius proximè fecimus mentionem, lib. viii. Thamyrim
hoc dolo in ea expeditione usam esse tradit, videlicet, illam simulasse;
se ho-

se hostes metuere, cumque in fugam se Amazonum exercitus coniecisset, & sequeretur Persicum agmen, deprehendisse in Amazonum castris magnam copiam vini, commeatus, & victimarum, quibus assatim & largiter fruebantur, per totam noctem quasi victoriam consecuti. Cum multo vino luxuque obruti iacerent, ac somnum caperent, superuenisse Thamyrim, & Persas, qui se loco mouere vix poterant, vnà cum ipso Cyro trucidasse. At Herod. & Iust. asserunt, ipsummet Cyrum hoc stratagemate in primo conflictu, in quo superior fuit, usum esse. Thamyrim vero simulata diffidentia propter vulnus acceptum, refugientem, hostem ad vsque angustias perduxisse, ibique structis in montibus insidiis, tandem inimicas copias funditus deleuisse, atque in eo praelio Cyrum interentum. Huius quidem sententiae praeter hos, fuerunt etiam plures alij ex veteribus. Iosephus quoque lib. Antiq. XI. cap. XI. hunc Massagetico bello periisse testatur: idemque videre est apud Sex. Frontinū lib. II. cap. V. Strat. cum inquit: Thamyris Scytharū regina, Cyrum Persarum ducem, æquo Marte certantem, simulato metu, elicit ad notas militi suo angustias, atque ibi repente conuerso agmine, natura loci adiuta, deuicit. At Xenophon lib. Prædæ VIII. illum quietè ac placidè suum diem obiisse narrat, atque ait, vbi præsensit naturam sibi finem vitæ attulisse, accersitis aulae proceribus, ac vtroque filio, scilicet Cambyse, & Tanaoxare, longum sermonem habuisse de animæ immortalitate, deque præmiis ac pœnis sequuturis post hanc vitam, ac iudicij diuini, cuius signum ac testimonium forent horrendi pauores conscientiae, qui sint vindices scelerum, etiam si quis humanā iudicia effugerit. Præterea vtrumque filium diuiso imperio, ad iustitiam & fraternam charitatem ac beneuolentiam cohortatum esse, multaque his consimilia, quorum etiam Cato apud Tullium in aureo illo libello De senectute mentionem fecit. Zonaras etiam lib. I. cap. XX. huic sententiae adstipulatur. Verū enim uerò, licet ipse huic sententiae assentiar, de his tamē vniciuique liberū suū esto iudiciū, sicuti etiā de Cyri secūdo genito, quē idē Zonaras Tamaraxē nominat: Xenophō Tanaoxaren, alij Smerden seu Smerdin frequentius. Porro, vt hoc etiam subiungā, non desunt qui existimēt, Cyrum Medū, Darij Medi fratrem, & successorē, cuius soror Mandane, Cyri Persæ mater fuit, à Thamyri Massagetarum regina occisum, & huius exitum, propter nominis similitudinem ad Cyrum Persam ab Herodoto trāslatum esse. Minimè autem ignoro, à Cicerone scribi, huius vitam à Xenophonte non ad historiæ fidem conscriptam, sed potius ad effigiem iusti imperij, vt Platonis Resp. Vlysses Homericus, & ipsiusmet Ciceronis Orator. vtcunque tamen sit, credibile quidem videtur, ipsum ingentibus dotibus re-

Cyri dotes
ac pietas.

Quin etiam ex sacris literis facillimè colligi potest, ipsum vera filij Dei cognitione diuinitus illustratum fuisse, idque ministerio Danielis, cum quo illi maxima familiaritas intercessit, cum is in Persia Susis præficeretur. Huius autem locupletissimum testimonium præbuit, cum Iudæos in patriam restitui, templum instaurari, & politiam Israëliticam rursus erigi voluerit. Quod verò

Eiusdem
sepulchrum.

ad eius sepulchrum attinet, Arrianus lib. VI. sic de illo memoriæ tradidit. Venit tunc in regionem Pasagardarum Atrobates quoque Satrapa Mediæ, adducens Baryaxē natione Medum, quod gestando erectam cidarim, per-

hibuisset sese regem Persarum, atque Medorum, simulque cum ipso participes seditionis ac defectionis, quos quidem Alexander interfici iussit, cum dolorem afferret ei impietatis scelus, reperto sepulchro Cyri Cambyfis filij effosso, ac spoliato, quemadmodum Aristobulus ait: fuisse enim apud Pasagardas in hortis ibi regis Cyri illius sepulchrum, & circum hoc consitum lucum variarum arborum, aqua irriguum, densa herba in illo prato crescente. Ipsum sepulchrum inferiore parte sui egregio lapide extructum, figura quadrata: superius imposita ædícula lapidea recta, cum fenestra, qua introiretur, angusta; adeo ut vix vir vnus non magnæ staturæ ingredi valdè laboriosè posset. In hac ædícula positum labrum illud, spondam seu lectulū cum pedibus aureis affabrè excusis, inieceto tapeti Babylonij operis, & stragulis Persicæ vestis purpureæ, additisque & iis, quas Candys Persæ vocant, & tunicis aliis Babylonæ elaborationis, necnon crurum integumentis, quas Anaxyridas appellant, Medicis, & stolis Hyacinthini, aliisque purpurei, alijs huius illiusve coloris, referente scilicet Aristobulo. Fuere ibidem torques etiam, & acinacæ, & in aures operis concinnati auro ac gemmis. Apposita mensa. In medio autem lectuli illius seu spondæ positum labrum, continens corpus Cyri. Intra septum, quâ ascenderetur ad sepulchrum, fuisse ædiculam parvam extructam magis sepulchri custodibus, filiis succedentibus in custodia patribus, ab Cambyse usque Cyri filio. His dabatur ouis singulis diebus à rege, & farinæ viniq̃ue certa mensura, & vnoquoque mense equus, qui immolaretur Cyro. Insigne fuit sepulchrum scriptura literarū Persicarum, huius sententiæ: *HEVS TV* Homo: ego Cyrus sum Cambyfis filius, qui imperium Persicum constitui, & regnator fui Asiæ. Ne igitur mihi istud monumentum inuideas. Alexander verò, cui curæ esset accedere ad Cyri sepulchrum, Persis in potestate redactis, reperit cætera inde ablata, præter labrum illud & lectulum. Corpus etiam Cyri violarant, operculo labri remoto, & deiecerant cadaver. Ipsumque labrum conati fuerant efficere lenioris molis, ut facilius ita posset ferri; quædam amputantes, quædam defringentes. Quæ res cum minus succederet, ita relicto labro discesserant. Atque ait Aristobulus: sibi ipsi mandatum fuisse ab Alexandro, ut de integro sepulchrum illud exornaret. Itaque quicquid corporis adhuc reliquum integrumque esset, id sese in labrum reposuisse, & operculum imposuisse, & mutilata violataque refecisse, ipsumque lectulum fasciis intendisse, & cætera ad ornatum proposita ad numerum similia pristinis reposuisse. Fenestram autem abscondisse partim lapidibus obstruendo, partim luto oblinendo: lutoque signum regium impressisse. Alexander verò comprehensos Magos custodes sepulchri torfit: At hi in tormentis neque ex suis, neque ex aliis indicarunt quenquam, neque aliter vlllo pacto deprehensum est, facti istius ipsos esse conscios. Et ideo sunt ab Alexandro dimissi liberi. Hucusque Arrianus. Curtius lib. 1 x. eiusdem rei mentionem faciens, dicit, Alexandrum, Cyri sepulchrum aperiri iussisse, in quo erat conditum eius corpus; cui dare volebat inferias. Hoc autem auro argentoque repletum esse credidisse, quia sic fama Persæ vulgaerant: Sed præter clypeum eius putrem, & arcus duos Scythicos, & acinacem, nihil reperisse, Cæterum, corona aurea imposita, amiculo, cui assueuerat ipse, solium, in quo corpus iacebat, velasse: miratum tanti nominis regem, tantis prædi-

præditum opibus, haud preciosius sepultum esse, quam si fuisset e plebe. Paulò post asserit, Bagoam spadonem cuidam Orsini Persarum nobilissimo, eiusque furti penitus infonti, coram Alexandro exprobrare, tria millia talentum condita fuisse cum Cyro, idque se à Dario accepisse. Huius monumenti meminit etiam Strabo lib. xv. Plutarchus autem in vita Alex. scribit, ipsum, cum Cyri sepulchrum effossum offendisset, auctorem facinoris Polymachum, minime quidem ignobilem hominem, Pellaque oriundum necauisse: inscriptionem cum legisset, Græcis subscribi literis iussisse, hanc eius fuisse sententiam: Quicumque ades mortalium, atque vndecunque veneris, (venturum enim te scio) Cyrus ego sum, qui Persicum regnum constitui: ne igitur tantillum mihi telluris inuideas, qua corpus meum obtegitur. Hac re animum Alexandri maiorem in modum perturbatum, incertitudinem rerum vicissitudinemque reputantis. At Xenophon testatur, ipsum non auro, nec argento condi, sed terræ corpus reddi voluisse, ut matri. *Memoria.* Quanta verò memoria Cyrus præstiterit, ex eo facile cognosci potest, quod, ut Valerius, Plinius & Solinus testantur, omnium militum suorum nomina edidicerat, adeo ut in exercitu, cui numerosissimo præfuit, nominatim singulos alloqueretur, tametsi nonnulli in hac fuerint sententia, ut existimauerint, eos tantum intellexisse de militum præfectis. Id etiam de illo refertur, cum scilicet optasse, *Gratitudo.* ut tandiu esset superstes, dum & bene & malè merentes referenda gratia superaret. Ipsius quidem clementia tanta extitit, ut in bellis præconium fieri iusserit, quo seuerissimè cauebatur, ne quis agricolas vlla iniuria & incommodo afficeret, & quam minimum belli esset, *Clementia.* συμμέγιστον, & πόλεμον λιπέειν. Sic itaque vincere iubebat, ut possessores manerent in suis possessionibus, utque armati hostes reprimerentur, & populus pacis cupidus conseruaretur. Quod verò ad ipsius diligentiam attinet, Zonaras lib. i. cap. xx. ait, cum Persarum imperium longè lateque per vniuersam ferè Asiam pateret, Cyrum animaduertisse, necessum esse ad tuendum recens partum armis imperium, ut singulis diebus certior fieret omnium rerum, quæ in regionibus nuper partis gererentur, ut si qui ad defectionem animum adicerent, præstò cum omnibus suis copiis & ipse adforet, cui morbo ut mederetur, equos in vniuerso Persidis imperio parari iussisse, cauponasque construi equis recipiendis & educandis aptas, quæ ita disponerentur, ut equi celerrimo cursu grauati, fessi de via *Tabellionum Persarum cursus & modus* intromitterentur, & noui parati adhiberentur, qui ferendis cursoribus, quos Satrapæ regionum ad regem mitterent, in procinctu essent. His nuntiis, inquit, nihil celerius transcurrit in rebus humanis. quot ex diebus tota via constat, totidem equos, totidemque viros constat esse distinctos, quos neque vis niuium, neque imber, neque æstus, neque nox detinent, quin propositum sibi cursum celerrimè conficiant. Quorum cursorum primus mandata tradit secundo, secundus tertio, tertius quarto, & ita deinceps mandata in alium atque alium transeunt. Qui mos à Cyro inuentus, studiosè à Xerxe Persarum rege, ut Herod. tradidit, probatus est. Hanc equorum cursitationem angarcion appellabant. Augustus verò noluit, ut nuntius subinde mutaretur, sed ut ille qui literas acceperat ferendas, idem perferret, possetque interrogari de rebus illis, quibus præsens interfuisset. Itaque idem nuntius permanebat, equi mutabantur, ut Sueron. Tranquill. in Augusto annotauit. Plut. in Apophthegmatibus,

bus, Cyri mentionem faciens, Persæ, inquit, adunco naso præditos amant, pulcherrimosque eos iudicant, quod tali forma fuit Cyrus, quo neminem regum ij maioris fecerunt. Is dixit, qui sibi ipsis nollent, eos cogi aliis com-
Cyri forma. moda parare. Item, magistratu dignum non esse quenquam, qui non sit me-
Apophibeg- maia. lior subditis. Cum Persæ vellent pro sua regione, montosa ea & aspera, aliam planam & mollem occupare, prohibuit: quod diceret, & stirpium semina, & hominum mores locis adsimilari. Hæc breuiter Plut. Quanta verò fuerit vi-
Parfimonia. tæ parfimonia, hinc facile colligi potest, quod cum fortè ad hospitem diuertisset, isque rogaret, quid cœnæ sibi apparari vellet, respondisse fertur, panem tantum, & sperare, se prope fluentem aquæ riuum cœnaturum. Hunc etiam
Liberalitas. benefica & liberali fuisse natura, vel hoc vnico exemplo facile cõstabit: Cum enim quidam ad eum plurima ornamenta misisset, ea mox distribuit amicis. Cum autem ex eo quæreretur, Cur sibi nihil reliquisset? Quia, inquit, corpus meum his omnibus ornari non potuit: amicos autem his ipsis ornatos in-
Cyri qua- lem hymnum quibus diis in ipso prælij aditu canere iuberet. Acie instruitio. tuens, maximum mihi ipsi ornamentum aptum esse putabo. Is etiam dicere confueuerat, hos, qui repentinis abstinent voluptatibus, non id agere, vt lætentur nunquam, sed vt per hanc continentiam multo maiore in posterum tempus lætitia fruantur. Plutarchus in Regum apoph. refert, Cyro, conflictu-
Militare vexillum. ro cum hoste, loco qui dicitur Cunax, Clearchum suasisse, vt se post Macedones contineret, ne sese in belli discrimen coniiceret: ipsum verò respondisse: Visne, vt cum regnum appetam, regno me indignum ostendam? Hic etiã in bello, ne hostiũ efferis clamoribus milites percussi trepidarẽt, hymnũ Polluci & Castori canere iussit, quo concentu effecit, ne improuisa formidine caperentur. Aciem verò ita instruere solitum, nonnulli tradiderunt, vt videlicet, qui primi in prælio, quique primarum centuriarum milites essent, in secundis pugnarent vltimi, deinde vltimi succederent ad primos, ita acie instructa, vt seruato ordine progredi ad pugnam, & cum opus foret, pedem retrò ferre possent. Pro vexillo autem, ferunt, illum, aureum gallum affixum lanceæ militi in acie dedisse. Ipsius autem consilium fuit, non modò ex ciuibz suppleri milites, sed velut optimos equos è longinquo quæri oportere. Quatenus ad militarem disciplinam attinet, instituit, vt milites semper opus facerent, & nunquam exercita iuuëtus, nisi sudore præuio, cibum sumerent. Qui etiam neque prandebat, neque cœnabat vnquam, nisi sudasset prius, & militaria obiuisset munera. Illud quoque, in Xenophonte legitur, exercitum itineribus & locorum mutatione crebrò fatigare solitum, potius quàm vno in loco in castris sedere, idque cum tutius, tum ad disciplinam militarem nobilius arbitratum esse. Idem auctor est, Cyri tabernaculum, hyeme pariter atque æstu Orientem versus, aut in castrorum medio, quod locus munitissimus foret, statui consueuisse. Huius tesseram dicunt fuisse, Iouem belli socium & ducem. Quibus autem stratagematibus in bello variè vsus fuerit, est videre apud Polyenum lib. vii. qui pleraque recensuit, & Sex. Iulium Frontinum variis in locis. Hæc in præsentia de Cyro, quem veterum annales perhibent ad septuagesimum ætatis annum peruenisse, ac regnasse annos viginti nouem, siue, vt nonnullis placet, triginta. Huius quidẽ obitus incidit in annũ 3439. vt quidam sentiunt, siue, vt aliis placet, 3450. eadem Olympiade, qua Romę sunt eiekti reges, & creati Cõsules. Cyro humanis reb. subtracto,
Tessera. Persici

Perfici regni administrationem suscepit Cambyſes ipſius filius natus ex Caſſandana Pharnaſpo genita, vt ait Hero. initio 11. lib. Hunc Cyrus variis bellis foras implicitus, Perſis præfecerat, iſque non multo poſt patris diſceſſum, ingenti exercitu collecto, Ægyptum inuaſit, eamque ſibi armis ſubegit, idque contigit iuxta Diod. circa tertium annum Olymp. tertix & ſexageſimæ. Ægyptiis eo tempore imperabat Pſammenitus (nam pater eius Amaliſ obierat in ipſo Cambyſis ad Ægyptum acceſſu) qui cum ſex meſes regnaſſet, captus eſt à Cambyſe, & aliquanto poſt interfectus. Suntque apud Her. lib. 111. de Pſammenito hæ narraciones dignæ memoria: Cum filia duceretur inter captiuas ſeruili habitu miſſa ad aquam ferendam, ſedit pater Pſammenitus inter captos, videns prætereuntem filiam, ac cæteris plorantibus, ipſe tacitus ſedit, oculis in terram defixis: Poſtea cum filius duceretur inter cæteros interficiendus, ſedit eodem modo tacitus: Poſt hos, cum familiaris quidam duceretur inter captiuos, plorare, & caput ferire cœpit. Hæc cum animaduertiſſet Cambyſes, interrogari eum iuſſit, cur nunc ploraret, cum antea tacitus vidiſſet duci filiam & filium? Reſpondit, domeſtica mala maiora eſſe lachrymis, ſed amici calamitatem poſſe lachrymis ſignificari: Additque, Herod. Cræſum, qui ſimul adfuit, (hunc enim Cyrus apud Cambyſem reliquerat, vt ei tanquam conſiliarius aſſiſteret) & Principes Perſicos illachrymaſſe, & Cambyſen miſericordia motum, iuſſiſſe filium ei reſtitui incolumem. Ad quem reducendum cum nuntij mitterentur, iam adoleſcens interfectus erat. Ipſi tamen Pſammenito tunc vitam donauit, & erat ei redditurus Ægyptum, vt eam, tanquam regius præfectus gubernaret. Sed cum iſ res nouas moliretur, ac Ægyptios ad defectionem ſolicitaret, illum poſtea interfici iuſſit. Hunc Plin. lib. xxxvi. cap. ix. vocat Semneſerteum, quo regnante, ait, Pythagoram in Ægypto fuiſſe. Cambyſes, vbi tam illuſtri victoria potitus eſſet, rebus proſperis elatus, contra Æthiopes bellum mouere ſtatuit. Ceterum ea expeditioni huiusmodi euentum ſortita eſt, vt magna parte copiarum amiſſa, reque infecta, in Ægyptum redierit. Per idem quoque tempus, ad Ammonis nobiliſſimum templum expugnandum, exercitum miſit: qui tempeſtatibus, & arenarum molibus oppreſſus, interiit. Poſthæc, offeſſus ſuperſtitionibus Ægyptiorum, Apim, (hunc Græci Epaphon vocabant, quem ipſi, vt Deum colebant) ſuo mucrone in femur vulnerauit, eorumque idola euerſi iuſſit, & in plurimos dire ac immaniter ſæuire cœpit. Non multis poſt diebus, per quietem vidit Smerdin regnaturum: hoc ſomnio exterritus, cum de fratre id omnino ſuſpicaretur, non dubitauit poſt ſacrilegia etiam parricidium facere. Erat enim difficile, vt parceret ſuis, qui contemptu religionis, graſſatus etiam contra Diuos fuerat. Ad hoc tam crudele miniſterium quendam ex præcipuis amicis delegit nomine Prexaſpen, ei ex omnibus Perſis virum fideliffimum, & ſummæ auctoritatis, qui, vbi Suſa conſcendiſſet, Smerdin necandum curauit in venatione, vt à quibuſdam proditum eſt, ſiue, vt alij cenſent, poſtquam eum ad mare Rubrum perduxiffet. At hic qui regi hac in re multo obſequentior fuit, quàm debuiffet, non multò poſt tanti ſagitij Deum ultorem habuit, vt mox dicetur. Cambyſes, poſt fratris interitum, ſcelera ſcleribus accumulans, vnā ex ſororibus, quæ illum in Ægyptum uſque comitata fuerat, ſupra modum deſuperare cœpit, eamque in vxorem ducere

Cambyſes
II. rex Perſiarum.

Cambyſes
contra Æthiopes inſe-
liciter pugnat

Apis à Cam-
byſe vulneratus.
Eiusdē ſom-
nium, & crū-
delitas.

Cambyſis
ſcinita in
propriū
ſtratē.

cere constituit. Plin. lib. xxxvi. cap. ix. scribit huius nomen fuisse Arsinoën. Quoniam verò id apud Persas nouum & inusitatum erat, regios iudices, (hi deligebantur à Persis, erantque perpetui; nisi delicti alicuius comperti fuissent, horumque munus fuit, ius dicere, patrias leges interpretari, omniaque ad eos referri consueuerant.) accersiri imperauit, eosque percunctatus est, num lege aliqua inter fratrem & sororem matrimonium consistere posset. Negant illi, legem aliquam in hanc sententiam extare: quandam tamen se inuenire legem, qua regi Persarum liceat facere quicquid velit. Proinde hanc sibi matrimonio copulauit, & deinde ex se grauidam interfecit. Huius rei duplicem causam assignat Herod. lib. 3. & vtraque interempti fratris tacitam exprobrationem cum lachrymis continet. Iudices autem, neque legem abrogarunt, & ne legem tuentes, ipsi periclitarentur, aliam inuenerunt subscribentem voto eius, qui sororem in matrimoniū ducere optabat. Sed interim dolendum est, quòd principes qui seruantissimi legum tutores esse deberent, fidissimique nomophylaces, hi plerumque sint præuicariatores & supplantatores, illud subinde iactitantes, principem legesolutum esse, & libidinem regum pro legibus habendam. Hinc olim Antonius Caracalla Romanus imperator, cum nouercam nomine Iuliam, luculentam feminam, incesto amore diligeret, dixissetque, Vellem si liceret, ferunt illam respondisse: Si libet, licet: an nescis te imperatorem esse, & leges dare, non accipere? Hoc sanè verbum, quod oleum est camino, quod sulphur incendio, idem fuit ad furorem principis extimulandum, legesque conculcandas. Nam è vestigio furiis Cupidineis concitatus, nuptias incestas nefandasque cum nouerca concepit, quasi sciret, se leges dare: cum verè si quid auitæ sanctitatis in homine fuisset, solus prohibere debuisset. Siquidem matrem, nec enim alio dicenda erat nomine, duxit uxorem, & ad parricidium iunxit incestum. Namque eam matrimonio sociauit, cuius filium Getam, eundemque ipsiusmet fratrem, prius occiderat. Nimirum tales principes, vel potius tyranni, horribilia monstra, fax & pestis humani generis, leges perinde habent ac telas araneorum. Nam sicut illæ infirmiora animalia retinentes, valentiora transmittunt, ita legibus humiles & pauperes constringuntur, diuites & præpotentes non alligantur, exque his perpauca imitantur optimum illum & nunquam satis laudatum Romanorum Imperatorem Traianum, qui, vt historici prodiderunt, adeò fuit osor improbitatis & iniustitiæ, vt aliquando strictum enssem coram suis proceribus, Præfecto prætorij tradiderit, his verbis: Cape hunc enssem: & si bonus fuero, pro me, sin malus, contra me eo vitior. Aurea quidem vox, & quouis pio & Christiano principe dignissima. Vt verò ad institutam orationis seriem reuertar, Cambyses, his tam fœdè & crudeliter peractis, cœpit cum in alios quoque Persas insanire, tum præcipuè in Præxaspis filium, cuius modò facta est mentio. Hunc sanè antea propter fidem & spectatam probitatem ac virtutem semper plurimi fecerat, eiusque filius Cambysi vina miscebat, qui honos & ipse non paruo loco ducebatur. Ad hunc itaque fertur dixisse: Quémnam virum Persæ illum esse censerent, aut qualem de ipso sermonem haberent. Eum autem respondisse: Cætera quidem omnia in eo magnis laudibus efferri: sed illum nimis vino deditum, vulgò iactari. Hoc audito, dixit, se ostensurum esse, sibi mentem etiam inter pocula

inte-

Sorore ducit
uxorem, &
ex se graui-
dam interfeci-
cit.

Antonius
Caracalla
nouercam
ducit uxorem.

Traiani vox.

integram esse, ac iussit in conuiuium adduci filium Prexaspis, quem collocatum ad limen, iussit puerum sinistram manum capiti imponere, arcumq; intendit, & ad cor adolescentis, sagittam direxit. Quod cum vulnerasset, icto petore, hærens in corde spiculum patri monstrat, eumque ridens interrogat, satisne certam manum haberet? Pater sibi metuens, artem laudat. Proximo die, duodecim Persas generis nobilitate insignes, ob nullius momēti causam trucidauit. Quin etiā & Cræsum Lydorum regē, honesta & vtilia suadentem interfici iussit. Cum verò ministri, quibus hoc demādarat, Cræsum abdidissent, vt, si fortē, mutata sententia, illius vitam expeteret, eo producto, muneribus afficerentur, quod viuum seruassent; sin autem nulla pœnitudine duceretur, nec eum desideraret, tunc omninò, vt iussi erant, interficerēt, non multo pòst accidit, vt, cum Cambyfes Cræsum desideraret, ipsi, hoc animaduerso, illum superstitem esse dicerent. Is autem, Cræso superstite gauisus est; at ministros, qui secus egerant, quàm ipse mandarat, omnes illicò trucidari imperauit. Hæc, & plura his consimilia de ipso in veterum monumentis relata sunt, plena horribilis furoris ac tetra cuiusdam immanitatis. Herodotus auctor est, Cambysem ab ipsis incunabulis graui laborasse morbo, quem nonnulli sacrum nominant: vt haud ab re fuerit, cuius corpus magna ægritudine inualidum esset, eius ne mentem quidem sanam fuisse. Sed Plato in tertio Legum lōgē aliam rationem affert, videlicet, prauam educationem. Quoniam verò, ea narratio multa cōtinet memoratu digna de regibus Persarum, haud sanè ab instituto alienum fuerit, si ea omnia paulò altius repetantur. Hæc autem omnia ibi traduntur sub persona Atheniensis hospitis, qui non nominatur, Clinie Cretensis, & Megilli Lacedæmonij. Atheniensem igitur sic cum altero loquentem introducit. Persæ, inquit, quando vitam sub Cyri imperio egerunt mediam interiectam magis inter seruitutem & libertatem, primùm fuere liberi ipsi, deinde aliorum domini multorum. Imperiū enim eorum, quod esset liberale impertiendo potestati suæ subiectis, & ad æqualitatem illud adducēdo, ita maior erat caritas inter ductores ac milites, qui præbebant sese paratis animis ad pericula adeunda. Iam si quis prudens erat inter eos, & consulendi in medium facultate præditus, cum rex ipse esset ab omni inuidia alienus, libertatemque dicendi concederet, & consulendi facultate præditos honoraret: communem, inque medio positam prudentiæ facultatem exhibebat, cunctaque tunc illis attribuebat liberaliter, ac amanter, & mente sententiaque communi. Clinia, sanè ea quæ narras, ita tunc videntur euenisse.

A T H E N. Quo pacto igitur res Cambyse imperiū tenente perditæ, & à Dario ferè conseruatæ fuerint, vultisne vt tanquam vaticinantes commentemur?

C L. Affert id scilicet considerationē ad id quò contendimus. A T H E N. Mea igitur vaticinatio est de Cyro: Fuisse eum cæteris in rebus ducem exercitus seu imperatorem virtute præstantem, & amantem patriæ; veram autem rectamque illi institutionem prorsus non contigisse, neque animum ad curam rei ipsam familiaris quicquam attēdisse.

C L. Quomodo verò istud dicimus? Videtur cum à prima ætate ipse in expeditionibus bellicis versaretur perpetuò, tradidisse filios mulieribus educandos. At hæc sic illos educere, vt qui à pueris statim felices beati que extitissent, neque vlla re, hac in parte, deficerentur: & prohibere, ne quis, tanquam prorsus felicibus ipsis vlla in re ad-

C

uerfare=

Exemplum
horribilis im-
manitatis.

Platonis sen-
tentia de re-
gibus Persa-
rum.

uerfaretur: ac cogere, vt cuncti laudarent, quicquid illi dicerent atque facerent: ita tales quosdam educauerunt. C L. Bellam scilicet educationem commemorauisti. A T H E N. Planè quidè muliebre, Regiarum mulierum, quæ paulò antè diuites essent factæ, educantium liberos in absentia virosum, qui negotiosi essent in bellis gerendis & multis ad eundis periculis. C L. Est consentaneū. A T H E N. At pater horum tunc caulas atq; oues, & greges virorum aliorumque multorum parare, ignorans interim, non institui illos, quibus hæc traditurus esset, patria arte, (cū Persæ essent pastores, soboles asperæ regionis) dura illa atque satis idonea ad efficiendum pastores admodum valentes, & qui possent foris excubare ac vigilare, & si quādo militia opus esset, militare. Neque animaduertit institui disciplina corrupta, in ista, quæ felicitas perhibebatur, Medica, à mulieribus atque Eunuchis, filios suos. Vnde extiterunt ij, quos existere par erat in omnis licentiæ educatione educatos. Potiti igitur illi imperio, cū mortem Cyrus obiisset, referti deliciis atque licentia, primum vnus alterum, iniquo animo æqualitatem ferens, interemit. Deinde ipse furiosus in ebrietate, & prauitate educationis, amisit imperium, Medis eripientibus, & illo tunc, qui memoratur, Eunuchis, qui contempsisset stultitiam Cambyfis. C L. Sanè ista narrantur: atque ita fermè gesta videntur esse. A T H E N. Atqui rursus ad Persas imperiū peruenisse, restituētibz Dario, & septem illis narratur scilicet. G L. Quid nī? A T H E N. Videamus itaque ductum orationis sequentes. Darius enim filius regis non fuit, neque disciplina delicata educatus: cū peruenisset autem ad imperiū, & hoc septimus ipse obtinuisset, distribuit illud in septem partes diuisum, quarum nunc etiam patua somnia quædam reliqua sunt. Et legibus latis coli illas voluit, æqualitatem quandam introducens, & tributum, quod Persis comparauerat Cyrus, lege deuinciens, caritatem atque societatem concilians Persis omnibus, pecuniis & donis multitudinem Persarum adiungendo. Exercitus itaque cum beneuolentia non pauciores ipsi regiones acquisiuit, iis quas Cyrus reliquerat. Post Darium verò, disciplina regia atque delicata rursus institutus Xerxes: O Darie, dicere iustissimum fortasse sit, qui Cyri malo non fuisti edoctus, educaſtiq; Xerxen in iisdem moribus, quibus Cambysem Cyrus: Ille igitur, vt disciplinarum earundem soboles, consimilia facta fecit iis, quæ perpeſſus fuerat Cambyſes. Atque ex eo propemodum tanto tempore, apud Persas rex hæctenus magnus reuera nullus fuit, nisi nomine quidem. Cuius rei causa non est in fortuna, mea quidè sententia, sed praua vita, quam excellenter diuitum atque tyrannorum filij plærunque degunt. Nusquam enim de tali educatione, puer, vir, senex, euadere præstans virtute possit. Hæc Plato. Superius inter cætera, cū de Cyro sermo esset, ostendimus, ipsum voluisse Iudæos in patriam restitui, templumq; instaurari, quod sanè lætissimum nuntium promulgatum est primo anno post captam Babylonē. Proinde, dum innumeri ex ea gente patrios lares petissent, vibemq; Ierosolymam rursus conderent, ac templi fundamenta iacerent, in eoq; ædificando toti essent, hæc pulcherrima initia turbata sunt partim à vicinis Samaritanis (hi antea Chuthæi appellabantur, quòd à Persidis regione Chutha, & flumine Chutho essent traducti, vt ait Iosephus) partim aulicis calumniis. Cū enim Cambyſes bellum Ægyptiis illaturus esset, metuebat, ne Iudæi qui

Ægy-

Ægyptiæ stirpis esse ferebantur, se Ægyptiis adiungerent. Sic Sathan nouis consiliis impediuit reditum Hebræorum, & Ecclesiæ instaurationem. Igitur inchoata ædificatio templi, quam ipsi tanta animorū alacritate susceperant, seuerissimo edicto Cambyſis prohibita est. Dilatum est autem id opus per annos ix. vt auctor est idem Iosephus, vsque in secundum annum regni Dario. Cambyſes enim, inquit, cum per sexennium regnasset, subacta interim Ægypto, reuertens ab ea expeditione, apud Damascum est mortuus. Quo autem genere mortis perierit, Herodotus his paucis verbis explicauit: Agnosceus itaque, sine causa fratris interemptorem se fuisse, deflebat Smerdem. Quem vbi defleuit, vt erat omni clade afflictus, tum equum insiliit, habens in animo quàm citissimè Susa versus exercitum ducere in Magum. Insilienti in equum, vaginâ gladius excidit, vnde nudatus gladius perstrinxit eius femur, in ea scilicet parte, in qua prius ipse tanquam opportuna ad ferendum, vt sibi videbatur, percussit Apim Ægyptiorum Deum. Deinde paulò inferius: Posthæc, inquit, vbi femoris os vitiatum est, femurque celerimè contabuit, Cambyſi vita erepta est Cyri filio, cum regnasset septē omnino annos, & menses quinque, nulla vnquā prole suscepta virili scemine. Iustinus quoque his paucissimis, eam demonstrat, inquiens: Interim ipse gladio sua sponte euaginato, in femore grauiter vulneratus, occubuit, pœnasque luit seu imperati parricidij, seu sacrilegij perpetrati, &c. In Ægypto erat vrbs Bruti contra Nili ostium, quod Sebeniticum dicitur, & in media parte ciuitatis fuit templum omnibus circa populis sanctum, & ceremoniis sacrum, in eoque Latonæ oraculum inclytum diuitiis, porticum habens decem passibus altum, in quo oraculum Cambyſi redditum est, in Ecbatanis illum decessurum, ambiguo nomine decepto, cum altera apud Syros, altera in Medis essent. Quod verò ad reliqua eius horribilia scelera, & crudelitatem, vt scilicet in Amasis cadauer desæuierit, & alia quamplurima eius generis, ea omnia Herod. fusè & eleganter prosequitur. Strabo, lib. xvi. Bubastiæ ciuitatis ac Heliopolis mentionem faciens, Nunc omnino, inquit, vrbs deserta est, in ea est peruerustum templum, Ægyptio more structum, quod multis indicij Cambyſis insaniam ac sacrilegium ostendat: Cambyſes enim templum partim igni, partim ferro deuastabat, mutilans, excindens, amburens, quemadmodum & obeliscos: quorum duo Romam delati sunt non prorsus deleti. Quàm verò in corruptum iudicem horribili pœna animaduertit, idem Herod. Sisamnis, regij præsidis exemplo, apertissimè declarat. Hunc enim tradit, propter iniustam sententiâ latâ, eo quod pecuniis corruptus esset, iussu Cambyſis interfectum, & mox toti corpori cutem detractam, & concissam ac expasam, in stratam tribunali: postea filium Sisamnis Otanem, in eam sedem collocatum, vt patris exuias intuitus, iuste iudicaret, ne consimili supplicio afficeretur. De hoc Val. Max. lib. vi. cap. iiii. sic memoriæ tradidit: Iam Cambyſes inusitata seueritatis, qui mali cuiusdam iudicis ex corpore pellem detractam, sellæ intendi, in eaque filium eius iudicaturum considerare iussit. Cæterum, & Rex, & Barbarus, atroci ac noua pœna iudicis, ne quis postea corrumpi iudex posset, prouidit. Quod verò ad rem militarem spectat, Polyænus lib. 8. illum hoc stratagemate vsum esse, recensuit. Cambyſes, inquit, Pelusium oppugnabat. Ægyptij fortiter resistentes, aditum Ægypti

Cambyſis
mors.

Institit ex-
emplum.

Stratagemæ.

*Ima Eclis-
psis.*

*Coniuratio
aduersus
Cambysem.*

*Magi oppri-
muntur à se-
ptem princi-
pibus Persa-
rum.*

clauferunt, multasque machinas iminiferunt, catapultis acuta tela mittentes, saxa atque ignem. Cambyfes quotquot animalia Ægyptij deorum honore colunt, canes, oues, feles, ibides, ante suum exercitum collocauit. Ægyptij iaculari destiterunt, metuentes, ne sacrum aliquod animal læderent. Ad hunc modum Cambyfes Pelusio capto, in Ægyptum peruenit. Huius quidem ærarium, oppidum Gaza in Palæstina fuit. Nam Persæ Gazam ærarium vocant. In 7. anno Cambyfis, ut hoc etiam obiter dicatur, qui est 225. à Nabonassaro, Phamenoth secundum Ægyptios die 17. sequente 18. ante mediā noctē, prima hora defecit in Babylone dimidia pars diametri Lunæ à Septentrione, Sole existente in 18. 12. Canc. Tempus à principio Nabonassari hucusque anni Ægyptij 224. dies 196. & æquales horæ 10. 10. Ptol. lib. v. cap. xiiii. Luna distabat à maxima epicycli longitudine 28. 5. à Boreali termino latitud. 262. 12. ut disertè annotat doctissimus vir Gerardus Mercator. Dum Cambyfes circa Ægyptum immoratur, duo Magi fratres (primogenitus Patizites vocabatur, quem Cambyfes rerum suarum procuratorem in Perside reliquerat) coniurarunt. Primogenitus hic, ad quem omnium rerum summa ex Cambyfis mandato deferrebat, cognita Smerdis fratris Cambyfis nece, quæ occultabatur, paucisque Persarum nota erat, plerisque eum viuere existimantibus, rebellandi occasionem nactus, ita rem aggreditur. Erat ei in regia posterior natu germanus, qui cum eo vnā coniurauerat, corporis habitu quàm simillimus Smerdi fratri Cambyfis, nec specie tantum corporis Smerdi similis, sed etiam cognominis, iuxta Herod. Nam Iustinus eum nominat Oropasten, & fratrem natu maiorem Comarin. Hunc virum Patizites primogenitus Magus instructum, quemadmodum ipse illi omnia peracturus esset, in regium solium perduxit, & regnavit mēsisibus 7. ut auctor est Herod. lib. iii. qui etiam asserit, illum per hos 7. menses omne genus liberalitatis exercuisse, adeo ut eius mors magno mœrore affecerit omnes Asiam incolentes, Persis exceptis. Namque missis ad singulas gentes, quibus imperabat, edictis, Magus, immunitatem tributorum ac vacationem militiæ in triennium tribuit, atque hoc quidem statim post adeptum imperium edixit. Octauo autem mense, quisnam esset, compertus, à septem principibus viris primariæ apud Persas auctoritatis opprimitur, & externæ nationis tyrannus (erat enim natione Medus) à Persico imperio exterminatur. Fuerunt ij septem principes viri, Otanes, Intaphernes, Gobryas, Megabyfus, Asphatines, Hydarnes, Darius: siue, ut Ctesias nominat, Onophas, Idernes, Norondabates, Mardonius, Bariffes, Artaphernes, & Darius Hystaspis filius. Hi omnes, simul habita deliberatione, patriam in libertatem asserere, Magosque interficere statuerunt. Dum verò vnanimis atque intrepidi rem peragunt, ex his Asphatines in femore, Intaphernes in oculo vulneratur, sicuti affirmat Herodotus. Nam Iustinus eos quidem trucidatos fuisse commemorat. Illud prorsus memorabile est, quod ab historicis de Gobrya, vnoque ex sociis refertur. Cùm enim, ut Valerij verbis utar, sordida & crudeli Magorum tyrannide Persas liberaret, vnumque ex iis obscuro loco abiectum, corporis pondere vrgeret, præclari operis socio plagam ei inferre dubitanti, ne dum Magum petit, ipsum vulneraret: Tu verò, inquit, nihil est quod respectu mei timidius gladio utaris: vel per vtrumque illum agas licet, dum hic quàm celerri-

celerrimè pereat. His ergo tandem interfectis, omniq̃ue tumultu sedato, de forma regiminis & optimo Reip. statu, deliberationem instituunt. Et sanè magna gloria recuperati regni horū principum fuit: sed multò maior in eo, quòd cū de Persarū regno ambigerent, concordare potuerunt. Erant enim & virtute, & nobilitate ita pares, vt difficilem ex his populo electionem æqualitas faceret. Sunt autem orationes tres apud Herod. dulcissimæ ac elegantiss. de optimo statu. In ea consultatione, dum Otanes, Tyrannide improbata, *ισονομίαν*, i. iuris æqualitatem suadet: Megabyzus contrā, vulgi tyrannide explosa, *αριστοκρατίαν* laudat: Darius verò *μοναρχίαν* Reip. vtilissimam fore censet: omnes politiarum formæ, atque omnia ciuitatum vitia & morbi, Quæ forma regiminis sit præstantior. velut in Apellæa tabula, depicti sunt. Priori quidem placet non creati Regem, sed suadet, vt certis legibus principes & ciuitates fœdus faciant de communi defensione, & singuli suam libertatem ac æqualitatem retineant, quia vnum armare summa potentia, nequaquam tutum sit. Ipsa enim magnitudo potentia etiam in bonis mentibus deteriore efficit. Cumq̃ue cupiditas incitata est, quia facultas est delinquendi, crescit audacia, & ruit in omnia scelera. Ac tyrannos, inquit, delectari malorum familiaritate, & calumniis, optimum esse ducere mouere leges patriæ, vi rapere aliorum coniuges, interficere ciues sine iudicio. Hanc sententiam alter prorsus refutat, dicens, vulgi tyrannidem minus tolerabilem esse vnius tyrannide, quia vulgus sit sine sapientia, ac ruat in negotia incitatum, vt rapida flumina. Suadet igitur constitui paucorum optimorum virorum principatum, & addit tutissimam rationem: consentaneum est, optimorum virorum optima consilia existere. Darij tertia sententia fuit, vt dictum est, quæ suasit, Regem creari, quia etiam inter paucos non sit diuturna concordia. Et in magnis imperiis accidere, vt propter discordias principum tandem necesse sit, ad vnum summam potentiam transferre. Rectius etiam esse, patrias leges non abolere, quæ regium statum constituissent. Hæc quidem Darius, eiusque sententiam cæteri quatuor approbarunt, & communi omnium consensu decretum est, vt rex crearetur. Aristotele cum aliis in locis, tum Rhet. lib. i. cap. viii. scribit, esse Rerum pub. genera quatuor, videlicet, democratiam, oligarchiam, aristocratiam, monarchiam. Itaque summa potestas, inquit, quæ de rebus iudicet, aut est eorum generum aliqua pars, aut totum. Ac Democratia quidē, est Reip. status, in quo sortitione tantum magistratus distribuuntur. Oligarchia verò est, in qua ex censu magistratus eliguntur. Aristocratia dicitur illa, in qua magistratus distribuuntur iis, qui disciplinam perceperunt. disciplinam autem eam intelligo, quæ à lege constituta sit. Nam qui permanent in institutis ciuitatis, in aristocratia magistratus gerunt: necesse est enim huiusmodi viros optimos videri, vnde etiam Aristocratia nomen habet. Monarchia est, vt nomen indicat, in qua vnus omnium dominus est: quæ si definita est, & ordinem quandam seruat, Regnum vocatur: si verò inordinata, atque ex vnius libidine, Tyrannis appellatur. De his omnibus priuatim & luculenter edisserit in libris Polit. Et multa quoque apud Plat. de iisdem extant. Lectu etiam iucundissima sunt quæ Agrippa & Mecenas coram Augusto de retinendo aut deponendo imperio disseruerunt; quæ omnia eleganter prosequitur Dion Cassius Nicænus Rom. historiæ initio, lib. lxi. Extat consimiliter paruulus tracta-

tractatus Plutarchi, cui titulus est De vnus in Repub. dominatione, populari statu, & paucorum imperio. Suprà commemoratum est, quæ fuerit Darij sententia, vtque Monarchiam omni alij gubernationi prætulerit. Ne autem certamina orirentur, sed vt electio diuinæ providentiæ commissa videretur, pacti inter se sunt, die statuta omnes equos ante regiam siue in suburbijs, primo mane perducerent; & cuius equus ante Solis ortum hinnitum primus edidisset, is rex esset. Nam & Solem vnum Deum Persæ esse credebant, & equos eidem Deo sacros ferebant. Darius autem cùm domum rediisset, hæc decreta narrat suorum equorum curatori Oebari, & interrogat, an arte rem iuuare possit. Ille verò inquit, se consilium inuenturum esse. Proinde nocte equam pridie ante constitutam diem ad eundem locum ducit, ibique equæ equum admittit, ratus ex voluptate Veneris futurum, quod euenit. Postera die cùm ad statutam horam omnes venissent, Darij equus, cognito loco, ex desiderio feminæ hinnitum statim edidit: & segnis alijs, felix auspiciū domino primus emisit. Præter hinnitum verò addit Herod. accessisse celeste signum, fulgur, & tonitrua sereno cælo, quod iudicatur esse faustum. Cæteris autem fuit tanta moderatio, vt, audito auspicio, confestim equis desilierint, & Persico more Darium regem salutarint: populus quoque vniuersus, secutus iudiciū principum, eundem constituit regem. Sic regnum Persarum, septem nobilissimorum virtute quæsitum, tam leui momento in vnum collocatum est. Incredibile prorsus hoc tanta pietate gessisse eos: quod vt eriperent à Magis, mori non recusarint: quanquam præter formam, virtutemque hoc imperio dignam, & cognatio Dario iuncta cum pristinis regibus fuit. Huius rei, præter alios, meminit Herod. lib. iii. Iust. lib. i. Val. lib. vii. cap. iii. qui sub finem inquit, Quantum imperium, quàm paruo interceptum est vaframento. Item Polyænus lib. vii. Darius itaque Hystaspis filius, communibus omnium procerum suffragiis rex Persarum renuntiatur anno ab orbe condito 3447. vt sentit Gerardus. At Bibliander initium eius regni constituit in Olymp. 65. & annum ab orbe condito 3458. Principatum adeptus, Cyri regis filiam, Atosiam nomine, vt regalibus nuptiis regnum constabileret, in matrimonium accepit, vt non tam in extraneum translatus, quàm in familiam Cyri reuersum videretur. Herodotus tradit, eum præter hanc, duxisse aliam coniugem nomine Aristonam, virginem, ab eo summopere dilectam, quam plerique volunt fuisse Esther, & Darium in sacris literis appellari Assuerum. Idem auctor asserit, huc primum extitisse, qui viginti Prouincias, quas ipsi Satrapias vocabant, constituerit, ac earum singulis præfides præfecerit, taxato quod penderetur tributo, per varias nationes. Hoc etiam videre est apud Strabonem lib. xv. qui de Dario sic inquit: Tributa ferunt instituisse Darium Longimanum, qui omnium hominum pulcherrimus fuit, excepta brachiorum, & vlnarum longitudine, quæ tanta erat, vt genua contingeret. Hunc autem præter militarem gloriam qua excelluit, fuisse principem optimæ naturæ, ac pergrati animi, cùm ex alijs rebus innumeris, tum hoc exemplo dignosci potest. Cùm adhuc in priuata fortuna versaretur, a miculo Sylofontis Samij delectatus, curiosa contemplatione fecit, vt vltro sibi & quidem à cupido daretur. Cuius muneris quàm grata æstimatio animo eius esset allapsa, regno potitus ostendit: totam namque urbem, & insulam

Darius III.
Persarum
rex.

Darius fuit
primus apud
Persas, qui
tributa insti-
tuerit.

Eiusdem be-
neficia &
gratitudo.

iam Samiorum Sylofonti fruendā tradidit. Non enim, vt inquit Valer. lib. v. cap. ii. pretium rei aestimatum, sed occasio liberalitatis est honorata, magisque à quo donum proficisceretur, quàm, ad quē perueniret, prouisum. Hanc historiam Herod. lib. iii. luculenter prosequitur, ac eandem Io. Tzetza hoc venustissimo carmine expressit Chil. iii.

Darius enim, inquit, Barbarus cum venisset in Babylonem,

Scutifer, non rex existens, illis tunc temporibus,

A Sylofonte autem accipiens donum, rubrum pallium,

Syloson autem erat frater Samij Polycratis,

Quasi potens deinde fuit regni.

Doni verè non fuit Barbarus immemor :

Inquisitum enim facit Sami regem,

Inquiens, Darius nequaquam immemor est beneficiorum.

Tradit etiam Herodotus, Darium in venatione cum ex equo defiluisset, grauiter distortuisse pedem, ita sanè vt talus è iuncturis emoueretur. Quapropter medicos Aegyptios, quos se præstâtissimos habere secum putabat, adhibuisse. Qui cum pedem torquerent, & vincirent, malum exasperabant. Cū itaque septem noctes totidemque dies præ cruciatu insomnis exegisset : die octauo malè habenti quendam significasse ea quæ de arte Democedis Crotoniatæ Calliphontis filio, Sardibus audiuiisset. Hic enim Aeginæ & rem medicam exercuit, & matrimonium contraxit, & Polycratem Sami tyrannum mercede duorum talentum curauit. Darius igitur eum quamprimum adduci iubet. Quem, cum inter Oroetæ mancipia neglectum reperissent, in medium produxerunt, vinctum compedibus, & lateris vestibus indutum. Eum astantem Darius rogat, vtrum artem nōset? Negat ille: veritus ne prorsus Græcia sibi carendum esset. Verum, cum Darius, animaduersa dissimulatione, flagra & stimulos proferri iussisset: se quidem non accuratè scire artem, sed medici vsu suum consuetudine, medicinam vtcunque tenere dixit. Pōst, permissu regis Græcè locutus, remediis efficacibus adhibitis, & somnum ei conciliauit, & sanitatem breui tempore restituit, desperanti iam pedis integritatem. Ob quam rem amplis muneribus à rege donatus est, Susisq; maximas edes obtinebat, & cum rege ad mēsam sedebat, omnibus rebus affluens, præter hanc vnam, quod in Græciam redire non poterat: quin etiam Aegyptios medicos regem curare solitos, cum essent patibulis suffigendi, quod à Græco medico superati forent, impetrata ab rege veniā, liberauit. Denique ab eo in summo honore habitus est. Non multò pōst accidit, vt Atossa Cyri filia, Darij vxor, tuber in mamma haberet, quod cum erupisset, latius serpserrat: ac quandiu quidem id minus fuerat, præ pudore dissimulans, nemini prorsus indicauit: sed cum malè haberet, Democedem accersiu, remque illi ostendit, qui se illam sanaturum pollicitus, obtestatur, vt sibi vicissim operam nauet in eo quod petat: nihil enim cum vllo probro coniunctum, esse petiturum. Petiit autem rēditum in Græciam. Quomodo autem Democedes à rege vnā cum primis exploratoribus in Græciam missus fuerit vt eorum dux esset, & quomodo à Tarento Crotonem aufugerit, ibique tandem saluus remanserit, sociis abire coactis, idem Herod. eleganter prosequitur. Sub Darij Principatu, Arphaxat rex Medorum, quem nonnulli perhibent fuisse Darij Medi filium,

*Darius ope
Democedis
medici præ-
stantissimi
conualecit
à sua agri-
tudine.*

*Darij expe-
ditio aduer-
sus Arpha-
xat.*

Astyagis nepotem, qui, Dario contempto, regna eius inuasit spe occupandæ monarchiæ, atque illi Assyriam & Babylonem eripuit, Ecbatanam incenibus cinxit, & ad tantam maiestatem euectus est, quanta illi appingitur Iudith 1. cap. Contra quem Darius anno XII. sui regni bellum mouit, quod quidem durauit annos V. vsque ad cæsum Arphaxat, & contritas eius vires, vt pater eodem, V. & XIII. Enimuero cum Arphaxat multas gētes suo subdidisse imperio dicatur, & Iust. lib. II. aliquanto ab exordio regni Darij interiecto tempore, Assyrios defecisse, Babylonemque occupasse asserat, non obscurum, neque vero dissimile est, Arphaxat Assyriam Dario primum eripuisse, deinde & Babylonem; quod vel inde confirmatur, quod intra fines horum regnorum bellum gestum est, in quo Arphaxat alienorum inuasor, Darius autem suorum defensor, & vindex extitit, vt videre est Iudith 1. & apud Herod. lib. III. sub finem. Ad huius belli subsidium conuocati plurimi populi, inter quos & Iudæi recensentur, despecto rege, tanquam parum nobili, & illegitimo, venire recusarunt. Darius, post deuictum Arphaxat, anno XVII. imperij sui, & plurimas vrbes ac regnum Medicum in suam ditionem redactum, nihil habuit antiquius, quam vt etiam Babylonios, qui à Persico regno defecerant, ad pristinam fidem atque obsequium redigeret. Proinde contractis ingentibus copiis, aduersus eos contendit, urbemque obsidere cœpit. Iam autem anno & septem mensibus oppugnationem itrenuè atque acriter sustinuerat, adeo mediis-fidiis, vt iam Persæ de soluenda obsidione cogitarent, omnemque spem prorsus abiicerent, se illam expugnaturus. At vicesimo mense, Zopyrus Megabyzi filius, vnus ex septem qui Magos trucidarant, satrapa, & vir spectatæ fidei ac virtutis, in regis sui gratiam flagris cæsus, nasoque & auribus à semetipso mutilatus, transfugæ specie Babylonem venit, cruenta facie, quasi his damnis à Dario affectus, quod hortator fuisset relinquendæ Babylonis, accusans regiam sæuitiam. Babylonij vultus calamitati, eiusque verbis fidem adhibentes, cuius nobilitatem & virtutem antea probè norant, omnium suffragio ducem constituerunt: is autem, accepta parua manu, semel atque iterum cedentibus consultò Persis, secunda prælia fecit. Ad postremum, vniuersum sibi creditum exercitum Regi prodidit, urbemque ipsam in Darij potestatem redegit, atque ita secundò à Persis Babylon capta est. Sed Darius hanc vocem planè regiam emisisse dicitur, eamque sæpius ingeminasse, se viginti Babylonibus, præter illam, quam Zopyri beneficio recuperarat, æquo animo carere posse, ne illum hoc damno & incommodo affectum videret. Memorabilis est etiam illa vox, quæ ab eiusdem Regis ore emanauit, quæque indicat, quanto in honore postea Zopyrus apud Darium semper fuerit. Cum enim fortè in manu pomum punicum teneret, atque illud aperiret, dixit Arbano suo fratri, se tot sibi Megabyzos optare, quot in malo punico grana inessent, idque magis cupere, quam omnem Græciam subactam; significans proculdubio, nullum thesaurum regibus vtiliorē esse consiliariis sapientia, virtute ac fide præstantibus. Huius quidem rei Plutarchus in Apophtheg. mentionem faciens, ita scriptum reliquit. Darius, inquit, Xerxis pater, seipsum dicebat in præliis & periculis esse solito prudētiorem. Cum tributa imponeret subditis, procures Prouinciæ euocatos, interrogabat, an ea essent graua. cumque responderent, esse mediocria, dimidium eius

Babylonij ob-
sidentur à
Dario.

Babylonia
Zopyri dolo
recipitur à
Persis.

Darij diti
memorabile.

eius quod proposuerat, singulos pendere iubebat. Aperto grandi malo punico, interrogatus, cuius rei tantam sibi optaret multitudinem, quanta esset granorum eius mali, respondit, Zopyrorū. Erat autem Zopyrus amicus regis & vir bonus: Is Zopyrus, cum seipsum naso & auribus amputatis, scēdasset, deceptis hac fraude Babylonis, rebus ab iis præfectus, urbem Dario prodidisset, sæpenumerò Darius dixit, malle se integrum habere Zopyrū, quàm centum Babylonibus potiri. Hæc Plut. Porro, ut hoc etiam obiter dicatur, à veteribus memoriæ proditum est, hunc regem primum extitisse, qui apud Persas ex auro monetam percussit. Darius interim, recepta, ut diximus, Babylone, mox Cyri edictum renouauit de instauratione tēpli Hierosolymitani, de quæ Iudæis in patriam restituendis. Hic enim, cum adhuc esset priuata fortunæ, optimo animo erat affectus erga illam gentem, & vouerat Deo, si quando penes ipsum potestas foret, quicquid sacrorum vasorum apud Babylonem esset, remissurum se in templum Hierosolyma: & credibile est, illum Danielis quoque doctrinam, ut Cyrus, amplexum esse. Hoc autem sic euenturum, præter alios, vaticinati fuerant Aggeus, & Zacharias, qui noua consolatione populum Israëliticum, Cambylis odio & sæuitia hinc inde disiectum, in dies magis magisque confirmabant. Templum autem fuit absolutum intra septenniū, & anno regni Darij 9. die 23. mensis vndecimi qui Hebræis dicitur Adar, Macedonibus Dystrus: Sacerdotes ac Leuitæ cum reliqua Israëlitarum multitudine detulerunt Deo sacrificia pro renouata post captiuitatem priori felicitate, pro quæ recepto nouo templo arietes cē. agnos cccc. hircos x i i. pro peccatis totidem Tribuum, ut latè prosequitur Ioseph. lib. xi. cap. iiii. & iiii. qui etiam asserit, fuisse pubertatem egressorum ex Assyria Hierosolymam quater mille millia, & sexcenta viginti octo millia duntaxat ex tribu Iuda, & Benjamin. Nec sanè dubium est, quin Zorobabel Hebræi populi dux, ad hoc impetrandum, plurimum momenti attulerit, cum esset illi verus amicus, eumque Darius plurimi faceret. Accessit etiam quæstionis à Dario propositæ dissolutio per eundem. Is enim hæc quatuor quæstia suis proposuerat, maximis præmiis oblati, cuius esset potior sententia, videlicet, cuius esset maior vis & imperium, regisne, an vini, an veritatis, an verò mulieris. Cum reliqui perorassent, is suam sententiam rogatus, veritatem prætulit, quam validis rationibus innixam, rex ipse, ac vniuersi proceres qui astabant, summo perè approbarunt. Tunc rex iussit eum postulare aliquid ex his quæ paulò antè ultro fuerat pollicitus. Libenter enim se concessurum, ut viro sapienti, & qui prudentia cæteris præstaret, quare posthac, inquit, assessor meus eris, receptus inter cognatas mihi necessitudines. His auditis, admonuit eum voti, quo se obligauerat, si adipisceretur potestatem regiam; id autem erat, ut dictum est, condere Hierosolyma, & ibi Dei templum instaurare, ac deinde sacra vasa olim per Nabuchodonosorem inde sublata, & Babylonem perlata, restituere. Hæc est, inquit, mea postulatio, quam nunc mihi permittis, sapientem me virum iudicans. Tum rex lætus assurgens, excepit eum osculo, & optati compotem effecit, sicuti liquet ex ipso Iosepho, eodem cap. Libri Bibliorum sacri, Darij & Artaxerxis persæpe meminerunt, pro appellatiuis nominibus ea nomina sumentes, sicut in Romanorum historiis nomē Augusti appellatiuum, & adiectiuum fuisse constat.

Darius fuit primus, qui apud Persas auream monetam excuderit.

Darij edictū de instauratione templi Hierosolymitani.

Quæstio Darij suis Sacris proposita.

constat. In libro Esther fit Assueri regis mentio, quod quidem ad hunc Darium, Hystaspis filium, referri debere Zonaras lib. i. cap. xvi. tradidit. Nonnulli Xerxem, Assuerum fuisse existimant. Eusebius in historiis librum ad Artaxerxem vndecimum Persarum regem, qui & Mnemon dictus est, referendum putat. Sunt etiam qui per Assuerum, cuius fit mentio Dan. ix. & apud Esther variis in locis, magnus Artaxerxes appellatur, Astyagē Medorū regem intelligant. Iosephus ad Artaxerxen Xerxis filium, totam hanc historiam refert. Caterum, quod pace omnium aliorum dictum sit, Zonaræ sententia potior videtur, eamque Philippus singularis vir doctrinæ ac eloquentiæ, in suis Chronicis lib. ii. cæteris omnibus præfert, inquit. Postremò, de Dario filio Hystaspis hoc addo. Hic Darius est maritus Esther, quem historia sacra nominat Assuerum, cuius tempore quantis in periculis & miseriis fuerit piorum cœtus, cogitandum est. Nam & in Iudæa adhuc erat impedita ædificatio templi, & Haman per calumniam impetrauerat edictum de tota gente Iudæorum delenda. Sed mirabiliter Deus protexit Ecclesiam, patefactis calumniis & sceleribus Haman. Nomen Esther significat absconditam. Fortassis sic nominata est, quia non prodiit in publicum, ne formæ struerentur insidiæ, aut quia Ecclesia tunc duriter oppressa fuit. &c. Pòst hæc Darius, Scythicam expeditionem suscepit, quod quidem incidit in annum ab orbe creato 3452. & circa ea tempora, quibus Romana Respub. ob violatam honestissimæ Lucretiæ pudicitiam, ad illam memorabilem mutationem deuenit, qua Regum auctoritas abrogata, & Consulum substituta fuit. Nec tunc longè aberat tempus, quo sanctissima mulier Iudith, Holofernem potentissimum Persicæ militiæ principem, ne ab eo violaretur, occidit. Huius ingentis atque atrocissimi belli primaria causa dicitur fuisse, quòd Darius cum Anthini regis filiam per legatos in matrimonium postulasset, repulsam passus fuerit, eaque re indignatus, statuit hanc contumeliam, vt ipse appellabat, bello vlcisci. Proinde sexcentarum nauium classe, & septingētis, siue, vt alij, octingentis millibus hominū armatis, cum his Cimmericas terras ingressus est. Has Persæ ingressi, magis contemptibiles, quàm formidabiles à Scythis putabantur: quippe qui nec ad æquam pugnam, nec ad deditionem se conuertebant, sed extrema copiarum inuadentes, plus negotij eis faciebāt, quàm si aduersa fronte eum eis congressi fuissent. Darius igitur admirans, quòd populus ad bellum & arma natus, nusquam in aciem prodiret, missis ad Anthinum regem legatis, inquit, Cur sui ita latebras captarent, & qui fortissimas gentes, ac remotissimas terras & nationes importunis armis impetere, atque subiugare consueuerant, nunc nec in aciem procederent, nec se vsquam ad apertum Martem paratos ostenderent, sed pristinæ virtutis immemores, se in seruitutem, nullo adhuc bello fugati, redigi paterentur. Si Persarum imperium agnoscere vellent, dona in signum subiectionis mittere curarent: sin minus, ad pugnam se præpararent, suamque libertatem armis propugnarent. Quibus rex ita respondisse fertur: Gens hæc nostra non consuevit se ad arma, nisi cum magna ratio impulerit, conuertere, cum nihil in hac terra possideat, pro quo velit se discrimini vitæ subicere, præter sola sepulchra maiorum suorum, quæ si quis violare tentauerit, sentiet se cum viris negotium habere, qui religionem à maioribus traditā, enixius quàm vitam pro-

Scythica expeditione suscipitur à Dario, sed improspere evenit.

Darius Anthini regis filiam in matrimonium postulat, sed frustra.

Darius exposita dona à Scythis in signum subiectionis. Anthini regis Scytharum responsum.

propriam tueantur. Reliqua omnia, vicos, villas, arces, oppida, vrbes parum æstimantes, ne erigere quidem curamus; tantum abest, vt pro eis mortis pericula suscipiamus. Sedes nostras sæpe pro consuetudine mutamus; idq; nunc propter aduenas facimus, non aliquo bellorum metu coacti, sed vt cedere solemus aëri corrupto, aut bestiis noxiis. Cæterum, quod Darius se nostrum dominum vocet, minimè ratum habemus: nam sicut à seruitute remoti sumus, ita plurimū à dominio eius distamus. quod autē munera à nobis exigat, operā dabimus, vt opportuno tēpore talia mittantur, qualia in his terris fortuna permittat. Itaq; Darius ea legatione magis prouocatus, quā pacatus, ad interiora vrget præcedētes. Visi sunt hostes aliquādo aciē ostētare; quo comperto, Persæ ad bellum se continuo præparauerunt: iam erant acies ordinatæ, nec aliud præter signum lituo dandum restabat, & ecce lepusculus ex mediis dumetis iuxta Scythicam phalangem accurrit. Tum ipsi, subito clamore facti, cœperunt, hoste neglecto, leporem insectari, ipsiq; Persæ hostes subito aduolantes admirari poterāt, insequi non poterant, cum Scythæ equitatu & velocitate semper prævalerent. Darius igitur hoc animaduerso, & susceptæ prouinciæ pœnitudine ductus, ad suos procures conuersus inquit, operæpretium fore, vt à Scythis fugerent, quibus adeo contemptui ducerentur, vt relictis Persis, leporem insequerentur. Nec diu post, legati ab Anthino rege missi, tria munera minimè pretiosa Dario regi offerunt, auem, murem, ranam. Persarum Procures regē aspiciunt, & Rex eos, demissoq; in terram vulutu, visus est dicere: Hęcine sunt præmia tot laborum, & itinerum, & periculorum nostrorum? hęcine sunt tributa, propter quæ oportuit septingenta millia virorum armari, & in pericula mortis per tot rerum discrimina deueneri? Tandem post aliquantulum silentium, quod ridiculosa munera consecutū fuerat, Rex à legatis sciscitatur, quid sibi velint hæc res regi à rege missæ. Illi se nihil earum rerum scire respondent, nec quicquam sibi commissum fuisse, quā vt ea perferrent, ac illi exhiberent. Tum adulator quispiam, qui nunquam in domibus Principum abesse solent, optatam occasionem se assecutum fuisse gauisus, importunè se ingerendo, Darium alloquitur: Rex, inquit, optime, maxime, quicquid vsquam in cælo, terra, mari, id totum illa gens tibi subiectum constitetur. Siquidem hoc declarant hæc videntia, quorum auis ex aëre, mus ex terra, rana ex paludibus producitur. At Gobrias vnus ex septem Persarum primoribus, cuius antea meminimus, capite canus, consilio fidelis, eloquio verax, cum consideraret, Darium in assentatoris sententiam consensisse, non passus est veritatem adulatione superari, sed libera voce clamat: O Persæ, nisi aut cum auibus auoletis, aut cum ranis fluuina transeat, aut cum muribus terræ cauernas aperiat, non erit quarta via de manibus hostium elabendi. Mouit ea interpretatio Regem, adeo vt formidans, ne sibi reditus, interrupto ponte Istri fluminis quem parari iusserat, negaretur, celerius, quā felicius ex terra hostili sese abripere procurarit, cum præsertim in castris non parū rei frumētariæ inopia laboraretur. Cæterū, quod facilius hostē falleret, castra, quemadmodum erāt, in pristino loco remanere iussit, in quibus dicuntur fuisse plurimi vulnerati, & complures asini, muli, canes, aliaq; diuersi generis animalia, & igniū in primis magnā copiam, eaq; nocturno tempore incensa. Qua quidem re ab hostibus animaduersa, cum audirent

*Scythæ paupers
nependentes
exercitū Da-
rii, leporem
insequuntur.*

*Scythæ Da-
rio munera
ridicula offe-
runt, sed non
caventia my-
sterio.*

*Adulatoris
cuiusdam
interpretatio.*

*Gabyæ vo-
ra interpre-
tatio.*

dirent diuerforum animalium strepitus ac vociferationes, & tabernacula integra conspicerent, ipsos ferūt existimasse, illic adesse Persas, qui tamen multo antè relictis castris, sese in locum tutiorem receperāt, Scythas serò tandem fuga cognita, persequi conatos: sed frustra hoc ab ipsis tentatum. Hunc itaq; successum habuit Scythica expeditio per Darium suscepta. Quoniam verò hīc proximè facta est mentio de pōnte Darij super Istro, me operepretium facturum existimaui, si breuiter subiicerem quæ doctissimus vir Petrus Gillius, lib. II. cap. XII. de eo, ac etiam de sella Darij in petra excisa memoriæ tradiderit. Iam, inquit, ex antè scriptis liquet, Pontem Darij fuisse in angustiis Bosphori iuxta Pyrrhiam Cyonem, Hermæumque promontorium: sed in qua parte angustiarum, coniecturæ relinquitur eius, qui cum iudicio vidit Bosphorum, &c. Paulò pōst inquit, Darij pontem, quamuis Herod. non aliter describit, quàm duntaxat nauibus iunctum fuisse: tamen talem, qualem postea Xerxes Darij filius, in faucibus Hellespōti iunxit. Verisimile enim est filium secutum patris architectos: tum ratio suadet, melius fieri non potuisse à Dario, quàm aut à Xerxe in Hellesponti angustiis, aut à Romanis in Rheno, Euphrateq; & Tigri. fecerunt enim hunc ferinè in modū. Naues planæ à littore ad littus contrariū, certum interuallum distantes, inter se disponuntur, quarum proræ contra decursum confluentis directæ stabiliuntur ancoris, aut aceruis lapidum, virga aut ramo circumtorto circumclusis, in vadum deiectis, ex prora appensis. Supra naues trabes transversæ immittuntur nauigia colligantes, & stabilientes, partim inter se, ne collidatur, partim vt axes sustineant, transitum præbituras: præterea duo validi funes, aut ferreæ catenæ sublimes supra nauigia ex utroque latere suspensæ, vna paulò supra proram, altera infra puppim succulis contentæ in littore defixis stabiliunt naues, atq; tuentur contra ventos: à tergo, à fronte, à lateribus trabes transversæ positæ defendunt. Hucusque Gillius, qui etiā asserit ex Herod. sententia, hunc pontem in Bosphorò fuisse iunctum ab Androcle Samio. Quod verò ad Sellam Darij spectat, subiungit. Hic locus cum alia præbet historiæ monumenta, tum sellam in petra excisam, in hac enim aiunt sedentem Darium spectatorem fuisse pontis & transeuntis exercitus, quam Dionysius *διψερ*, Herod. *πρεσβείας* appellat. Paulopōst. Herod. non meminit sellæ Darianæ in Bosphorò excisæ, sed in Hellesponto scribit Xerxi præparatam fuisse: qui postquam in media Abydo fuit, videre voluit omnem exercitum. Erat enim illic in cliuo solium prius factum ex albo lapide. Id enim fecerāt Abydeni Regio mandato, in quo Rex sedens, spectauit exercitum, & classem. Credibile est, Darium sedentem in solio, spectasse exercitum transeuntē, cum more Persico reges Persarū delectati sint cōspectu exercitus sui, vt Xerxes Darij filius pugnam etiam naualem commissam ad Salaminem spectauit etiam sedēs. Ex Æschylō, qui in tragœdia nuncupata Persis, sic ait. Itemque hac in re verisimile est, imitatum fuisse Xerxem patris Darij rationem, præsertim cum Darius Androcle habet Darianæ gloriæ studiosum, quem est vero proximum, in cliuo eminente supra pontem excidisse solium, cum is ponte confecto à Dario magnis præmiis affectus, ad viuum depinxerit totum pontem Bosphori, & regem Darium in regio solio sedentem, eiusque exercitum transeuntē; eaq; depicta in Heræo, hoc est, templo Iunonis, cum hac inscriptione suspenderit,

Pons Darij.

Quomodo
Romanipon-
tes constru-
bant.

Sella Darij.

derit, & dicauerit: &c. Superius à nobis enarratum est, præcipuam huius bellicausam fuisse repulsam habitam à rege Scytharum Anthino, qui Darij affinitatem neglexerit. Caterùm à nōnullis in literas relatū est, præter hanc, etiam aliam huius grauissimi belli causam extitisse; nimirum, quòd quemadmodum Cyrus à suo regno Barbaricas gentes, quæ ex Arctoa regione in Asiam infundebātur, arcere conatus est, ita & Darium, infusas iam in Asiam eiicere, & longius remouere instituisse, quod etiam facillè patet ex Herod. qui asserit, Scythicum regem, aduersus quem Darius arma sumpsit, Indathysum appellatum. Idem quoque vicinas gentes Thraciæ ad Bosphorum Getas, Cimmerios, & vltius Sauromatas appellat, quæ nomina obseruanda sunt, quandoquidem ab his Cimmeriis, vti antea demonstrauius, Cimbro or-
 tos esse, & à Getis Gottos, non dubium est. Ac hodie Gottià nominatur re-
 gio, vicina Colchicæ, & sunt in Taurica Gotti, linguam Germanicam reti-
 nentes. Nonnulli autem ex his, aliisque finitimis, venienti Dario se statim
 dederunt, & plerique alij armis domiti fuere. At Scythæ illum tandem à
 suis finibus recedere compulerunt. Numerum quidem Persarum ab initio
 eundem tradit Herodotus, nempe septingentorum millium, cum equitatu;
 inquit, præter classē, quæ sexcentis, vt antè diximus, nauibus cōstabat. Scy-
 thæ, explorata Darij ad redeundum voluntate, velocissimo cursu viarum
 compendia quærentes, prius ad pontem quem Darius sub custodia relique-
 rat, peruenerunt. Sed pontis custodes iam à parte Scythici littoris ipsum, ne
 insidiis aptus esset, dissoluerā: Ad Persarum autem reditum mox repararunt;
 suos, vt secuta fuga salutem quærent, transuecturi: sit in littore acre præ-
 lium, in quo Persæ fusi fugatique. Erat in eo Persico exercitu Antenor Fran-
 corum rex, vt ex Hunibaldo Francorum historico colligi potest, à Scandian-
 nis, siue Gothis occisus, cuius filius Marcomirus oraculo monitus est, ne te-
 merè Scythas sollicitaret, teste Irenico lib. iij. cap. lxxvi. Rex tamen Darius
 per summam difficultatē elabatur cum maiore exercitus parte; amissis octo-
 ginta millibus fortissimorum virorum, quæ ille in damnis non computabat
 præ nimia militum multitudine, qua instructus adueherat. Darius interim
 post Scythicam expeditionem, in Persiam reuersus, imperij proferendi cupi-
 dus, Macedoniam suæ ditioni adiicere conabatur, præsertim cum ibi & ve-
 næ metallicæ quam vberimæ fuissent. Missi sunt ergo legati Persici, ad A-
 myntam regem Macedoniæ, qui petierunt, vt terram, & aquam traderet Da-
 rio. Amyntas metuens potentiam Persicam, placidè respondit, & Persas in
 conuiuium vocat. Hic Barbari superbè petierunt etiam nobiles mulieres
 adduci, & inter conuiuas collocari; qui ebrij iam & basia dabant honestis
 mulieribus, & virginum Macedonicarum sinus attrectabāt. Hæc cum ægrè
 ferrent pater Amyntas, & filius Alexander, magni illius proauus, filius pa-
 trē hortatur, vt ex conuiuio discedat dormiturus. Qui cum abiisset, simu-
 labat hilaritatem Alexander, ac aliquantō post, hortatur, vt concedant mu-
 lieribus, vt aliquantis per surgant, & ait, mox redituras esse. Quibus dimissis
 iubet adolescentes nobiles, totidem induere earum vestes; & gladios sume-
 re abditos sub vestibus, & cum Persæ eos attrectarent, ipsos confodere. Hæc
 ita facta sunt, & lasciuia ac petulantie pœnas legati iustas dederūt. Aliquāto
 post & Ionicum bellū insecutū est. Defecerant enim à Dario Iones in littore

Cimbri, &
 Gotti, unde
 genus traxe-
 runt.

Darij exer-
 citus ad Istrū
 ceditur.

Persarum le-
 gatio ad Ma-
 cedones.

Persici ora-
 tores interfi-
 ciunt à Gra-
 cis in conui-
 uiō.

D

Asiæ,

*Iones deficiunt
à Dario.*

*Aristagoras
mouit bellum
in Persas,
ope Athenien-
sium.*

*Græcorum
clades in Io-
nia.*

Histiæi mors.

Asiæ, & incenderant Sardis, qua in re & auxilia Atheniensium habuerant. Fuit autem defectionis præcipuus suasor Histæus Lyfagoræ filius, Mileti tyrannus, qui cum esset Suis apud Darium, intellexit, eum velle Iones in Phœnicum regionem transferre, & Phœnices in Ioniam collocare. Ut igitur ea omnia Aristagoræ Molpagaræ filio, suoque genero & cōsobrino innotescerent, eumque ad defectionem sollicitaret, cum nulla alia ratione illi hoc posset indicare, custoditis vndiquaque itineribus, fidelissimo è seruis caput erasit, literasque impressit, & homine retento, quoad capilli excreverent: ubi autem illi renati sunt, celerrimè dimisit Miletum, nihil aliud mandans, nisi ut cum eò peruenisset, iuberet Aristagoram radi capillos capitis & aspici caput. Intellecto igitur consilio, mouit bellum Aristagoras, & Ionas, ac plures alios ad defectionem induxit, utque etiam Lacedæmonios in belli societatem pertraheret, Spartam se contulit, & Cleomenem regem omni ratione qua potuit, ad hoc bellum pellicere conatus est: at re infecta, illinc Athenas venit. Ad eam urbem ut accessit, eadem quæ in Sparta, commemorauit de cōmodis, quæ essent in Asia, deque Persico bello, quod neque scutum neque lanceam in usu haberent, sed tantummodo breuib. arcubus, ac breuib. spiculis, longisque in capitibus crispis vterentur, indeque faciles forent ad capiendum. Hæc ille referens, illa quoque addebat, Milesios esse Athenienses colonos, quos æquum esset ab eis liberari, qui multum pollerent. Denique nihil non pollicebatur, omnibus precibus obsecrans, quod tantoperè cupiebat, donec eos induxit. Itaque Athenienses persuasi, decrevere viginti naues Ionibus auxilio mittendas, Melanthio illis præfecto, viro inter populares omni in respectato. Hæc classis initium malorum extitit Græcis pariter ac Barbaris, ut inquit Herodotus: de qua quidem re mox dicitur. Aristagoras interim copiis aduæctus, & Sardes incendit, & Persas eorumque socios haud mediocribus damnis affecit. Postea Ionibus ad Ephesum cæsis, Athenienses eos deserunt. Tandem Persæ Ionas, Cares, & Cyprios vicerunt. Interim Aristagoras fugiens in Thraciam, vnâ cum ipsius exercitu interfectus est. Non multo post, Darius blanda & artificiosa oratione Histæi persuasus, illum à se dimittit, eo quidem consilio, ut quemadmodum se facturum receperat, exortos motus componeret, omnesque ad regium obsequium & fidem redigeret. Cum Sardis venisset, & Artaphernes Sardium prætor, illi diceret, Hunc calceum tu quidem consuisti, Aristagoras autem sibi induit; veritus, ne ipsius consilia detecta essent, prima statim nocte fuga se ad mare proripuit, indeque Chium transfretauit, & bellum totis viribus instaurandum curauit. Sed tandem hic exitus fuit, ut Mileto capta & direpta, ipse ab Harpago viro Persa, non parui exercitus duce, postquam simul conflixissent, capto, & Sardis ad Artaphernem perductus, cruci affigeretur. Hoc autem bellum quod primò susceptum est ab Aristagora, sex annos durasse scribitur. Eiusdem rei ineminit etiam Aulus Gellius lib. xvii. cap. ix. ubi agit de notis literarum, quæ in C. Cæsaris epistolis reperiuntur, deque aliis clandestinis literis ex veteri historia repetitis, &c. Est & alia, inquit, in monumētis rerū Græcarū profunda quedam & inopinabilis latebra, barbarico astu excogitata. Histæus nomine fuit, loco natus in terra Asia nō ignobili (Asiā tūc tenebat imperio rex Darius.) Is Histæus, cū in Persis apud Dariū esset, Aristagoræ cuipiā res quasdam occultas nuntiare

nūtiare furtiuo scripto volebat. Comminiscitur opertum hoc literarum admirandum: seruo suo diu oculos agros habenti, capillum ex capite omni tanquam medendi gratia deradit, caputque eius læue in literarū formas cōpingit. His literis, quæ voluerat, perscripsit. Hominem postea, quoad capillus adolefceret, domi continuit. Vbi id factum est, ire ad Aristagoram iubet. Et cum ad eum, inquit, veneris, mandasse me dicito, vt caput tuum (sicuti nuper egomet feci) deradat. Seruus, vt imperatum erat, ad Aristagoram venit, mandatumque domini affert. Atque illē id non esse frustra ratus, quod erat mandatum, fecit. Ita literæ perlatae sunt. Dum hæc ita geruntur, apud Athenienses, vt hoc etiam obiter addatur, Harmodius & Aristogiton, Hipparchum Pisistrati filium interemere. *Ælianus variæ historiæ lib. XI. scribit, ab Hipparchi interitu.* his interfectum esse, eo quod in Panathenaicis canistrum deæ deferre, iuxta patrum morem, non permisit forori Harmodij. Verum Plato in eo dialogo qui inscribitur Socrates, & Hipparchus, hanc causam fuisse cedis Hipparchi negat, & aliam à sincerioribus traditam producit. De ipsius autem sapientia, & studio erga doctos, de quæ Homericis carminibus idem Plato ibidem plurima recenset, cuius etiam idem *Ælianus meminit lib. VIII. eiusdem operis.* Post huius interitum Hippias eius frater, tyrannidem, obtinet annis paulo amplius tribus vsque ad expulsos Pisistratidas, quod quidem contigit 20. anno antepugnâ Marathoniam, postquam regnassent annis 36. His autem expulsis, Cleomenes & Demaratus, ambo Atheniensibus imperarunt, sed breui post, expulso Demarato, in eius locū Leotichides successus est. Pausan. 114. Imperauit Cleomenes Athenis annis 16. Plutar. in vitis pag. 135. Interim Lacedæmones omnem operam dabant, vt Hippiam, propter tyrannidem ab Atheniensibus regno eiectum, socij restituerent. Sed repugnante Sosicle Corinthio, nihil omnino agi potuit. Quocirca omni spe destitutus, ad Artaphernem fugit, qui primò Athenienses per literas & nuntios rogat, vt eum recipiant. At ipsi prorsus abnuere, monereque Persas, ne exulibus Atheniensibus fidem adhiberent. Sed nihil horum suasionē motus Artaphernes, iubet Athenienses, si salui esse vellent, Hippia recipere. Hi verò, vt antea, responderunt, adiciētes, malle se Persarum, hostes fieri, quàm tyrannum denuò admittere. Hippias interim hoc animaduerso, se totum ad Persarum beneuolentiam conuertit, & Darium, alioqui satis ad hoc sua sponte incitatum, vt expeditionem aduersus Athenienses & Græciam susceperet, hortabatur, eamque illi prosperè successuram, plurimis rationibus ostendebat. Darius verò iamdudum flagrabat cupiditate Atticæ potiundæ, ac dicere solebat, malle se Atticæ ficus in sua prouincia, quàm in libero solo natas edere. Præcipua verò causa, cur Athenienses præ cæteris oderat, eosque mirum in modum vlisci cupiebat, inde orta est, quod ipsi, Aristagoræ persuasione inducti, classe, vt dictum est, Ionas iuuisent. Cum enim hoc Dario indicatum esset, ferunt, illum, tum arcum poposcisse, ac eo sumpto, sagittam impositam in cælum excussisse, & ea in aërem excussa, dixisse: O Iupiter, cōtingat mihi, vt Athenienses vliscar! Atque hæc locutum, cuidam famulorum præcepisse, vt sibi semper apposita cæna, ter diceret: Here memento Atheniensem. Idem Chalcedonenses non minori odio prosequēbatur, quoniam pōtes qui versus regionem suam spectabant, dissoluere conati essent, & aram in hono-

D 2

rem

*Darij expe-
ditio aduer-
sus Græcos.*

rem Iouis Diabaterij ab eo erectam, evertissent. Incunte igitur Vere, Darius ingentes copias terra marique parari iussit, eisque Mardonium Gobrys filium adhuc adolescentem, & qui recens Darij filiam nomine Artozostra, in matrimonium acceperat, praefecit. Hic ergo cum exercitu in Græciam nauigauit, Thasum insulam, & Macedoniam occupat. Sed cum ad Athon montem naufragium fecisset, & ipse à Brygis Thracibus vulneratus esset, inglorius in Asiam rediit. Herod. lib. vi. pag. 180. 181. Id verò incidit in annum ab orbe condito iuxta nonnullos 3474. siue, ut alij censent, 3465. Darius aduersis casibus nequaquam exterritus, classem sexcentarum nauium comparauit: ei que Datim genere Medum, & Artaphernem Artaphernis fratris sui filium praeposuit, hisque ad ducenta, siue ut aliis placet, ad trecenta peditum millia, & decem milia equitum, dedit: causam interserens, ut antea commemoratum est, se hostem esse Atheniensibus, quod eorum auxilio, Iones Sardos expugnassent, suaeque praesidia interfecissent. Dat itaque in mandatis, ut Athenas ac Eretriam diriperent, & captiuos in eius conspectum adducerent; simulque oratores in Græciam mittit, urbium facturus periculum, & terram atque aquam postulaturus. Ceterum nihil omnino ab eis impetratum est. Praefecti autem regij, omnibus rebus rite ad bellum dispositis, cum classe ad Euboeam appulerunt, & Eretriam, insignem ciuitatem Græciae, ac Euboensium coloniam, obsidentes, illam breui expugnarunt, & captiuos regi miserunt. Qui eis iuxta Susa sedes assignauit, de quibus Platonis extat epigramma: Euboensium genus sumus Eretricum, sed prope Susa iacemus, heu terra quantum à nostra- te? Inde ad Atticam accesserunt, ac suas copias in campum Marathonium deduxere, ita suadente Hippias, quoniam ea planities, seu campus, equitatu opportunitissimus foret. Haec urbs, siue, ut Stephanus dicit, pagus, Athenis aberat circiter decem millia passuum, easque habebat ab Occasu, & ab Oriente Cynosuram promontorium. Fuit autem Leontidis tribus, ut inquit Pausanias, eamque aequali distantia ab Athenis Carystoque Euboeae urbe abesse tradit. Idem auctor, Marathonem à quodam heroe Marathone nominatam fuisse scribit: quem inter alios illustres viros, qui in Marathonica pugna obierunt, praecipue venerabantur. Tunc Herculem quoque, quem primi Marathonij apud Græcos in Deorum numerum retulerunt. Fuere in Attica, ut in rebus Atticis prodidit Strabo, centum & septuaginta tribus, quibus nonnulli addiderunt adhuc quatuor: ex quibus nulla ferè non veteri aliqua fabula, aut insigni historia celebrata ab auctoribus. Inter has quoque Marathon, ob hanc praecelaram pugnam, in Marathonici campis gestam, singularem laudem gloriamque adepta est. Interim Athenienses, cognito Persarum aduentu, tamque propinquo & magno periculo permoti, statim crearunt decem Praetores, qui exercitui praesent, inter quos erat Miltiades Cimonis F. Eodem tempore miserunt etiam ad Lacedaemonios Philippidem curforem, qui nocte una stadia M. D. confecisse dicitur. Ab eis responsum est, quod sibi ob rotundam lunam, & anteplenilunium in aciem exire, per legem non licebat. Dum igitur de summa rerum inter duces agitur, & magna fit contentio, utrum sese intra moenia continerent, eaque pro virili defenderent, an obuiam irent hostibus, & cum ipsis aleam belli experirentur, dumque ex aliis nonnulli primariae auctoritatis censent, Spartanorum opem expectandam, vnus Miltiades maxime

Marathon unde nomen accepit.

Philippides cursor insignis.

Miltiades Atheniensium Rex.

maximè nitebatur, vt primo quoque tempore castra fierent. Id si factum esset, & ciuibz animum accessurum, cum viderent de ipsorum virtute non desperari, & hostes eadē re fore tardiores, si animaduertierent, audere aduersus se tam exiguis copiis dimicare. In hoc grauissimo & cruentissimo praelio, nulla ciuitas Atheniēsis auxilio fuit, præter Platēses: ea mille misit militū. Itaq; horū aduentu, decē, siue, vt alij censent, vndecim millia armatorū completa sunt, quæ manus mirabili flagrabat pugnandi cupiditate; quo factum est, vt plusquam collegæ, Miltiades valuerit. Eius enim autoritate impulsī Athenienses, copias ex vrbe eduxerunt: locoq; idoneo castra fecerunt. Deinde postero die sub montis radicibus, acie ē regione instructa, noua arte, summaq; vi praelium commiserunt. Namque arbores multis locis erant raræ, hoc consilio, vt & montium altitudine obtegerentur, & arborum tractu equitatus hostium impediretur, ne multitudine clauderentur. Datis, & si non locum equum videbat suis, tamen suarum copiarum numero ac multitudine fretus, decertare cupiebat, eoq; magis, quod priusquam Lacedæmonij subsidio venirent, dimicare vtile arbitrabatur. Itaque in acie peditum centum, equitum decem millia produxit, praeliumq; commisit: in quo, tantò plus virtute valuerunt Athenienses, vt decemplicem numerum hostium profligarēt, adeoq; eos perterruēre, vt Persæ tanquam Panicis terroribus consternati, non castra, sed naues peterent: qua pugna nihil adhuc nobilius atque præclarior fuit. Nulla enim vnquam tam exigua manus, tantas opes prostrauit. Herod. lib. vi. tradit, ex Persis occubuisse circiter sex millia & trecentos: Atheniensium verò centum, nonaginta duos. Iustinus numerum Persarum, qui hoc in praelio ceciderunt, longè ampliorem cōstituit. Herod. etiam asserit, post plenilunium duo millia Lacedæmoniorum Athanas venisse, tanta festinatione adipiscendi hostem, vt triduo quàm ex Sparta discesserant, in Atticam peruenirent: & licet seriùs ad pugnam venissent, tamen conspiciēdi Medos cupidos, ad illos intuēdos in Marathonē perrexisse. Quibus visis, laudatisq; Atheniensibus ob præclarum facinus, rursus rediisse. Porro hanc pugnam Athenis in porticu, quæ à variarum picturarum argumentis ποικίλη vocata est, magno studio depinxerunt. Quo pacto scilicet Bæotij, Platæenses, & omnis Attica cum Barbaris manū conferuerit: quomodo in medio agmine fugientes Persæ, sese certatim in paludem impulerint, (erat enim in Marathone palus cœnosa, in quam Barbari, viarum imperitia fugientes, iruebant.) In hoc loco Mineræ simulachrum fuit, quam ab eo Ellopiam nuncupatam fuisse, nonnulli crediderunt. In postrema picturæ parte, Barbarorum naues depictæ, in quas Persæ magno impetu dilabebantur, quos inter fugam Græci agminatim trucidabant. Hanc Marathoniam pugnam Panæus Phidiæ frater, in Porticu Pæcile dicta, pinxisse dicitur. Atque inter duces Atheniensium, Miltiaden, Callimachum, Cynegyrū: inter Barbaros, Datim, & Tisaphernen, tanta arte, tamq; exquisita diligentia expressisse, vt etiam ad viuum eorum imagines reddiderit, crediderunt multi, tum Deos pro Græcis pugnassee. Ex Marathoniiis manubiis, quas inter se Græci diuiserunt, Platæenses Mineræ, cognomento ἀρείας, templum condiderunt. Quicquid verò scutorum, armorumq; quæ Marathonius hostis in hac pugna perdiderat, repertum est, id omne apud Delphos

Praelium inter Persas & Athen.

Atheniensem victoria.

Athenienses numini consecrarunt. Deinde ex illis, qui sanguine suo patriæ libertatem adseruerant, egregia præmia persoluta; in primis Miltiadi, publico patriæ liberatori. Cum enim in Poecile porticu pugna hæc depingeretur, inter decem prætores, quos ad hoc bellum gerendum Athenienses delegerant, prima omnium Miltiadis imago depicta, omni gestu, habituque, qui adhortantis, impellentis, gestientis in prælio ducis esse consuevit. Pindari interpres, his qui in Marathonica pugna tam strenuam operam nauarunt, phialas argenteas præmij loco donatas fuisse tradit. Quamobrem Marathon *λιπερα*, hoc est, *πλεωρα* appellata. Quemadmodum autem totius huius pugnae gloria apud Athenienses fuit, ita quæ apud Salaminam, atque Plataeas gesta sunt, communi Græciæ tribuuntur. Ptolemæus Sophista, huius pugnae, eorumque, qui in ea occubuerunt, memoriam, tanta sedulitate, studioque tractauit, ut ob id Marathon sit cognominatus. Tamen alij à Marathone tribu, cui Athenis inscriptus est, id nomen hunc accepisse credant. Hoc bellum Marathonium describit Herod. lib. vi. & Iustinus lib. ii. Agathias itidem libro ii. eiusdem rei mentionem faciens, Datis, inquit, olim Darij præfectus, & Satrapes, ubi cum Persarum exercitu Marathonem se contulisset, euertendam Atticam esse censebat, cum hac simul & Græciam vniuersam. Causa eius aduentus quidem nec iusta, sed vti apparet, cum Darium totius Asiæ non caperet magnitudo, molestè ferebat, nisi & Europam insuper occupasset: vnde per Miltiadem deuicti cum Datis ipso & principe, & debellari sunt Medi. Fuere namque tam multi eo prælio cæsi, ut Athenienses ferant nonnulli, antequam bellum inirent, pro interfectis hostibus parem hircorum numerum se Dianæ immolaturos comminatos fuisse, & in eam necessitatem redactos, ut deficientibus hircis, cum nequirent voti compotes fieri, nec promissa persolvere, vel capras insuper immolarint, nec tamen ad numerum has suffecisse. Haec Agathias. Plutarchus etiam in vita Aristidis de iisdem rebus sic pressè ac eleganter memoriæ mandauit. Iam Datis à Dario missus, verbo ut ab Atheniensibus propter Sardes incensas pœnam exigeret, re, ut Græcos euerteret, tota classe ad Marathonem appulerat, regionemque populabatur: Erant eo tempore inter belli duces ab Atheniensibus constituti, auctoritate quidem princeps Miltiades, existimatione verò & potentia proximus Aristides: hic suam de pugna cum Miltiadis sententia coniungens, haud exiguum rebus patriæ momentum addidit. Cumque per intervalla dierum inter duces esset diuisum imperium, Aristides, cum ordo ipsi summam rei deferret, Miltiadi potestatem suam tradidit: docens collegas suos non turpe, sed honestum atque salutare esse, parere & obtemperare prudentibus. Hunc ad modum ambitione sedata, cum eò perduxisset, ut satis haberent, si vnum, idque nimirum optimum sequerentur consilium, Miltiadem imperio perpetuo ei parato, corroborauit: cum cæteri porro diurnis istis omissis imperiis, huic vni animum aduerterent. Cæterum, in pugna Marathonica, maximè acie Atheniensium media laborante, ubi tribus Leontis & Antiochis constiterant, ibique diu sanè Barbaris resistentibus, Aristidis & Themistoclis (quorum hic de Leontide, ille de Antiochide tribu erat) in propinquo illustris fuit pugna. Postquam fufis & ad naues compulsis Barbaris, eos viderunt non infulas versum nauigare, sed introrsum venti violentia marisque versus Atticam

Athenienses
voti ante
pugna Ma-
rathoniam.

Aristidis sin-
gularis mo-
desia &
virtus.

ticam cogi; veriti Athenienses, ne urbem ij defensoribus vacuam occuparent, cum nouem tribubus eadem die accelerato itinere domum redierunt. Aristides verò cum sua tribu aptud Marathonem relictus captiuorū & spoliolum custos, opinionem de se non fefellit. Cum enim auri & argenti adessent acerui, atque omnis generis vestes, & innumerabiles aliae res in tentoriis & in captis nauibus propositae, neque ipse quicquam tangere voluit, & nulli quicquā permisit, nisi si qui clam ipso praedā abstulerunt. Hæc Plutarch. Vnde autem originem habuerint Panici terrores, & quid potissimum significant, breuiter explicabo. Tradunt enim veteres scriptores, Philippidi, quem Athenienses miserunt Spartam, vt nuntiaret, quā celeri opus esse auxilio, Panijuxta Parthenium Arcadiae montem, obuium factum, & se solum decorum ab Atheniensibus negligi questum, opem illis laturum esse dixisse, ac eius verbis fidem adhibitam, eiūque postmodum Athenienses plurimos honores decreuisse. Dicunt verò ante aciem terribiles sonitus auditos esse, & visa spectra, quæ Athenienses postea dixerunt fuisse speciem Panos, qui terrorem tantum Persis incusserit, vt fugerint. Inde Panici terrores postea dicti sunt, de subitis consternationibus, quæ nulla manifesta de causa sepe numero populis exercitibusque incuti & aduenire solent, ita vt maximo terrore iniecto, illos in fugam vertant: Huius autem denominationis originem ab antiquissimis Ægyptiorum historiis, Plutarcho referente, emanasse ferunt. Cum enim Osirim Isidis germanum, & maritum, qui Ægyptum imperio moderatus suo, legibus vitæque institutis ornauit & excoluit, Typhon interfecisset frater, illiusque cadauer per Tanaiticum vocitatum Nili ostium, quod adhuc abominantur Ægyptij, in mare deferendum flumini mandasset: fortè fortuna Panes Satyrique, qui eo in tractu Chemnin denominatum habitabant locū, rem illam, vt gesta fuerat, animaduertisse dicuntur, qui paulopost, disseminatis super Osiridis cæde rumoribus, vniuersam Ægyptum subitis repleuere tumultibus, ex quo natum est, timores, consternationesque illas, quæ repentinæ ignotis accedunt causis, Panicos appellari pauores.

Panici terrores unde dicti.

Suprà commemoratum est, Athenienses in hoc grauiissimo bello implorasse auxilia Lacedæmoniorum, à quibus responsum fuerit, quòd sibi ob rotundam lunam, & ante plenilunium, in aciem exire, per legem non licebat. Hic verò haud inutilis quæstio moueri posset, num rectè ab eis factum sit, nec ne, cum plæriq; censeant, urgente necessitate, nullum dierum discrimen haberi oportere, nec curāda festa & solennes dies, si vrgeat necessitas ab omni soluta lege. Nam M. Marcellus tempore festorum Dianæ cepit Syracusas; hoc inopinante populo Syracusano intento lætitiis. Ipsa quidem antiquitas certos dies seruabat, quos infestos & infelices putabat, & in eis non pugnasset præ timore ob præterita bella in ipsis malè gesta. Cæterum, persæpe ob huiusmodi persuasionem, vel superstitionem potius, maximas clades pertulit, in quo sanè quàm plurima exempla commemorari possent. Ne autem in his recensendis sim prolixior, hoc instar multorum erit. Cum Ariouistis Germanorum rex, cum Cæsare bellum gereret, ac suis dixisset, non esse certandum, neque hostes superari posse ante plenilunium, Cæsar ipsum inuasit, non expectato tali tempore, & in fugam coniecit, octuaginta Germanorum millibus interfectis, & quadringentis terræ stadiis apud Rhenum

Quando sit decernendum cum hoste.

Syracusani deuicti à Marcello.

Cæsaris victoria aduersus Ariouistum.

Luculli vi-
ctoria aduer-
sus Tigranē.

fluvium occupatis, quem ponte arte facto infra decem dies, Cæsar cum exercitu transiit. Sed Lucullus in ea expeditione, quam habuit aduersus Tigranem, Armeniæ, Syriæ ac Mediæ regem, longè aliter sibi faciendum esse statuit. Cum enim Romani pridie Nonas Octobris à Cymbris maxima clade affecti essent, isque dies ab ipsis Romanis valdè infelix & infestus reputaretur, L. Lucullus eodem ipso die cum decem millibus peditum, & equitibus duntaxat mille, hoste ex aduerso ad centum quinquaginta millia bellatorum instructo, in aciem prodiit, & cum sibi obiceretur de die illa, nempe sexta Octobris, populo Romano tantoperè infausta & infelici, in qua, duce Gneo Scipione Cornelio, Maximi Scipionis Africani patre, vniuersus Romanus exercitus à Cymbris propè deletus atque absumptus fuit, Lucullus respondit, illum quidem diem Romanis fuisse olim atrum & calamitosum, sed hodiernus, inquit, erit vobis amicus & fortunatus, si strenuè atque impigrè pugnaueritis, ex quæ ominoso ac tristi, hilarem, amicam, & iucundam Romanis reddemus. Et commissò prælio, hostes fugauit, quinque duntaxat ex Romanis, in ipso certamine interfectis, & centum vulneratis: Ex hostibus autem, Armeniis scilicet, Medis atque Syriis, ultra centum millia desideratis, ac etiam Tigrani regis diademate ablato. Tam paruo impendio tam insolens victoria stetit. De ipso quidem Tigrae, à nonnullis memoriæ proditum est, quod cum Luculli exercitum vidisset, paucorum exercitum irridens, dixerit: Si ut milites aduenissent, per paucos quidem esse: si verò ut legati, permultos. Verum, mox ipso facto, intellexit, victoriam non in multitudine pugnantium, sed militum robore atque virtute consistere. Namque, ut ostendimus, à Lucullo victus est, ita sanè, ut tiaram, vittasque lacerans, atque abiciens aufugerit, ne iis ornamentis in turpi fuga agnitus, ad Romanos captiuus perduceretur. Quas verò acies, quosve exercitus, & qui duces parua manu profligarint, passim videre est apud veteres auctores. Mos autem & consuetudo inoleuit apud varias gentes & nationes, ut statas dies anni, infelices aut fortunatas, pro multiplici euentu, non vna ratione obseruarint. Siquidem Chalcedonij cuiusque mensis vicesimam primam diem, funestam & portentosam habuere, quod illa Darij præfectus ipsorum pueros castrauit, & in Persidem misit. Parthi diem, qua Arsaces Seleucum vicit, tanquam initium libertatis, faustum felicemque, obseruarunt. Cyrus diem, qua Scythas & Sacas clade afflixit, adeò felicem habuit, ut eam Sacam appellaret: sicut Asiani festam diem Mutiam nuncuparunt, quod Q. Mutius Asiam singulariter rexerat. Athenienses quartam Hecatombæonis, qui mensis erat Soli sacer, duplici victoria insignem, velut fortunatam, obseruandam præceperunt, qua ad Leuctram, & Geræstum feliciter pugnatum est. Idem, quartamdecimam Boëdromionis, aut secundum Boëotios, sextam & vicesimam Panemi mensis, quod Artabanum & Persas à Græcia fugarunt, felices habuere: qua die liberatori Ioui victimam cedere, & sacrum facere consueuerant. Persæ verò, tertiam & sextam mensis Boëdromionis, tanquam lugubres & defamatissimas deuitarunt, quibus diebus in pugna Marathonica, & ad Plataeas, & ad Mycalen, à Græcis conflictati, & magnas clades perpeSSI sunt. Qui etiam diem, qua Magi, qui regnum occuparant, interempti sunt, tam solennem habuere, ut illam, Magophoniam, hoc est, Magorum occisionem, appellarent, qua die nulli

Fortunati &
infortunati
dies.

nulli Magorū extra limen prodire fas erat. Et de his quidē hactenus dictū sit.

Quod verò ad Hippiam, Pisistrati filium, cuius paulò antè meminimus, attinet, Cicero ad Atticum, ac itidem Iustinus, illū in hoc proelio interfectum dixere, diis patriæ ultoribus pœnas repetentibus. At Suidas refert, victis Persis, illum fugisse in Lemnum, ibique in morbum incidisse, visu amisso, & sanguine per oculos effluente, acerboque mortis genere decessisse, his pœnis patriæ datis, ad quam seruitute opprimendam Barbaros adduxerat, iratis patriis diis. Vt verò liberè dicam quod sentio, haud sanè mihi verisimile videtur, ipsum sese in Lemnum recepisse, sed potius in quendam alium locum, cum ea insula tunc temporis pareret Atheniensibus. Hanc enim Miltiades paulò antè subiugarat. Cæterum, de hac re suum cuique esto iudicium. Is etiam narrat huic antecōflictum Marathonium accidisse vehementē quandam sternutationem, cumque vt senex, vacillantes dentes haberet, ex acri sternutationis concussione, vnum dentem excussum esse, & in arenas delapsū, reperiri non potuisse. Huius quoque rei meminit Herod. lib. vi. atque addit, huiusmodi sternutationem fuisse cum tussi solitò vehementiorem, ac superiori nocte ante prælium commissum, sibi visum esse in somnis cum matre concūbere. Quo ex somnio illum coniectasse, fore, vt reuersus Athenas, ac recepto dominatu senex domi suæ obiret. Post verò dentis excussionem cum sternutatione ac tussi, suspirasse, ac eis qui aderant, dixisse: Hęc terra non est nostra, nec eam poterimus nobis subiicere: sed tantummodo partem, quantum spatij dens, qui mihi aderat, obtinet. Vtcunque tamen sese res habeat, credibile omnino est, illum tragico euentu vitam suam clausisse, vt ipsius frater Hipparchus, vtq; omnes alij, qui patriam seruitute opprimūt, ac tyrannidem exercent. Nam tyrannorum exitus plærunque miserrimi esse consueuerunt, sicuti & veterum annales, & quotidiana experientia testatur. At Miltiadis interitus exemplum est vñtate ingratitudinis hominū, & præcipuè populi Atheniensis erga suos benefactores, maximè imperatores, longè ingratisimi. Cum enim potissimū ipsius consilio & fortitudine Persicus exercitus profligatus esset, cumque antea Lemnum insulam Attico imperio adiecisset, postea ab inuidis immeritò prodicionis accusatus, quòd, cum Parum insulam expugnare posset, à Persarum rege corruptus, vt falsò illi hanc calumniam insimulabant, infectis rebus, à pugna discessisset. Quòd autem huiusmodi obsidionem reliquisset, id sanè fuit in causa, quòd cum res iam eò deducta foret, vt maxima spes potiundi oppidi affulgeret, procul in continenti Lucus, qui ex insula conspiciebatur, noctu incensus est. cuius flamma vt ab oppidanis & oppugnatoribus est visa, vtrisque venit in opinionem, signum à classiariis regiis datum. Quo factum est, vt & Parj à deditio-
ne deterrentur, & Miltiades timens, ne classis regia aduētare, incensis operibus quæ statuerat, cum toridem nauibus atque erat profectus, (hæ autem septuaginta fuerant) Athenas magna cum offensione ciuium suorum rediit. Et quoniā eo tempore æger erat vulneribus, quæ in oppugnando oppido ceperat, cum pro se dicere non posset, verba fecit frater, eius Dixagoras. Causa cognita, capitis absolutus, pecunia mulctatus est, vt L. talenta, id est, triginta millia nummorum aureæ monetæ, penderet, quantus in classem sumptus factus erat. Hanc pecuniæ summam quòd persolvere non poterat, in vincla publica

*Hippia in-
teritus.*

*Athenien-
se de se bene-
meritis in-
grati.*

*Miltiadis
obitus, &
vñtus.*

Tyranni qui
nam proprie
dicantur.

publica coniectus est, ibiq; haud multò post, diem obiit supremum, auctore Æmilio Probo, qui addit, etsi crimine Pario fuerit accusatus, tamen aliam fuisse causam damnationis. Namque Athenienses, inquit, propter Pisistrati tyrannidem, quæ paucis annis antè fuerat, omnium suorum ciuium potentiam extimescebant. Miltiades multum in imperiis, magistratibusque versatus, non videbatur posse esse priuatus: præsertim cum consuetudine ad imperij cupiditatem trahi videretur. Nam Chersonneso, omnes illos quos habitarat annos, perpetuam obtinuerat dominationem, tyrannusque fuerat appellatus, sed iustus. Non erat enim vi consecutus, sed suorum voluntate: eamque potestatem bonitate retinebat. Omnes autem & habentur & dicuntur tyrani, qui potestate sunt perpetua in ea ciuitate, quæ libertate vsa est: sed in Miltiade erat cum summa humanitas, tum mira comitas: vt nemo tam humilis esset, cui non ad eum aditus pateret: magna auctoritas apud omnes ciuitates: nobile nomen, laus rei militaris maxima. Hæc populus respiciens, maluit eum innoxium plecti, quam se diutius esse in timore. In hoc autem Probus ab Herod. dissentit, quod hic non à fratre, vt alter, sed ab amicis causam illius actam scribat, cum putrescente crure ex vulnere lectulo incumbere. Addit etiam, Cymonis filium (ita enim illum nominat) pecuniam pro patre numerasse. Verum, ne sic quidem illum inuidia & carcere liberatum. Refert hoc inter exempla ingratorum Val. lib. v. cap. iiii. Hoc autè prælium anno xx. post eiectum ex Athenis Hippiam, & Pisistratidas, factum esse scribit Thucyd. pag. 160. Aulus Gel. lib. xvii. cap. xxi. Ducentesimo, inquit, & sexagesimo anno post Romam conditam, aut non longè amplius, victos esse ab Atheniensibus Persas memoria traditum est, pugna illa incluta Marathonia, Miltiade duce, qui post eam victoriam damnatus à populo Atheniensi, in vinculis publicis mortem obiit. Hæc Gellius. Incidit autem in annum quintum ante mortem Darij, quod quidem facile colligitur ex verbis Herod. lib. vii. qui scribit, Darium, accepto huius cladis nuntio, grauissimè tristatum esse, ac in eius vltionem, apparatus fecisse per triennium in secundam expeditionem Græcicam, in quam ipsemet proficisci decreuerat, & quarto anno defecisse Ægyptios, quos Cambyfes Persis subegerat, & vltimo à defectionis anno mortuum esse, adeò vt nec Ægyptios, nec Athenienses, vt maxime statuerat, vlcisci potuerit. Obiit autem sex & triginta annis in imperio expletis, filio Xerxe in regem designato, ei que moriens, præter alia, dixisse fertur: Marathonis memento. Strabo xv. libro ex Onesicriti sententia, in eius sepulchro huiusmodi epitaphium positum fuisse narrat Persico sermone:

Darij obitus.

Epitaphium.

*Amicus amicis fui, & eques, & sagittarius
Optimus, venatores superavi, & omnia facere potui.*

XERXES
iiii. Persarum Rex.

Etsi verò Artabazanes maior natu erat, quia tamè fuerat natus ex priori coniuge, alter ex filia Cyri Atossa, regnante Dario, Xerxem, Demarato sic suadente, qui huiusmodi legem Spartas habere affirmarat, in imperio præfecit. A quibusdam in literas relatum est, inter hos duos, post patris obitum, fuisse maximam controuersiam de regno, & hoc certamen concordie animo ad patrum suum Artaphernem, veluti ad domesticum iudicem detulisse, qui, domi cognita causa, Xerxem præposuit, adeoque fraternam contentionem fuisse, vt nec victor exultauerit, nec victus indoluerit, mutuamque deinceps beneuolen-

uolentiam inter se retinuisse, ac vſitato more inuicem alterum alteri munera miſiſſe. Hic autem non ab re fuerit in medium proferre quod Plut. de vtroq; poſteris tradiderit in eo libello, cui titulus eſt De fraterno amore. Opera eſt precium, inquit, in præſentia diſceptionem audire barbarorum fratrum, non de particula eam agelli, aut mancipiis, vel pecore, ſed de regno Perſiæ. Mortuo Dario, alij regnum Ariameni, vt de filiis eius natu maximo deferebant, alij Xerxi, qui ex Atosſa filia Cyri, Dario iam regnum gerente, natus erat. Deſcendit itaque Ariamenes è Media, non bellico apparatu, ſed placidè ad iudicium. Xerxes, qui præſens ea agebat quæ erant regis, veniente fratre, depoſito diademate, & deiecta tiara, quam erectam ferunt reges, occurrit fratri, cumq; ſalutauit, ac dona mittens, dicere eos qui portabant, iuſſit: His te nunc honorat Xerxes frater tuus, qui ſi rex iudicio & ſuffragio Perſarum declarabitur, proximum tibi à ſe locum tribuit. Reſpondit Ariamenes: Ego dona quidè accipio, regnum autè in Perſas mihi cenſeo deberi, honorè tamè fratribus meis minoribus ſeruabo ſuū, & primo inter fratres Xerxi. Inſtante porro iudicij die, Perſæ communi ſententia Artabanum iudicem designauerunt. Hic Xerxi, quod multitudini fideret, iudicem recuſanti Atosſa obiurgans, Quid fugis, inquit, Artabanum patruum, & Perſarum optimum, ſili? idq; certamen metuis, in quo præclarum eſt, ſi vincere, fratrem regis Perſarum ſecundo te loco vocari? Xerxe obtemperante, & cauſa cognita, Artabanus pronunciauit Xerxi regnum conuenire. Ariamenes autem ſtatim proſiliens, fratrem adorauit, dextraq; apprehenſum, in ſolium regium collocauit. Exinde primo apud eum loco habitus, beneuolum ſe præbuit: ita quidem, vt pro gloria fratris nauali apud Salaminam prælio præclare pugnans ceciderit. Atque hoc tanquam purum & inculpabile exemplar beneuolentiæ, & magnanimitatis propoſitum eſto. Hæc Plutarch.

*Exemplum
fraternæ be-
nevolentie ac
ſingularis
modestia.*

HISTO-

HISTORIÆ RERVM PERSICARVM

LIBER SECVNDVS.



POSTEA QVAM Darius naturæ ac fato concessisset, haud immerito inter filios exorta fuisset propter regni successionem rixa atque cōtentio, ni Artabazanus, suafu atque instinctu Demarati præfecti, iuris ac ætatis prærogatiuam Xerxi fratri libenti animo submisisset. Tanta quippe fuit paternæ voluntatis obseruantia, vt potius iuri suo cedere, quàm eius auctoritatem infringere, vel labefactare aliquo modo sustineret. Proinde

translato à se in fratrem Xerxem imperij iure atq; nomine, Xerxes rerum potius, nihil statim ab initio habuit antiquius, quàm regni aditi possessionem ab amplificatione auspicari. Quippe cùm Ægyptij, Persici imperij dignitatem turpi defectione contaminassent, sibiq; persuaderent, non solummodò se armis atque opibus contra illorum potentiam tueri posse, verùm etiam per occasionem vltro ipsos adoriri, & bello laceßere, Xerxes indignum ratus, hanc mollem & effeminatam gentem contra se insurgere, ac pristinum obsequium detrectare, contractis multis copiis, in illos statim mouit, & non prius arma deposuit, quàm Ægyptiis subiugatis, imperij sui nomen ac veterem gloriam illustrasset. Hæc Xerxis expeditio, si ad calculos & annorum seriem deuocemus, nisi me error fallit, incidit in annum ab orbe creato, 3481. siue, vt quibusdam aliis placet, 3478. Priusquam verò ex Persia recederet, illius procuratori Achmenem fratrem, qui deinde post viginti annorum decursum ab Inaro Libya rege, & Atheniensibus interfectus est, cum summa potestate atque imperio substituit. In Persiam reuersus, breui pòst, cùm paternam iniuriàm à Scythis acceptà, tã tenaci memoria conseruaret, vt prius omnium aliarum rerum, quàm ipsius obliuisci posse, aut velle videretur, statuit prius experiri omnia illa difficillima negotia atque incommoda, quæ reges magnum aliquod bellum gesturi sufferre coguntur, antequam depone-re posset tam vehementem animum vindicandi. Igitur septingenta armatorum millia exemplo patris sui in militiam conscripsit. Sed cùm nec tantum exercitum contra hostium potentiam satis esse putaret, adiecit trecenta auxilium copiarum millia, quæ cùm adhuc parum sufficere videretur, adiunxisse etiam ferunt mille rostratas naues, & tria millia nauium onerariarum. His copiis, & si non solùm Scythis, sed toti orbi formidabile bellum inferre posse putaretur, attamen vt principio terribilis, ita exitu inanis & contemptibilis apud omnes habebatur. Quippe Cimmericas Scytharũ, seu Gothorum mansiones aggressus, cùm consideraret suam Persicam gentem, & bellicum apparatus ab animosis hostibus non timeri, sed aperte cōtemni, substitit, & quid cōsiliij caperet, inquit. Tandem cùm nec semel cùm hostibus congredi tentasset, postquam nulla sibi potestas dimicandi daretur, ab ea expeditione inglorius recessit. Post hæc, domum reuersus, videbatur ab initio paci & quieti velle consulere, nec de bello Græcis inferendo admodum sollicitari. Cæterum, breui pòst, mirè ad hoc inflàmari cœpit, Mardonio suo conso-

Xerxis expeditio aduersus Ægyptios

Xerxes parat exercitum in Scythias.

Eiusdem imperij prosperi successus.

Expeditionem aduersus Græcos Mardonij successu.

consobriuo, Gabryæ & sororis Darij filio, potissimum extimulante, qui apud eum summa gratia & auctoritate pollebat, & propter eximias animi corporisque dotes, in maximo apud Persas honore atque admiratione habebatur. Hic sublimes spiritus gerens, ac ætatis feruore sublatu, gloriæque ac laudis cupientissimus, magnas semper res appetere, magnisque aspirare imperiis, utque id assequeretur, varias assidue variis artibus quærere moliri que vias. Quare Xerxi persuasit, uti Græcorum vires afflictere, sibi que eos populos, assiduos infestissimosque Persici nominis hostes, omnibus studiis & rationibus subiungere contenderet. Proinde huius verbis ac persuasione incitatus, conuocatis proceribus, operæpretium fore iudicauit, ut in publico ipsorum consensu hanc rem proponeret. Ibi Mardonius rogatus sententiam, ea omnia publice retulit, que in priuato colloquio regi ostenderat, & bellum omnino suadebat. Tum silentibus aliis, Artabanus Hytaspis filius, Xerxis patruus, vir summa grauitate ac prudentia præditus, multis rationibus ab alto repetitis, bellum omnino dissuadet. Eius autem oratio, ut est apud Herod. lib. vii. plurimis salutaribus consiliis, ac sapientissimis sententiis, tanquam pretiosissimis gemmis, referta est. Vicit tamē prior sententia, bellumque inferre statuit. Priusquam verò hanc expeditionem susceperet, qua Græcas gentes vno eodemque tempore vniuersas opprimere, ipsamque Græciā funditus euertere in animum induxerat, legatos ad Carthaginienses misit, qui vnā cum eis de re communibus armis gerenda tractarent, atque inter eos ita conclusum est, ut ipse videlicet Græciam cum suis copiis inuaderet: Carthaginienses autem eodem tempore aduersus Græcos, qui Siciliam incolebant, profiscerentur. Quod sanē ita factum esse, ex verbis Herodoti ac Diodori plenissime intelligitur. Hi enim cum ex Libya, & ipsa vix, tum ex Ligustica regione, exque Galatia & Iberia, milite coacto, exercitum ad trecenta millia hominum armatorum, ductu Hamilcaris, Hannonis filij Carthaginiesium regis, summo studio ac diligentia instruxerunt: classem etiam ingentem exornarunt, hisque viribus freti, omnia sibi lata & secunda pollicebantur. Quomodo autem Gelon Dinomenis filius, Syracusarum tyrannus, vir manu promptus, & consilio prouidus; illico maxima & incredibili celeritate collecto exercitu, videlicet, peditum quinquaginta millia, equitum verò ad quinque millia, ex Syracusis citato itinere ad eos contenderit; hostemque tandem terra marique deuicerit, ac dissiparit, adeò ut vix quidem nuntius claudis tantæ multitudinis superesset, præfati auctores fuisse ac eleganter ostendunt. Verum enimverò, ut ad Xerxem reuertaris, postquam fœdus ac societatem cum Carthaginiensibus iniuisset, omnem animum ad belli studium & cogitationem adiecit. In hoc autem militari apparatu, triennio, ut ait Diod. sicuti etiam eodem auctore, Carthaginienses fecerant; vel quadriennio; ut sentit Herodotus, consumpto, proximo anno qui fuit decimus iuxta Thucydidem, post prælium ad Marathonein gestum, sub veris initium innumerabili cum exercitu Susis profectus, in Cappadociam mouit, indeque ad Pythium Athys filium, Lydum, Phrygiæ regem opulentissimum diuertit, & per Colossas itinere facto, Sardes perrexit. Antequam verò ex Perside abiret, nauium præfectis mandarat, uti naues vndique in Cymen & Phocæam conueherent. Interea temporis, partito exercitu, numerum qui ad iungendum ponte Helle-

Artabanus
dissuadet
bellum con-
tra Græcos.

Fœdus inter
Xerxem &
Carthagi-
nienses.

Carthagi-
niensium
clades.

E spontum;

spontum, quique ad montem Atho effodiendum satis visus est, præmittit, ea in re conspicatus simul tutum militibus & quàm breuissimum ingressum patefactum iri, simul se sperans, vel ipsa inprimis tantorum operum admiratione, Græcis summum terrorem illaturum. Qui igitur ad hoc munus perficiendum missi fuerant, multitudine ad opus ardenti, quàm celerrimè re perfecerunt. De ipso autem Hellesponto, Solinus cap. xvii. sic breuiter inquit: Quartus Europæ sinus Hellesponto incipit, Mæotidis ostio terminatur. Atque omnis hæc latitudo, quæ Europam Asiamque diuidit, in septem stadiorum angustias stringitur. Hic est Hellespontus, hac Xerxes ponte nauibus facto permeauit. Arrianus lib. v. locutus de ponte quem Alexander fecit super Indo flumine, huius quoque mentionem fecit, atque ait, se neque ex Aristobulo, neque ex Ptolemæo (quos ipse maximos authores habeat) cognoscere potuisse, quoniam modo Alexander Indum pontem iunxerit: neque se aut pro certo asseuerare, aut coniectura assequi potuisse, utrum nauibus, ut Hellespontus olim à Xerxe, & Bosphorus ac Danubius à Dario, an ponte manu facto superarit. Sibi tamen probabilius videri, Alexandrum iunctis nauibus, quàm ponte exercitum traduxisse. Neque enim, inquit, pontem reciperet Indi altitudo, nec tam breui tempore tantum opus perfici potuisset. Naues autem funibus colligatæ, & in muri modum constructæ, Xerxis exemplo ad iungendum amnem satis erant: quo Romanos ferè, rerum dominos, Danubium ac Rhenum iungere solitos accepimus. Item quo pacto Tigridem atque Euphraten, quoties necesse fuit, iunxerunt, haud satis compertum habeo. At ut mihi quidem constat, pontem Romani ex nauibus moliebantur. Qua verò ratione (quoniam res mihi visa est narratu digna,) hoc loco explicandum putavi. Naues dato signo demittebantur, eas, ut verisimile, fluminis cursus deorsum rapiebat, sed vehementi remorum pulsu cuiusque fluminis impetu, aduersis proris ad designatum locum retrahebantur: deinde à prora singulorum vimineæ crates in pyramidum modum extructæ, ac lapidibus repletæ, contra amnis violentiam in fundo destituebantur: quas modico interuallo separatas, solidis tignis inuicem collocabant, tignis asseres per transversum dispositos, clavis affigebant, ac per hunc modum positas ad alteram ripam perducebant: singulis ab utroque capite ponticulis, quo commodius equi currusque ingrederentur atque exponerentur, excitatis. Hunc in iungendis traiciendisque fluminibus veterum Romanorum morem fuisse accepimus. Quoniam autem modo Alexander Indum iunxerit, quemadmodum supra dixi, non ausim affirmare: quoniam qui cum eo fuere in ea expeditione, hoc veluti non necessarium cognitu prætermiserunt. Sed quantum ego existimo, ad hunc ferè modum iunctus est: quem si alia quapiam ratione iunctum fuisse quis ostenderit, ea ratio præualeat. Ex his verbis Arriani facile cuius constare poterit, quem pontem Persæ super sinu Hellespontico strauerint. Cum autem hunc perfecissent, ut ex Abydo ad ulteriorem continentem foret traiectus, qui tantum erat septem stadiorum, ingens coorta tempestas ea omnia dirupit atque dissoluit. Hoc audito Xerxes indignatus, pontum & flagris cædi, & mari compedes iniici iussit cum verbis minacibus & amarulentis, ut Herod. asserit, apud quem etiam ibidem videre est, quomodo architecti pontem effecerint. Dictum est etiam, Xerxem præcepisse, ut mons Atho, iuxta quem

Hellespontus.

Qualis fuerit
Pons Xerxis
super Helles-
ponto.Mos Roma-
norum in
traiciendis
fluminibus.

quem Dariana classis non multo ante naufragium fecerat, perfoderetur. Hic autem erat mons Macedonię ingens, ac nobilis, ad mare pertingens. Mons Asia. Ab hac parte hominibus cultus, ad continentem desinens in speciem Cherfoneſi, id est, peninsulę cum Isthmo, duodecim stadiorum. Hac planicies, inquit Herodotus, atque tumuli, ẽ mari Acanthiorum ad mare, quod est contra Toronem, non sunt magni. In hac Isthmo, vbi Athos finitur, sita est vrbs Gręca nomine Sana. Dicitur autem Xerxes & mari stigmata ac verbera ingessisse, & ad montem epistolam misisse: Atho diuine, calum tangens vertice, noli meis operibus lapides facere magnos & intractabiles, alioqui te excisum in mare deturbabo. Non possum autem silentio pręterire, quę Petrus Gillius, cuius mentio facta est in Darij vita, cum sermo esset de Darij ponte ac sella, in literas retulit. Postquam enim ostendisset, quomodo antiquitus pontem constituerent, hæc ibidem subneçtit: His pręscitis, inquit, facilius intelligetur dubia & perplexa Herodoti descriptio, cum ait, Xerxem, vbi primus pons, qui nauibus iunctus fuerat in Hellesponto, dissolutus fuit, indignatum, trecenta verbera mari infixisse, duoque vincula ferrearum pedicarum iniecisse in mare, vt id tanquam seruum constringeret, & pro vno ponte, duos pontes ex trecentis circiter nauibus fieri iussisse, ancorisque firmari, vt immotę manerent, atque a continenti ad contrariam continentem validissimos funes contendisse vnguibus ligneis, hoc est, quasi succulis. Equidem ipse primum pontem puto non ancoris, sed lapidum aceruis, nõ catenis, sed funibus stabilitum, tempestatibus dissolutum fuisse. Itaque Xerxem duos pontes postea fecisse trecentis circiter nauibus, totidemque ancoris ferreis, duplicique catena ferrea stabiluisse: hocque Gręcos poetas Xerxis hostes, quibus Herod. interdum seduci solet, designasse, cum tragicę exaggerantes traiectum Xerxis, dicunt Xerxem, dissoluto primo ponte, trecenta verbera Hellesponto infixisse, hoc est, projectione trecentarum ancorarum Hellespontum tanquam ictu percussisse, & duo vincula ferrearum pedicarum iniecisse, id est, duplicem catenam, vt apud oppidum nuncupatum Zeugma, ex eo, quod nauibus ibi pons iunctus diuturnus permanſerit, duplici catena corroboratus ferrea, quam ab ætate Alexãdri ad suam ætatem Plin. tradit extitisse apud Euphratē in vrbe appellata Zeugmate, qua Alexander M. ibi pontem vinxerat, cuius annulos, qui reſecti fuissent, ait rubigine infestatos fuisse, carentibus ea prioribus. Cum ex Media per Mesopotamiam iter faceremus ad Syriacam Beroam, quam nunc vocant Calep, in arce Byrana sita in Mesopotamia iuxta Euphratē, inter Zeugma etiamnum appellatum, & Hierapolim, extabat ferrea catena, eam, antiquissimam esse dicebant, quę cum tot sæculis illeſa permanſiſſet, paulopost, quàm hęc exercitus traiectus est, dissoluta est. Alij dicebant, metu Persarum, alij auaritia, ferrique attriti vetustate: quo attritissimo, opera quę dicuntur Damascena, fieri solent, Turcorum satrapas adductos, catenam hanc dissoluisse. Quę, vtrum esset illa, quam Plin. commemorat, scire non potui, peruetustam certe coniectaui ex annulo vno, quem vidi Berçę vetustissimum quidem, sed penę totum rubigine carentē. Miror Pomp. Melam exaggerantem mirum, atque ingens facinus, Xerxem ex Asia in Gręciam, peditem maria transgressum fuisse, Ciceronemque in immensum Xerxis traiectum extollentem,

Xerxes, inquit, maria ambulauit, terramque nauigauit. Idem alio loco: Maria pedibus peragrauit, classibus montes. Cum mare Adriaticum tempestuosum, intercedens inter Hydruntum & Apolloniam amplius sexagenis millibus passuum latiore Hellesponto pedestri continuare exercitu, pontibus iactis primum Pyrrhus Epiri rex cogitauerit. Post eum M. Varro cum classibus Pompeij piratico bello praeset, sed utrumque alia impediuerit curae. Rex Turcorum quoties exercitum traiecit in Asia, paucis diebus posset Bosporum nauibus consternere ponte superimposito, totumque exercitum breui tempore traicere, sed utriusque Continētis dominus, multos dies consumere potest in exercitu transportando, quem paucis nauibus triremium similitudinem gerentibus, latis traiecit, ita accommodatis, ut plano pede in nauem, velut in pontem ex littore ingrediantur equi. Haec Gillius: cuius sane verba ob multiplicem rerum cognitionem hic libenter adici. Ut vero ad institutum redeam, Xerxes, dum tantos apparatus faceret, misit legatos in Graeciam, petentes terram & aquam. Cum illuc aduenissent, plurimae ciuitates ac prouinciae illis adhaerunt, quarum quidem nomina recenset Diod. lib. XI. Plerasque itidem inuenire constatissimas, & pro patriae salute, atque communi totius Graeciae libertate quiduis potius ferre paratas, quam Persarum imperium velle agnoscere. Ex his autem, praecipui fuerunt Athenienses, ac Spartani, ad quos cum legati venissent, postulantes terram & aquam, ut dictum est, priores, legatis urbe interdixerunt, & eum, qui suaserat, ut parerent, una cum vxore ac liberis, lapidibus obruerunt. Lacedaemonij vero, iis in puteum coniectis, terram ingesserunt, & mandarunt, qui Xerxi nunciaret, ipsum habere apud eos iuxta conditum, & terram & aquam. Sic ergo euenit praetoribus missis a Xerxe, ut narrat Polybius lib. IX. & Suidas pag. 662. At Herod. lib. VII. scribit, Xerxem, neque Athenas, neque Spartam legatos terram petitem misisse: ob id, quod quos ante Darius ad hoc ipsum misisset, eorum alios illi in barathrum, alios in puteum deiecerant, iubente eos illinc terram & aquam ferre ad regem. Haec de causa, inquit, Xerxes nullos illuc ad petendum misit. Idem Suidas pag. 212. asserit, hoc factum Lacedaemoniorum accidisse sub Dario. Ceterum hac de re suum cuique liberum iudicium relinquatur. Xerxes, ubi iunctum Hellespontum accepit, & montem Athon effossum, illico, iam appetente vere, cum instructissimo exercitu ex Sardibus, ubi hyemauerat, mouit Abydum versus, anno ab orbe condito 3488. siue, ut aliis placet, 3484. & 7. anno, ex quo regnare incepit. Huic mouenti, sol suam sedem in caelo relinquens, apparere desiit, cum nullae nubes, verum serenissimus aer esset, & pro die nox extitit. Id animaduertenti Xerxi, cura incessit percunctandi Magos, quid ostentum id vellet portendere: Illi respondent, deum significare Graecis ciuitatum defectionem, quod dicerent, Solem Graecorum, Lunam ipsorum esse praesidem. Ea re audita, Xerxem mirum in modum latatum esse scribit Herodotus. Vbi Abydon ventum est, in editiore quodam tumulo confedit, ex alto copias suas contemplaturus. Cumque videret Abydenos campos militibus, Hellespontum nauibus repletum, principio quidem beatum se pronunciauit: deinde cogitans, post annos centum ne vnum quidem e tanto numero futurum superstitem, humanam misertus sortem, flebiliter illachrymasset dicitur. Postea Hellespontum transiit, & in Do-

Spartani, le-
gatos Xer-
xis interfeci-
erunt.

in Dorisco Thraciæ littore ad ostium Hebri, ac in patenti planicie numerum ^{Xerxis exercitus.} vniuersi exercitus recenseri iubet, in quo Herod. lib. VII. dicit fuisse peditum decies septies centena millia: equitum verò 80000. præter Arabes qui camelos, & Pœnos qui currus agitabant, quorum scribit fuisse viginti millia. Præter hunc Asiaticum numerum, adicit etiam auxiliares milites, qui ei adueniunt ex Thracia, & aliis partibus Europæ, quos putat fuisse ad 300000. & hæc quidem absque seruitiis, impedimentis, aliisque, consimilibus, quorum numerum tantundem ferè constituit. Classẽ verò tradit fuisse mille ducentarum & octo nauium. Ex aliis autem varij generis nauigijs tria millia. Paulò ^{Eiusdem classis.} post in eodem libro enumerat duntaxat ex Asiaticis, naues mille ducentas & septem. Classiariorum ac epibatarum numerum recenset in vniuersum 24. myriades: id est, ducenta & quadraginta millia. Diod. lib. XI. ait, pedestrem exercitum fuisse supra octingenta millia virorum: naues longas simul omnes, plus mille ducentas, præter eas octingentas & quinquaginta ad equos portandos paratas: onerarias tria millia. Iustinus asserit, fuisse ad septingenta millia de regno, & trecenta millia de auxiliis. Quod autem idem ex Trogo recenset, illum scilicet habuisse naues decies centum millia, mendacio quam veritati similis videtur. Æmilius in vita Themistoclis, terrestres copias dicit fuisse septingentorum millium peditum: equitum quadringentorum millium. Classẽ verò mille & ducentarum nauium longarum, quam duo millia onerariarum sequebantur. Æschylus verò (quoad maritimam classẽ attinet,) sicuti etiam refert Plut. in vita eiusdem Themistoclis, in tragœdia cui Persæ titulus est, quæque etiam nunc extat, sic sanè de illa scriptum reliquit:

Naues fuisse mille Xerxi, cognitum est

Mihi: quæ celeritate sed anteirent ceteras,

Numero fuisse bis centum, & centum scio.

Huic autem iure merito fides adhibenda est, quem constat ex Diod. & Paus. non modò naumachiæ interfuisse; at etiam præfuisse, vni ex triremibus, & primum ex omnibus conflixisse, Persarumque primam nauem, qua totius inimicæ classis nauarchus deuehebatur, impetu facto, magna vi pugnando, discussisse, præfecto in ea interempto. Vniuersæ classi præfectus iuxta Herod. fuit Achimenes Xerxis frater: sed Diod. cum nominat Megabatem. Terrestrium verò copiarum duces atque imperatores, hi præcipui nominantur ab Herod. videlicet, Mardonius, Tryntatachmes Arbani filius, Sinerdones Otanis filius, Xerxis patruus, Masistes Dario & Atossa genitus, Gerges Artagi, & Megabyzus Zopyri filius. Habuit etiam cum his delecta Persarum decem millia, qui vocabantur immortales, hisque præerat Hydarnes Hydarnis filius. Ex his ergo facillè apparet, has copias tantas extitisse, vt minimè alienum à veritate existimari debeat quod à veteribus proditum est, flumina, quæ perpetuis aquis fluere & inundare solita erant, multitudinem tantam illinc aquam petentem, alueo exhausto destituisse: pelagi quæ conspectum confertis nauium malis, in sylvarum moreni sublatum. Inter alia verò, Lysium amnem, & Chidorum, & Lacum Pyssirum, qui fuit triginta ferè stadiorum in circuitu, exsiccatos fuisse memorant. Nec sanè ante ipsum, vel post, vllum regem, tam potentem & numerosum exercitum habuisse, in analibus inuenitur, nisi Tamerlanem Scytham, oriundum ex oppido Mar-

canda Sogdianæ regionis. Hic enim dicitur in castris ad centum myriadas equitum & peditum habuisse, qui numerus conficit decies centena armatorum millia, singulisque gentibus suos fuisse duces. Xerxiani milites ex Abydo & traiectu Hellesponti, vnum mensem triuere, transeundo in Europam, & tres alios, dum in Atticam peruenirent, Calliade summum magistratum Athenis gerente, idque accidit Olymp. 75. Transiuit autem eius exercitus septem per dies totidemque noctes, nullo tempore intermisso. Interim, dum rei naualis praefectus, ex Epidne Macedonica soluens cum vniuersa classe, ad Magnesiæ nauigat extremam oram, quæ Sepiada appellatur, magna illic exorta ventorum vis & procella, triremes discussit supra 300. earum videlicet, quæ ad equos portandos erant extructæ, reliquarum quoque magnum admodum numerum, ut ait Diod. In hac tempestate, inquit Herod. qui paucissimas naues, ij non pauciores 400. periisse aiunt, viros quoque innumerabiles, ac vim pecuniarum immensam. Hoc itaque fuit initium infortunij Persarum sub Xerxe, dum Græciam inuadit. Ceterum, ut de ipsis Græcis, in quos tanti apparatus fiebant, aliquid etiam breuiter dicatur, hi sanè (de his autem loquor, qui patriæ libertatem turpi seruituti præposuerunt) in primis verò Athenienses, Lacedæmonij, ac Æginetæ, qui totam huius grauissimi belli molem sustinuerunt, audita fama tanti exercitus, cum adhuc hostis Sardibus hæreret, simulque imminenti periculo admoniti, omnes priuatas simultates obliuione deleuerunt, & συγχρητισμῷ facto, misere statim legatos ad Gelonem Syracusanum regem, ad Cretenses, & Corcyreos, ab illis opem atque auxilium implorantes. Miserunt etiam tres viros in Asiam, qui hostium consilia sedulo explorarent, hi que suum munus diligenter obeuntes, deprehensi à Xerxianis, regio iussu in castra perducti sunt, & satellitibus imperatum, ut eis totum exercitum ostenderent, & deinde citra ullam noxam dimitterent, quod vel solo nomine tam ingentis apparatus, Græci perterrefcerent. Ipsi autem interea, domi quæcunque tanto bello vsui & opportuna fore cognouerant, summo studio & vigilantia procurarunt. Lacedæmoniorum dux erat tum Syntetus, Atheniensium Themistocles. Classi autem vniuersæ praefectus erat Eurybiades Lacedæmonius. Quoniam verò maximum momentum ad rem bene ac feliciter gerendam, in hoc præcipue situm esse ducebatur, ut fauces custodirentur, Athenienses miserunt Themistocle cum nauibus, ad Artemisium, littus Aubœæ super Hestiam ad Boream spectans, cui è regione ferè opponitur Olyzon in ea terra posita, cui dominus fuit quodam Philoctetes. Græcorum classis in vniuersum constabat, iuxta Æmilium, trecentis nauibus, ex quibus ducentæ erant Atheniensium, hæque paulò antè constructæ fuerant Them. sua fore, propter Ægineticum bellum, quod illis impendere videbatur. Diod. autem scribit, eorum classem fuisse ducentarum & octoginta triremium ad summum, quarum centum & quadraginta ab Athen. instructæ fuerint. reliquæ verò, à reliqua Græcia collectæ. Hic ergo utrinque acri prælio dimicatum est, & iuxta Herod. ac Æmilium, apud neutros victoria stetit, sed pari Marte pugnatum est, noctisque interuentu à certamine discesserunt. Plutarchus ex Pindari sententia, refert, Athenienses tunc splendida suæ libertatis fundamenta posuisse: audere enim, inquit, est reuera principium victoriæ. Dum hæc apud Artemisium gererentur, Lacedæmones certiores

Multa Persarum nauigia perierunt vi tempestatis.

Græcorum apparatus contra Xerxem.

Græcorum classis.

Pugna Artemisia.

tiores facti, Xerxem, qui cum vniuersis copiis è Thracia, & Macedonia venerat, per Thessaliam vltius progredi, statim Thermopylas armatorum præsidium, quod satis foret ad angustias & aditus occupandos, Persasque ab ingressu Græciæ arcendos, mittere decreuerunt. Hanc autem prouinciam sibi in primis assumpsit Leonidas Anaxandridæ F. qui parua manu Lacedæ-
Leonides Lacedæmoniorum dux.
moniorum accepta, (Diod. lib. xi. scribit, ex his fuisse circiter quatuor millia, ex aliis Græcis, qui se illi in itinere adiunxerunt, ad tria millia) & cum ea trecentos Spartiatis, ex præcipuis, & quibus filij erant, in Thermopylas profectus est. Thermopylarum ea pars, inquit Herod. lib. vii. quæ ad Occasum spaciatur, mons est inuius, præruptus, atque præceps: quæ verò ad Orientem sese flectit, quaque mare excipit, limosa est, atque lutulenta. In eius aditu calidæ sunt balneæ, quas incolæ vocant *χέρπες*. quo loco Herculis ara consecrata. Aditus ille Therimarum, muro munitus erat, in quo quondam portæ exædificatæ. T. Liuius lib. xxxvi. Thermopylarum iugo mediam Græ-
Thermopyla.
ciam, velut Apennino Italiam, dirimi scribit. Paulò post subiungit, hoc iugum ab Leucade, & mari ad Occidentem verso, per Ætoliam ad alterum mare Orienti obiectum tendens, tam dura aspreta, rupesque interiectas habere, vt non modò exercitus, sed ne expediti quidem facilè ullos ad transitum calles inueniant. In cuius valle, ad Maliacum sinum vergente, iter est nò latius, quàm sexaginta passus. Hæc vna militaris via est, qua traduci exercitus, si non prohibeantur, possunt. Quamobrem ab aliis pilæ; quia verò calidæ aquæ in ipsis faucibus, primoque aditu sunt, Thermopylæ totus locus cognominatus est. Dionysij interpres Eustathius, Sperchium fluuium iuxta Thermopylas in mare effundi, exonerarique tradit. Hic ergo acerrimè vtrinque
Prælium ad Thermopylas.
pugnatum est, & licet in agmine Persarum præ ingenti multitudine subinde fessis ac deficientibus noui recentesque milites succederent, vim tamè Græcorum sustinere non poterant, nec ipsi quidem quos Persæ immortales appellabant, magnaque illorum cædes edebatur, donec tandem inclinâte die, à pugna cessatum est, paucis in Leonidæ exercitu desideratis. Proximo die certamen instaurarunt, nec tamen Xerxes voti compos effici potuit, vt videlicet illos aditus & angustias locorum superaret. Quin potius Persæ, vt antea, victi fugatique, de victoria prorsus iam diffidere incæperant: tanta erat Græcorum virtus, & pugnandi alacritas. Dum Xerxes animo perculsus, totus hæret attonitus, quaque se vertat, prorsus nescit, Ephialtes quidam Trachynius eius regionis incolæ, eum adiuit, & ostendit tramitem antea per Oetem repertum, qui per montem ad Thermopylas ferebat, & quomodo Persæ circumducti, hostem à tergo possent opprimere, demonstrat. Hoc audito, rex admodum lætatus, amplis præmiis eum remunerat: tum repenti viginti millia lectissimorum militum, qui eum itineris ducem sequantur, tradit, hisque omnibus præerat Hydarnes. Hac re vulgata, quidam Tyristiadas, qui clam Græcorum partibus fauebat, ex vigiliis Persarum noctu elabens, ad Leonidam se proripit, & quæ à Trachynio acta fuerant, ignorantibus aperit. Quo percepto, Græci, circa noctis medium concilio conuocato, de ingruenti periculo & rerum summa inter se consultare cæperunt. Cùm verò inuicem sententiis discreparèt, visum est tandem Leonidæ, vt reliqui omnes discederent, seque ad meliora patriæ tempora maioresque fortunæ impetus cum aliis

Leonide
magnani-
mitas.

Eiusdē mors.

Græcis referuarent, atque ita illos abire iubet, ipseque cum suis Spartiatis, qui duntaxat trecenti erant, ut dictum est, & quingentis Thespiis, iuxta Diod. ad oppetendam pro libertate Græciæ per clarissimum facinus mortem se comparat. Initio huius belli sciscitantibus Delphis Oracula, responsum fuerat, aut regi Spartanorum, aut vrbi cadendum. Et idcirco ipse in bellum profectus, ita suos firmauerat, ut ire se paratum ad moriendum animo scirent. Angustias propterea occupat, ut cum paucis aut maiore gloria vinceret, aut minore damno Reip. caderet. Proinde cum hostis iam summum cacumen teneret, Græci desperata salute, gloriam vitæ præferentes, vna voce ducem precantur, ut in media hostium castra erumpere, animasque dimicando fortiter effundere liceat, antea quam à Persis circumuenirentur. Leonidas accensos sponte ad facinus iam conceptum, milites pro voto nactus, iubet, uti properè ita prandeant, tanquam sint apud inferos cœnaturi. Post, confirmatis viribus, mox arma capiunt, & in castra hostilia irrumpunt, statimque regis prætorium petunt, aut cum illo, aut si ipsi oppressi essent, in ipsius potissimum sede morituri. Tumultus totis castris oritur. Spartani, posteaquam regem non inueniunt, per omnia castra victores vagantur, cadunt sternuntque omnia, ut qui sciant se pugnare non spe victoriæ, sed in mortis ultione. Prælium à principio noctis in maiorem partem diei tractum. Ad postremum non victi, sed vincendo fatigati, inter ingentes stratorum hostium cateruas occiderunt. Solus Aristodenus ex his omnibus euasisse dicitur, qui postea in bello quod gestum est contra Mardonium, præcipuam laudem adeptus fuit. Iustinus tradit, in Thermopylis triduo fuisse dimicatum cum maximo dolore & indignatione Persarum, & quarta die tandem Spartiatis obisse, additque, Xerxem duobus vulneribus in eo prælio sauciatur. Sed Diod. duntaxat biduum in acie conflictum, & tertio die Græcos deuictos. Xerxem verò ad tumultus illico principium inde profiliisse, ac se quam citissime ex periculo subduxisse. At Græcos in prætorium irrumpentes, deprehensam illic obruncasse turbam ferè omnem, ac regem vbique sedulo quærentes, quantum tutè noctu & impune licuit, per omnia castra victores euagatos. Exorta luce, ac patefacto rerum prospectu, cum Persæ Græcos cernerent admodum raros, contempra, uti erat præter spem, paucitate, consistere cœpisse: nec contra tamen aduersum hostem tendere ausos, virtute & audacia eorum deterritos: sed lateribus circumglobatos, & vndique à tergo procul adortos, vniuersos tandem iaculis & sagittis confodisse. A nonnullis memoriæ proditum est, contigisse, ut per idem fermè tempus, hoc terrestre prælium in Thermopylis, & illud nauale ad Artemisium in Thessalia gereretur. Græci quidem sese adhortabantur, ne Barbaros intrare Græciam sinerent: hi verò, ut Græcorum copiis profligatis, transitu potirentur. Ferunt etiam Thermopylis, è Xerxianis cæsos fuisse ad viginti millia, eorumque mille fermè relictis, cæteros depressa fossa humatos, & ne à classiario exercitu cerni possent, terram foliis constratam atque obtectam. Horum itaque virtutem nemo satis vnquam poterit admirari, quibus vna mens extitit adeò ad mortem usque obnixa, ne patria instituta desererent, quibusque sua sponte offerre animas intrepide pro communi Græciæ salute summa voluptas fuit, ac fortiter & honestè interire, quam turpi seruitute ignauam vitam trahere. Plura de ipso-
rum

rum laudibus Diod. prosequitur, qui etiam addit hæc de illis encomia quæ Simonides protulit, inquit: Eorum, qui in Thermopylis cecidere, fors gloriosa, mors præclara, sepulchrum ara, monumenta maiorum, exitium commendatio. Sepulchri titulus talis, quem nulla vnquã delere poterit eluuijs, neque vetustas rerum omnium consumptrix, ex hominum bonorum abolere memoria, fanum nominis Græci, famulorum receptaculum, cui Leonidas attestatur Spartiarum rex, ingens virtutis documentum relinquens, æternumque decus. Leonidæ tumulo inscriptum est:

Cum myriadibus aliquando hic trecentis pugnarunt

E Peloponneso Chilades quatuor.

Hæc, inquit Herodotus, vniuersis superscripta sunt, illa peculiariter Spartiatis:

O hospes, nuncia Lacedæmonius: nos hic

iacere, illorum verbis obtemperantes.

Cicero 1. Tuscul.

Dic hospes Sparta, nos te hic vidisse iacentes,

Dum sanctis patriæ legibus obsequimur.

Hoc quidem epigramma fuit in duorum fratrum tumulo, estque Simonidis versus: cuius meminit etiam Strabo lib. 1 x. Plut. in suis Parallelis, Leonidæ mentionem faciens, cum, inquit, Persæ in Græciam adduxissent 100000. hominum exercitum, missus est Leonidas à Spartanis, cum 300. militibus. Is, ingruente prandentibus Barbarorum multitudine, eis conspectis, dixit ad suos: Sic prandete, ut cenaturi apud inferos. factoque in Barbaros impetu, multis confixus hastis, in ipsum Xerxem contendit, ei que diadema auellit. Mortui cor barbarus secans, hirsutum reperit. Aristides primo Persicarum rerum. Aulus Gell. lib. 11. cap. 11. ex Catonis sententia refert exemplum valde insigne ac memorabile. Q. Ceditij tribuni militum, qui se primo Punico bello, quod in Sicilia gestum est, cum 4000. Romanis pro patria deuouit: citatque hoc præclarum facinus Leonidæ, atque ait, huiusmodi exemplum alteri nentiquam dissimile iudicari debere. L. Florus lib. 2. nominat quendam Calpurnium Flammam tribunum militum, & secum 300. tantum habuisse narrat, eumque scribit tantæ expeditioni superfuisse ac superuixisse. Nec sanè Romanorum virtus hac in re, ut in cæteris, minus clara atque illustris habetur: quinimò ut imperij amplitudine ac felicitate Græcos superarunt, ita quoque militari gloria & animi fortitudine, haudquaquam inferiores extiterunt. Notus est enim Cocles, Scauola, Torquatus, Artilius, & Sicinius Dætatus. Noti sunt Fabij, Decij, Marcelli, Scipiones. Sed interim habet Græcia, cur sibi quam maximè gratuletur ob plurimos viros, vel potius Heroas, bellica disciplina, sapientia, fide in patriam, omni que virtutum genere præstantissimos. Hanc etiam protulisse innumeros qui singulari eloquentia, ingenij acumine, iudicii rectitudine ac omnigena eruditione excelluerunt, illustria ipsorum monumenta, æternitati cōsecrata, satis locuples & per amplum testimonium vniuerso terrarum orbi exhibuere. Quoniam verò plerique illorum circa hæc tempora floruerunt, peractis quæ in præsentia de hoc bello Persico præ manibus habemus, de his quoque seorsum breuem catalogum instituemus. Cæterum, priusquam ad alia progrediar, hic subiiciam hos elegantissimos versus Ioh. Tzetæ, in quibus breuiter narrat hoc factum Leonidæ:

Megistias

Megistias genere quidem fuit Acarnanensium,
 Aderat autem vaticinans genti Laconum.
 Et primum in nocte quidem quosdam Lacones,
 Viros armatos, pugnare probè valentes,
 Armaturas illorum gypso cum dealbasset,
 Cum his in exercitum irruens Xerxe,
 Timorem multum fecit, atque stragem multam.
 Persæ enim hos arbitrati sunt exercitum demonum.

Secundum verò, Leonide cum Laconibus mille
 Opposituro aciem vniuersis Barbaris,
 Circa Artemisium, ut arbitror, Euboæ,
 Prohibuit ipsos vaticiniis, ne morentur omnes:
 Dicens, quotquot venietis in pugnam in Artemisio,
 Omnes moriemini manibus Barbarorum.
 Leonides igitur audito sermone illo,
 Aliis inquit, Abite, ne nobiscum impetum facite,
 Ut saltem vos reliquæ sitis Græciæ.
 Ipse verò solus commisso prælio cum trecentis,
 Conculcatis ab exercitu tanto Barbarorum.

Et Megistias inclutus vnà cum his interficitur,
 Ipse scientibus clarè exitus mortem.
 Abeuntibus enim ipsis ad signum pugnae,
 Cum percunctatus fuisset quidam, quò iter his?
 Leonides quidem dixit: verbo quidem ad pugnam,
 Re autem ipsa, ad moriendum pro tota Græciæ.

Leonide itaque cum suis interfecto, Persæ, Thermopylis expugnatis, in Græciam penetrarunt; quod quidem accidit tempore Solstitij æstiu, quo Olympias 75. mense Maio, aut Iunio celebrabatur. Primò in Phocensium regionem ingressi, quacunque transibant, omnia prædabundi deuastarunt, omnesque vicos, oppida & vrbes, & quæ in illis delubra erant, prius direpta, incēderunt. Horum autem incolæ nonnulli cacumina Parnasij conscenderant: alij in alia loca tutiora se recipiebant. Per idem tempus, Xerxes misit partem copiarum (Iustinus scribit, fuisse quatuor millia armatorum) Delphos, ad templum Apollinis, quod quidem longè opulentissimum norat esse, diripiendum: quæ manus tota imbribus & fulminibus ferimè deleta est, ut intelligeret: quanto grauior offensa Deorum esset, tanto nullas esse hominum aduersus Deos vires. Ipse interim Dorienfium ingressus agros, abstinere omnes ibi præda iubet, nilque iniuriæ passus est illis inferri, quòd focio nomine partes eius adiuuarent. Idem quoque fieri iusserat, in omnibus his regionibus, quæ ignem & aquam Persis præbuerāt. Post hæc, Boætiæ vnà cum templo prius spoliato, atque arce, in qua perpauci propugnatores remanserant, incēdit, omniaque loca miserè ac horribiliter depopulatur. Athenienses verò, post pugnam ad Artemisium gestam, primò in Chalcidem, deinde Salaminam se omnes receperunt, idque potissimè factum est suasu Themistoclis. Cum enim de aduentu Xerxis fama in Græciam perferretur, & maximè Athenienses peti dicerentur, propter pugnam Marathoniam, miserunt Delphos consultum, quidnam

Persarum
 introitus in
 Græciam.

quidnam facerent de rebus suis. Deliberantibus Pythia respondit, ut in ænibus ligneis se munirent. Id responsum quo valeret, cum intelligeret nemo, Themistocles persuasit consilium esse Apollinis, ut in naues se, suaque conferrent, cum enim significari murum ligneum. Præter huius oraculi interpretationem, signa quoque diuinitus missa suis obiecit: ut tanto facilius in eam sententiâ eos perduceret. In ostentû rapuit draconem, qui illis diebus ferebatur ex templo abiisse: sacerdotesque cum inuenirent liba, quæ ei quotidie apponebantur, intacta esse, in populum ea de re rumorem sparserunt, ita interpretante Themistocle, Deam urbem excessisse, viæque ad mare ducem ipsis factam. Huc ergo ubi iam omnes conuenissent, tametsi postea variæ fuerunt ducum sententiæ, dum alij Isthmum ante Peloponnesum præponerent: contra verò, plurimi hortarentur, ut iterum domos suas quisque repeteret, murisque se defenderet. Themistocles, adhortante etiam Mnesiphilo viro Atheniensi, acerrimè restitit, & vniuersos esse pares aiebat, dispersos testabatur perituros, idque Eurybiadi Spartano, Euryclidis filio, qui eo tempore summæ imperij præerat, fore adfirmabat, idque tandem persuasit. Nec vllum locum aptiorem futurum dicebat, in quo belli fortunam experirentur, quàm Salaminem, ubi, propter illius freti angustias, liceret paucis cum multis configere, ac sibi eo certamine victoriâ polliceri. Verum enimverò in patenti ac spatioso pelago naualem pugnam committere, sibi quàm maximè omnino periculosum fore. Porro hæc insula fuit olim clarissima, & sita est in Saronico sinu inter Psytaliam & Æginam insulas, hanc quidem ad Austrum, ad Boream illam. Ex aduerso Peloponnesum, atque Isthmum habet ab Occasu: Atticam, cum ipsis Athenis, Pyræoque portu, ad Orientem. Pausanias hanc in Megariden usque extendit, cuius longitudo septuaginta est stadiorum: tametsi alij octoginta posuerint. Ut verò de hac insula nunc dicere omittam, quot ea nominibus appellata sit, quotque vrbes habuerit, illud memoria dignum, Salaminam multos illustres heroas aluisse, Aiace, Telamonem, Teucrum: quorum laudibus referti sunt poetarum libri. Quin etiam & Homerum Salaminium fuisse tradit Suidas. Ostenditur adhuc in Salamine, non longè à portu, lapis, in quo sedens Telamon, nauem filiorum Teucris & Aiace, in Auliden, ad communem Græcorum exercitum nauigantiû, contemplatus est. Quid verò Salaminij de Aiace morte, deque flore albo, subrubro, & inscriptis in eo literis, dicant, Pausanias in Atticis longè lateque persequitur. Hic ergo Themistocles omninò consistendum esse, & cum hoste configendum censebat. Cum autem multitudo prorsus sibimet animis diffisa, exercitus Barbarici fortitudine, neque animo consistere, neque ducum admonita imperiaque audire sustineret, sed sibi quisque in summa rerum trepidatione consulens, ex Salamine in Peloponnesum properaret traicere, Themistocles, cui maximè dolebat, Græcos id agere, ut auxilio loci & angustiarum diuiso, à se inuicem diuulsi, in vrbes suas quilibet discederent, consilium iniit, & noctu de seruis suis quem habuit fidelissimum (Herod. & Plutarchus eum nominant Sicinum, & liberorum eius pædagogum, hunc Polyænus eodem nomine appellat, & scribit, eum fuisse eunuchum, & duorum filiorum Themistoclis pædagogum) ad regem misit, ut ei nuntiaret suis verbis, aduersarios eius in fuga esse. Qui si decessissent, maiore cum labore & longin-

*Salamina
descriptio.*

*Themistoclis
solertia, &
virtus.*

Græcorum
victoria.

Mardonius
relinquitur à
Xerxe in
Græcia qui
bellum pro-
sequatur.

Xerxis fuga,
& clades.

longinquiori tempore bellum confecturum, cum singulos confectari cogerentur. Hoc eò valebat, ut etiam inuiti & nolentes ad pugnandum cogerentur. Hoc audito, Persarum rex nihil doli subesse credens, postridie alienissimo sibi loco, contra, opportunissimo hostibus, adeò angusto mari confligit, ut eius multitudo nauium explicari non potuerit. Victus est ergo, magis astu & consilio Themistoclis, quam armis Græcia. Rex ipse, dum conflictus habebatur, in loco quodam præminenti è regione Salaminis, nomine Ægaleo, sese collocat, velut in theatro, unde belli congressus omnis spectari poterat, & quoties suorum quempiam aliquod egregium facinus edentem cernebat, de eo statim percunctabatur, & scriba trierarchum illum à familia & vrbe scripto annotabat. Cum verò iam tandem suorum aciem inclinatam videret, & fortunam omninò stare à partibus Græcorum, ad terrestres copias animum adiecit. Ex his enim tantæ adhuc supererant, ut etiam cum his opprimere posset hostem. Interim tamen ab eodem gradu depulsus est. Nam Themistocles veritus, ne bellare perseveraret, eum denuò per eundem Sicinnum, & quosdam alios sibi fidelissimos, sub prætextu gratificandi, certiores fecit, id agi, ut Græci pontem quem ille in Hellesponto fecerat, disicerent, ipseque hoc pacto reditu in Asia excluderetur: idque ei persuasit. Re itaque cum suis deliberata, statuit, se quamprimum in Asiam recipere, dum tutò liceret, ne occupato atque obsesso ubique maris tractu à Græcis, ea occasio præripéretur. Quocirca relicto ibi Mardonio cum robore exercitus, qui erant hominum, iuxta Herod. Plutarch. & Iust. lib. xi. trecentorum millium, iuxta Probum Æmil. cc. millia peditum, quos viritum legerat, & 20. millia equitum: sed Diod. scribit, eum exercitum non minus quadringentis millibus armatorum constituisse. Quà igitur sex mēsis iter fecerat, eadem citato itinere minus diebus triginta, inquit Iustinus, Herod. 45. in Asiam reuersus est, seque à Themistocle non superatum, sed conseruatum iudicauit. Sic vnus viri prudentia, ut Æmilij verbis utar, Græcia liberata est, Europæque succubuit Asia. Nec sanè dubium est, quin hæc ab eo duo reperta militaris astutiæ consilia, maximum rebus Græcia, rei que tam feliciter gesta momentum attulerint. Hæc porro victoria que incidit in annum mundi 3485. ante Christi natalem anno 477. huiusmodi extitit, ut non immeritò ab omnibus cum Marathonio possit comparari trophæo. Nam pari modo apud Salaminam paruo numero nauium, maxima post hominum memoria classis est deuicta. Hoc autem bellum contigit iuxta Euf. Olympiade Lxxv. In eo, summa nauium Græcorum constitit trecentis octoginta nauibus, ut ait Herod. lib. viii. siquidem post pugnam ad Artemisium, nonnullæ ex sociis ciuitatibus periclitanti Græciæ aliquod præsidium attulerunt. Xerxes itaque perculsus nuntio Themistoclis, tradidit ducibus milites perducendos, ipseque cū paucis Abydon contendit. Vbi cum solutum pontem hybernis tempestatibus offendisset, naui Phœnicia traiecisse dicitur. Iustinus scribit, illum piscatoria scapha traiecisse trepidum. Erat verò, inquit, res spectaculo digna, & ad æstimationem rerum humanæ sortis varietate miranda, in exiguo latentem videre nauigio, quem paulò antè vix æquor omne capiebat: carentem etiam omni seruorum ministerio, cuius exercitus propter multitudinem, terræ graues erant. Hæc pedestribus copiis, quas ducibus assignauerat, felicius iter fuit.

fuit. Si quidem quotidiano labori (neque enim, ut idem asserit, vlla est metuentibus quies) etiam fames accesserat: Multorum deinde dierum inopia contraxerat & pestem, tantaque scditas morientium fuit, ut via cadaueribus implerentur, alitesque & bestiae escæ illecebris sollicitatæ exercitum sequerentur. Huius extremæ famis, ac pestis meminit etiam Herod. qui etiam addit, eos laborasse dysenteria, & torminibus, quibus innumeri per viam interierint. Inter alios autem præcipui nominis, qui Xerxem in hac expeditione secuti sunt, adfuit etiam Artemisia regina Lygdamis filia iuxta Herod. (nam Suidas dicit, eam fuisse filiam Damidis) quæ defuncto viro, nulla necessitate adaucta, sed animi præstantia & virilitate in eam militiam concessit. Hæc paternum genus ex Halicarnasso, maternum è Creta ducebat: imperabat verò Halicarnassæis, & Cois, & Nisyræis, & Calyndniis, ac venit ad Xerxem cum quinque nauibus omni copia instructis: nec, Sidoniis exceptis, vllæ naues fuerunt illustriores. eadem apud regem optimas inter omnes socios sententias dixit: illi nauale certamen prorsus dissuasit: cum tamen prælio decertandum fuit, se in eo quàm præclarissimè ac strenuissimè gessit, adeò ut de ea rex diceret, Viros in mulieres esse factos, mulieres viros. Ipsi quidem Athenienses ægerrimè tulerant, mulierem aduersus se militare, ideoque propositum fuit præmium decem millium drachmarum ei, qui viuam cepisset: At illa cum Græcos victores animaduerneret, ex acie incolumis aufugit. Ut verò id obiter dicatur, fuit etiam præter hanc, alia eiusdem nominis regina, iunior tamen, & ipsa Caricæ nationis, filia Hecatomni, vxor & soror Mausoli regis Caricæ: cuius obitum, auctore Theopompo, ita luxit, ut tabe correpta, ex mœrore decederet. Huius quidem Demost. in oratione de libertate Rhodiorum meminit. Hic ergo fuit exitus naualis pugnae ad Salaminem, ex qua ex hostili classe, iuxta Diod. naues supra 200. dissipatæ atque deletæ, præter eas quæ cum militibus integro quæque nauigio captæ fuerunt. Ex Græca verò classe 40. naues desideratæ sunt. Quod autem ad numerum occisorum pertinet, plurimi sanè Persarum & sociorum occubuerunt. Inter insigniores fuit Ariabignes, Darij filius, Xerxis frater. E Græcis, pauci, inquit Herod., quippe qui gnari erant natandi, cum suæ naues corruptæ essent, nec ipsi pugna perissent, ad Salaminem enatabant: cui rei quia hostium plerique imperiti erant, in mari submergebantur. In testimonium verò huius egregiæ ac memorabilis victoriæ, in Salamina insula, parte vna Dianæ templum, altera Themistoclis trophæum erectum est: de quo lib. III. Græcorum epigrammatum lepidissima epitaphia conscripta leguntur, & Salamines laudes, & Themistoclis encomia continentia. Nec sanè Aristides hinc sua laude defraudandus est, cuius quidem virtus in hoc prælio, sicut in aliis quoque rebus, clarissima emicuit. De cuius quidem egregiis facinoribus, & quid potissimè in hoc bello præstiterit, quidque pro huius victoriæ adiumento in Psytalia insula, quæ ante Salaminem in traiectu sita erat, effecerit, Plutarch. in eius vita præse admodum ac eleganter commemorat. Supra demonstratum est, Xerxē, antequam è Græcia recederet, Mardonio partem copiarum reliquisse, ut bellum prosequeretur. Hic ergo, appetente hyeme, castra per Thessaliam & Macedoniam in hybernis collocauit. Interea temporis, Alexandrum Aminthæ f. regem Macedoniæ ad Athenienses de pace mittit, multa & magna ipsius regis nomine

Artemisia
regina in-
terfuit bello
Persico.

Altera Ar-
temisia.

Aristidis
virtus.

F mine

Atheniense
magnanimitas.

Athenarum
urbs capitur
à Persis, atq;
dirigitur.

Exemplum
singularis con-
stantie in de-
fendendo pa-
tria.

Lacedæmo-
nij mittunt
subsidium A-
theniensibus.

mine pollicitus, si deditionem facerent. Hanc verò illi simpliciter recusant. Iisdem diebus, Lacedæmonij quoque maximè veriti, ne Athenienses cum hoste paciscerentur, ad eosdem, legatos misere, qui multis rationibus eos adhortarentur, ut pro patriæ salute pristinam cum ipsis, atque aliis confœderatis, amicitiam & societatem retinerent. Alexandro ab Atheniensi senatu responsum est, (Plutarch. dicit, Aristidem omnium nomine respondisse) nulum tam felicem Persis esse agrum, neque supra terram, vel infra, tantum esse auri, quod ad libertatem Græciæ perdendam permouere possit Athenienses, eique Sole ostenso, donec, inquit, suum hic consuetum cursum tenebit, Athenienses agrorū vastatorum, & violatorum crematorumq; templorum vindictam bello à Persis exigent. Addit etiam Herod. ipsos adiecisse hæc verba, Dum vel vnus Atheniensium supererit, nunquam se conuenturos cum Xerxe. Ipsos autem Spartanos bono iusserunt esse animo, ac per eosdem oratores cohortati sunt, ut in eadem quoque defensione, animiq; constantia persisterent, sociasq; vires coniungerent. Mardonius legatione audita, vehementer contra eos indignatus est: ac statuit primo quoque tempore vniuersas copias per Bœotiam in Atticum agrum inducere. Interim aliarū quoque ciuitatum animos cum minis, tum amplis pollicitationibus sollicitabat, quæque tanto bello sibi vsui fore intellexerat, summo studio & vigilantia procurauit. Quapropter ineunte iam vere, ac ex variis gentibus adaucto exercitu, in Atticam regionem peruenit. In tanto rerum discrimine Athenienses nuntios miserunt Lacedæmonem, ut eis maturo præsidio adessent. Cum autem id astu quodam variisque prætextibus differretur, ipsi tandem, re desperata, denuò correptis liberis, & coniugibus, cæterisque rebus, quæ celeriter efferri poterant, in naues, relictâ patriâ, comportant omnia, rursusque in Salamina confugiunt. Dum hæc ab eis geruntur, hostis cum exercitu in vltiora Græciæ progressus, tandem Athenas venit, eamque urbem cepit desertam, decimo mense, inquit Herod. quam fuerat iterum à rege capta. Eò postquam venit, misit ad Salaminem Murchidem quendam Hellestiponium cum eisdem mandatis, quæ Alexander Macedo pertulerat. Ibi autem, cum quidam è Senatoribus Lycidas nomine, de eius postulatis ad populum ferendum esse suaderet, illum cæteri Athenienses confestim lapidibus obruerunt, & mulieres Atticæ simili genere supplicij, Lycidæ vxorem & liberos sustulerunt. Eandem historiam recitat Demosth. in oratione *περί σελάνου*: sed Cyrillum nominat, cui Lycidæ nomen Herod. tribuit. Ob id tamē Persarum dux neutiquam spem abiciebat, fore, ut Athenienses tandem extrema necessitate adacti, secum paciscerentur. Cum autem Lacedæmonij, duce Pausania, qui tum Leonidæ pueri tutor erat, & penes quem fuit summa imperij, quinque millia delectorum Spartanorum, quorum quiuis septem secum helotas trahebat, auxilium Atheniensibus misissent, atque aliunde ex sociis ciuitatibus plures copię ad eos accederent, videretque illos in priori sententia pertinacissimis animis hære, subduxit exercitum, direpta, & vastata prius regione vniuersa, & mox ad urbem conuerso impetu, monumentis, ædibus, templis, omnique alia re, quæ primo excidio superfuerat, diruta, & euerfa, deinde in Bœotiam suas copias trāstulit, & ad Asopum castra locauit. Athenienses interim, quibus eo tempore imperabat Aristides vir optimus, & singulari

gulari prudentia virtutēq; ornatissimus, è Salamine in Eleusinem peruenerunt, seque ibi Pausania, qui, vt dictum est, vniuersarum Græciæ copiarum dux erat, coniunxerūt, & statim, vt ait Herod. in Ærithræum campum Bœotia peruentum est, eodemq; reliquorum Græcorum cōfluebat multitudo. Erat Persarum exercitus ad Asopum fluuium in longitudinem extensus: impedimenta, & res quasq; optimas muro quadrato munierant, cuius vnumquodque latus in longum decem stadia habebat. Aristides verò iuxta oraculum sibi datum, prope Nysiam, sub Cythæronē castra posuerat; qui locus erat ad pedestrem aciem instruendam aptissimus, & equitatu, quo præualebat hostis, iniquus, cōtra quem campi extrema, & ad fanum Cereri Eleusiniæ & Proserpinæ sacrum accedentia radicibus montis Cythæronis muniebantur. Hunc autem situm ita breuiter depingit Strabo lib. xi. Platæa, inquit, sub *Platæa descriptio.* Cythærone, inter ipsum, & Thebas sita sunt iuxta viam, quæ Athenas, & Megarā ducit, in ipsis Atheniensium Megarensiumque finibus. Quin etiam Asopus fluuius, de quo facta est mentio, grandis inter Platæam, Tanagram, & Thebas fluit, quem Herod. Thebanorum Platæensiumq; terminum fuisse tradit. Platæensium reges fuerūt, Cythæron, & Asopus, quorum ille monti, hic fluuius nomen dedisse creditur. Itaque non ab anne, sed Asopi regis filia Platæa, inditum vbi nomen, vt author est Paus. qui etiam asserit, Platæenses ante pugnam Atheniensium Marathoniam nulla gloria floruisse. Postea verò, factos participes pugnae Marathoniae, descendente iam Xerxe, & in naues recipere se vnā cum Atheniensibus ausos esse. Deinde Mardonium Gobryæ F. Xerxis ducem, aliorum Græcorum auxilio, in patria terra oppressisse. Plutarch. ex Arimnesti sententia refert, Platæenses statuissē, vt limitibus qui Plataicum ab Attico dirimebāt agrum, sublati, suam regionem Atheniensibus tribuerent: vt hi, quod oraculo iubebatur, pro salute Græciæ in propria terra possent dimicare. Tantam verò Platæensium liberalitatis famam extitisse, vt Alexander quoque multis post annis iam Asiae regno potitus, cum Platæas instaurasset, Olympico conuētu per præconem edixit, urbem se Platæensibus propter eorum virtutē, & magnanimitatem reddere: quod ij bello Medico Græcis agrum suum tradidissent, iisq; operam suam summa alacritate nauassent. Hoc rerum statu, cum ad prælium ventum esset, aciesque instruī deberet, Tegeatis de loco in acie cum Atheniensibus contēdentibus, ac (quod semper consueuissent, si Lacedæmonij dextrum cornu tenerent) sibi læuum vendicantibus, cum id Athenienses indignē ferrent, Aristides progressus: Præsentis quidem, inquit, temporis ratio non fert, vt de nobilitate & virtute cum Tegeatis disputemus. Quocunque loco collocati erimus, conabimur præliari, vt bonos ac fortes viros decet. Post hæc, Mardonius, equitatu, quo maximē pollebat, omni immisso, Græcorum vires periclitari statuit. At illi, locis munitis & saxosis in pede Cythæronis procurrente confederant. Soli Megarenses, tria hominum millia, planioribus locis castra habebant. Hos igitur quibus aduersus equitum præfectum, roburque Persici equitatus certamen obuenerat, vrgebat admodum pugnae moles, nec tamen adeò obnixos agebant in pericula & laborem animos, vt quisquam loco cederet. Ceterum, in re ardua & ancipiti nuntios ad duces Græcorum mittunt, vt quā celerrimē aciei iam nutanti succurrāt. Quo audito, Aristides delectos quosq;

Atheniensium, qui circa eum stipati pugnabant, (Herod. & Plut. scribunt, cunctantibus, aut recusantibus ceteris, eum, Atheniensium nomine negotio in se recepto, Olympiodorum, Lamponis F. tribunorum suorum maxime impigrum, misisse eum 300. electis militibus, quibus admixti erant sagittarij) illico Megarensibus occurrere, auxiliumque ferre iubet. Hi, collectis armis, citato cursu in hostem feruntur: trepidantemque Megarensium aciem periculo incumbenti liberant, ibique caeso equitum Persarum duce Masistio, viro & robore mirabili, & mole pulchritudineque corporis eximia, magnaque eorum deleta multitudine, reliquos in fugam vertunt. Ita Græcis hoc primum pugnae certamen felix, veluti per omen quoddam, fiduciam simul atque initium reliquæ victoriae obtinendæ attulit. Eius victoriae magnitudo non multitudine caesorum, (fuit enim non magnus numerus) sed luctu Barbarorum à Græcis æstimata est: nam & se, & equos, & mulos Masistij causa tottonderunt, eiulatuque & fletu campum implerunt: quodeum virum, unico excepto Mardonio, virtute potentiaque facile principem amisissent. Græci interim, relicta planitie, sumptisque armis, illinc abierunt per radices Cithæronis secundum Hysias in agrum Plataensem, rati, hunc sibi fore aptiorem habendis castris, quam Erythræum, cum propter alia, tum propter aquandi commoditatem iuxta fontem Gargaphium: ibi ergo, utpotè in loco munitiori, situque ad victoriam magis idoneo, castra posuerunt. Hic, ut ait Herod. per decem usque dies nihil ferme ab utrisque actum est. Sed tantum oracula & vates consulebantur. Proximo die Mardonius, cum longioris moræ impatiens, tum quia com meatu deficere incœperat, statuit prælium committere, ac ducibus præcepit, ut sequenti die aciem instruerent. Hoc autem ubi divulgatum est, Alexander Macedonum rex noctu clam ad Græcorum castra accessit: cumque ad excubias pervenisset, Aristidem ad se venire iussit, ei que omnia Mardonij consilia exposuit, moxque ad suam stationem rediit. Is vero prima luce equitatum, ut decreuerat, in Græcos misit, qui eos haud mediocri molestia & incommodo affecit. Cum autem ab huiusmodi equitatu fons ille, cuius modò facta est mentio, corruptus atque obrutus esset, Græci statuerunt noctu castra mutare, ac progressi sunt circiter decem stadia ad amnem Meloentem, in locum qui dicitur Argiopius, ubi situm erat templum Cereris Eleusinae, atque illic substituerunt. Mardonius, cognito hostium nocturno abitu, inspectoque loco deserto, existimavit, eos præformidine id fecisse, iamque certam victoriam sibi pollicitus, totamque Græciam animo inuadens, iubet suis, ut quamprimum insequantur hostile agmen, tanquam fugam capefferet. Ut castris castra appropinquarent, ibi statim Persæ, clamore sublato, in Græcos irruerunt, & primum quidem in Lacedæmonios qui dextrum cornu tenebant, cum quibus erant etiam Tegeates numero ad tria millia, moxque ij Græci, qui partes regias sequebantur, ex aduerso Athenienses inuadunt. Ubique igitur fit atrox prælium. Mardonium sequebatur delectissima iuventus, ipseque agmine stipato Lacedæmonios, ut contra instructi steterant, adoritur, ibique strenuè pugnando, magnam Græcorum stragem edidit. Resistentibus, passim cadebant Barbari: donec Mardonius cum fortissima secum manu in bello constitit, intrepidus animis belli molem sustinere. Cæterum, simulac cecidisse ipso ducem fortiter pugnantem,

Masistij ca-
des.

Platensis
pugna.

tem, diuulgatum est, electosque secum omnes partim cēfos, alios vulneribus confectos, fractis animis in fugam vertuntur. Quos cum Græci palantes in-
 sectarentur, pars intra vallum compulsi, ex reliqua multitudine Græci qui <sup>Perfarum
clades cum
cade Mar-
donij.</sup> cum Mardonio militauerant, intra Thebarum mœnia se recepēre: reliquos ad quadraginta millia cogens Artabazus Pharnacis F. vir apud Xerxem inter paucos Perfarum virtutis expertæ, ac singulari audacia, in alteram partem furtim subfugiendo duxit, & confestim inde abiens, breuibus ac citatis itineribus in Phocidas proficiscitur; moxque in Thessaliam & Macedoniam ingressus, Byzantium peruenit, ibique conscensis nauigiis, eos tandem, per paucis desideratis, saluos atque incolumes in Asiam perduxit. Ex aliis verò, qui se vel ad Thebana mœnia, vel in castra, & ad mûrum ligneum, quem fecerant in parte quadam agri Thebani, receperāt, perpauci superstites reman- sere. Hos enim, inquit Herodotus, tanto studio Græci trucidabant, vt ex trecentis millibus, cum quibus Artabazus aufugit, ne tria quidem millia hominum cædi superfuert. Ex Græcis autem, qui fuerunt supra centum millia, idem author testis est, ad decem millia desideratos. Plutarch. verò hunc numerum longè minorem efficit, aitque, mille trecentos & sexaginta cecidisse, ac ex his LII. fuisse Athenienses, omnes de Æantidæ tribu, cuius præ cæteris omnibus præclaram fuisse pugnam, ex Cleodemi sententia testatur. Ex Lacedæmoniis occubuisse xci. Tegeatis xvi. At Herod. è Lacedæmoniis qui Spartani essent, 31. desideratos tradit. Tegeatarum, quorū dux fuerat Arimnestus, qui etiam dux eorundem fuit in Marathone, 52. Prædam, quæ in Perfarum castris ducūque tentoriis, omnino ditissima, & regalis opulentiæ inuenta est, Græci inter se distribuerunt. Huius meminit Herod. qui etiam asserit, Xerxem, dum è Græcia fugit, omnem suum apparatus ex auro argenti- que, & peripetasmatis, Mardonio reliquisse. Itaque incredibile dictu est, quantæ opes ibi repertæ sint, quæ deinde latius per Græciam emanarunt, indeque pecuniæ atque auaritiæ studium effluxit. Quod verò ad Mardonij cē-
 dem attinet, ab Herod. ac etiam Plutarch. memoriæ proditum est, ipsum a quodam milite Spartano, cui nomen fuit Arimnestus, interemptum. In Plutarch. additur etiam genus mortis, videlicet, coniecto lapide in capite eius, sicut ei ab oraculo Amphiarai prædictum fuerat. Hic ergo fuit exitus eius viri, qui præcipuè hortator fuerat suscipiendi huius belli. Ipsi autem cada- uere à pugna reperto, etsi Lampon Pythei F. vnus ex præcipuis Æginetorum, apud Pausaniam valde instabat, vt in illud sæuiretur, quemadmodum à Per- sis in Leonidem mortuum sæuitum fuerat, cuius caput recisum ab humeris, in opprobriū & cōtemptū cruci affixerant, is tamē ad huiusmodi indignitatē nullis rationibus persuaderi potuit, quin etiā contra eū acriter succensuit, ac prohibuit, ne quispiā vlla cōtumelia illud afficeret, edēs hāc honestissimā vo-
 cē: ἀποχρεῖ μοι Σπαρτίησι ποὶ ἀρεσυχόμενον, ὅσα μὲν ποίεον, ὅσα δὲ καὶ λέγειν. In hoc itaque, sicut in plerisque aliis rebus, Pausaniæ virtus atque animi celsitudo clarissi- mē resplenduit. Postero die Mardonij cadauer non extitit, incertum, inquit Herod. à quibus hominibus subtractum; aitque se audiuisse, diuersos illud sepelisse, atque ob id se scire, permultos ingentia dona ab Artonte Mardonij filio accepisse. Quis autē huiusmodi curam suscepit, sibi exploratum non fuisse: multos tamē credere, præcipuum huius rei authorem fuisse Dionys.

Mardonius a quo nā fueris interfectus.

Exemplum singularis moderationis in victoria.

Ophancin Ephesium. His consimilia videre est apud Paus. lib. ix. qui etiam in Plataensi agro illi erectum fuisse monumentum à nonnullis perhiberi asseruit. Hæc modò de pugna Plataensi, quæ omnium sanè, quoad terrestre bellum attinet, quàm maximè insignis ac memorabilis fuit. Hanc primus omnium Herod. lib. ix. incredibili diligentia & facundia descripsit. Principio utriusque populi apparatus bellicum, numerum equitum peditumq;, Græcorum nomina, Barbarorum duces, elegantissimè digerit. Quæ in ipso congressu, quæ inter pugnandum, quæ postea acciderint, eorum nihil præmittit. Omnia præterea tam exquisito ordine, tanta verborum proprietate atque impetu ob oculos ponit, ut te præsentem ipsas concurrentes acies, pugnaq; feruorem & iram spectare crederes. Pugna decertata, eorum nomina, quorum virtus maximè inter ceteros enituerat, magna grauitate perceret. Cæterum, quàm magnificè Macedones, quàm religiosè singuli suos ciues sepelierint, multis verbis egregius historicus prosequitur. Huius etiam, uti superiorum, meminit Diod. lib. xi. & Plutarch. cum in aliis locis, tum præcipuè in Aristide. Horum autem sepulchra, qui hoc in prælio contra Persas strenuè pugnando ceciderunt, statim Plataeam ingredientibus occurrebant. Cæteris quidem Græcis ut commune monumentum extructum erat: Sed Athenienses & Lacedæmonij priuatim sua sepulchra cum Simonidis Poëtæ inscriptionibus constituerant. Non longè verò à comituni Græcorum busto fuit ara Iouis liberatoris, & simulachrum ex albo lapide constructum. Græcorum statuæ fuerant æneæ. Hic autem solebant, ut tradit Paus. in Bœoticiis, quinto quoque anno celebrare certamen, quod à libertate Eleutheria nominabatur. In quo, cursoribus insignia quædam præmia proponebatur. Currebant verò ante aram omnes armati. In huius autè victoriæ perpetuum testimonium Græci xv. ab Platæa stadiis trophæum erexerant. A Iouis ara progredientibus, tum ipso Eleutherij Iouis simulachro, Platææ Sacellum conspiciebatur. In ipsa vrbe templum fuit Iunonis, tum magnitudine, tum simulachrorum ornatu mirificè conspicuum. De his rebus meminit etiam Strabo lib. xi. & Plut. in Aristide. Hoc prælium incidit in annum 2. Olymp. 75. Xantippo Athenis Archonte, & secundum Athenienses 14. Boedimionis, secundum Bœotios autem 26. Panemi mensis factum est, ut idem Plut. asserit, videlicet 3. die mensis Augusti. Ab Herod. Diod. & Iustino, in literas relatum est, eodem eiusdem mensis die in Ionia ad Mycalen minoris Asiæ promontorium, Græcos aduersus Persas dimicasse, quo pugnatum est apud Persas. Posterior quidem tradit, famam huius victoriæ ad Platæas, eodem die ex Græcia in Asiam transuolasse. At locorum illorum interualla, certo argumento sunt, nuncium eius tam breui tempore minimè perferri potuisse. Leotychildè verò Spartarum ducem, eam vocem in castris hostium diuulgari iussisse, quò Græci, qui cum Persis militabant, tantò alacrius ab eis deficerent, Persasque pavor & suspicio prorsus corripere, ne Græcis deinceps amplius fiderent. & sanè fortuna Leotychildæ stratagema quod excogitarat, verum reddidit, prælij ad Platæas commissi victoriam Græcis præbens. Illud etiam contigit, ut ad utramque pugnam essent Cereris Eleusinæ templa, & Plataënsis quidem diluculo diei gesta est, apud Mycalen vesperi. Ut verò de hac etiam aliquid breuiter dicatur, post præliū ad Salamina certatum, Græci primo

primo vere classem apud Æginam collegere. Huius nauarchi fuere Leotychidas Lacedæmonius, & Xantippus pater Periclis Atheniensis. Nam Themistocles, quod à Spartanis dona accepisse ferebatur, ducatu priuatus est. Ibi ergo, vbi aliquot dies commorati essent, in Delum nauigant cum CCL. triremibus. Inde à Samiis vocati, in minorem Asiam contendunt, atque hostem adoriri statuunt. Persæ autem, cum se in nauali prælio minimè hosti pares fore animaduernerent, in continentem nauigarunt, vt essent sub suo peditatu qui apud Mycalen agebat, præcepto Xerxis ab aliis copiis relictus, ad Ioniam tutandam, numero LX. millia, duce Tigrane. Huc itaque præteruecti, è vestigiò subductis nauibus, munimenta valli in illarum suumque præsidium circumdedere. Leotychidas interim, & collega, exploratis locis, totoque agmine in vnum coacto, copias exponunt. Instructa tum vtrinque acie, atque in certamen expedita, fit repente atrox & cruentum prælium, primoque res diu periculo ancipiti gesta, varioque Marte pugnatum est, adeò vt plurimi vtrinque ceciderint. Post, vbi Samia, Milesiaque manus in aciem Græcam accepta, conferere arma cepit, auctis Græcorum viribus, Persæ fracto animo in fugam vertuntur: magna inde strages editur. Diod. auctor est, Persarum fuisse ad centum millia, ex quibus ait, ad quadraginta millia in eo conflictu occubuisse. Qui autem superfuere, partim ad exercitum, partim Sardes concessere: Xerxes, qui à nauali prælio infelicitè gesto, Sardes profugerat, accepta in Plataeas clade, tum cæde, fugaque suorum ad Mycalen cognita, partem copiarum in Sardibus reliquit, qui Græcis irruentibus occurrerent, ipse tumultuanti perculsoque animo cum reliquo exercitu, se in Persiam recepit. Græci post adeptam victoriam Samum adnauigant, & Iones Æolesque in societatem recipiunt. His peractis, Græcorum copiarum discinduntur, Lacedæmoniis in Lacedæmoniam nauigantibus: Athenienses, Xantippo duce, vnam cum Ionibus & insularis in Hellespontum traiciunt, & Sestum expugnant; ibi præsidio imposito, sociisque dimissis, peracta hyeme, læti atque ouantes in patriam reuertuntur. Persæ itaque intra biennium quinq; præliis deuicti sunt, totaque Græcia expulsi. Primum, vt dictum est, terrestri exercitu ad Thermopylas. Alterum ad Artemisium. Tertium ad Salaminem. Quartum ad Plataeas. Quintum ad Mycalen. Prior pugna facta est, vt diximus, circa Solstitium, cum instarent Olympia, mense Iunio, & iisdem ferè diebus ad Artemisium certatum est. Ad Salaminem vicit Græca classis die 16. Martij. Postea trucidatus est Mardonij exercitus die 3. siue, vt alij volunt, quarta Augusti: & paulò post Persæ iterum deuicti sunt ad Mycalen. Tam terrestres, quam nauales pugnae fuerunt omnino insignes ac memorabiles; & pugnam ad Thermopylas omnes ætates admiratae sunt, duarumque tantum consimiles in Annalibus extant. Quarum alteram Gellius lib. III. cap. VII. recitat, vt antea mentionem feci. In altera, ter mille Heluetij, prope Basileam circiter viginti millia virorum in Gallico exercitu interfecerunt, in quo prælio & ipsi etiam occubuerunt. Et si autem, non sine magnis cladibus tanta multitudo vinci potuit, tamè exemplum insigne est humanæ infirmitatis, quod tantus exercitus tam breui tempore pulsus & trucidatus fuerit. Ipse verò Xerxes, vt supra commemorauimus, paruo nauigio aufugit post pugnam ad Salaminem. Vult enim Deus, non suscipi bella non necessaria cupiditate gloriæ, ac fiducia humanæ potentiae. Et sanè præclara,

Alia Persarum clades, in minori Asia per Græcos infusa.

Persæ tota Græcia expulsi.

& memorabilis est ea vox cuiusdam Persæ cœnantis cum Mardonio ante pugnam Plataësem apud Attaginum ciuem Thebanum. Therfandro enim Orchomenio qui iuxta eum affidebat, eduliis finitis, & poculis, moxque ubi serimonibus tempus fuit, Cernis, inquit, hos Persas in conuiuium acceptos, & copias quæ ad flumen in castris relictæ sunt? Horum omnium paruo post tempore pauculos cernes superstites. & inter dicendum multas lachrymas effudit. Cum verò is, hoc audito, admiraretur, ac diceret: Nōne hæc Mardonio expedit dicere, & iis Persis, qui secundum eum in honore sunt? Illum subiecisse narrat Herodotus: Quod decretum est à Deo, non potest ab hominibus auerti. Neque rectè consulentibus quisquam vult obtemperare. Acerbissimus autem dolor est, multa cogitare, & animo moliri, & tamen nihil efficere, nec euentum optatum consequi. Xerxem omnes Græci vno ore impium, crudelem & diuinitatis contemptorem appellant, quippe qui tam multa templa & Deorum simulachra incenderit, & filiam, suiq; fratris Masisstæ vxorem impudicè adamauerit, atque ipsum postea interfecerit. De hoc rege Val. lib. ix. cap. v. sic breuiter inquit. Iam Xerxes, cuius in nomine superbia & impotētia habitat, suo iure quàm insolenter vsus est, quòd Græciæ indicturus bellum, adhibitis Asiæ principibus, Ne viderer, inquit, in eo tantummodo vsus consilio, vos contraxi. Caterum mementote, parendū magis vobis, quàm suadendum. Arroganter etiam si victori repetere ei regiam contigisset: tam deformiter victi nescias vtrum insolentius dictum, an impudentius. Hæc Val. Hic tamen nihilominus suarum laudum præconem inuenit Iosephum, qui lib. xi. Ant. cap. v. scribit, ipsum, sicuti regni, ita & paternæ pietatis heredem fuisse, nihilque in patris institutis circa diuinum cultum mutasse, & Iudeos summa beneuolentia prosequutum esse, ac etiam subiungit epistolam ab eo suis satrapis atque proceribus conscriptam in hanc ferè sententiam:

Epistola Xerxis regis pro Iudeis.

Rex regum Xerxes Esdræ sacerdoti, & lectori legis Dei, salutem. Opus esse meæ clementiæ putans, eos qui volunt ex gente Iudaica, vel sacerdotes, vel Leuitas sub nostro regno constitutos, pergere ad Hierosolymam præcipio, si desiderant, vt eant, quemadmodum & mihi, & septem consiliariis meis visum est, quatenus visitent Iudæam, & secundum ritus legum Dei portent dona Deo Israël, quæ deuoui ego, & amici mei. Aurum & argentum, quantum inuentum fuerit in terra Babylonix Deo dicatum, hoc omne ad Hierosolymam deportetur pro sacrificiis Dei: necnon & quodcunque volueris ex auro vel argento construere, liceat tibi cum tuis fratribus facere. Vasa etiam sacra quæ tibi tradita sunt, dispone, & quicquid mente cogitaueris, vt fiat, impendi à nobis iussimus, vt ex regalibus thesauris efficias. Scripsi etiam custodibus pecuniarum Syriæ & Phœnicis, vt diligentiam habeant circa ea, quæ per Esdram sacerdotem, vel lectorem legum Dei, mandata noscuntur. Igitur vt nequaquam de me, aut de nepotibus meis iram Deus assumat, omninò præcipio ad vsque tritici modios centum Deo secundum legem dari. Vos autem sacerdotibus & leuitis, ac sacris cantoribus & ianitoribus, sacrisque seruis templi scribis nullo modo aut tributa imponatis, aut aliquid captiosum, vel onerosum. Sed etiam tu Esdra secundum Dei sapientiam censores ordina, qui omni Syriæ & Phœniciæ, tuam legem scientibus indicent, eamque discen-

discendam ignorantibus trade. Et si quis ex gente tua, Dei sui legem vel imperatoris transgressus fuerit, puniatur, & non tanquam ignorans videatur transgredi, sed cognoscens audacter negligere comprobetur. Ergo huiusmodi contemptores aut morte, aut pecuniis condemnentur, Vale. Tunc Esdras hanc epistolam accipiens, lætatus, Deum adorare cœpit, & regiæ beneuolentiæ ipsum confitebatur auctorem. Ideoque omnes ipsi gratias dicebant esse referendas. Legens autem epistolam Iudæis Babyloniæ constitutis, eam quidem signauit, & illius exemplar ad omnes Israhelitas & Medos transmisit. Hi verò, cognita regis erga Deum pietate, & fauore, quo Esdram prosequeretur, vniuersi eum colebant & obseruabant. Hæc Iosephus, qui etiam addit, Iudæos, die duodecimo primi mensis, septimo imperij anno Xerxis ad Hierosolymam peruenisse, quinto mense eiusdem anni. In hac verò Xerxis epistola, obseruandum est, quanto studio, & quàm religiose is mandet Esdræ, ea, quæ sunt cultus summi Dei, perficere, addita causa, ne fortè exurgat ira in regno regis, & filij, & filiorum eius. Hinc enim apparet euidenter, ipsum agnoscere iram Dei, & grauiora metuere, nisi diuinæ voluntati obsequatur. Minime autem ignoro, Esdram in suis scriptis nullam omnino Xerxis mentionem facere: sed duntaxat Cyri, Darij, & Artaxerxis, ad quem hæc omnia refert. Nec sanè parua me subit admiratio, quòd in hac re duo celeberrimi scriptores tantoperè inter se varient, utque Esdræ verbis nihil prorsus derogo, sic etiam Iosephi auctoritas non exigui ponderis censenda, quippe qui hæc omnia ex archiuis Hebræorum hauserit atque acceperit. Verum enimverò in his suum quisque iudicium sequatur. Interim ut eò redeam vnde paulò ante digressa est oratio, Athenienses, omni externo metu liberati, anno 3. Olymp. 75. cum vxoribus ac liberis in patriam redierunt, omneque studium ad vrbis mœnia restituenda, & portum communiendum, præfecto Athenis Demosthene, contulerunt, idque præcipuè factum est hortatu atque impulsu Themistoclis, quem Plut. ex Theopompi sententia scribit, Ephoros pecunia corrupisse, ne hoc institutum impugnarent. Is etiam narrat, quomodo vibem, deceptis Sparthanis, munierit. Tradit enim, ipsum venisse Lacedæmonem, legationis specie prætexta. Ibi, cum Spartani vrbis munitionem ei obicerent, missusque consultò ab Ægina vrbis præfectus eum accusaret, inficias iuit, mittique iussit Athenas, qui rem præsentem inspicerent: ita simul hac interiecta mora, tempus muro faciendo prorogans, & hoc agens, ut hi Atheniensibus pro se obsidum loco essent. Neque eum consilium fefellit. Veritate enim rei cognita, Lacedæmonij nulla affectum iniuria dimiserunt, obscure modò indignantes. Secundum hæc, Piræum ædificauit, portuum oportunitatem conspicatus, totamque urbem ad mare accommodans, ac quod immo contra institutum præcorum Atheniensium regum contendens. De his quidem rebus videre est etiam apud Diod. lib. xi. Æmilium in eius vita, & Iust. sub finem ii. libri. Non multò post Lacedæmonij, Pausaniam, cuius illustrissimi num fuit prælium apud Platæas, classi præficiunt, mandantque, uti ad liberandas vrbes Græcas properet, quæcunque externis occupatæ præsidis, dirione Persica tenerentur. Hic itaque ductis ex Peloponneso L. triremibus, xxx. deinde Atheniensem adiecit, duce Aristide, vnà cū Cymone Atheniensi, primò in Cyprum nauigat, ibique ciuitates omnes, quas præsidia

Themistoclis
solertia.

Lacedæmo-
nij Pausaniæ
Imperatorē
deligunt con-
tra Persas.

Byzantium
capitur à
Pausan.

præsidia Persica tenebant oppressas, ea seruitute liberat. Inde in Hellespontum soluens, Byzantium, quod à Persis tenebatur, vi expugnauit. Cum autem in ea expugnatione cepisset complures Persarum nobiles: atque in his nonnullos regis propinquos, hos clam Xerxi remisit, simulans è vinclis publicis effugisse, & cum his Gongylum Cretensem, inquit Æmilius, Diod. & Æmilius Eretriensem vocant, qui literas regi redderet, in quibus hæc fuisset scripta Thucydides memoriæ prodidit:

Epistola Pausaniae missa
ad regem
Persarum.

P A V S A N I A S dux Sparte, quos Byzantij ceperat, postquam propinquos tuos cognouit, tibi muneri misit, seque tecum adfinitate coniungi cupit. Quare si tibi videtur, des ei filiam tuam nuptam. Id si feceris, & Sparten, & ceteram Græciam sub tuam potestatem, te adiuuante, redacturum se pollicetur. His de rebus si quid geri volueris, certum hominem ad eum mittas face, cum quo colloquatur. Rex tot hominum salute, tam sibi necessariorum magnoperè gauisus, confestim cum epistola Artabazum ad Pausaniam mittit, in qua eum collaudat. Perit, ne cui rei parcat, ad ea perficienda quæ pollicetur, nullius rei à se repulsam laturum. Huius Pausanias voluntate cognita, alacrior ad rem gerendam factus, maiora quotidie moliri, nec solum mores patrios, sed etiam cultum vestitumque mutare, apparatu regio vti, more Persarum epulari, fastum & insolentiam præse ferre, denique omnia consilia secum voluere, quibus patriam & vniuersam Græciam hosti proderet, ipseque simul regno Græciæ potiretur. Cum autem cōuictus prodicionis, in ius esset vocatus, & tandem condemnatus, confugit in delubrum Mineræ: Hinc ne exire posset, statim Ephori valuas eius ædis obstruxerunt, testuque sunt demoliti, quò facilius sub diuo interiret. Dicitur eo tempore Alcitheam Pausaniæ matrem fuisse superstitem, eamque, vbi de filij scelere comperit, cum muro fores obstruerentur, primum lapidem in ea obstructione locasse. Cumque semianimis de templo elatus esset, confestim animam efflauit. Hic exitus Pausaniæ fuit, eò tristior, quòd ostendit tantam esse imbecillitatem naturæ hominum, vt non solum fortuna sit instabilis, sed virtus etiam, quæ durabilior & firmitior esse debebat in præstantibus viris, sæpè extinguatur. De hoc autem plura Diod. lib. x i. Thucyd. sub finem primi libri, Æmilius in eius vita, Plut. in variis locis, præsertim verò in Parallelis, vbi hæc breuiter subiungit: Persis, Græciam populantibus, Pausanias, acceptis à Xerxe 100 talentis, voluit Spartam prodere. At re comperta, Agesilaus cum vsque ad fanum Mineræ Chalcioeci persecutus est, obruratisque fani foribus latere cocto, fame necauit, mater etiam insepultum abiecit, &c. Huius autem nefaria prodicione, atque Aristidis virtute, maritimum à Lacedæmoniis est translatum Athenas imperium. Quam verò fuerit animi elati & arrogantis, quantaque laudis gloria flagrarit, hoc præcipue declarat, quòd Tripodem aureum, quem Græci ex Persarum manubiis Delpho consecradum censuerant, ibi apponi voluit, epigrammate scripto, in quo erat hæc sententia, suo ductu Barbaros apud Platæas esse deletos, eiusque victoriæ ergo Apollini donum dedisse. Hos versus Lacedæmonij protinus excindi atque aboleri iusserunt, & inscribi nomina earum ciuitatum, quarum auxilio Persæ erant victi. Duo quidem exempla edidit singularis modestiæ. Primum, quòd apud Platæas rebus prosperè ac feliciter gestis, cum Lampo Ægineta & plerique alij vehementer instarent,

Exemplis
singularis mo-
destiæ.

starent, vt capita Persicorum ducum, & Mardonij in primis, affigeretur cruci, sicut Persæ caput Leonidæ regis Spartani simili contumelia affecerant, responderit, se mortuos nulla iniuria & ignominia affecturum esse, ac satis sibi esse, si iusta faciens & dicens, Spartanis suis placeat: Alterum, quod mulierem Coam, filiam Hagetoridæ viri nobilissimi, raptam à Pharadante Persa, cum omni eius muliebri ornatu & reliqua supellectile domum liberam & intactam remisit. Cæterum, postquam Græci eius ductu Byzantium occupassent, plurimum à seipso degenerauit. Cùm enim adhuc apud Hellespontum hæreret, puellæ Byzatiæ ex præcipuo stemmate, quam Pausanias Cleonicen vocat, cupidine inflammatus, omnibus studiis atque artibus, eius amore potiri conabatur: statim itaque illi quibus erat imperatum, ingruente iam nocte, in eius cubiculum adducunt. sopitum interea Pausaniam, strepitus excirauit. inuita enim cùm ad eum iret puella, lucernam ardentem comprehendit. Pausanias, vtpotè qui conscius sibi de Græciæ proditione erat, atq; ideo in perpetua suspicione ac metu versabatur, statim surrexit, & puellam in subita animi consternatione interfecit. Hoc piaculum, inquit Pausanias, effugere non potuit, quamquam lustrationes omnimodas quæsierit, & Ioui exuli supplex sit factus, & in Phygaleam Arcadum ad Psychagogos perueniret. Pœnam verò, qua dignus erat, & Cleonicæ persoluit, & Deo. Plutar. etiã in eo pulcherrimo tractatu, cui titulus est De his, qui serò à Numine puniuntur, hanc historiam recenset, atque addit inter alia; Pausaniam, hanc puellam sæpè dormientem vidisse sibi dicere: Perge ad supplicium: valdè est damnoſa libido. quod visum cùm nō desineret, Heracleam nauigasse ad Psychopopeion, qui locus erat curâdis animabus destinatus, puellæque animam deprecationibus inferiis que certis euocauisse; atque eam in conspectû venisse, ac finem ei malorum fore prædixisse, vbi Spartam venisset: reuersum autem Lacedæmonem, statim periisse. Cæterum quod extat apud Ælianum lib. x. hîc neutiſſimam silentio prætereundum videtur. Cùm in quodam cōuiuiſſio, inquit, Simonides adesset, aiunt Pausaniam Lacedæmonium, qui vnâ epulabatur, iussisse, vt aliquid è sapientiæ præceptis depromptû narraret: & Ceum illum arrisisse, atque, Memento te hominem esse, dixisse. Id Pausanias tunc temporis non magnoperè curauit, & nihili fecit, captus iã superbia, eò quod ad Medorum partes se applicuisset. & elatus ob hospitij ius, quod ei cum rege intercedebat: forsitan etiam vino depulsus à sede rectæ rationis. Cùm verò iam esset in Chalceæco, & cum fame luctaretur, iamq; calamitosissimam omnium mortem ob oculos cerneret, tunc in mentem ei venit Simonidis, & ter magna voce exclamauit: O Cee hospes, magnum quiddam in tuo sermone inerat: ego verò inani persuasione sum adductus, vt eum nullius momenti putarem. Hactenus de Pausania, cuius quidem obitus incidit in annum 4. Olymp. 25. & ab orbe condito 3492. Xerxes, cùm proditionis dolum publicatum videret, ex integro bellum instituit. Hoc vbi primum Græcis ciuitatibus innotuit, cùm maxima ex eo pericula sibi impendere animaduernerent, nihil habuere antiquius, quàm vt seipſos ad omnem defensionem pararent. Cæterum Aristidis & Cimonis moderatione & humanitate inuitantur, vt relictis Spartanis, se Atheniensibus adiungant, & quotannis ad sumptus belli aduersus Persas conferant quingenta sexaginta talenta, seu 276000. coronatos;

*Themistocles
accusatur à
Lacedæmo-
niis apud A-
thenienses.*

*Atheniensi-
um
mos.*

*Themistocles
figa.*

*Eiusdem epi-
stola ad Ar-
taxerxem.*

atos, in Delum insulam, ubi publicum ærarium constitueretur, ipseque Aristides summa integritate censum de tota Græcia agens, & tributum singulis imponens, Iusti cognomen accepit. Thucyd. pag. 22. & Plutarchus in vita ipsius Aristidis. Interim Athenienses ducem creant Cimonem Miltiadis filium. Proximè recensuimus, Pausaniam ob prodicionem ab Ephoris Lacedæmoniis fame necatum esse. Hi verò, haud multò post, missis ad Athenienses Legatis, Themistoclem, eiusdem, cuius Pausaniam, criminis insimulant, quòd societatem cum rege Persarum ad Græciam opprimendam iniisset, ut compererunt ex factis circa Pausaniam probationibus, postulantque eisdem cum affici suppliciis. Isti fidem verbis habentes, miserunt unà cum Lacedæmoniis ad illum simul persequendum paratis, quosdam cum mandatis, ut adducerent ubicunque eum nanciscerentur. Hunc enim antea per exostracismum patria expulerant, illius dignitatem & excellentiam diminuentes, quemadmodum solebant agere cum omnibus iis, quos potentia nimia graves, & ad æqualitatem popularem non satis compositos esse iudicabant. Is autem Argos habitatum concesserat, ibique propter multas eius virtutes magna cum dignitate vivebat. Itaque, ubi primùm certior factus est, se absentem accusatum, & missos qui eum comprehenderent, quòd non satis tutum se Argis videbat, ex Peloponneso Corcyram, quam ciuitatem beneficio antea sibi deuinxerat, traiecit. Ibi cum eius Principes ciuitatis animaduertisset timere, ne propter se bellum his Lacedæmonij & Athenienses indicerent, in Epirum, & ad Molossorum regem Admetum antea sibi inimicum diuertit. Huc cum venisset, & in præsentia rex abesset, quo maiore religione se receptum tueretur, filium eius paruulum arripuit, & cum eo se in sacrariū quod summa colebatur cærimonia, coniecit. Inde non prius egressus est, quàm rex eum data dextra in fidem reciperet, quam deinde summa constàtia præstitit. Nam cum ab Atheniensibus & Lacedæmon. publicè exposceretur, supplicem non prodidit, monuitque, ut sibi maturè cōsuleret: difficile enim esse in tam propinquo loco, eum tutò versari. Eum igitur Pydnam deduci iussit, & quod satis esset præsidij, dedit. Hic in nauem omnibus ignotus, ascendit. Quæ cum maxima tempestate Naxum ferretur, ubi tum Atheniensium erat exercitus, sensit, si eò peruenisset, sibi esse pereundum. Hac necessitate coactus, domino navis quis sit, aperit: multa pollicens, si se conseruasset. At ille clarissimi viri captus misericordia, diem noctemque procul ab insula in Salo nauem tenuit in anchoris, neque quenquam ex ea egredi passus est. Inde Ephesum peruenit: ibique Themistoclem exposuit: cui ille pro meritis gratiam postea retulit. Scio autem plerosque, ut Æmilij verbis utar, ita scripsisse, Themistoclem Xerxe regnante, in Asiam transisse. Sed ego, idem inquit, potissimum Thucydidi credo, quòd ætate proximus erat, qui illorum temporum historiam reliquerunt, & eiusdem ciuitatis fuit. Is autem ait, ad Artaxerxem eum venisse: atque his verbis epistolam misisse.

THEMISTOCLES veni ad te, qui plurima mala omnium Graiorum in domum tuam intuli: cum mihi necesse fuit aduersus patrem tuum bellare, patriamque meam defendere. Idem multò plura bona feci, postquam in tuto ipse ego, & ille in periculo esse cepit. Nam cum in Asiam reuerti vellet, proelio apud Salaminam facto, literis eum certiorè feci id agi, ut pons, quem in Hellesponto fecerat,

fecerat, dissolueretur, atque ab hostibus circumueniretur. Quo nuncio, illo periculo est liberatus. Nunc autem cōfugi exagitatus à cuncta Græcia, tuam petens amicitiam: quam si ero adeptus, non minus me bonum amicum habebis, quàm fortem inimicum ille expertus est. Ea autem rogo, vt de his rebus, quas tecum colloqui volo, annum mihi temporis des, eoq̃ue transacto, ad te venire patiaris. Huius rex animi magnitudinem admirans, cupiensq̃ue talem virum sibi conciliare, veniam dedit. Ille omne illud tempus literis sermoniq̃ue Persarum dedit: quibus adeò eruditus est, vt multò cōmodiùs dicatur, apud regem verba fecisse, quàm hi poterant, qui in Perside nati erant. Hic cū multa regi esset pollicitus, gratissimumq̃ue id, si suis vtī consiliis vellet, illum Græciam bello oppressurum, magnis muneribus ab Artaxerxe donatus, in Asiam rediit; domiciliumq̃ue Magnesiae sibi constituit: namque hanc urbem ad flumen Mæandrum sitam, omnium Asiae totius urbium frumenti feracissimam, ei rex donarat, cum duabus aliis, quæ panem præberet, ex qua regione L. talenta quotannis redibant. Lampfacum item, agro vitibus consito cultum, vnde vinum sumeret, & Myuntem, ex qua obsonium haberet. Hæc enim piscium copia, quippe quæ mari iuncta sit, quammaximè præstat. De huius morte multis modis apud pluresque scriptum est. Sed *Themistocles mors.* Probus potissimùm Thucydidi adhæret, qui ait, hunc Magnesiae morbo interiisse, neque negat fuisse famam, venenum sua sponte sumpsisse, cū se quæ regi de Græcia opprimenda pollicitus esset, præstare posse desperaret, vel contra patriam, licet erga se ingratisimam, nollet arma sumere. Idem auctor testatur, ossa eius clam in Attica ab amicis sepulta: quoniam legibus non concederetur, quòd prodicionis esset damnatus. His autem verbis laudatus est ab eodem Thucydide. *Themistocles laus.* Erat Themistocles præcipuè dignus admiratione præ aliis, quia acie mentis suæ non præmonitus, nec diu considerans, in rebus subitis optima consilia habebat, & de futuris, quid euenturum esset; rectissimè coniciebat. Et quæ in præsentia in manibus habebat, explicare poterat, & quæ non norat, non destitit inquirere. In obscuris autem rebus, quid melius aut deterius esset, omnium maximè prospiciebat, & vt in summa dicam, naturæ viribus & celeberrima deliberatione optimè id eligebat, quod maximè profuturum erat. Huius res gestæ passim celebrantur à veteribus, ac extat integra eius vita descripta à Plutarch. & Æmilio. Multa etiam de hoc videre est apud eundem Thucyd. & Diod. lib. xi. Vixit annos quinq; & sexaginta. Post Themistoclem, Pericles dux Atheniens. præfuit annis 40. eiusq̃ue crebra sit mentio in veterum annalibus. Suprà narratum est, Cimonem ab Atheniensibus militiae præfectū designatum, idq̃ue contigit anno 3. Olymp. 77. Archonte Athenis Demotione. Hic cū Imperator in maritima Asia mitteretur cum ingenti exercitu, vt Græcas vrbes aliquot à Persicis præsidiis liberaret, insignes victorias adeptus est, vt narrat Diod. lib. xi. pag. 256. Nam in ea expeditione, in qua Persarū dux fuit Tithracistes, filius Xerxis spurius, duabus victoriis, vna nauali, altera terrestri vno eodemq̃ue die potitus est, ac trophæum erexit. Huius rei mentionem faciens idem author: Postera die, inquit, trophæum eius rei erigitur: inde duabus victoriis clarissimis, altera pedestri, altera nauali certamine potiti, nauigant in Cyprum: res sanè admiratione digna. Nam ad hæc vsq̃ue tempora inauditum est, res tantas vna die

G terra

terra marique confectas. Cimon verò peritia rei militaris simul & virtute diuulgata, rerum optimè gestarum fama celeberrimè nomen habebat. Nec inter ciues modò, sed per vniuersam Græciâ eius facta extollebatur. Trecētis namque triremibus, & nauibus quadraginta hostem pugnando spoliabat. Captiuos supra viginti millia ducebat, ingentem præterea pecuniam. Cæterum, Persæ, rebus suis duplici clade afflictis, alias rursus triremes ædificant, multo prioribus plures; quippe quibus Atheniensium opes & incrementa formidini iam esse cœperant: ex eo namque tempore res Atheniensium magna simul pecunia, & gloria bello & virtute parta, maximè pollere & vigere cœperunt. Hæc Diodorus. Aliquantò post, Lacedæmonij, cum supplices, qui in templū Neptuni prope Tanarū cōfugerāt, occidissent, in inmaximas & grauissimas calamitates inciderūt. Siquidē ipsorū vrbs terræmotu cōtinuo atq; horribili est concussa, adeò vt nulla Lacedæmone domus non corrueret: supraq; viginti millia Spartanorū fama est, ruinis obrutos interiisse. Hac vrbe terræmotu quassata, defecerūt ἰλωτες, seu serui, & Ithomē in Messenia occuparūt. Ob hæc defectionē, cum ab aliis, tū ab Atheniēsis auxiliū petierūt. Hi verò selectissimos viros, & Cimonē Miltiadis F. ducem eis miserunt. quos cum suspectos haberēt Lacedæmonij, domū remiserūt. Athenienses intolerabili se affectos esse ignominia rati, societate in regressu cū Argiuis, qui omni tēpore fuerāt Lacedæmoniorū hostes, inierūt. Horū itaq; ab alienatis iā palā animis, magis ac magis indies odia atq; iræ accēdi. Ita hinc inimicitia atq; discordia exorta origo, post, adeò paulatim coaleuit, vt ipsas etiā ciuitates ad extrema odia & pericula excitaret. Siquidē multis variisque bellis & dissidiis, partim externis, partim ciuilibus vniuersa Græcia iactata fuit, quæ Thucydides obiter exponit, sed tandem, quinquagesimo nimirum anno post Xerxis è Græcia discessum, bellum illud ingens natum est, quando Peloponnesus tota coniurauit in Atheniēses, quorum in eo bello dux erat Anaxagoræ Philosophi discipulus, Pericles, quem dicendo fulgurare, tonare, permiscere Græciam ait Aristophanes. nam iidem erant olim & virtutis & eloquentiæ magistri. Ex altera parte summæ rei præfectus fuit Archidamus, rex Lacedæmoniorum. Periclis erat æqualis & æmulus Thucydides, qui & bellum illud descripsit. Priusquā verò ad res Persicas transgrediar, id breuiter subiiciam dignum memoria, nempe his temporibus, quibus Xerxes, ac eius filius Artaxerxes, de quo statim sum dicturus, vsque ad vltimum Darium, in Persia regnarunt, floruisse præstantissimos viros, qui per totum terrarum orbem ingenij monumentis inclaruerunt, & quorum inclita & celeberrima nomina nulla vnquam verustas abolebit. Hi autem fuere Hecæteus Milesius, qui etiam attigit tempora Darij Hystaspis, Simonides, Pindarus, Zenon, Empedocles, Anaxagoras, Hellanicus, Herodotus, Thucydides, Sophocles, Euripides, Aristarchus, Prodicus, Hippocrates, Democritus, Pericles, Archelaus, Socrates, Eudoxius, Ariston, Plato, Timeus, Phædō, Gorgias, Zenophō, Aristoteles, Theophrastus, Aristippus, Cleanthes, Chrysippus, Euclides, Democritus, Cebes, Speusippus, Xenocrates, Polæmon, Isocrates, Theodectes, Erythreus, Theopompus, Ephorus Cumæus, Heraclitus, Aristophanes, Diogenes, Demosthenes, Aristogenes, & complures alij, quibus Græcia mirum in modum nobilitata est. De his autem videre est, cum apud alios auctores;

Terræmotus
apud Lacedæmones.

Odium inter
Laced. &
Athen. unde
emanauit.

Græcia inter
simis bellis
diuesatur.

Insignes viri
hoc tempore
apud Græcos
florent.

tum

tum in primis apud Laërtium, Suidam, & Aulum Gellium variis in locis. Quatenus verò attinet ad præcipuos maximeque claros Græcorum duces, quorum alij de tota Græcia, alij de sua quisque patria benemeriti sunt, post Codrum, Polydorum Spartanum, & Aristomenem Messenium, hi potissimum insigniores habentur Miltiades, Leonidas, Themistocles, Pericles, Aristides, Pausanias, Xantippus, Leotychidas, Cimon, Conon, Epaminondas, Leosthenes, Aratus Sicyonius, Philopœmê, ex iis plerique fuerunt iussi tandem exulare. Aristides tamen & Cimon qui & res magnas, & viles patriæ gesserunt, & cum essent in omni officio iusti & moderati, placidos exitus habuere. Verum enimverò, ut in præsentia Græcorum rebus omissis, ad res Persicas reuertar, Xerxes, postquam octo & viginti annos in imperio expleuisset, ab Artabano suo cognato, anno 4. Olymp. 78. per dolum ac summam perfidiam interficitur. Inueni apud probatos auctores, ipsum Xerxem, diem, qua Rex dictus fuerat, tãquam imperij natalem, singulis annis insignem celebrasse, eaque diademate ornatum, gaudio delibutum, cœnam proceribus dedisse, cui Titan dixisse nomen, fuisseque adnotatum diem, qua Alcibiades Athenas ab exilio remeavit, certissimum illi præsignasse exitium, quod fuisse tunc colerentur sacra, qua templi ornamenta deponere, pavimenta tegere, & iustitio indicto, à negotiis quiescere, mos erat. Quinã verò dies atris, quive fausti sint, ex veterum annalibus facile colligi potest, exque recentioribus scriptoribus, Alexander de Alexandris lib. III. cap. xx. planissime ostendit. Ad hoc autem nefarium parricidium nulla res alia ipsum Artabanum impulit, quàm dira cupiditas regnandi, eaque spe subnixus, cum præsertim haberet septem liberos fortissimos viros atque omnes multis clientelis suffultos, quodã die sub Solis occasum, regiam, quæ illi pro iure affinitatis atque amicitie perpetuò patebat, ingressus, Xerxem inopinato casu aggreditur, eumque atroci vulnere confodit. Herodotus auctor est lib. v. in toto ipse exercitu, qui tam numerosus extitit, neminem aut specie, aut magnitudine corporis fuisse, qui cum eo potuisset contendere, tanquam dignior, qui illud imperium obtineret. Post ipsum, à pulchritudinis forma, & statura præter omnes alios commendat Tigranem, qui fuit dux Persarum ad Mycalen. De commeatu verò qui sequebatur Xerxem, ita breuiter inquit *Ælianus* lib. XII. variæ hist. Cum alij commeatus magnificentia & ostentatione pleni sequebatur Xerxem, tum etiam aqua ex Choaspo simul vehabatur. Cum verò in loco deserto sitiret, neque siti remedium vllum inueniretur, proclamatum in exercitu est, si quis aquam ex Choaspo haberet, ut regi eam bibendam daret: & inuentus est quidam, qui paxillum haberet, idque putridum. Bibit igitur illam Xerxes: & eum qui dederat, in benefactoris loco habuit: quoniam nisi illa fuisset inuenta, periisset siti. Quanquam verò hic Princeps ob ea, quæ proximè recensuimus, nempe ob incestum & fraternam cædem, iure merito reprehenditur, in eo tamen fuerunt aliqua insignes dotes, propter quas haud mediocrem laudem adeptus est. Siquidem quod Iosephus, grauissimus auctor, de illo testatur, id sanè huiusmodi est, ut omnino maximam commendationem mereatur. Nam quòd Græcorum templa diripuerit atque incenderit, id sanè hostile, sed minimè impictati & sacrilegio ascribendum, cum ea, nihil in se aliud, quàm idola & falsos cultus continerent. Cæterum

*Præcipui
Græcorum
Duces.*

*Xerxes ab
Artabano
interficiunt.*

*Quisiam
dies Xerxi
fuerit iune-
sius.*

*Eiusdem spe-
cies, ac pro-
ceritas.*

*Commeatus
in bello.*

Xerxis ma-
gnanimitas
& clemen-
tia.

quod extat apud Herod. lib. vii. quis non maximè admiretur & extollat? Cum enim Lacedæmonij, ob legatos Persarum apud Spartam interemptos, irato Deo, pestilentia conflictarentur, & Pythius iussisset, vt pro nece caduceatorum satisfacerent, Xerxi, Bulis & Sperchis vltro ad Persas ascenderunt, daturi pœnas. Rex verò admiratus, reliquit eos incolumes. Nam, præ magnanimitate, inquit Herod. negauit se fore Lacedæmoniis similem. Illos enim, interimendis legatis, ius omnium hominum confudisse: se verò, quod illis meritò exprobraret, id non esse facturum, neque eos occidendo, Lacedæmonios culpa soluturum. Hac re per Spartiatis gesta, iram Thalthibij cessasse, morbumque defuisse. Huius rei meminit quoq; Suidas in Xerxe. Idem, cum Græcorum exploratores in exercitu suo deprehendisset, nullo supplicio affecit, sed circumduxit, vt omnem videret exercitum, & illæsos dimisit. De hoc etiam posteris traditum est, ipsum, cum vidisset vniuersum Hellespontum nauibus suis constratum, omnia littora, atque Abydenorum plana hominibus referta, iactasse se beatum, & mox fudisse lachrymas. Tam subitam mutationem admiratum Artabanum eius patruum, qui eam expeditionem diffusaerat, ausum fuisse rogare causam. Tum Xerxes: Subiit, inquit, animum meum cogitatio, quàm brevis sit hominum vita, quando ex tam numerosa multitudine post annum centesimum nemo superfuturus est. Ferunt etiam, cum à trecentis Lacedæmoniis ad Thermopylas vexatus esset, tantam militum ducens multitudinem, hoc se deceptum dixisse, quòd multos quidem homines haberet, milites autem perpaucos. Sensit enim, non perinde referre, quàm multos educat imperator exercitus, at potius quàm peritos & exercitatos. Ad hæc, cum iratus esset Babylonis, quòd à se defecissent, posteaquam illos in potestatem suam redegerat, interdixisse, ne ferrent arma, sed psalteriis tibiisque canerent, scorta alerent, cauponas haberent, ac sinuosis tunicis vterentur, quòd voluptatibus euirati, non molirentur denuò defectionem. Quàm autem excelsi pectoris fiducia sui extiterit, hinc vel facilè colligi potest. Cum enim ad eum importarentur Atticæ caricæ venales, negauit se illas esurum, donec regione potitus esset quæ illas ferret. Diodorus tradit, illum fuisse ingenio facili ad credendum, idque verum esse, apparet ex eo, quòd nuntiis Themistocleis tam facilè fidem habuerit. Memoriam quoque proditum est, ipsum, cum è Phrygia cum exercitu in Lydiam veniret, comperisse Platanum, quam ob pulchritudinem aureo monili donarit, eamque tuendam viro, vni ex his qui appellabantur immortales, delegasse, de qua Ælianus lib. i. ita scriptum reliquit: Ridendus profectò est, inquit, Xerxes, quòd cum mari terrisque Iouis operibus posthabitis, noua itinera & insolitam navigationem sibi parasset, seruiuit Platano, & arborem admiratus est. In Lydia igitur, vt rumor fert, cum vidisset proceram Platanum, integrum diem ibi commoratus est, nulla postulante necessitate, & castra posuit in solitudine circa Platanum. Sed & multiplicem ac pretiosum ornatum ex ea suspendit, torquibus armillisque ramos veneratus: & curatorem ei reliquit, quasi custodem & propugnatorem Amasiæ. Sed quid tandem ex his ad arborem emolumentum rediit? Nam ornatus appositius, & nihil ad ipsam pertinens, frustra pependit, neque vllum momentum ad splendorem & fructum arboris attulit. Sed in arbutis commendantur generosi rami, foliorum frequentia, stirps

Platanus à
Xerxe ada-
mata.

stirps firma ac stabilis, radices in profundum actæ, vëtorum agitatio, vmbre ex iis procedentis amplitudo, redeütis inuicem fructus, aquarum per sulcos alimentum suppedians, tum cælo frequenter defluens. At chlamydes Xerxis, & aurum Barbari, reliquaquæ munera, neque ad platani, neque ad vllijs alterius arboris generositatem quicquam faciunt. Hactenus de Xerxe ac eius irritis conatibus in Græcos. Bellum hoc Persarum, vel, vt Thucydides vocat, Medorum, eodem ferè tempore fuisse scribit Cicero, quo bellum Volscorum, cui Coriolanus exul Romanus interfuit. Id autem incidit in annum vrb. cond. cci xvi. Xerxe defuncto, eius filius Artaxerxes Longimanus, cui etiam pater in Græciam profecturus, regni administrationem reliquerat, Persicum imperium ex legitima successione adeptus est. Huic erant duo fratres superstites, nempe Darius, & Histaspes, quorum prior in regia versabatur; alter tunc absens, Satrapiam Bactrianorum gerebat. Artabanus interim post cædem perpetratam ad Artaxerxem properat, ei que nunciat, à Dario fratre parentem necatum, regnumque occupatum iri. Hortatur, antequam frater principatum adeat, rexque declaretur, suis rebus maturè consulat, nec seruire fratri per negligentiam, & desidiam, quam fortiter ausus imperare malit: regnumque ipse præoccupans, fratris parricidæ scelus vlciscatur: tum se ad id facinus perpetrandum regios stipatores pollicetur adhibiturum adiutores. His itaque adductus Artaxerxes, cateruis satellitum stipantibus, fratrem repente incautum adoritur, atque interimit. Quod cernens Artabanus, per insidias cœpta consilia vbique sibi succedere, liberos suos ad se accersit, docetque iam tempus adesse, quo regnum audèdo sibi vendicent: tum gladio stricto inuadens Artaxerxem, vulnerat. Ille percussus, cum tamen nil lethale vulnus infixisset, sese ocyus Artabano fuga subripit: nec vsquam vulnere impeditus, re commutata, Artabanum insectari, & meritis supplicijs afficere pergit. quem per oportunas torturas discerptum necat. Ita tantis præter spem omnium insidijs liberatus Artaxerxes, vltusque parentis necem, parricida scelestissimo crudelissimoque necato, Persarum potitur regno, & annos xl. imperauit. Præfecto Athenis Archidemide consules à Romanis creati, A. Verginius, & T. Minutius. Olympias tum agebatur 79. in qua stadio vicit Xenophon Corinthius. Hæc potissimum ex Herod. sententia retulimus. At Iustinus initio libri iii. scribit, Artaxerxem veritum Artabani numerum filiorum, in posterum diem paratum esse exercitum, armatumque iussisse, recogniturum & numerum militum, & in armis industriam singulorum. Proinde cum inter ceteros & ipse Artabanus armatus assisteret, regem simulasse, se breuiorem loricam habere, ac imperasse Artabanum secum commutare: exuentem se ac nudatum gladio traiecit. Tum & filios eius corripere mandasse: atque ita & cædem patris, & necem fratris, & se ab insidijs Artabani vindicasse. Hic Artaxerxes dictus est cognomento Longimanus, quod dextra ei quam sinistra esset maior, fuitque, vt Plut. inquit, inter reges Persarum, mansuetudine & magnanimitate præstantissimus. Hic, auctore Iosepho Ant lib. xi. cap. vi. post susceptum imperium, & constitutos ab India vsque Æthiopiam cxxvii. Satrapas, anno regni tertio amicos & duces gentium Susis accepit epulo sumptuosissimo, vt decebat regem opulentum, magnificos centum octuaginta dierum apparatus ostentantem: cui plurimæ

Artaxerxes
V. rex Per-
sarum, dictus
Longimanus.

Artabani
cades.

Eiusse sum-
ptuosiss. epu-
lum.

*Esther nubit
Artaxerxi.*

gentes, earumque legati, per continuos septem dies interfuerunt. Quomodo autem hoc instructum fuerat, & cur postea erga priorem vxorem Vasthem nomine, minus affectus, Estherem Iudaicæ gētis puellam & eximia pulchritudine, quæ vtroque parente orbata, apud patrum Mardochæum ex tribu Benjamin, educabatur, in coniugem acceperit, eaq; suos populares, & auunculum defenderit, qui regi insidias detexerat, quas propter edictum regium contra Iudæos in obscuro loco delitescens audierat, idem auctor disertè ac eleganter prosequitur. Hæ autem nuptiæ celebratæ sunt anno regni sui duodecimo, mense qui Ader dicitur. Is etiam refert, quomodo Aman, qui præcipua gratia & auctoritate apud regem pollebat, LX. talentorum argenti milia, (Suidas scribit decies mille talēta) ei promiserit se collaturum, si Iudæos perderet. Quo impetrato, literæ omnibus gentibus scriptæ sunt, vt vno die Iudæos omnes deleant. Priusquam verò hæc conficerentur, Mardochæus per Estherem regi insidias comparatas detexit. Is igitur scriptis reuocatis, in crucem egit Amanem, Mardochæo ab illo paratam: plurimique ex inimicis à Iudæis sunt occisi, quibus ij dies festi ac solennes sunt. De his autem omnibus videre est eundem Iosephum præfato loco, vbi etiam inserit hanc epistolam Artaxerxis, huiusmodi verbis conscriptam:

Epistola Artaxerxis ad suos satrapas & duces provinciarum.

R E X magnus, inquit, Artaxerxes, ab India vsq; Æthiopiam, centum viginti septem provinciarum ducibus ac principibus, qui nostræ ditioni obediunt, salutem dicit. Multi bonitate Principum, & honore, qui in eos collatus est, abusi sunt in superbiam, & nō solū subiectos regibus nituntur opprimere, sed datam sibi gloriam non ferentes, in ipsos qui dederunt, moluntur insidias cogitare: nec contenti sunt gratias non agere beneficiis, & humanitatis in se iura violare, sed Dei quoque cuncta cernentis arbitrantur se fugere posse sententiam: & in tantum vesaniæ proruperunt, vt eos qui credita sibi officia diligenter obseruant, & ita cuncta agunt, vt omnium laude sint digni, mendaciorum funiculis conentur subuertere: dum aures Principum simplices, & ex sua natura alios æstimantes, callida fraude subuertunt. Quæ res & ex veteribus probatur historiis, & ex his quæ geruntur quotidie, quo modo malis quorundam suggestionibus regum studia deprauantur. Vnde prouidendum est paci omnium provinciarum. nec putare debetis, si diuersa iubeamus, ex animi nostri venire leuitate; sed pro qualitate & necessitate temporum, vt Reipub. poscit vtilitas, ferre sententiā. Et vt manifestius quod dicimus, intelligatis, Aman filius Amadathi, & animo & gente Macedo, alienusque à Persarum gente, & pietatem nostram sua crudelitate commaculans, peregrinus à nobis susceptus est: & tantam in se expertus humanitatem, vt pater noster vocaretur, & adoraretur ab omnibus post regem secundus. Et in tantum arrogantia tumorem subleuatus est, vt regno nos priuare niteretur, & spiritu. Nam Mardochæū, cuius fide & beneficiis viuimus, & consortem nostri regni Hester, cum omni gente sua nouis quibusdā atque inauditis machinis expetiuit ad mortem; hoc cogitans, vt illis interfectis, insidiaretur nostræ solitudini, & regnum Persarum transferret in Macedonas. Nos autem à pessimo mortalium Iudæos neci destinatos, in nulla penitus culpa inuenimus, sed è contrario iustis vtentes legibus, & filios altissimi, & maximi semperque viuētis Dei, cuius beneficio & patribus nostris, & nobis

bis

bis regnum est traditum, & in hodiernum vsque diem custoditur. Proinde & eas literas, quas sub nomine nostro ille direxerat, sciatis esse irritas. Pro quo scelere, ante portas huius vrbis, id est, Susis, & ipse qui est machinatus, & omnis cognatio eius pēdet in patibulis: non nobis, sed Deo ei reddente quod meruit. Hoc autem edictum quod nunc mittimus, in cunctis vrbibus proponatur, vt liceat Iudæis vti legibus suis. Quibus debetis esse adminiculum, vt eos qui se ad necem eorum parauerant, possint interficere decimotertio die mensis duodecimi, qui vocatur Adar. Hunc enim diem omnipotēs Deus incertis & luctus, eis vertit in gaudium. Vnde & vos inter ceteros festos dies hanc habetote diem, & celebrate eam cum omni lætitia, vt & in posterum cognoscatur, omnes qui fideliter Persis obediunt, dignam pro fide recipere mercedem: qui autem illorum regno insidiatur, perire pro scelere. Omnis autem prouincia & ciuitas, quæ noluerit solēnitatis huius esse particeps, gladio & igne depercat: & sic deleatur, vt non solum hominibus, sed etiam bestiis inuia sit in sempiternum, pro exemplo contemptus & inobedientiæ. Igitur equites epistolas deportantes exierunt, & viam propositam peragebāt. Mardocheus verò regia indutus stola, & corona aurea & torque processit ornatus. Quem videntes ita honorificatum à rege Iudæi Susis inhabitantes, communem æstimauerunt felicitatem, &c. Hanc epistolam eò libentius adieci, quòd ex ea datur intelligi, quanta fuerit Persarum regum potentia, quorum dirioni ea tempestate centum viginti septem Prouinciæ subdebantur. Anno viceesimo, ex quo Artaxerxes imperare cœperat, mense Casleu venerunt quidam residui de captiuitate Ierusalem ad Nehemiam pincernam regis, & narrauerunt miseriam eorum qui erant in Iudæa, & sequenti mense Nisan, nutu reginæ impetrauit à rege, vt instauraretur Ierusalem, 2. Esdr. 1. Quocirca vt primum sermo regis egressus est, vt renouaretur edictum Cyri, & instauraretur Ierusalem, Nehemias à die illo, quo præceperat rex, vt esset dux in terra Iuda, ab anno xx. vsque ad ann. xxxii. Artaxerxis, per annos xii. rexit populum, & præfuit restorationi murorum. Nehem. 5. adiuuātibus eum principe sacerdotum Eliasi filio Ioacim, & Resa Mosolla, filio Zorobabel, aliisque principibus plebis 2. Esdr. 3. Sic ergo paulatim, iuuante Deo, certa sedes Ecclesiæ in Iudæa restituta est, & in magno imperio Persico nota fuit, vt multi inde doctrinam petere possent. Et mediocris in Iudæa pax fuit, vsque ad tyranni Ochi tempora. De hoc rege Plut. in suis Apophth. ita breuiter scriptum reliquit: Artaxerxes, inquit, Xerxis F. Longimanus cognomento, quòd alteram manum haberet longiorem, dicebat, Magis regium esse addere, quàm detrachere. Hic primus in venatione sociorum iussit eum, qui vellet ac posset, primum conicere telum. Idem primus instituit, vt cum principes viri supplicio afficerentur, non corpora, sed vestes, quibus se exuissent, flagellarentur, & non crines capitis euellerentur, sed tiara deponeretur. Satibarzani cubiculario iniustum aliquid à se petenti, cum intelligeret, hoc fieri impetradorum trigesies C i o Darticorum gratia, eam pecuniā à quæstore iussu suo allatam tradidit, inquiens: Accipe Satibarzana. hoc enim largitus, nihilò pauperior fuero: isthuc verò si fecissem, essem iniustior. Hic sanè, quia manu alteram longiorem habuit, Macrochir nomen tulit. Hunc tradunt, Athosim atque Mestrim filias, iustæ vxoris loco habuisse. Aiunt etiā pro vxoris salute, Terræ

*Artaxerxis
erga Iudeos
beneuolentia.*

ARTAXERXIS
obitus.

Eiusdem in
litteratos mu-
nificentia.

Ismenie The-
bani factum
insigne ac
memorabile.

votum fecisse, se illam, attacta humo, solenni prece adoraturum promississe. Artaxerxes principio hyemis anni VII. belli Pelopon. nondum finiti, cuius tam crebra fit mentio cum apud alios, tum in primis apud Thucyd. & Diod. lib. XII. qui de illo integram historiam pertexuerunt, supremum diem obiit, postquam regnasset annos XL. Veterum Annales perhibent, illum, puerum admodum, & adolescentem adhuc fuisse, cum pater occideretur ab Artabano, unde verisimile est, illum natum post primam expeditionem in Græciam, aut sub finem eiusdem. Secundam verò expeditionem in Græciam parante Xerxe, iuxta Persarum legem, quæ est Herod. lib. VII. in princ. Rex à patre designatus fuit. Hunc autem, præter alias eximias animi corporisque dotes, fuisse amantem litteratorum hominum, eosque amplis præmiis donasse, facile apparet ex his, quæ extant apud Suid. pag. 430. cum de Hippocrate Coo Medico, qui tunc temporis florebat, mentionem faciens, testatur, ipsum, scriptis ad Hytlanem literis, doctrinam huius viri maximopere expetiisse. Harum verò exemplar, huiusmodi fuisse narrat. Rex regum Artaxerxes, Hytiani Hellepontii præfecto, S. Artis Hippocratis medici Cui, ab Æsculapio oriundi, ad me fama perlata est. Auro igitur illi dato, quantum voluerit, & cæteris abundè, quibus eget, suppeditatis, illum ad nos mittito. Erit enim principibus Persarum par. Quod si quis alius est in Europa vir præstans, eius amicitiam regis domui conciliato, non parcens opibus. Viri enim qui consilio polleant, haud temerè inveniuntur. Vale. Huius quidem temporibus, Ægyptij à Persis defecerant, & quendam Inarum sibi regem crearunt, fœdusque inierunt cum Atheniensibus, qui CCC. triremes omni bellico apparatu instructas, illis præsidio miserunt. Sed tandem ab Artabazo, & Megabyzo devicti sunt, & in obsequium redacti. Athenienses autem, certis conditionibus domum incolumes dimissi. Quomodo autem Ismenias Thebanus hunc regem adierit legatus, nec tamen illi, iuxta morem & consuetudinem regum Persarum, qui sanè mos à Cyro Persicæ Monarchiæ auctore inchoatus, ad ultimum usque Darium continuavit, cultum adorationis præbuerit, Ælianus lib. I. De varia historia his verbis ostendit, inquiens. Ismenie Thebani sapientissimum & planè Græcum factum silentio præterire nullo modo possum. Is, patriæ causa legatione ad regem Persarum suscepta, venit, & voluit ipse de suo negotio regem convenire. Tribunus itaque militum, cuius officium erat, res nunciatas ad regem deferre, & volentes ad eum introducere. Verùm ô Thebane hospes, dicebat, (hæc autem ioco loquebatur per interpretem: nomen erat tribuno Tithraustes) lex est vernacula Persis, ut is, qui in conspectum regis venit, non ante sermonem cum eo conferat, quàm genua inclinaverit. Quod si igitur vis ipse eum adire, necesse est, ut, quod lex iubet, peragas. Sin minus, nos te cogemus, si non adoraveris. Ismenias verò, Agessis, igitur, inquit, deduc me. Cum autem in faciem regis ventum esset, annulum quem gestabat, è digito detractum, clam abiecit ad regis pedes: confestimque procumbens, tanquam adoraret, sustulit eum iterum, & honorem quidem adorationis Persarum regi præstitit, nihil tamen commisit, quod ignominiosum, aut indecorum foret Græcis. Quicquid igitur petiit, impetravit, neque quicquam à Persa ei denegatum est. Huius autem rei meminit etiam Plut. in vita eiusdem Artaxerxis, atque ita breviter de illo ac Pelopida inquit.

inquit. Ismenias quoque Thebanus, & Pelopidas, qui victoriam ad Leuctra recens parauerat, ad regem profecti sunt, quorum hic quidem nihil in se inhonestum admisit. Ismenias adorare iussus, annulum ante se in terram proiecit, inclinansque se, eum sustulit. itaque speciem adorantis præbuit, &c. Quod verò ad huiusmodi adorationem spectat, ut modò innumeras gentes præteream, Græci sanè ab ea summo perè abhorruerunt, grauique & atroci pœna in eos animaduertebant, qui contra patrium morè & consuetudinem vsi essent, quique largitionibus corrumperentur. De Thimagora quidem Atheniensis à veteribus proditum est, illum, quod Artaxerxem, ad quem legatus missus fuerat, contra Græcorum morem adorasset, & largitionibus corruptus esset, ab Atheniensibus capitali supplicio affectum. Tempore autem Alexandri, cum conuocata Atheniensium concione, Demades surgens, decreto iussisset, ut Alexander scriberetur deus decimus tertius, populus impietatis magnitudinem non ferendam ducens, Demadi irrogauit multam centum talentorum, quòd Alexandrum mortalem & hominem ascripsisset Olympicis. Porro aduersus hanc hominum adorationem extat elegantissima oratio Callisthenis apud Arrianum lib. iiii. Et de his quidem hætenus dictum sit.

Mortuo Artaxerxe, Persicum imperium delatum est ad Xerxem, quem fama est, annum regnasse, vel, ut quidam alij scripsere, non amplius duobus mensibus, ei que succedens in regno germanus eius Ogdianus, siue Sogdianus, septem mensibus imperauit, iuxta Diod. siue, ut nonnullis placet, octo: Hunc, cum Darius Nothus interemisset, ipse regno potitus, præfuit annos 19. ut numerat Metasthenes, & Græci. Pausanias in Eliacis tradit, hunc fuisse Artaxerxis ex Pallaea filium, & multitudinis Persarum studiis fretum, Isogem legitimum Artaxerxis filium, regno expulisse. Alij verò in literas retulerunt, ipsum non fuisse filium Artaxerxis, sed duntaxat sororem illius habuisse in matrimonio. In huius regnum incidit illud, quod iam diximus, bellum Peloponnesiacum. Et Athenienses quidem, licet satis domi impediti essent, tamen eius belli anno quarto, sicut Thucydides ait, classem in Siciliam miserunt, verbo quidem, ut Leontinis adessent contra Syracusanos; reuera autem, ut insulam illam suæ ditionis efficerent, quò sic possent facilius atque commodius Græciam perdomare: cumque subinde reuerterentur, & factiones alerent, Hermocrates Syracusanus auctor fuit Siculis, ut depositis simultatibus, in mutuam gratiam & concordiam redirent. Nam Athenienses, ipsorum omnium libertati tendere insidias. Itaque huius persuasionem, reconciliatio inter eos sequuta est, eius belli anno septimo. Tribus post annis, pacem Athenienses & Peloponnesiaci faciunt in annos quinquaginta: sed non totum septennium ea pæctio durauit: tunc enim hostiliter multa fieri cœperunt: & licet non planè sublata pax esset, ac subinde per inducias resarcirentur offensiones, nihilominus tamen anno x. rursus ad arma totis viribus conclamatum est, durauitque alterum hoc bellum annis xvii. Tunc Athenienses denudò classem ornatissimam in Siciliam mittunt cum exercitu quadraginta millium hominum armatorum, & primi duces erant inter alios Alcibiades & Nicias, & hic quidem, concionibus aliquot habitis, navigationem valdè dissuasit, Alcibiades verò contrà. Huius itaq; consilio & auctoritate hoc bellum

Darius No-
thus.

Bellum Pe-
loponnesia-
cum.

*Athenienses
clades in Si-
cilia.*

*Lacedaemo-
nes pacem
invenit cum
rege Persa-
rum.*

*Causa belli
Peloponne-
siaci.*

*Eclipsis Solis
& Cometa,
praeceperunt
bellum Pelo-
pon.*

*Polydamas
Scotusæus.*

lum præcipuè susceptum est. Siculis opem ferebant Peloponnesiaci: tandem in portu Syracusano Athenienses cum hoste configunt; sed post ancipitem ac subinde variantem fortunam, profligati fuerunt omnes atque concisi, præter paucos qui fuga elapsi sunt. Interea Lacedæmones, ac socij, potissimè Alcibiadis consilio, qui absens ab Atheniensibus, capitis damnatus, ab eis defecerat, Darium regem Persarum fœdere sibi coniungunt. Darij legatûs, seu præfectus, erat Tisaphernes, ad quem etiam ipse Alcibiades, præ metu Atheniensium se contulit, & in eius intimam amicitiam peruenit. Portum Syracusanum Cicero describit, in eumq; solam Atheniensium classem, post hominum memoriam inuasisse trecentis nauibus, victam autem atque superatam in eo ipso portu, loci ipsius portusque natura, & tunc primum opes ipsius ciuitatis victas, comminutas, atque depressas, & nobilitatis, imperij, gloriæ naufragium fuisse factum dicit. Hoc bellum Peloponnesiacum vniuersam Græciam, vti diximus, grauissimè afflixit. Nam & diuturnum fuit, & multæ ciuitates partim funditus deletæ sunt: partim tristissima seruitute oppressæ, idque ab exigua causa ortum esse tradit, quam hîc breuissimè recensbo. Erat commune fœdus Græcorum, ne qui aliis bella inferrent, sed ut controuersia communi iudicio dirimerentur. Sed inciderunt inter Megarense & Atheniense de Luco incenso contentiones, propter quem Attica ciuitas edictum proposuit in Megarense, ut à portu Attico abstinerent, ne liceret eis ingredi in terram Atticam. De hac iniuria cum Megarense apud Lacedæmonios questi essent, petunt Lacedæmonij, ut edictum illud tollatur. Pericles fatetur, causam ipsam non magni momenti esse: sed exemplum non tolerandû esse. Postea Lacedæmonios, maiora imperaturos esse, si nûc in re parua cederent. Hac exaggeratione ré adducit ad bellum, ut suspiciones, & astutiæ, ac virulentæ interpretationes sæpe sunt causa magnorum bellorum. Has ingentes totius Græciæ calamitates denunciarunt eclipsis Solis initio belli facta, quæ medio die tenebras fecit, adeo ut stellæ conspicerentur, & Cometa, qui arsit sexaginta diebus. Ceterum, Athenis, priusquàm classis abiret in Siciliam, accidit, ut vna nocte omnes Hermæ, id est, statuæ Mercuriales, quæ in vestibulis ædium, vel in publicis viis super columnas constitui ornatus causa solebant, deiicerentur, præter vnum, qui ante ianuam erat, Androcidesque vocatus est. hoc cum appareret, non sine magna multorum consensione esse factum, quod non ad priuatam, sed ad publicam rem pertineret, magnus multitudini timor est iniectus, ne qua repentina vis in ciuitate existeret, quæ populi libertatem opprimeret. Porro extat integri huius belli nō minus elegans, quàm veridica enarratio cum apud alios, tum in primis apud Thucyd. Diod. & Xenoph. quam sanè iucundissimum est inspicere ac ponderare. Ut verò ad institutum redeam, regnante Dario, vixit Polydamas Scotusæus, Niciæ filius, pancratiastes, statura corporis maximus omnium ætatis suæ mortalium, qui etiamnum adolescens, in Olympo Macedonia monte, ingentem & præferocem Leonem prorsus inermis, nullisque telis armatus, interfecit, cum in hoc se periculû Herculis incensus æmulatione dimisisset. Alterum edidit eximiae fortitudinis miraculum: apprehensum è grege medio maximum & ferocissimum taurum, pedibus posterioribus resiliens, & contranitentem, tam obnixè detinuit, ut vix, & relictis quidem ungulis, effugere

gere potuerit. Aiunt, eundem Polydamantem, incitante equos auriga, altera tantum manu retractos à tergo currus sistere solitum. Hac fama impulsus Darius, illum magnis per legatos donis & promissis inuitatum, Susa ad se euocauit. Quò cum venisset, ex prouocatione tres de cohorte regia, ex què illorum numero qui immortales vocabantur, occidit. Hæc eius facta, inscriptione statuae Olympicæ celebrata sunt. Cæterum, huic robur, & virium suarum fiducia exitium attulit, sicut Homerus de Hectore scripsit:

» *Tua te, fortissime, Virtus*
» *Conficiet.*

Cum enim æstiuo tempore cum sodalibus & compotoribus suis in specum quandam ingressus, fortuito speluncæ cacumen ingenti ruptura ruinam minaretur, sociis quidem Polydamantis, periculi metu dilapsis, ipse viribus roboriq; suo confusus, sperans ruinæ se reniti posse, sublati manibus, motem fulcire conatus, casuro speluncæ culmini sese opposuit: sed saxi pondere obrutus interiit, quemadmodum narrat Pausan. in Eliacis, & Suidas pag. 803.

Post obitum Darij, successit Artaxerxes Mnemon cognomento, id est, Memor, ut quidam exponunt, Darij ac Parisatidis filius. Is enim, ne post obitum, inter fratres de regno certamina orirentur, antequam è vita migraret, filium natu maximum, Artaxerxem, regem constituit. Tradidit autem secundo filio Cyro, sine regio nomine gubernandâ Lydiam & Ioniam. Sed post mortem patris, Cyrus siue à matre incitatus, quæ oderat coniugem Artaxerxis, siue alioqui ardens cupiditate dominationis, bellum fratri intulit,

Artaxerxes
Mnemon
V. rex
Persarum.

& magnum exercitum ex minore Asia aduersus fratrem ultra Euphratem duxit. Interea & Artaxerxes contraxit magnum exercitum, & cum Cyro dimicauit. In eo prælio Cyrus fratrem vulnerauit, & partem exercitus eius loco pepulit. Sed aliquantò post, cum paucioribus irrumpens in medios hostes Cyrus, interfectus est. Ita frater, qui sine iusta causa bellum mouerat aduersus fratrem & regem, quanquam in eo magnæ virtutes fuerunt, & robore exercitus antecelluit, diuino iudicio superatus est. Huius in imperio iustitia, fides in pactis, modestia & munificentia erga principes & Respub., fortitudo in dimicando, comitas erga amicos, ac reliquæ eximie atque ingentes dotes, à Xenophonte, cuius titulo extat historia huius belli, & qui ei militauit, & valdè familiaris fuit, adeò sanè, ut post, ab Atheniensibus, qui Mnemonem habebant amicum, pulsus fuerit in exilium, honorificè describuntur. Quomodo autem hoc prælium gestum sit, Plut. ex Ctesias narratione, quàm breuissimis verbis ostendit. Cyrus, inquit, trucidato Attagerse, equum in regem permisit, & hic in illum, silentio vterque. Occupat Cyri amicus Ariæus ferire regem, nec fauciauit eum: rex missa lancea à Cyro aberrauit, Tissaphernem autem fidum Cyro, & fortem virum percussit, atque interemit. Cyrus, intorto per loricam regis, iaculo, vulnus pectori illius ingessit duos digitos altum, unde ille ictus vi defluxit ex equo ad terram. Fuga & tumultu cohortis regis edito, rex assurgens cum paucis, inter quos fuit Ctesias, tumultum vicinum cepit, ubi tenuit se quietum. Cyrum inter hostes volitantem equus ferox longè abstulit: nec tenebris iam cognoscebatur ab hostibus, & ab amicis quærebatur. Erectus autem victoria, ardorisque & fiduciæ plenus, per medios vehebatur hostes, clamans, Cedite miseri. Dum hoc identidem lingua

Cyrus mouet
bellum ad-
uersus fra-
trem, & in
eo interfecit-
ur.

Eius virtutes

gua Persica clamat, pars venerabundi decedunt ei via. Ibi cū tiara capiti eius defluxisset, prætercurrens adolescens Perſes, (Mithridati nomen erat) tempus Cyri iaculo secundum oculum ferit, inscius qui sit. Eructanti vim sanguinis vulnere, captus Cyrus, vertigine & sopore collabitur. Equus fugiēs oberrabat: stratum equi prolapsū capit comes illius qui Cyrum percussit, sanguine redundans. Cyrum ex plaga ægrè tandem colligentem se, assistentes eunuchi pauci alteri equo imposuere, quò eriperent eum. Quē equitandi impotentem, pedibusque connitentem ire, sustinentes ducebant, corpore quidem ob vulnus in capite acceptum grauem cespitatemque, sed victorem arbitrantem se, quòd fugientes audiret, Cyrum regem alta voce appellantes, atque, vt parceret ipsis, orātes. Interea Cannij quidam homines, tenues inopesque, qui humilium ministeriorum gratia regis castra sequebantur, confusi fortè vt amici fuēre cum illis qui circa Cyrum erant. Hi vt tandem punicea sagula eorum aduertēre, (cū regij haberent omnes candida) intellexerunt hostes esse. Ita vnus eorum ausus est, ignarus qui esset, Cyrum iaculo à tergo ferire. Vulnerata poplitis vena prolapsus Cyrus, tēpus simul faucium ad saxum offendit: vnde animā exhalauit. Hæc Plut. Et Xenophon de huius Cyri expeditione lib. i. sic breuiter inquit. Interea Cyrus regem Artaxerxem suo incinctum globo conspicatus, continere se amplius nequit. Video, inquit, hominem, statimque in eum inuadit, & infesta hasta per loricam petus verberat. Quod se vulnus Ctesias medicus curasse refert. Ibi hostem incautiūserientem tragula ex hostili acie nescio quis Cyrum altè sub oculo vulnerat. pugnatur vtrique acriter, dum suum vtraque pars regem protegit. Ctesias quidē, qui ceciderint circa regē, memorat. in illis enim fuit partibus, &c. Post eius interitum, capta est in castris Aspasia, mulier Ionica, quam Cyrus magis amauit, quàm cæteras concubinas, cū forma & ingenij suauitate omnes alias antecelleret. Hanc captam Artaxerxes valde amare cœpit. Cū autem filium Dariū regem creasset, & consuetudo esset, vt die, quo pater filium regem renuntiauerat, liceret filio donum petere à patre quodcunque vellet, idque patrem largiri oporteret, filius Aspasiā petiuit. Et si dolebat eam pater ab se abduci, dedit tamen, nec multò post, rursus eripuit. Inde inter patrem & filium orta simultate, filius incitatus & adiutus à Titibazo, cōstituto tempore, cum armatis irrumpit in cubiculum patris, vt eum interficiat. Sed præmonitus pater, effugit insidias, & ibi Titibazus, & cæteri comites armati à patris satellitibus occiduntur, filius Darius capitur, & postea re iudicata in principum cōsilio (quia pater solus de filio rege statuere noluit) interimitur. Hæc pœna sequuta est incestas libidines. Duxit autē pater vxorem filiam Atosiam. Et cū iā Ochus filius regnum appeteret, fratrē Arseman ipse trucidauit. Alteri fratri tātum incussit terrorem, vt ipse sibi mortem cōscisceret. Hic aditus fuit Ocho ad regnum, qui postea cum filiis periit, & Cyri posteritas prorsus extincta est, & calamitas filiorum Mnemonis incesta consuetudine polluti, ostendit peccata in semine, postea in sobole puniri. Hoc imperante, vixit Agesilaus Archidami filius, illustris & generosus Lacedæmoniorum rex, quem Theopompus testatur, summū ac præcipuum virum suæ ætatis fuisse. Hic, simulac imperio potitus est, persuasit Lacedæmoniis, vt exercitum educerent in Asiam, bellumque regi Persarum inferrent, docens

Agesilaus.

docens multò satius esse in Asia, quàm in Europa dimicare. Namque fama exierat, Artaxerxē comparare classem, ac pedestres copias, quas in Græciam mitteret. Data potestate, ac imperator declaratus, tanta celeritate vsus est, vt prius in Asiam cum exercitu peruenerit, quàm regij satrapæ cum scirent esse profectum. Et tandem cum Tissapherne qui summum imperium in regios præfectos habebat, in Hermis campis, vbi Ionæ sunt fines, congressus, illum prælio fudit & superauit. Pausanias in Laconicis auctor est, huius equestres ac pedestres copias omninò ingentes fuisse. Cæterum, cum animaduerneret, hostes equitatu superare, nunquam in campo, vt testatur Æmilius Probus in eius vita, sui fecit potestatem: & his locis manus conferuit, quibus plus pedestres copiarum valeret: pepulit ergo quotiescunq; congressus est, multò maiores aduersariorum copias, & sic in Asia versatus est, vt omnium opinione victor duceretur. Hominis itaq; in bellicis rebus alacritatem admirati Lacedæmonij, classis etià imperiū ei detulerunt. At ille cum studium curamq; omnem ad res magnas terrestribus copiis gerendas contulisset, rebus naualibus Pisandrum vxoris suæ fratrem præfecit. Verum, quo minus voti fieret compos, & in Persiam profectus, ipsum regem adoriretur, fortuna eius generosissimis conatibus sese opposuit. Vbi enim primū audiuit Artaxerxes, Agésilauum, aliquot iam præliis prosperè factis, quæ ante pedes, vt aiunt, sunt, prætermittere, ac nouos semper rerum progressus querentem, vltiora appetere, Tissaphernem, apud se prius illustri gratia hominem, capitis damnatum, interfici iussit, eiq; successorem, qui oræ maritimæ præesset, Tithrausten mittit, hominem cum in rebus gerendis solertē, tum verò odio in Lacedæmonios non nihil laborantem. Hic, vt primū Sardes Lydiæ nobilissimam urbem, quæ, præterquàm quod opibus & omni copiarum genere cæteras longè anteibat, eius qui maritimam præfecturam obtinebat, ita regia erat, vti Susa regis Persarū, attingit, rationē excogitauit, per quam efficeret, vt Lacedæmonij suum Imperatorem cum exercitu ex Asia reuocare cogerentur. Rhodium enim Timocraten cum pecunia mittit, qui corruptis ciuitatum principibus, Græciæ populos ad bellū contra Lacedæmonios suscipiendum concitaret. Forum nomina qui pecunias acceperunt videre est apud eundē Paus. In medio itaq; rerum bene gerendarum cursu, & in maxima spe totius Asiæ potiundæ, Agésilauus, Ephorum iussu domum reuocatus est. In quo, non minus eius pietas suscipienda est, quàm virtus bellica; qui cum victori præesset exercitui, maximamq; vt dictum est, haberet fiduciam, regni Persarum potiundi, tanta modestia dicto audiens fuit iussis absentium magistratuum, vt si priuatus in comitio esset Spartæ: Igitur opulentissimo regno bonam existimationem præposuit, multoq; gloriosius duxit, si patrie institutis paruisset, quàm si bello vniuersam Asiam superasset. Hac igitur mente Hellespontum copias traiecit, tantaq; celeritate vsus est, vt quod iter Xerxes anno vertente confecerat, hic transierit triginta diebus. Cum iam haud longè abesset à Peloponneso, obistere ei conati sunt Athenienses & Bæotij, cæteri que eorum socij apud Coroneā, quos omnes grauissimo prælio deuicit. Huius victoriæ, vel maxima fuit laus, quod cum plerique ex fuga se in templum Mineræ cognomento Itoniæ recepissent, quaerereturque ab eo, quidnam his fieri vellet, etsi vulnus in pugna acceperat, & iratus videbatur omnibus qui aduers-

H

sus

Eiusdem vi-
toria contra
Persas.

sus se arma tulerunt, tamen antetulit iræ religionem, & supplices vetuit violari. Concessit & Thebanis petentibus cadauera interfectorum ad sepulturam. Post hoc prælium, collatum est omne bellum circa Corinthum, quod est Corinthiacum appellatum ab his primùm rerum nouarum motibus ortum, quod maiores indies & grauiores habuit progressus, ita sanè, vt breui possit toti Græciæ luctuosum ac exitiabile fuerit. Hic cum vna pugna, decem milia hostium, Agesilao duce, cecidissent, eoque facto, opes aduersariorum debilitatæ viderentur, tantum absuit ab insolentia gloriæ, vt commiseratus sit fortunam Græciæ, quod tam multi à se victi culpa aduersariorum concidissent. Namque illa multitudo, si sana mens esset Græciæ, supplicium Persis dare potuisset. Hæc, & pleraque alia memoratu dignissima recensentur à probatissimis scriptoribus de Agesilao, & in primis à Xenophonte, qui de illius laudibus peculiarè librum scripsit, Plutar. Paus. Iust. ac Emilio Probo, qui etiam eius vitam non minus pressè ac breuiter quàm eleganter posteris ac memoriæ tradidit. Iisdem temporibus, Conon Atheniensis, vir bellica virtute admodum clarus atque insignis, patriæ calamitatem, quam illi apud Ægos flumen Lysander Lacedæmoniorum dux magis astutia & felicitate, quàm virtute inflixerat, commiseratus, enixè dabat operam, vt aduersarios vlcisceretur. Hic sanè cum octo nauibus ex prælio ad Euagoram regem Cypri aufugerat, & dum ibi esset, nihil aliud dies & noctes meditabatur, quàm vt suis ciuibus præsidio esset, & patriam ab hostilibus armis liberaret. Itaque contulit se ad Pharnabazum Ioniæ & Lydiæ satrapam, eundemque generum regis Persarum & propinquum, apud quem vt multum gratia valeret, multo labore multisque periculis effecit. Huius autem potissimum opera & studio effectum est, vt Artaxerxes, Tissaphernem, cuius antea in regem plurima extabant merita, & illud in primis, quod ipsius fide ac rei militaris pericia Cyrum fratrem superarat, tandem hostem declararit, & Lacedæmonios bello persequi iusserit, in eaque expeditione, Conon Pharnabazum coadiutorem habuit. Proinde regiis pecuniis opulentissima classe instructa, Lacedæmonios ad Gnidum adortus est, & nauali prælio deuicit. Hac victoria non solum Athenæ, sed etiam cuncta Græcia, quæ sub Lacedæmoniorum fuerat imperio, liberata est, & hoc pacto Lacedæmones rursus maris imperium amiserunt, & paulatim ciuitatum defectio secuta est. Hæc clades nuntiata est Agesilao in ipso reditu ex Asia vbi iam triennio fuerat, & ad hanc alia clades accessit ad Coroneam, de qua proximè diximus. Hic tandem post multas res domi forisque præclarè ac fortiter gestas, cum iam esset octogenarius, in Ægyptum adnauigauit, vt eos armis persequeretur, qui à rege Nectanabo defecerant, ibique cum multa egregiè præstitisset, donatus à rege ducentis viginti talentis, venissetque in portum, qui Menelai vocatur, iacens inter Cyrenas & Ægyptum, in morbum implicitus, decessit. Ibi cum amici, vt Spartam facilius perferre possent, quod mel non habebant, cera circumfuderunt, atque ita cadauer in patriam reportarunt. Lacedæmonij maiore multo, quàm aliorum regum sepulture & funeris honore decorarunt. At Conon, vt etià de huius exitu quàm breuissimè dicatur, post partam victoriam, cum parte nauium in patriam reuersus, quinquaginta talenta, id est, triginta millia coronatorum, sibi à Pharnabazo donata, suis ciuibus dedit, qua pecunia,

Bellum Corinthiacum.

Conon Atheniensis.

Lacedæmoniorum clades ad Gnidum.

Mors Agesilai.

Mori Athenienses instantur.

nia,

nia, muri Atheniensis à Lyfandro diruti, instaurati sunt. Verùm enim uerò, huic accidit quod cæteris mortalibus, vt inconsideratior in secunda, quàm aduersa esset fortuna. Nam classe Laconica deuicta, cùm ultum se iniurias patriæ putaret, plura concupiuit, quàm efficere potuit. Neque tamen ea non pia & probanda fuerunt, quòd potius patriæ opes augeri, quàm regis maluit. Cùm enim hæc naualis victoria, permagnam sibi apud multas gentes auctoritatem conciliaffet, non solum inter Barbaros, sed etiam omnes Græciæ ciuitates clam dare operam cœpit, vt Ioniam & Æoliam restitueret Atheniensibus. Id cùm minus diligenter esset cælatum, Tiribazus dux Persicus, qui Sardibus præerat, Cononem euocauit, simulans ad regem eum se mittere uelle: magna festinatione huius nuncio parens, cùm uenisset, in vincula coniectus est: in quibus aliquandiu fuit. inde nonnulli eum ad regem abductum, ibique periisse scriptum reliquerunt. Alij dicunt, eum effugisse: & ita quidem refert Æmilius. Cæterum, à quibusdam in literas relatum est, Lacedæmonios, vt denuò crescentem potentiam Atheniensium, & refectionem murorum impedirent, accusasse Atticam ciuitatem, & nominatim Cononem apud præfatum Tiribazum, ac monuisse, periculosam fore potetiam Atheniensium regno Persico, præsertim cùm & Euagoram regē Cypri Persæ metuerent: Athenas misisse legatos ad Tiribazum placandum: in his & Cononem fuisse. hunc à Tiribazo contra ius gentium captum, & in Persiam abductum, ubi aiunt in carcere necatum esse, aut morbis extinctum. Addunt etiam, accusatorem fuisse Antalcidam, Spartanum legatum, qui deinde à rege Persico impetrarit edictum, quo Rex pacem omnibus Græcis imperabat, & bellum minabatur iis qui non essent obtemperaturi, atque inde celebri appellatione nominata est pax Antalcidæ, cuius plerique scriptores meminerunt, & in primis Paus. in Bæoticis lib. ix. Et de his quidē hactenus dictū est.

Cononis obitu.

Pax Antalcidæ.

Artaxerxi, præter Cyrum, fuerunt etiam duo fratres, nimirum Ostanes, & Oxathres. Plutarchus, quicquid uitam eleganter descripsit, auctor est, ipsum uixisse annos xciiii. & regnasse annos lxii. Ceterum alij scriptores, præsertim Græci, asserunt, illum non ultra quadraginta annos regnasse, licet eorum nonnulli, præter hunc numerum, tres alios addiderint. Huius obitus incidit in annum iii. Olymp. 104. Fuit natura mansueta & liberali, vt idem auctor restatur, comem se in congressibus præbendo, inque honoribus & beneficiis tribuendis pro dignitate cuiusuis nimium etiam studium adhibendo. à pœnis, si quas irrogaret, omnis aberat contumelia, cumque incunda gratia non minus accipiendo, quàm dando gauderet, humanum se & facilem in donando exhibebat. Nihil fuit enim, vt eiusdem uerbis utar, tam vile eorum quæ sibi offerrentur, quod non alacriter acciperet. & cùm Omifus quidam, malum punicū mirabili magnitudine ad eum attulisset, per Mithram, inquit, hic vir urbi paruæ præfectus, uidetur eam breui tempore magnam redacturus. Cùm aliquando, aliis alia offerentibus in via, operarius homo, qui nihil aliud illo temporis articulo inueniret, ad fluuium accurrens, aquam inde haustam manibus ipsi attulisset, delectatus eo, pateram auream, & mille Darios dono homini misit. Hæc duo, præter ipsum Plut. Ælianus etiam recenset lib. i. De varia hist. cuius uerba propter insignem elegantiam & ornatum, hîc equidem libenter subiiciam. Ferunt, inquit, hominem Persam,

Artaxerxis Memnonis obitus & natura.

nomine Sinætam, procul à suo tugurio, factum obuiam Artaxerxi, qui Mne-
mon cognominabatur, & interceptum, metu legis seipsum cruciasse, atque
verecundia regis. Cùm verò, quid in præsentia faceret, nō haberet, aiunt mo-
lestè patientem se ab aliis Persis officio superari, neque cōmittere volentem,
vt ipse solus donis non ferendis infamis esset, ad præterfluentem proximè
fluuium, nomine Cyrum, summa celeritate accurrisset, & è vestigiò procum-
bentem, aquam vtraque vola hausisset, & sic regem allocutum esse: O rex, in-
quit, Artaxerxa, regnes in æternum. Nunc ego pro locorum, & facultatis ra-
tione, te honoro, vt non indonatus, quantum ad me attinet, & quantum in
me est, prætereas. Honoro te Cyri aquis. Quòd si ad tua castra veneris, do-
mo mea, quantum meæ facultates patientur, preciosissima & optima feres.
Artaxerxes hac re delectatus, Et ego, inquit, ô homo, grato animo munus
tuum accipio, & in preciosissimis numero, & illis æquale ac par esse dico. pri-
mùm quoniam aqua rerum omnium est optima, deinde quoniam Cyri no-
men præ se fert. Et prorsus volo, vt mihi diuertenti, in castris appareas. Hæc
locutus mandauit spadonibus, vt munus ab eo reciperent. qui sine mora ac-
currentes, in auream phialam de manibus eius aquam exceperunt. Rex verò
cùm ad diuersorium suum peruenisset, misit homini stolam Persicā, & phia-
lam auream, atque mille Daricos. Simulque ferentem ea dicere iussit: Visum
est regi, vt hoc auro tuum animum oblectes & exhilaras, quoniam ipsius
quoque mentem voluptate affecisti, qui nō indonatum neque inhonoratum
præterire passus sis: sed quemadmodum necessitas patiebatur, ita sis venera-
tus. Vult etiam, vt hac phiala aquam ex illo flumine haustam bibas. Hæte-
nus de aqua Artaxerxi dono data, eiusque beneficentia. De malo autem pu-
nico eidem regi donato, sic idem auctor memoriæ prodidit. Mises Artaxerxi
per Persidem equitanti, malum punicum maximum obtulit in vanno.
Rex magnitudinem eius admiratus, interrogauit, E quonam horto deprom-
ptum hoc donum mihi adfers? Illo verò respondente, domo sua, & ex suis
agris: gauisus rex supra modum, missis regiis muneribus, virum ornauit, &
Per Solem, inquit, iste homo tali curatione & diligentia poterit etiam ciuita-
tem, meo quidem iudicio, ex parua ampliorem reddere. Videtur autem hic
sermo innuere, omnes res, cura & sufficienti opera, & indefesso labore, con-
tra naturam etiam meliores & præstantiores effici posse. Hucusque Ælianus.
Anno Artaxerxis xxxii. facta est pugna Leuctrica, in qua victores fuerunt
Thebani aduersus Spartanos. Huius etiam principatu, vrbs Roma à Gallis
capta & incensa est, Olympiade nonagesima nona, & anno, ex quo fuerat
condita, trecentesimo ac sexagesimo quinto. Eodem imperitante, Ctesias
Gnidius circa annum mūdi 3564. in Cyri iunioris aduersus fratrem Artaxer-
xem expeditione captus, & propter artis Medicæ peritiam, in regis familiam
adscitus, ex commentariis regiis, vetustissimam regum Assyriæ & Babylonici-
æ, ac Persiæ historiam, deductam à Nino, vsque ad annum vii. post captas à
Lyfandro Athenas, Græcis prodidit, comprehensam libris viginti tribus.
Quorum sex priores Assyriacis & Babyloniacis rebus tribuuntur. Sequentes
quinque Cyri historiam complectuntur. Duo proximi, Cambyfis, Darij, &
Xerxis vitam exponunt. Libro xiiii. & sequentibus quatuor, Artaxerxis
Longimani imperium, & inter regna Xerxis, ac Secundiani, & vitam Darij
Athi

Pugna Leu-
ctrica.
Roma à Gal-
lis capta.
Ctesias
Gnidius.

Athi comprehendit. Liber XIX. XX. &c. Artaxerxis Mnemonis cum fratre Cyro bellum, & alia inde secuta commemorat. Quæ autem huius celeberrimi ac præstantissimi auctoris fragmenta extant eorum scriptorum, quæ Persica nominata sunt, paucis ab hinc annis Latinè reddita, ad ampliorem rerum Persicarum notitiam, in calce huius operis adiciam. Scripsit & Metasthenes ex Persia oriundus, Persicam historiam usque ad Cyrum, & deinceps Persicos Monarchas usque ad Alexandri mortem. Fuerunt etiam complures alij, qui circa idem argumentum versati sunt, quorum omnium ne ipsa quidem fragmenta supersunt. Cæterum inter Græcos scriptores, qui huius Monarchiæ, & rerum Græcarum quæ in tempora illa inciderunt, seriem complexi sunt, & quorum monumenta maiori ex parte integra & illæsa, Diodoro excepto, melior fortuna reseruauit, illustriores fuerunt præter Ctesiam, Herodotus, Thucydides, Xenophon, Plutarchus, & quem nominavi, Diodorus. Hic enim Bibliothecam, seu vniuersalẽ totius ferè orbis habitati historiam, omnium accuratissimè temporibus & annis singulis distinctam, usque ad Iulij Cæsaris tempora, libris XL. complexus est. Ex his quinque priores, quos Pogius Florentinus interpres in sex distribuit, ex vltima vetustatis memoria repetitam originem mundi, & antiquitates Aegyptias, Assyrias, Libycas, Græcas, & aliarum gentium res gestas, quæ bellum Troianum antecesserunt, summam exponunt. Reliqui XXXIIII. libri continuam seriem annorum 1138. à bello Troiano usque ad Diuum Iulium Cæsarem comprehendunt. Ex vniuersa tamè hac Diodori bibliotheca, xv. tantummodo libri extant, & in his, quinque priores, exacta temporum distributione carent.

Metasthenes.

Herodotus,
Thucydides;
Xenophon,
Plutarch.
Diodor.

A Mnemone regnavit Ochus, qui & Artaxerxes dictus est, ex tribus, siue quatuor filiis natu minimus. Huius gubernatio cum plena fuisset crudelitatis aduersus domesticos, externas nationes, & aduersus Ecclesiam in Iudæa, quæ mediocrem tranquillitatem, & quasi Halcyonia habuerat, tandem ipse à quodam suo duce interfectus est. Initio gubernationis Sidonem proditione cepit, vbi cum supplices trucidasset, irati Sidonij, ipsi urbem incenderunt. Ac perisse ibi quadraginta millia hominum scribitur. Postea Euagoram Cypri regem, de quo extat Isocratis oratio, cum fuisset eius socius, interemit. Hic etiam recuperavit Aegyptum. Cuius in vicinia Iudæa bellum gereret, sæuitiam & in Iudæos exercuit, quibus ad id tempus, à Longimano usque Deus tranquillitatem dederat, ut instaurari vrbes, templum, doctrinæ studia, & totus ordo gubernationis possent. Sed tanta est humanæ naturæ infirmitas, ut in rebus secundis lætitia afferat negligentiam in frænandis cupiditatibus. Coeperunt igitur iam fratres de summo sacerdotio certare. Summus sacerdos erat Iohanna. Hunc, ut frater eius Iesus excuteret, petit à Vagose Persico Præsidi auxilium, & conatur vi occupare templum. Ibi à fratre Iohanna frater in templo trucidatur. Talia peccata irritarunt iram Dei. Venit igitur Ierosolymam Vagosæ, & ingressus templum, inde spolia auexit. Cui cum diceret Iohanna, impiè eum facere, respondet præses Persicus, illum verò magis impiè fecisse, qui ibi fratrem occidisset. Postea Ochus & annuas pensiones templo eripuit, donatas à Cyro & Longimano, & indixit tributa populo Iudæorum. Occupata etiam præfectura, id enim significat *πρόεδρος*, multa oppida deleuit, & multas familias procul transtulit in Hircaniam ad mare

Ochus.

Eiusdem ca-
des, & criz
delitas.

H 3

Caspium:

Caspium. Rursus igitur Ecclesiam exercuerunt magnæ calamitates usque ad Alexandrum M. qui veniens Ierosolymam, ut postea dicitur, restituit Iudeis *αὐτονομίαν*, & pacem, & tributa remisit. De hoc autem Diod. lib. xvii. pag. 381. sic memoriæ tradidit. Cum rex Philippus adhuc viueret, Persis Ochus imperabat; populis suis ob mores truces & sanguinarios parum acceptus. Itaque eum multis ex sua asperitate odiosum Bagoas militum mille præfectus, spado quidē, sed tamen natura & scelestus, & bellicis rebus tractandis idoneus, per medicum quendam data portione medicata, interemit: filiumque regis iuniorem, Arsen nomine, in regnum intrusit: eius fratribus, qui omnes iuvenes erant, sublati ē medio, quod rex solus relictus, sibi obsequētior esset. Iam verò adolescente rege animum ad patrata scelera adiiciente, cum palam esset, de tot flagitiorum autore pœnas eum sumpturum esse, Bagoas insidias sibi intentatas esse, in vulgus iaciens, Arsen, qui iam annum tertium regnabat, cum omni prole extinxit: ita domo regia in solitudinem redacta, cum nullus eius gentis superesset, cui regnum per successionem deberetur, delegit eunuchus vnum ex amicis, cui Dario erat nomen, eumque regem fieri curauit. Erat autem Darius Arsani, qui Ocho Persarum regi frater fuerat, filius. Sed Bagoæ casus quidam singularis & memoratu dignus contigit. Cum enim in cōsuetudinem parricidia committendi venisset, Darium etiam veneno interimere aggressus erat. Verum, dolo cognito, rex comiter ad se Bagoam inuitat, poculumque in se paratum ei porrigens, uti venenum ebiberet, coëgit. Existimatus autem est Darius regiæ dignitati sustinendē idoneus esse, quod Persis omnibus virtute præstare crederetur propter huiusmodi facinus. Cum Artaxerxes antea rex Persarum, contra Cadusios bellum suscepisset, bi quodam numero hostium, cuius robur & animi constantia in ore omnium erat, inuitante ad certamen singulare Persarum aliquem, cum nullus progredi auderet, solus Darius periculo se obtulit, aduersariumque victum interfecit. Qua ex re munera ingentia à rege, & à Persis omnibus existimationem eam retulit, ut sibi fortitudinis quædam prærogatiua tribueretur. Principatum igitur, quem strenuē se gerendo meruisse visus est, per ea ferme tempora Darius accepit, quibus Philippo mortuo, Alexander in Macedonia regnum successit. Huc usque Diod. qui etiam lib. xvi. asserit, hunc regem Ægyptios qui à Persis defecerant, eorum imperio adiecisse, Nectanebo rege in Æthiopiam pulso, in quo Ægyptiorum regnum destructum est. De hoc autem Polyænus lib. vii. sic in literas retulit. Ochus, Artaxerxe patre sua vita defuncto, cum sciret patrem superstitem adhuc formidabilem subditis extitisse, se verò post eius obitum pro nihilo habitum iri, cum eunuchis, catacomistis & Chiliarcho pactum iniit, ac mortem ad decem menses celauit. Interea temporis regium sigillum circummittens, nomine parentis edixit, ut Ochum regem promulgarēt: cumque omnes eum regem salutarēt, & obedientiam præstarent, tum denique confessus est patris mortem, regiumque luctū consuetudine Persarum imperauit. De huius sæuitia & immanitate Curtius lib. x. breuiter inquit: Subibat inter hæc animo, octoginta fratres suos eodem die ab Ocho sæuissimo regum trucidatos, adiectumque stragi tot filiorum patrem. De hoc meminit etiam Valer. lib. ix. cap. ii. inquitens: Aperiōr, & tetrior alterius Ochi cognomine Artaxerxis crudelitas, qui Ochiam sororem, atque

atq; eandem focum, viam capite defodit, & patrum cum centum & amplius filiis ac nepotibus vacua area destitutum, iaculis confixit: nulla iniuria laceffitus, sed quòd in his maximam apud Persas probitatis & fortitudinis laudem consistere videbat. Ælianus quoque lib. II. De varia historia, cum de sapientia Magorum Persicorum mentionem faceret, de Ocho ita scriptum reliquit. Persicorum Magorum sapientia, tum alia tenuit, quæ ipsis scire fas esset, tum etiam vaticinandi scientiam calluit. Hi ergo prædixerunt etiam Ochi scuitiam aduersus subditos & cædem, cum id ex signis quibusdam arcanis præuidissent. Nam cum Artaxerxe patre è viuis subtracto, regnū Persarum Ochus capefferet, Magi cuidam ex Eunuchis præceperunt, vt posita mensa, animum aduerteret, quibus rebus ex obiectis rex primū manum iniiceret. Qui cum oculos ad hoc intentos haberet, Ochus vtraque manu protensa, dextra vnum ex adiacentibus cultris arripuit, altera maximum panem accepit, quem carnibus impositum scidit, & alacriter comedit. Quibus auditis, Magi hæc duo vaticinati sunt, frugum tempestiuam fertilitatem, atq; annonæ copiam, illo regnante, & cædium frequentiam portendentes: neque falsi fuerunt. Plutarchus in tractatu, cui titulus est De Iside & Osiride, de Ægyptiis locutus, inquit, Asinum quoque arbitrantur similitudinis, vt docuimus, pœnas dare non minus ob inertiam & petulantiam, quàm ob colorem. Itaque etiam de Persicis regibus maximè exosi Ochum, vt scelestum & impurum Asinum appellarunt. Ochus hoc fatus: At enim hic Asinus vestrum Bouem epulabitur. Apim mactauit, vt narrat Decino. Is enim, ingenti coacta manu, occupauit Ægyptum, & Apim immolauit. Quanta verò auaritia extiterit, ex hoc facile apparet, quòd cum Persarum reges, si quādo Persidem adirēt, singulis mulieribus ad sobolis inuitamēta, singulos aureos dare soliti essent, prægnantibus verò duplices, illuc, ne quid elargiretur, adire recusauit.

Ocho apud Persas regnante, Philippus rex fit 22. Macedonum anno 1. Olymp. 105. Diod. lib. XVI. circa annum V.C. 400. vt asserit Gel. lib. XVII. cap. XXI. Regnavit 24. annos. Anno autem 22. suscepit imperium. Hic sanè inter reges præcipuos recensetur, quia consilio & fortitudine excelluit, & paruis copiis magnos exercitus vicit. Initio regni vicit Athenienses, quibus Thebani auxilio aduenerant. His autem victis ad Chæroneam, (in hoc autem prælio ex ipsis Atheniensibus duo millia occubuerunt, & totidem capta sunt) non tantum profecit armis, quantum moderatione & humanitate. Nam bello quidem & armis solos eos superauit, qui in acie contra steterant. Æquitate autem animi & moderatione omnes Athenienses simul & illorum vrbein cepit, non iracundiæ secutus impetum in re gerenda, sed eò vsque bello gesto, perductaque victoria, dum occasio se obtulisset suæ clementiæ & bonitatis declarandæ. Itaque sine pretio dimisit captiuos: & Antipatrum, Atheniensium occisos humare iussit, atque etiam colligi eorum ossa: & eorum, quos domum remittebat, plerisque vestitis, propter ingenij solertiam maximum facinus edidit. Animis enim Atheniensium magnanimitate sua percussis, loco hostium eos ad quoduis officium alacres adiutores habuit. Quod verò extat apud Diod. pag. 376. haud sanè caret admiratione. Is enim refert, eodem die, & hora, qua ad Chæroneam conflictum est à Philippo, aliud certamen commissum fuisse inter Lucanos & Tarentinos, in quo, Archidamus

Ochi auaritia.

Philippus rex Maced.

Laced. rex, pro Tarentinis pugnans, interemptus sit. Ochus regnavit annos 23. Diod. pag. 485. Anno ab orbe creato 3629.

Arfames rex Persarum.

Arfes, siue Arfames, Ocho successit in regnum Persiæ, & imperavit annis IIII. non integris, ut liquet ex Diod. lib. xvii. Nonnullis autem videtur eum regnasse annis IIII. Ocho enim interfecto à principe Bagoa, ut supra commemoratum est, cum ipse regnum in sese transire non posset, regem fecit Arfamen Ochi filium, qui cum annos IIII. regnasset, etiam ab hoc ipso Bagoa è

Darius ult. rex Persarum.

medio sublati est, metuente filium, propter necem paternam. Huic successit Darius filius Arfami, nepos Ochi regis ex fratre, qui paulò ante Philippi Macedonis obitum, rex Persarum renuntiatus est. Regnavit annos sex: sed observato eius initio, & morte, colligitur ex Diod. septem ferè annis regnasse. Iustinus, Darium antè Codomannum appellatum, & ob virtutem prius Armeniis præfectum, Dariique nomen accepisse scribit lib. x. Diod. præterea, regio eum genere natum fuisse testatur. Quomodo autè ad regale fastigium pervenerit, supra ex ipsius Diodori sententia satis luculenter ostendimus. Cœpit regnare anno mundi 3604. & eodem anno, quo Philippus mortuus est, interfectus à Pausania, anno 1. Olymp. IIII. postquàm 24. annos, ut dictum est, imperasset. In cuius locum successit Alexander eius filius, annos ferè xx. natus. Huius iuventutem Darius vir impiger, ac bello potens, primò aspernatus est: At mox eius laude per orbem vulgata commotus, ingentem exercitum armavit, duces optimos accersens, inter quos Memnon Rhodius fuit.

Causæ bellorum inter Alexand. & Darium.

Quid verò ipsum Alexandrum impulerit, ut bellum Persicum moveret, plurimæ causæ commemorari possent cum publicæ, tum privatæ. Publicæ quidem, propter memoriam prioris Darij, & Xerxis, quorum prior, Græcos, qui oram Hellesponti tenent, coloniasque Græcorum Ionas, ingenti clade vastavit, cum magno deinde exercitu mare traiecit, illato, ut iam diximus, Macedoniæ, & Græciæ bello. Alter, ad eos oppugnandos, cum immanibus copiis venit, qui tamen navali prælio victus, Mardonium reliquit in Græcia, ut absens quoque popularetur vrbes, atque agros vreret, ipsamque aquam inficeret, adeò ut neque fontium hauustum, nec solitos cibos relinqueret. Deinde Deum templa ruinis & ignibus deleta, vrbes eorum extirpatas, fœdera humani diuinique iuris violata. Privatæ verò, quòd hic Darius ab ipsius patre Philippo tributum requisierat, missaque prius superba & contumeliosa legatione, se regem regum, ac deorum consanguineum, Alexandrum autem famulum suum appellabat. Quin etiam suis Satrapis id negotij dederat, ut insanientem istum Philippi adolescentulum, (sic enim eum per contemptum vocabat) verberibus puerilibus graviter cæsum, indutumque post veste purpurea, sibi vinctum traderent, navibusque una cum nautis submersis, omnes eius milites ad ulteriora Maris rubri transportarent. Ad hæc accedebat etiam dolor cum patris interfecti, pro cuius interitu ingentem summam pecuniæ idem Darius spononderat, tum etiam quia audierat, ipsum mille talenta se daturum pronunciari iussisse, qui se interficerent, quodque subinde ad Græcos de ipso hostiles literas scripsisset, eosque ad arma contra eum capessenda, quantum in ipso erat, cohortatus esset, atque in eam rem ad Lacedæmonienfes, & alios quosdam Græcorum pecuniam misisset, quo factò ipsius amicos ac socios ab eo distrahere atque abalienare conaretur. Postremò

vel

vel sola sufficere poterat ingens & inexhausta cupiditas imperij ac nominis propagandi, qua fiebat, vt etiam ipsius patri rerum gestarum magnitudinem inuideret, veritus, ne is omnia occuparet, nullumque insigne facinus sibi relinqueret, quo suum nomen æternitati consecraret. Hoc itaque ex insidiis interfecto, cum iam vigesimum ætatis annum attigisset, nihil sibi antiquius duxit, quam vt statim Persis bellum, quod animo prius meditabatur, inferret. Quocirca simul ac regnare cœpit, Corinthum in Peloponnesum profectus est, ibique habito generali totius Græciæ concilio, contra Persas, vt imperator crearetur, petiit, quod quidem paulò antè Philippo patri concesserant. Porro cum compositis in Thracia rebus, in Illyricum promouisset exercitum, aliquot ibi populis domitis, reuocatur in Græciam, ob tumultuantes quasdam ciuitates, rebus ipsius contrarias, maximè verò Thebanos, qui Macedonum in Cadmeæ arce præsidium eiecerant. Thebani quidem Græciæ libertatem se vindicaturos prætexebant; Alexander autem expeditionem in Persas adornans, cupiebat Græciam post se quietam esse. Orto igitur inter Thebanos & Alex. atroci bello, vrbs Thebæ à Macedonibus obside-
Thebani vincuntur ab Alexandro.
 tur: repugnant strenuè Thebani, sed tandem vincuntur. Vrbs miserrimè diripitur, ac maximè à vicinis populis affligitur. vi. millia Thebanorum cæsa, xxx. millia capta: quibus venditis, rex CCCCL. talentorū, hoc est, 264000. coronatorum, argenti summam coëgit. Urbem solo equauit, quam funditus deletam, postea Cassander anno 20. postquam ab Alexandro diruta fuerat, restitui iussit. Et de exulibus, qui effugerant, decretum est, ne vsquam eis in Græcia hospitium præberetur. Sed Athenienses memores veteris beneficij, cum contra Laced. decretum, Thebani ipsis hospitium præbuerant, tunc receperunt exules, nec eos expulerunt. Hanc gratitudinem postea Alexander comprobauit. Anni sunt autem ab eo tempore, quo captæ sunt Athenæ à Lysandro, 60. nec sunt plures. Tam exiguo tempore primum Athenæ, & imperium amiserunt, & captæ sunt. Deinde Sparta amisso imperio, durissimè afflicta est. Nec multò post, vrbs Thebana funditus euerfa est. Fuitq; is annus tertius post luctuosam pugnam ad Charoneam. Ita cum Græcia singulari sapientia & virtute diu florisset, postea laxata disciplina, cum iuniorum petulantia & ambitione bella non necessaria moueret, magnorum scelerum poenas dedit. Dignum verò memoria est factum Timocleæ matronæ Thebanæ, à qua cum posceret quidam ex Alexandri ductoribus quicquid habebat auri & argenti, & illa corpori metueret, dixit, se monstraturam, quò abiicisset. Educit igitur militem ad puteum in hortum, & ait, ibi occultatum esse. Cumque oculi militis ad puteum conuersi essent, ipsa eum impellit, & in puteum præcipitat. Postea ad Alexandrum adducitur Matrona: qui audiens eius narrationem, & nobilitatem familiæ, iussit eam cum filiis & filiabus liberam esse. Reges enim vt aliarum virtutum, ita & pudicitiae defensores esse debent. Alexander etiam Pindari Poëtæ domum & cognatos ob ipsius reuerentiam incolumes seruari iussit. Vt verò & illud obiter dicatur, Thebæ fuerunt captæ ac dirutæ mense Bædromione, eo ferè tempore, quo mysteria agebantur. Plut. in Camillo, pag. 64. à pag. verò 256. c. in vita Alex. instante solennitate mysteriorum funditus deletas esse clarè insinuat; nam ob incrorem dirutæ vrbs ea intermissa ait. Diod. quoque captas Thebas ponit, Eua-
 neto

*Insigne faci-
mus Timo-
cleæ.*

neto Athenis Archonte, lib. xvii. pag. 536. Post Thebanum excidium, Alexander petiuit ab Athen. vt sibi dederent Oratores, Demosthenem & Lycurgum, qui bellum suaserant. Et censuit Phocion, vt testis est, præter alios, Diod. lib. xvii. pag. 385. sicut olim Hyacinthidas & Lei filie facte essent victimæ pro patria, ita ipsi quoque ad hostem accederent, ac se interfici paterentur, vt patria tranquilla esset. Hic Demosthenes recitauit apologum delupis, qui pastoribus pacem offerebant, ea conditione, si canes dederent. Sed cum populus dubitaret, orator Demades ad Alex. profecturum se esse promissit. Huic populus dat mandata, vt pacem petat: Item, vt petat, ne cogantur exules Thebanos expellere. Quæ omnia Demadis legatione impetrata sunt.

Alex. petiit sibi dari ab Athen. Demosthenem & Lycurgum.

Demosthenis apologus.

Demades mittitur ab Athen. orator ad Alex.

Hæc Alexandri moderatio in victoria excellens virtus fuit, & opus Dei, qui incenderat eum singulari impetu, ad faciendam imperij translationem, & puniendam sæuitiam & luxum Persarum, sicut Siracides inquit cap. x. Propter iniustitiam regnum à gente in gentem transfertur. Alexander, victis Thebanis, magnoque aliis ciuitatibus terrore iniecto, in Macedoniam reuersus est, ibique cum suis ducibus consultare cœpit, quibus copiis Asiam ingrederetur, & qua ratione bellum aduersus Persas gerendum esset. Denique sacrificia ac magnificum epulum principibus & exercitus ducibus parauit, militibus vniuersis earum rerum participibus, eaque omnia quæ primo anno & reliquis ab eo gesta sunt, Diod. eleganter refert. Olympiados eiusdem anno secundo Alexander ex Europa in Asiam proficiscens, primum 60. nauibus Hellespontum traiecit in Troiadem. deinde exercitum recensuit, qui fuit peditum 30. millium, equitum 1111. millium. At quingenti duces Persarum, cum in prohibendo Alex. exercitu tardiores fuissent, consultant, quo pacto bellum gerant. Ibi Memnon Rhodius, rem initio in discrimen deduci non oportere, sed agros vastando, necessariorum inopia hostem prohibendum, ne ulterius progrediretur, simulque in Macedoniam nauales pedestresque copias traducendas, ac totum bellum in Europam mouendum. Hoc optimum consilium, vt rerum postea euentus docuit, reliqui Persarum duces aspernati, exercitum centum millium peditum, ac equitum decem millium in Phrygiam ad Hellespontum duxerunt, ad Granicum amnem ripis probè munitis progressi. Contra quos Alex. profectus ex aduerso illorum, ad eundem amnem castrametatus, ingenti audacia ad primum lucis ortum, antequam hostis se opponeret, copias traiecit, aciemque ad conflictum instruxit. Ibi prima pugna Macedonum cum Persis facta. Ceciderunt in eo conflictu Persarum vii. Sâtrapæ, peditum x. millia, equitum duo millia, capti sunt ad xx. millia, & falcati currus amissi 1011. Post hanc insignem victoriam Alex. in Lydiam mouit, vbi mox Sardes eius gentis caput, ingenti allato thesauro proditione habuit. Deinde Miletum vi cœpit: & in Cariam pergens, omnia ea provincia potitur, præter Halicarnassum, in qua oppugnanda multum laboris exhaustit, multumque periculi adiit. Sed tandem & ipsa vrbe occupata, via illi data est, qua Cilicia quoque potiretur. Darius interea, ne Alexander ulterius procederet, contractis tam pedestribus, quam equestribus copiis, decreuit Macedonibus occurrere, priusquam totam Asiam sibi subiicerent. Itaque ultra Euphratem traducto exercitu, & superato Tauro monte Cilicie, statuit in ea provincia hostem prælio excipere. Contra hunc Alexander progressus

Persarum clades.

Alex. potitur Cilicia.

Darius apparuit.

gressus, signa contulit non procul ab Amanio monte in faucibus iuxta oppidum Issum. Cum autem ei locū opportunum fortuna dedisset, munere hoc ad victoriam eo melius parandam prudenter vsus est: cum longè admodum inferior hostili multitudine, non modò id cauit, vt ne ab iis circumueniretur: sed & ipse dextro cornu sinistrum eorum ita præterit, vt ex obliquo iruens, in fugam oppositos sibi hostes pugnans ipse inter primos coniecerit. Ea quidem in pugna gladio femur ictus est, sed tamen insigni victoria potitus, cæsis amplius CX. millibus Barbarorum. At Darius, vbi se victum animaduertit, equam velocissimam conscendit, eiusque beneficio, 4. aut 5. stadiis hostem anteuerit. In hoc prælio capta est præter alios, Darij mater, vxor, & duæ ipsius filia virgines, in quas omnes Alexander summa clemetia & benignitate vsus est. His feliciter peractis, in Syriam venit, ibiq; cepit Damascum, & occupata Sidone, Tyrum quoque oppugnabat; quam urbem post septimum mensem ab obsidione haud sanè citra magnam difficultatem & iacturam suorum militum expugnauit. Posthæc, rectà petiit Hierosolyma, eo animo, vt hanc urbem funditus deleteret, iratus cõtra Iaddum pontificem, quod antea neglexisset imperata eius facere. Huic autem, sicuti refert Ioseph. Ant. Iudaicæ sub finem lib. XI. vbi indictis populo supplicationibus, & immolatis Deo victimis, ad opem eius confugisset, eique publicam salutem commendasset, proxima post sacrificium nocte, in somnio Deus apparuit, iubens, vt bono esset animo, & coronata vrbe portas aperiret, vtq; populus in albis vestibus obuia prodiret, ipse verò cum reliquis sacerdotibus solenni cultu sui ordinis, securi de Dei prouidentia. Experrectus autem è somno, lætus ciuibz hoc oraculum indicat, & paratis omnibus, vt in somnis præmonitus fuerat, regis aduentum præstolabatur: & cum renunciatum esset, eum iam non procul ab vrbe adesse, progressus est cum sacerdotibus & urbana multitudine pompa quadam noua & venerabili vsque ad locum qui dicitur Sapha, quæ vox Speculam significat, quod ibi & vrbs & templum in prospectu sit. Et cum Phœnices ac Chaldæi sperarent sibi licere quicquid iratus rex posset permittere, direptionem vrbs, & Pontificis exquisitum supplicium, planè contrarium euenit. Alexander enim vt vidit è longinquo candidatum populum, & sacerdotes anteagmen in amictu byssino, pōtificemque in stola hyacinthina auro distincta, tiaram in capite gestantem cum præfixa aurea lamina inculpta Dei nomine, solus ad eum accedens, nomen illud adorauit, & salutauit Pontificem. Iudæis autem omnibus vno ore Alexandrum consalutantibus, & in orbem cingentibus, Syriæ reges & reliqui obstupuerunt, vix credentes regem mentis compotein: solus Parmenio propius accedens; rogauit familiariter, quid ita cum ipse adoraretur ab omnibus, nunc adoraret Iudæorum Pontificem. At ille non hunc se adorasse respondit, sed Deo, cuius Pontifex esset, honorem eum exhibuisse: Hunc enim, inquit, vidi, & antea hoc ipso habitu, cum adhuc essem in Dio Macedonia, qui me deliberantem quomodo Asiam possem subigere, hortatus est forti essem animo, & sine mora exercitum traicerem, nam suo ductu potiturum me Persarum imperio. Quapropter quia nunc primum talem habitum vidi, agnoscens hunc, & visionis memor, quæ me ad hanc expeditionem impulit, puto me non sine numine in Darium exercitum ducere, & breui fore victoriæ compotem:

Perse iterum
vincitur.

Tyrus ab A-
lexand. expu-
gnata.

Iaddi Ponti-
ficis visio.

idem cum
reliquis Ale-
xandro oc-
currit.

Alex. Hicro-
solymis ado-
rat verum
Deum.

Eiusdem
somnia.

Alexādrī le-
nitas erga
Hierosolymi-
tanos.

Tertia Alex.
victoria con-
tra Persas.

Darij cades.

Darius fuit
felicior post
mortē, quā
in vita.

De Alexādrī
natūra, mo-
ribus & vita.

potem: ac sublato Persarum imperio, cessura mihi omnia ex sententia. Hæc locutus ad Parmenionem, & comiter complexus Pontificem, deducētibz sacerdotibus in urbem peruenit: & ascendens in templum, immolauit Deo ex sacerdotis præscripto, ac Pontifici suum honorem exhibuit. Ostensoque sibi Danielis libro, in quo Græcum quendam Persas debellaturum significat, hunc ipsum se esse interpretatus, lætus dimisit multitudinem. Sequenti verò die, ipsis vocatis, iussit, vt quicquid vellent, postularēt. Pōtifice autem petente, vt patriis legibus viuere sibi liceret, atq; septimo quoq; anno concederetur eis tributorū immunitas, perlibētē eius postulatis assensus est. Hæc Ioseph. & pleraque alia ibidē tradidit. Darius verò, iterum instauratis copiis conflixit cum Alexādro ad Gaugamela, vicum iuxta flumē Bumelum, qui locus ab Arbela distare dicitur quingentis stadiis, ibique demum commisso prælio superatus est. Cum verò ex acie aufugisset, à Bessō tandem suo præfecto, proditus & interfectus est. Hic Darij exitus fuit, viri quidem, vt inquit Arrianus, si rem militarem spectes, nihil minus quā ad res bellicas nati. Per cætera verò qui nihil indecorum regiæ Maiestati perpetrarit. Imò nec potuit quidem. Nā simulac regnare cœpit, à Græcis & Macedonibus diuexatus est. Quapropter volenti etiam non licuisset, populares suos iniuria afficere. Viuenti, multa alia super alia aduersa contigerunt, nec vlla requie frui potuit, ex quo regnare cœpit. Nam statim à regni initio clades illa ad Granicum amnem ab eo accepta est. Deinde omnes illas prouinciās, quarum supra mentionem fecimus, amisit. Post hæc, ingenti pugna apud Isson victus; in qua, vt dictum est, mater, vxor, ac liberi eius capti sunt. Phœnicia ac Ægyptus imperio eius detracta. Ad Gaugamela demum superatus, amisso ingenti exercitu, ex omni nationum genere comparato, ipse in primis turpiter fugit, & mox regno expulsus, errans, egensque, ad postremum proditus à suis, eodem tempore, rex simul & captiuus, in vinculis fœdissimè habitus, eorum insidiis periit, à quibus salutem sperare debuerat. Hæc tot mala & calamitates viuenti Dario acciderunt: At mortuo contrā, & funus dignum regio fastigio, & honesta filiorum educatio (namque ab Alexandro educati instituti que sunt) & Alexandri affinitas, qui eius filiam sibi matrimonio cōpulauit, adeo vt beator post mortem, quā in vita fuisse videatur. Annos ferè L. natus mortem obiit, postquam sex annos in imperio præfuisset. occisus est autem anno 3. Olymp. 112. & 7. imperij Alex. iuxta Euseb. Hunc tradunt Historici, cum in fuga aquam turbidam bibisset, & cadaueribus inquinatam, negasse vnquam se bibisse iucundius: nec enim fortasse vnquam sitiens biberat. De eiusdem splendore, deliciis & luxu, mira narrantur: nam omnis generis cōquos, cupedarios, factores, artifices, magistrosque gulæ, & vnguentarios habebat in castris, ne quid ad corporis voluptatē omnino deesset. Quantum etiam fuerit alioqui regum Persarum splendor & apparatus in quotidianis epulis, non ab vno in literas relatum est. Cæterum, vt de Alexandro aliquid summatim ac breuiter dicamus, si quis eius vitam ætatis spacio, non gloriæ metiatur, malitque longam sibi, quā multam vitam exoptare, fuit sanè perbreuis: At si rerum gestarum magnitudinem præponderet, hæc sanè admodum diuturna censenda est. Statura corporis fuit supra hominem augustiore, ceruice celsa, lætis oculis, & illustribus, malis ad gratiam rubescētibz,

tibus, reliquis corporis lineamētis non sine maiestate quadam decorus. Plutarch. in ipsius vita, inter cætera, memoriæ prodidit, corporis figuram statuas Lysippi (à quo etiam solo fingi voluit) potissimū expresse ceruicis erectione, lenique in sinistram partem inflexione, oculorumque volubilitate, quem artificem tradit hæc omnia accuratè effinxisse. Quod verò ad colorem attinet, ferunt, inquit, fuisse album, ruboremque in pectore, præsertim & faciem albedini admixtam habuisse. Ad hæc, suauissimum odorem ab ore & vniuersa eius carne exhalasse, ita vt & tunicæ fragrantia inde repletæ sint, huiusq; rei causa fortassis erat, inquit, calidum & igneum corporis temperamentum: & citat Theophrastum, qui bonum odorem dicit existere, cum humores à calore coquuntur: & idcirco siccæ & torridas orbis terrarum partes plurimæ & optima gignere aromata, quod Sol humorem, qui in summis corporibus, veluti materia putredinis innatat, attollit. Et consentaneum est, inquit, Alexandrum, ob calorem corporis, bibacem iracundumque fuisse. Cum puer etiamnum esset, modestia in eo eluxit, quod cum ad alias res magno impetu ferretur, ad corporis voluptates neque facile alliciebatur, & modicè admodum iis utebatur. In cupiditate honorum grauitas ei præter ætatem, & magnanimitas aderat. Non enim quosuis, neque à quibusuis honores gratos habebat: secus quàm Philippus, qui rhetoris in morem arte dicendi se ostentabat. Olympicas curruum victorias numismati insculpebat. Quin & familiaribus quærentibus, vellētne Olympiæ in stadio decurrere, (erat enim pedibus velox) siquidem, respōdit, reges sint mecum decertaturi. Scribit etiam Persarum regū legatos, qui ad Philippum venerant, eo absente, ab ipso acceptos hospitio, consuetudinemque cum iis iniisse, in qua familiaritate nihil ex ipsis puerile, aut paruum, sed de itinere spaciis, & comineatus, in superiorem Asiam modo ac ratione, ac de rege, qualem se is aduersus hostes præberet, quod robur, quæ potentia Persarum esset, percunctando, ita in admirationem sui pertractos, vt nobilem illam Philippi vehementiam præ magnarum rerum cupiditate eius pueri nihil ducerent. Quoties captam à Philippo urbem, aut in signi prælio partam victoriam renunciabatur, non admodum hilari vultu audiuisse, & suis æqualibus dixisse: Omnia, ô pueri, pater meus præripiet, neque vllam rem magnam mihi vobiscum gerendam relinquet. Porro ex his facile apparebat, ipsum non ad voluptates, & corporis delicias, sed ad virtutem & gloriam natum esse. Curtius autem lib. x. de Alexandro, Herculem, inquit, æstimantibus regem, liquet, bonæ naturæ eius fuisse vitia vel fortunæ, vel ætatis. vis incredibilis animi, laboris patientia propemodum nimia, fortitudo non inter reges modò excellens, sed inter illos quoque, quorum hæc sola virtus fuit: liberalitas sæpè maior tribuentis, quàm à diis petuntur: clementia in deuictos: tot regna aut reddita, quibus ea dempserat bello, aut dono data: mortis, cuius metus cæteros exanimat, perpetua contemptio: gloriæ laudisque, vt iustò maior cupido, ita vt iuueni, & in tantis admittenda rebus. iam pietas erga parentes, quorum Olympiadæ immortalitati consecrare decreuerat, Philippum vltus erat: iam in omnes ferè amicos benignitas, erga milites beneuolentia: consilium par magnitudini animi, & quantam vix poterat ætas eius capere solertia: modus immodicarum cupiditatum, Veneris intra naturale desiderium vsus: nec vlla, nisi ex permisso voluptas:

luptas: ingentes profectò dotes erant: Vitia fortunæ, diis æquare se, & cælestes honores accersere, & talia suadentibus oraculis credere, & dedignantibus venerari ipsum, vehemētius quàm par esset, irasci: in externum habitum mutare corporis cultum, imitari deuictarum gentium mores, quas ante victoriam spreuerat. Nam iracundiam & cupidinem vini sicuti iuuenta irritauerat, ita senectus mitigare potuisset. Fatendum est tamen, cùm plurimum virtuti debuerit, plus debuisset fortunæ, quam solus omnium mortalium in potestate habuit. Quoties illum à morte reuocauit! quoties temerè in pericula vestum, perpetua felicitate protexit! Vitæ quoque finem eundem illi, quem gloriæ statuit. Expectauere eum fata, dum Oriente perdomito, aditèq; Oceano, quicquid mortalitas cupiebat, impleret. Hæc Curtius. Iustinus lib. ix. sub finem ix. cap. collatione facta inter Philippum & Alex. Huic, inquit, Alexander successit, & virtute & vitiis patre maior. Itaque vincendi ratio vtrique diuersa: Hic aperta vi, ille artibus bella tractabat: Deceptis ille gaudere hostibus, hîc palàm fufis: prudentior ille consilio, hic animo magnificentior: Iran pater dissimulare plærunque & vincere: hic vbi exarsisset, nec dilatio vltionis, nec modus erat. Vini nimis vterque auidus, sed ebrietatis diuersa vitia. Patri mos erat & de conuiuio in hostem procurrere, manum conferere, periculis se temerè offerre: Alexander non in hostem, sed in suos sæuebat. Quamobrem Philippum sæpè vulneratum prælia remissere: hic amicorum interfecto conuiuio frequenter excessit. Regnare ille cum amicis volebat, hic in amicos regna exercebat. Amari pater malle, hic metui. Literarum cultus vtrique similis. Solertiæ pater maioris, hic fidei. Verbis atque oratione Philippus, hic rebus moderatior. Parcendi victis filio animus & promptior, & honestior: frugalitati pater, luxuriæ filius magis deditus erat. Quibus artibus orbis imperij fundamenta pater fecit, operis totius gloriam filius cõsummauit. Hæc Iustinus. Præter cæteros philosophos, & poëtas, Homerû quanti fecerit, ex hac vna re facillimè nosci potest. Cùm esset ad ipsum allatum scrinium, quo nihil in rebus & impedimentis Darij captis preciosius repertum fuit, ex amicis quæsiuit, quidnam potissimùm ei imponeret: ac multa multis dicentibus, Iliadam ipse eo depositam, se adseruaturum affirmavit. De hoc etiam fertur, sic eum Homerica poësi delectatum esse, vt illam semper vnà cum pugione sub puluinari habuerit. Quid? Nonne cùm oppidum Thebarum vetustate, opibus, gloria celebre, passim excinderetur, vnus Pindari poëtæ tectis ac stirpi, in honorem Musarum, iussu Alexandri parsum fuit? Hic, postquam victor ex India rediisset, Babylonem profectus, febri, vel, vt nonnulli tradunt, veneno fuit extinctus 4. Cal. Quintiles. Vixit 32. annis, mensibusque 8. Annis verò 12. regnauit ac mensibus illis octo, vt Arrianus ex Aristobulo colligit. Vitæ finem ei prædixerat Calanus Indus. Cùm enim conscenderet in rogam ardentem, & Alexander eum rogaret, si quid vellet, vt diceret: Optimè, inquit, propediem te videbo. Paucis post diebus mortem obiit Alexander. Interitus eius ad centesimam, decimam quartam ponitur Olympiadem, vrbis autem Romæ conditæ anno quadringentesimo vicefimo nono, trecentis nimirum & viginti duobus annis antenatum Christum. A veteribus memoriæ proditum est, illum, qua die in lucem editus fuit, eadem vita functum esse. Natus est autè, inquit Sol. cap. XLIII. ex

Nepo-

Collatio inter Philippum & Alexandrum.

Mors Alexandri.

Nepotis sententia, M. Fabio Ambusto, T. Quinctio Capitolino Cofs. post Romam conditam anno 385. quo quidem die, vt idem auctor est, conflagrauit templum Ephesi ab Herostrato incensum, voto adipiscendæ famæ latioris. Hic autem fuit Sextus Thargelionis dies, quo etiam Socrates natus perhibetur. Hunc diem Philippus Macedo, vt latum & fortunatum mirificè obseruauit, quòd triplici gaudio delibutus fuerit: nā quadrigas suas ea die Olympia vicisse accepit, & Parmenionem ducem hostes fuisse, natumque sibi Alexandrum filium fuisse. Contrà verò, hic dies Persis longè infortunatissimus exitit. Eo enim iterum ad Plataas ingenti clade superati traduntur. Quòd verò ad Darij obitum spectat, is utiq; iuxta Diod. occisus est anno 3. Olymp. 112. Apparet 6. annum Alex. apud eundem diligenter perlegenti 4. circiter mensium spacio post pugnam ad Arbelam occisum esse. Euseb. occisum notat anno 7. imperij Alexandri. Hæc in præsentia, de rebus Alexandri, ceu per transfennam, paucissimis verbis delibauit. Porro in eius exercitu duntaxat triginta millia peditum, equitum quatuor & quingētos fuisse legimus, qui tā parua manu, iuuenisq; viginti ferè annos natus, vniuersum ferè terrarum orbē aggressus est, & vicit. Non alia quidem ratione, nisi quia militiæ peritus erat, & milites ad bellum idoneos elegerat. non quidem primo ætatis flore, sed veteranos, & emeritæ militiæ viros, qui sub eius parente, strenuo rege, meruerant, vt non tam milites, quàm magistros militiæ electos omnino putares. Nemo enim ordines, nisi sexagenarius duxit. Nam si eius castrorum principia cerneret, Senatum te alicuius veteris Reipub. videre diceret. Quorum profectò nemo in prælio fugam, sed victoriam cogitauit, nec in pedibus & equis cuiquam spes, sed in lacertis fuit. Erat enim ad obterendum hostem paratus, testimonio Gaudemi Atheniensis propter exilium Alexandro infensi. qui de exercitu à Dario rege rogatus, ita respondit: Hic tanti apparatus exercitus, hæc tot gentium, & totius Orientis excita sedibus suis moles, finitimis potest esse terribilis: purpura quidem nitet, auroque arma fulgent, & opulentia regum, quæ non feriunt, sed hostem magis propter prædam, ad victoriam excitant. At Græcorum acies torua sanè & inculta, clypeis, hastisque immobiles cuneos, cōsertaque virorum robora regent. Nam ipsi phalangem, stabile agmen vocant, quo Paulus Æmilius, dum cum Perseo confligetet, nihil terribilius esse dixit. Vir viro, arma armis cōsertaerant, ad nutum monentis intenti, signa sequi, ordines seruare, optimè didicere: quod rex iubet, omnes exaudiunt: obsistere, circuire, in cornu discurrere, pugnamque mutare sciunt: nō duces magis, quàm milites eam peritiam calient: & nec auri, argentive studio teneri putes. adhuc illa disciplina paupertatis magistra stetit. nam fatigatis, cubile est humus: cibus, quem occupati parant, satiat. tempora somnij noctibus sunt arctiora. iam Thessali equites, & Achamanes, ac Ætoli inuicta belli manus, fundis & hastis, igne duratis, credo, repellentur, pari robore tibi opus est. in illa terra, quæ hos genuit, auxilia quærenda sunt. Hæc ab eo de Alexandri militia dicebantur. At rex Persarum veritatis impatiens, hospitem ac supplicem, tunc maximè sibi vtilia suadentem, capitis supplicio affici iubet: quippe qui eius ultorem citò adesse ignorabat. Itaque effectum est, vt sæpè profligatus, vitam cum regno amitteret, quia eius salutis & armorū doctori minime obtemperare voluit,

Alexandri
militia.

Gaudemius
Atheniensis,
propter fidele
consilium à
Dario inter-
ficiunt.

sed potius interfici curauit. Putabat enim rex tanta & hominū & armorum pompa, strenuum & veteranum militem vincere: sed longè aliter expertus est. Plura de iisdem rebus, atque aliis ad Alexandrum pertinentibus, videre est in Diodoro, Plutarcho, Arriano, Curtio, reliquisque probatis auctoribus, qui eius res gestas literis ac memoriæ consecrarunt. Primi autem ex his, fuere Callisthenes Olynthius, Aristotelis discipulus, & Aristobulus, ac Ptolemæus, assidui itinerum illius comites, quorum scripta cum desiderentur, à Græcis, quos nominaui auctoribus, & Q. Curtio, inter Latinos arguto, eleganti & neruoso scriptore, harum rerum cognitio petenda est.

*Perfarum
Monarchia
quamulius
steterit.*

Extincto Dario, Perfarum imperium, quod Magni Alexandri tempore erat summum in terris, in Macedones translatum est. A capta verò Babylone per Cyrum & Darium, vsque ad occasum Darij vltimi, & Monarchiam, quā Alexander Macedo, capta Babylone, Græcis tradidit, constat regnū Perfarū habere annos CCXXVIII. iuxta Agathiam, lib. II. siue, vt plerisque aliis placeat, CCXXX. idque Curtius lib. V. planissimè affirmat his verbis: Præterea, inquit, breues & mutabiles vices rerum sunt, & fortuna nunquam simpliciter indulget. Forsitan ita dii fata ordinauerunt, vt Perfarum imperium, quod secundo cursu per CCXXX. annos ad summum fastigium euexerant, magno motu concuterent magis quàm affligerent, admonerentque nos fragilitatis humanæ, cuius nimia in prosperis rebus obliuio est, &c. Idem annorum numerus proponitur ex sententia diui Hieronymi. Quæ ratio fit etiam euidentior ac certior, si anni Monarchiæ sequentis conferantur. Eusebius enim lib. VIII. Demonstrationis Euangelicæ refert, Alexandrum Macedonē esse mortuum Olymp. 113. anno 236. regni Perfarum. Si enim anni sex Monarchiæ Alexandri adiiciantur ad 230. peruenietur ad initium Persicæ Monarchiæ. Ptol. numerat à prima Olymp. annos 446. & dies 96. ad destructionem Persicæ potentiæ, & primam Calippi periodon. Sunt autem Olympiades 111. & anni 11. cum parte anni tertij Olympiadis 112. Porro in confesso est, & plurimorum auctorum consensu longè testatissimum, Cyrum, & Darium, Monarchiam condidisse Olympiade LV. & propterea Olympiades LIIII. subtrahendæ sunt, vel anni 216. & relinquentur 230. anni, & dies aliquot ad primum annum Alexandri vel Macedonicæ Monarchiæ pertinentes.

HISTO-

101

HISTORIÆ RERVM PERSICARVM

LIBER TERTIVS.



DARIO interfecto, armisque Macedonicis prævalentibus, Monarchia à Persis ad Alexandrum Magnum translata est; post cuius obitum, hæc deinceps in quatuor summa & præcipua regna distracta, & tantum non diuisa & dilacerata est: quæ quidem imperij distractio incidit in annū à creatione mundi circiter 3647.

Successores fuerunt Ptolemæus Lagi, cuius posteritas Successores
Alex. Magni
Ægyptum retinuit vsq; ad Diuum Iulium Dictatorem:

Seleucus, cuius posteri Syria potiti sunt: Antigonus initio minorem Asiam tenuit: Antipater Macedoniam. Postmodum, deleta Antipatri posteritate, Macedoniam tenuerunt posteri Antigoni, donec Romani eam, rege Perseo capto, vi atque armis suæ ditioni adiecerunt. Porro inter hos ipsos duces Alexandri, continuo post eius mortem, ingentia & cruentissima bella intercessere, dum quilibet solus, proferendi nominis atque imperij cupidus, ad Monarchiam aspirat. Persici autem regni administrationem ad Neoptolemum initio delatam fuisse, Iustinus perhibet lib. xiii. At Æmilius Probus in vita Eumenis Cardiani, Peucestem, qui corporis custos fuerat Alexandri, Persidem tenuisse narrat, ipsumq; Neoptolemum in bello, quod gestum fuit inter Antipatrum, ac præfatum Eumeneum, unā cum Cratero & plerisque aliis cecidisse ibidem testatur. Verum, haud multo post, Persici regni habenas & gubernacula suscepit Ptolemæus Lagi, ac deinde illius successores vsque ad ultimum Ptolemæum Dionysium eius familiæ duodecimum, & patrem Cleopatram, in qua postrema, Macedonum apud Ægyptios defecit regnum. Huic Ptolemæo Arsaces bellum intulit, ac insignem victoriā adeptus, ad Parthos Persarum imperium transtulit, postquam in eo Macedones annis centum septuaginta duobus, siue, iuxta nonnullos, ducentis nonaginta tribus cum suprema potestate dominati essent. Perdomuit etiam Nicanorem Seleucum, eiusdem Alexandri successorem, cui victoriarum crebritas hoc indiderat cognomentum. Zōsimus primo libro suarum Histor. de hoc ita breuiter scriptū reliquit. Post Alexandrum, inquit, Philippi filium, & alios Imperij Macedonum successores, Antiocho superioribus illis satrapis imperante, Arsaces Parthus, propter illatam fratri Teridati contumeliam, bello aduersus Antiochi Satrapam suscepto, Parthis auctor fuit, vt eiectis Macedonibus, regnū sibi vindicarent. Ab hoc autem Arsace Parthorum reges dicti sunt Arsacidae. Quandoquidem Parthi, omnes suos reges hoc nomine, sicut Romani Cæsares Augustosque, cognominauerunt; isque non minus memorabilis fuit Parthis, quā Persis Cyrus, Macedonibus Alexander, atque Romanis Romulus quondam extiterat. Hunc tradunt fuisse corpore pulcherrimo atque conspicuo, & animo planè regali, ac rei militaris peritissimum, eundemque vt erga suos singulari clementia, sic in euertendis aduersariis longè acerrimum, & ipsis Parthis quā maximè desiderabilem. Postquam verò, multis rebus domi militiæque non minus sapienter quā fortiter gestis, longè la-

Arsaces, de-
iunctis Mac-
donibus, oc-
cupat impe-
rium Persa-
rum.

Parthorum
reges dicti
sunt Arsa-
cidae.

Arfacis obitu.

Parthorum
historia.
Ctespho.

Arfaces.

Arfacides.

Parthorum
armatura.

teque inelaruisset, tandem in prælio, dum magnanimi ducis, ac etiam strenuissimi bellatoris partes adimplet, hasta in latere ictus, occubuit. Ceterum, quoniam in Parthorum mentionem incidimus, non ingratus lectori futurum spero, nec etiam à meo instituto alienum, si ea quæ Dion Cassius Nicæus lib. XL. de ipsis memoria tradidit, hîc ad maiorem huius gentis notitiam subiecero. Habitant, inquit, trans Tigrin fluuium, in arcibus, ac castellis, adeoque in urbibus etiam, cum aliis, tum Ctesiphonte, quæ regia eorum est. Etiam inter antiquos Barbaros genus eorum fuit: nam nomen Parthorum etiam sub Persico regno gesserant. Ceterum eo tempore & regionem haud magnam obtinuerunt, neque extra fines suos impetum suum extulerant. Postea quàm autem & Persicum regnum euersum est, & Macedonum res floruerunt, successoresque Alexandri inter sese dissidentes, aliique aliis regiones certas vi adimentes, regna sibi singuli constituerunt, tum primum sub Arface quodam Parthi quoque innotuerunt, vnde & posterius eorum reges, Arfacidarum cognomentum habuere. Deinde rebus secundis usi, omnes circum se positas regiones occupauerunt. Mesopotamiamque, quæ prius à præfecto regebatur, sui iuris fecerunt. Tandem ad id gloriæ & potentiæ euecti sunt, ut & tum temporis contra Romanos belligerarent, & in hunc usque diem pro aduersariis habeantur. sanè bello multum possunt: nomen tamen re ipsa maius adepti sunt, non quod Romanis ipsi quicquam ademerint (nam de suis quoque finibus nonnihil concesserunt) sed quia in seruitutem redacti nondum sunt, atque etiamnum in bello cum nostris congressi, superiores euadere solent. Ac de populo quidem isto, regioneque, tum quæ propria ipsorum vitæ instituta sint, multi scripserunt, neque mihi ea persequi consilium est. Armatura eorum, ususque armorum (huius enim rei expositio sermoni nostro coniunctior est, isque ea opus habet) talis est. Scuto nihil tribuunt: sed sagittis iaculisque ipsi equites vtuntur, armatique maiori ex parte: pedites inter eos paucissimi, ii que infirmiores, sed & ipsi sagittarij, ad quod à pueritia exercentur, cælo ipsis suo ac regione ad vtrumque conducente. Regio enim plana ut plurimum est, & cum ad alendos equos, tum ad equitandum aptissima. Itaque armenta tota equorum in bellis ducunt, ut subinde mutatis equis, subito ex longinquo adequitare, rursusque repente procul referre pedem possint. Iam aer apud ipsos est siccissimus, humoremque, ne minimū quidem continet: itaque sagittarum usum ipsis intentissimum præbet, excepto eo tempore, quo summa est hyems, ideoque ea tempestate nusquam in bellum proficiscuntur. Reliquis anni partibus si vel in sua, vel in similis naturæ terra bellum gerant, pugna superari vix possunt. consuetudine enim hoc habent, ut Solis æstum acerrimum ferant: aduersus potius defectū multa remedia inuenta ipsis sunt, quæ res ipsis ad propulsandam vim, si quis fines eorum ingrediatur, haud parum prodest. Extra suos fines trans Euphratem aliquando pugnis, atque excursionibus repentinis, nonnihil quidem egerunt, tamen iustum bellum gerere nisi domi suæ non valent; quippe qui in alienam sibi & terræ & aeris constitutionem deueniant, ac comæatui impedimentisque militum ferendis sarcinas nullas vsurpent. Ita Parthorum res sese habent. Plutarchus in vita Crassi testatur, Parthos nec cornibus aut tubis sese ad pugnam animare cōsueuisse, sed annulis cauis corio superinducto tympana

tympana ferrea circumdare. Hæc multos simul pulsare, ac resonare graue & horribile: nam ferino latratui, tonitruisq̃ue simile quidpiam pulchrè permixtum reddere. De iisdem gentibus, moribus ac institutis plura itidem videre est, cum apud alios, tum etiam apud Trogum. Hæc Parthorum Natio Persicum regnum, adeoque totius Asiæ, præter Ægyptum, imperium obtinuit vsque ad Artabanum, quo quidem tempore, Romanis rebus Alexander Mammææ filius præerat, rerumq̃ue administrationem annis septuaginta supra ducentos retinuerunt. Et primus quidem, uti antea diximus, fuit Arsaces, cuius memoriæ hunc honorem Parthi tribuere, ut omnes exinde reges suos, Arsacis nomine nuncupent. Huius filius & successor regni, Arsaces & ipse nomine, aduersus Antiochum Seleuci filium, centum millibus peditum, & viginti millibus equitum instructus, mira virtute pugnavit; ad postremum in societatem eius assumptus est. Tertius Parthis rex Pampacius fuit, sed & ipse Arsaces dictus, nam, sicut supra dictum est, omnes reges suos hoc nomine, sicuti Romani Cæsares, Augustosq̃ue cognominauerunt. Hic, actis in regno XII. annis, decessit, relictis duobus filiis, Mithridate & Pharnace, quorum maior Pharnaces, more gentis, hæres regni, Mardos validam gentem bello domuit, nec multo post decessit, multis filiis relictis, quibus præteritis, fratri potissimum Mithridati, insignis virtutis viro, reliquit imperium, plus regno, quam patrio deberi nomini ratus, potiusq̃ue patriæ, quam liberis consulendum. Eodem ferme tempore, sicuti in Parthis Mithridates, ita in Baetris Eueratides, magni uterque viri, regna ineunt. Sed Parthorum fortuna felicior, ad summum hoc duce imperij fastigium eos perduxit. Hic enim Parthorum imperium à monte Caucaſo, multis populis in ditionem redactis, vsque ad flumen Euphratem protulit, & tandem aduersa valetudine correptus, non minor Arsace proauo, gloriosa senectute decessit. Post necem Mithridatis, Phraates eius filius, Persis imperauit; qui, cum aduersus Scythas proficisceretur, Græcorum fraude ac dolo, quos in belli societatem accersuerat, cum toto ferme exercitu in acie extinctus est. In huius locum Artabanus, eius patruus, rex substituitur. Hic, bello Colchatariis, (nam Scythæ contenti victoria, populata Parthia, in patriam reuersi sunt) illato, in brachio vulneratus, statim decessit. Huic Mithridates filius successit, cui res gestæ Magni cognomen dedere. Quippe claritatem parentum, æmulatione virtutis accensus, animi magnitudine supergreditur. Multa igitur bella cum finitimis magna virtute gessit, multosq̃ue populos Parthico regno addidit, & cum Scythis aliquoties congressus, prosperè dimicauit, ultorq̃ue iniuriæ parentum fuit: ad postremum Artoadisti Armeniorum regi, bellum intulit, eoq̃ue feliciter confecto, haud multo post, à Prouincialibus, ob nimiam crudelitatem, qua in omnes promiscuè grassabatur, Parthico regno expulsus est. Frater eius Orodes, cum regnum vacans occupasset, Babyloniam, quod Mithridates confugerat, diu obsidet, & fame coactos, in deditionem oppidanos compellit. Mithridates autem fiducia cognitionis ultro sese in potestatem Orodis tradidit. Sed Orodes plus hostem, quam fratrem cogitans, cum in conspectu suo trucidari iussit. Post hæc, bella cum Romanis gessit, cum quibus antea Persæ societatem atque amicitiam coluerant. Siquidem L. Lucullus, cum aduersus Mithridatem Ponti regem, atrocissimum bellum gereret, ac certior factus esset

Quamdiu
Arsacide
Persia potius
fuit.

Arsaces secundus.

Pampacius.

Pharnaces.

Mithridates.

Phraates.

Artabanus.

Mithridates secundus.

Orodes.

Orodis crudelitas in fratrem.

Luculli ad
Orodem Per-
sarum regem
legatio.

Orodes neg-
Romanos,
neque Mi-
thridatem
adiuuat.

An. 688.
V. C.

Armorum
vis.

Orodes Ti-
granem vin-
cit & ad Pō-
peium lega-
tos mittit.

esset de legationibus Tigranis ac Mithridatis ad Arsacem missis, ipse quoque nonnullos ex sociis ad eundem ablegauit, minas ei, si illos auxilio iuuare, promissiones autem, si Romanorum rebus studere statuisset, proponentes. Arsaces, quòd eo tempore Tigrani Armenia maioris Regi irascebatur, nullamque de Romanis sinistram opinionem animo conceperat, missis ad Lucullum suis etiam legatis, amicitiam cum eo societatemque coniunxit. Verum postea cum Secilius ad eum veniret, suspicatus hominem bello clarum, non tam pacti nuper initi causa, quam ut regionem copiasque suas exploraret, missum, Romanis nulla auxilia suppeditauit: ita tamen, ut nec contra illos, quicquam etiam moliretur: sed in medio sese partium contineret, quòd, ut veri haud absimile est, neutrorum potentiam augeri volebat: sed si bellum vtrinque æquis viribus gereretur, summæ sibi id securitati futurum arbitrabatur. Hæc autem contingere circa annum ab V. C. sexcentessimum octuagesimum sextum. At postquam Lucullo domum reuocato, C. Pompeio de vnanimi totius Senatus Populique Romani consensu ac voluntate, hæc expeditio persequendi Mithridatis demandata fuit, cum Persarum rex Pompeium maximo impetu ferri videret, Armeniamque, & Ponti partes eò loci pertingentes, ab eius oratoribus captas esse, Gabinium quoque, ià ultra Euphratem ad Tigrim vsque processisse, eorum terrore perculsus, ut sœdus istum cum Romanis firmaret, in animum induxit, deque pactis renouandis ad Pompeium legatos misit: nihil tamen ea legatione assecutus est. Pompeius enim rerum successu, speque præsentium rerum fretus, cum paruipendebat: & inter alia responsa, quæ superba legatis dabat, Corduenem quoque regionem, de qua Persis erat cum Tigra- ne controuersia, poscebat. Cum legati de hac re (neque enim quicquam habebant in mandatis) nihil responderent, nonnihil ad Orodem scripsit: sed non expectato responso, confestim Afranium in eam regionem destinauit, eamque nullolabore occupatam, Tigrani dedit. Afranius per Mesopotamiam in Syriam, præter pactum cum Persis initum, proficiscens, in itinere aberrauit, multumque ob hyemem & penuriam victus incommodi passus est: periissetque cum suis, nisi eos Carrenses, qui Macedoniae coloni esse feruntur, & circum ea loca inhabitant, excepissent ac deduxissent. Hæc Pompeius sua confusus potentia, tum cum Orode egit, iniuriam molientibus euidenti admodum exhibito documento, quòd ab armis omnia pendeant, quibus qui præualet, eius legibus omnes necessario obtemperent. Orodis quoque titulos, quibus ille apud alios omnes, ipsosque etiam Romanos gaudebat, quibusque cum illi semper compellabant, ludibrio habuit, dum se Regē regū appellaret. At Pompeius Regum vocabulo amputato, per literas ipsum Regē simpliciter nūcupauit: quod nominis Tigrani etiam præter morem Romanum tribuit, cum eum in triumpho duceret. Phraates, quamuis Pompeium & timeret, & demereri studeret, tamen indignè id tulit, ut qui regno etiam suo spoliaretur: itaque per legatos de acceptis iniuriis questus est, interdixitque, ne Euphratem transiret. Vbi nihil moderati responsum est, verno tempore (Consules tum Romæ erant L. Cæsar, & C. Figulus) contra Tigranem, adhibito filio eius, suo genero, expeditionem suscepit: ibi prælio victus, postea hosti præualuit. Cumque Tigranes Pompeium in Syria agentem, accerferet, Persa denuò ad eum legatos misit,

misit, multa & Pompeium incusans, & Romanos insimulans, adeò vt & pudorem & terrorem Pompeio iniiceret. Igitur neque Tigrani auxilium tulit, & nihil deinceps hostile aduersus ipsum exercuit, causas has edens, sibi neque hanc expeditionem à Populo Romano esse demandatam, & Mithridatē in armis adhuc esse: adhuc se rebus confectis contentum esse, neque velle alia aggredi, ne dum plura appeteret, in his aduersam fortunam, velut Lucullus, experiretur. Hæc enim tunc philosophica adducebat, auaritiāque rem esse perniciosam, iniusteque res alienas appeti tum demum dicebat, cum pro se haud quicquam ea facerent. Potentiam enim Parthi metuebat, & inconstantiam rerum pertimescens, bellum illud, etsi multi ad id incitarent, non suscepit: Barbari autem accusationes dictis eleuabat, non quidem refutans, verum ei litem cum Tigraue de limitibus quibusdam intercedere ferebat, se missurum tres viros, qui eam diiudicarent. Atque eos quidem misit: hisque Reges tanquam reuera arbitris acceptis, omnem ipsi inter se controuersiam composuerunt. Tigranem ira stimulabat, quod suppetias non impetrasset. At Persa Tigranem quoque saluum esse cupiebat, cuius olim, si res ita ferret, auxilio contra Romanos vti posset. Vtrique satis constabat, vter ipsorum alterum superasset, quod is & Romanam rem sibi infensam redditurus, & ad resistendum imbecillior esset futurus. His itaque causis moti, in gratiam redierunt. Hæc autem gesta sunt anno ab V. C. sexcentesimo nonagesimo. Interea temporis, Cæsare in Gallia feliciter dimicante, Crassus, cui, Senatus decreto, Syriæ prouincia obtigerat, cum & ipse aliquid agere cuperet, quod gloriæ sibi iuxta, atque lucro, cuius perpetuò cupidissimus extiterat, esset futurum, posteaquam in Syria nihil huiusmodi esse præ manibus videt, (nam & Syrii quieti erant, & qui prius Syriā bellis vexauerant, tum potentia Crassi perterriti, nihil mouebant) in Parthos expeditionem suscepit, cum neque vllam belli causam contra ipsos afferret, neque id à Senatu decretum esset. enimvero & Parthos prædiuites esse acceperat, & Orodem, qui nuper rex factus esset, superatu facilem sperabat. Tum igitur Euphrate fluuio transiisso, magnam Mesopotamiæ partem populando peragrauit, nemine resistente, quod eius transitus inexpectatò Barbaris acciderat, itaque nulla exquisita regni sui custodia utebantur. Ac Talymenus Ilaces quidam, eius tum regionis præfectus regius, paucis equitibus ad Ichniam (id castello cuidam nomen est) congressus, victusque, accepto vulnere, ipse ad regem sese recepit, eumque de expeditione hac certiores fecit. Interim Crassus & castella & vrbes recepit, Græcas potissimum, atque in his Nicephorium. Nam quia Macedonum aliorumque Græcorum, qui militiæ Romanis adfuerant, coloni erant, vim Persarum grauiter ferentes, atque in Romanis, à quibus Græcos amari sciebant, multum spei collocantes, haud grauati ad eos defecerunt. Soli Zenodotæ ciues, quibus tyrannus Apollonius dominabatur, accersitis Romanis aliquot militibus, quasi se in fidem eorum daturi, eos cum intra muros accepissent, obtruncauerunt, quæ ipsis causa, vt vrbs euerteretur, fuit. Præter hoc vnum, nihil neque fecit, neque passus est hostile Crassus. Ac profectò omnia quæ intra Tigrim sunt posita castella cepisset, si eodem impetu, Barbarorumque terrore vsus fuisset, ac præterea hybernis suis in ea regione habitis, omnia diligenti custodia continuisset: nunc captis iis locis, quos primo incursu

Tigranus &
Orodes in
gratiam
redierunt.

Bellum Cras-
si Parthicum.

Crassi desidia.

Orodis ad
Crassum
legatio.

curfu capere poterat, neque reliquorum, neque horum ipsorum quæ cœperat, ullam rationem habendo, dum in Mesopotamia commorari grauatur, Syriæque amicitiam desiderat, Parthis se ad bellum parandi spacium, relictosque in Mesopotamia Romanos milites opprimendi occasionem præbuit. Hoc initium belli Romanorum aduersum Persas fuit. Cùm Crassus iam ex hybernis copias educeret, & in Mesopotamiam ingressus fuisset, Orodes in Syriam ad eum legatos misit, & literas in hanc ferè sententiam:

Eiusdem ex-
peditionis in Ro-
manos.

Dira omina,
quæ Crassi
cladem por-
tenderunt.
Aquila.

Siquidem à Senatu, populoque Romano missus, contra nos exercitum ducis, ingens profectò bellum, & summo odio, atque omnino insens animis gerendum censemus. Quòd si aduersante atque inuita patria, ut audiui-
mus, priuata tantum cupiditatis ac lucri causa Parthis intulisti bellum, & iam regionis nostræ particulam occupasti, non sanè tuas vires aut exercitum magni facimus; itaque moderatius tecum acturum, & senectutis tuæ rationem habiturum Arsacem nuntiamus, & Romanis cõdonaturum viros quos in Mesopotamia inclusos magis quàm aliena custodientes habeat. Hæc sibi ab Arsace, ut nuntiarent atque sciscitarentur, mandata fuere, ac eius literæ idem prorsus continebant. Ad ea indignatus, & iactabundus Crassus, in Seleucia, quæ vrbs est Mesopotamiæ, se causas belli editurum respondit. Tum Agis legatorum vnus, qui cæteros ætate & auctoritate anteibat, sinistram manum dextræ digitis percutiens, Prius, inquit, hinc pili enascentur, quàm tu in Seleuciam peruenias. His dictis legati discessere, moxque ad Orodem redeunt, virum per ea tempora bellicæ virtutis gloria insignem ad bellum capeffendum incitarunt. Ipse igitur, Surena, & Sillacæ viris strenuis ac militaribus ad ea recipienda, quæ vel capta fuerant, vel defecerant, prouincia demandata expeditionem in Armeniam, quæ Tigranis quondam fuerat, instituit, ne Artuafdes Tigranis filius, qui tum ibi regnabat, ipse de suo regno sollicitus, vllum Romanis auxilium mittere posset. Crasso autem apud Zeugma (ita loco isti nomen est ab expeditione Alexandri, quòd ibi trans fluuium profectus est) transeunti, hæc dira atque sinistra cmina contigere. Primò enim cùm peractis sacris, templo Veneris seu Iunonis egrederetur, filius ante fores templi offenso grauiter pede, prostratus concidit, quem statim pater eodem casu lapsus secutus est. Ad hæc, Aquila exigua quædam est sacelli effigies, inque ea aquila aurea est collocata. Solebat autem constitui in omnibus legionibus Romanis: neque prius hybernaculis efferri, quàm vniuersus exercitus egrederetur. Eam aquilam hastæ impositam, vnus quidam vir gestabat, cuius hastæ pars infima præacuta erat, ut in solum defigi posset. Huiusmodi ex aquilis vna noluit cum Crasso Euphratem transire, sed perinde ac si terræ adnata esset, ita infixæ hæsit, donec tandem à multis circumstantibus vi euulsa fuit, inuitaque comitata est suos. Vexillum præterea quoddam ex eorum numero, quæ magna, velorumque similia sunt, inscriptum Punicis literis, ad notitiam exercitus Imperatorisque faciendam, inuersum vi vehementis venti, à ponte in flumen decidit. At Crassus reliquis vexillis quæ eiusdem erant longitudinis, præcis, ut breuiora atque ad ferendum aptiora essent, numerum prodigiorum auxit. Tanta enim in ipso fluminis transitu coorta est nebula, ut & ipsi inuicem impingentes, corruerent: nec prius terram hostilem cernerent, quàm in ea pedem posuissent. Itaque & transgressi Euphra-

Euphratem sunt maxima cum difficultate, & de ponte, quem ad traiciendum militem ratibus iunxerat, in continentem perquam difficulter descenderunt. Illum enim ventorum magno impetu ruens procella disiecit, & pluribus in locis perfregit. In ipso autem traiectu miræ magnitudinis exorta tonitrua, & in aduersa militum ora micantia fulgura, quasi transitu prohibere milites viderentur. Castris etiam ponendis destinatus locus duobus fulminibus percussus est: equus præterea imperatorius egregiè phaleris præ cæteris ornatus, quasi percitus furore quodam, summa vi cōtranitente auriga in fluuium defiliit, ac subito fluctibus obrutus, & adstantiū oculis subreptus, nusquam apparuit. Mox post traiectum, cum necessaria militibus distribueretur, contigit fortè omnium primò lentes ac salem dari, quæ inter funesta habere, & mortuis offerre Romani solebant. Præterea, cum Crassus, vt moris erat, sacrificio instituto, lustraret exercituū, porrecta ab aruspice viscera, è manibus cecidèrè: quod cum grauitèr omnes qui astabant, perturbasset, arridès Crassus, Talia nobis, inquit, incommoda senectus affert, attamè arma nunquam è manibus cecidèrè. Hęc omnia cum ita euenissent, vt faciliè stupidum etiam atque imperitum quemque docere possent, calamitatem ipsis prædici, reditumque abnuī, metus ac tristitia ingens militum animos occupauère. quos vt consolaretur Crassus, exercituū allocutus, non perterrerī eos debere dixit, propterea quod pons deiectus esset, neque id pro portento accipiendum, iuramentoque confirmauit, statuisse se per Armeniam copias reducere. His dictis cum animum suis reddidisset, addidit magna voce exclamans: Bono animo este milites, hac enim nemo nostrum reuertetur. Quo audito dicto milites, idque non minorem reliquis vim ominis habere arbitrati, in maiorem prolapsi sunt mēstitiam, vt iam neque cæteris eius cohortationibus animum aduerterent, Barbaros verbis eleuantis, remque Romanam prædicantis, adhæc, pecuniam exercitui distribuentis, præmiaque promittentis: Nihilominus sequebantur, neque aut verbo, aut re quispiam resistebat, siue, vt videri potest, legi in hoc parentes, siue quod iam animis consternati, neque consilium suæ salutis capere, neque agere quicquam salutare poterant: Igitur deinceps omnia quæ vel animo vel corpore moliebantur, ad perniciem ipsis spectabant, quasi iam tum ab aduerso fato damnatis. Maximam autem calamitatis partē Augarus ipsis Osærenus attulit. Is, Romanis antea fœdere iunctus sub Pompeio, Barbarorum partes tum potiores habuit, quod idem Alchaudonius quoque, siue, vt alij, Ariamnes Arabum Princeps, fecit, semper potentiori se solitus adiungere. Cæterum, hic, quia manifestò defecerat à Romanis, cauere faciliè potuit. Augarus autem cum Partho studeret, simulauit se Crassi amicum, liberaliterque ei pecuniam suam impendens, & explorauit omnia eius consilia, & Partho enunciauit. Idem si quod vtile consilium Crassus cepisset, dehortatus hominem est: sin dampnosum, confirmauit, ac tandem huiusmodi rem confecit. Crassus Seleuciam contendere decreuerat, quò se tutò cum exercitu ac commeatu præter Euphratem, ac trans eundem peruenire posse cogitabat: à Seleucia (quam, vt à Græcis hominibus habitatam, faciliè sperabat in suam potestatem venturam) ad Ctesiphontem urbem haud difficulter se traiecturum. Id consilium, tanquam multo tempore opus habiturum, vt repudiaret, ac potius aduersum Surenam, qui propè cum parua manu

Crassi vox
in omen ver-
titur.

Augarus
Osærenus
sub amicitia
specie Roma-
nos in perni-
ciem abdu-
cit.
Alchaudo-
nius.

Crassi consi-
lia.

Prælium in-
ter Parthos
& Romanos

P. Crassus
perit.

manu esset, iret, Augarus persuasit. Quibus cōstitutis, cū Crassum, ut periret, Surenam (cū quo sub speculandi prætextu frequēter congregiebatur) ut superare posset, parauisset, Romanos, quorum erant peditum legiones septem, & equitum quatuor millia, ac totidem velites, nihil sollicitos, ac tanquam ad certam iam victoriam proficiscentes eduxit, in eisq̃ tum per insidias opprimendis Parthum adiuuit. Res tota ita acta est. Parthi maiore suarum copiarum parte abscondita, (erat enim regio aliquibus locis inæqualis, arboribusq̃ue consita) Romanis occurrerunt. Quos cū Publius Crassus, Imperatoris filius, qui ex Gallia cum mille equitibus lectissimorum virorum & aliqua pedestri manu, ad patrem peruenerat, conspicatus esset, atque eos solos hostes esse putaret, cum aliqua parte equitatus, quingentis insuper sagittariis, & scutorū cohortibus octo, patris iussu, iis obuiam venit, fugaq̃; sese dedita opera mandantes, victos ratus, insecutus tantisper est, dum procul à suorum acie subductus, deinde circumuentus ab hostibus, utraq̃ manu grauitè vulneratus est; cūque neutra illarum uti amplius valeret, armigero transuerberandum latus præbuit. Eodem modo Censorinum obiisse ferunt: Plancus verò sibi ipsi mortem consciuit. Idem & optimatum ferè omnes fecere. In fugam tamen pedites Romani dati nequaquam, sed Crassi vlciscendi causa acriter cum Parthis congressi: verū nihil suo nomine dignum efficere potuerunt, cū ob multitudinem hostium, tum ob genus pugnae, præsertim insidiis insuper Augari circumuenti. Nam sicubi orbem voluere intendebant, ut propter densitatem ordinum sagittas hostium euitarent, Parthorum hastati equites magno impetu irruentes, aut confodiebant Romanum peditem, aut agmen utique dissipabant: sin eius vitandi causa sese disungebant, sagittis Parthorum expositi erant. Ita multi ipso hastatorum incurfu consternati peribant; alij ab equitibus deprehensi, interficiebantur; alij contis proturbabantur, configebanturq̃. Quòd si qui denuò pugnam tentarent, iacula quàm plurima vndiquaque incidentia, pluresque eorum letali vulnere sternebant, reliquos pugnae inutiles reddebant. Denique omnibus sagittæ iaculaque negotium faceiebant, in oculos, manusque, & vniuersum omnino corpus aduolantia, perque ipsa arma transeuntia, eademque nec caueri à Romanis poterant, & inermes eos, crebros ictus expectare cogebant. Nam dum quis aut à iaculo adueniente sibi cauebat, aut infixum corpori suo euellebat, alijs super alia vulneribus fauciabatur. Itaq; nec quo loco, sese mouerent Romani satis scire poterant, an fixo potius vestigio quisque persisteret, quorum neutrum satis tutum ipsis relinquebatur: sed utrumque cum ipsorum pernicie coniunctum erat: quorum alterum non licebat per hostes; alterum, ut vulneribus opportuniore essent, efficiebat. Hoc modo pugnam aduersus hostes aperte congressos Romani sustinebant. Postquam Augarus quoque (nam is aliquandiu se continuerat) ex insidiis eos aggressus est, ibi & Osroeni conuersos in Parthum à tergo ceciderunt; & ut à Parthis facilius cædi possent, fecerunt. Romani enim coacti acie conuertere in Osroenos, à tergo sibi Parthos habuerunt: rursus in Parthos conuersi, atque iterum in alteros, tum denuò alteris sese opposcentes, crebris conuersionibus maiorem suis quàm antè, perturbationem attulerunt: ac quia semper ad eam partem, vnde tela ingruiebant, sese obuerrere necesse habebant, propriis se gladiis

gladiis confixerunt, multiq̃ue inuicem sese occiderunt. Denique adeò in ar-
ctum ab hoste vndiquaque irrupente coacti sunt, vt quisque quod inerme
in suo corpore erat, scuto proximè assistentis, tegendo, in vniuersum ne mo-
uere quidem iam sese possent. Sed ob tantam cadauerum multitudinem fie-
bat, vt ne stare quidem firmis vestigiis possent, ac collaberentur: tum æstus,
sitisq̃ue (quippe media æstate, atq; in Meridie pugnabatur) puluisq̃ue, quem
vndique circumequitando Barbari immensum concitauerant, reliquos affli-
gebat, ita vt multi his confecti, sine vulnere caderent. Ac proculdubiò occi-
dione omnes occisi tum essent, nisi Barbarorum hastæ partim retusæ, partim
fractæ, neruiq̃ue arcuum continenti iaculatione rupti, sagittæ consumptæ,
omnesq̃ue gladij hebetati, & (quod erat maximum) ipsi viri cædendo defa-
tigati fuissent. Ita cum nox superuenisset, Parthi, quia procul ipsis ab hoste
recedendum erat, equis aucti sunt; ita enim mos eorum fert, vt prope ho-
stem ne maximè quidem imbecillum castra ponant, quòd nec munitione
castrorum vtuntur: & si quis eos in tenebris adoriatur, neque equis, neque
sagittis quicquam præstare possunt. Plutarchus ex Romanis asserit, quingen-
tos duntaxat in hostium potestatem venisse. At Dion, neminem fuisse ea
pugna Romanum ab hoste captum: sed cum omnes eos Parthi stantes in
armis conspicerentur, neque vllum aut ea proiicientem, aut fugæ se commit-
tentem, adesse iis adhuc roboris aliquid putauerunt, neque aggredi ausi sunt.
Post hanc cladem Crassus cum cæteris quicunque poterant, Carrhas, Meso-
potamiæ urbem, sese receperunt, quæ vrbs tuta ipsis à relictis in ea Romanis
asseruata fuerat: multi ex iis qui vulnerati cum neque pedibus viam capere
possent, neque vehicula iis præstò essent, neque ductores (optimè enim reli-
qui contenti erant, si semetipsos hinc auferre possent) in ipso pugnae loco re-
manferunt. Eorum pars ex vulneribus mortui sunt, pars sibiipsis mortem
consciuerunt, reliqui postridiè capti sunt: quorum magna pars in via sese vi-
ta exuerunt: multi deinceps quoque fauciorum perierunt, cum ab initio, qui
ipsum curaret diligenter, haberent neminem. Crassus animo deiectus, ne in
oppido quidem diutius manere se posse existimans, statim, quomodo inde
fuga se eriperet, rationes inibat. Siquidem fieri non poterat, vt interdiu dis-
cedens latèret, noctem ad id delegit: sed proditus à Luna, quæ tum plena lu-
ce fulgebat, non fefellit. Proinde eas noctes opertus, in quibus Luna non lu-
ceret, eum suis profectus est: tum eos in tenebris, atque aliena in regione iter
facientes, eademq̃ue hostili, ingens metus disiecit, ac pars capti sub diem,
perierunt, pars in Syriam cum Cassio Longino Quæstore incolumes perue-
nerunt. Crassus cum reliquis in montes euasit: ibiq̃ue ita sese parauerunt, tan-
quam per eos in Armeniam aufugituri. Surenas, eo cognito, metuens, ne, si
id successisset, bellum contra Parthos deinde renouarent, cum Romanos in
sublimi loco, & equitatu alieno, aggredi non auderet, (armati enim e-
rant, pugnaturiq̃; ex loco edito, tum quòd ex desperatione ad insaniam iam
aliquam redacti essent, haud citra periculum videbat se eos aggressurum) mi-
sit ad eos ex suis, qui conditiones pacis offerrent, si omni intra Euphratem
posita terra excederent. Crassus nihil in dubium vocatam rem credidit. Nam
in summo metu constitutus, ac tum suæ, tum publicæ calamitatis terrore
animo perturbato, ad hæc, milites iter longum asperumq̃ue reformidare, &

*Crassus Car-
rhas persua-
git, ac rursus
inde fugam
tentat.*

*M. Crassus
à Surena
deceptus
perijt.*

K

ab

ab Orode sibi ūmendū sentiens, nihil eorū quæ opus erant, præuidere poterat. Quem ubi ad transactionem paratum Surenas animaduertit, cum nollet id negotium per alios confici, sed ipsum Crassum cum paucis in suam potestatem accipere, ostendit se cum eo ipso velle in colloquium venire. Conuenit igitur, vt in medio inter vtriusque stationem loco cum æquali virorum numero vtrinque congregerentur. Crassus in planiciem descendit, ei-que, à Surena, quod celerius ad eum perueniret, equus longè pulcherrimus & phaleris aureis atq; aureo fræno insignis, dono missus est. Dum hæsitat Crassus, secumque, quidnam ageret, deliberat, correptus à Barbaris, vi in equum impositus est. Ad hoc repugnantibus Romanis, res ad manus peruenit. quo in certamine cum aliquandiu pares fuissent Romani, tandem succurrentibus alteri parti nonnullis (nam & in plano loco Barbari erant, & ad eam rem se composuerant, atque ita Romanos suis auxilio venientes, anteuertebant) superati sunt. Ibi cum nonnulli suorum cecidissent, Crassus quoque (neq; constat an à suorum aliquo post graue acceptum vulnus, à Pomaxarte Persa, ne viuus in hostium manus veniret, an verò ab hostibus) occisus est. Hic ei vitæ exitus fuit, in cuiusque os, vt quidam referunt, Parthi aurum liquefactum, verbis insuper insultantes, infuderunt. Tantum enim fuerat in eo homine pecuniæ acquirēdę studiū, quanquā longè ditissimus esset, vt quasi pauperem eū miseraretur, qui non ex suis facultatibus exercitum alere posset. Sexagesimum autem ætatis suæ tunc annum agebat, & si verustiore præ se ferret ætatem. Militum plerique per montes in amicorum fines perfugerunt, nonnulli ab hostibus capti sunt. Cæterum Parthi eo tempore omni ditione intra Euphratem recuperata, eum transgressi non sunt. Feruntur in eo bello viginti fermè hominum millia interempta, & decem millia capta fuisse. Posthac, Surenas Crassi caput & dextram ad Orodem, qui tunc in Armenia, vt antea commonstrauimus, bellum gerebat, misit; quosdam verò Seleuciam proficisci iussit, qui non occisum, sed viuum captum esse Crassum passim vulgarent, & illum non multò post, Seleuciam captiuum venturum. Erat autem Surenas non humili sanè, aut obscuro loco inter Persas, oriundus, sed qui diuitiis, genere, atque gloria secundus à rege numerabatur: corporis autem robore ac fortitudine ætatis suæ Persarum omnium potentissimus: forma verò ac magnitudine corporis supra ceteros omnes admirabilis, magnaque in castris pompa & apparatu utebatur. siquidem mille camelis impedimentis, quæ suo duntaxat vlti seruiebant, onusti quacunque iter faceret, sequebantur. Ducebat etiam pellices circiter ducentas. Mille præterea cataphractos equites, ac totidem leuiter armatos, custodiendi corporis gratia circa se continuè detinebat, peditum verò ac seruorum ingentem numerum. Iam ab initio autem illud à maioribus, velut hæreditarium acceperat, vt ei qui Parthorum rex declaratus esset, regium diadema primus ipse imponeret. Paucis diebus interiectis, Parthi Syriam inuasert, non magno tamen exercitu, quod in ea neque milites, neque tū Romanos esse putabant: Itaque Cassius eos non magno negotio repulit. Huic Cassio, cum Carris à militibus odio Crassi adductis imperium esset delatum, atque ipse etiam Crassus ob magnitudinem calamitatis vltro id concederet, non acceperat: tunc autem necessitate rerum adductus, Syriam administrauit, idque deinde etiam, cum Barbari ab inco-

pto

Crassi interi-
tur. aurumq;
in os eius in-
fuit.

SURENAS.

C. Cassius
Parthos à
Syria re-
pulsit.

pto neutiquam desisterent. Orodes interim pacem cum Armeniorum rege composuit, eiusque sororem Pacoro filio coniugem desponsauit, multaque inuicem conuiuia summa lasciuiâ, ac maximo rerum omnium apparatu celebravit, plurima in eis Græcorum more cantantes. Neque enim Græci sermonis ac literarum Orodes ignarus erat. Armenus verò tragœdias quoque scripsit, & orationes plurimas edidit, historiam etiam composuit, quarum aliquæ in hodiernum vsque diem extare dicuntur. At Romæ non multò post, excitata sunt maxima atque durissima bella ciuilia, Pompeio & Cæsare dissidentibus, quorum bellorum multæ causæ feruntur; sed certissima causa fuit primarum partium, & dominandi cupiditas. Pompeius enim etsi antea Cæsarem auxerat, tamen eius fortunæ & gloriæ postea cœpit inuidere; atque cum initio potentiam eius impedire clam studuisset, deinde grauitè & apertè se inimicum ostendit. Cæsar, qui nihil de dignitate sua detrahi patiebatur, quiq; potius omnium maximus esse cupiebat, relicta Gallia, Romam contendit, scilicet imparatum adhuc Pompeium offensurus. Cæsar enim propter belli apparatus, militesque tanto tempore in bellis Gallicis exercitatos, & tot victoriis exultantes, ac eius donis, amplisq; promissis permotos, paratissimus erat. Ex quo factum est, ut Pompeius Roma decesserit, & paulò post, Italia. Is secum habebat Senatum ferè omnem, pecuniam, & multas nationes ac gentes, uti etiam Cæsar, suis studiis atque partibus fauentes, inter quos fuerunt etiam Parthi, qui cum eo societatem inuierant, tum propter amicitiam secum bello Mithridatico iunctam, tum etiam propter Crassi necem, cuius alter filius in partibus Cæsaris esse audiuerant, quem ultorem patris ac germani, victore Cæsare futura non dubitabant. Cæterum deuictis Pompeianis, Cassio & Bruto, auxilia aduersus Augustum & Antonium misere. Interea cum ipse Antonius, relicta Asia, & Syria sub Planci & Saxæ præfectura, quorum prior Asiæ, alter Syriæ, præerat, amore Cleopatrarum in Ægyptum profectus esset, Labienus, qui præfuerat equitibus Pompeij Magni, vel potius filius eius hic Labienus fuit, qui primò ad Parthos se contulit, deinde unâ cum filiis Pompeij bellum contra Cæsarem gessit, iisque superatis, ad Parthos confugit, & Orodi Parthorum regi persuasit, ut bellum inferret Romanis. Huic Orodes Pacorum filium tradit, deinde eum ab se cum exercitu dimittit. Ab iis Syria omnis præter Tyrum capta est: Palæstina quoque, Cilicia, ac vrbes Asiæ, quæ in continenti ædificatæ erant, omnes ferè capte sunt. His rebus summa celeritate ac felicitate peractis, castra P. Ventidij, qui post Cassium, absente Pacoro, exercitum Parthicum fuderat, in munitis locis posita, ingenti mole aggrediuntur: sed ille, simulato timore diu se continuit, & insultare Parthos aliquantisper passus est. Ad postremum in securos lætosque, partem legionum emisit, quarum impetu fusi Parthi, in diuersa abiire. Pacorus autè cum suis fugientes abduxisset secum legiones Romanas putaret, castra Ventidij, veluti sine defensoribus inuadit. Tunc Ventidius reliqua parte legionum emissâ, in agro Cyrestico vniuersam Parthorum manum cum rege ipso Pacoro interfecit, & ipsum Labienum cepit, Parthosq; omnes Syria expulit. Incidit hæc clades Parthis eo ipso die, quo olim Crassus Surenæ perfidia interfectus fuit. isque primus de hac gente iustissimum triumphum egit, & Cassianam cladem Pacori capite pensauit. Nec ipse Surenas

*bellum ciuile
inter Cæsarem
& Pompeium.
Causa & origo
huius belli.*

*Orodes suum
Labienum bellum
intra Romanis.*

*Ventidij in
Parthos stragem.*

*Clades Pacori.
Labienus captus.
Parthi vincti.*

renas diu hac victoria latatus est, quippe quem Orodes haud multo post, il-
lius gloria inuidens, cum dolo peremit. Hac cum nuntiata in Parthia essent,
Orodes pater Pacori, qui paulo ante vastatam Syriam, occupatam Asiam à
Parthis audierat, & Pacorum victorem Romanorum gloriabatur, repente fi-
lij morte, & exercitus clade audita, ex dolore ad furorem vertitur. Multis die-
bus neminem alloqui, non cibum sumere, non vocem emittere, ita ut mutus
factus videretur. Post multos dies, ubi dolor vocem laxauerat, nihil aliud
quam Pacorum vocabat: Pacorus illi videri, Pacorus audiri videbatur: cum
illo loqui, cum illo consistere, interdum quasi amissum flebiliter dolebat.
Post longum deinde luctum, alia sollicitudo miserandum senem inuadit, quem
ex numero xxx. filiorum in locum Pacori regem constituat. Multæ pellices,
ex quibus generata tanta iuuentus erat, pro suis quæque anxia atque sollicita,
sens animum obsidebant. Sed fatum Parthiæ fecit, in qua, iam quasi solen-
ne erat reges parricidas haberi, ut sceleratissimus omnium Phraates nomine,
ætate maximus, Rex statueretur. Is autem breui spatio interiecto Orodem, qui
ex mœrore in morbum hydropicum inciderat, insidias machinatus, vene-
num quasi medicamentum ad leuandum morbum tradidit: quod cum pro-
futurum ægritudini videretur, iamque corpus nonnihil conualescere cœpisset,
breuissimam interimendi viam aggressus, propria manu spiritu præcluso
illum suffocauit, parique sæuitia & crudelitate omnes fratres, ac etiam adul-
tum filium è medio sustulit. Cum enim propter assidua scelera sibi optima-
tes quam maximè insensos animaduerneret, huc etiam trucidari iussit, ne de-
inceps foret, qui regio fastigio dignus censerì posset.

Phraates pa-
trẽ Orodem
& fratres
interfecit.

Exemplum
horribilis
crudelitatis.

Parthicum
bellum Cæ-
sari manda-
tum.

Roma triu-
mphantis.

Antonius cõ-
tra Parthos
infeliciter di-
micat.

Phraates ve-
gno deruba-
tur, ac breui
post resur-
xit.

Dum hac in Persia geruntur, magna populum Romanum cupiditas in-
cessit, Crassum, amissumque cum eo exercitum vleiscendi, spesque Parthos
debellandi: Id igitur bellum Cæsari vnanimi consensu decreuerunt, sum-
moque ad id studio sese comparauerunt. Ac præter cætera quæ eius belli causa
agebant, ut & administrorum copia Cæsari esset, & eo absente, neque sine
magistratibus vrbs esset, neque si ipsa eos delegisset ciuitas, res ad motus in-
testinos rediret, magistratus iam antè ad totum trienniũ (tantum enim tem-
poris Parthicæ expeditioni impendendum existimabant) constituere inten-
derunt, qui tamen non omnes tum ordinati sunt. Horum dimidiam partem
Cæsar, quod lege quadam ei concessum fuerat, re ipsa autem omnes designa-
bat. Verum hæc omnia breui post, repentino ipsius Cæsaris interitu dissolu-
ta sunt, & prorsus infecta remansere. Post huius cædem, suprema rerum po-
testas fuit penes Triumuiros, nempe Octauium, Antonium & Lepidum;
hisque duobus tandem sublati, prior solus imperauit. Cæterum Antonio
adhuc superstite, & vnà cum Octauio aduersus Cassium & Brutũ, reliquosque
Cæsaris interfectores bellum gerente, cum Persæ illis opem atque suppetias
tulissent, Antonius, qui nomine populi Romani Asiã atque Syriã regebat, eos
cum sexdecim validissimis legionibus hostiliter infecutus est. Sed multis
præliis grauiter vexatus, tandem, cum præsertim eius exercitus fame ac pe-
stilentia laboraret, à Parthia refugit: qua victoria Phraates insolentior reddi-
tus, & in nouam spem erectus, cum multa crudeliter ageret, in exilium à suis
proceribus pellitur: sed is, cum finitimas ciuitates diu multumque, ac
postremò Scythas precibus fatigasset, horum tandem auxiliaribus copiis in
regnum

regnum restituitur. Hoc absente, regem Teridatem constituerant, qui, audito Scytharum aduentu, magna amicorum manu ad Cæsarem, qui post Actiacam ac Ægyptiam victoriam, per Syriam in Asiam profectus, hyberna ibi agebat, profugit, obsidem Cæsari minimum filium Phraatis ferens, quem negligentius custoditum rapuerat. His rebus cognitis Phraates, legatos statim ad Cæsarem mittit, seruum suum Teridatem, & filium remitti sibi postulat. Cæsar & legatione Phraatis audita, & Teridatis postulatis cognitis, (nam & ipse restitui in regnum desiderabat, iuris Romanorum futuram Parthiam affirmans, si eius regnum muneris eorum fuisset) neque Teridatem redditurum se Parthis dixit, neque aduersus Parthos Teridati auxilia daturum. Ne tamen à Cæsare nihil per omnia obtentum videretur, Phraati filium suum pretio remisit, & Teridati, quoad manere apud Romanos vellet, opulentum sumptum præberi iussit. Sunt etiam qui asserant, Cæsarem ipsius Phraatis filium, Romam secum adduxisse, obsidisque loco aliquandiu habuisse, deinde illum patri remisisse, ut pro eo captiuos signaque militaria Crassi & Antonij cladibus amissa, reciperet. Hoc statu rerum, cum Augustus in Siciliam, indeque in Græciam adnauigasset, Parthi sub rege Phraate per id tempus metuentes, ne Cæsar contra se exercitum duceret, obsides, quod nulli antea, ultro ei obtulere, creandique regis arbitrium permiscere, atque insuper captiuos, & militaria signa, M. Crasso, & M. Antonio prius, sicut diximus, adempta, eidem reposcenti, non inuitis animis reddiderunt; denique pluribus eo tempore de regno concertantibus, non nisi ab ipso electum comprobauere: qua ex re Cæsar gloria efferebatur, quod absque labore recuperasset ea, quæ alij magnis præliis amississent; ob eam causam sacra fecit, atque, ouans urbem ingressus est. Verum enimvero cum progressu temporis Phraates Armeniam occupasset, & Caius ad bellum contra Armenios missus esset, ipse de pace ad Cæsarem literas misit: cumque Cæsar Phraati simpliciter sine regis nomine rescripisset, iussissetque de Armenia decedere, Phraates non est timore perterritus, sed etiam ad eum rescripsit arroganter, seque Regem regum, illum tantummodo Cæsarem appellauit. Tamen in gratiam reditum est, postquam Phraates Caium in Syria adesse expertus, domesticamque seditionem ob sui odiū veritus Armenia cessit. Huic fuerunt legitimi filij quatuor, nimirum Saraspades, Cerospades, Phraates, & Vonones, ac etiam vnus ex concubina Romana Thermussa genitus. Ex his, Vononem ad Augustum, firmandæ amicitiae obsidem miserat, haud perinde Romanorū metu, quam fidei popularium diffusus. Interim Phraates à tertio filio eiusdem nominis interficitur, qui etiam parricidio incestū addidit, matre nimirum in matrimonium ducta. sed breui post, facinorum odio à prouincialibus expellitur, nec diu superstes fuit. Huic in imperio successit Orodes, incertæ prolis, qui cœtu popularium factus, cæsus est in sacrificio, aut venatu, ob crudelitatem. At primores Persarum ob internas cædes, in urbem legatos misere, qui Vononem accirent. Magnificum id sibi credidit Cæsar, auxitque opibus. Et initio accipere Barbari lætantes, ut ferre ad noua imperia. Mox subit pudor degenerasse Parthos, petitum alio ex orbe regem, hostium artibus infectum: iam inter prouincias Romanas solum Arsacidarum haberi darique. Vbi illam gloriam trucidantium Crassum, exturbantium Antonium, si mancipium Cæsaris tot

Teridatis.

Augustus, ut
controversia
Teridatis ac
Phraatis di-
indicari.Parthi signa
& captiuos
reddunt. O-
tiano Au-
gusto.Phraates in
suis literis ad
Augustum,
appellat se
regem regum.Idem cedit
Armenia.

ris tot per annos seruitutem perpeſſum Parthis imperitet: Accendebat dedignantes & ipſe, diuerſus à maiorum inſtitutis, raro venatu, ſegni equorum cura, quoties per vrbes incederet lecticæ geſtamine, faſtuq; erga patrias epulas: irridebantur & Græci comites, ac viliffima vtenſilium anulo clauſa, ſed prompti aditus, obuia comitas, ignotæ Parthis virtutes, noua vitia, & quia ipſorum maioribus aliena perinde odium & honeſtis. Igitur petitiū Roma, acceptumq; regem, quamuis gentis Arſacidarum, vt externum aſpernati, Artabanum non ex recta priorum regum ſtirpe, ſed tamen Arſacidem, apud Dahas adultum, & Medorum regem, exciuerē, primoq; congreſſū fuſus, reparat vires, regnōque potitur. Viſto Vononi perſugium Armenia fuit, vacua tunc, interque Parthorum & Romanas opes infida, ob ſcelus Antonij, qui Artauaſden regem Armeniorum, ſpecie amicitiae inlectum, dein catenis oheratum, poſtremò interfecerat. Eius filius Artaxias, memoria patris Romanis inſenſus, Arſacidarum vi, ſeq; regnumq; tutatus eſt. Artabanus, Perſicum imperium adeptus, initio metu Germanici fidus Romanis, æquabilis in ſuos, mōx ſuperbiam in eos, ſauitiam in populares ſum ſit, fretus bellis, quæ ſecundā aduerſum circumiectas nationes exercuerat, & ſenectutem Tiberij vt inermem deſpiciens, auidusq; Armenia, cui, deſuncto rege Artaxia, Arſacen liberorum ſuorum veterrimum impoſuit, addita contumelia, & miſſis qui Gazam à Vonone relictam in Syria Ciliciaq; repoſcerent, ſimul veteres Perſarum ac Macedonū terminos, ſeq; inuaſurum poſſeſſa Cyro, & poſt Alexandro, per vaniloquēriam ac minas iaciebat. Cæterum Parthi, auctore in primis Sinnace, inſigni familia ac perinde opibus, & proximo huic Abdo, ignato rege, legatos Romanis miſere. Ij, ſecretò aſcitis & alijs primoribus, quia neminem gentis Arſacidarum ſummæ rei imponere poterant, interfectis ab Artabano plerisque, aut nondum adultis, Phraaten, regis Phraatis filium, poſcebat. Nomine tantum & auctore opus, vt ſponte Cæſaris, vt genus Arſacis, ripam apud Euphratis cerneretur. Cupitum id Tiberio, ornat Phraaten, accingitq; paternum ad faſtigium, deſtinata retinens, conſilijs & aſtu res externas moliri, arma procul habere. Interea cognitis inſidijs Artabanus, tardari metu, modò cupidine vindictæ inardescere. Et Barbaris cunctatio ſeruilis, ſtatim exſequi, regium videtur. Valuit tamen vtilitas, vt Abdum ſpecie amicitiae vocatum ad epulas, lento veneno inligaret: Sinnacen diſſimulatione ac donis, ſimul per negotia, moraretur. Et Phraates apud Syriam, dum omiſſo cultu Romano, cui per tot annos inſueuerat, inſtituta Parthorum ſumit, patrijs moribus impar, morbo abſumptus eſt. Sed non Tiberius omiſit incepta, Tiridaten ſanguinis eiufdem, æmulum Artabano, recuperandeq; Armenia Hyberū Mithradatem deligit, conciliatq; fratri Pharaſmani, qui gentile imperium obtinebat: & cunctis quæ apud Orientem parabantur, L. Vitellium præfecit. Ex regulis prior Mithradates Pharaſmamen perpulit, dolo & vi conatus ſuos iuuare, repertiq; corruptores, miniſtros Arſacis multo auro ad ſcelus cogunt, ſimul Hyberi magnis copiis Armeniam irrumpunt, & vrbe Artaxata potiuntur. Quæ poſtquam Artabano cognita, filium Orodem ultorem parat, datq; Parthorum copias, mittit qui auxilia mercede facerent. Contra Pharaſmanes adiungere Albanos, accipere Sarmatas, omnibusq; viribus copias augere, & mox auctus

Parthi, ignaro rege, mittunt legatos ad Tiberium, & nouum Principi ſibi expoſcunt. Phraates ex gente Arſacidarum ſubſtituitur rex Parthorum, qui obiit in itinere.

Tiridates eiufdem ſanguinis creatur rex Parthi.

L. Vitellius præficitur Orienti.

Hyberi potiuntur Armenia.

auctus auxilio, Orodem sociorum inopem, vocare ad pugnam, & detrectantem incessere, adequitare castris, infensare pabula, ac sæpè modum obsidij stationibus cingebat, donec Parthi contumeliarum insolentes, circumfisterent regem, poscerent prælium, atque illis sola inequite vis. Pharasmanes & pedite valebat. Nam Hyberi Albaniq̃ue, saltuosos locos incolentes, duritiæ patientiæq̃ue magis insueuere. Cæterum directâ vtrinque acie, Parthus imperium Orientis, claritudinem Arsacidarum; contraq̃ue ignobilem Hyberum mercenario milite, dislerebat. Pharasmanes integros semet à Parthico dominatu: quantò maiora peterent, plus decoris victores, aut si terga darent, flagitij atque periculi laturos: simul horridam suorum aciem, picta auro Medorum agmina, hinc viros, inde prædam ostendere. Variæ hinc bellantium species, cum Parthus sequi vel fugere pari arte suctus, distraheret turmas, spatium ictibus quæreretur. Diu vario atque ancipiti Marte vtrinque pugnatum est, donec tandem Orode à Pharasmane per galeam vulnerato, fama tantum occisi falsò credita, exterruit Parthos, victoriamq̃ue concessere. Tum omissa Armenia, versèq̃ue Artabani res, qui mox cum aliquot ex suis in longinqua & contermina Scythiæ fugam maturauit spe auxilij, quia Hircanis Carmanisq̃ue per adfinitatem innexus erat. Atque interim posse Parthos absentium æquos, præsentibus mobiles ad pœnitentiam mutari. At profugo Artabano, & flexis ad nouum regem populariû animis, Teridates, adiuuante etiam Vitellio, regni gubernacula suscepit. quem postea in regio solio collocatum, monet, vt Phraatis aui, & altoris Cæsaris meminerit, primores autem, vt obsequium in regem, & reuerentiâ in Romanos, decus quisq̃ suum & fidem retineant. Exin ostentasse Romana arma satis ratus, cum legionibus in Syriam remeauit. Teridates interim, volentibus Parthis, Nicephorium, & Anthemusiada, cæterasq̃ue vrbes, quæ in Macedonia sitæ, Græca vocabula usurpant, Halumq̃ue & Artemitam, Parthica oppida recepit, certantibus gaudio, qui Artabanum Scythas inter eductum, ob sequitiam execrati, come Teridatis ingenium Romanas per artes sperabant. Inde Seleucia petita, in qua ciuitate, septa muris, & summa potentia atque opibus florenti, regia pompa exceptus est, atque illinc Ctesiphon sedes imperij, vbi Surena, multis proceribus coram approbâtibus, patrio more Teridatem insigni regio cuiunxit. Dum verò ibi primores regni, & in primis Phraatem, & Hieronem, qui validissimas præfecturas obtinebant, seque breui affuturos per literas erant polliciti, opperitur, nimis longam moram protraxit. Ac si statim interiora, cæterasq̃ue nationes petuisset, oppressa cunctantium dubitatio, & omnes in vnum cedebant. Adsidendo castellum, in quod pecuniam & pellices Artabanus contulerat, dedit spatium exuendi pacta. Nam Phraates & Hiero, & si qui alij, dilectum capiendò diademati diem non concelebrauerant, pars metu, quidam inuidia in Abdagesen, qui tum aula, & nouo rege potiebatur, ad Artabanum vertere. Isq̃ue in Hircanis repertus est, inluuie obsitus, & alimenta arcu expediens: ac primo tanquam dolus pararetur, territus, vbi data fides reddendæ dominationi venisset, adleuatur animum, & quæ repentina mutatio, exquirat. Tum Hiero pueritiam Teridatis increpat, neque penes Arsacidem imperium, sed inane nomen apud imbellem externa mollitia: vim in Abdagesi domo. Sensit vetus regnandi, falsos in amore, odia non fingere,

Prælium inter Persas & Hyberos.

Pharasmanis victoria adversus Orodem.

Artabani fuga.

Vitellij cohortatio ad noni reges Provinciales.

Eiusdem discessus in Syriam.

Surena Teridatem insigni regio cuiunxit.

Longa mora & cunctatio Teridati noxia.

Artabanus
quorundam
procerū au-
xilium amissū
regnum re-
cuperat.

Teridates
aufugit in
Syriam.

nec ultra moratus quàm dum Scytharum auxilia conciret, pergit properus, & praeueniens inimicorum astus, amicorum poenitentiam: neque exuerat pedorem, ut vulgum miseratione aduerteret, prompti firmarentur. Iamque multa manu propinqua Seleucia aduentabat, cum Teridates simul fama atque ipso Artabano perculsus, distrahi consiliis, iret contra, an bellum cunctatione tractaret. Quibus praelium & festinati casus placebant dissectos & longinquitate itineris fessos, ne animo quidem satis ad obsequium coaluisse disserunt, proditores nuper hostesque eius quem rursus foueant. Verum Abdageses regrediendum in Mesopotamiam censebat, ut amne obiecto Armeniis Elymeisque, & cæteris à tergo excitis, aucti copiis socialibus, & quas dux Romanus misisset, fortunam tentarent. Ea sententia valuit, quia plurima auctoritas penes Abdagesen, & Teridates ignarus ad pericula erat: sed fugæ specie discessum, ac principio à gente Arabum facto, cæteri domos abeunt, vel in castra Artabani, donec Teridates cum paucis in Syriam reuectus, pudore prodicionis omnes exsoluit. Et hæc quidem gesta sunt, Tiberio adhuc superstitite. Libet autem hîc subiungere quæ de iisdem rebus, Iosephus lib. xviii. De antiquitate Iudaica posteris ac memoriæ mandarit. Postquam enim de morte Cæsaris Octauiani paulò antè narrasset, mox, in illis diebus, inquit, moritur etiam Phraates Parthorum imperator, insidiis illi à Phraate filio præparatis, secundum hunc modum. Phraates imperator, postquam legitimos filios habuit, ascivit sibi Italici generis concubinam, cui nomen erat Thermusâ, à Cæsare Iulio cum aliis muneribus hæc ei fuerat condonata, & primùm quidem ea, sicut dixi, pro concubina utebatur, captus mira pulchritudine mulieris. Procedente verò tempore, filioque ex ea Phraate suscepto, coniugem eam legitimè designauit: quam honorificè tractabat in omnibus, quicquid etiam ei diceret, obediebat. Itaque festinat, ut Parthorum principatus filio suo contingeret, quod videbat aliter fieri non posse, nisi exinde legitimos filios aliquibus argumentis excluderet: persuadet Imperatori, ut illos Romam obsides destinaret. Proinde illicò (nō enim facile fuit Phraati, dispositionibus Thermusæ resistere) Romam à patre mittuntur, & solus in regno Phraates filius nutritur. Sed postquam adoleuit, graue reputans ac molestum, ut Principatum patre tribuente susciperet, insidias præparat patri, cooperante sibi etiam matre. Nam sermo quoque ferebatur, quod ei concubitu misceretur. Itaque pro utroque facinore genti factus est exosus, tam parricidio, quàm amore matris infando: & seditionibus excitatis, antequam amplior fieret, ex regni potestate depulsus emoritur. Concordantes itaque in vnum Parthorum fortissimi, cernentesque sine Principe se non valere consistere, cœperunt inspicere, quisnam illis ex genere Arsacidarum fieret Imperator: nam aliunde fieri non licebat: vnde quoque vsque in hodiernum diem pollutum dicunt & cōtaminatum ex semine mulieris Italiæ illud imperium. Herodem itaque per legatos asciscunt. Sed postquam iste quoque suscepit imperium, cœpit inuidiosus esse multitudini, atque suspectus, propter immensam crudelitatem: erat quippe ferus, & omnibus modis immitis. Hunc ergo congregati simul extinguunt. Plærique autem dicebant, quod cum in sacrificiis inter altaria peremerunt: nam eis moris erat in diuinis celebrationibus cultros portare. Apud plurimos tamen opinio illa est, quod dum venatum

natum pergit, occisus fuerit. Legationē itaque Romā mittunt, vnum ex obsidibus ad imperium postulantes: & mittitur illis Vonones, cæteris suis fratribus antelatus, quod iudicabatur fortunam suam potestatemque non insolenter aut nimie tractaturus. Sed Barbaræ multitudinis celerrima conuersio suboritur. Siquidem sunt etiam natura mutabiles. Mansuetudinem itaque eius cœperunt contemnere, indignum putantes, vt seruo subiicerentur alieno. Nam obsidum seruitutem esse definiebant: neque enim iure belli datum, sed quod prius putabant, in pace ad iniuriam suæ gentis & regni alienigenis esse contraditum. His ergo querelis gens vniuersa commota, illum proturbat imperio, confestimque Artabanum euocant Medorum regem, ab Arsacidarum genere descendente. Persuassus itaque Artabanus, venit cum omni militia. Cui Vonones occurrit, & multitudine congregata Parthorum, cum eo, bello congreditur. Artabanus autem victus, confugit ad montes Mediæ, & non post multum temporis, congregas etiam ipse magnas turmas exercitus, cum Vonone cōfigit, & victus Vonones, cum paucis ad Seleuciam fugit equitatu. Artabanus autem fuscum Parthorum exercitum insequens, magnam stragem edidit. Tunc Barbaris grandi metu compressis, ad Ctessiphontem cum magna multitudine perrexit. Illo itaque Parthis imperante, Vonones in Armeniam venit, & primò quidem in illa regione cœpit imperare, deinde verò ad Romanos legationē mittit. Sed vbi Tiberius petitionem eius abnuuit, ille rectà ad Parthos conuertitur, & bellum Artabano denunciat, quandoquidem nulla illi recuperandi regni machinatio succurrebat. Caterùm Armenij, qui circa Niphatem habitabant, Artabano fuere sociati, à quibus detentus Vonones, Syllano Syriæ rectori deditur. Ille autem ex verecundia, quoniam eum Romæ nouerat, custodiuit, honorificeque tractauit. Armeniam autem Artabanus Horodi vni suorum filiorum tradidit. Hæc Iosephus. Post mortem Tiberij, Caio Caligula Romæ rerum potiente, Parthi, seu Persæ, (nam hæc duo regna olim confusa, tunc eadem prorsus extitêre) cum regnante Artabano, nō solum Armeniam inuasissent, verùm etiam Syriæ inhiarent, L. Vitellius, cuius proximè fecimus mentionem, illi cum exercitu ad Euphratem occurrit, collatisque sermonibus, cœgit statuis Augusti Caiique, sacra facere, sancireque fœdera ad commodum & vtilitatem populi Romani, filiis eius Dario & Artabano obsidibus acceptis. Verùm enimvero hæc fœdera sub Claudio Caij successore ab eis violata sunt, quandoquidem Armeniam iterum suo imperio adiecerunt, & Romanorum legiones sub iugum misere. At breui post, Mithradates, qui antea ipsis Armeniis imperitauerat, monente Claudio, in regnum remeavit, sisus Pharasmanis opibus. Is rex Hiberis, idemque Mithradatis frater. Interea temporis, in Perside omnia intestinis simultatibus laborabāt, summaque imperij ambigua, minora sine cura haberi. Nam inter Gotarzis pleraque sæua, (qui necem fratri Artabano, coniugique, ac filio eius maturauerat, vnde metus eius in cæteros) acciueri Vardanem Artabani fratrem. Ille, vt erat magnis ausis promptus, biduo tria millia stadiorum conficit, ignarumque & exterritum Gotarzem proturbat: neque cunctatur, quin proximas præfecturas corripiat, solis Seleucensibus dominationem eius abnuentibus, in quo, vt patris sui quoque defectores ira magis quàm ex vltu præsentis accensus, implicatur obfi-

L. Vitellius
rem contra
Artabanum
prælarè
gerit.

Persæ iterum
à Romanis
desiciunt, &
occupant Ar-
meniam.

Seditiones in
Persia, à Go-
tarze fratre
Artabani ex-
citatae.
Vardanes
accessit ad
Persis.

obsidione urbis valide, & munimentis obiecti amnis, muroque & com meatibus firmata. Interim Gotarzes Daharum Hircanorumque opibus auctus, bellum renouat, coactusque Vardanes omittit Seleuciam, Bactrianos apud campos castra contulit. Tunc distractis Orientis viribus, & quoniam inclinarent incertis, casus Mithradati datus est occupandi Armeniam vi militis Romani ad excidenda castellorum ardua, simulque Hybero exercitu campos persultante. Nec enim restitere Armenij, fuso qui praelium ausus erat Demonaeste praefecto. Paululum cunctationis attulit rex minoris Armeniae Cortys, versis illuc quibusdam procerum, deinde literis Caesaris coërcitus. At Parthi imperatores, cum pugnam pararent, foedus repente faciunt, cognitis popularium insidiis, quas Gotarzes fratri patefecerat, congressique primo cunctanter, deinde complexi dextras more Persarum apud altaria deum perigere, fraudem inimicorum vlscisci, atque ipsi inter se concedere. Potior Vardanes visus retinendo regno. At Gotarzes, ne quid æmulationis existeret penitus, in Hyrcaniam abiit, regressoque Vardane, deditur Seleucia septimo post defectionem anno, non sine dedecore Parthorum, quos una ciuitas tamdiu eluserat. Exin validissimas praefecturas inuasit, & animum ad recuperandam Armeniam adiecit. Sed Vibio Marso Syriae legato bellum minitante, ab ea expeditione supersedit. Atque interim Gotarzes poenitentia concessi regni, & reuocante nobilitate, cui in pace durius seruitium est, contrahit copias, & huic contra itum ad amnem Erindem, in cuius transgressu multum certato, peruenit Vardanes, prosperisque praeliis medias nationes subegit ad flumen Ginden, quod Dahas Ariosque determinat: nam Parthi, quanquam victores, longinquam militiam aspernabantur. Igitur exstructis monimentis, quibus opes suas testabantur, nec cuiquam ante Arfacidarum tributa illis de gentibus parata, regreditur, ingens gloria, atque eo ferocior, & subiectis intolerantior. Qui dolo ante composito, incautum venationique intentum, interfecere primam intra iuuentam, sed claritudine paucos inter senum regum, si perinde amorem inter populares, quam metum apud hostes quaesiuisset. Nece Vardanis, turbata Parthorum res inter ambiguos quis in regno acciperetur. Multi ad Gotarzen inclinabant, quidam ad Meherdates filium Vononis, obsidem Romanis datum. Sed praeualuit Gotarzes, potiusque regia, per seruitiem ac luxum adegit Parthos mittere ad principem Romanum occultas preces, quis permitti Meherdates patrium ad fastigium orabant. Legati Romam profecti, Senatum ingrediuntur, mandata in hunc modum incipiunt: Non se foederis ignaros, nec defectione à familia Arfacidarum venire, sed filium Vononis nepotem Phraartis accersere aduersus dominationem Gotarzis, nobilitati plebi que iuxta intolerandam. Iam fratres, iam propinquos, iam longius sitos, caedibus exhaustos: adiici coniuges grauidas, liberos paruos, dum secors domi, bellis infastus, ignauiam seuitia tegat. Veterem sibi ac publice ceptam cum Romanis amicitiam, & subueniendum sociis virium æmulis, cedentibusque per reuerentiam. Ideo Regum obsides liberos dari, ut, si domestici imperij tædeat, sit regressus ad Principem patresque, quorum moribus assuefactus rex melior ascisceretur. Vbi hæc atque talia dissertauere, incipit orationem Caesar, de fastigio Romano, Parthorumque obsequiis: seque diuo Augusto adæquabat, petitem ab eo regem referens, omissa

Mithradates
Romanis ad-
inuantibus
inmadit Ar-
meniam.

Gotarzes &
Arabibus
inuitem res
conciliantur.

Vardanis vi-
ctoria acher-
sus Gotarzē.

Eiusdem ca-
des.

Meherdates.
Perse ob ty-
ranidē Go-
tarzē Me-
herdates Ro-
ma accer-
sum.

Cui dentur
obsides regū
liberi.

omissa Tiberij memoria, quanquam is quoque miserat. Addiditque præcepta, etenim aderat Meherdates, ut nō dominationem & seruos, sed rectorem & ciues cogitaret, clementiamque ac iustitiam quantō ignara Barbaris, tantō tolerantiora capesseret. hinc versus ad legatos, extollit laude alumnū vr̄bis, spectata ad id modestiē: ac tamen ferenda Regum ingenia, neque vsui crebræ n̄tationes. rem Romanam huc satietate gloriæ prouectam, ut externis quoque gentibus quietem velit datam. Post hæc C. Cassio qui Syriæ præerat, deducere iuuenem ripam ad Euphratis iubet. Is primò excitis quorum de sententia peritus rex, positisque castris apud Zeugma, vnde maximè peruius amnis, postquam illustres Parthi, rexque Arabum Acharus aduenerrat, monet Meherdatem, Barbarorum impetus acres cunctatione languescere, aut in perfidiam mutari, itaque vr̄geret cœpta. Quod spretū fraude Arabi, qui iuuenem ignarum, & summam fortunam in luxu ratum, multos per dies attinuit apud oppidum Edessam. Et vocante Carrhenē, promptasque res ostentante, si citi aduenissent, non cominus Mesopotamiam, sed flexu Armeniam petunt id temporis importunam, quia hyems occipiebat. Exin niuib. & montibus fessi, postquam campis propinquabant, copiis Carrhenis adiunguntur. Transiitque amne Tigri, permeant Adiabenos, quorum rex Iulianus societate Meherdatis palam induerat, in Gotarzen per occulta & magis fida inclinabat. Sed capta in transitu vr̄bs Ninus vetustissima sedes Assyriæ, & Arbela, castellum insignē fama, quod postremo inter Dariū atque Alexandrum prælio Persarum illic opes conciderant. Interea Gotarzes apud montem, cui nomen Sābulos, vota diis loci suscipiebat, præcipua religione Herculis: qui tempore statuto per quietem monet sacerdotes, ut templum iuxta, equos venatui adornatos sistant. equi ubi pharetras telis onustas accipere, per saltus vagi, nocte demum vacuis pharetris, multo cum anhelitu redeunt. Rursus Deus quas Sylvas penetrarunt, nocturno visu demonstrat: reperiunturque fusæ passim feræ. Cæterum Gotarzes nondum satis aucto exercitu flumine Corma pro munimento vti. Et quanquam per insectationes & nuntios ad prælium vocaretur, necere moras, locos mutare, & missis corruptoribus, exuendam ad fidem hostes emercari. Ex quib. Ezates Adiabenus, mox Acharus Arabum cum exercitu abscedit, leuitate gentili, & quia experimentis cognitum est, Barbaros malle Roma petere reges, quàm habere. At Meherdates validis auxiliis nudatus, cæterorum proditione suspecta, quod vnum reliquum, rem in casum dare, prælioque experiri statuit. Nec detrectauit pugnam Gotarzes, diminutis hostibus ferox. Concursumque magna cæde, & ambiguo euentu, donec Carrhenem profligatis obuensis, longius euectum integer à tergo globus circumueniret. Tum omni spe perditā, Meherdates promissa Parrhacis paterni clientis secutus, dolo eius vincitur, traditurque victori. Atque ille non propinquum, neque Arsacis de gente, sed alienigenam & Romanū increpans, auribus decisis viuere iubet, ostentui clementiæ suæ, & in Romanos dehonestamento. Dein Gotarzes morbo obit, accusque in regnū Vonones, Medis tū præsidēs. De hoc nulla prospera, aut aduersa quis posset recēdere, quippe qui breui & inglorio imperio perfunctus sit, resque Parthorum in filium eius Vologesen translata. Hic post regni habenas, & gubernacula suscepta, casum inuadendæ Armeniæ obuēnisse ratus,

Meherdates
amittit regnū
propter mi-
niam cun-
ctationem,
& nonnul-
lorum proce-
rum perfidia.

Ninos et Ar-
bela capiuntur.
à Meherdate.

Gotarzes
astutia.

Conflictus
inter Gotar-
zen & Me-
herdatem, in
quo Meher-
dates doloca-
piunt, & tra-
duntur victori.
Exemplum
crudelitatis.
Gotarzes
obit.

Vonones rex
Persarum.

Vologeses
Vononi suc-
cedit in re-
gno, & Pa-

corū ac Teri-
datē fratres
ornat præfe-
ctus Pro-
vinciarum.

Rhadamistus
propter saui-
tiam deter-
batur Arme-
nia, & fugit
ad Hyberos.

Zenobia
Rhadamisti
coniux, ab eo
vulnerata, et
in Araxim
flumē proje-
cta, à pasto-
ribus illinc
extrahitur, et
viva ad Te-
ridatem per-
ducitur.

Romanorum
expeditio pro
recuperanda
Armenia,
duce Domi-
tio Corbulone.

Vologeses
eradii obsides
Romanis.

tus, quam à maioribus suis possessam, Rhadamistus externus rex flagitio obtineret, contrahit copias, fratremque Teridatem, (nam alterum, maiorem natu, Pacorum nomine, Medis præfecerat) deducere in regnum parat, ne qua pars domus sine imperio ageret. Incessu Parthorum sine acie pulsi Hyberi, vrbesque Armeniorum Artaxata & Tigranocerta iugum acceperunt. Dein atrox hyems, seu parum prouisi comœatus, & orta ex utroque tabes, perpel- lunt Vologesem omittere præsentia: vacuumque rursus Armeniam Rhadamistus inuasit, truculentior quam antea, tanquam aduersus defectores, & in tempore rebellaturos. Atque illi, quamuis seruitio fucti, patientiam abrum- punt, armisque regiam circumueniunt. Nec aliud Rhadamisto subsidium fuit, quam pernicitas equorum, quibus seque & coniugem abstulit. Sed coniux grauida, primam utcumque fugam ob metum hostilem & mariti caritatem tolerauit. Post, festinatione continua, ubi quati uterus, & viscera vibrantur, orare, ut morte honesta contumeliis captiuitatis eximeretur. Ille primò amplecti, alleuare, adhortari, modò virtutem admirans, modò timore æger, ne quis relicta potiretur. Postremò violentia amoris, & facinorum non rudis, distringit acinacem, vulneratamque; ad ripam Araxis trahit, flumini tradit, ne corpus etiam auferretur. Ipse præceps Hyberos ad patrium regnum perua- dit. Interim Zenobiam, id mulieri nomen, placida illuic, spirantem ac vitæ manifestam aduertere pastores, & dignitate formæ haud degenerem repu- tantes, obligant vulnus, agrestia medicamina adhibent, cognitoque nomine, & casu, in urbem Artaxata ferunt; unde publica cura deducta ad Teridatem, comiterque excepta, cultu regio habita est. At Romæ, ubi turbidis rumori- bus nuntiatum est, prorupisse rursus Parthos, & rapi Armeniam, quæ aut semper Romanæ ditionis extiterit, aut subiecta regi quem Romanus Impe- rator delegisset, pulso Rhadamisto, qui sæpe regni eius potitus, dein profu- gus, tum quoque, ut diximus, bellum deseruerat, continuò inter patres di- gressis sententiis disceptatum est, quam ratione hostis propulsi posset, ea- que cura tanto magis eos sollicitabat, quò, paulo antè Claudio humanis re- bus subtrac- to, Neronem principem nacti erant vix septemdecim annos e- gressum. Visum est tamen de imperij Romani maiestate, ut delectis ad hoc præcipuis belli ducibus, primo quoque tempore hæc iniuria vindicaretur. Itaque assentiente Cæsare, decretum est, ut copiae Orientis ita diuiderentur, ut pars auxiliarium cum duabus legionibus apud prouinciam Syriam, & le- gatum eius Quadratum Numidium remaneret, pars ciuium sociorumque numerus Domitio Corbuloni esset, additis cohortibus, aliisque, quæ apud Cappadociam hyemabant. Socij reges prout bello conduceret, parere iussi. sed studia eorum in Corbulonem, virum, præter generis claritudinem, sin- gulari prudentia, fortitudine rei que militaris gloria florentem, promptiora erant, qui, ut famæ inseruiret, quæ in nouis cœptis validissima est, itinere pro- perè confecto, apud Aggæas ciuitatem Ciliciæ, obuium Quadratum habuit, illuc progressum, ne si ad accipiendas copias Syriam intrauisset Corbulo, omnium ora in se conuerteret. Cæterum uterque Vologesem regem nun- tiis monebant, pacem, quam bellum mallet, datisque obsidibus, solita pri- oribus reuerentiam in populum Romanum continuaret. Et Vologeses, quò bellum ex æquo modo pararet, an ut æmulationis suspectos per nomen ob- sidum

fidum amoueret, tradit nobilissimos ex familia Arfacidarum, accepitque eos centurio Hastorius ab Vinidio missus, fortè priore de causa adito rege. Quod postquam Corbuloni cognitum est, ire præfectum cohortis Arrium Varum, & recipere obsides iubet. Hinc ortum inter præfectum & centurionem iurgium, ne diutius externis spectaculo esset, arbitrium rei obsidibus legatisque, qui eos ducebant, permissum. Atque illi ob recentem gloriam, & inclinatione quadam etiam hostium, Corbulonem prætulere. Vnde discordia inter duces, querente Vinidio, prærepta, quæ suis consiliis patrauisset, testante contra Corbulone, non prius conuersum regem ad offerendos obsides, quàm ipse dux bello delectus, spes eius ad metum mutaret. Nero, quò componeret diuersos, sic euulgari iussit: Ob res à Quadrato & Corbulone prosperè gestas, Laurum fascibus imperatoriis addi. Ceterum proximi anni principio, molibus adhuc initiis prolatatum inter Parthos Romanosque de obtinenda Armenia bellum acriter sumitur: quia nec Vologeses sinebat fratrem Teridatem dari à se regni expertem esse, aut alienæ id potentiæ donum habere: & Corbulo dignum magnitudine populi Romani rebatur, parta olim à Lucullo Pompeioque recipere. Adhæc, Armenij ambigua fide vtraque arma inuitabant, situ terrarum, similitudine morum Parthis propiores, connubiisque permixti, ac libertate ignota illuc magis ad seruitium inclinantes. Proinde vndiquaque habito delectu, iamque appetente vere, statuit manifesto bello Armeniam inuadere. His rebus cognitis Teridates, misit legatos literasque ad Corbulonem, qui suo Parthorumque nomine exposcullarent, cur datis nuper obsidibus, redintegrataque amicitia, quæ nouis quoque beneficiis locum aperiret, vetere Armeniæ possessione depelleretur. Ideo nondum ipsum Vologesem commotum, quia causa, quàm vi agere mallet. Sin perstaretur in bello, non defore Arfacidis virtutem fortunamque, sæpius clade Romana expertam. Ad ea Corbulo, satis comperto, Vologesem defectione Hircaniæ attineri, suadet Teridati precibus Cæsarem aggredi: posse illi regnum stabile, & res incruentas contingere, si omiſsa spe longinqua & fera, præsentem potioremque sequeretur. Placitum dehinc, quia commeantibus inuicem nuntiis, nihil in summa pacis proficiebatur, colloquio ipsorum tempus locumque destinari. Sed cum alter alteri diffideret, mutuus congressus impeditus est, ac vterque hostiliter agere incipit. Et Corbulo, ne irritum bellum traheretur, utque Armenios ad sua defendenda cogeret, excindere parat castella, sibi que quod validissimum in ea præfectura cognomento Volandum, sumit: minora Cornelio Flacco legato, & Isteo Capitoni castrorum præfecto mandat. Tantus inde ardor certantis exercitus fuit, ut præfati oppidi mœnia, intra tertiam diei partem propugnatoribus nudata sint, obices portarum subuersi, capta escensu munimenta, omnesque puberes trucidati, nullo milite amisso, paucis admodum vulneratis, & imbelles vulgus sub corona venundatum, reliqua præda victoribus cessit. Pari fortuna legatus ac præfectus vfi, tribusque vna die castellis expugnatis, cætera terrore, & alia sponte incolarum, in deditionem veniebant: vnde orta fiducia, caput gentis Artaxata aggrediendi: nec tamè proximo itinere ductæ legiones; quæ si amnem Araxem, qui mœnia alluit, ponte transgrederentur, sub ictum dabantur: procul & latioribus vadis transuere. At Teridates pudore & metu, ne si concessisset

Discordia
inter duces
Romanos
propter obsi-
des Partho-
rum exorta.
Eadem com-
posita per
Neronem.

Bellum inter
Persas &
Roman.

Teridates
misit legatos
ad Corbulo-
nem.

Corbulonis
fidelissimum
consilium
datum Teri-
dati.

Volandum
expugnatur
à Corbulone.

L

obsi-

Exercitum
Corbulo in-
struit ad pu-
gnam inuen-
tam.

Teridates
discedit cum
suis copiis.

Artaxata de-
ditur Roma-
nis & dirui-
tur.

Coniunctio
patefacta.

obsidioni, nihil opis in ipso videretur, si prohiberet, impeditis locis seque & equestres copias illigaret, statuit postremo ostendere aciem, & dato die praelium incipere, vel simulatione fugae, locum fraudi parare: igitur repente agmen Romanum circumfundit, non ignaro duce Romanorum, qui viam pariter & pugnae composuerat exercitum: latere dextro tertia legio, sinistro sexta incedebat, mediis decumanorum delectis: recepta inter ordines impedimenta, & tergem mille equites tuebantur, quibus iusserat, ut instantibus cominus resisterent, refugos non sequerentur. In cornibus pedes sagittarius, & caetera manus equitum ibat, productior cornu in sinistro per ima collum, ut si hostis intrauisset, fronte simul & sinu exciperetur. Assaultare ex diverso Teridates, non usque ad iactum teli, sed tum minitans, tum specie trepidantis, si laxare ordines, & diuersos confectari posset. Vbi nihil temeritate solutum, nec amplius quam decurio equitum audentiùs progressus, & sagittis confixus, caeteros ad obsequium exemplo firmauerat, propinquis iam tenebris abscessit. Et Corbulo castra in loco metatus, an expeditis legionibus nocte Artaxata pergeret, obsidioneque circumdaret, agitauit, concessisse illuc Teridatem ratus. Dein postquam exploratores attulere longinquum regis iter, & Mediam Albani peterentur, incertum, lucem opperitur: praemissaque leui armatura, quae muros interim ambiret, oppugnationemque eminens inciperet. Sed oppidani, portis sponte patefactis, se suaque Romanis permiscere, quod salutem ipsis tulit, Artaxatis ignis imminis, deletaque & solo aequata sunt, quia nec teneri sine valido praesidio ob magnitudinem moenium, nec id virum eo tempore Romanis erat, quod firmando praesidio, & capessendo bello diuideretur. Vel si integra & incustodita relinquerentur, nulla in eo utilitas aut gloria, quod capta essent. Corbulo, post deleta Artaxata, utendum recenti terrore ratus, ad occupanda Tigranocerta, quibus excisis, metum hostium intenderet, vel si perpercisset, clementiae famam adipisceretur: illuc pergit non infenso exercitu, ne spem veniae auferret: neque tamen remissa cura, gnarus facilem mutatu gentem, ut segnem ad pericula, ita infidam ad occasiones. Barbari pro ingenio quisque, alij preces offerre, quidam deserere vias, & in auia digredi, ac fuere qui se speluncis, ac carissima secum abderent. Igitur dux Romanus diuersis artibus, misericordia aduersus supplices, celeritate aduersus profugos, immitis iis qui latebras infederat, ora & exitus specuum sarmentis virgultisque completos, igni exurit. Atque illum fines suos praetergredientem incurrauere Mardi, latrocinii exerciti, contraque irrumpentem montibus defensi, quos Corbulo immissis Hyberis vastauit, hostilemque audaciam externo sanguine ultus est. Ipse exercitusque, ut nullis ex pretio damnis, ita per inopiam & labores fatiscabant, carne pecudum propulsare famem adacti. Adhuc, penuria aquae, feruida aestas, longinqua itinera, sola ducis patientia mitigabantur, eodem plura, quam gregario milite tolerante. Ventum dehinc in locos cultos, demissaque segetes, & ex duobus castellis in quae confugerant Armenij, alterum impetu captum, qui primam vim depulerant, obsidione coguntur. Vnde in regionem Taurauntium transfessus, improuifum periculum vitauit. Nam haud procul tentorio eius, non ignobilis Barbarus cum telo repertus, ordinem insidiarum, seque auctorem & socios per tormenta edidit. Conuictique & puniti sunt, qui specie amicitiae do-

tia dolum parabant. Nec multò post, Legati Tigranocerta missi, patere mœnia afferunt, intentos popularis ad iussa. Simul hospitale donum coronam auream tradebant. Accepitque cum honore, nec quidquam vrbi detractum, quò promptius obsequium integri retinerent. At præsidium regium, quod ferox iuuentus clauserat, non sine certamine expugnatum est. Nam & prælium pro muris ausi erant, & pulsi intra munimenta aggeris, demum irru-
 pentium armis cessere: quæ facilius proueniebant, quia Parthi Hyrcano bello distinebantur. Miserantque Hyrcani ad Principem Romanum societatem oratum, attineri à se Vologesen pro pignore amicitia ostentantes. eos regredientes Corbulò, ne Euphratem transgressi, hostium custodiis circumuenerentur, dato præsidio ad littora maris rubri deduxit. Vnde vitatis Parthorum finibus, patrias in sedes remeauere. Quin & Teridatem per Medos extrema Armeniæ intrantem, præmisso cum auxiliis Verulano legato, atque ipse legionibus citis, abire procul, ac spem belli amittere subegit. quosque Romanis ob regem auersos animi cognouerat, cædibus & incendiis perpopulatus, possessionem Armeniæ vsurpabat: cum aduenit Tigranes à Nerone ad capescendum imperium delectus, Cappadocum ex nobilitate, regis Archelai nepos, sed quòd diu obses apud urbem fuerat, vsque ad seruilem patientiam demissus. Nec consensu acceptus, durante apud quosdam fauore Arsacidarum. At plerique superbiam Parthorum perosi, datum à Romanis regem malebant. Additum etiam præsidium mille legionarij, tres sociorum cohortes, duæque equitum alæ, & quò facilius nouum regem tueretur, pars Armeniæ vt cuique finitima, pars Nipoli & Aristobolo atque Antiocho parere iussæ sunt. Corbulo in Syriam accessit, morte Vinidij legati vacuum ac sibi permissam. Interea Vologeses, cognitis Corbulonis rebus, regemque alienigenam Tigranem Armeniæ impositum, simul fratre Teridate pulso, spretum Arsacidarum fastigium ire vltum volens, magnitudine rursus Romana & continui fœderis reuerentia, diuersas ad curas trahebatur, cunctator ingenio, & defectione Hyrcanorum gentis validæ, multisque ex eo bellis illigatus. Atque illum ambiguum nouus insuper nuntius contumeliæ exstinguit. Quippe egressus Armenia Tigranes, Adiabenos conterminam nationem, latius ac diutius quàm per latrocinia vastauerat. Idque primores gentium ægrè tolerabant, eò contentionis descensum, vt ne duce quidem Romano incurfarentur, sed temeritate obsidis, tot per annos inter mancipia habiti. Accendebat dolorem eorū Monobazus, quem penes Adiabenum regimen, quod præsidium, aut vnde peteret, rogians. Iam de Armenia concessum, proxima trahi, & nisi defendant Parthi, leuius seruitium apud Romanos deditis, quàm captis esse. Teridates quoque regni profugus, per silentium haud modicè querendo, grauior erat. Non enim ignauia magna imperia contineri, virorum armorumque faciendum certamē. Id in summa fortuna æquius, quod validius. Et sua retinere priuatæ domus: de alienis certare, regiam laudem esse. Igitur commotus his Vologeses, concilium vocat, & proximum sibi Teridatem constituit, atque ita orditur. H v n c ego eodem mecū patre
 genitum, cum mihi per ætatem summo nomine cōcessisset, in possessionem Armeniæ deduxi: qui tertius potentia gradus habetur. Nam Medos Pacorus anteceperat, videbaturque contra vetera fratrum odia & certamina, fami-

Tigranocerta facit dedicationem, & mittit Corbuloni auream coronam. Regium præsidium vi expugnatum.

Teridates proligatur ex Armenia.

Tigranes à Nerone rex Armeniæ designatur.

Syria admissio Corbulonis demittitur. Vologeses variis curis distrahitur.

Eiusdem Oratio ad proceres sui regni.

liae nostrae penates ritè composuisse. prohibent Romani, & pacem ipsis nun-
 quam prosperè laceffitam, nunc quoque in exitium suum abrumpunt. Non
 ibo inficias, æquitate, quàm sanguine, causa quàm armis retinere parta ma-
 ioribus malueram, si cunctatione deliqui, virtute corrigam. Vestra quidem
 vis & gloria in integro est, addita modestiæ fama, quæ neque summis morta-
 libus spernenda est, & à diis æstimatur: simul diademate caput Teridatis cui-
 nit, promptam equitum manum, quæ regem ex more sectabatur, Monefi
 nobili viro tradidit, adiectis Adiabenorum auxiliis: mandauitque Tigranem
 Armenia exturbari, dum ipse positus aduersus Hyrcanos discordiis, vires in-
 timas, molemque belliciet, prouinciis Romanis minitans. Quæ ubi Corbu-
 loni certis nuntiis audita sunt, legiones duas cum Verulano Seuero, & Vectio
 Bolano, subsidium Tigrani mittit, occulto præcepto, compositiùs cuncta,
 quàm festinantiùs agerent. quippe bellum habere quàm gerere malebat.
 scripseratque Cæsari, proprio duce opus esse, qui Armeniam defenderet: Sy-
 riam ingruente Vologese acriter in discrimine esse. Atque interim reliquas
 legiones pro ripa Euphratis locat. Tumultuariam prouincialium manum
 armat, hostiles ingressus præsidii intercipit. Et quia egena aquarum regio
 est, castella fontibus imposita, quosdam riuos congestu arenæ abdidit. Ea
 dum à Corbulone tuendæ Syriæ parantur, acto raptim agmine Monces, vt
 famam sui præiret, non idèò nescium aut incautum Tigranem offendit: qui
 occupauerat Tigranocerta, urbem copia defensorum & magnitudine mœ-
 nium validam. Adhæc, Nicephorius annis haud spernenda latitudine par-
 tem murorum ambit, & ducta ingens fossa, qua fluuius diffidebatur. Inerant
 milites, & prouisi ante commeatus, quorû subuectu pauci auidiùs progressi,
 & repentinis hostibus circumuenti, ira magis quàm metu cæteros accende-
 rant. Sed Partho ad exsequendas obsidiones nulla cominus audacia: raris sa-
 gittis, neque clausos exterret & semet frustratur. Adiabeni cum promouere
 scalas & machinamenta inciperent, facilè detrusi, mox erumpentibus Ro-
 manis cædunt. Corbulo tamen quamuis secundis rebus suis, moderandum
 fortunæ ratus, misit ad Vologesem, qui expostularèt vim prouinciæ illatam,
 socium amicumque regem cohortes Romanas circumfedere, omitteret po-
 tius obsidionem, aut se quoque in agro hostili castra positurum. Casperius
 centurio in eam legationem delectus, apud opidum Nisibin septem & tri-
 ginta millibus passuum à Tigranocerta distantem, adit regem, & mandata fe-
 rociter edidit. Vologesi vetus & penitus infixum erat, arma Romana vitan-
 di: nec præsentia prosperè fluebant, irritum obsidium, tutus manu & copiis
 Tigranes, fugati qui expugnationem sumserant, missæ in Armeniam legio-
 nes, & aliæ pro Syria vtrò irrumpere: sibi imbecillum equitem pabuli ino-
 pia. nam exorta vis locustarum ambederat quicquid herbidum, aut frondo-
 sum. Igitur metu abstruso mitiora obtendens, missurum ad Imperatorem
 Romanum legatos super petenda Armenia, & firmanda pace respondet. Mo-
 nesen omittere Tigranocerta iubet, ipse retrò concedit. Hæc plures, vt for-
 midine regis, & Corbulonis minis patrata & magnifica extollebant. Alij
 occultè pepigisse interpretabantur, vt omisso vtrinque bello, & abeunte Volo-
 gese, Tigranes quoque Armenia abscederet. Inter hæc, Parthus Romam le-
 gatos misit, qui, peracta legatione, infectis rebus reuersi sunt, bellumque
 propa-

Teridatis ex-
pedio in Ar-
menia duce
Monefe.

Corbulo
mittit suppe-
ritas Tigrani
aduersus
hostem.

Eiusdem pro-
nidentia in
inceda Syria.

Tigranocer-
ta à Teridate
frustra obsi-
detur.

Corbuli le-
gatio ad Vo-
logesem.

Vologes
paci cum
Romano
Imperatore
auidior quàm
belli.

Idem renocat
Monefen ab
Armenia.

Vologes
legati missi
Romam irriti
revertuntur.

propalam sumptum à Parthis, nec Cefennius Pætus, qui recens in Syriam, tuendæ provinciæ, vt Corbulo antea petierat, studio aduenerat, detraxit. Huius autem belli is tandem exitus fuit, vt Vologeses post haud mediocrem cladem Pæti incititia & imprudētia Romanis legionibus in Armenia illatam, superuētu Corbulonis cum suo exercitu, animum ad mitiora consilia flexerit, & per Vafacen præfectum equitatus à Pæto milium, pax vtrinque certis formulis & conditionibus, quibus etiam postea Nero annuit, transacta est. Harum autem præcipuæ fuerunt, vt liberarentur obsidio Romanæ legiones, & decederet omnis miles finibus Armeniæ, castellaque & commeatus Parthis traderentur. Exin Pætus per Cappadociam hibernauit. At Vologesis ad Corbulonem missi nuntij, detraheret castella trans Euphratē, annemque, vt omnium medium faceret. Ille Armeniam quoque diuersis præfidiis vacuam fieri exposculabat. Et postremò concessit rex. Diruptaque, quæ vltra Euphraten communierat Corbulo, & Armenij suo arbitratu relictī sunt. Interim veris principio, legati Parthorum mandata regis Vologesis, literasque, ad Neronem in eandem formam attulere: Se priora & toties iactata super obtinenda Armenia nunc omittere, quoniam dii quauis potentium populorum arbitri possessionē Parthis non sine ignominia Romana tradidissent. Nuper clausum Tigranem, post Pætum legionesque cum opprimere posset, incolumes dimississe. Satis approbatam vim, datum & lenitatis experimentum. Nec recusaturum Teridatem accipiendo diademati in vrbein venire, nisi sacerdotij religione attineretur. Iturum ad signa & effigies Principis, vbi legionibus coram regnum auspicaretur. Talibus Vologesis literis, quia Pætus diuersa tanquam rebus integris scribēbat, interrogatus centurio qui cum legatis aduenerat, quo in statu Armenia esset, omnes inde Romanos excessisse respondit. Tum intellecto Barbarorum irrisu, qui peterent quod eripuerant, consuluit inter primores ciuitatis Nero, bellum anceps, an pax in hoste placeret. Nec dubitatum de bello. Et Corbulo tot per annos militum atque hostium gnarus, gerendæ rei præficitur, ne cuius alterius incititia rursus peccaretur, quia Pæti piguerat. Igitur irriti remittuntur, cum donis tamen, vnde spes fieret, non frustra eadem oraturum Teridatem, si preces ipse attulisset, Syriæque exsecutio Cintio, copię militares Corbuloni permittæ, & quintadecima legio ducente Mario Celso, è Pannonia adiecta est. Scribitur tetrarchis, ac regibus, præfectisque, & procuratoribus, & qui prætorū finitimas provincias regebant, iussis Corbulonis obsequi, in tantum fermè modū aucta potestate, quem Populus Romanus Cn. Pompeio bellum Piraticum gesturò dederat. Regressum Pætum, cum grauiora metueret, facetiis insectari satis habuit Cæsar his fermè verbis: Ignoscere se statim, ne tam promptus in pauorem lōgiore solitudine ægresceret. At Corbulo quarta & duodecima legionibus, quæ fortissimo quoque amisso; & cæteris exterritis, parum habiles prælio videbantur, in Syriam translatis, sextam inde ac tertiam legiones, integrum militem & crebris ac prosperis laboribus exercitum, in Armeniam ducit. Addiditque legionem quintam quæ per Pontum agens, expers cladis fuerat. Simul quintadecimanos recens adductos, & vexilla delectorum ex Illyrico & Ægypto, quodque alarum cohortiumque, & auxilia regum in vnum conducta apud Melitenen, hæc autem est pars Susianæ, qua

*Bellum inter
Parthos &
Romanos cū
ipsum Ro-
manorum
exigua clade.
Pax puer
citam que
gentem.*

*Vologesis
legatio ad
Neronem.*

*Roma nouis
bellū contra
Parthos de-
certitur.*

*Legati Volo-
gesis redeunt
cū munerib.
Corbuloni
summa rei
gerendæ cō-
mittunt.*

*Neronis
clementia
in Patrum.*

*Corbulonis
bellici appa-
ratus, &
militaris
disciplina.*

Eiusdemora-
tio ad mili-
tes.

Legati Volo-
gesis & Te-
ridatis missi
ad Corbulo-
nem amiter
excipiuntur.

Corbulo etiā
ab hostibus
colebatur.
Vologeses pe-
tit inducias,
& Teridates
colloquium
cum Corbu-
lone.

Tiberius Ale-
xander.
Viniianus
Aminius.

Teridatis &
Corbulonis
mutuus con-
gressus.
Teridates
prior equo
deslit.
Iungunt
dexterās.

Horum col-
loquium of-
culis finitur.

Teridates
diadema
Neronis
imagini
subicit eig;
sacrificat.

Teridates à
Corbulone
communi ex-
cipiunt.

transmittere Euphratem parabat. Tum lustratum ritè exercitum ad concio-
nem vocat, orditurque magnifica de auspiciis imperatoris, rebusque à se ge-
stis, aduersam inscitiam Pæti declinans, multa auctoritate, quæ viro militari
pro facundia erat. Mox iter L. Lucullo quondam penetratum, apertis quæ ve-
tustas obsepserat, pergit. Et venientes Teridatis Vologesisque de pace lega-
tos haud aspernatus, adiungit iis centuriones cum mandatis nō immitibus.
Non enim adhuc cō ventum, vt certamine extremo opus esset. Multa Roma-
nis secunda, quædam Parthis euenisse, documento aduersus superbiam: pro-
inde & Teridati conducere intactum vastationibus regnum dono accipere,
& Vologesen melius societate Romana, quàm damnis mutuis genti Partho-
rum consulturum. Scire quantum intus discordiarum, quamque indomitas
& præferoces nationes gereret. Contrà imperatori suo immotam vbiq; pa-
cem, & vnum id bellum esse. Simul consilio terrorem adiicere, & Megista-
nas Armenios qui primi à Romanis defecerāt, pellit sedibus, castella eorum
exscindit, plana, edita, validos, inualidosque, pari metu complet. Non in sen-
sum, nedum hostili odio Corbulonis nomen etiam Barbaris habebatur, eoque
consilium eius fidem credebant. Ergo Vologeses neque atrox in summam,
& quibusdam præfecturis inducias petit. Teridates locum diemque collo-
quio poscit. Tempus propinquum, locus in quo nuper obsessa cum Pæto le-
giones erant, cum à Barbaris delectus esset, ob memoriam latioris sibi rei,
non est à Corbulone vitatus, vt dissimilitudo fortunæ gloriam augeret. Ne-
que infamia Pæti augebatur, quod cō maximè patuit, quia filio eius tribuno
ducere manipulos, atque operire reliquias malæ pugnae imperauit. Die pacta
Tiberius Alexander illustris eques Romanus Procurator Iudææ post Cu-
spium Fadum, minister bello datus, & Viuianus Annius gener Corbulonis,
nondum Senatoria ætate, quæ erat annus vigesimus quintus, sed pro legato
quintæ legioni impositus, in castra Teridatis veniēre honore eius, ac ne me-
tueret insidias tali pignore. viceni dehinc equites assumpti, & viso Corbulo-
ne, rex prior equo desiluit: nec cunctatus Corbulo, sed pedes vterque dexterās
miscuere, quod quidem apud Persas erat maximum fœdus. Exin Romanus
laudat iuuenem, ommissis præcipitibus, tuta & salutaria capeffentem. Ille de
nobilitate generis multum præfatus, cætera temperanter adiungit. Iturum
quippe Romam, laturumque nouum Cæsari decus, nō aduersis Parthorum
rebus supplicem Arfaciden. tum placuit Teridaten ponere apud effigiem
Cæsaris insigne regium, nec nisi manu Neronis resumere, & colloquium of-
culo finitum. Dein paucis diebus interiectis, magna vtrunque specie, inde
eques compositus per turmas, & insignibus patriis, hinc agmina legionum
stetere fulgentibus aquilis, signisque & simulacris deū in modum templi.
Medio tribunal sedem curulem, & sedes effigiem Neronis sustinebat. Ad
quam progressus Teridates, cæsis ex more victimis, sublatum capite diade-
ma imagini subiecit, magnis apud cunctos animorum motibus, quos auge-
bat insita adhuc oculis exercituum Romanorum cædes, aut obsidio. At
nunc versos casus: iturum Teridatem ostentui gentibus, quāto minus quā
captium? Addidit gloriæ Corbulo comitatem, epulasque, & rogitante rege
causas, quoties nouum aliquid aduerterat, vt initia vigiliarum per centurio-
nem nuntiari, conuiuium buccina dimitti, & structa ante Auguralem aram
subdita

subdita face accendi: cuncta in maius extollens, admiratione prisca moris affecit. postremo die spatium orauit, quo tantum itineris aditurus, fratres antè, matremque viseret: obsidem interea filiam tradit, literasque supplices ad Neronem. Et digressus, Pacorum apud Medos, Vologesen Ecbatanis reperit, non incuriosum fratris: quippe & propriis nuntiis à Corbulone petierat, ne quam imaginem seruitij Teridates perferret, neu ferrum traderet, aut complexu prouincias obtinentium arceretur, foribusque eorum assisteret, tantusque Romæ, quantus Consulibus honor esset. scilicet externæ superbiæ fuero, nō erat notitia Romanorum, apud quos ius imperij valet, inania trāsmittuntur. Nec inultò pōst Teridates habens secū non solum suos, sed etiam Vologesi, Pacori, & Monobazi liberos, Romam deductus est, fuitque eorum iter vt in triumphis per omnes regiones ab Euphrate. Vigebat Teridates ætate, forma, nobilitate, prudentia, magnōque famulorum comitatu & apparatu regio: consequebantur eum tria millia equitum Parthorū, cum frequentibus Romanis, eūmq; vrbes magnificè ornata, ac populi magnis lætisque clamoribus excipiebant: quæq; necessaria erant, omnia gratis ei præstabantur. In quam rem populus Romanus sumptū faciebat singulis diebus octingēta sestertia, idque nouem mēsis, quibus iter fecit, factum est. Teridates equo vbique vehebatur, quousque in Italiam venit: itidem vxor eius faciebat, gerebatque galeam auream pro integumento, ne contra morem patriæ conspiceretur. In Italia vehi cœpit curribus à Nerone missis, ad eūque Neapolim per agrum Picentinum venit. Dum Neronem conueniret, quanquam iussus est gladium quem gerebat, deponere, tamen noluit, sed eum vaginæ clauis affixit: quamuis illum genu flexo, ac manus vicissim ad celum tendens, veneratus, dominum appellauerit: Hunc Nero ob eam causam admiratus, benignè & comiter excipit, ac præter cætera, Ludos gladiatorios Puteolis facit. Præfectus ludorum fuit Patrobius libertus eius, tantaq; fuit eorum magnificentia, atque sumptus, vt vnius diei spatio, nemo præter viros & mulieres, & pueros Æthiopes amphitheatrum ingrederetur, quibus de causis Patrobius aliquo honore dignus erat. Ibi Teridates de superiore loco, in quo sedebat, belluas iaculo traiecit, duosque tauros vno ictu, si tamen credibile est, vulnerauit ac confecit. His perfectis rebus, Nero Romam eum abduxit, ei que diadema imposuit. Ibi tota vrbe luminibus fertisq; ornata, magna visa est vbiq; hominum multitudo, sed forum in primis refertum erat. nam populus albat, laureatusque certis ordinibus medium forum tenuit: cætera tenebant milites armati splendidissime, eorumq; arma & signa relucebant, instar fulguris, nulliusque apparebant ædificij tecta, propter multitudinem eorum qui in ea ascenderant. Quibus rebus de nocte comparatis, Nero ornatus veste triumphali, prima luce forum introiit cum Senatu & prætorianis militibus, deinde tribunal conscendit, & in sede principali consedit. Teridates cum iis, quos secum habebat, per ordines armatorum, qui vtrinque instructi fuerant, transiit. pōst vbi ad tribunal veniunt, Neronem, vt antea fecerant, venerantur. Quas ob res editis magnis clamoribus, Teridates perterritus, mutusque, quasi actum de se foret, aliquanto tempore remansit. Sed vbi indicto silētio, animum recepit, coactus seruire tempori, & necessitati parēre, obedire non curauit, si quid paulò humilior loqueretur, adductus spe eorum, quæ

Teridates
priusquam
discedat iu-
rus ad Nero-
nem, fratres
ac matrem
inmisit, & fi-
liam obsidem
tradidit.

Teridates rex
Armeniorum
magna pōpa
Romam du-
citur.

x x. myria-
des drach.

Indi gladia-
torij apud
Puteolos à
Nerone facti.

Teridates in
spectaculis
duos vno
ictu tauros
confecit.

Teridatis ad
Neronem
oratio depre-
catoria.

postea consecutus est. Ego, inquit, domine, Arsaci nepos, Vologesi & Pacori regum frater, tuus seruus sum; venique, vt te deum meum non secus ac *μίσθεον*, id est, Solem colerem. Equidem is ero, quem tu me fato quodam efficies. Tu enim fatum meum es & fortuna. Huic Nero ita respondit: Tu quidem, quod huc veneris, rectè, inquit, fecisti, vt præsens præsente me fruereris. nam quæ neque pater tuus tibi reliquit, neque fratres, quæ dederant, seruauerunt, ea

Teridates in
Armenia re-
gē à Nerone
coronatur.

ipse tibi nunc do, teque regem Armeniæ facio, vt tu, atque illi simul intelligatis, in mea esse potestate, regna dare, & adimere. Hæc cum dixisset, iussit eum ascendere in sedē, quæ antetribunal ob eam causam parata fuerat. Tum Teridates ad pedes Neronis confedit, eiūque Nero diadema imposuit, & ingentes clamores editi sunt. Post hæc, actus est decreto Senatus celebris conuentus in theatro, cuius non modò scena, sed etiam ipsum totum circuitu intus erat inauratum, itēque cætera omnia, quæ intromittebantur, auro

Dies aureus.

ornata erant. Quibus de causis ille dies aureus nominatus est. Peripetasmata, quæ in aëre extēsa erant, ad defendendos Solis ardores, purpurea fuerunt, stellis aureis circum vndique relucentibus; in medio horum Nero currum agitans, acu pictus erat, inde magnificum conuiuium actum est. Post hæc Nero cithara publicè cecinit, currūque prasina veste indutus, & galero aurigatum ornatus agitauit. Hic Teridates Neronem reprobare, & detestari, Corbulonem in primis laudare, hoc tantum in eo reprehendere, quod talem dominum perferret. Qua de re nec ipsum quidem Neronem celauit: nam ei ita aliquando dixit: Domine, inquit, optimum seruum Corbulonem nactus es. Sed id Nero non intellexit, quod ei Teridates in cæteris rebus assentaretur, seque studiosissimè in eius familiaritatem insinaret. Cuius rei causa

Corbulonis
laus apud
Neronem à
Teridate
decanata.

Quinque
milia my-
riadū drach.

multa munera accepit, quorum pretium aiūt fuisse ad bis milles sestertium, permissumque est ei Artaxata instaurare, ob eamque causam magnum numerum fabrorum, quos partim à Nerone acceperat, partim persuaserat pecunia, Roma abduxit, ex quibus Corbulo eos tantum, quos à Nerone acceperat, passus est in Armeniam transire. Quamobrem Teridates hunc magis admirabatur, illum damnabat. Reuersus est non per Illyricum, & trans Ionium, qua via venerat, sed Brundisio Dyrrhachium nauigauit, viditque vrbes Asiæ munitissimas, atque pulcherrimas, & propter eas obstupuit imperium

Teridatis in
Armeniam
reditus.

populi Romani: post Artaxata, condita olim ab Artaxia rege, instaurauit, eaque cognominauit Neronia. Vologesus autem sæpenuerò accersitus venire ad Neronem, noluit, cui etiā ad extremū infestus fuit, atque ita rescripsit: Tibi quidem, inquit, longè facilius est tam magnum mare transire, quàm mihi. si ergo in Asiam veneris, constituemus, quando nobis congregiendum sit. Nero tamen nec aduersus eum, nec contra Æthiopas & Pylas Caspias, vti cogitabat, nauigauit: sed missis utrōque exploratoribus, in Græciam transiit, non vt maiores eius fecerant, Flaminius, Memnius, Agrippa, Augustus: sed vt currus agitare, cithara canere, præconis officio, & tragœdias ageret. Non enim Roma ei sufficebat, non Theatrum Pompeij, non Circus maximus, sed expeditione opus fuit, vt fieret, sicuti dicebat, *ὡς ἰσοδυνεῖς*, tantamque secum multitudinem adduxit, nō solum Augustalium, sed etiam aliorum hominum, quantus si bellicus exercitus fuisset, aut Parthos, aliasve gentes cepisset. At Corbulo, vt etiam de ipso, cuius proximè tam præclara

Artaxata
instaurata.
Neronis
ciuitas.

Neronis ad
Vologesum
litteræ, ac eius
responsum.

Insignis Ne-
ronis molli-
ties.

Periodonices
qui in stadio
& auriga-
tione vincit.

mentio

mentio facta est, aliquid breuiter dicatur, accitus honorificentissimè, quem virum Nero præter cetera, patrem & beneficum appellabat, postquam Cenchreas appulit, ab eodem occidi iussus est, priusquam in conspectu eius veniret. Nero enim, ut aiunt, cum statueret cithara canere, Orthostadiu, quod est musicæ vestis nomen, habens, ab eo se videri non sustinuit: sed Corbulo, ut mandatum Neronis intellexit, gladium accipit, seque ipse fortiter percutiens, ait, Ἀξιος, Dignus. Tum enim primum errorem suum agnouit, quod citharædo pepercisset, & quod ad eum inermis venisset. Hic sub Caio consulatum gesserat, & sub Claudio fuit in Germania exercitui præfectus, remque militarem, quæ iam antea dispersa & neglecta erat, primus sua tempestate restituit, ac Barbaros, præcipuè autem Chaucos vexauit, multaque præclare ac fortiter egit: cuius ubi virtutem ac studia Claudius cognouit, non passus maiora augmenta accipere, ex hostico reuocauit. Et rediit Corbulo dicto parens, hac tantum voce emissa, felices fuisse quondam exercituum duces: quod ostenderet priscis illis licuisse citra periculum præclare rem gerere, suæ virtuti Imperatoris inuidiam officere. Triumphauit tamen nihilominus. Quæ autem postea sub Nerone contra Parthos gesserit, superius aliqua ex parte ostendimus. Is non solum genere clarus & viribus corporis, sed etiam prudentissimus erat, poteratque cum veteribus Romanis comparari, vir magna fortitudine & iustitia, & fide non modò in suos, sed etiam in hostes. Cuius rei causa Nero cum pro se ad bellum gerendum misit, ei que tantam potestatem dedit, quantam vnquam nemini. Credidit enim eum superaturum esse Barbaros, & secum in fide perpetuò permanfurum: quibus in rebus haud eum fefellit opinio. Nam Corbulo reliquos homines ob hanc vnam causam offendit, quod Neroni fidem seruaret, eumque, dum principem pro illo habere cuperent, hac in re duntaxat non probabant. Cum enim propter res domi forisque summa cum laude gestas, magnam potentiam & gloriam adeptus esset, ob easque posset facillimè Imperator designari, omnibus hominibus Neroni grauiter infensus, omnesque res ipsius admirantibus, non modò nihil vnquam molitus, accusatusque nunquam est, sed tum etiam magis continēs fuit. Cæterum suæ singularis fidei, suorumque maximorum meritorum in Senatum ac populum Romanum, hunc tandem fructum ab immanissimo tyranno retulit. Verum enimuerò, ut ad rerum ordinem veniam, cum post obitum Neronis, splendidissimus quisque prætorianorum militum, & Romana Resp. Flauium Vespasianum sibi imperatorem ascisceret, Vologeses, qui multa de ipsius inclytis ac heroicis virtutibus audierat, illi per suos legatos quadraginta millia Parthorum equitum vltro obtulit ac promisit, quibus in expeditione contra Galbam ac Vitellium, eiusdem imperij æmulos, quorum quidem alter tum temporis erat in Hispaniis; alter verò in vrbe Roma, & hunc postremum fouebant Germanici milites, adiuuaret, atque ad imperium promoueret. Hæc sanè oblatio fuit magnifica & tanto rege digna. sed quoniam per id tempus, fortuna Vespasiani rebus quamplurimum fauere incœperat, duntaxat gratiæ Vologeso actæ, mandatūque, ut legatos ad senatum mitteret, & pacem esse sciret. Cum verò iam ipse, sublati tantæ æmulis, rerum potiretur, Vologesum, qui ad se scripserat his verbis: Rex regum Arsaces Flauio Vespasiano salutem: ne reprehendit quidem, sed

Corbulo à Nerone interfectus.

Mors Corbulonis.

Eius in Germania, & contra Parthos res gestæ.

Virtutes.

In Neronem fides.

Vologeses quadraginta millia Persarum pollicetur Vespasiano.

Idem in literis ad Vespasianum scriptis, vocat se regem Regum.

*Diuturna
pax inter
Persas &
Romanos.*

*Novum bellū
sub Traiano.*

*Triumphū
Traiano
Senatus de-
creti.*

*Parthorum,
Armeniorūq;
defectio à
Romanis.*

*Lucij res
gesta,
Seleucia
capta &
incensa.*

*Parthamas-
pates Partho-
rum rex à
Traiano
designatur.
Agarenorum
defectio.*

sed ei iisdem verbis, non ascriptis Imperatoriis nominibus, respondit. Sub hoc interim Imperatore, ac Tito eius filio, Domitiano, & Nerva nullum bellum inter Persas & Romanos intercessit, eaque pax continuavit usque ad tempora Traiani, ipsius Nervæ successoris, qui bellum intulit Armeniis, Parthisque, propterea quod, ut ipse dicebat, rex Armeniorum non abs se, sed à rege Persarum diadema, cæteraque regni insignia, atque iura sumpsisset. At reuera id bellum suscepit gloriæ cupiditate adductus. Namq; simul ac Parthorum & Armeniorum fines ingressus fuit, regionis satrapæ, ipsique mox reges, cum muneribus ei occurrerunt, equumque duxere ita edoctum, ut regem adoraret. Nam pedes anteriores in morem supplicantis flexit, caputque pedibus eius qui proximus esset, subiecit. Traianus cum ferè vicina omnia sine armis & certamine subegisset, in Satalam, & Elegiam Armeniæ oppida profectus, Heniochorum regem honore profecutus est. Parthamasitè verò qui in Armeniis regnabat, graviter multavit. Ita omni potitus Armenia, reges qui spontè deditionem fecissent, aut in fidem venissent, hos, ut amicos benignè habuit: qui verò contumaces obsequium abnuissent, parerèque recusarent, eos omnes paruo negotio subegit. Non multo post, Nisibi & Ecbatanis potitus, Parthicus appellatus est, quod quidem cognomen antea sibi à militibus inditum, ubi etiam Ctesiphontem occupasset, à senatu confirmatum fuit, qui etiam præter alia multa decrevit, ut triumphos quotquot vellet, ageret. Nam cum Traianus tot gentes abs se superatas esse scriberet, Senatus eas neque cognoscere, neque nominare satis poterat. Itaque cum alia multa, tum verò arcum triumphalem in foro ipsius ædificari iussit. Parabant ciues redcunti longius obuiam procedere: sed is nunquam in urbem reuersus est, neque ut extrema principiis responderent, efficere potuit: ea enim quæ subegerat, amisit. Dum enim nauigat Oceanum, atque inde reuehitur, ea quæ ceperat, omnia maximo tumultu defecerunt, præsidii, quæ apud eas gentes reliquerat, deiectis cæsisque. Atque hæc ad Traianum, dum esset in naui, perferuntur: nauigabat autem adductus fama eorum, quæ illic esse ferebantur, quæ tamen opinioni non responderunt. nihil enim vidit præter aggeres, fabulas, ruinas; itémque propter Alexandrum, cui etiam parentauit in his ædibus, in quibus mortem obierat. Igitur cognita defectione, Lucium & Maximum contra rebelles mittit. Maximus prælio superatus obiit. Lucius præclare se gessit, recuperavitque Nisibin, Edessam expugnauit, direptamque incendit. Seleucia ab Erycio Claro, & Iulio Alexandro legatis capta & incensa est. Traianus metuens, ne Parthi quoque aliquid molirentur, regem eis dare constituit. Proinde ut Ctesiphontem venit, cōuocatis in magnam planiciem Romanis omnibus Parthisque, qui tum aderant, excelsum tribunal conscendit. Ibi apud eos de rebus ab se gestis gloriatur: deinde Parthis regem Parthamaspatem designat, eique diadema imponit. Inde profectus in Arabiam, adoritur Agarenos, qui & ipsi defecerat, quorum ciuitas neq; magna erat, nec diues, finitimæque regio magna ex parte deserta, quod in ea aquæ rarò inueniatur, atque illæ parum salubres, quodque in ea ligni pabuliq; magna foret penuria. Ex quo fiebat, ut ibi magna hominū multitudo diu esse non posset, tum verò ardētissimis caloribus, quibus exposita est, defendebatur. Itaq; eam Traianus tunc, neque postea Seuerus cepit, cum tamen partem aliquam mu-
ri dirue-

ri diruerint. Dum hæc à Traiano geruntur, ipseque infectis rebus, & prius P. Ælio Adriano in Syria cum legionibus relicto, in Italiam, seu posthumino redire statueret, Armenia & Mesopotamia rursus à Romano imperio deficiunt. Persæ etiam, repudiato Parthamaspate, quem indignum regno existimabant, ipsi res suas prisco gentis instituto administrare cœperunt. Inter quæ Traianus, breui post, apud Selinuntem Ciliciæ urbem, quæ deinde Traianopolis cognominata est, maximo sui propter ingentes animi corporisque doctes, quibus refulserat, desiderio relicto, satis ac naturæ concessit, anno mundi quater millesimo, octogesimo, ab urb. cond. octingentesimo, sexagesimo octauo, & ab humana redemptione centesimo ac duodeuicesimo, postquam ipse ætatis annum sexagesimum quartum, imperij annos decem & nouem, menses sex, dies quindecim expleuisset. Huius heroicas virtutes haud pauci ex veteribus scriptoribus celebrauere, & de his etiam extat Plinij 11. Panegyricus ipsi Traiano Augusto dictus. Fuit sanè Princeps laudatissimus, & nulli Imperatorum secundus. Hic sanè cum sua clementia & humanitate antecessores suos omnes superaret, amicis aliquando culpantibus, quod nimis clemens erga suos esset: respondit, talem se Imperatorem esse priuatis, quales esse sibi Imperator priuatos optasset. Idem dicere solebat, Principes omnes multum abesse à Neronis quinquennio. Nam Domitius Nero primis annis quinque, summa cum laude gessit imperium, priusquam ad Caligulæ auunculi sui crudelitatem appelleret animum. Adhuc, Fiscum lienem vocare solitus est, quod eo crescente, reliqui artus omnes tabescerent. Iustitiam verò & æquitatem in Principe plurimum commendare consueuerat: qui his potissimum virtutibus Principes, cæteros homines excellere debere dictitabat, quorum & ipse, dum Romanum gubernaret imperium, studiosus adeo fuisse fertur, ut, quemadmodum in primo lib. ostendimus, aliquando ensẽ strictum præfecto urbi in conspectu omnium dederit, atque dixerit: Cape ferum hoc, & siquidem rectè imperium gessero, pro me; sin aliter, contra me hoc vtere. Memorabilis planè vox, & optimo Principe dignissima. Hic, successorem habuit Publium Ælium Adrianum, qui bellum Persarum colloquio repressit, eosque in amicitia semper retinuit, quod illinc regem retraxerit, quem Traianus imposuerat. Idem Armeniis regem suo arbitratu habere permisit, cum sub Traiano legatum duntaxat habuissent. De hoc autem imperatore plurima videre est cum apud alios, tum in primis apud Dionem, qui inter cætera, memoriæ tradidit, ipsum, postquam Cæsar designatus esset, adeo contempsisse inimicos, ut vni, quem habuerat capitalem, fortè obuio, dixerit: Euasisti. Principibus in priuatis offensis debet esse satis, potuisse vlcisci. Idem auctor testatur, eum in colloquiis etiã humillimorum, mirè affabilem & comem extitisse, ac illos detestari solitum, qui hanc humanitatis voluptatem ipsi inuiderent, hoc prætextu, quod dicerent, Principis maiestatem ubiq; seruandã. Hunc etiam ferunt, ex Matheseos peritia præsciuisse futura, ac Lucium Ælium Verum suum nepotem, quem imperij successorem declararat, non fore longæuum dixisse ex Virgiliano carmine:

*Ostendent terris hunc tantum fata, neque vltra
Esse sinent, &c.*

Adriano, postquam vixisset annos sexaginta duos, menses quinque, dies nouem-

Nota Persarum defectio.

Mors Traiani.

Eiusdem singularis virtus.

Traiani vox memorabilis.

Adrianus cum Persis & Armeniis societatem coluit.

Eiusdem singularis mansuetudo, & generositas.

Adriani obitus.

Antoninus
Pius Imp.

Eiusdem ex-
imia virtutes

Vologesus II.
M. Antonino
Philosopho
bellum in-
fert.

Lucij Veri
contra Persas
res gesta.

Pax inter
Rom. &
Persas.
Novum bel-
lum sub Lu-
cio Septimio
Seuero.

ueindecim, regnassetque annos viginti, menses vndecim, vita defuncto, cum Persarum rex novas res moliri videretur, Antoninus Pius Adriani successor, ipsum ab Armeniorum inuasionem solis literis repulit, ei que scellam regiam, quam Traianus ceperat, pernegavit. Hic autem, quatuor & viginti annos in imperio expleuit. Eius autem pietas & virtus maximopere commendatur. Cum iam ad imperij habenas declaratus, reprehenderetur, quod quosdam accusatos absolueret, respondit: Principatum non a poenis, aut suppliciis, sed a mansuetudine potius auspicandum esse. Idem Cassium Senatorium virum, imperij affectatorem, occidi passus est, non iussit occidi, post etiam extinctum doluit, dicens: Voluisse se sine Senatorio sanguine imperium transigere. Mirum autem adamabat illam Scipionis celebratissimam sententiam, subinde dicens; Se malle vnum seruare ciuem, quam mille hostes perdere: Pacem videlicet bello praefere, & in ipso bello sentiens hanc oportere primam esse ducis curam, ut quam minima ciuium iactura pararetur victoria. Ad haec, cum Omuli visens domum, ac miratus columnas porphyreticas, quaesisset, unde eas haberet? Omulus ei respondit: Cum in aedes alienas veneris, & surdus, & mutus esto: Sentiens, eum in alieno priuato non oportere esse curiosum. Hoc tam libero ioco non est offensus Imperator, qui etiam priusquam vita excederet, rogatus, Cuinam filium commendaret: Vobis, inquit, si promeretur, & diis immortalibus fauorem nolens suae auctoritati tribui, sed filij meritis. Haec breuiter de Antonino Pio. At temporibus M. Antonini cognomento Philosophi, Vologesus, prioris Vologesi filius, prior bellum intulit, omnemque Romanum exercitum collocatum a Seueriano ad Elegiam, quae est in Armenia, atque interclusum vndique vna cum ipsis ducibus, telis confecit atque perdidit, ob eamque causam, fugato etiam Atilio Corneliano tunc Syriae procuratore, ciuitatibus Syriae valde formidolosus erat. His rebus commotus Antoninus, Lucium Verum suum generum ad bellum cum Persis gerendum misit. Qui, ut Antiochiam profectus est, collecto maximo militum numero, & optimis ducibus delectis, in oppido remansit, ut inde constitueret omnia, & comitum militibus compararet, Cassio exercitu permissio. Cassius ad orientem se Vologesum fortiter sustinuit, desertumque tandem a fociis acterga vertentem insecutus, Seleuciam & Ctesiphontem venit: deinde vastata Seleucia, atque incensa, regias Vologesi, quae in vrbis Ctesiphonte erant, solo aequauit. In Armenia quoque res prosperè gesta, adeo ut Armeniacum nomen vtrique principum retulerint, sicuti etiam bello Parthico post quinquennium feliciter absoluto, vterque Parthicus appellatus est. Cum autem reuerteretur, magnam suarum copiarum numerum amisit, quae partim fame extinctae sunt, partim morbo extinctae, rediitque, tamen in Syriam cum reliquis militibus. Post aliquot annorum decursum, cum ipsemet Caesar in Syriam perrexisset, ibi multa egit cum diuersis Regibus, & pacem confirmauit, sibi occurrentibus quamplurimis Dynastis & Regibus, ac etiam legatis Persarum, omnibusque Orientalibus Prouinciis longè carissimus & acceptissimus fuit. Pax verò cum Persis hac conditione facta est, ne deinceps in Syriam transirent. Ceterum, L. Septimio Seueri imperante, quonia Persae, quibus ea tempestate Artabanus imperabat, Nigri partes fouerant, ipso tandem apud sinum Issicum, ubi quondam extrema illa & cruentissima pugna debellatus est Darius

ab Ale-

ab Alexandro M. in secundo prælio, deuictō & profligato, haud exigua clade à Seueriano exercitu, cui Valerianus & Anylinus præfuerant, sicuti etiam Osroeni, Arabes & Adiabeni, quibus ob eandem causam grauissimè successerat, affecti fuerunt. Cum autem Seuerus iam maximam Romani imperij partem teneret, in Italiam rediens, bellum mouit aduersus Clodium Albinum, quem antea collegam fecerat, cumque magno & atroci prælio ad Lugdunum deuicit; & mox, superatis aduersariis, urbem triumphans inuectus est, multis acclamationibus omniq̃ splendore, ac magnificètia populo illum excipiente. Ibi haud multos menses commoratus, ad nouas expeditiones animum adiecit, ac denuò in Oriètem reuersus, Armeniam & Arabiam peruagatur, ubi expugnatis vicis urbibusq̃ permultis, omnemq̃ agrum depopulatus, in Atrenorum regionem mox ingressus, Atras circumfedit, urbem videlicet altissimo impositam monti, ac maximis validissimisque mœnibus præcinctam, & ingenti sagittariorum copia præsepta. Cum verò, propter acerrimam oppidanorum defensionem eiusque loci difficultatem, conatus irriti procederent, ac exercitum priusquam vniuersus periret, aliò transportare decreuisset, fortuna magis quàm consilio insignem victoriam contra Persas, qui paulo antè, ipso Seuero, cum quo etiam Vologesis frater fuisse dicitur, in bellis ciuilibus occupato, securi Mesopotamiam cœperant, victoriam adeptus est. Nam impositus permultis nauibus quas circa Euphratem recens fabricari iusserat, exercitus vniuersus, nequaquam scilicet, quò intenderat, Romanæ appulsus ripæ, sed vndarum impetu, Parthorum ad agrum prouectus, haud procul Cresiphonte, qua in vrbe sedes regis erat, is tunc pacem agitans, nihilque ad se pertinere Seueri pugnas quas gereret cū Atrenis, existimans, ociosus, nihil mali expectabat. Seueri exercitus, cum ad eas ripas vi fluminis inuectus, moxq̃ in terram esset expositus, omnem illicò agrum deuastare cœpit, abactisque, vt in queque inciderunt, pecoribus ad vescendum, vicisque aliquot incensis, paulatim vsque ad Cresiphontem perrexerat, qua in ciuitate magnus rex Persarum subsistebat. Igitur hostes imparatos nacti, cæsis primis quicunque restitissent, direptaque mox vrbe, ac circiter cētum millibus superstitum hominum in captiuitatem abductis, tantum ipso rege cum paucis equitibus elapso, illius thesauros omniq̃ ornatu ac supellectile potiti, victores regrediuntur. Interim Seuerus, cum adhuc esset in Britannica expeditione, annis ætatis LXV. mensibus IX. & in imperio annis septemdecim, mensibus octo & diebus tribus expletis, fato ac naturæ concessit. Hic sanè, cum milites Bassianum suum filium, qui post, Antoninus Caracalla dictus est, Augustum consalutassent, eò quòd pater pedibus æger, bellum moraretur, iussit se deferri ad tribunal, simulque adesse omnes tribunos, centuriones, duces, & cohortes, quibus auctoribus hoc acciderat, sisti deinde & filium, qui Augusti nomen non recusarat. Hic, cum in omnes eius facti auctores iussisset animaduerti, excepto filio, omnesque ante tribunal prostrati rogarent veniam, Seuerus manu caput cōtingens, Tandem, inquit, sentitis caput imperare, non pedes. Huius Imperatoris dictum celebratur: Omnia fui, sed nihil expedit. sentiens, sese ex humili loco, per literarum ac militiæ officia pluribus gradibus fauore fortunæ ad imperij fastigium fuisse prouectum: sed nihil feliciter cessisse, aut nulla in re sibi placuisse.

*Persarum
clades.*

*Cresiphon à
Romanis di-
ripitur.*

Seueri obitu.

*Eiusdem au-
toritas, &
plerag, alia.*

M

euisse.

Memoriae traditum est, epigramma, quod in laudem Pescennini Nigri fuerat ascriptum illius statuæ ad viuum efficta, cum præfecti suaderent eradendum, Seuerum noluisse, additis his verbis: Si talis fuit, sciant omnes, qualem vicerimus: si talis non fuit, putent nos omnes talem vicisse. Hunc præterea mores habuisse adeo malos cum bonis mixtos, ut de eo dixerit Seuerus, aut nasci non didicisse, aut non mori. Cum vero in grauissimum morbum incidens, vitæ suæ finem instare animaduerneret, ad se vocauit M. Antoninum & Getam filios, à quibus, quid vellet, percunctatus: Facite, inquit, ut conueniat inter vos: locupletate milites, ceteros omnes contemnite. Sciebat enim filios regni cupidissimos, post mortem de successione disceptaturos, & nisi militum animos pecunia flecterent, penitus interituros esse. Post huius verò obitum, Antoninus Caracalla Romanum imperium adeptus est, qui fratrem Getam in ipso sinu matris interfecit; rebusq; domi compositis, in Asiam perrexit, ac Pergamum ciuitatem atque Ilium, tum in hoc Alexandrum imitatus, ad Achillis tumulum processit. Deinde ut Alexandri monumentum inspiceret, Alexandriam contendit, & sub hoc quidem prætextu hanc urbem ingressus fuit: sed reuera, ut potissimum Alexandrinos, qui multis diatribis & scommatibus eius nomen profciderant, commodius atq; facilius vlcisceretur, eorumque ingentem multitudinem trucidauit: tantaq; caedes facta est, ut riuus cruoris per planitiem decurrentibus, cum fauces ipsæ Nili ingentes, tum litus omne circa urbem purpurasceret. Cum post aliquot menses, ad eum tanquam ad amicum, Augarus rex Osroenorum venisset, ei fidem fregit, comprehensumque in vincula coniecit, & Osroënem regem destitutam cepit, itemque regem Armeniorum, qui cum filiis dissentiebat, ad se vocauit amicè per literas, ut eos in concordiam reduceret, iisque eodem modo, quo Augaro usus est, quanquam Armenij arma capere, quam ad ipsum deficere maluerunt. Quod cum esset factum, ei nemo amplius fidebat, ut re ipsa cognosceret, quam graue damnum esset Imperatori fraudem amicis facere. Cum hybernaret in Nicomedia, exercuit phalangem Macedonicam, & comparauit duas ingentes machinas ad Armenicum & Parthicum bellum, ut ea dissoluta in naues imponderet, atque in Syriam deucheret. Post hæc, bellum intulit Persis, cuius belli causa fuit, quod Vologeses Teridatem & Antiochum quendam, quos ille poscebat ad supplicium non dederet. Erat Antiochus Cilix natione, qui primò philosophiam Cynicorum simulauerat, eaque ex re magnam opem in bello tulerat militibus: quos, cum maximo frigore obriguissent, propterea confirmauit, quod se ipse in niuem abiecerit, in eaque volutatus sit. Sed cum ei Seuerus, atque ipse Antoninus pecuniam dedissent, affecissentque honore, his rebus elatus, cum Teridate se coniunxit, & cum eo ad Persiam defecit. Vtrumque tamen ab ipso metu perterritito recepit, hisque impetratis, statim à bello destitit. Breui ab hoc spatio interiecto, Vologeses mortalitatem expleuit, in cuius locum Artabanus eius filius substitutus est. Antoninus interim affectans Parthici cognomentum, famamque deuictæ ad Orientem Nationis, quanquam in altissima pace, tale quiddam imaginatur.

Antoninus
Caracalla.

Einſelne crin-
delas in A-
lexandrinos.

Augarus &
Armeniorum
rex contra a-
micia ac
hospitatis
leges ab An-
tonino capti.

Persici belli
occafio &
initium.

Artabanus.

Antonini li-
tere ad Ar-
tabanum.

D A T literas ad regem Parthorum Artabanum, simulq; legatos cum muneribus mittit, materiæ atque artis conspicuæ. In eis literis fuerat scriptum, velle

velle se regis filiam ducere in matrimonium, Principem se esse, & Principem natum, quare haud decorum priuati cuiusquam & tenuis fieri generum, sed reginam ducere potius, filiamque magni Regis. Duo maxima imperia esse, Romanum; & Parthicum, quibus affinitate illa in vnum coeuntibus, ac nullo iam discriminante fluuiio, vnam tantum potentiam factum iri, nullis omnino viribus expugnabilem. Nam reliquas Barbaras nationes quæ nunc amborum imperiis subiectæ sunt, facile iugum toleraturas, si propior gens quæque & conuentus sit habitura rectores. Esse Romanis pedestrem exercitum, qui hastis, & stataria pugna reliquos antecellat. Parthis verò equitatum plurimum, peritissimosque sagittarios. His igitur concurrentibus, & quæ vsui ad bellum sunt, in vnum conspirantibus, facile ipsos sub vno diademate totius orbis terrarum imperium retenturos. Præterea, odoramenta, quæ apud illos proueniant, telasque laudatissimas, contraque apud Romanos metalla ipsa, & quæcunque arte aliqua conspicua visuntur, non iam vix, raroque, & clanculum, per mercatores importatum iri, sed in vna duntaxat terra, vnoque imperio, communemque fore vtrisque usum rerum omnium, minimeque impeditum. His literis Parthus acceptis, primo quidem abnuere, negare Romano conuenire Barbarum matrimonium. Quam enim fore concordiam, neque voce satis congruentibus, & victu habituque inter se distantibus? Esse Romæ patricios permultos, quorum sibi ille optare liberos in matrimonium possit, sicut itidem apud se Arsacidas. Neque vllam sanè extare causam, cur alterutrum genus adulteretur. Hæc igitur à principio rescribens, conditionem aspernabatur. Sed instanti Antonino, donisque & iureiurando fidem studij sui, & charitatis vxoriæ facienti, credidit Barbarus, ac pollicitus daturum filiã, generum iam ipsum appellabat. Cuius rei vulgata mox fama, Barbari scilicet omnes ad Romanum suscipiendum Principem se comparabant, spe quadam sempiternæ pacis exultantes. Cæterum Antoninus, nemine prohibente fluuios transgressus, ac iam Parthicam regionem quasi propriam peragrans, sacrificantibus passim vniuersis, supraque coronata altaria odores incenditibus, letum se honore illo Barbarorum magnoperè simulabat. Postea verò quàm magno itinere facto, ad ipsam Artabani regiam appropinquabat, occurrit ei Rex in quadam ante urbem planitie, nouum nuptum excepturus, generumque suum. Sed Barbarorum magna multitudo floribus indigenis coronati, atque induti vestes auro, diuersisque odoribus variè festum agitabant, ad tibiæ, fistularumque, & tympanorum sonitus saltantes numerosè. Quippe huiusmodi tripudiis supra modum delectantur, præsertim cum se temèto largius inuitarunt. Sed vbi omnis multitudo confluit, ac relictis equis, pharetrisque, & arcibus depositis, inter libamina & calices agitabant, collectique in vnum Barbarorum quamplurimi, temerè inordinatique constiterant, nihil suspectantes mali, sed pro se quisque studentes videre nouum nuptum, tum signo dato Antoninus, militibus imperat, impetum cædemque in Barbaros faciant. Illi, re subita perterriti, cædentibus fauciantibusque Romanis, terga obuertunt. Ipse Artabanus à suis stipatoribus raptus, atque equo impositus, vix, ægréque cum paucis fugiens elabitur. Reliqua verò multitudo Barbarorum passim cædebatur. Quippe neque equos habebant, quibus maximè vtuntur. Descenderant enim ex iis, pa-

Parthi Cæ-
racallæ dolo
& perfidia
vincuntur

Antonini
cades.

Einſtemen-
delitas &
hbido.

Macrinus.

Macrinus
Imperator
deſignatur.

Prælium in-
ter Perſas &
Romanos.

ſtumque dimiſerant, neque ipſi fuga euadere poterant, impediēte curſum fluxa veſte ad pedes uſque deduſta. Porro pharetras & arcus omnino non attulerant: Nam quid illis opus ad nuptias? Ita ingenti cæde Barbarorum facta, Antoninus, prædæque & hominibus magna copia captis, diſcedit, nullo reſiſtente, vicisſque, & urbibus incenſis, data poteſtate militibus rapiendi quod quiſque poſſet, aut vellet. Hanc igitur calamitatem haud opinatò Barbari acceperunt. Antoninus autem regionem Parthicam penitus ingreſſus, deſeſſis iam rapiendo, cedendòque militibus, reuertitur in Meſopotamiam, populòque Romano per literas ſignificat, ſubactum à ſe Oriētem, cunctòſque illius regni mortales in ſuam ditionem conceſſiſſe. At Senatus, quanquam totius negotij gnarus, (quippe Principum res latere nullo pacto poſſunt) metu tamen atque aſſentatione cunctos illi honores victoriæ decernunt. Artabanus, his tantis iniuriis affectus, maxima celeritate, ingentē ac numeroſum exercitum comparauit, pœnas exacturus, & caſis inter pacem ac libationes miſſurus inferias. Inter hæc, Antoninus, dum iterum Parthicam expeditionem molitur, apud Carras urbem, inſidiis ab Opilio Macrino præfecto prætorio poſitis, per Martialem centurionem interficitur, & in ipſum Macrinum militariſus ſuffragiis transfertur imperium. Fuit ſanè Antoninus iſte vir nefarius & crudeliſſimus, qui, cū direptis ciuium bonis, atque omnibus exhaustis ærariis, ſua crudelitate ingentem corraſiſſet pecuniam, eamque promiſcuè perditis hominibus diſtribueret, obiurgatus à Iulia matre, ut pecuniis aliqua ex parte parceret, atque prædæ opimæ partē in alium uſum ſibi reſeruaret, ſtriſtum gladium oſtentans matri, reſpondit: Læto ſis animo, quamdiu hunc habebimus, nulla nobis deerit pecunia: Oſtendens, nullam pecuniam apud ſubditos adeò reconditam eſſe, quam ſua ſæuitia extorquere non poſſet. De hoc etiam hiſtorici tradiderunt, quòd eius nouerca, cū eſſet pulcherrima, veluti per imprudentiam, corpus magna ex parte nudauit. Cumque dixiſſet Caracalla, Vellem, ſiliceret: Si liber, inquit illa, licet: An neſcis, te Imperatorem eſſe, & leges dare, non accipere? Ea mulieris vox Caracallam, ſicuti etiam ſuprà oſtendimus, ad tam deteſtabile facinus pertraxit. Cū verò idem multa ſibi cognomina aſſereret, utpote Germanici, Parthici, Arabici, Alemanici, Helius Pertinax, Cur non, inquit, vocaris etiam Geticus Maximus, & ideò quidem, quòd fratrem tuum Getam turpiter occideris? Eidem, cū Baſſianus præfectus ſuaderet, ut ad mitigandam inuidiam paricidij, fratrem Getam appellaret diuum: Sit, inquit, diuus, dum non ſit uiuus. Et ſic fratrem in diuos retulit. Atque ita ubique, ut Ælij Spartiani verbis utar, regnandi cupiditas, neſcit iura pietatis. Haſtenus de Caracalla. Nunc ad eius ſucceſſorem Macrinum mihi ſermo ſeſtendus eſt.

Hic porro, ſimulatque imperium adeptus intellexit Artabanum cum multis copiis ac viribus aſeſſe, nec non equitatū ingentem, & ſagittariorum multitudinem adducere, præterea cataphractos camelis inſidentes, qui prælongis contis præliarentur, nihil prius atque antiquius habuit, quàm ut pro Romani Imperij maiestate, contra hoſtem, exercitum, quem habebat longè inſtruſtiſſimum, educeret. Proinde rebus omnibus ritè diſpoſitis atque ordinatis, & habita concione, deuentum eſt ad prælium, & vno atque altero die à mane uſque ad veſperam vtrinque vario Marte atque alternante fortuna quàm

quàm acerrimè dimicatum. At Macrinus cognito, non alia de causa tam fortiter ac pertinaciter pugnare Artabanum, nisi quia se pugnare contra Antoninum arbitrabatur, mittit Parthis legatos cum literis, quæ declararent, occidisse Imperatorem, ac debitum supplicium luisse, qui fœdera & iusiurandum temerauerat: sibi esse à Romanis, quorum ipsum tandem imperium sit, summam rerum traditam. Non placere verò quæ acta forent. Itaque captiuos quicumque superessent, raptaque omnia redditurum. Cupere se illum ex inimico amicum facere, pacemque iureiurando ac libaminibus sancire. Quibus lectis Artabanus, edoctusque à legatis de Antonini cæde, satis dedisse supplicii violatorem fœderis arbitratus, contentusque reddi sibi citra vllum cruorem captiuos, prædamque omnem, fœdus cum Macrino ferit, atque in proprias sedes reuertitur, simulque Romanus Imperator deducto ex Mesopotamia exercitu, Antiochiam contendit. Quod ^{Fœdus inter eosdem.} quidem incidit in annum mundi quater millesimum centesimum octogessimum secundum: in annum Romæ nongentesimum septuagesimum; & Christi ducentessimum vicesimum.

M 3 HISTO-

HISTORIÆ RERVM PERSICARVM

LIBER QVARTVS.



*Perſæ, eiectis
Parthis, re-
gnum vecu-
perant.*

EVVS in Perſia ita ſeſe habentibus, haud multò poſt, maxima, vt fert humanarũ rerum viciffitudo, illic cõuerſio ſubſecuta eſt. Siquidem Alexandro Seuero qui poſt Macrinum, & Varium Heliogabalum, quorum alter, annum & duos meſes cum Diadumeno filio, adoleſcente ſpecioſiſſimo, alter circa triennium, ſumma rerum præfuit, Romanis imperitante, tertio deci- mo anno eiufdem imperij, Artaxares natione Perſæ,

virque animi excelli ac militaris, Artabano, qui propter rerum à ſe geſtarum gloriam atque amplitudinem, Magni cognomine appellari meruit, duplici- que diademate redimiri, variis caſibus defatigato, ac tandem triplici prælio ſuperato, non ſolùm Orientis regno, ſed vita quoque exuto, cœpit ſubigere vicinos Barbaros ac ſibi vectigales facere, neque iam intra fluuium Tigrim tenere ſe, ſed ſuperatis ripis, ac Romani finibus Imperij, excurrere per Meſo- potamiam, Syriæque minitari, omnemque Europæ oppoſitam cõtinentem, quæ mari Ægæo, fretoque Propontidos terminatur, atque Aſiæ nomen ha- bet, ceu veterem Perſarum poſſeſſionem, ſibi vindicare: quod iam inde à Cyro, qui primus, vt antea demonſtrauimus, imperium à Medis in Perſas tranſtulit, ad Darium vſque extremum Perſarum regem, cui Regnum Ale- xander abſtulit, cuncta olim Ionia Cariaque tenus à Perſarum Satrapis gu- bernabantur. Quare ſui muneris eſſe arbitrabatur, vt vetus atque integrum imperium Perſis reſtitueretur. Porro inter Arſaceum & Artabanum regem, anni ducenti interceſſerunt. Et ipſe Artaxares hac victoria potitus eſt anno Chriſti ducenteſimo trigefimo. Hæc autem vbi primùm Seuero per ſuos du- ces ac procuratores, quos in Syria Meſopotamiaque habebat, innotuere, haud mediocriter re ſubita & inopinata perturbatus, quippe in altiffima pace edu- catus à puero, atque vrbaniſ delictis innutritus, conuocato prius amicorum cõſilio, decreuit legatos cum literis mittere, qui ſpem Barbari conatusque inhi- berent. Igitur literæ in hanc ſententiam compoſitæ:

*Alex. Seueri
literæ ad Ar-
taxarem.*

O P O R T E R E illum ſuis finibus contentum, nihil rerum nouarum mo- liri, neque ſublaturum vana ſpe ingens bellum excitare: debere vnumquemque ſuis fortunis acquieſcere: non perinde ſibi pugnam proceſſuram aduerſus Romanos, vt aduerſus vicinos, & eiufdem corporis Barbaros. Admonebat præterea victoriarum, quas contra eos nonnulli ex Romanis Imperatoribus adepti fuiſſent. Huiuscemodi literis Alexander perſuaſurum ſe Barbaro, metu ſcilicet perterritio, pacem quietemque arbitrabatur. Quibus ille contemptis, remque armis potius, quàm verbis gerendam ratus: tum verò ferociſſimus ingruere, decurſaque ac perequitata Meſopotamia omni, prædas agere, atque oppugnare Romanorum caſtra, impoſita fluminum ripis, quæ ſcilicet Im- perij limites tuerentur. Cùmque homo eſſet natura glorioſus, ac ſublimis ſpiritus gereret, ſucceſſu rerum inopinato ſe omnia ſubacturum exiſtimabat. Neque enim parua erant, quæ illius animum ad maius regnum concupiſcen- dum

*Artaxares
mouet bel-
lum in Ro-
manos.*

dum inflammabant. Primus namque ipse Parthis bellum inferre ausus, Persarum imperium recepit; regnóque Persis restituto, & circumiacentibus locis per vim subactis, facile iam Romanam quoque potentiam laceſſebat. Quæ ubi Alexandro Romæ agenti nunciata sunt, minimè iam ferendam putans insolentiam Barbari, vocantibus illuc se ducibus, cum maximo apparatu illinc in Persas profectus, confertóque prælio, post innumeros vtrínque vulneratos, atque interfectos, tandem fortuna ad Seuerum inclinauit. Prælium inter Romanos & Persas. Fuso igitur fugatóque tanto Rege, qui cum septingentis elephantis, mille & octingentis curribus, equitum verò multis millibus ad bellum venerat, statim Antiochiam rediit, & de præda quam Persis diripuit, suum ditauit exercitum, cum ea quæ per vicos diripuerant, per tribunos, duces, & ipsos milites distribui iussisset. Tùmque primùm Persæ, serui apud Romanos fuerunt: quos quidem, quia indignè ferūt Persarum Reges quempiam suorum alicubi seruire, acceptis pretiis reddidit, pretiúmque vel his qui manu ceperāt seruos, dedit, vel in ararium contulit. Post hæc, Romam victor atque ouans ingressus est. Extat apud Lampridium concio, qua apparatus belli, & arma Persarum describit, applicationésque pro rebus gestis diis decernēdas petit. Extant & acclamationes, quibus Parthicus & Persicus dictus est. Herodianus contrà scribit, Alexandri exercitum in hoc Persico bello, morbo, ferro, frigore, diuersisque aliis calamitatibus maiori ex parte extinctum atque deletum esse, victúmque potius quàm victorem extitisse. Ceterùm, maior pars cum veterum tum recentium scriptorum hac in re Lampridio assentitur, qui addit, se ista in annalibus, & apud multos reperisse, ipsiúsque Herodiani sententiam, ceu minus veram atque probabilem, quæquæ à multorum opinione dissentiat, omninò reiiciendâ existimat. In hoc autem suum cuique liberum esto iudicium. Scio equidem, Herodianum inter grauissimos auctores recenſeri, & in his, quæ posteris ac memoriæ tradidit, ab eruditis hominibus maximoperè commèdari. Hic porrò septuaginta annorum res quas sibi maximè cognitasse asserit, sub diuersis Principibus gestas, in vnum corpus comprehensas, in literas retulit; atque ipsemet in fine libri secundi fatetur, se nihil ad gratiam affingere, neque tacitum quippiam præteruisse, si quid modò mentione dignum ac memoria videretur. Sed maior pars scriptorum, inter quos præter ipsum Lampridiũ, est Eutropius, Orosius, Ruffus Sextus, ac itidem Zosimus, qui etiam scribit, ipsum Persas bello aggressum, vno impetu Ctesiphontem atq; Babyloniam cepisse, Arabes percurrissè, Arabiam vniuersam in potestatem redeſsè, aliáque complura fortiter gessissè, longè diuersum tradidè. Proximè à nobis demonstratum est, Artaxarem natione Persam, Artabano qui fuit vltimus ex Arsacidarum familia, interfecto, Persicum regnum in auitam atque pristinam gloriam & dignitatem asseruisse. Hunc plerique Artaxerxem vocant: sed Herodianus & Agathias, Artaxarem nominant, atque ita hoc nomen pronunciandum esse, nobilissimus iuxtà & doctissimus vir Io. Leunclæus in Agathiæ Myrrhinæi annotationibus tradit. Is fuit pater Chosroë Magus, primusq; inter Persas cidarim sumpsit. Ex quibus autem parentibus oriundus fuerit, qua de causa, quóve modo cidarim, insigne regiũ, assumpserit, & cur etiam Magus sit appellatus, idem Agathias lib. II. disertè commemorat. Qui etiam lib. IIII. recenset catalogum & nomi-

Nomina
quorundam
regum Per-
sarum qui
post deuictos
Parthos, in
Persia do-
minati sunt.
Antaxares.

Sapores.

Hormisdas.

Vararanes I.
Vararanes
II.
Vararanes
III. dictus
Seganefna.

Narfes.

Misdates.

Sapores I.

De Magorū
predictioni-
bus.

Magi reginae
filij partum
praedicunt.

Ventri coro-
na imposita.

na multorum regum, qui post deletos Parthos, in Persia regnarunt, & quan-
diu itidem rebus gerendis praefuerint. Huius autem verba ut hinc subiicerem,
operæpretium me facturum existimaui. Nec enim aliunde melius ac certius
hæc omnia cognosci atque intelligi possunt, cum ipse auctor testetur, se ex
archiuis & Perlicis libris ea desumpsisse. Artaxares, inquit, annis octo & tri-
ginta ad quingentos, post Magni Alexandri Macedonis principatum, qua-
ternis post alterius Alexandri Mammææ filij, suscepit imperium, in quo an-
nos quindecim, mensibus demptis duobus, peregit. Huic in imperium Sa-
pores successit omnium crudelissimus. Vixit hic vnum & triginta integros
annos, & successorem habuit filium Hormisdas, qui breui admodum tem-
pore imperauit. Post annum siquidem vnum & decimū diem, fato suo per-
functus, is obiit mortem, nulla re gesta, quæ meritò tradi memoriæ posset.
Post hunc Vararanes, annos tres cum obtinuisset imperium, eius filius patri
non absimile nomen sortitus, annos sexdecim in regno permansit. Deinceps
Vararanes tertius, menses duntaxat quatuor imperij degustauit. Seganefna
ei cognomen erat, quod illi inditum non ab re fuisse existimarim, nec temere
cum vetusti & patrij moris participasse. Persarum siquidem reges, cum ma-
gnam aliquam nationem oppugnando cepissent, essentq; illorum locis po-
siti, haudquaquam de cætero victos necabant, sed subactos dependere tribu-
ta cogebant, & loca inhabitare, ac captum arnis agrum excolere, primoribus
duntaxat gentis miserrimè trucidatis: vnde & sæpe noui principatus & na-
tionis ex nomine liberos vocitabant, memoriæ, uti apparet, pro trophæis iam
partis & iactantiæ gratia. Vbi itaque Seganorum gens illa ab Vararane huius
patre deuicta est, iure & filius pro regia illa consuetudine Seganefna, id est,
Seganorum rex nuncupatus est. Hoc confestim deperdito, Narfes imperium
annos septem & menses nouem tractauit. Huius Misdates filius in principa-
tu succedit, patris hæres effectus non solum potentia, sed annorum æquali-
tatis & spatij. Miretur namque id quispiam, patri filioque annos mensesque
imperij ex ætissimè fuisse pares adinseos. Hos Sapores subsecutus, longis-
simis temporum spatiis potitus imperio est, cum tot annos regnasset, quot
etiam vixerit. Hunc mater adhuc in vtero gestabat, & regij generis successio
ad regnum vocabat, qui ex matre hac nasceretur: erat autem dubius partus,
maræmne paritura hæc esset, an feminam. Vnde Principes omnes & satrapæ,
præmia magicis viris ac dona exposuere, ut ea de re futura prædicerent. Gra-
uidam deinde equam producunt in medium, partui proximam, iussereque
Magos super hac prius periculum facere, vaticinariq; quodcunque futurum
existimarent. Hoc pacto se paulò post cognituros putabant, quò processuræ
istorum essent de equa prædictiones, ex hisque posse se simul imaginari haud
secus euasura, quæ de homine & mare, futuroque rege prædicerentur. Quid
verò Magi de equa pronunciarint, nil habeo quod pro certo affirmem: sed alioquin
sic omnia euenire, uti prædictum iis fuerat. Cum itaque & ceteri
cognouissent, vaticinandi artem Magos optimè percallere, præmiserunt re-
ginae qui explicarent, quæ ipsi non ignorarent futura. Hi itaque, affirmanti-
bus Magis, marem omnino fore, qui partu edendus propediem esset, nulla
interposita mora, cidarim ventri imponunt, & vix dum conceptum regem
pronunciant, & nomine internosci recens formatum his placuit, quod utiq;
organum

organum eotenus iam suscepisset, vt & palpitaret iam sensim, & subsiliret. Sic igitur quod nature obscurum est, & incertū, pro re certiore indubitataq; hi opinando suscipiunt. Haud tamen spes eos fecellit: sed longè magis ad opinionem succedentibus rebus, quàm opinati iam essent, assecuti sunt quæ sperabant: nascitur namque non longè post, & cum imperio Sapo- res, in eoque & iuuenilem agit ætatem, & consenescit, nimirum qui septuagesimum annum iam exegisset, vbi ad quartum eius & vigesimum imperij annum Nisibis ciuitas sub Persarum ditionem, quæ Romanorum fuisset, peruenit, Iouiano hanc Imperatore prodente, &c. Deinde paulopost subiungit: Post Saporem, Artaxerxes germanus frater, vt regni tum particeps, quatuor vbi re- Artaxerxes gnans egisset annos, emoritur. Huius filius, Sapo- res & ipse dictus, annos Sapo- res 12. quinque regnauit, totidem verò & geminatos, altero- que adiecto, Saporis filius Varanes, qui & Cernasat, à Cerma Natione quadam, in potestatem re- Varanes
Cernasat. ducta, haud secus dictus, ac Romani assueuere, qui ab Africa Africanum dixerunt, & Germanicum à Germania, & ex aliis item alios denominarunt. Post hunc, Isdigeres filius suscipit principatum, qui & magnus apud Roma- Isdigeres
rex clarus. nos habetur, & celeberrimus. Hæc Agathias de his Regibus Persarum, qui expulsis Parthis, Persico imperio præfuerunt, eaque tantò veriora censenda sunt, quantò, vt diximus, ex ipsismet archiuis ac Persicis libris hæc omnia desumpta esse, præfatus auctor testatur.

Suprà enarrauimus bella gesta inter Alexandrum Seuerum, Mammææ filium, & Artaxarem Persarum regem. Nunc de ipso Seuero eiusque dictis & factis hæc pauca subiungam. Hic sanè initio belli Persici, cum audiuisset, Persarum regem cum validissimo atque instructiss. exercitu Romanum Imperium inuadere constituisse, Fortes, inquit, viros atque moderatos decet Seueri fortis
ratio. optima quidem optare, sed ferre etiam quæcunque accidunt contra animi votum. Fortitudinis quippe est, rebus prosperis non extolli, infaustis nequam deiici animo. Idem, priusquam sese ad bellicam expeditionem accingeret, militibus diligenter prospexit de comœatu, dicens, se magis seruare Eiusdem pietas in suos
militēs. milites, quàm seipsum, quòd in his sita publica salus esset. Facilius est enim inuenire nouum Imperatorem, quàm nouum & exercitatum militem, vt inquit Lampridius. In hoc autem Imperatore fuisse singularem clementiam cum pari seueritate coniunctam, ex his quæ proferam exemplis, perfacile colligi poterit. Cum enim obiurgaretur à matre, & Memmia vxore, quòd nimia humanitate & clementia vteretur, eaq; contemptibiliorem relinqueret imperij potestatem, quàm ab antecessoribus suis accepisset, respondit, Sed securiorem & diuturniorem. Cum verò humili veltitu contentus sæpenumerò incederet, reprehensus ob id à suis aulicis, respondit: Imperatoriam maiestatem constare virtute, non corporis cultu. Hic porro in expeditionibus, si quis de via in alicuius possessionem deflexisset, pro qualitate loci fustibus aut virgis cadebatur, aut alioqui condemnabatur. Si dignitas personæ tales pœnas non recipiebat, grauissimis contumeliis afficiebatur, cum diceret: Vellēsne hoc in agro tuo fieri, quod facis in alieno? Clamabat sæpius, quod à Christianis audierat, idque per præconem, quoties aliquem emendabat, dici iubebat: Quod tibi fieri nolis, alteri ne feceris. Amicos autem & cognatos, si malos comperisset, puniebat. Id si vetus amicitia aut necessitudo non patiebatur, à se di-

se dimittebat, dicens, His charior est mihi tota Respub.: significans, priuatos affectus vtilitati publicæ posthabendos. At Vetronium Thurinum familiarem, quod his qui petebant aliquid à Cæsare, vendidisset suum patrocinium, mentiens interim multa, conuincendum curauit, & conuictum damnatumq; in stipite alligari iussit, supposito igni ex humida materia, præcone clamante: Fumo punitur, qui fumos vendidit. Honores siquidem iuris & gladij nunquam vendi passus est, dicens, Qui emit, & vendat necesse est. Descriptum quoque habebat, quid cui præstitisset. qui nihil, aut minimum petissent, eos appellabat, dicens: Quid est, cur nihil petis? an me tibi vis fieri debitor? pete, ne priuatus de me quæraris. Agnoscebat nimirum, Principes debere suo rectè fungentibus officio: nec equum iudicabat, ut probè suo munere defunctus, priuatus egeret. Idem interrogatus, quis esset rex optimus? Qui, inquit, amicos muneribus retinet, & inimicos beneficiis ambit & reconciliat. Hic sanè aurum & argentum rarò cuiquam, nisi militi diuinit, nefas esse dicens, ut dispensator publicus, in suas, suorumque voluptates conuerteret id, quod prouinciales dedissent. In templis verò, argenti minimum, auri ne guttulam quidem aut bracteolam posuit, subinde repetens illud Persianum: *Dicite Pontifices, in sanctis quid facit aurum?*

Maximinus
Imperator.

Gordianus
111. iunior.

Misitheus
gener Gordiani.

Eiusdem in
Persas pro-
spici successus.

Hæc in præsentia de Seuero, cui Maximinus in imperio successit, isq; vnà cum filio suo eiusdem nominis, triennio duntaxat imperauit. Inter vtramque gentem nihil omnino insigniter peractum fuit. Cæterum sub Gordiano tertio iuniore, qui, cum annorum esset ferè tredecim, Princeps ab vniuersis declaratus, Romanum imperium suscepit, cruentissima bella instaurata sunt, & Gordianus consiliis atque prudentia Misitheo viri doctissimi ac eloquentissimi, cuius filiam, Tranquillam nomine, vxorem duxerat, eumque dignum putauit familiæ suæ inferendum, quippe qui, ut plarique tradunt, à Scipionibus ortum atque originem trahebat, in Persas cum ingenti exercitu profectus, contra eos felicissimè dimicauit. Primum verò fecit iter in Mæsiam, & quicquid hostile in Thracia reperit, deleuit, fugauit, expulit. Inde per Syriam in Antiochiam à Persis occupatam perrexit. Illic frequentibus præliis pugnauit, & vicit, Saporem Persarum rege Artaxaris filio submoto, qui tamen si erat statura procerus, & corpore horribilis, adeò tamen ipsum Gordianum extimuisse ferunt, ut deductis ex urbibus præsidiis, eas integras suis ciuibus redderet. Sic Carræ, & Nisibis, quæ Antiochia est, capte: sic & aliæ vrbes, quæ rursus temporis sub Persarum imperio erant, in Romanorum potestatem cesserunt. Effectum denique est, ut Persæ, qui iam vniuersæ Italiæ haud mediocrem terrorem incusserant, sub hoc laudatissimo Principe, ductu & auspicio sui soceri, in regnū suū redierint, totumque Orientem Romana Respublica retineret. Quæ omnia Senatui Gordianus perscripsit, eaque Misitheo, qui idem Timessocles dicebatur, præfecto, & socero accepta retulit. Ob quæ, Senatus diis supplicationes, Gordiano triumphum decreuit, & Misitheo currum triumphalem, & titulum magnorum honorum cum iis verbis:

MISITHEO EMINENTI VIRO PARENTI PRINCIPVM,
PRAETORI TOTIVS VRBIS, TVTORI REIPVB. S. P. Q. R.
VICEM REDDIT.

Gordiano, vicesimo secundo ætatis suæ anno, astu atque insidiis Philippi
Ara-

Arabis, quem primum ferunt ex Romanis Cæsaribus factum esse Christianum, interempto, fasces Imperij Romani ad ipsum Philippū deuolutæ sunt, qui, simulac Principatum adeptus est, nihil habuit antiquius, quàm vt cum Persis pace facta, percussoque fœdere, in Italiam aduentaret. Proinde dimissa Syria ac Mesopotamia hostibus, iter per Arabiam suscepit, ac paterno in solo Philippopolim urbem sui nominis condidit. Dehinc Romam petens, anno secundo imperij sui ludos seculares fecit ingenti pompa Cal. Maij, cùm millesimus annus esset urbis conditæ. Verùm enimuero cùm se propter amissas prouincias populo Romano minus gratum acceptumque esse animaduerteteret, vt eum sibi reconciliaret, mox Persis bellum indixit. Cæterùm ipsis prouincias restituere pollicentibus, res sine sanguine peracta est. Philippus interim, postquam annos quinque regnasset, Veronæ à suis militibus interfectus est, ac Decium imperij successorem reliquit. Hic autem vix biennium summæ rei vnâ cum filio præfuerat, cùm aduersus Getas, qui Istrum transierant, vires atque arma conuertens, in priore prælio triginta millia Getarum, qui & Gothorum, sic enim postmodum appellati sunt, interemit: At in posteriore prælio, cum Gothi arte traxissent Decium in loca palustria, filius fortiter dimicans, in prima acie trucidatus est. Pater ira & dolore longius procedens, mersus est in paludem, & ibi periit, moxq; Gallus Hostilianus, & Gallus filius Volusianus Imperatores creati, qui, vix completo biennio, cùm aduersus Æmilianum in Mœsia res nouas molientem cum exercitu profecti essent, ambo Interamnæ occisi sunt. Hinc Licinius Valerianus in Rhetia & Notico agēs, ab exercitu Imperator, & mox Augustus est factus: Galienus quoque Romæ à Senatu Cæsar est appellatus. Horum autem imperium Romano nomini perniciosum, & penè exitiabile fuit, ita vt vel infelicitate Principum, vel ignauia, Germani Rauennam vsque venirent. At Valerianus anno quarto imperij in Orientem contra Persas profectus, & in Mesopotamia bellum gerens, à rege Persico Sapore victus & captus est, qui aliquot annos, quoties equum conscendit, pedem ceruici Valeriani imponens, pro scabello eo vsus est. Tandem in extrema senectute viuenti cutem à ceruice, vt nonnulli asserunt, ad pedes detrahi iussit. Hic fuit exitus huius nobilissimi ac præstantissimi viri, quem dicunt ex familia Romana, longè splendidissima, videlicet, Cornelia, oriundum fuisse. Hic autem intueri licet insigne ac miserabile fortunæ ludentis exemplum, atque humanarum rerum inconstantiam, sicuti etiam, vt de reliquis in præsentia supersedeam, in Baiazete primo, Turcarum Rege, qui à Tamerlane ad Stellam montem in acie deuictum, victori itidem equum ascendenti, dorso subdito, scabelli vsum præstitit. Quomodo autem in hostium potestatem deuenerit, variè narratur. Zosimus primo libro suarum historiarum, de illo sic memorię prodidit: Valerianus, inquit, intellectis Bithyniæ calamitatibus, ex diffidentia nemini ducum credere defensionem illius contra Barbaros audebat, sed misso Felice, qui præsidio Byzantinis esset, ipse, relicta Antiochia, ad Cappadociam vsq; progrediebatur, & transitu duntaxat ad tritis vexatisque oppidis, pedem referebat. Cùmque pestis inuasisset exercitus, eorumque maiorem partem sustulisset, Sapoꝛes Orientem adgressus, in ditionem omnia redigebat. Interim Valeriano propter molli-
ciem ac socordiam de subleuandis ad extremum prolapsis rebus desperante,
dataque

Philippus A-
rabs Gordia-
no succedit,
& mox in
pacem cum
Persis.

Philippopolis

Idem Persis
bellum indixit.

Eiusdem
causes.
Decius Im-
perat.

Eiusdem obli-
tus, & filij
causes.
Hostilianus
& Volusia-
nus, interse-
cti.
Valerianus
creatur Im-
perator.

Idem capitur
à Persis, &
sic exemplum
humana ca-
lamitatis.

dataque pecunia, bello finem imponere volente, missos hoc nomine legatos, Sapo- res ab se, rebus infectis dimisit, & ab ipso Imperatore petiit, vt de nego- ciis, quæ ad eum pertinere viderentur, secum in colloquium veniret. Ille, nul- la prudentia postulatis ad sensus, & inconsultò cum paucis ad Saporem pro- fectus, quasi de pace cum eo collocuturus, ab hostibus subito comprehendi- tur, & in hac fortuna captiuus, apud Persas viuendi finem fecit, maximo de- decore nomini Romano apud posteros relicto. Hæc Zosimus. Cæterum Agathias lib. IIII. tradit, hunc à Sapore viuum excoriatum, & inter cætera subiungit, hunc Saporem fuisse virum iniustissimum, & humano sanguine contaminatum, iraque feruè inflammatum, & in sæuitiâ prorucere solitum, ad parcendum verò dandamque precantibus veniam, segniorem. Vtrum ve- rò, inquit, id scelus in alios prius patrauerit, nil habeo, quo affirmare id aper- tum queam. Quòd autem Valerianum, tunc Romanorum Imperatorem, is, cui fuerat per hunc bellum illatum, victum ab se, viuumque captum eo mo- do excruciauit, (quo scilicet Chosroes, qui fuit temporibus Iustiniani, Na- choragan viuum excoriar iusserat) testis est omnis historia. Postremò ad- dit hunc, omnium crudelissimum, vixisse vnum & triginta integros annos, & ingentibus iacturis Romanos affecisse, nimirum qui regem suum necan- do, nil denique sibi ad eam rem impedimento fore præcogitarat. Eundem, imperium propagasse, quippe qui & Mesopotamiorum vastarit agrum, de- inceps, finitimos quosque, Cilices, Syros, Cappadoces vsque peruadentem, depopulatum esse, & incredibilem his cladem intulisse, atque adeò, vt abrup- tas illas & vacuas montium intercapedines anfractusque cæsum repleue- rit cadaueribus, complanauerit colles, & loca editiora inter se distantia, ac postmodum sic equitasse, & peruasisse, ac si montium fastigia in infimo de- scendissent. Hunc deinde, cum domum rediisset, nec mediocriter vteretur, quæ per impietatem parasset, sed immodica elatum iam insolentia, haud longè post vt superbire desineret, Odenatum Palmirinum coëgisse, virum quidem tum primùm obscuri planè incogniti que nominis, sed qui ex illatis Saporis calamitatibus, & rebus aduersus hunc gestis, ingentem retulit laudem, & plarisque, priscis Historicis, vt dignus memoria, nobilitatus est. Hæc Aga- thias. Cæterum, priusquam de Valeriano sermonem absoluam, omisissis quæ de illo Sex. Aurelius Victor, Eutropius, Zonaras, Nicephorus, & plarique alij scriptores tradiderunt, subiungam, quæ de ipso Trebellius Pollio in lite- ras retulerit. scribit enim, præfatum Valerianum, ductu cuiusdam sui ducis, cui summam rerum commendauerat, in ea loca fuisse deductum, siue frau- de, siue iniqua fortuna hoc euenerit, vnde nullis viribus, nullo consilio, nul- laque industria elabi potuerit. Sic itaque captum, ignobili, misera ac perpe- tua seruitute apud Persas consenuisse, eoq; vitam, quo dictum est, exitu ter- minasse: quâquam amici Reges, Armeniorum Arthabestes, & Cadusiorum, Valerius, & Belsolus, alii que finitimi Principes, Saporem regem, ea victoria nimis elatum, literis admonerent, ne abuteretur victoria. Quinimò & Ba- ctrianos, Hiberos, Albanos & Thauroscythas Romanis auxilia polliciros fuisse pro liberando Valeriano: Saporem, literas, quas ad se de ea victoria de- dederat, aspernatum. sed cum Valerianus, inquit, apud Persas cōsenesceret, iam septuagenario maior, Odenatus Palmirinus decurio, qui inter triginta quoq;

tyran-

Saporis cru-
delitas.

Odenatus
Palmirinus.

tyrannos (tot enim numero iisdem temporibus Romanū imperiū supramo-
dum afflixerant & dilacerauerant) connumeratur, collecto exercitu, agre-
stiumq; manu, rem Romanam quæ vndique ruinam minabatur, egregiè tu-
tatus est, ac labore vigiliisque in pristinum propè statum reposuit. Nam Re-
gis thesauros, regiasq; concubinas, quas thesauris chariores rex Persicus ha-
bebat, sui iuris fecit. Quocirca timore perculsus Sapor, sese quàm citissimè
in suum regnum recepit, cum præsertim Balistæ Valeriani quondam præfe-
cti exercitum, qui sese Odenato associauerat, pertimesceret. Iam enim Ode-
natus cum vxore sua Zenobia imperium Orientis multa & fortuna, & vir-
tute à Romanis partum, occuparat. Quod nisi assumpsisset, in Oriëte res om-
ninò perditæ essent. Cæterum viriliter ac intrepidè contra Persas bellum ge-
rens, Nisibin primùm, & Orientis pleraque cum omni Mesopotamia in po-
testatem recepit, & deinde ad Ctesiphontem vsque profectus, Saporem cum
liberis in fugam vertit. Post hæc, composito maiori ex parte Orientis statu,
à cōsobrino Maonio, qui & ipse imperium sumpserat, vnà cum filio Hero-
de interfectus est. Hoc viuis sublato, Zenobia, virilis animi, eximiaque vir-
tutis ac fortitudinis femina, non secus ac Semiramis, duxit exercitum, &
contra Persas felicissimè dimicauit.

Odenati Pal-
minus victo-
ria contra
Persas.

Eiusdem
interitus:
Zenobia:

Dum inter sese Romani duces sub P. Aurelio Licinio Gallieno Valeriani
fratre, siue, vt aliis placet, filio, qui Caligulæ ac Vitellio simillimus, Romanū
Imperium per annos vndecim turpissimè ac fœdissimè administravit, belli-
geratur, Dei Ecclesia non mediocriter adaueta est. Multi enim libentiùs am-
plexi sunt doctrinam de vero Deo, cum viderent scelera, furores, & pœnas
impiorum Principum, qui idola defendebant. Simul autem, vt fit in confu-
sionibus imperiorum, praua ingenia sparserunt impias opiniones. Ac præci-
puè duæ furia diuersis locis valdè perniciosæ ac exitiales fuerunt. Manes
in Persea, à quo Manichæi nominati sunt, & Paulus Samosatenus Antio-
chiæ. Attigat Aureliani tempora vterque. Imposturæ autem dissimiles exti-
terunt. Manichæa pugnans cum iudicio rationis, & ciuili consuetudine vitæ,
absurda, monstrosa, barbarico spectro similis, seu Chimæra, seu Empusæ,
cōflata ex Stoicis deliramētis, & fanaticis furoribus, ac simulatis afflatibus.
Samosatenica verò, vt bella meretricula, fucata philosophicis coloribus, la-
sciuiens, & blandis illecebris inuitans curiosa ingenia, non tunc primùm na-
ta, sed antea Plotini disputationibus Alexandriæ comta. Porro extant vetu-
stæ refutationes scriptæ ab Irenæo contra Marcionem, & ab Augustino con-
tra Manichæos, quorum hæc præcipua capita fuerunt, Videlicet, duo princi-
pia esse pariter æterna, & inter se pignantia, Bonum & malum. Bonum no-
minarunt lucem, malum, tenebras, & materiam, quam dixerunt malorum
omniū causam esse. Ortos à malo, nominarunt *χαίκοις καὶ ὑλικούς*. Hos dixerūt,
quia haberent semina malæ materiæ, necessariò sceleratè facere, nec posse ad
Deum conuerti. Contrà verò, ortos à bono Deo, necessariò recta facere, nec
damnari eos posse, quia sint in eis lucis semina. Nec teneri eos lege, etiā cum
contraria legi faciant, quia lex tantum iudicet ortos à materia. Ita docuerunt
omnia necessariò fieri, bonas & malas actiones, & prorsus nullam esse huma-
næ voluntatis libertatem in bonis & malis actionibus, interioribus, & ex-
terioribus. Hic Manes præter cætera, Solem & Lunam, diuinum quiddam

Gallienus
Imperat.

Manes Per-
sa, unde
Manichæi.

Manichæorum
præcipua do-
gmata.

N

esse

esse putauit, ac de eis multa silentio digna portentose confinxit. Dæmonem, nunc materiam, nunc materiæ principem vocauit. Coniugium, diaboli legem & constitutionem esse dixit. Dominum autem, neque animam, neque corpus recepisse, sed hominem tantum visum esse, nihil humani habentem, asseuerauit. Perpeffiones verò, ei per speciem duntaxat & fucum accidisse. Resurrectionem corporum, veluti fabulam repudiauit. Animarum autem transitiones è corpore in corpus, & quidem etiam in volucrum, & pecorum, & ferarum corpora, docuit. Cuius sectatores etiam elementa omnia animata esse arbitrati sunt. Horum autem præcipui, tres fuisse dicuntur, videlicet, Addam, Thomam, & Hermam: ex iis, Addam ad Syros, ad Indos autem Thomam misisse præcones. Qui reuersi, cum se dicerent, multa dura passos esse, neque quenquam doctrinam eius recipere voluisse, eò temeritatis atque impudentiæ deuēnit, vt seipsum Christum nominaret, & Spiritum sanctum, aliumque Paracletum missum esse diceret. Et duodecim secum ducens discipulos, in Mesopotamiam peruēnit, Persarumque regnum peragrauit, ac temerario impotentique animo cum se pro medico venditaret apud regem Persicum, eiusque filium in curatione seu dolo, seu inscitia necasset, rex Persarum eum ei detrahi iussit, atq; ita nudus canibus est obiectus. Hoc exitu Manes vitam terminauit. Ipsius autem hæresis sese per multas prouincias & regiones longè lateque diffudit, & præsertim in Persia, ita sanè, vt maior ferè pars indigenarum hoc pestifero ac exitiabili veneno infecta fuerit. Huius sectæ professores, festum omnium apud se celeberrimum, quod vitiorum vocabant interitum, peragebant, in quo & serpentium plæraque, & quorumuis animantium, quæ fera & solitaria sunt, interficere, & magicis offerre consueuerant, perinde ac insigne aliquod pietatis argumentum; hac via se arbitrati, Hornusdati quod bonum appellabant, gratam operam exhibere; molestiam verò, & perniciem Arimano, pernicioso ac pessimo dæmoni, qui bono aduersaretur. Aquam in primis venerabantur, adeò vt ne hac quidem faciem abluerent, nec eam quoquo pacto attingerent, siue potandi gratia, siue arbores irrigandi, seu aliqua alia ratione. Quin etiam deos alios plerosque nuncupabant, & Græco ritu propitiabant. Vtebantur præterea sacrificiis, purgationibus, oraculisque, & his quidem Græcorum more. Ignem verò preciosissimum & sanctissimum censebant, quem, in ædiculis quibusdam, vt sacris semotisque, Magi perennem seruabant, eundemque, dum intenti custodirent, arcana peragebant sacra, & de futuris interrogabant. Hæc, & multa his consimilia ab eis fiebant, præter & contra expressum Dei verbum, & plurimos mortales in suam sententiam abduxere. Cæterum, ne in his sathanicis & monstrosis erroribus diutius immorer, ad susceptum ordinem reuertar.

Manes trucidatus à rege Persarum.

Flavius Claudius.

Val. Aurelianus.

Eiusdem victoria contra Zenobiam.

In Italia, postquam Gallienus Imperator prope Mediolanum à Cecropio Dalmata interemptus esset, à Romano exercitu Flavius Claudius Cæsar renuntiatus, & à Senatu in eodem imperio confirmatus, regnauit annū vnum & menses nouem, ei que successit Valerius Aurelianus, vir militari virtute excellens. Hic, præter cætera, duxit exercitum aduersus Zenobiam, quæ Syriam & loca finitima in sua potestate retinebat. Cum ea congressus, aliquot prælia infelicitè gessit. Tandem circumfessa Palmyra, cum Zenobia ex ea vrbe in loca tutiora discederet, conspectam in eo itinere Aurelianus cepit. Viua Roman

Romam perducta est, vbi in triumpho splendidissime ornata, currum Aureliani, in magna turba captiuorum, cum filiis & filiabus antecessit. Postea concessum est Zenobia, vt Romæ, more priuatæ matronæ cum filiabus viueret. Hic deinde, composito vrbis statu, rebusque omnibus ritè constitutis atque ordinatis, in Galliã se cõtulit, & Vindelicos Barbarica obsidione liberauit, ac etiam Monetariorum bellum compescuit. Deinde cum per Illyricum iret, contra Persas iterum pugnaturus, quod Zenobia auxilium tulerat, magnum cogens exercitum, apud Cænophrurium, qui locus est inter Hera- Aureliani
cades. cleam & Byzantium, malicia notarij sui, & manu Mucaparis interemptus est, anno sexto imperij: ab orbe autem condito quater millesimo, ducentesimo, vicesimo quinto: anno Romæ millesimo vicesimo tertio: à Christi verò natiuitate, anno ducentesimo, septuagesimo tertio. Huius extat epistola militaris, ad vicarium suum data, præclaras leges militares continens, quam hîc inferere non grauabor.

SI vis, inquit, tribunus esse, imò si vis viuere, manus militum contine. Eiusdẽ epi-
stola ad suum
vicarium. Nemo pullum alienum rapiat. Quem nemo contingat. Vuam nullus auferat. Segetem nemo obterat. Oleum, sal, lignum, nemo exigat: Annona sua contentus sit. De præda hostis, non de lachrymis prouincialium habeat. Arma terfa sint, ferramenta famiata, calciamenta fortia, vestis noua vestem veterem excludat. Stipendium in balteo, non in popina habeat. Torquem, brachialem & annulum apponat. Equum saginarium suum defricet. Captum animal non vendat. Mulum centuriatum comiter curet. Alter alteri, quasi seruus obsequatur. A medicis gratis curentur. Aruspibus nihil dent. In hospitii castè se agant. Qui litem fecerit, vapulet. Flauius Vopiscus tradit, Exemplum
seueritatis. hunc Aurelium sceleratis militibus tanto fuisse terrori, vt postea quam semel cum ingenti seueritate castrensia delicta correxerat, nemo deinde peccare auderet. Militè, qui adulterium cum hospitis vxore commiserat, ita puniuisse, vt duarum arborum cacumina inflecteret, quæ ad pedes militis deligaret, eademque subito dimitteret, vt distractus, vtrinque penderet. De hoc itidem Imperatore in literas relatum est, cum Tyānam venisset; eamque occlusam reperisset, iratum dixisse, Canem in hoc oppido non relinquam. Hac voce milites erectos fuisse in spem prædæ, & Heradamum Tyanensem, metu, ne cum cæteris occideretur, prodidisse ciuitatem. Qua capta, ipsum Aurelium, Heradamonem patriæ proditorem, occidisse. Militibus verò ex Cæsaris promissis direptionem oppidi flagitantibus, respondisse: Agite, canem me negaui relicturum, canes omnes interficite. Hoc pacto & proditori mercedem rependisse, & militum auaritiā eluisse. Videtur autem hic sermonis color, vt hoc etiam obiter adiungam, sumptus ab Hebræis, in quorum literis reges qui minantur internecionem, negant se quenquam relicturos, vsque ad mingentem ad parietem: canem hac periphrasi significantes. Hunc etiam perhibent, petenti vxori, vt se vnico pallio serico vti sineret, respondisse: Absit, vt auro fila pensentur. Libra enim auri tunc libra serici fuit.

Post Aureliani interitum, Annii Tacitus consensu Senatus ac militum, Annii Ta-
citus. Cæsar designatus fuit, qui tantummodo sex menses regnavit, mortuus in vrbe Tarso, cuiusque frater, ex alio tamen patre, Florianus, dominandi cupiditate impulsus atque incitatus, imperium tanquam hereditarium inuasit, Florianus.

N 2 quod

Valerius
Probus.

Persarum le-
gatio ad Val.
Probum, pro
pace.

Probi inter-
itus.

quod fatis concedens, vix duobus mensibus tenuit. In cuius locum Valerius Probus, vir illustris gloria militari, multisque heroicis virtutibus clarus, communibus suffragiis totius exercitus ac senatus suffectus est. Is, præter multas inclytas & insignes victorias ex variis ac diuersis nationibus cum æterna sui nominis laude, maximoque Romanæ Reipub. beneficio adeptas, Persas & Parthos ita exterruit, vt ad eum legatos mitterent, pacem efflagitantes, quam etiam per id quidem tempus benignè concessit. Cùm verò ipsi, haud multo post, res nouas molirentur, illis bellum inferre statuit. Cæterum fortuna eius conatibus obstitit. Cùm enim per Illyricum iter faceret, à suis militibus per insidias interemptus est anno vi. Imperij. Hic laudatissimus Imperator non patiebatur militem esse ociosum, sed multa opera militari manu perfecit, dicens: Annonam gratuitam militem comedere non debere. Idem, cùm multa Barbarorum loca purgasset latrociniiis, vbi peruenisset ad Ifauros, dixit, ab illis locis facilius arceri latrocinia, quàm tolli: Sentiens dandam esse operam ne latronibus illuc esset aditus, nèue iuuenes latrocinia discerent. Itaque loca omnia, quæ angustum haberent aditum, veteranis concessit; addens, vt eorum filij ab anno decimo octauo ad militiam mitterentur, ne antè prædari discerent, quàm militare. Hoc tum rectè Probus, cùm multum interesset, inquit Vopiscus, inter militiam & latrocinium. Huic etiam cùm equus esset oblatus, qui ob miram currèdi velocitatem admodum laudaretur, (centum enim ad diem millibus passuum currere dicebatur, credentibus hoc vniuersis) Fugitiuo, inquit, militi potius hic equus, quàm forti conuenit.

Carus Nar-
bonensis.

Idem fulmi-
ne ictus,
perit.

Probo successit Carus Narbonensis, qui vt primùm ab exercitu Cæsar renuntiatus fuit, imperijque molem subiit, consensu omnium militum, bellum Persicum, quod Probus parabat, cum omni militari apparatu aggressus est, liberis suis Carino atque Numeriano prius Cæsaribus nuncupatis. E quibus, Carinum ad Gallias tuendas misit, recepto secum Numeriano. Confecto autem bello Sarmatico in Pannonia, vbi tum Sarmatæ Pannoniam vastabant, in Italiam sese irrupturos minantes, sexdecim millibus interfectis, & diuersi sexus viginti millibus captis, inter eundem ad Persas cum totis Probi viribus, recepta Mesopotamia, Ctesiphontem peruenit: & nisi fulmine ictus concidisset, ingentem omninò victoriam à Persis reportasset. Nonnulli in literas retulerunt, à præfecto sui prætorij Apro, qui & ipsius, & filij exitium quærebat, vt ipse imperaret, longius abductum, donec in morbum caderet. Interim sæua atque atroci tempestate exorta, immani coruscatione ac immaniori tonitru exanimatum esse. Vnde quidam dixerunt, in fatis esse, Romanum Principem Ctesiphontem transire: imò Carum fulmine absumptum, quod fines fatales transgredi tentasset: Cecinerat enim vates antiquissimi: Romana arma Ctesiphontem transire nefas esse: & duces qui ausi fuissent, pœnas daturos. Putant M. Crassum id cogitantem, cum exercitu periisse. M. Vlpium Traianum, transgredi ausum, Italiam non repetiisse, & quinque Prouincias trans Tygrim statim amisisse: fatiúsque fuisset, iter non tentasse. Legiones longo labore attriuit, & ferè consumpsit. Et quamuis victor longius produxerit terminos, tamen non multum profecit: dubium, an sic volentibus fatis, an culpa successoris Adriani. Ctesiphontem cupiens transire,

transire, superato Tygride, Valerianus, à Sapore Persarum rege, vt antea commōstrauimus, captus est. Verūm Odenatus Palmirinus victor Romanę maiestatis, Ctesiphontem vsque trans Tygrim peruenit. Carus Imperator exercitum Probi Sarmatico bello latè victorem duxit in Persida, hostile regnum vastauit: Seleuciam cinctam Euphrate, quam olim ceperat Ælius Verus Antoninus, expugnauit. Deinde Ctesiphontem petētem, & longius progredi volentem, vel morbus, vel iētus fulminis cælo turbido & coruscante, absumpsit. Sed oracula plærunque aut vana, aut credentes sapius cludunt. Galerius enim, vt infra ostenderetur, Ctesiphontem transiuit, & Romanos fines auxit & dilatauit. Caro imperij anno secūdo, vitæ muneribus defuncto, traditæ sunt rerum habēne eius filio Numeriano, qui comes patri bello Persico fuit, & nimio fletu ob paternā necem sibi oculos corruptit. Proinde cū oculis æger esset, eiq; aër & vigilia in bello Persico plurimū obessent, occlusa lectica ferebatur. Arrius Aper, cuius filia nupserat Numeriano, imperium affectans, illum, nihil huiusmodi suspicantem, occidit: fœtore tamen cadaueris homicidium est proditum, Aperq; inuasus, quem Diocletianus, educto gladio, mox iugulauit. Carinus autem, alter Cari filius, vbi Diocletianum audiuit ab exercitu in Perside Imperatorem electum, cum exercitu contra eum progressus, & multis tandem præliis apud Mergam in Dalmatia victus, occubuit. Sex. Aurelius tradit, Carinum trucidatum eius tribuni dextra, cuius dicebatur vxorem polluisse.

Numerianus electus Imp. ab Arrio Apro interfecit.

Carinus vincitur à Diocletiano.

Diocletianus interim, profligato ac præliis victo Carino, Augustus est appellatus, & à Senatu magno honore exceptus. Cū autem in diuersis mundi partibus insignes excitarentur tumultus ac vndique plures tyranni insurgerent, in Galliis, Britannia, Ægypto, ac Italia, Maximianum Imperij consortem elegit, quem Cæsarem & Augustum, mox Constantium, & Galerium Maximianum Cæsares fecit. Pacatis demū in Occidente rebus, atque in Ægyptum profectus, illam breui sub Romani imperij pristinam fidem atque obsequium reduxit, & aduersus Arabas expeditionem parauit. Cæterū ad res in Oriente turbatas sedandas, Galerium Maximianum cum exercitu præmisit. Narseus enim rex Persarum, Varranis secundi filius, & Varracis nepos, qui Varranem primū patrem, Hormisdan auum, Saporem abauum, & Artaxarem atauum habuit, tum Armeniam, ac Mesopotamiam bello laceſſebat, pluribus regibus Sironitarum & Albanorum, multisq; regulis propinquis in auxilium vocatis. Contra hunc iuuenili ardore progressus Galerius, primū æquo Marte pugnavit. Vnde animosior factus, dum contra tantam multitudinem inconsultius progredederetur, haud longè à Carris victus, omnem penè amisit exercitum. Atque hinc per Syriam ad Diocletianum venit, ad quem antea aduersi belli fama peruenerat, cui post cladem acceptam, ante Carpentum per mille passus currere conatus est, veluti homo gregarius, priusquam audiretur. Quem vbi Princeps minis acerrimè castigasset, hac contumelia quasi cote vsus est ad virtutem. Itaque reſecto supplemento ex lectissimis militibus Daciæ, Illyriæ ac Mœsiæ, contra Persas feliciore auspicio profectus, vt ignominiam aboleret, omnia prius diligentius explorauit, quā manus confereret. Reperto autē hoste in maiori Armenia, noctu castra hostilia de improviso cum viginti millibus equitū adortus, in-

Diocletianus renunciat Cæſar.

Narseus rex Persarum.

Eiusdem victoria & clades.

Fœdus inter
Persas &
Romanos.

Diocletianus
sponte abdi-
cat se impe-
rio.

Constantinus
Imperator.

gentem Persarum multitudinem felici victoria strauit, dedecus aboleuit, finesque Romani imperij longius produxit. Nam tota Assyriam expugnata Ctesiphonte cepit, & quinque Prouincias Transfigrytanæ, quæ statim redeunte ad urbem Traiano defecerant, subegit, & imperio adiunxit. Fugatus vulneratusque Narseus, ad inuios Parthorum montes recessit: Regis proles, vxores, ac sorores captæ sunt. Persarum nobilitas abducta, reguli & duces triumpho referuati. Ictum est fœdus, ut Persæ ab Armeniis, Mesopotamia, Assyria, nouisque prouinciis abstinerent. Victor Galerius ad Diocletianum, qui cum firmissimo subsidio in Mesopotamiam cœcesserat, ut Romanis animus, & hosti terror præberet, peruenit ouans, ingenti honore ab eo susceptus, & post, Augustus appellatus. Diocletianus interim, rebus toto Oriente compositis, Europam repetiit. Hunc tradunt historici primum extitisse, qui regie cōsuetudinis formam magis quam Romanæ libertatis, inuexerit, seq; primum adorari, & pedes exofculari iusserit, cum ante eum cuncti salutarentur, quibus etiam venerationem adhibuit, exornans calciamenta auro, gemmis, & margaritis. Nam prius Imperij insigne in chlamyde purpurea tantum erat: reliqua verò cum cæteris communia. De hoc autem posteris ac memoria traditum est, ipsum, pacato demum orbe, post annorum imperium xx. apud Nicomediam spōte Imperiales fascēs reliquisse, atque in propriis agris consensuisse. Rem sanè miram, & ad eam ætatem incognitam, ut nec pregruante saltem senectæ, vel rerum mole, ex tanto fastigio, ad priuatum vitæ statum remearet, ac sese vltro in ordinem redegerit. Qui dum ab Herkulio atque Galerio, ad recipiendum imperium rogaretur, tanquam pestem aliquam detestans, in hunc modum respondit: Utinam Salonæ possetis visere olera nostris manibus insita, profectò nunquam istud tentandum iudicaretis. Itaque per decem annos, quot priuatus Salonis superfuit, hortorum amœnitati vacans, à priuata vita abduci non potuit, testatus, nullos sibi vnquam Soles lætiores affulxisse. Maximianus quoque, Mediolani imperium eadem die deposuit. Sed Diocletianus certè constantius in proposito permansit, ei que contigit quod nulli post natos homines, ut, cum priuatus obiisset, inter Diuos tamen referretur. Vbi autem vterque simulque Maxentius & Maximianus imperare desierunt, imperium ad collegas, nempe, Constantinum, & Licinium deuolutum fuit. Initium autem imperij Constantini collocatur paulò ante Maxentium, videlicet, in annum mundi quater millesimum, septuagesimum secundum: Annum Romæ millesimum sexagesimum: Annum Christi trecentesium decimum. Sunt ergo ab initio Diocletiani ad hunc annum qui fuit initium Constantini Magni, viginti duo anni. Hic fuit primus, qui relicto Occidente, imperium in Orientem transtulit, & regnauit annos triginta duos, minus duobus mensibus, vixitque annos lxxvi. Iam senex, Persis Mesopotamiam diripientibus, bellum indixit, & copias ad hanc expeditionem paratas eduxit, classeque transuexit. Ipse interea, Sotiropolim urbem, Pythiam antea vocatam, petiit, ut senile corpus calidis aquis foueret, & languidas vires instauraret. Priusquam verò se ablueret, medici pharmacon dedere. Cæterum ministri ab affinibus pretio corrupti, nocua immiscuere. Ille, nihil doli inesse suspicatus, poculum ebibit, & mox incidit in morbum, quo ingrauescente, ductus est in villam publicam prope

prope Nicomediam. Constantinus iunior, qui exercitum aduersus Persas Antiochiæ colligebat, de aduersa patris valetudine certior factus, Nicomediam aduolauit, vt pater diligentius curaretur. Sed intrinsecus absumente veneno, medicorum fomenta nihil profuere, atque ita extinctus est, & Byzantium regale funus perductum. Denuntiata mors eius etiam per crinitam stel-
 lam, quæ inusitata magnitudinis aliquandiu fulsit. Imperij successores tres filios reliquit, scilicet, Constantinum, Constantem, & Constantium, quibus etiam Dalmatium, Anniballiani fratris filium, adiunxit. Ex his, Constantius, cui in partitione imperij Oriens cesserat, contra Persas improspere fortuna præliatus est. Cæterum antequam instituti atq̃uenti seriem prosequar, neutiquam alienum ab re fuerit, si breuiter annotauero tempora, quibus Persica gens, discussis veris erroris tenebris, diuini numinis fauore, ad meliorem mentem vocata sit, & Christianam religionem susceperit. Quamuis maior pars Romanorum Imperatorum à Tiberio vsque ad Diocletianum, & Maximianum Herculeum, Christianæ fidei eiusque professori, longè infensissimi extiterit, atq; illos variis suppliciis & cruciatibus affecerit. nullus tamen eorum tam atrociter in eos defecit, ac debacchatus est, quàm hi duo prænominati Cæsares. Hi namque, pacatis iam omnibus Prouinciis, cum circiter decem annos regnassent, Nicomediam conueniunt, & de delendis Christianis deliberant: quia dissensio religionis magnas discordias in familiis, & in imperio pariebat. Et quia inter ipsos Christianos multa dissidia erant, diuulsos inter sese facilius opprimi posse sperabant, iuxta dictum: Concordia parua res crescunt, discordia maximæ dilabuntur. Erant enim multi transfugæ, & alij sycophantæ inter eos, qui tanquam furæ incitabant & armabant Imperatores. Durauit autem hæc sæuitia circiter decennium, & numerari potest inter exempla diuinæ crudelitatis, præcipua, quæ Ecclesia sensit, qualem in Ægypto Pharaonis tempore, & deinde Antiochi, experta est. Edictum propositum, simile Antiochi edicto: Vt omnes homines vbique sacrificarent Diis Imperatorum: non sacrificaturi, afficerentur suppliciis, & vt templa, & libri delerentur. Nulla magna vrbs fuit, in qua non quotidie circiter centum raperentur ad supplicia. Conspectum est, bestias pepercisse multis, qui eis obiecti erant: Abstinuisse etiam sanctorum cadaueribus. Ita ostendit Deus, belluas mitiores tyrannis. Et tamen eæ sæpè lacerarunt ipsos carnifices, & impios spectatores. Annotatum est in vno mense ad septendecim millia in diuersis locis interfecta fuisse. Hæc fiebat Diocletiani, Maximiani, & Maximini crudelitate: postea etiam Maxentij. At Constantius, qui Galliam, & Germanias regebat, non fuit huius sæuitiæ socius, sed Christianis in hac parte imperij quam ipse tenuit, pepercit. Huius filius Constantinus, apud Diocletianum militabat in Ægypto, vbi & ipse, & Maximianus, insidias ei struxerunt, vt eum è medio tollerent, sed effugiens, rediit ad patrem in Galliam. Ita cum in Asia, Syria, & in Italia nobilissimi homines cõtrucidati essent, & multæ vrbes ad vastitatem ac solitudinem redactæ, Diocletianus & Maximianus imperium vno die, vti antea recensuimus, volentes deposuerunt, vel dolore, quod perfici non posse viderent ea quæ moliti fuerant, vel metu Constantini, qui Maximianum Massiliæ interfecit, nec multo post, huius filius Maxentius ad pontem Miluium ab eodem deuictus, cum magna multitudine in flumine

Eiusdem
obitus.

Cometa.

Constantini
successores.Diocletianus
& Maxi-
mianus a-
cerri mi ho-
stes
Christiano-
rum.Constantinus
& Constans
eius fi-
lius, suere
maximi fan-
tores Chri-
stiana Religio.Maximianus
& Maxen-
tius tragicum
exitum sortui
sunt.

submersus periit. Constantinus, his duobus tyrannis sublati, atque Occidentali imperio potitus, pacem in Occidente restituit, aboleuit decreta tyrannica, Christianos iniuriis affici prohibuit, & in prouinciis iudicia & praesidia ordinauit. Interea cum Licinio tenente Illyricum, quem Maximinus Cæsarem nominauerat, foedus contraxit, ei que sororem Constantiam uxorem dedit, ac deinde illum misit in Asiam contra Maximinum, qui ad Tarsum in acie superatus, phthiriasi inter saeuos cruciatus periit, cum examina vermium ei in inguinibus nata essent. Deuicto Maximino, Licinius Orienti praefuit: qui, post imperium adeptus, impotenter ac tyrannice regnare incepit, adeo ut tandem Constantinus filium suum, Crispum nomine, cum ingenti exercitu contra eum miserit, quæ ad urbem Adrianopolis magno praecilio vicit, ipseque ex Europa aufugit in Bythiniam, & rursus exercitum collegit: sed ibi quoque victus, pacem petiit, missa ad victorem sorore ipsius Constantia, quæ vitam Licinio marito impetrauit, sed ita, ut priuatus Thessalonie cum coniuge viueret. Aliquanto post, cum nouos motus excitaret, à Constantini praeside Thessalonie interemptus est. Extinctis igitur quinque tyrannis, Diocletiano, Maximiano, Maxentio, Maximino, & Licinio, tenet Monarchiam solus Constantinus, qui, cum leges & iudicia deleta essent, & non solum bellis ciuilibus, sed etiam sauitia, quam tyranni aduersus Christianos exercuerant, vastata essent prouinciae, victor Constantinus & Ecclesias & imperium restituere cepit, & rursus Christianorum templa erigi, & redditus pastoribus attribui iussit. Sub hoc igitur praestantiss. atq. Christianiss. Principe Christiana Religio per varias orbis partes mira incrementa suscepit, adeo ut diuersi populi & Nationes Seruatori nostro certatim nomina darent, & patriis ritibus posthabitis, puriorem doctrinam amplecterentur. Constat enim huius potissimum temporibus, non modò Italos, Germanos, Gallos, Britannos, Celtas, qui vltimi ad Oceanum habitant, Gothos, & finitimas eis nationes, Istrum incolentes, verum etiam Iberos, interiorem Armeniae partem, ad Septentrionem, & Euxinum versus, inhabitantes, Indosque, & Armenios, falsis cultibus reiectis, ad veram fidem certamque diuini verbi cognitionem peruenisse, atque illam summo ardore, & incredibili animorum constantia ad supremum usque vitae halitum retinuisse. Nec longè post, per finitimos populos, ad plurimos alios hæc doctrina permanauit, à quibus & ad Persas eandem per id tempus deriuasse perhibetur. Nonnulli etenim ex Persis, cum Osroënis & Armenis familiarius agentes, & cum sanctis quibusdam viris verba conferentes, paulatim virtutem illorum experti, ad vitae eorum æmulationem tacite ferri, & Christianissimum amplecti cepere. Vbi autem progressu temporis eorum numerus augesceret, Ecclesiae constructae, ministrorum ordo institutus, aliaque, quæ nostrorum sunt sacrorum, peracta, non mediocrem ea res Magis attulit plagam. Ij enim antiquitus, veluti familiariae quaedam, ad quam sacerdotium pertineret, rem diuinam procurabāt. Quin & Iudæi tum ibi degentes, qui iam dudum ingenti odio atque inuidia aduersus Christianae fidei professores, flagrabant, Magis admixti, ambo Saporem ea tempestate in Perside regnantem, aduersus Christianos mirum in modum inflammaverunt, ita sanè, ut eos omni suppliciorum genere persequeretur, nec illis etiam parceret, qui sibi antea longè charissimi extiterant, quiq.

apud

Licinius vincitur in acie à Crispo f. Constantini, & tandem interficitur à praeside ipsius Const.

Sub Constantino Christiana Religio mirum in modum florere cepit.

Persae, quibus temporibus Christianam fidem amplecti fuerint.

Magi & Iudæi Christianam Relig. summo odio persequuntur.

apud eum summa gratia & auctoritate pollebant, sicuti Vsthanes eunuchus, ipsius olim Saporis pedagogus, qui eo tempore primum in regia dignitatis locum obtinebat. Quæ omnia luculenter videre est apud Nicephorum lib. viii. & cap. xxxvi. ac etiã duobus aliis subsequentibus. At cap. xxxviii. eiusdem libri, inserit Constantini epistolam ad præfatũ Saporẽ scriptã, quam hĩc subiicere non grauabor. POST-EA QVAM autẽ, inquit, laudatissimus Imperator, Christicolas ibi ita affligi intellexit, agrẽ id ferens, magnoperẽ est perturbatus: & paratus quidẽ ad opem illis ferendam erat; sed quod faceret, vt illi eo quoque loco quietam ducerent vitam, non habebat. Sed enim accidit, vt legati tum ex Perside ei adessent, quorum optatis cũ satisfecisset, rectẽ se facturum putauit, si Sapor de Christianis qui sub eius regno essent, quidquam etiã significaret. Itaque epistolam ad eum, dignam profectò illam, quæ maximẽ celebretur, dedit: maximam se illi debitum esse gratiam ostendens, si quietem eis qui sacra Christi colerent, permitteret. Neque esse quod religionis eius cæremonias criminaretur: quippe illos non victimis mactatis, quemadmodum ipsos, sed incruentis gaudere sacrificiis: & preces ad Deum fundere, cui non effusus sanguis gratus esset, sed anima virtutem sincerẽ exhibens, & dogmata veræ pietati maximẽ conuenientia. Proinde laudandos eos esse magis, qui sibi ita credendum, Deumque colendum statuerent. Ad hæc, Deum illum habiturum esse propitium recepit, si Christianorum pietati consulendum putaret. Ad quæ, ad id indicandum, Galienum illum & Valerianum, præterea verò ea quæ sub ipso accidissent, produxit. Illos enim tantisper dum Christianos quiescere passi essent, facilẽ imperij cursum tenuisse: eosdem autem, potissimum verò Valerianum, posteaquam sicuti reliqui Imperatores Romani, persecutionem aduersus Christianos excitasset, ab ipsis Persis victum, in discrimen diuinæ vltionis incidisse, & apud eos captiuum miserẽ vitam finisse. Sed enim sibi ipsi, propter fidem in Christum, Deum opitulatorem fuisse, omnemque inde Romani imperij ditionem ab ipso vsque Occidentali Oceano, cum bona Orientis parte, in potestatem suam peruenisse: multa à se bella confecta, & de grauibus tyrannis diuino nutu trophæa esse statuta. Ad quas res nihil sibi opus fuisse hostiarum mactatione, vel vatũ ariolorumque prædictione: sed ad victoriam omnem satis fuisse, solam Crucis, quæ copiis suis præerit, armaturam, & orationem præterea, sanguinis prorsus expertem. Ad finem porrò epistolæ hæc etiã verba affert. Hoc hominum genere, Christianorum dico, (de his enim mihi, est sermo omnis) quomodo me elatum iri lætitia putes, si audiam, Persarum quoque res florentissimas, pro eo atque cupio, plurimum exornari? vt res simul & tibi pulcherrimæ, & illis itidem optimæ, atque ita vtrisque ex æquo feliciter eant. Sic namque vniuersitatis huius Deum clementem habiturus esses, & benignum. Hos igitur, quando ea amplitudine es, tibi commendo: hos ipsos, quoniam pietate quoque præclarus es, tibi trado: hos congruenti tibi humanitate & benevolentia complectere, à te ipso simul, & à nobis, per fidem, immensam initurus gratiam. Tanta diuino huic viro, de omnibus qui vbiuis locorum in cognitionem Christi venissent, inerat sollicitudo. Quapropter talis cũ fuerit, abunde quoque diuina cura fretus, Europa, Libya, & plurimis Asiæ prouinciis ditioni suæ subiectis, subditis suis, qui perhi-

Constantinũ
ad Saporem
Persarum re-
gẽ pro Chris-
tianis episto-
la.

Exempla,
Christi per-
secutoribus
Principibus
res esse ad-
uersas, de-
senioribus an-
tẽ Christiano-
rum sen-
cundas.

Amplissimus
pietatis Con-
stantini frater.

Subditorum
benevolentia.
Barbararum
nationum ob-
servantia.

perlibenter ei paruere, beneuolis vsus est. Iam verò & ex Barbaris plurimi, partim sua sponte, partim bello subacti, non grauare eum coluere. Vbiq; denique trophæa excitata, victorem Imperatorem eum promulgarunt. Hæc Constantinus.

Hormisdas
frustratus cu-
stodibus ad
Constantinum
confugit.

Porro, antequam vterius progrediar, illud obiter dixerim, ad ipsum Constantinum, Persam quendam, cui nomen Hormisdas, regio sanguine procreatum, ex huiusmodi causa transfugisse. Cum pater eius, qui rex Persarum erat, diem suum natalem more Persico celebraret, Hormisdas regiam ingressus est, magna secum adlata ferinæ copia. Cum inuitati ad conuiuium, nullo eum honore dignati essent, nec, uti decuerat, adsurrexissent, indignatus, eos se Marsyæ morte mulctaturum minatus est. Eam orationem complures, ut peregrinam, non intelligebant. Sed Persa quidam, qui vixerat in Phrygia, & narrationem de Marsya audiuerat, minarum Hormisdæ sententiam adfidentibus exposuit. Illi memoria minarum suis animis inscripta, cum primum patrem Hormisdæ mori contigit, earum recordati, fratrem ipsius natu minorem, regno præficiunt, quantumuis lex maiori natu inter regios liberos rerum summam tribueret. Hormisdam verò compedibus vinctum, in suo quodam ante urbem colle custodiunt. Posteaquam aliquid temporis intercessisset, vxor eius hoc modo molitur, ut euaderet. Magno pisce capto, linam ventri eius indit, eoq; rursus confuto, pisces Eunuchos fidelissimo tradit cum mandato, ut Hormisdæ diceret, hoc pisce nemine præfente vesceretur, & ad opem, eo quod in vllius ventre reperiret, vteretur. Hoc captato consilio, camelos ablegat, vino cibisq; copiosis oneratos, & mariti custodibus epulum præbet. Interea dum epulo custodes intenti sunt, Hormisdas, pisce discerpto, linam inuenit, qua, cum pedibus iniectas compedes dissecuisset, & Eunuchi stolam induisset, per medios custodes iam temulentos egressus est, sumptoq; secum vno ex Eunuchis, ad regem Armeniorum amicum & hospitem suum peruenit. Eius opera, tutus & incolumis, ad Constantinum se contulit, qui eum omni tum honore, tum beneuolentia dignatus est, quod quidem contigisse dicunt, paulò antequam ab ipso Constantino Licinius deuictus esset. Nunc autem institutum prosequamur. Suprà commemoratum est, præfato Imperatori tres filios fuisse superstites. Horum prior, cum paterna diuisione minimè contentus, ad Constantem fratrem legatos misisset, ut nouam faceret diuisionem, & cum nihil proficeret, armis eum aggrediretur, collecto exercitu Aquileiam peruenit, & dum incautius congreditur, equus vulnere ictus, sessorem deiecit, incognitusq; humi multis confossus est ictibus, imperij triennio nondum finito, anno ætatis xxv. Alter, insidiis Magnentij in tectorio interfectus fuit anno ætatis xxx. atque ita vniuersum imperium ad Constantium cæteris iuniorem deuolutum est. Qui prostrato Magnentio, quem milites Prætoriani Imperatorem salutarant, & Syluano Gallo, cæterisq; imperij æmulis è medio sublatis, ac demum victricibus armis, pace parta, se, totius orbis dominum appellauit. Cæterum is fuit magis felix ac fortunatus in bellis ciuilibus atque domesticis, quàm externis. Siquidem anno imperij eius vndecimo contra Persas bellum gerens, aduersam fortunam expertus est. Primò etenim Persica palma illi semel prærepta est temeritate militum ad Singaram. Nam oëties cum hoste

Constantinus
solus potitur
rerum.

Eidē aduer-
sus Persas ex-
peditio infeli-
cis, iter succedit.

hoste congressus est. Et in hoc prælio cum aliquandiu victoria pro eo staret, tandem ad hostes transiit, non sine graui vulnere. Amissa est Singara, Bizabda, & Amida. Cum primum fratris cædem accepiisset, dubius agebatur, permaneretne contra acerrimos Persas, an ad vindicandam Europam remearet. Dum hic rerum status esset, Sapore, Armenias, & Mesopotamiam infectis grassationibus diuexabat, & in ditionem redactis omnibus ad Nisibin sitis, urbem ipsam totis viribus obsidebat. Sed cum dux Lucillianus obsidioni sustinendæ idoneus, partim oblatis forte fortuna occasionebus, partim stratagematis, rectè fuisset usus, urbs imminentibus malis erepta est, licet ad extremum periculum deuenisset. Hostis enim cupiens alueum fluminis qui urbem præterlabitur, aliò ductis fossis deducere, occlusit meatum fluminis, deinde emisit, unde impetus aquarum mœnium partem subuertit: sed Nisibenses, regios conatus inanes atque irritos fecere, illum intempesta nocte quam citissimè tabulis, trabibus, atque aggeribus obstruendo. Vbi dies illuxit, rex ab expugnatione, re infecta, mœstus abiit. Nisibenses, muros quamprimum instaurauere, in eaque expeditione rex circiter viginti millia hominum amisit: Coactus etiam regnum suum tueri, quod iam Massagetæ, ipso absente, inuaseraunt. Constantius subsidiarios milites misit, Nisibis mœnia firmavit, atque inducias cum Sapore iniuit. Quibus rebus peractis, rebusque in Oriente iam pacatis, in Italiam perrexit, & Mediolanum veniens, Iulianum patruelem Galli fratrem, Cæsarem fecit. Posthæc, Romam cõcessit, comite Hormisda regis Persarum filio. Is nobilitatè urbis cum maiestate est admiratus: tam procures, quam vulgus benignè audiuit: verissimum fuisse dicens, Cineæ testimonium, qui apud Pyrrhum affirmavit, Romæ non ciues se vidisse, sed reges. Derisus tamen cum triumphales arcus aureo suo curru transgressus, more anseris ceruicem inclinaret, cum esset alioqui statura pusilla. Et cum nimium se efferret Constantius, hunc titulum sibi usurpauit; Domitianum forsitan superare annixus, qui se Dominum & Deum scripsit, ipse totius orbis dominum appellauit. Et cum Hormisdæ, qui ponè sequebatur, dixisset, se equestrem locaturum statuam, quæ Traiani, & aliorum omnes superaret, (nam Tarpeij Iouis delubra, Pantheum, Pompeij theatrum, Traiani forum, & urbis singula ædificia, admiratione digna, attonitus spectabat) facetissimè Hormisda respondisse fertur: Prius oportere stabulum fieri molis equi capax, si vellet opus hoc procedere: quo scommate læsus Imperator, conticuit. sed iterum interrogatus Hormisdæ, Ecquid de Roma sentiret; id tantum sibi placuisse aiebat, quod didicisset, ibi quoque homines mori. Triginta itaque diebus puriore ocio fruebatur in vrbe Augustus. Sed cum à Sarinatis Mœsiam & Pannoniam populari intelligeret, quarto Cal. Iunij ab vrbe profectus, per Tridentum, iter in Illyricum festinauit. Bellis civilibus, quibus admodum fortunatus erat, ut in Persicis semper infelix, sine imposito, ac redeunti ad Orientem, Narseus Saporis legatus occurrit ad Sirmium cum muneribus ac literis, in hanc sententiam.

REX Regum Sapor, particeps siderum, frater Solis & Lunæ, Constantio Cæsari, fratri meo, salutem plurimam dico. Gaudeo, tandemque mihi placeo, ad optimam te viam reuertisse, & incorruptum æquitatis agnouisse suffragium, rebus ipsis expertum, pertinax alieni cupiditas, quas aliquoties ediderit

Persarum
victoria.

Sapores Nisibin
obsidet.

Persarum clades in
obsidione Nisibis.

Constantius
ingreditur
Romam, una
cum Hormisdæ.

Facetum responsum
Hormisdæ.

Saporis litteræ
ad Constantium.

diderit strages. Quia igitur veritatis oratio soluta esse debet & libera, & celsiores fortunas idem loqui decet, atque sentire, propositum meum in pauca conferam, reminiscens hæc, quæ dicturus sum, me sæpius replicasse, adusque Strymona flumen, & Macedonicos fines tenuisse maiores meos, antiquitates quoque veltræ testantur: hæc me conuenit flagitare (ne sit arrogans quod cordi est, recordatio) qui coalitus ab adolescentia prima, nihil unquam peccitendum admisi. Ideoque Armeniam recuperare cum Mesopotamia debeo, a quo meo composita fraude præreptam. Illud apud nos nunquam acceptum fuit, quod asseritis vos exultantes, nullo discrimine virtutis ac doli, prosperos omnes laudari debere bellorum euentus. Postremò si morem gerere suadenti volueris rectè, contemne partem exiguam semper lucificam & cruentam, ut cætera regas securus, ac prudenter reputans, medelarum quoque artifices vrere nonnunquam, & secare, & partes corporum amputare, ut reliquis uti liceat integris, hocque bestias facitare, quæ cum aduertant, cur maximopere capiantur, illud propria sponte amittunt, ut viuere deinde possint impaudæ. Id sanè pronuntio, quod si hæc mea legatio redierit irrita, post tempus hyemalis quietis exemptum, viribus totis accinctus, fortuna conditionumque æquitate spem successus secundi fundante, venire, quoad ratio fuerit, festinabo. His literis diu libratis, recto pectore, quod dicitur, considerateque responsum est hoc modo.

Constantinus
Sapori.

VICTOR terra marique Constantius, semper Augustus, fratri meo Sapori Regi salutem plurimam dico. Sospitati quidè tuæ gratulor, ut futurus si velis, amicus: cupiditatem verò semper inflexam, fusiussque vagantem, vehementer insimulo. Mesopotamiam poscis, ut tuam, perindeque Armeniam: & suades integro corpore adinere membra quædam, ut eius salus deinde locetur in solido: quod refutandum est potius, quam vlla consensione firmandum. Accipe igitur veritatem non obiectam præstigiis, sed perspicuam, nullisque minis inanibus perterrendam. Præfectus prætorio meus Opinatus aggredi negotium publicæ utilitati conducens, cum duce tuo per quosdā ignobiles, me inconsulto, sermones conferuit super pace: Non refutamus hanc, nec repellimus, ad sit modò cum decore & honestate, nihil pudori nostro præreptura, vel maiestati. Est enim absonum & indecens, cum gestarum rerum ordine explicatæ sint aures, quas inuidiæ nobis multipliciter incluserunt, cum deleteris tyrannis, totus orbis Romanus nobis obtemperet, ea proderet, quæ contracti in Orientales angustias, diu seruabimus illibata. Cessent autem quæso formidines, quæ nobis intentantur ex more: cum ambigi nequeat, non inertia nos, sed modestia, pugnas interdum excepisse potius quam intulisse, & nostra, quoties laceßimur, fortissimo beneuolentiæ spiritu defensare, id experiendo legendoque scientes, in præliis: rarò rem titubasse Romanam, in summa verò bellorum nunquam ad deteriora prolapsam.

Hanc legationem, nulla re impetrata, remissam, post paucissimos dies secutus est Prosper comes, spectatus tribunus, & Eustachius, legati ad Saporem missi, qui Ctesiphonta reuersum Regem adiere, literas proferentes Imperatoris & munera, poscebantque, rebus integris, pacem, & mandatorum memores, nusquam ab utilitate Ro. rei maiestateque discedebant, amicitiaæ fœdus sub hac lege firmari debere asseuerantes, ne super turbando Armeniæ, vel

Meio-

Mesopotamiæ statu quicquam moueretur. Diu igitur ibi morati, cum obstinatissimum regem, nisi harum regionum dominio sibi adiudicato, obdurescentem ad suscipiendam cernerent pacem, infecto negotio redierunt, & mox atrocissimum bellum vtrunque redintegratum est, quod latissimè prosequitur Ammianus lib. xviii. & insequenti. Bello instaurato, cum Sapore frustra Nisibin obsideret, ab ea repulsus, Amida, quæ non satis firmo præsidio tenebatur, potitus est, eamque solo æquauit. Ob id censuit Constantius, patruelem Iulianum, Galli fratrem, quem in Italiam reuersus, Mediolani Cæsarem designarat, & Galliis præfecerat, consortem imperij accersiri. Quæ tempestate, iam literæ venêre ad ipsum Constantium in Cappadocia tunc commorantem; quibus significauit Iulianus, se inuitum ab exercitu Imperatorem renuntiatum, simulque rogabat, vt ipsum æquo animo ad communionem imperij admitteret. Quibus perlectis, mirum in modum excanduit, nihil interim rescribens, sed contra Persas expeditionem, cuius rei causa Orientem petierat, edixit, tametsi contractas copias in Iulianum vertere mallet. Tum Oratores cum Leona Quæstore ad eum misit, ac literas, quibus amanter iuuenem admonebat, vt Cæsaris nomine contentus, Augusti maiestatem poneret. Dedit & mandatum Leonæ, vt beneficia Imperatoris, ceu homini ingrato, obiceret. Leonas Parisiis honorificè exceptus, cum militibus mandatum Constantij propalaret, Iulianum Imperatorem Augustum acclamauit. Tum submoto Florentio, Nebridius præfectus prætorij factus, consentiente tamen Iuliano, alioqui minus processisset, atque iterum legatos ad Constantium dirigit, licet se armaret contra Imperatorem, veritus ne quid sibi aduersi accideret. Interea Constantius, Arsacen regem Armeniæ ad se accersuit, eumque adhortatus est, vti fidus Romanis perseueraret, nève fallaciis Persarum se ab ipsorum amicitia disiungi pateretur, simulque Transygritanos cohortatus est, vt in fide permanerent, nève ad Persas deficerent. Cum sic anceps hæreret, fortuna iam subsistente, & aduentante fato vitæ, sæpè nocturnis vmbis terrebatur. Et cum esset moturus exercitum, nocte quadam nondum penitusmersus in somnum, imaginem patris vidit, ac obtulisse pulchrum infantem, eumque susceptum & locatum in gremio suo, excussam sibi proiecissee sphæram, quam ipse dextra manu gestabat. Quod planè permutationem temporum indicabat, licet interpretes pro captu ingenij sui blanda responderent. Posthæc, familiaribus sibi charioribus confessus est, se esse desertum à Genio suæ tutelæ, ac salutis auctore, qui familiaris olim secum multa commentatus, tum squalidus & horrendus sibi videretur, tanquam mox eum deserturus. Hæc illi apparuere, cum ex Antiochia versus Tarsum veniret, moturus arma Iuliano: sed incidit in febriculam semper æqualem, ratusque est gestatione eam aboleri. Vectus est lectica per inuia itinera vsque ad radices Tauri montis, atque ibi in statione quadam quæ à Græcis appellatur Mopsocrenis, intrinsecus exurente calore, febris aucta est, adeo vt corpus tangi non posset, sed cum esset defecturus, Iulianum successorum statuit, paulo post mortuus, anno imperij vicesimo quarto, ætatis quadregesimo primo. Hinc Iulianus rerum potitus, nihil sanè prius & magis in votis habuit, quam vt euestigio Persis bellum inferret, qui per sexaginta ferme annos sæuissima cædium monumenta in Oriente fecerant, Romanis ex-

O

exercitibus

*Atrocissimū
bellum inter
Constantium
& Saporem
Persarum re-
geni.*

*Constantij
obitus.*

*Iulianus
Imperat.*

Italiam vi-
toria prope
Argentora-
rum.

Eiusdem ex-
peditionis in
Persas.

Italici exer-
citus, terre-
stris & na-
ualis, contra
Persas.

exercitibus sæpè repulsis atque deletis. Cum iis igitur ardebat congregi, quòd impatiens ocij erat, & in flore ætatis Parthicum nomen affectabat: sed prius legatos misit Delphos, interrogaturus de euentu belli Persici. Ipse interim Gallias à Germanorum incurfionibus strenuè ac viriliter defendit, & prope Argentoratum, totum fermè Alemannorum exercitum perdidit, eorumq; regem Chonodomarum cepit. His rebus prosperè ac feliciter gestis, soli Persæ domandi & profligandi restabant. Proinde cum ingenti apparatu egressus Constantinopoli, transmissis Bosphoro, à Chalcedone Nicomediam processit. Super quâ ingemuit altius ac fleuit, memor illic olim se in regia & ampla vrbe, ædificiorum sumptibus insigni, educatum, quæ tum terræmotu corruerat. Mox per Bithynos Gallogræciam venit; & inde Antiochiam, quo tempore Adonidis sacra adamati à Venere celebrabâtur. Vbi hybernâs, nullis voluptatum illecebris, quibus abundant Syriæ omnes, potiebatur: sed iudicialibus causis intentus, & maximis curis implicitus, summam iustitiam exercuit, adeò vt multi Iustitiam cælo sublatam, dicerent tum esse ad mortales ceu postliminio reuersam. Vere sequenti Hierapolim profectus, in Mesopotamiam signa commouit. Cùm verò in Cercusio oppido, quod ferè instar insulæ inter Euphratem & Xaborecteram amnes extensum iacet, à Diocletiano olim mœnibus aucto, & excelsis turribus munito, cum exercitu moraretur diutius, à Sallustio, qui eius in quarto consulatu collega fuerat, literis est admonitus, expeditionem in Persas differendam esse, diis ita vetantibus. Nam in libris Sibyllinis lectum erat, hoc anno Imperatorem à militibus discessurum: sed Regum vndique auxilia promissa, Iulianum exæcabant. Et quanquam vaticiniis multum crederet, fati tamen vrgentibus transgressus flumen, pontem auelli iubet, nauesque comburi, vt omnis reditus militibus negaretur: Zaitamque ventum est, qui locus olea arbor interpretatur, vbi Gordianum Imperatorem exercitus quondam tumultu intulit. Hic haud longè abesse hostes audiens, substitit, videns aduentantem militum cohortem, qui leonem pluribus telis confossum afferebât. Quo omine lætus, prosperiora sibi pollicebatur, cùm obitum potius Regis hoc portentum denuntiaret. Tum milites conuocat, pluribus exemplis à Vétidio ad Maximianum recensitis, (nam memoria plurimum valuit,) docuit maiores ferè omnes laureatos rediisse, præter Gordianum & Carum, quorum illum insidiis mortaliū, hunc ira Deorum sublatum dixit, pluribusque milites cohortatus, exercitum educit. Erat autem numerus omnium, sexaginta quinque hominum millia, quibus Hormisda & Victor, cum suprema potestate atque imperio præerant. Habuit & classem longè instructissimam, in qua erat numerus nauium sexcentarum, quæ de lignis factæ fuerant: de corio quingentarum: præter has aderant & quinquaginta naues militares, & aliæ latiores comitabantur, quibus, si vsus ita posceret, iungendi pontes essent, per quos itinere pedestri fluuios exercitus transmitteret: sequebantur & alia complura nauigia, quæ partim milites vehebant, partim ligna fabricandis machinis idonea, partim iam fabricata torméta obsidionalia. Vniuersæ classi præerat Hierius quidam, ordinum militarium dux, quem, cùm adhuc ipse esset Hierapoli, iussit cum tota re nauali conuenire Samosatis, ei que postea adiunxit nauarchos Lucianum & Constantium. Talis cùm esset exercitus tam terrestris, quam

quàm maritimus, de suggestu quodam Imperator ad vniuersa ea quæ dicen-
da forent, prolocutus, & militibus congiario centum & triginta nummorum
argenteorum viritum dato, Persicum solum adgressus est; pedestribus copiis
Victore duce præfecto, equestribus Hormisdæ, cui Arinthæum adiunxit. De
Hormisdæ prius etiam diximus, fuisse natione Persam, & filium Regis, qui à
fratre læsus aufugerit, & ad Constantinum Cæsarem peruenerit, eumque
Cæsar propter haud mediocria fidei ac virtutis documenta exhibita, ad am-
plissimos honores ac magistratus euexerat. Quocirca, vbi Persarum fines in-
uasisset Imperator, vniuersam Assyriam depopulatur, vrbes & oppida par-
tim vi cepit, partim deditione, hostes enim prælio abstinerant. *Quinimò*
Eiusdem se-
lices succes-
sus.
crebris legationibus pacem petentes, offerebant patriæ suæ magnam portio-
nē, sed omnibus recusatis, per inuia desertaque loca vagatus, fame militē ma-
cerabat, ac victor cū ingenti gloria, cuius erat lōgè cupidissimus, profligato
exercitu hostili, usque ad Ctesiphontem peruenit: illic cum exercitu castrame-
tatus, dum remeat, crucem sereno vidit cælo: Aruspices verabant, quicquam
tentandum, cū signum illud infelix esset. Cæterum & hos contempsit, vt
nuper Sallustium, neque præsagiis plerisque, neque viso ingenti globo in cæ-
lo, quo die pugnatum erat, abduci à bello poterat, neque terræmotu, quo
paulò antè Constantinopolis pulsabatur, deterritus est. Cū ergo castra cum
fatis lecto exercitu moueret, Persæ sæpius afflictæ, & dissimulantes more suo,
confusos à tergo inuadunt, & priusquā laborantibus subueniretur, Romani
hostili globo circumdati, vndique fatigantur, iam itineris labore ac inedia
confecti. Imperator à transfuga quodam in insidias deductus, cū hinc in-
de vrgeretur, arrepto tantum clypeo, procurrit incautiùs inconsulto ardore,
nititurque ordines ad prælium componere. Interim cōto militis transmissio
brachio, & costis, letale vulnus excipit. Dum auellere è fibris iecinoris cō-
natur, scindit digitorum neruulos: prolapsus in ceruicem equi, veloci cursu
in tentorium relatus est. Vbi verò vulnus letale aspexisset, manu cruore
repleta, vt Seruatori nostro blasphemaret, in aërem sanguinem proiciēs, di-
xit: Vicisti tandem Galilææ, vicisti. sic enim Christum vocare solebat, cū
eius cultores, impios Galilæorum filios appellaret. Hac voce emissā, qua
fatebatur impiā suam voluntatē, & ostēdebat ingētem fremitum, ac sensum
pœnarum, tum adhibitis fomentis, vt paulisper dolorem leniret, rursus
poscit equum, & armā, vt prælium reuisat. Ad cohortandos suos egressus,
concionem habuit, ac disseruit, mortem esse summum præmium: deinde
cum philosophis, quos semper secum habuit, de mortalitate animæ sermo-
nem fecit, petiitque, quidnam ageret Anatolius, qui tum erat magister offi-
ciorum. Sallustius præfectus respondit, beatè degere. Ingemuit amici casum,
quod interfectus esset. Tum circumstantes, qui dolore conciti casum desie-
bant, sua auctoritate castigauit, turpe esse Principem syderibus conciliatum
lugere. Cūque paulatim sanguine vacuatus, circa noctis ferè medium,
spiritus deficeret, poposcit aquam, epotaque frigida aqua, vita solutus est, an-
no ætatis suæ vno ac tricesimo, cū imperasset solus annum vnum, menses
septem; ab eo quod Cæsar fuit, annos septem. Vtilissimum est autem in hi-
storia Iuliani hoc cōsiderare, quod Deus duobus illustribus miraculis osten-
dit eodem tempore suam iram aduersus Iudæos, & Ethnicos. Cū enim Iu-
dæi

*Prælium in-
ter Romanos
& Persas.*

*Iulianum vul-
neratur.*

*Eiusdē blas-
phemia in fi-
lium Dei.*

Mors.

*Iudeorum
calamitas sub
Iuliano.*

*Delphicum
templum sub
eodem cor-
ruit.*

*Romanorum
victoria.*

*Exemplum
fortitudinis.*

dei Ierosolymæ concedente Iuliano, rursus condere templum cœpissent, terræmotu disiectæ sunt moles, & absorpti multi homines, & pars operum, & machinarum, & homines fulminibus accensi perierunt. Eodem tempore, in alia orbis terrarum parte, Delphicum templum, quod Ethnicis præcipuum fuit, diuinitus, non hominum manibus, sed terræmotu, & fulminibus deletum est, cum Iulianus Oratores eò misisset, de belli Persici euêtu, sicut antea diximus, interrogaturus. Sæpè autem direptum, & aliquoties deletum est Delphicum templum, sed rursus extructum & reparatum: At post hanc euerfionem, cælitus factam, Iuliani tempore, nunquam deinde instauratum est. Hactenus maiori qua fieri potuit breuitate, Iuliani bellum contra Persas gestum recensuimus. Cæterùm extat eiusdem luculentâ narratio apud Zosimum lib. III. in qua minutim oppida & vrbes ab Romano exercitu aut vi, aut deditione occupatas, omnemque illius in hostilem agrum progressum recenset, & quoties vtrinque manus conseruerint. Inter cætera verò commemorat prælium, gestum tertio die antequam Romani Tigrin flumen trajicerent. Secundum hæc inquit, congressis exercitibus, à media nocte prælium ad meridiem vsque perdurauit. Tandem Persæ cedentes, totis viribus fugam arripiebant, factò eius ab ipsis ducibus initio. Hi duces erant Tigranes, genere dignitateque secundum regem antecellentes, & Anareus, & ipse Surenas. Fugientes infecuti Romani, & Gothi, multos interemerunt, & auri, argentiq; magna poriti sunt copia, variisque tam virorum, quam equorum ornamentis, & argenteis lectis, atque mensis, quasunque relictas à ducibus in fossis repererunt. Ceciderunt in pugna, Persarum tria millia quingenti: Romanorum non plures, quam septuaginta quinque. Ouationem exercitus, ob partam victoriam, visus est quodammodo dux Victor catapultâ læsus, imminuere, &c. Idem narrat, Romanos de consensu Imperatoris, traiecto flumine, cum relictis ripis, exercitus per mediterranea ducendus esset, naues, demptis decem & octo Romanis, Persicis quatuor, igni absumpsisse: cuius quidè facti postea non parum pœnituit. Deinde, cum ad Durum amnem progressi essent, ponte iuncto, transmississe. Mox adiicit exemplum quoddam insigne ac memorabile cuiusdam Mauri, quem dicit, cum in quodam conflictu habito inter nonnullos Romanos qui hostium consilia atque itinera exploratum iuerant, & quosdam Persas, eius frater Macamæus præ animi alacritate inermis in hostem irruens, quatuor ex eis interfecisset, verùm pluribus simul in eum conuersis interimeretur, conspectum in medios inter Persas fraternali corpus arripuisse, & eum, qui primus ictum intulerat, occidisse, neque telis petiitum, animum despondisse, donec fratrem adhuc spirantem exercitui reddidisset. Post hæc narrat, cum Romani vltius progressi, ad vicum Maronsa peruenissent, turmas Persarum, extremi agminis præsidio relictos adortas, manum conseruisse, & cum alios milites, tum Verranionem turmæ ducem, viriliter dimicantem, interfecisse. Hoc tamen rerum statu, Persicis legionibus conspectis, initaque pugna, Romanos superiores euasisse, multis Persarum cōtrucidatis. Nouissimè recēset postremū præliū, in quo Iulianus è medio sublatus est anno ab orbe redempto, trecentesimo sexagesimo septimo, cum iam Persarum imperium, propemodum, vt eius verbis vtar, ad extremum exitium redegisset: atque addit, Romanum exercitum vsque adeò superiorem extitisse, vt

se, vt quinquaginta maximæ potestatis Satrapæ cum infinita multitudine caderent. Vbi mors Principis innotuit, iamque milites reuersi essent ad tentorium, in quo cadauer iacebat, pugnabant adhuc quidam nonnulli Romani, atque hostem superabant: verum cohortes quædam de castello Persico milites adortæ, cum eis certamen inibant. Acri ocepto prælio, Antonius cecidit, ordinum Palatinorum dux, quem Romani Magistrum officiorum vocant. Et Sallustius, præfectus pratorio, cum ex equo decidisset, parum abfuit, quin imminentibus hostibus contrucidaretur; nisi quidam ex adparitoribus equo descendens, fugæ capeßendæ facultatem ei præbuisset: recedentibus vnâ cum ipso & iis ordinibus duobus, qui Principem stipare consueuerunt, ac scutarij dicuntur. Cæterum ex his, qui terga dederant, sexaginta duntaxat milites, cum sua, tum Romani nominis dignitate, ad animum reuocata, & ad mortem vsque discrimini semper obiiçientes, eo castello potiti sunt: de quo Romanos adorti Persæ, superiores extitisse visi fuerant. Cumque continuè deinceps triduo circumsiderentur ab hostibus, non exigua parte copiarum obseßores adgressa, salui atque incolumes euaserunt. Tum verò cunctis optimatibus vnâ cum exercitu collectis, consultatum est, cuiam rerum summa committenda esset; quod fieri nullo modo posset, vt ex imminentibus medio in hostico periculis, sine Principe euaderent, ideoque communibus suffragiis Iouinianus, Varroniani domesticorum tribuni filius, Cæsar designatur. De hoc autem priusquam aliquid enarrem, hæc paucula de Iuliano subnectam. Hunc ferunt, eunuchos, coquos, tonsores, ac etiam seruos eiecisse ex palatio, & rogatum, quam ob causam, negasse, sibi opus esse eunuchis, cum vxor decessisset: nec opus esse coquis, quod simplicissimis cibis vesceretur: de tonsoribus dixisse, vnum multis sufficere: seruis autem non opus esse, cum minori sumptu viuere posset. Idem contra Persas exercitum ducens, grandem multitudinem Christianis intulit, qui grauius ab Ethnicis tractati, sæpius pro auxilio Imperatorem accesserant. Quibus impiè respondit: Vestrum est, vt mala sustineatis, cum hoc sit præceptum vestri Dei. Idem, cum iam extremum traheret spiritum, audiens suorum lachrymas, ait: Nolite deplorare ac lugere Principem, iam quidem moribundum, sed cælo Diis que reconciliatum. Hæc breuiter de Iuliano: cuius bella in Galliis & Germaniis gesta, Ammianus Marcellinus, natione Græcus, qui cum ipso multos annos militauit, ceu ocularis testis, luculenter ac ornate explicauit. Iouinianus interim, induta purpura, sumptoque diademate, coram tribunis & militibus initio professus est, se Christianum esse, & amplecti Nicænam Synodum. Cuius quidem rei amplissimum specimen & apertissimum testimonium sub Iuliano præbuerat. Cum enim Iulianus lege ab exercitu egisset Christianos, cingulum militiæ deferere, quam obtemperare maluit. Posthæc, de imminente periculo; & rerum præsentis statu verba fecit. Cumque de Sapore Persarum rege, quæ animo sentiret, in medium protulisset, exercitus in Mesopotamiam deduci instabat, ipseque huius postulatis assentiens, conclamatis vasis, atque receptui canens, festinatis itineribus eò pergere incepit. Ad Summa castellum vbi venisset, Persicus equitatus, irruptione facta, nec paucis adductis elephantis, dextrum cornu infestabat, in quo Iouiniani, & Herculiani constituti erant.

Romanorum
virtus.Iuliani ab-
sinentia.

Impietas.

Iouinianus
Imperat.Eiusdem co-
stantia in re-
ligione.Confectus
inter Persas
& Roman.

Constitit
habiti inter
Romanos &
Persas.

Persarum in
bello peri-
nacia.

Colloquia de
pace.

Pacis leges.

Potentia.

Ex sunt à Diocletiano, & Maximiano profectæ legionum appellationes, habentium cognomina Principum illorum, quorum alter Iouis, alter Hercules cognomentum vsurpauit. Ac initio quidem ab elephantorum robore vim patiebantur, & multi fugientes cadebant: sed vbi pariter & equitatum, & elephantes Persæ in hostes concitabant, ventum est ad accliuem quendam locum, in quo Romanorum fortè calones erant. His in periculi societatem venientibus, telaque in Persas de sublimi iacentibus, elephanti quidam vulnerati sunt, qui more suo fugam dolore perciti barritu capessiebant, & equitatum omnem conturbabant, ita quidem, vt in hac fuga elephanti à militibus interficerentur, & in ipso prælio complures ex aduersariis caderent. Perierunt & Romani legionum tribuni tres, dum fortiter dimicarent, Iulianus, Maximianus, & Macrobius. Cumque humi iacentes perquirent, & inter eos Anatolij cadauer reperissent, id ea sepultura cohonestarunt, quam temporis angustia concedebat, hostibus vndique vrgentibus. Dies progressi quatuor, & ab iisdem vndique vexati persequentibus, si Romanos proficisci viderent, fugientibus, quoties ipsos inuaderent, vbi latius spatium nacti fuissent, Tigrim transmittere decreuerunt. Itaque colligatis vtribus, cum ex iis iuga quasi quædam confecissent, his ipsis inuecti transiecerunt. Posteaquam aduersa ripa milites potiti fuissent, etiam duces cum reliquis securè transmiserunt. Verum vbi ne sic quidem abscederent Persæ, sed magna cum multitudine hominum ab omni parte, quæ eundum erat, imminerent, nullo non in periculo Romani versabantur, qui & à malis circumstantibus, & præterea commeatus inopia premerentur. Licet igitur hæc foret exercitus conditio, nihilominus tamen Persæ de pace tractabant, Surena, & aliis apud eos potestate præditis, ad Romanos ablegatis. Hanc pacis mentionem cum Iouinianus admitteret, ac Sallustium præfectum prætorij cum Arinthæo misisset, institutis inter hos de pace mutuis colloquiis, annorum quidem triginta factæ sunt indutiæ: sed vtrinque consensus, vt Romani Rabdicenorum gentem Persis cederent, itemque Carduenorum, Rhesenorum, & Zalenorum, ac præter hæc omnia quæ in his essent castella, numero quindecim, vnà cum incolis, prædiis, iumentis, & omni penu: Nisibin verò, sine incolis traderent, hos enim placuit, quocunque Romanis visum esset, commigrare. Præterea, Persæ, magnam Armeniæ partem adimebant, perpusillum quiddam Romanis possidendum relinquentes. His conditionibus cum maxima Rom. Imperij calamitate, inito fœdere, & literis vtrinque subsignato, facultatem Romanis redeundi domum concessit, ita quidem, vt Persarum fines illi non vexarent, ac vicissim nullis Persicis insidiis peterentur, maioriisque securitatis gratia, nobiles insuper dati tribuni obsides. Tum exercitus Romanus ex confragosis atque asperis itineribus, in tutum iter productus est, licet multi inedia, plerique inopia potus laborarent. Pars imperitia nandi, in gurgitibus absumpta, pars à Saracenis clàm infestata. Sex dierum iter ita emensum est, cum præter herbas, quas secum ferebant, paucissimas, quandoque nec gramina inuenirent, donec Dux Mesopotamiæ Cassianus cibos afferret. Multa in Mesopotamia tum accidere cum iam exercitus

exercitus Antiochiam peruenisset, vbi per continuos dies multa dira & horribilia portenta videbantur. Maximiani statua, quæ locata erat in vestibulo regie, amisit repentè spheram æream, formatam in specie poli, quam gestabat. Cometes. Interdiu conspectus est. Conflagrauit locupletissima bibliotheca Antiochiæ. Iouinianus interim, Antiochiam profectus, iussit reuocari exules qui pulsi erant propter veram professio- Iouiniani pietas. nem. Magnum Athanasium per Cappadociam iter faciens, Alexandriam reduci imperauit. Mandauit Ecclesiis restitui partem reddituum, quos eis Iulianus ademerat, ac testatus est, propter famem nunc veteres redditus integros non posse restitui. Iussit denuò claudi idolorum templa. Breui post, cum recta Constantinopolim pergeret, iamque ad locum, Dardaстанā vocatum, qui diuidit Bithyniam à Galatis, peruenisset, assiduo longi itineris labore, aut recenti tectorio, positus ibi prunis, siue, vt aliis placet, morbo qui ex intemperantia ortus esse existimabatur, cum circiter octo menses imperasset, anno ætatis tricesimo ac tertio in fata concessit. Mors.

HISTORIÆ RERVM PERSICARVM

LIBER QVINTVS.



VISNAM hætenus rerum Persicarum sub Romanis Consulibus, & nonnullis Imperatoribus, fuerit status, quæve alternantis fortunæ mutatio, atque adeò quàm magna bellorum & pacis subinde inter ipsos Romanos & Persas subsecuta fuerit vicissitudo, quàm paucissimis potuimus verbis perstrinximus, ab eo potissimum tempore, quo Reipub. forma mutata, imperium ad vnius solius Principis nutum atque arbitrium communibus omnium ordinum suffragiis deferrebat. Quippe cum Monarchiæ successio non semper eodem atque solito tenore procederet: verum interdum ex legitima imperij successione, nonnunquam verò ex cohortium prætorianarum suffragiis, sæpissimè verò ex Senatus & procerum auctoritate, vel rursus ex vtriusque partis inuicem consensu ac voluntate supremum Magistratus decerneretur. Cuius quidem imperij ratio vsque ad Iouinianum Iuliani successorem perpetuo quodammodò successu constitit, vt ex superiorum librorum enarratione videre est; qui si penitus introspectantur, facile ratio elici poterit, cum quanta rerum mutatione, atque fortune, vt diximus, inconstantis flatu Reges per ipsam Persiam dominati sint. Nunc reliquum est, vt continuata rerum serie, ac ne tantillum de instituto cursu deflectentes, deinceps pari studio atque diligentia, quæ restant, persequamur. Post mortem Iouiniani, exercitus Niceæ, quæ vrbs caput est Bithyniæ, Valentinianum Gratiani filium, Cibali è Pannonia oriundum, virum eximia virtute præditum, & qui semper præsentis fortune melior apparebat, & apice principali longè dignissimus, de vnaquæque voluntate atque consensu Imperatorem renuntiavit, anno Christianæ salutis trecentesimo sexagesimo octauo. Is, post triginta dies, ex Pannonia, vnde genus trahebat, Valentem fratrem, illinc accersitum, consortem imperij fecit, & Augustum nominavit; breuique spatio interiecto, Gratianum quoque filium iisdem titulis atque honoribus insigniuit. Ipse autem Valentinianus cum summa æquitate ac moderatione imperauit annos XI. menses octo, dies viginti: vixit annos quinque supra quinquaginta, atque obiit in Gallia. Fuit veræ pietatis ac fidei studiosissimus, & maximus propagator, & fratri Valenti, quem Orienti præfecerat, sæpe hortator fuit, vt & veritatem iuxta Synodum Nicænam amplecteretur, & ne sæuitiam in rectè sentientes exerceret. Verum ipse, omni cohortatione posthabita, sese Arriani dogmatis acerrimum defensorem præbuit. Valentinianus nondum Imperator, templum Fortunæ ingrediens cum Iuliano, hinc atque hinc stantibus ædituis, qui aquam introeuntibus aspergerent; vbi vidit in chlamyde purpurea guttam aquæ, pugno percussit ædituum: Hoc, inquit, non est purificare, sed inquinare. Nam illi tales aspersiunculas appellabant purificationes. Idem iam Imperator Romanorum electus, cum sollicitaretur à militibus, vt sibi imperij socium deligeret: Vestrum quidè, inquit, fuit, vt priuatum me ad imperialem extolleretis dignitatem: res autem ad-

ministra-

Valentinianus.

Eiusdem obitus.

ministrare, non iam vestri, sed Principis ipsius arbitrij esse, vos ipsi quoque dixeritis: Itaque vos deinceps imperata facere, & quietos esse: me autē, quid facto opus sit, curare decet.

Huic Valens in imperio successit, sub quo Sapo-^{Valens Imp.}res Persarum rex, neglecto fœdere, cuius paulo antè hîc fecimus mentionem, in Armeniam irrupit, & causatus, illam iure ad se pertinere, quippe quam à suis maioribus tanquam per manus accepisset, suæ ditioni adiicere, quibuscunque poterat irrodīs, an-^{Sapo- res man- uir bellum in Romanos.}nitebatur. Sed Persis Arinthio legato cum præualidis copiis occurrente, provincia per id tēpus fortiter ac strenuè defēsa est, omnique hostili metu liberata, & arma tradere coactos, in oppida sua propter Istrum posita, distribuit cum mandato, ut ibi asseruarentur. Cæterum Sapo-^{Ctesiphontē occupat.}res haud multò post, reparato exercitu, Ctesiphontem occupauit, atque illic hyemem transegit. Interea, ut Persarum conatus reprimeret, cum expedita manu militari, Antiochiam perrexit, eo quidem animi decreto, ut in eos quàmprimum arma cōuerteret. Reuocatus autem in Thraciam, quia Gothi, duce Fridigerno, urbem Constantinopolim oppugnabant, & per omnia loca circumuicina longè lateque grassabantur, omīssa per id tempus Persica expeditione, conuersoque itinere, castra in eos inouit; sed circa Adrianopolim magna clade victus, & lachrymabili bello obrutus, terga dedit, & in fuga vulneratus sagitta, decidit ex equo, acceptusque est in vile tugurium, iuxta quod palearum strues erat cumulata, quod igne supposito, in flammam solutum, Imperatorē Valentē absūpsit. Locus enim septus ab hostibus, quia primo impetu capi nō potuit, dum victor Alanus Imperatorē persequitur, inscius illic eū latere, ignem iniecit, quo concrematus est. Alij tradunt, ipsum mutato imperiali habitu, inter præliandum ad pedestres turmas descendisse, quia iam equites diffugerant, ignoto illic vulnere tum confossum, & ita pœnas dedit sæuitiæ, quam aduersus pios exercuerat. Proficiscenti ad prælium, Isaacius vir singulari sanctimonia præditus, ei prædixit interitum. Vixit annos quinquaginta, & imperauit annos tredecim, post fratrem solus annos tres. Quantus autem fuerit Arriano dogmati addictus, & eorum, qui Nicænæ synodo adhererent, persecutor & oppugnator, cum ex aliis, tum præcipuè ex Nicephoro Ecclesiast. lib. xi. & præsertim circa finem, cuius facillimè constabit. Huic, Gratianus Valentiniani primi filius, natus ex Seuera in vrbe Syrmio, & Valentinianus secundus, Gratiani frater, natus ex Iustina, in imperio successerunt. ^{Gratiani Imperat.}Fecit autem Gratianus consortem imperij Theodosium, ex oppido Hispanicæ Gallaeciæ Cauca oriundum, hominem bellicosum, & multis heroicis dotibus insignem, cum quo annos quatuor regnauit, cum antea cum patre annos octo, cum patruo tres regnasset. Dum verò ipse Gratianus, Theodosio in Thracia Gothos reprimente, ob Vandalorum incursionem in Galliam rediret, ibique omīssa cura gubernationis, deditus venationi & ludis, simulque Alanos milites domesticis anteferreret, in odium venit, & Lugduni à Maximo Galliarum præside, interfectus est anno ætatis vicesimo nono. Valentinianus frater, propter Maximi tyrannidem, in Orientem fugiens, à Theodosio perhumaniter excipitur, & mox collectis copiis, ipsum Maximum apud Aquileiam prælio superauit, & captum interimi iussit, quia Gratianum occiderat. Valentinianus interim in Galliam discessit, quam post Maximi interitum rexit annos

Valentis obitum.

Eiusdem mors.

Maximi cades.

Valentinianus strangulatur.

annos circiter quinque. Erant autem apud eum Eugenius scriba, & dux exercituum Arbogastus, vir Gothicus, qui Francos represserat. Per hos duos corrupti cubicularij Valentinianum in vrbe Galliae Vienna laqueo strangularunt. Eugenius qui se Imperatorem nominauerat, postea captus non procul à Mediolano, prostratus ad pedes Theodosij, à militibus trucidatus est. Arbogastus sibi manu sua mortem consciiuit. Ita seditiosi & parricidæ poenas dederunt. Zosimus refert lib. iiii. ipsum Valentinianum ab Arbogasto, ut eo sublato, rerum summam Eugenio traderet, Valentinianum dum apud oppidum Celticum Viennâ commoratur, & propter muros eius ludicra cû quibusdam militibus exerceret, nihil tale cogitantem, de improviso impetu facto, letaliter vulneratum atque interfectum. Ceterum reliqui omnes scriptores illum gula fracta interiisse commemorant, cû vix vicesimum ætatis annum attingisset.

Theodosius Imperat.

Rex Persarum mittit Oratores ad Theod. Fœdus inter Persas & Romanos.

Mors Theodosij.

Eiusdem memorabilis vox.

Hoc statu rerum, Theodosius Romanum Imperium in Occidente, atque Oriente tenuit annos decem & septem, comprehensis annis xii. quibus Gratiani & Valentiniani secundi collega extiterat, fuitque quadringentesimus quintus ab Augusto. Hic multa præclare ac fortiter gessit, & præter alia egregia facinora, Gotthos Thraciæ finibus pepulit, Hunnosque ac Alanos Scythicas gentes, ipsi etiam Alexandro formidatas, multis magnisque præliis vicit, ac fugauit. Iisdem diebus, dum deuictis hostibus, Theodosius Constantinopoli subsisteret, ad ipsum venere oratores missi à rege Persarum, ac nomine sui regis pacem petierunt, qui seu Principis bonitate permotus, siue satiatus victoria, qua olim Iulianum strauerat, & Valentem in fugam verterat, Romani Imperatoris societatem atque amicitiam expetebat, quam & libens concessit, fœdusque iterum inter vtramque gentem renouatum est, quo vniuersus penè Oriens Romanis reconciliatus fuit. Post liberatas tandem Barbarorum incursionibus Thracias, Theodosius Arcadium & Honorium filios, quorum alter in Oriente, alter in Occidente præfesset, consortes imperij fecit, & Imperatores atque Augustos nominauit: sed propter ætatem adiunxit tutores præcipuos duces, Arcadio Ruffinum, Honorio Stilliconem, & Africæ Gildonem præfecit. Hos cû putaret fidos fore, quanquam sapiens Princeps, tamen deceptus est. Impulit enim eos ad perfidiam regni cupiditas, ut ille inquit, si ius violandum est, regnandi gratia violandum, in aliis prius esse decet. Theodosius obiit Mediolani anno ætatis suæ sexagesimo, siue, ut nonnullis placet, quinquagesimo, die septimo decimo, anno imperij decimo sept. Corpus, eodem anno, Byzantium translatum, maiorum monumentis illatum est. Zosimus tradit, ipsum obiisse Constantinopoli. Sed prior sententiæ magis, hac quidem in parte, assentior. Hic Imperator, cû Arsenio viro doctissimo filios in disciplinam tradidisset, sempiterna memoria dignum & verè imperiale illud verbum prolocutus est: Si tales se præbituri essent, ut mores vitamque suam ad disciplinam & leges Dei componerent, propensum se fore, ut eis imperium in manus tradat, ad ciuium & subditorum commodum, & vtilitatem accommodatum: sin minus, conducibilius eis esse, ut sic priuati vitam agerent, quàm nulla doctrina cum periculo imperarent. Idem dicere solebat, Nihil esse noui, si homo creatura adeò caduca, è vita excedat. Vnius autem Dei esse, qui semel mortuos ad vitam reuocaret.

caret. Cùm verò, aliquando ex familiaribus cuidam dicenti, neminem illorum ab eo morte multatum esse, qui iniurijs ei fuissent, respondit: Vtinam etiam eos in vitam reuocare possem, qui iamdudum mortui sunt: licet hoc postremum nonnulli Theodosio iuniori ascribant. Imperij successores, Arcadium & Honorium, sicuti antea demonstrauiamus, reliquit. Arcadius & Honorius. Variorum nationum irruptiones in Galliam & Italiam. Roma capta ab Alarico. Arcadius & Honorius quando regnauit. Isidigertes Persarum rex ab Arcadio filij tutor substitutus. si id

cum ceteræ prouinciæ, tum in primis Gallia, & Italia, per Gothos, Hunnos, Visigothos, Alaricos, Sueuos, Vandalos, & reliquas Barbaras nationes, ingentibus ærumnis & calamitatibus atrocissimè diuexatæ sunt, adeò vt nemo sit tam singulari eloquentia præditus, qui eas pro dignitate queat exprimere. Siquidem anno eiusdem Honorij decimo octauo, Radagisus ad ducenta millia Gothorum in Italiam duxit: sed cùm transisset Apenninum, ad Fesulam multitudo fame dissipata, à Stilicone consule oppressa & deleta est. Radagisus fugiens captus, & strangulatus: captiuorum greges singulis aureis diuenditi. Et si autem hæc initia Gothi in Italia non fuerunt læta, vt plærunque Deus scelera vtriusque partis, variis bellorum vicibus puniit, tamen non mox finis fuit horum bellorum. Reliquiæ crearunt regem Alaricum, qui paulò post, perrexit Romam, & circumfessam biennio, cepit Cal. Aprilis, anno salutis quadringentesimo decimo quarto; anno Romæ millesimo, centesimo sexagesimo quarto, anno post Radagisi mortem quinto. Quomodo autem Roma tunc capta fuerit, cùm ex alijs scriptoribus, tum etiam ex Procopio quàm plenissimè intelligitur. Quoties verò, hæc vrbs, quondam totius orbis domina & regina, ante hæc tempora, & postmodum, iustissima diuini Numinis ultione capta, direpta, ac etiam funditus euerfa sit, passim est inuenire apud celebres auctores, ideoq; ab huiusmodi enarratione supersedeo. Vixit Arcadius annos vnum & triginta, tenuit imperium post mortem patris annos tredecim, ac filium reliquit pium & salutarem Orienti, quem pater viuens Augustum nominauerat. Honorius verò, cùm iam regnasset annos xxxi. cum patre xi. cum fratre xiii. cum fratris filio xvi. morbo aquæ intercutis, vel, vt alijs placet, febri correptus, Romæ, nulla superstite sobole, fati concessit. Tradunt historici, & in primis Procopius, præfatum Arcadium iam moriturum, ac de successore sollicitum, Theodosio filio paruo admodum, & penè in cunis existenti, cogitasse, quænam curatorem, sociumque administrationis simul & institutionis optimæ adhiberet, qui & inimicos virtute expelleret, & sua potentia imperium incolume seruaret. In hac animi angustia constitutum, quanquam aliàs minimè ingeniosus erat, quia plures offerebantur, salutare consilium iniisse, quo filium pariter & imperium seruauit: siue de procerum suorum, qui continuè assistebant, sententia, seu diuino spiritu impulsus, testamētum condidisse, in quo heredem illum instituit, tutorem verò illius Isdigertem Persarum regem. Sic mortuo Arcadio, Isdigertes, lecto testamento, fidem Arcadij minimè spernens, pacem cum Romanis toto tempore, tum imperium Theodosio custodiuit. Ac literas statim ad Senatum scribens, officium statim, assumpto negotio, sese præstaturum, & hostes, si opus omninò foret, prohibiturum recepit: & mox Antiochum cæteris eunuchis in aula sua honoratiorem misit ad procurationem & custodiam regis Theodosij, literis magistratus & primores commonefaciens, vt regi suo parerent, minas adiiciens & vindictam,

si id detrectarent. Hic autem operæpretium est videre, quidnam Agathias lib. IIII. super hoc facto Arcadij memoriæ prodiderit, & quomodo ipsum Procopium tacite perstrinxerit, quod Arcadium hac in re plurimum commendauerit. Post Varanem, inquit, Isdigertes filius suscipit imperium, qui & magnus apud Romanos habetur, & celeberrimus. Arcadius namque ferè iam moriens, cum more mortalium sua disponderet, hoc vsum custode ferunt, Theodosij filij, & totius Imperij curatore. Is sanè vulgatioꝝ sermo per priscos posteris proditus, vel ad hanc tempestatem, vt apud doctos, ita & imperitos, sedulo circumfertur: haud tamen vsquam literis commendatum comperimus, vel celebratum, nec apud eos fortè, qui de Arcadij morte pluraque historię tradiderunt, nisi in Procopij rhetoris scriptis. Nec sanè miror hominem, qui multa didicerit, & omnem, vt ita dicam, collegerit historiã, vel id factum commemorasse, alteri cuius prius fortè elaboratum: me verò qui minimam in partem hæc nouerim, haudquaquam eius narratio ceperit. Sed illud equidem admiratione dignum existimauerim, quod cum hæc Procopius narret, haud tamen simpliciter per se cognita explicet, sed Arcadium ipsum laudibus ferat, quod optimo sit vsus consilio. Ait namque, in cæteris eum haudquaquam satis ingeniosum fuisse, in hoc solo & sapientem, & prudentissimum visum. Mihi verò, qui id demiretur, apparet, nullam habuisse primi & repentini consilij rationem, sed rei euentus. Quo enim pacto par erat, homini alieno ac Barbaro, & Regi nationis infensissimo, alienæque opinionis & mentis viro, nec satis iam cognito, vtrum æquitatem & fidem seruaret, quæ charissima sunt, commendasse? Quod si nihil ille in infantem deliquit, sed huius imperium firmissimè procurante se, seruabatur, præsertim cum infans sub mammis adhuc nutrebat, Isdigertes potius ille benignitatis erit collaudandus, quàm Arcadius facti. De his verò, vt senserit quisque, sententiam ferat. Isdigertes igitur, cum vnum & vicesimum regnasset annos, aduersus Romanos bellum nunquam suscepit, neque vlla hos vnquam affecit molestia, sed beneuolus semper erga hos, & pacificus fuit, siue ita tulerit casus, siue quia parceret puero, cõmunibûsve liberis procreandis & legibus. Hactenus Agathias. Illud verò, quod extat apud probatos auctores, neutiquã mihi silentio inuoluendum est, nempe sub hoc Persarum rege Christianismum permagna cepisse incrementa. Cum enim Isdigertes, vt iam diximus, Theodosij à patre institutus tutor, & cum Romanis pacem ac societatem coleret, frequentes extitere causæ, vt inter Romanos & Persas crebræ vtrò citroque mitterentur legationes. Itaque necessitate flagitante, Maruthas quoque Mesopotamiæ antistes, illuc orator missus est. Qui postquam ad Persas venisset, propalàm Rex illum in magno honore habuit, vt virum singulari sapientia & virtute præstātem. Magi, vbi tantum honorem Romanæ ditionis episcopo haberi viderunt, qui plurimum apud ipsum Regem gratia & auctoritate pollebant, summoperè indoluerunt, variisque cogitationibus æstuabant, veriti, ne illum in suam fidem ac religionem alliceret, cum præsertim Maruthas, grauem ac diuturnum capitis dolorem, cum quo Isdigertes diu confectus fuerat, precatione, vt aiunt, Deo exorato, statim curasset: quod quidem Magi, cum omnia tentassent, se vnquam effecturos desperarant. Proinde astu ac dolo Regem aggredi statuerunt. Quandoquidem Persæ ignem tanquam

Deum

Nisi Honorius
vētē fecerit
quod filij sui
intellam regi
Persarū com-
miserit.

Isdigertes
quandiu re-
gnauit.

Maruthas
Mesopota-
miæ episcopus
apud Persas
Roman legat-
us, in ma-
gno est apud
regem Per-
sarū honore.

Idem capitis
dolorem diu-
inum in
rege, precatio-
ne dispellit.

Deum colebant, & Magos, eos appellabant, qui elementa in numerum deorum referebant, Rexque ex veteri consuetudine perpetuum ignem adorabat, virum quendam in fossam sub terra eo tempore quo Rex aduenire solitus erat, demiserunt, eumque verba hæc Magi proclamare iusserunt: Exire oportere Regem; quem Deus impium iudicaret, quod Christianorum præfulem, Deo charum atque acceptum existimans, tantoperè amaret. Hoc ubi Persa audiuit, Marutham, honestè quidem & reuerenter, omninò tamen à se reiiciendi consilium cepit. Maruthas, diuinis precibus vehementiùs incumbens, perfacile Persarum dolum edoctus est, & Isdigerterem adiens: Ne ira illudi tibi, ait, patere ô Rex. Sed sacrarium ingressus, cum ad te perferri vocem senseris, effodi terram iubeto, & dolus ipse illicò patebit. Ignis enim vocem edere, ut qui inanimatus sit, haudquaquam potest: sed humana fraude hæc fabula instituta est. Rex illius verbis obsequitur. Atque ubi rursus in cuniculam eam, in qua perpetuus ignis asseruabatur, ingressus, & eadem vox ad eum delata est, protinus eum locum effodi iubet, & qui sub terram deum se assimulauerat, mortalis esse deprehenditur. Itaque ira percitus Persa, Magorum genus decimauit. Qua re ita acta, Maruthæ præceptum est, ut quocunque vellet loco, in Persarum ditione Ecclesiam exstrueret. Vnde Christiana religio, etiam in Persarum finibus longè lateque propagata est. At non multò post, Maruthas, peracta legatione, Constantinopolim remigrauit. Et cum iterum Oratorem in Persia mitti oporteret, denuò legationis munus obiuit. Magi autem idem quod antea, moliebantur, hoc vnum in primis agètes, ut ne rex, eo, sicuti prius, vteretur, nève apud eum in tanto esset honore ac nominis dignitate. Proinde ex arte & machinatione quadam intolerandum excitarunt fœtorè, quo tempore Rex more suo deambulabat: atque insuper calumniam cõfinxerunt, illum à Christiani episcopi comitibus fuisse subornatum. Princeps verò, Magos, ex eo quod antea fecerant, iudicans, & eorum quoque id inuentum esse suspicans, omni studio in eius rei auctores inquisiuit. Atque ubi ipsi rursus teterrimi illius odoris patratores esse comperti sunt, permultos denuò suppliciis subdidit. Quocirca Romanos dilexit, & illorum amicitiam atque beneuolentiam mirificè coluit. Quin etiam, alio Maruthæ factò allectus, quod ille vnà cum Abda Persidis antistite peregit, cum vterque continuis orationibus incumbens, à filio eius dæmonem, à quo summoperè vexabatur, penitus expulisset, Christianorū sacris adherere statuerat. sed prius vita excessit, quàm omnino Christianus fieret: regnum autem eius ad filium Varanem, siue, ut alij, Vararanem deuolutum est, qui non eodem, quo pater, in Christianos animo fuit. A Magis enim, qui illis hostiliter infensi erāt, persuasus, tum fœdera cum Romanis icta soluit, tum Christianos, qui ibi erant, nouis Persicis suppliciis excogitatis, crudelissimè persecutus est, ansamque præbuit nouorum bellorum, quæ inter ipsum & Theodosium secundū Romanorum Imperatorem exorta sunt. Hic enim cum ab ipsis incunabulis ab Anthemio, viro eximiis ac præstantissimis animi dotibus ornato, in Christiana pietate quàm optimè institutus esset, his omnibus qui eam amplectebantur, mirificè fauebat. Hos verò, qui in eius professores se hostiliter gerebant, summo odio prosequabatur. Proinde, cum Christiani qui erāt in Persia, innumeris calamitatibus pressi, ad ipsum confugerent, eiusque opem atque

P auxilium

Magi Maruthæ aduersantur, et calido facinore conantur efficiere, ut à se Marutham rex dimittat.

Magorum dolus detegitur.

Christianismus in Persia de propagatur.

Magorum noua fraus & dolus patet, ac eius grauius coercetur.

Maruthas et Abdas Persidis episcopus, regis filium dæmonio liberant.

Varanes succedit Isdigerterii in Principatu.

Theodosius Christianæ pietatis fuit acerrimus propugnator.

auxilium implorarent, statuit illorum causam etiā armis tueri atque defendere. Id quoque ad Persis bellum inferendum nō mediocrem stimulum addebat, quòd videlicet, Romanæ ditionis hominibus, qui mercede in aurifodinis opus faciebant, illinc redire non permittebatur, & Romanorum mercatorum merces diripiebantur. Ad quas iniurias Christianorū in urbem Constantinopolitanam accessit perfugium. Et cū Persa, legatione missa, perfugas sibi reddi postulare, Imperator id prorsus recusauit, non solum quòd ipsos tanquam supplices & precatores seruare voluerit, sed etiam quòd pro sua religione tuenda & propaganda quiduis potius facere decreuisset, quàm vt eos, cum quibus communem fidem haberet, vllō modo despiceret atque contemneret. Igitur pace soluta, & animis vtrinque mirum in modum exacerbatis, grauissimum & cruentissimum bellū inter Romanos ac Persas reintegratum est, quod quàm breuissimis fieri poterit verbis, enarrabitur.

Bellum inter Rom. et Persas reintegratum.

Ardaburius ex Imperiali aula cum non ita multis copiis missus dux, per Armeniam in Persidem excurrit, & quandam eius prouinciam Azazanem siue Azamæam vocatam, vastauit. Aduersus quem à Rege Persarum dux alius Narses venit, ingentem secum ducens exercitum. Hic, commissā cum Ardaburio pugna, cum ingenti suorum clade victus, in fugam se dedit. Ex qua cōuersus, Mesopotamiam Romanorum ditionem, omnium præsidio exutam adoriri, & acceptæ cladis ignominiam abolere statuit: sed consilium quod Narses ceperat, Ardaburium latere non potuit, qui quàm maxima potuit celeritate, regione Azazena summè vastata, & ipse Mesopotamiam petiit. Narses, quamuis varij generis copias coaceruasset, ingredi tamen Romanorum fines ausus non fuit. E Nisibi tamen ciuitate, quæ in finibus Persarum & Romanorum sita est, Persis nihilominus subiecta, hominibus certis ad Ardaburium missis, de conditionibus pugnae committendæ, loco & die constituto, cum certiore fecit. Cui ille renunciari iussit, Romanos, non quando ille vellet, sed quo tempore ipsis commodum visum esset, prælium facturos. Et cū Persam magnis viribus suas copias inuasurum putaret, maximas & ipse vires contraxit, ac protinus eos qui in vrbe Nisibi clausi & circumuallati erant, obsidione premens, turres ligneas fecit, quæ rotis quibusdam & machinis prouolutæ, mœnibus admovebātur, & ex eis longiore, pro muro, certamine commissō, multi è superioribus locis urbem propugnantes cædebantur. Vararanes autem Persarum rex, vbi Azazenam regionem excisam, & suos Nisibi inclusos muralium tormentorum vi affligi cognouit, cum omnibus copiis, quas tum paratas habebat, fortunam belli experiri constituit. Cū verò Romanorum virtutem metueret, Saracenorum auxiliis vsus est, quos Alamundarus vir fortis & bellicosus duxit, qui cū multa eorum millia secum adduxisset, bono animo Regem Persarum esse iussit, quamprimū se primo conflictu Romanos superaturum, atque ipsi vnā cum magna Syrorum vrbe Antiochiā subiecturum esse dicens. Hæc ille quidem iactabat, sed eius verba minimè ad optatum exitum peruenere. Quibus namque rex quammaximè fidebat, Saraceni, quodam Panico terrore correpti, seque ab ingentibus Romanorum copiis inuadi atque propelli opinati, & in magnum tumultum coniecti, ita, vt neque quid eis præcipuè agendum, quòve effugiendum esset, scirent, vnā cum armis in Euphratem amnem

Persarum clades.

Narses Romanis diem pugnae commisit.

Romanorum responsum.

Nisibi obsidem ab exercitu Rom.

Saraceni adiuvant Persas contra Romanos.

amnem se præcipitarunt. Opinio sanè obtinet, ibi ad centum millia viro-
rum periisse. Romani verò, qui excitatis expuginatoribus vrbiũ machinis
Nubim oblidebant, cùm audissent, Persas magnam elephantorum multi-
tudinẽ adducere, & ea de causa non parum consternati essent, omnibus eis
machinis igne consumptis, ad sua loca sunt reuersi. Cæterũ, quot postea
prælia sint commissã, & quomodo alius Romanorum dux Arcobũdus item
magister equitum, & consularis, singulari certamine eum, qui apud Persas
omnium fortissimus habebatur, interemerit: & quomodo Ardaburius se-
ptem fortissimos Persarum ductores insidiis exceptos, trucidarit: adhæc, vt
Gratianus, alius Theodosij dux, reliquias Saracenorum funditus extinxerit;
breuitatis causa prætereo. Imperator Theodosius, res in eo bello gestas Pal-
ladio quodam celeri vsus, quamprimum cognouit. Is cùm corpore fortis,
tum animo adamantinus fuit: qui tanta celeritate equo insidens vectus est,
vt diebus tribus in fines, qui medij inter Persas & Romanos sunt, peruenisse
dicatur, totidemque postea diebus Constantinopolim reuersus. Ob eam ve-
rò celeritatem, non ad Persarum fines tantũ, sed etiam ad reliquas orbis
partes, quò eum Imperator misit, expeditissimè peruolauit. Quapropter ali-
quando ex præclaris viris quidam, eius incredibilem celeritatem admiratus,
dixit: Virum eum, tam amplam Romani imperij ditionem, angustam expe-
dita celeritate sua reddidisse. Insuper, etiam Persarum rex obstupuit, quòd
legatione fungens, multorum dierum iter tam velociter perficeret. Hæc de
Palladio. Theodosius Constantinopoli degens, vbi Romanorum diuinitus
concessam victoriam rescivit, tanta probitate ac moderatione fuit, vt etiam
in secundis rebus, pacis consilia capesseret, & cum hostibus fœdus inire vel-
let. Helionem igitur ducem illustri dignitate præditum, ad pacem cum Per-
sis faciendam misit. Atque is, postquam in Mesopotamiam peruenit, vbi
Romani fossam præaltam, quæ præsidio eis foret, duxerant, Maximinum, vi-
rum præclarum, & eiusdem cum Ardaburio dignitatis, qui de pace ageret,
ad Persam ablegauit. Maximinus apud regẽ se à ducibus, non ab ipso Impe-
ratore, missum esse dixit: illum enim, bellum hoc nescire, atque etiam, vt ma-
ximè sciret, parui tamen facere. Porro Vararanes huiusmodi legationem re-
cipiẽs, quòd eius exercitus propter illatas clades, valdè imminutus esset, tam-
diu oratorem secum detinuit, quoad nouum exercitum decem millium ar-
matorum, quos Immortales ipsi vocat, instrueret. Hi bifariam diuisi, in me-
dio partem quandam Romani exercitus non minimam, circumuẽtam con-
cludere statuerant. Romani ad eam hostium turmam, quam conspexerant,
conuersi ferebantur. Nondum enim alteram, quæ de repente procurrebat, vi-
debant. Etiam inter se acies concurrebant, cùm Dei prouidentia, alia Ro-
manorum copiæ ex colle quopiam prospicientes, apparuere, Procopij ducis
signa sequentes, qui suos ciues in discrimen coniectos animaduertens, con-
tra Persas duxit, eosque à tergo aggressus est. Ita factum, vt qui paulò ante
Romanos intercipere voluerint, ipsi ab illis circumuenti fuerint. Romani
omnibus illis internecione deletis, ad eos inde qui ex insidiis prodibant, con-
uersi, itidem illos quoque iaculis confecerunt. Ad hunc igitur modum qui
apud Persas sunt Immortales, subito mortales omnes esse comperti sunt,
ipsos in primis vlciscente Seruatore nostro, propterea quòd plurimos

Romanorum
victoria.

Palladij ce-
leritas.

Theodosij
moderatio
in velus
proseris.

Eiusdem le-
gatio ad re-
gem Persa-
rum.

Vararanes
parat bellum
in Romanos.

Persarum
clades.

Pax inter
Persas &
Roman.

cuius cultores insigni pietate praestantes, acerbissimis tormentis atque suppliciis necauerint. Rex autem Persarum, ea clade accepta, nihil se earum rerum scire assimulauit, & oratore e custodia emissio, legationem recepit, pacem se, non ut Romanis gratificaretur, sed ipsi oratori eximia quadam prudentia praedito, huiusmodi honorem haberet, complecti testatus est, atque ita bellum Persicum, quod initium propter ingentes persecutiones aduersus Christianos motas sumpsit, finem tum habuit. Cum ipso autem bello, persecutio quoque tunc maiori ex parte conqueuit. De his autem gravissimis persecutionibus, quae sub hoc Rege prius fuerant in Perside, multa, ut reliquos omit- tam, Eusebius & Nicephorus in iis libris, quibus titulus est De Eccles. hist. tradidere. Persicis rebus ita sese habentibus, Theodosius Valentinianum consobrinum suum Caesarem renuntiauit, & cum matre Placidia Romam misit. Tenuit imperium a morte patris annos quadraginta duos. Vixit annos quinquaginta unum, & cum maxima pietate imperauit. Eo regnante, Solis deliquium fuisse traditur, & apparuisse cometa, inde ab Idibus ferè Iulii, ad mensem usque Septembris.

Mors Theo-
dosii.

Conuersio
Imperij Bri-
tannici.

Sub hoc Theodosio magna fuit conuersio imperij Britannici. Cum enim indigenae Romanis, posteaquam a Caesare victi sunt, annos ferè quingentos paruissent, sub hoc Imperatore, cum a Scotis & Pictis grauissimè premeren- tur, ac de Romanorum auxiliis desperarent, Anglorum & Saxonum opes e Germania euocarunt. Hi, pulsus Britannis, imperium facile occuparunt: sed ita, ut septem Reges diuisis imperiis dominaretur, ac perpetuis bellis in seip- sos grassarentur, quoad Egbertus post annos circiter trecentos, quàm Angli Britannos in Galliam expulerant, id est, anno salutis DCCC. penè solus impe- rauit. Postea Dani ac Scoti mox victi, & mox victores insulâ more praedonũ annos ferè CI. diripuerunt usque ad Eduardum maiorem, qui Danis pulsus, imperium recepit. Centesimo post anno bellis intestinis flagrantibus, Wilhel- mum Normannum euocarunt. Is Haraldo caeso, ac Republica constituta, regnum successione ad suos detulit, eiusque posteritas, per annos quingentos & amplius, Regũ serie cõtinuata est, videlicet, usque ad ELISABETHAM inuictissimam & gloriosissimam Regis HENRICI VIII. & ANNAE BOLE- NIAE filiam, & inuictissimam legimmoque regem cõiungens, & auiti paternique Regni vnica hæredem, quæ hoc nostro tempore cum inelyta sui nominis gloria, & maximo Prouincialium ac subditorum beneficio imperij sui ha- bentis tanta iudicii rectitudine, consilij maturitate, prudentia, iustitia, ceteris- que heroicis virtutibus moderatur & gubernat, ut Angliæ atque Hiberniæ Regna, quæ huiusmodi Deus cum suprema potestate praesse voluit, sub eius sa- pientissimo regimine & administratione se iure merito felicissima nuncupa- ri possint ac debeant. Equidem in huius celsissimæ atque laudatissimæ Regi- nis laudibus recensendis diutius immorarer, nisi constaret, has vniuerso iam populo prorsus innotuisse, meque suscepti operis ratio, ut ad cetera prosequen- dum, & orationem conuertam, quasi prehensâ manu retraheret atque impuleret. Proinde hæc tantum in praesentia delibasse sufficiat.

Wilhelmus
Normannus.

Elisabetha
Britannica
Regina.

Valentinia-
nus tertius,
sub quo fuit
declinatio
Imp. Occi-
dentalis.

Theodosio humanis rebus excedente, Valentinianus tertius tenuit impe- rium annos triginta, fuitque vltimus Imperator Occidentis usque ad Caro- lum Magnum, etsi interea multi seditiosi nominari Imperatores voluerint, qui

qui tamen vix exiguum partem Italiae habuerunt. Poenas autem cumularunt & Valentiniani mores, qui mœchus, magus, & ducum benemeritorum paricida fuit. Circa hæc tempora, Vandali in Africam ingressi, vicerunt Bonifacium natione Thracæ, qui tum Africā regebat, & alios Romanos exercitus, & Carthaginē occuparūt, anno eiusdē Valentiniani decimo septimo, & ab orbe redempto quadringentesimo quadragésimo quinto. Sic regnū Occidentale vacauit annos ferè CCCXXX. vsque ad ipsum Carolum Magnum. Hoc statu rerum, in Persia, Vararanes Isdigertis filius, cuius suprà mentionem fecimus, postquam annos viginti regnasset, ex filiis alteri imperium tradidit, cui deinde, cum in regno annos septendecim, & menses quatuor exegisset, Perozes in regno successit, vir sanè, vt inquit Agathias, supra modum audax & bellicosus, animique magnitudine præstans, etsi cætera, mente & cogitatione haudquaquam fuerit constans, & longè plus audacia, quàm consilio pollens, in expeditione aduersus Nephtalitas interiit, nec tam hostium robore, quàm eius temeritate. Huic enim in hostili solo versanti, præuidendæ simul & præcauendæ erant insidiæ, quarum ipse oblitus, in eas statim præcipitauit. In scrobes nanque & fossas cadendo, ingenti per campos spatio in capturam paratas, cum vniuerso exercitu periit, vigesimo imperij anno, vitamque finiuit inglorius, vt ab Hunnis turpiter debellatus. Nephtalarum verò gens ipsa, Hunnica est, vt idem auctor testatur, qui etiam asserit, hunc bis contra eos arma sumpsisse, & ex prima quidem expeditione in regnum suum, licet nulla re memorabili gesta, vel potius cum dedecore atque ignominia, rediisse. Cum enim in quibusdam angustiis, vbi hostem persequebatur, esset circumuentus, illarum exitu ab hostili agmine vndique occluso, captus est, eoque necessitatis adactus, vt pacem à Nephtalarum duce supplex peteret, nec prius ab eo pacis conditiones admissas, quàm Perozes, corpore inclinato, adorationis honorem præstiterit, & sponcione vnà cum iuramento interposito confirmaret, nunquam se posthac ipsis bellum illaturum esse. Cæterum inuitissimo animo huiusmodi rem quæ præter decorum ac rationem esset, necessitate compulsus, hoc fecisse, vt in suum regnum saluus atque incolumis rediret. Postea verò tam turpem ignominiam non ferentem, spreta iurisiurandi religione, cum exercitu contra eos profectus, & cum illi rursus insidias ei struxissent, propter iururandum violatum caesus est. Blefes deinde huius germanus frater, qui & Valens, ad regnum euectus, nihil est visus siue domi, siue bello memoria dignum egisse, non solum quia mitior esset, ac placidis moribus, nec non ad impetus temerarios, & inimicitias obeundas non admodum promptus, sed etiam quod breui extinctus est. Vix enim quatuor annos in imperio transegit. Huic successit Cabades, sub quo, rursus inter Romanos, & Persas bellū redintegratum est, idque incidit in tempora Anastasij. De hoc autem priusquam sermonem instituam, ad inchoatam seriem Romanorum Cæsarum reuertar. Suprà recēsuimus, post obitum Theodosij secundi, Valentinianum tertium Imperij habenas suscepisse. Hoc viuis subtracto, Fl. Val. Martianus imperium admodum senex adeptus est, qui Augustus designatus, pacatum tenuit Imperium. Cum Persis & Vandalis fœdus percussit, pacisq̃ adeo studiosus, vt diceret, Donec liceret tranquillè viuere, non decere Principem sumere arma. Tatianum Iuliumque fratres, al-

Vandalorum
excursiones.

Perozes rex
Persarum.

Eiusdem
interitum.

Bleses Rex
Persarum.

Cabades
Blesis suc-
cessor.

Martianus.

Leo primus
Græcanici
sanguinis
Imperator.
Eiusdem e-
gregia vir-
tus.

terum Illyrico, alterum Constantinopoli præfecit. Et cum annis sex, ac totidem menses imperasset, fatis ac naturæ concessit. Post huius mortem, Leo primus Græcanici sanguinis, factus est ex Tribuno militari, Senatus & exercitus suffragiis Imperator, anno ab vrbis condita M. C. C. X. fuitque nonus & quadragesimus ab Augusto. Septendecim annos Orientale imperium rexit. Princeps iustus, & in quo multæ clarissimæ virtutes effulgebant, sed omnium maximè erga homines calamitosos miseratio. Dicereque solitus est, quemadmodum Sol, qui, quod suo splendore illustrat, non nihil caloris impartitur, sic Principem debere eos sua dignari misericordia, quos contueretur.

Zeno Imp.

Leone defuncto, Zeno ipsius gener regnare cepit. Tenuit imperium annos sexdecim, siue, ut alij volunt, septendecim. Natus in Cilicia, obscuris parentibus, ductor exercitus sub Leone, raro exemplo à filio factus Imperator. Nam Leo Imperatorem fecerat Leonem secundum, natum ex Zenone genere, & Ariadna, quæ fuit filia primi Leonis. Moriturus autem filius Imperatorem fecit patrem. Hic obiit diem miserabili morte. Cum enim ægrotaret, per

Eiusdem mi-
serabilis mors

riodicis vehementiis ac exacerbationibus, ut medici scribunt, quasi exanimatus iacens, visus mortuus, impositus est sepulchro: illic refocillatus, & ad se rediens, suffocatus dicitur, ne recordaretur illius illati incommodi: licet alij tradant aliam mortis speciem. Cum enim in hæreses ac impietatem, & corruptos mores prolapsus esset, omnibus esse odio cepit. Nam ebrietati & crapulæ adeo deditus erat, ut plerunque mente penitus alienaretur, temulentusque nihil à mortuo differret. Proinde cum se multo mero onerasset quadam vice, & moribundus iaceret, Ariadne vxor, alioqui fatis illi inuisa, veluti mortuum iussit sepulchro, quo reges reponerentur, inferri, addito ingenti lapide, qui eum obtegeret. Posteaquam resipuit, & ebrietas resoluta est, magnos edidit eiulatus, & clamores frustra, nullo opem ferente, sic enim Ariadne ordinauerat, ne quis sepulchrū aperiret, aut propius accederet, atque ita extinctus est.

Incendium
Constantinop.

Sub huius Principatu incendiū adeo graue fuit Constantinopoli, ut, præter maximā vrbis partē conflagratā, centū & viginti librorū millia combusta sint, inter quæ & Homeri poema intestino draconis cxx. pedū aureis literis descriptum. Post Zenonem, Anastasius Dicorus ex humili loco ad imperij fastigium euectus est, qui vixit annos octoginta octo, regnavit annos viginti septem, & tres menses. Fulmine ictum periisse existimant. Ceterum, ut ad Persas, quorum mihi præcipuus scopus est, sese referat oratio, hi quidem, post fœdus ac societatem initam cum Theodosio secundo, ad hæc usque tempora nullum bellum cum Romanis gessere. Verum enimvero hæc diutina pax anno duodecimo imperij Anastasij violata est, & inter utramque gentem atrocissimum bellum subsecutum, Cabade apud Persas regnante. Hic enim plurima Romanis intulit bella, ac sæpè de Barbaris sibi finitimis victoriam retulit, nihilque temporis intermittebat, quin turbis se & periculis inuolueret. vnde & in subditos sæpè defæuiebat, & implacabilis erat, ita ut perturbare res optimè constitutas posset, & ciuili in statu res innouare, ac consueta peruertere. Ferunt præterea, hunc legem tulisse, qua viris essent & in communi expositæ feminæ, non tamen iuxta Socratis Platonisque instituta & reconditas eorum in dictis commoditates, sed ut cuius ex lege liceret, ad quamuis animus ferret, accedere, priuatique tori participare, vel si al-

Lex Cabadis
de Polyga-
mia.

teri

teri nupisset mulier, & in alterius esset hæc potestate: vnde id sequebatur, ut iurè & crebrò ea in re peccare quis posset: sed primoribus ipsis apertiùs id molestè ferentibus, nec esse existimantibus id iniuriæ tolerandum, ea lex regi & insidiarum, & exitij præcipua causa fuit. Siquidem conspiratione facta, Lex ista Cabadi exitio fuit. insurgentibus vniuersis, principatu hic statim deponitur, vndecimo postquam regnare cœperat anno, & in Obluionis præsidium, seu Lethes castellum traditur. Imperium verò ad Blasem trāsferitur, & hunc Perozo progenitum, Blases rex Persarum. qui ab humanitate iusticiaque plurimum commendabatur. Cabades verò, è præsidio breui euadens, siue, ut scribit Procopius, vxore ad id doli iuuante, ut quæ viri vitam prætulerit suæ, siue aliqua alia ratione ad Nephtalitas se contulit, Imperatoremque supplex adiuit, à quo benignissimè exceptus, eiusque gener factus, breui post, eius ope atque armis ad patrios lares descendens, sine labore & periculis haud secus regnum recepit, ac si nūquam amisisset, vacuumque id, & se perinde opperens, repperit. Blases namque, cui id traditum fuerat, volens quidem regio huic throno concessit, & imperium censuit per se relinquendum, in quo quaternos annos cum voluptate vixerat, idque renuere ex animi magnitudine maluit, & priuatam etiam securitate vitam deligere: quo factum est, ut necessitatem ipsam optimum præueniret consilium. Cabades verò, iterato potitus imperio, ad priores, & vndenos iam annos Monarchiæ in Principatu, alios triginta permansit. Cæterum quomodo ex carcere liberatus fuerit, etsi variè narretur, hæc tamen præcipua causa fuisse dicitur. Cùm eius coniux aditum ad eum peteret, quòd venusta forma esset, carceris custos eius pulchritudine victus, & amore captus, ea conditione promissit, se aditum concessurum esse, si suo amoris obsequeretur. Illa cùm casta esset, & virum amaret, custodis amorè ei indicauit, qui spe liberationis iubet vxorem voluntati custodis parère. Quod cùm faceret, mulier postea familiariter intromissa, virum tandem liberauit: vbi enim nox aduenit, Cabades coniugi persuasit, ut vestem illam suam indueret, atque in carcere consideret: ipse verò, illius habitu sumpto, eam ipsam se esse probè assimulauit, & custodia egressus est. Id vbi factum, Cabades, Scæ, siue ut alij volunt, Stofen ductu, quamcelerrimè saluus ad Nephtalitas peruenit. Quorum Princeps illi, ut dictum est, & filiam matrimonio coniunxit, & exercitum attribuit, quo breui post, Persicum regnum recuperauit, & quòd vir sagax atque industrius esset, illud postea quàm tutissimè tenuit. Et anno administrationis suæ vndecimo, pacè primùm cum Romanis fecit: deinde verò, vbi mutuam ab Anastasio pecuniam accipere voluit, atque Anastasius ei responderet cautionis syngrapham, eum, si pecuniam recipere vellet, dare debere, absque ea ne vnum quidem obolum accepturum esse, eam ob causam pacis fœdera rupit, & aduersus Romanos bellum suscepit. Quomodo autem hoc gestum sit, & Anastasius per suos duces Amidam urbem obsidere cœperit, Procopius libro primo De bello Persico tradit. Magnum enim exercitum illuc misit, cui duces quatuor præerant, Areobindus Olybrij focer, qui paulò antè in Occidente imperauerat, tunc Orientis Prætor, & Celer ordinum in palatio præfectus, quem Magistrum Romani vocant. reliqui duo, Patricius Phryx, & Hypatus Imperatoris fratris filius, qui ambo Byzantij militum præfecti fuere. His additi erant Iustinus, qui post Anastasium imperauit, & Patriciolus cum

filio Vitaliano, qui contra Anastasium tyrannidem corripuerat, & Pharef-
 manas Colchus genere, in rebus bellicis præstans. Gogidasclus, & Messas,
 Gothi homines, ex iis qui Theodoricum è Thracia in Italiam venientem,
 nō sunt secuti, ambo & sanguine illustres, & bello aptissimi. Deinde nōnulli
 fortes viri secuti sunt, quo fortior exercitus nullus, nec prius, nec postea cōtra
 Persas à Romanis exiuit. De his quidem luculenter Procopius, & quomodo
 Anastasiam ciuitatem in Mesopotamia de suo nomine condiderit. Hoc au-
 tem bellum tandem Iustini tempore finitum est. Cæterum, antequam de
 hoc finem absoluam, id quoque mihi adiciendum putauit. Inter Persidem,
 & Indiam oppidum fuit Tzundadaer nomine. In eo Cabades maximam pe-
 cuniæ vim, pretiososque & pellucidos lapillos clam asservari intellexit. Eis,
 vt vnà cum oppidulo potiretur, nihil sanè intentatum reliquit: sed quò mi-
 nus quod volebat, efficeret, dæmones, quicū thesaurum custodiebant, ob-
 stitisse dicuntur. Et postquam Persicas euocationes & imposturas expertus,
 dæmonibus videlicet, eum locum firmissimè obtinentibus, nihil egit, per
 Iudæos rem expedire aggressus est: atque vbi per eos quoque optatis votisq;
 suis potitus non est, per Christianos tandem se quod conabatur, cōfecturum
 arbitratus est, quos aduersus dæmones potestatem recepisse audierat. Itaq;
 Christianorum, qui apud Persas erant, Præfulem ad se vocauit. Qui ea de
 causa Synaxi & conuentu Ecclesiastico popularium suorum coacto, & diui-
 nis sanctificationibus perceptis, eisdemque Christianis, qui ibi conuenerant,
 datis, signo crucis, qui eum locum incolebant, dæmones exegit, & Cabadae
 statim sine vllō labore ac difficultate oppidum tradidit. Qua re consternatus
 Persa, primo subfello Christianorum Antistitem cohonestauit, cū ad id
 vsque tempus, Iudæi, & Manichæi primarias sedes obtinuissent. Atque ab eo
 tempore, vt deinceps quicūque vellent, Christianorum sacra colerent, om-
 nibus liberam potestatem permisit, quos ille antea excruciauera, ad eò vt
 etiam multis membra, & eas partes, per quas vox editur, ademerit, qui ta-
 men illis etiam sic amissis, non minus quàm antea clarè sunt locuti: vt te-
 statur Nicephorus Eccl. hist. libro xvi. cap. xxxvi.

*Cabades op-
 pido Zunda-
 daer cū ma-
 ximis opibus,
 quibus Dæ-
 mones incu-
 tabant, Chri-
 stiani episco-
 pi opera, co-
 acti sunt.
 Idem ex per-
 secutore, pro-
 rector Chri-
 stianorum fit.*

*Iustinus
 Imp.*

*Bellum inter
 Romanos &
 Persas.*

*Zeliobes rex
 Hunnorum
 interficitur à
 rege Persarū
 propter perfidi-
 am.*

Interea Byzantij mortuo Anastasio successit Iustinus anno sal. D x i. qui
 regnauit annos octo, & menses aliquot, siue, vt alij, nouē annos, & tres dies,
 natus obscuro loco in Thracia, patre armentario, sed miles factus, virtute cre-
 uit. Tertio Iustini Principis anno, moto bello inter Romanos & Persas, misit
 idem Iustinus legatos & munera ad Zelioben regem Hunnorum, isque re-
 promissit cum iuramento, se Imperatori contra Persas auxilium præstiturum.
 Mittentem autem deinde ad se regem Persarum, admisit, & suadenti promi-
 sit, etiam ipsi idem se præstiturū contra Romanos: Hoc vbi Iustino renun-
 tiatum est, grauiter indoluit. Porro direxit Zeliobes ad Persas viginti millia
 hominum armatorum ad expugnandos Romanos. At verò Iustinus desti-
 nauit Regi Persarum legationem pro pace, & inter cætera etiam de Zeliobe
 significauit, ipsum opitulationis iuramēta cū Romanis habere, & ab eis mu-
 nera accepisse, ac velle proditor Persarū fieri. Cæterū nos, inquit, cū simus
 fratres, amicitiam amplecti decet, & summoperè cauere, ne ab istis canibus
 illudamur. Tunc Persarū rex, accersens secretò Zelioben, sciscitatus est, num
 accepisset à Romanis munera; hortatus eos aduersum Persas. Qui dixit: Etiā.
 Et ira-

Et iratus, illum occidit, & per noctem missa multitudo Persarum, interfecit populum eius, suspicatus, quod dolo ad illum venissent. Quotquot autem potuerunt fugere, ad suos redierunt. Quinto anno imperij Iustini, Zatus rex Lazorum, recedens à regno Persarum, adhuc regnante Cabade, & Zatum amante, qui etiam illum in regem prouexerat Lazorum, venit Byzantium ad Iustinum, eumque rogauit, ut fieret Christianus, & ab ipso appellaretur Imperator Lazorum. At Imperator summo gaudio & letitia illum excipiens, Christiana fide ac religione imbuunt, & mox filium appellauit. Profectus autem Lazorum Imperator à Iustino, coronam & chlamydem Imperatoriam albam gestauit. Quo comperto, Cabades Persarum rex significauit Iustino, se valde admirari, quod, cum amicitia & pax inter Romanos & Persas vigeret, ipse hostiliter ageret, & procures viros sibi subditos, à suo imperio abduceret. Cui Iustinus respondit, se neminem ex suis subiectis, ab eius fide atque obsequio alienasse. Cæterum, cum Zatus ultro ad se accederet, ac procidens, submissè oraret, ut ab impio Ethnicorum dogmate, falsisque cultibus & sacrificiis liberaretur, ac fieret Christianus, se illius honestissimæ petitioni assensum esse, atque ipsum, ubi de more baptizatus esset, & Christiana fide ac religione institutus, in suam ditionem remigrasse. His auditis Cabades, in eadem cum Romanis societate atque amicitia constanter permansit. Memoria dignum & hoc est, videlicet, his temporibus Manichæos in Persia deletos esse, quod Regis filium in sua deliramenta & errores pertraxissent. Sunt enim qui in literas retulerint, hunc Regem, multa millia Manichæorum unam cum ipsorum Antistite Indagaro, & plurisque ex Senatoriis ac præcipua nobilitate viris, qui eorum partibus adhærebant, vno die contrucidari iussisse. Huius enim filium nomine Phatuarfam, Manichæi in suas partes pellexerant, ei que certissimam spem præbebant, fore, ut patre iam deuexa ætate, in fata concedente, ipse, neglectis prioribus fratribus, ad regale fastigium promoueretur. Hæc ubi primum Cabade per fideles ministros renuntiata sunt, comitia indixit, eo quidem prætextu, ut diceret, se hunc filium regem designaturum; & iussit omnes Manichæos cum suo Antistite, mulieribus & liberis adesse conuerti. Similiter & Principem Magorum Glonazen, Magos, & Christianorum Præfulem Boazanem, quem Cabada propter fidei sinceritatem & rei medicæ peritiam plurimi faciebat. Proinde conuocatis Manichæis, dixit, sibi iam dudum esse probè cognitum ac exploratum, quanto amore & obseruantia suum filium Phatuarfam prosequerentur, & quantoperè expeteret, illum sibi in regno succedere. Se igitur constituisse ipsorum optatis omnino morem gerere. Cæterum breui post, collecto exercitu, omnes ad internecionem usque interfici iussit. Septimo anno eiusdem Principis, mense decimo, Artemisio mense, cui apud Romanos Maij nomen est, vigesimo nono die, Meridie maximè vigente, motus terræ unam cum concutienti ebullitione Antiochiæ incumbens, eandemque funditus quassans, deformem & horrendam reddidit: & quicquid in ea eximium fuit, in solum coniecit. Ad quam cladem fulmen quoque accessit, ita ut ea mala calamitatem inter se diuisisse viderentur. Maiorem enim ciuitatis partem terræmotus & concussio solo æquauit. Si quid verò clades eæ intactum reliquissent, ignis imminens consumpsit, atque in cinerem & puluerem admirando prorsus modo redegit. Eiusdem Iustini imperij

Zatus rex
Lazorum
fit Christi-
anus.

Amicitia in-
ter Persas &
Romanos.

Quomodo ex
Persia, Ma-
nichæorum
secta, deleta
fuerit.

Siratagemâ,

Incendium
& motus
terre An-
tiochiæ, atque
alibi in locis.

imperij tempore Epidamnus etiam, quæ nunc Dyrrhachium dicitur, plurima à sævis terræmotibus damna sustinuit. Et itē Corinthus, quæ vrbs in Græcia sita est: Idem verò & Anazarbus, quæ secundæ Cilicum genti præest, pertulit. Quas vrbes magna pecunia Iustinus restaurauit. Sub eodem imperio, Edessenorum quoque nobilissima ciuitas, quæ maxima simul & populosissima in prouincia Osroënorum est, mirifica Scirti qui eam præterfluit, amnis exundatione, in tantum est afflicta, vt, cum multa ædificia secum conuulsa ille abstraxerit, tum infinitam hominum multitudinem abstulerit atque submerferit. Quos postquam vnda rapuit, confestim instar torrentis per mediam urbem profluens, euauit. Quod vbi malum conqueuit, tabula marmorea apparuit, hieroglyphicis literis hæc significans:

Saltabit cui saltum saltator acerbum.

Edessa clades
ex annis in
genti exan-
datione.

Gigantei ge-
neris mulier.

Visa verò eadem tempestate est Gigantei generis mulier quædam, cuiusuis hominis staturam excedens: longitudini ei proportionem latitudo etiam responderebat. Porro Imperator Antiochenis atque aliis calamitatibus in mœrorem coniectus, capitis diademate posito, & pulla veste sumpta, luctui se dedit: & vrbs vniuersa cum eo pullata & ipsa eorum quæ acciderant malorum causa luxit. Imperator verò non solum Antiochiam, sed & Edessenorum ciuitatem atque Anazarbum, impensis Imperatoriis splendide restituit, vt auctor est Nicephorus in Eccl. hist.

Bellum veno-
narum inter
Romanos &
Persas.

Iustini obi-
tus.

Iustinianus.

Dum hæc ita geruntur, inter præfatum Imperatorem, & Persicum regem, adhuc societas atque amicitia continuabat, quæ tamen breui post à Persa violata est. Cabades enim tum literis, tum oratoribus à Iustino petierat, filium Cosroëm ab eo adoptari, cum plures alij sibi essent; quod quidem Proclus potissimum dissuasit. Vnde & orta sunt à Persis bella, quæ Procopius late ac disertè prosecutus est. Iustinus interim, quia senex iam erat, & tandem morbi ad senectam accedebant, quarto mense antequam obiret, Iustinianum fororis suæ filium, præsentibus Epiphanio Patriarcha & præcipuis Senatoribus, Cæsarem renuntiavit. Præfatus Patriarcha & Iustinianum, & Theodoram eius coniugem vno eodemque tempore coronauit.

Bellisarius &
Narses præ-
cipui duces
Iustiniani.

Procopij Cæ-
sariensis
scripta.

Iustinianus adeptus imperium, regnavit annos triginta octo, mēsisbus septem, & diebus decem, vixitque annos octoginta tres. Valuit consilio, & imperij dignitatem summa cum militaris ac domesticæ disciplinæ gloria restituit, eoque felicior ac fortunatior extitit, quod industrios, præstantes, ac fortunatissimos duces habuerit, per quos in maximis bellis in Asia defendit Imperium, alibi recuperavit prouincias aliquas amissas. Siquidē Vandalis Africā, & Gothis Italiā eripuit, & Parthorū quoque repressit incursiones. Inter cæteros autem insigniores ipsius duces, fuere Bellisarius, & Narses Persamenius, quorum inclyta virtute ac felicitate, Vandali ex Africa, & Gothi ex Italia expulsi. De horum autem egregiis factis, & præclarissimis victoriis, multa passim apud diuersos auctores videre est; in primis autem apud Procopiū Cæsariensem, & Agathiam. Horum prior, quatuor volumina ad antiquitatis styllum accedentia composuit, quorum vnum Persica nominavit in quatuor partes diuisum opus. Secundum, pari diuisione Gothica: quæ scripta, bella ab ipso Iustiniano & Bellisario in orbe Romano feliciter gesta, complectuntur. Tertium ædificia inscripsit, magnificè admodum commemorans; quæ opera

opera Iustinianus construxerit: templa scilicet, regias, oppida, vrbes, pontes, atque alia ad publicum vsum spectantia. Quartum opus, retractatio est earum orationum, quas apud Iustinianum, laudibus eum vehens, habuit, quasi quædam palinodia, seu recantatio minus rectè ab eo dictorum. Bellisarij res describens, cuius comes in bellica expeditione illi subseruiens fuit, primum commemorat, quomodo Cabades Persarum rex, Chosroe filiorum suorum natu minimo, regnum relinquere volens, eum, sicuti antea diximus, in adoptionem Romanorum Imperatori dare statuerit, quò inueni certius firmitusque regnum foret. Hoc vbi illi non successit, Proclo impediens, qui apud Iustinianum quæstoris dignitatem gerebat, grauiore inimicitias contra Romanos suscepit. Et bellum Procopius inter Romanos, Bellisario duce, & Persas gestum, mira facundia & elegantia optimè exequitur. Primum, ut Bellisarius vnà cum Hermogene exercitus ductore, Persas ad Daras, & Nisibim vicerit, scribit. Et victoriæ eorundem trophæa in Armenia erecta, attexit. Item Alamundari Scenitarum Barbarorum ducis, bello aduersus Romanos ab eo moto, res gestas. Qui Timostratum Ruffini fratrem, vnà cum plurimis aliis eius comitibus captum, postea ingenti pecunia redemptum, reddidit. Per quàm miserabiliter autem memorat ipsius Alamundari, & Azareti aduersus Romanorum imperium expeditionem, quemadmodum copiis eorum militaribus per vim in regionem suam redire contententibus, in Euphratis ripa Bellisarius occurrerit, atque cum eis prælium commiserit, & quomodo Bellisarij milites, quod eius consilio parère noluerint, Paschalium feriarum diebus instantibus, sunt concisi. Quomodo denique Rufinus & Hermogenes perpetuam, quæ dicitur, pacem cum Persis fecerint. Deinde seditionem popularem Byzantijs ortam subiungit, quæ cognomen sortita est Nika, Vince: quòd eam tesseram in ipso conflictu perduelles habuerint, ut eo signo se earundem partium sectatores cognosceret. Hæc, & pluraque alia Procopius, scitu digna recensuit, & literis consecrauit. Ipse quidem ab Arcadij morte exorsus historiam est, qui Isdigerti Persarum Regi, & imperij procurationem, sicuti antea recensuimus, & Theodosij curam reliquit, & ab his insuper quæ Urbano Perozoque acciderunt. Narrat præterea, quemadmodum Cabades regno priuatus sit, idque statim recuperauerit. Ad hæc ut Amidam Anastasius Romanorum Rex ceperit, & post hunc, item Iustinus Imperator & senior, eadem in re ut plurimum insudarit. Item, Persarum prælia explicat, & quæ Iustinianus Cæsar aduersus Cabadem Cosroemque reges circa Syriam, Armeniamque, & per Abasgorum confinia gesserit. Contra verò, ut Surorum vrbs in Syria Berthæaque, & ad Orontem fluuium Antiochia hostiliter fuerit à Cosroe Persarum Rege deleta: Edesa que ciuitas obsessa, à qua postmodum depulsus, abscesserit. Ex eodem etiam colligi poterit, quemadmodum Romanus exercitus circa Lazorum castella, & Petraræ præsidium, in Chorianem, & Mermeroem, Persarumque multitudinè se gesserit. In his autem Procopius finem historiæ fecit, quæ ad annum vsque vigesimum sextum imperij Iustiniani sunt gesta. Quæ verò ad ea, quæ ex his ipsis dependent, & subsequuta postmodum sunt, quæque Narfes bella fortiter ac feliciter confecerit, Agathias Smyrnæus, à Teia post Totilam Gothorum duce facto aduersus ipsum Narsetem, initio desumpto, non minus

Res gesta sub
Iustiniano.

Bellum Persicum.
Bellisarius et
Hermogenes
duces.

Pax Persica.
Seditio Constantinopolitana.

Agathias describit bella
gesta per
Narsetem.

verè

verè quàm pressè ac elegàter explicauit. Nec minori candore atque facundia recèset bella per idem tempus inter Persas & Romanos gesta in Lazico agro. Lazi autem olim, vt ipse inquit, Colchi dicebantur, qui circa Phasidem fluuium, & Caucaſum montem, & loca circumiecta degebant. Porro inter vtramque gentem, sicuti hactenus ostensum est, iampridem maxima & crudelissima bella interceſſerant, ita vt creberrimis incurſionibus alternis agros popularentur, & deuastarent, nunc repentinos machinando insultus, nunc copioso exercitu in aciem apertiùs prodeûdo, ita vt & si paulò antè inducias fecisse viderentur, haud tamen omninò inter se concordēs ac pacifici essent, neque vbique bella cessabant, nisi Orientem versus, & circa Armeniæ fines; vbi vtrisque sancita pax erat firmior: sed tum temporis etiam circa Colchos prælia gerebantur. Horum quidem nonnulla loca Rex Persicus, duce Mermereo viro longè præstantissimò, eiusque successore Narchoragra, occuparat, & Iustinianus eorum tutelam ac defensionem suscepit. Quænam verò causa ipsum ad hoc impulerit, idem Agathias cum eorum bellorum explicatione lib. II. luculenter ostendit. Hæc autè accidere quinto anno, ex quo, apud Persas Chosroes Cadabis successor, & duodetrigesimo, ex quo Iustinianus Romanis imperabat. Chosroes verò, cùm animo agitasset, haudquaquàm se posse in Colchico agro Romanis obsistere, vel mare ipsum tenetibus, quò exercitibus necessaria transuectabantur, & longè aliter ipse vt longis desertis iuneribus, ita & per baiulos homines, & oneraria iumenta summa difficultate perpauca cibaria mittere suis copiis cogeretur, decreuit in posterum à bello cum Romanis abstinere. Vt itaque pax non locis quibusdam, & ad breue constitueretur, nève non diu esset, vt imperfectior, permanſura, & mutilata; sed eodem tenore vbique confirmaretur, ad Iustinianum oratorem Byzantium mittit Persam virum inter cæteros facundissimum, (Zich illi erat nomen) qui vbi ad Imperatorem peruenit, multis vtrò citroque dictis, in id denique conuentum est, vt Romani Persæque ea tenerent, quæ in agro Lazorum belli iure cepissent, siue castella, siue præsidia forent, neque de his posthac certaretur, nisi maius aliquod interueniret rei principium. Zich itaque pro suo, & Imperatoris officio, hoc modo peractis rebus, ad sua se contulit. Hæc vbi exercitibus nunciantur, ad multum temporis quieti, & sine vllò prorsus bello mansere, & quod spontè antehac fecerant, ex pactione fuit tunc protinus confirmatum. Post verò aliquot annorum decursum, Chosroes vbi Romanorum in Libya & Italia res bello gestas cognouisset, ingenti inuidia commotus, bellum Iustiniano indixit, eo quidè prætextu, quòd ab ipsis Romanis fœdera violata, & pax soluta esset. Quo audito, Iustinianus, oratores ad Chosroem misit, qui significarent, nullam se causam præbuisse, vt, quæ pacta esset pax perpetua, frangeretur, neque quicquam detrimenti conuentis intulisse, proindeque petebat, vt de rebus controuersis disquisitio fieret: & causæ, quæ in medium prolatae essent, pacatis consiliis placidè atque amanter componerentur. At Chosroes, quòd grauem, qua in animo suo flagrabat, inuidiam ac æmulationem non ferret, nihil prorsus quod rationi consensaneum esset, respondit. Quin potius ingenti exercitu ex suis populis coacto, decimo tertio imperij Iustiniani anno, Romanorum ditionem adortus est, & primò Surum oppidum ad Euphratem situm, expugnatum cepit, ciuibus partim

Chosrois legatio ad Iustinianum.

Pax inter Romanos & Persas.

Chosroes pace violata, Romanis novum bellum inferit.

partim per pacta conuenta allectis, partim per arma deuictis. Deinde Berroeam incensam, igne vastauit, & Antiochiam vi oppugnatam, miserabili clade affecit. Posthæc, Edeffa à Persis frustra oppugnata, finem bello, per id quidem tempus, imposuit. Nam paulò post, Chosroes in regnum suum reuersus est. Cæterum qualis quantusque hic Rex fuerit, quandiu, multis rebus insigniter gestis clarus, floruerit, & quo tandem exitu vitam terminauerit, Agathias circa finem libri IIII. his verbis apertissimè declarat. Cadabe, inquit, mortuo, anno Iustiniani imperij quinto, Chosroes apud nos maximus ille, paternum suscepit imperium, resque eximias gessit, quas rhetor Procopius, & prior quidem, historiæ demandauit, cætera verò, quæ ille omisit, partim nobis sunt explicata, partim subsequenter explicabuntur, quoad temporum commutatio ipsa exactissimè obseruetur. Sed illud in præsentia dixerim, per octo & quadraginta iam annos, quibus potitus imperio est, quàm multas hunc retulisse victorias, & eò magnitudinis euasisse, vt nullus priorum apud Persas regum fuisse huic similis comperiatur, vel si cum singulis eum quis conferat, ne Cyrum dicam Cambyfi huic parem facturus sit; sed ne Xerxem quidem ipsum, quem mare ferunt contabulasse, equitabileque id reddidisse, & nauigabiles montes. Chosroes itaque & si sua magnitudine ceteros antecit, vitæ tamen est exitum vt calamitosum & inglorium nactus, ita & alienissimum à sui temporis Principum fine. Is namque, cum interea circa Carduchios montes æstiuo tempore in Thamanorum vico quodam, vitandi æstus gratia & ob locorum temperiem secedendo diuersaretur, Mauritius Pauli per Tiberium Constantini Romanorum Imperatorem Orientalibus copiis præesse iussus, in Arxianum agrum incursionem de improviso fecit, qui utique contiguus erat circumiectis vico, vbi Rex erat Persarum: Castellis & agris protinus & intrepidè deuastatis, Zirina flumine traiecto, in anteriora processit, & proxima quæque depopulatus, igne demum succedit. Cum is itaque armis igneque omnia peruastaret, Chosroes ipse, non enim longius aberat, quàm vt in altum euectam lateq; diffusam flammam intueretur, hostilis perinde incendij insuetus, haudquaquam eius prospectum tulit; vnde pudore simul ac formidine percitus, nec hostibus obuiam iuit, nec quoquam pacto iniuriam vindicauit, sed præter modum ex ea clade dolore ingenti perculsus, ac sui prorsus desperas, morbo statim insanabili quodam corripitur; vnde quàm celerrimè ac per manus clarus, ad Seleuciam Ctesiphontem regiam fertur, & in fugæ morem facta discessione, non longè post vitam finiuit. Hactenus Agathias, qui inter cætera asserit, se, vt antea comonstrauimus, suam historiæ ex archiuis & Persicis libris desumpsisse, & in his perscrutandis diligenter elaborasse, adeò, vt & Persarum successiones Imperatorum, & annorum numerum, & quæcunque alia memoriæ tradiderit, se nihil ambigere affirmet, quin vt veriora, hæc à se confirmata sint. Porro non desunt, qui memoriæ mandauerint, Chosroem istum paulò ante obitum, facris nostris initiatum, atq; ad diuinum Lauacrum admissum esse, quod quidem nec inficiari, nec affirmare ausim. Proximè recesimus, inter cætera opida & vrbes à Persis occupatas, etiam Antiochiam fuisse captam & expugnatam. Biennio autem ab huius expugnatione, morbus pestilens obortus est, aliqua sanè ex parte ei quem Thucydides describit, persimilis: aliquo ve-

Summ, Ber-
raa & An-
tiochia ex-
pugnantur
à Persis.
Edeffa defen-
ditur à Rom.

Quanta fue-
rit Chosroes
potentia, eius-
que prosperi
successus.

Eiusdem
obitum.

Popularis &
communis
morbus in to-
to orbe per-
quam din-
tatum.

Q

rò mo-

rò modo multum ab eo dispar. Ortum cepit ex Æthiopia: vniuersum verò propè peruasit orbem, veluti incedens, & sensim transiens, ita vt neminem ferè eius temporis hominem intactum præterierit. Quædam ciuitates adeò sunt ab eo morbo occupatæ, vt ab incolis prorsus vacuæ fierent. Fuère quas leuius carperet, & statim inde transiret. Nec ille certa quadam periodo grassatus est: neque vbi grassari exorsus est, eundem cursum tenuit: verum quibusdam in locis appetente hyeme atrocius sæuire cœpit, in aliis verno tempore, in nonnullis æstate prima, alicubi autumnò iam progressio: in quibusdam oppidis partem aliquam attigit, à reliqua autem abstinuit. Et videre erat in ciuitatibus hoc diro contagio affectis, domos prorsus omnes consumptas: in aliis vnā atque alterā ad vastitatem redactam, reliquas autem intactas. Fuerunt homines qui certius deprehenderent, quæ ædes tunc immutatas. Fuerunt homines qui certius deinceps anno solas illam sensisse. Illud verò in hoc malo nouum esse visum est, quòd si ciues aliqui earum vrbiū quas pestis inuasisset, aliò migrassent, soli ipsi ea corriperentur, qui ex infectis scilicet iam vrribus inter intactos versarentur. Porro malum hoc potissimum sæuiit eis cyclorum periodis, quos Epimemeses Græci, hoc est, depastiones vocant. Internecone autem propè interiøre homines secundo *πεντακαιεκαήριδος*, hoc est, eius qui annos quindecim cōplectitur cycli anno. Et variæ erant pestis huius ægritudines. In quibusdam enim à capite incipiens, oculos sanguinolentos & faciem tumentem efficiebat. Deinde gutturi incessens, vitam adimebat. Quosdam ventris profluuium inuadebat. In aliis bubones etiam extabant, & acres accedebant febres. Moriebantur intra bi-duum & triduum, perinde atque nihil paterentur, ratione & valetudine in eodē vigore permanentibus. Nonnulli verò mentis impotes moriebantur. Item carbunculi exorti, homines celeriter inflāmarunt & extinxerunt. Erant qui semel atque iterum hoc malo capti & liberati, postea, tanquam postliminio correpti peribant. Diuersa etiam fuit contagio, omnem rationem excedens. Nonnulli enim morbum ex conuersatione tantum & consuetudine ægrorum contrahebant, alij solo contactu illorum interitum sibi creabant. Erant qui, cum in domum saltem prospexissent, inficiebantur: aliis id in foro contingebat. Nonnulli qui periculum euaserant, ex infectis vrribus excedentes, contagionem morbi ad integros & valentes trans mittebant. Quidam verò ea lue correpti prorsus non sunt, quamuis familiariter cum multis ægris vixissent: & non solum eos ipsos ægros, verum etiam ex ea peste defunctos homines contrectassent. Multi namq; erant, qui magno studio vt obirent, agebant, propter liberorum aut totius familiæ interneconem. Quam ob causam ægrotis immixti, cum morbo ipso quodammodo colluctabantur. Nihilo tamen magis, pro eo atque cupiebant, ex hac vita migrabant. Lues ista, ad quinquagesimū secundū annum, pestilētias priores omnes longè post se relinquēs, grassata est. Philostratus pestē sui tēporis, quæ quindecim durauit annos, admiratur: sed illam hæc multis modis superauit.

Sub Iustin.
plurima pro-
digia.

IUSTINIANO imperante, quàm plurima etiam prodigia extitère. Ingentes terræ motus, concussiones & hiatus, stellarum faces admirandæ, atque exundationes maris, quod propè ad quatuor milliaria in Thraciam excurrit. Constantinopoli quidem & per alias vrbes anno eiusdem Principis vigesi-

mo septimo, factus est ingens terræ motus, qui tenuit dies quadraginta. Et insequenti anno facta sunt tonitrua & fulgura horrenda, & ventus Africus terribilis, ita vt caderet crux quæ stabat intra portam Rhensij. At tricesimo eiusdem Imperatoris anno, apparuit in cælo Cometa ardens, quasi species lanceæ, à Septentrione vsq; ad Occidentem. Subsequenti anno factus est alius terræ motus valde horribilis, qualem vix vlla ætas meminerat. Concutiebatur enim terra nocte ac die, diebus decem, postea cessauit. Regnante, quem diximus, Iustiniano, præter cæteros insignes viros, floruit etiam in Christiana pietate ac literis Agapetus Diaconus, cuius extat exiguus libellus De officio pij & iusti regis, ad eundem Iustinianum Græcè conscriptus, in quo inest explicatio capitum admonitoriorum, quæ apud Græcos Tabella dicitur regia, exiguo admodum compendio paucisque verbis præcipua illa capita, & saluberrima præcepta complectens, quæ de boni Principis officio multis & prolixis voluminibus à theologis atque philosophis olim tradita fuere. Cum verò in his, nō minus eruditè ac sapienter, quàm breuiter ac summam ostendatur, quibus modis probus Princeps vel felicitatem adducere, vel infelicitatem auertere à populo suo debeat, minimè alienum fore existimaui, si ea hîc infererem, vt quicunque rebus gerendis præfunt, in hac tabella, siue libello, habeant proposita illa præcepta, quæ eos tanquam punctis admoneant illorum, quæ singulis diebus & horis erga Deum & homines sint gerenda. Olim apud Persas, cubiculario Regis hoc officij peculiariter incumberebat, vt summo manè in cubiculum Regium ingressus, diceret, Surge Rex, & cura negotia publica. Talis, excitatoris loco apud bonos Principes, erit Diaconus Agapetus. Ordo autem per primas capitum singulorum literas digestus, ita habet:

Cometa.

Terra motus.

SACRATISSIMO, VNAQVE PIENTISS. REGI NOSTRO
IUSTINIANO, AGAPETVS MINIMVS DIACONVS.

1. SICVT dignitatem supra omnem hominem nactus es, Rex, summam, ita supra omnes homines honore prosequere Deum, qui ista te dignatus est: quia ad similitudinem regni cælestis, sceptrum tibi dedit potestatis terrenæ, vt monstres hominibus obseruationem iusti, & propellas latratum contra ipsum rabie furentium, quod tu legibus ipsius reclusus, quos habes tibi subiectos, regas legitimè.
2. Ad modum peruigilis naucleri perpetuò excubet oculata regis mens, sic, vt æquitatis gubernacula firmè teneat, & iniquitatis procellas fortiter dispellat: ne fluctibus iniustitiæ obruatur vniuersum Reipub. mūdane nautigium.
3. Cùm homo didicit nosse seipsum, tum assecutus est scientiam diuinam & præcipuam. Qui enim se nouit, Deum etiam nouit, qui autem Deum nouit, Deo similis fit: Deo verò similis fit, qui Deo dignus efficitur: Deo sanè dignus efficitur, qui nihil Deo indignum facit, sed quæ ipsius sunt, sapit, & loquitur.
4. Res ipsa monet, neminem debere ob maiorum nobilitatem insolēscere. Priuatum enim generis parentem omnes habent lutum, & qui in purpura ac serico elati superbiunt, & qui in paupertate imbecillitateq; afflictis squalent, & qui diademate sunt coronati, & qui pro domibus iacent abiecti. Ne igitur propter genus luteum superbiamus, sed ob morum probitatem gloriemur.

Q 2 A Deo

5. A Deo, cùm factus sis pietatis exemplar, scito, quòd quò maioribus donis Deus te dignatus est, eò maioris gratiæ illi sis debitor. Itaque benefactori debitum gratiarum redde, gratiam tanquam debitum accipienti, & pro gratia beneficium remuneranti. Ipse enim à beneficiis semper incipit, & beneficia, tanquam debita, reddit. Gratitude autem à nobis postulat, non per splendorù verborum promissionē, sed per piorum factorù declarationem.
6. Tam gloriosum quod reddat hominem, nihil est, quàm facere posse, quæ velit, semper verò benignè & velle & facere. Cùm ergo potestas à Deo tibi data sit, quæ, propter nos, bonæ voluntati tuæ opus erat, omnia fac velis, & facias, quæ ipsi placent, qui ista te donauit.
7. Instabiles rerum terrenarum diuitiæ, fluxuum fluuiorum imitantur cursum, quæ ad exiguum tempus, affluunt his, qui eas se habere putant: paulò verò post, præterfluentes dilabuntur ad alios. Solus autem thesaurus beneficiæ, durabilis apud eos est, qui illum possident: benefactorum enim gratiæ ad eos reuertuntur, à quibus illa sunt profecta.
8. Solitus es esse difficilis accessu hominibus, propter celsitudinē regni inferni, accessu verò facilis esto egentibus, propter imperium potestatis supernæ: atque aures aperi his, qui paupertate premuntur, vt tu vicissim aures Dei apertas inuenias. Quales enim nos fuerimus erga conseruos nostros, talem experiemur in nos Dominum.
9. Sollicitudinum multarum nebulam obductam mentem Regis, instar speculi abstergere decet, vt radii diuinis semper fulgeat, & rerum iudicia inde discat. Nihil enim est, quod adeò faciat inspicere ea, quæ decent, quàm seruare illam perpetuò puram.
10. Id quod nauigantibus accidit, vt cùm vector deliquerit, paruum damnum adferat connauigantibus: cùm verò gubernator ipse, totius nauigij interitum creet: idem & ciuitatibus euenit, vt cùm subditorum quis peccauerit, non tantum communitatem ludat, quantum se ipsum: si verò ipse Princeps, vniuersæ Reipub. noxam adferat. Itaque tanquam graues pœnas daturus, si quid eorum, quæ prouisa oportuit, negligenter non animaduernerit, cum accurata attentione omnia & dicat & faciat.
11. Modo gyri res circumferuntur humanæ, aliàs aliter eadem voluentis & reuoluentis. Et hæc quidem inest eis instabilitas, vt nunquam in eodem statu maneant. Quamobrem in præcipiti harum mutatione te decet, Rex optimum, piū animum seruare immutabilem.
12. Omnibus modis auersare fallaces adulatorù sermones, non aliter quàm rapaces coruorum mores. Nam hi corporis oculos effodiunt, illi verò iudicia animi excæcant, rerum veritatem cernere non sinentes. Aut enim contingit, vt interdum laudent vituperium merita, aut vituperent sæpenumero laudibus efferenda; vt in alterutro duorum peccent, vel malum laudando, vel bonum ludificando.
13. Vbique æquabilem conuenit regis esse animum: nam immutari cum mutatione rerum, indicium est mentis inconstantis: firmè verò fixum esse in rebus honestis, (quemadmodum fixum est piū imperium tuum) neque efferri insolentia, neque deiici animo abiecto, firmo gradu est incedentium, & illabefactum animum habentium.

14. Nebu-

14. Nebulâ deceptionis humanæ qui habet purgatum iudicium, & intuetur vanitatem naturæ suæ, ac breuitatem eius, quæ hîc degitur, vitæ, celeri fuga, ad diem à Deo præscriptum, properantis, atque sordes carni nostræ coniunctas, in superbîæ præcipitium non incidet, quamuis in alto dignitatis gradu collocatus sit.

15. Ante & super omnia regni ornamenta, corona pietatis Regem exornat. Nam diuitiæ intereunt, & honores prætereunt: gloria verò vitæ sanctè actæ, in sæcula immortalia extenditur, ac eam ducentes obliuione eximit.

16. Quòd homines & diuites & pauperes ob res inæquales noxam patiantur æqualem, mihi valde indignum videtur, cum illi præ satiæ discrepent, hi per famem intereant: illi extremos terræ limites occupent, hi non habeant, ubi pedem ponant. Vt ergo sanitatem assequantur ambo, subductione & adiectione vtrisque est medendum, & inæqualitas ad æqualitatem reducenda.

17. Verè nobis affulsit illud beatitudinis tempus, quod veterum quidam futurum prædixit, cum vel philosophi regnarēt, vel reges philosopharentur: nam & philosophiam tractans, dignus regno iudicatus es, & in negotia regni incumbēs, à philosophia non desistis. Si enim amor sapiētiae parit sapiētiā, initium verò sapiētiæ, reuerentia est Dei, quam tu in pectore tuo semper geris, manifestum est, verum esse, quod à me dictum est.

18. Ego reuera te Regem esse iudico, vt qui cupiditates tuas regere, & eis imperare potes: ita vt corona temperantiæ sis ornatus, & purpura iustitiæ indutus. Alia quidem dignitas mortem habet succedentem vicariam, istiusmodi verò regnum, diuturnitatē seruat immortalem. Ac illa quidem in hoc sæculo dissoluitur, hæc verò ab æterno vindicatur interitu.

19. Percipere volēs fructum honoris ab omnibus, fac sis beneficus in commune vniuersis. Nihil enim adeò ad beneuolentiam allicit, quàm beneficiæ munus egentibus collatum. Officium enim metu præstitum, fucata est adulatio, ficti honoris nomine eos fascinans, qui aures ipsi præbent.

20. Istud tuum regnum meritò est suspiciendum, quia hostibus ostendit potentiam, subditis verò impartitur benignitatem: ita, vt illos armorum potentia vincat, ab his verò charitate inermi vincatur. Quantum enim inter feras & oues interest, tantum discrimen esse inter vtrosque existimandū est.

21. Est corporis natura rex similis homini cuilibet, sed potentia dignitatis, par illi, qui supra omnes est, Deo. Non enim in terris se habet sublimiorem. Itaque decet ipsum, & tanquam Deum, non irasci, & tanquam mortalem, non efferri. Quamuis enim honore imaginis diuinæ affectus sit, attamen è puluere luto so conflatus est, per quem docetur, æqualitatem seruandam erga omnes.

22. Nè grauatè, sed libenter eos admitte, qui salutaria consulere nituntur, non, qui adulari quotidie conantur: siquidem illi, quod vtile est, cum eo, cui consulunt, re vera prouident, hi verò, quæ libita sunt potentibus, spectant, ac corporum imitati vmbas, iis, quæ ab illis dicuntur, succinunt.

23. Talis in subditos tuos esto, qualem erga te optas Dominum. Vt enim audimus, ita audiemur, & vt aspiciamus, ita aspiciemur, ab aspectu diuino inueniente omnia. Conferamus ergo misericordiam misericordiæ, vt pro simili recipiamus simile.

Q 3 24. Ita

24. Ita vt absoluta specula tales ostendunt vultuum formas, qualia sunt ipsa exemplaria, latas latorum, & tristes tristium, sic & iustum Dei iudicium actionibus nostris assimilatur. Nam qualia à nobis facta sunt, talia nobis reddit ex similibus.

25. Si quæ agenda sunt, de his lentè delibera, vbi deliberaueris, maturè ea confice, cum admodum pronus sit lapsus in rebus antea non consideratis. Quod si quis inconsultæ temeritatis intellexerit incommoda, tum demum probè cognoscet & consultæ deliberationis commoda, quemadmodum sanitatis beneficium percipi solet, post ægritudinis experimentum. Quare, Rex prudentissime, par est, vt & velis prudenter, & optes ardentè, inuestigando inuenire illa penitus, quæ mundo sint vtilia.

26. Sic faustum tuum regnum administrabis optimè, si studueris, vt omnia perspicias, & caueris, ne quidquam despicias. Non enim leue est in te, quod leue videatur comparatione tuorum, cum etiam verbum Regis leue, magnum pondus apud omnes habeat.

27. Ipse tibi necessitatem seruandi leges impone, tanquam in terris non habens, qui te cogere possit. Ita namque & venerationem legum monstrabis, ipse ante alios eas colens, & subditi sibi persuadebunt, in leges impingere, non carere periculo.

28. Malum existima par, & delinquere, & delinquentes non cohibere, & si enim quis in administratione publica versetur piè, fert tamen viuentes impie, particeps malefactorum apud Deum reputabitur. Si verò laudem vis assequi duplicem, & hos, qui benè faciunt, honore prosequitor, & illos, qui malè faciunt, coarguito.

29. Opinor equidem perutile esse, prauorum fugere consuetudines. Nam qui perpetuò est apud homines improbos, cum necesse est, mali aliquid vel perperi, vel discere: qui verò cum probis versatur, aut ad assuetudinem virtutum docetur, aut ad desuetudinem vitiorum eruditur.

30. Regno mundano à Deo tibi credito, in administratione rerum, improborum nemine vtère. Nam quæ peruersè hi patrauerint, eorum tu Deo rationem reddes, qui potestatem ipsis dederis. Quamobrem magistratuum designationes cum accurata inquisitione fiant.

31. Esse par malum iudico, & inimicorū irasci offensionibus, & amicorum delectari assentationibus. Oportet enim vtrisque generosè resistere, & à decoro neutiquam desistere, neq; illorum vlciscendo in sanam malevolentiam, neque horum munerando fictam benevolentiam.

32. Genuinos & veros illos existima amicos, non, qui omnia, quæ à te dicuntur, laudant, sed qui cuncta quæ iusta sunt, recto iudicio, facere student, quique gaudent rectè factis, tristantur verò contrariis: hi namq; verè ostendunt signum amicitiae minimè fallacis.

33. Immutare non debet generosum animum tuum huius potentiae terrena amplitudo: sed tu, tanquam principatum administrans momentaneum, in rebus mutabilibus mentem retine immutabilem, neque rebus prosperis elatus, neque aduersis deiectus.

34. Non aliter, quam aurum, aliàs aliter ab arte formatum, & in diuersa ornatuum genera tractum, quod est, permanet, & mutationem non admittit:

tit: sic & tu, Rex gloriosissime, alium ex alio principatum adeptus, ac supremum honorem consecutus, idem in rebus non iisdem persistis, animum in eo, quod honestum est, immutatum conseruans.

35. Oportet existimes, tum demum securè te regnaturum, cum hominibus imperaueris volètib. Quod enim inuitis iniungitur, in seditionem erumpit, vbi occasionem nactum fuerit: quod verò beneuolentiæ continetur vinculis, firmum obtinet in imperio exercendo obsequium.

36. Si imperium regni reddere vis celebre, quantum iræ aduersus subditos peccantes concipis, tantundem contra te ipsum delinquentem, tibi concipiendum puta. Nullus enim in tanta dignitate collocatum corrigere potest, nisi familiaris ratio, ex ipso delincente profecta.

37. Totis viribus, is, qui eximiam potestatem est sortitus, potestatis imitatur datorem. Si enim imaginem quodammodo refert eius, qui supra omnes est, Dei, & per illum super omnes principatum obtinet, in hoc Deum maxime imitabitur, si duxerit miseratione nihil esse præstantius.

38. Rationem hanc ineamus, vt supra aurum & lapidem preciosum, opes beneficentiæ, velut thesaurum, nobis reponamus, quæ nos hîc exhilarent spe fructus futuri, atque illic oblectet perceptione beatitudinis sperata. Quæ verò nunc ad nos spectant, quasi nihil ad nos attineant, nos ne afficiant.

39. Ornare & munerare eos splendidioribus, quàm alios, donis, stude, qui cum beneuolentiâ, quæ à te imperata sunt, faciunt. Hoc nanque modo & bonorum augebis promptitudinem, & malos docebis dediscere malitiam. Iisdem enim rebus dignos iudicare non eadem faciètes, per quàm iniquum est.

40. Inter omnes res, honoratissimum est regnum, ac tum quidem huiusmodi est potissimum, cum is, qui eius potitur imperio, non ad ferocitatem inclinât, sed ad benignitatem spectat, immanitatem, tanquam rem belluinam auersans, & humanitatem, velut similitudinem naturæ diuinæ exercens.

41. Vt amicis, ita etiam inimicis ex æquo statue iudicia, nec beneuolis suffragans propter beneuolentiam, nec maleuolis refragans propter maleuolentiam: cum eiusdem sit iniquitatis, tam iniustum facere iustum, etiamsi amicus sit, quàm iustum pronunciare iniustum, quantumuis inimicus sit. Par enim in vtrisque malum committitur, licet in contrariis appareat.

42. Sanè & attentè auscultare oportet causarum iudices, siquidem inuestigatu difficilis est iusti inuentio, facile effugiens non admodum attentos. Quod si vim dicentium omittentes, & suauitatem dictorum prætermittentes, se demiserint in ipsum sensuum fundamentum ac puteum, tum rem à se indagatam exhaurient, & deprehendent, ac geminum simul peccatum euitabunt, neque ipsi iustitiam prostituentes, neque aliis hoc facere permittètes.

43. Tot licet numero benefacta cumules, quot cæli stellæ sunt, nunquam tamen bonitatem Dei vinces. Nam quæcumque quis Deo offert ex his, quæ ipsius sunt, illi, quæ propria eius sunt, offert. Atque profectò, vt nemo in Sole superare potest umbram propriam, semper præuertentem, etiam eum, qui instanter vrgeat, ita neque homines benignitatem Dei insuperabilem, beneficiis superauerint.

44. Inexhaustæ, beneficentiæ diuitiæ consumi nequeunt, dando nanque accipitur, & dissipando cumulatur: has, munifice Rex, in corde tuo gestans,

da liberaliter omnibus à te petentibus. Nam infinitas & innumerabiles pro his remunerationes adipiscèris, cum venerit tempus compensationis factorum omnium.

45. Nutu Dei regnum affecutus, imitare ipsum benignis factis, quoniam hoc tibi contigit, ut ex eorum numero esses, qui bene facere possunt, non quibus, ut bene fiat, opus est. Cui namque prompta suppetit pecuniarum abundantia, ei impedimentum non obstat, quò minus beneficiat pauperibus.

46. Ita, ut oculus, corpori est insitus, sic rex mundo est aptatus, atque à Deo datus, ad adiumentum & prouectionem rerum vtilium & salutarium. Itaque par est, ipsum prospicere, ut propriis membris, ita omnibus hominibus, ut procedant in virtutibus, & non impingant in vitia.

47. Afficere nunquam subditorum quenquam iniuria, crede tutissimam esse salutis tuæ custodiam. Nam qui nemini iniuriam facit, neminem suspectum habet. Quòd si securitatem conciliat, abstinere iniuria, multo certè magis benefacere: hoc enim simul & securitatem adfert, & benevolentiam non aufert.

48. Nitere, Rex pietissime, ut sis subditis tuis metuendus, propter dignitatis excellentiam, & amandus, propter beneficentiæ præstantiam: non negligens metum, propter amorem, neque despiciens amorem, propter metum, sed benignitatem indespectam retinens, & despectionem non impunitam relinquens.

49. Omnes leges, quas subditis tuis præscribis verbis, easdè tu ipse præiens ostende factis: ut scilicet verbis, quibus suades, vita proba respondeat. Sic namque gloriosum efficies imperium tuum, si dicendo feceris, & faciendo dixeris.

50. Audi, Rex serenissime, pronius, beneficia suppliciter à te petentes, quàm munera tibi offerre ambitiosè studentes: his enim debitor remunerationis efficeris, illi verò debitorem tibi Deum constituunt, qui accipit, tanquam in se, quæ in illos sunt collata, & compensat animum tuum Dei hominumque amantem remunerationibus eximiis.

51. Gratum Solis opus est, radiis illustrare creaturas, Regis veìò virtus, misereri gentium. Atque illo quidem Rex pius est splendidior, quandoquidem ille vicissitudinem noctis subit: hic verò, castigationem malorum non præterit, sed veritatis lumine, occultas iniustitiæ tenebras arguit.

52. Ante te, qui fuerunt Reges, eos regnum ornauit, tu verò, Rex optime, istud reddidisti ornatius, dum lenitate, dignitatis grauitatem temperas, & mansuetudine, te adeuntium metum submoues. Vnde accidit, ut omnes misericordia egentes, ad portum serenitatis tuæ appellant: ac fluctibus egestatis exempti gratiarum actiones laudesque tibi deferant.

53. Pro viribus elabora, ut quantò omnes superas potentia, tantò iis præluceas & egregiis factis. Nam reputandum tibi est, amplitudinem potestatis, postulare actiones rebus præstantibus pares. Ut igitur corona regni inuicti à Deo orneris, sertum beneficentiæ pauperum etiam tibi compara.

54. Ea, quæ mandare vis, antè perpende, quàm iniungas, ut prudenter imperes, quæ fas est. Nam linguæ instrumentum perlubricum est, & maximum negligentibus adfert periculum. Si autem pium sermonem, tanquam mus-

cam

cam illi aptaueris, concentum virtutis resonabit dulcissimum.

55. Talein esse Regem oportet, vt in omnibus quidem rebus celer & acutus sit, sed in iudiciis rerum difficilium maximè: ast verò ad iram per quàm tardum se ostendat. Posteaquam enim omninò non irasci, faciliè contemptum pariat, & moderatè irascatur, & non irascatur: illud quidem, vt improborum temeritatem coërceat, hoc verò, vt proborum formidinem excitet.

56. Vt mores eorum, qui tecum versantur, perfectè intelligas, in exquisitum cordis tui concilium ingressus, eos diligenter examina: sic enim penitus cognosces, tum eos, qui per amorem obsequuntur, tum illos, qui per imposturam adulantur: Multi namq; benevolentiam simulantes, magna detrimenta adserunt credentibus.

57. Sermonem, qui prodesse potest, cùm audis, non solùm auditu, sed & factu excipe. Ita enim Regis splendebit imperium, cùm vel per se, quæ decent, perspexerit, vel ab alio inuenta, non despexerit, sed aut sine pudore didicerit, aut absque mora fecerit.

58. Mœnibus inexpugnabilibus munita arx, hostes eam obsidentes despicit, piū autem regnum tuum, eleemosynis tanquam muris cinctum, & precibus, velut turribus firmatum, hostium telis est insuperabile, illustria aduersus illos trophæa erigens.

59. Isto regno inferno probè vttere, vt gradus tibi fiat gloriæ supernæ. Nam qui hoc rectè administrant, post hoc, & illo digni efficiuntur. Hoc autem rectè administrant, qui subditis ostendunt affectum paternum, & reuerentiam ab iisdem recipiunt venerandam, lapsus quidem minis prohibentes, supplicij verò tentamenta ipsis non adhibentes.

60. Nulla vetustate deterendum beneficentiæ est indumentum, & nullo tempore interiturum vestimentū, est ardens affectus erga pauperes. Oportet ergo piè regnare volentē, huiusmodi vestibus exornare animā. Nam qui purpurea dilectionis pauperū indutus fuerit, regno etiam cœlesti dignus efficietur.

61. In manus tuas regni sceptro à Deo tibi tradito, vide, quo modo illi placeas, qui isto te donauit. Et vt ab illo prepositus es honore omnibus hominibus, ita remunerare illum contende magis omnibus. Hoc autem munus ducit maximum, si formam ipsius indutos, eodem aspectu, quo ipsum, intuitus fueris, & vt par est, tributum beneficentiæ exsolueris.

62. Memor & cupidus salutis, confugere debet ad supernum auxiliū omnis homo, Rex autem præ omnibus, tanquam curam gerens pro omnibus. Qui enim à Deo custoditur, & hostes prosternet generosè, & subditos tutabitur studiosè.

63. Vt Deus nullius eget, ita rex solius Dei. Imitare igitur nullius egētem, & liberaliter impartire opem petentibus, ad exquisitos rationum calculos subditos tuos non reuocans, sed quæ ad vitam sustinendam orant, omnibus suppeditans. Satiū enim est, misereri indignorum, propter dignos, quàm dignos reicere, propter indignos.

64. Si veniam peccatorum tuorum petere vis, da veniam etiam ipse in te delinquentibus. Nam remissio pensatur remissione, & ea, qua vtimur erga conseruos nostros, permutatione: quæ sanè, amicitia & familiaritas est, cum Deo inita.

65. Decet

65. Decet eum, qui inculpatè regnare studet, & aliorum dedecora cauere, & ipsum suorum pudere: vt & à palàm peccando per illos desistatur, & à clàm delinquendo, per hunc ipsum abstineatur. Si namque pudoris decet subditos, multò magis decet regem.

66. In homine priuato, vitium esse assero facere praua & punitione digna, in principe verò, improbitatem esse affirmo, non agere honesta & salutifera. Neque enim abstinètia malorum imperantem iustum facit, sed administratio bonorum talem coronat. Itaque sic statuendum est, vt non solum à vitio abstineatur, sed etiam contendendū, vt virtus ambabus vlnis cōprehēdatur.

67. Altarum dignitatum splendores, non perstringunt oculos mortis, omnibus enim hæc dentes suos omnino ros infigit. Quamobrem ante aduentum eius inexorabilem, transferamus pecuniarum facultatem in cælum. Nemo enim, quæ in mundo colligit, illuc migrans asportat, sed omnia in terris relinquens, nudus vitæ suæ rationem reddit.

68. Cùm Rex dominus sit omnium, Dei tamen seruus est cum omnibus, tum autem maximè vocandus erit dominus, cùm sibi ipse dominatus fuerit, & turpibus voluptatibus nō seruiuerit, sed piūm animum ad se, commilitonem, tanquam inuictū Imperatorē, adiungēs, subiugatrices perturbationum nullius rationis dicto audientiū cupiditates, armis continentiaē prostrauerit.

69. Omnino, sicut vmbra sequuntur corpora, ita peccata sectatur animas, viuas actionum imagines eis imprimentes: quare non licebit ea negare in iudicio, ipsa enim cuiusque facta testabuntur, non vocem edentia, sed talia, qualia à nobis patrata sunt, manifestò apparentia.

70. Nauis mare fulcantis transitum imitatur brevis vitæ præsentis status, nos ipsius nautas latens, exiguò temporis momento cursum transversum rapiens, & quemque ad finem ipsi destinatum appellens. Quòd si hæc ita se habent, prætercurramus res mundi prætereuntes, & adcurramus ad res in æternum permanentes.

71. Vt taurus alta ferens cornua, ne efferatur homo fastuosus & superciliosus, sed agnoscat statum carnis, & demittat elationē cordis. Quamuis enim Princeps sit super terram, non tamen ignoret quòd constet è terra: qui vt ex puluere in solum ascendit, ita ex folio in puluerem breui descendet.

72. Sicut hi, qui scalas ascendere incipiunt, non prius ad summum perueniunt, quàm supremum gradum attigerint, ita & tu, inuictissime Rex, semper enitere, vt per virtutum ascensum, assequaris fructum regni superni: quem tibi cum coniuge tua det Christus, Rex tam regnantium, quàm rectorum, in sæcula, Amen.

Instituta II.
Imperator.

Haftenus de Iustiniano, post cuius quidem obitum, anno à partu virgineo D. I V III. Iustinus, nepos Iustiniani ex filia, Imperator renuntiatus ab ipso Iustiniano adhuc superstitite, duodecim annos potentiaē, expleuit. Hoc imperante, fœdus Persicum dissolutum est. Cùm enim Romani per aliquod tempus, annuum stipendium libras auri quingentas Persis persoluerent, quòd Romanæ ditionis oppida sibi vicina, absque noxa esse sinerent, hic Princeps ignominiosum esse ratus, & Romani imperij maiestati prorsus indecorum, Romanos Persis vestigales esse, consuetum tributum denegauit, missisque legatis, Aretham Æthiopum Regem induxit, vt factis incursionibus, Persarum

rum loca regno suo coniuncta, popularetur. Ita nouum inter Persas & Romanos bellum exortum est. Ad quod Martinus patricius dux missus, pugna acerrima facta, anno quarto imperij, in qua vtrunque magnæ clades acceptæ sunt. Victoria tamen cessit Romanis. Tum Hormisdas Persarum rex, qui Chosroë successerat, Ardamanem ad euasandas Romanorum Prouincias cum magnis copiis submisit. Hic longius progressus, facta ingenti præda; citra offensam rediit, Martino ei congredi non auso. Quod quidem adeò Principem offendit, vt ipsi honorem adimeret, & Archelaum ducem substitueret, qui cum Hormisdæ pacē rursus confirmauit. Duæ res valde dignæ memoria in huius Iustini gubernationem inciderunt. Initia Exarchatus in Italia, & initia regni Longobardici. Fuerunt autem Exarchi velut vicarij Imperatorum, Byzantio missi. Durauitque eorum gubernatio post Narsen annos centum & sexaginta. Atx autem & sedes Exarchorum Rauennæ fuit. Priores bella cum Longobardis infelicia gesserunt. Postremis varia certamina cum Romanis Pontificibus fuerunt, donec Longobardi urbibus illis, quas Exarchi reliquas tenuerant, potiti sunt, quas tamen relinquere Longobardos Pipinus coëgit. Fuit autem primus Exarchus à Iustino secundo in Italiam missus Longinus, cuius mores ita describuntur, vt non sit mirum Græcos in maius odium venisse. Quem verò tandem exitum res Longobardicæ habuerint, & quæ nam fuerit Exarchorum series, non desunt præstantissimi auctores, qui de his omnibus disertè ac luculèter disseruerint. Anno salutis D. LXXI. Tiberius Constantinus ascitus ad imperium à Iustino adhuc viuentē propter eximias virtutes, quæ in eo in gubernatione aulæ conspectæ erant. Tenuit imperium annos septem. Hic cum Longobardis pacem fecit. In Oriente verò feliciter res contra Persas gessit: quos sæpè profligatos, intra suos fines compulit, Mesopotamia recepta cum ingenti præda, quam triginta elephanti attulerant. Nam cum imperium administrare cœpisset, missis ad Hormisdam Persarum Regem legatis, pristinam pacem renouare cupiebat. Negante autem illam Principe Persarum, magnas ad bellum Persicum copias comparauit, ac Iustinianum insignem virum Orientali exercitui præfecit. Qui contra Persas contendens, postquam haud procul ab eis castrametatus est, antequam confingeret, habito cum hostibus colloquio, trium annorum inducias comparauit. Quo tempore elapso, Hormisdas Persa cum copiis in Armeniam irrupit, magnumque terrorem exercitui Romano incussit. Sed eorū dux, habita concione, effecit, vt firmiori animo essent, initaque cum hostibus pugna, Persæ, quoad ingentem sagittarum vim coniecerunt, visi sunt habere meliores partes, Romanis sub clypeorum tegmine seipso tenentibus, neque progredi ausis. Sed postquam pharetras Persarum telis exhaustas cognouerunt, iunctis pariter clypeis, bellicum inclamantes Romani, eos inuasērunt, gladiisque cominus rem agere cœperunt. Illi nec breui quidem impetum sustinentes, fusi fugatique sunt. Facta igitur ingenti cæde, eorum castra victores diripuerunt. Tentorium Hormisdæ, & totus apparatus regius in elephantis, vt ad Tiberium deueheretur, demandatum est. Reliqua militibus celsere. Progressi etiam in vltiora Persidis, longè lateque magnam populationem fecerunt. Adductos autem Constantinopolim captiuos omnes Persas, magnificentissimè vestiuit Imperator, ac in patriam

Nouum bellum inter Romanos & Persas.

Hormisdas Persarum rex.

Pax inter eosdem.

Exarchatus quando primum incepit in Italia. Longobardi.

Tiberius Constantinus Imperat.

Idem bellum contra Persas suscipit, ac feliciter exequitur.

Prælium inter Persas & Romanos.

Insignis Persarum clades.

Exemplum singularis moderationis in victoria.

Nomim bel-
lum contra
Persas.
Romanorum
victoria.

Tiberij mors.

Dotes.

Mauritius
creatus Imp.
contra Persas
feliciter pu-
gnat duce
Philippico.

Sittas decurio
Martyropo-
lim Persis
prodit.

triam remisit. Quos præter spem rediisse populares admirati, summis lau-
dibus Romanum Principem efferebant: sed cum Persæ non multo spatio
interiecto, iterum in Romanorum ditionem populabundi irruerent, Tibe-
rius ex urbana multitudo exercitum circiter duodecim millia iuniorum,
qui robore ac fortitudine præstabant, coëgit, voluitque, ut de suo nomine
Tiberianus nominaretur exercitus, quibus Mauritium Comitem Prætoria-
norum præfecit. Secundas autem eius administrationis partes tribuit cubi-
culario Narsæ, atque ita misit contra Persas. Prælio commisso, victores Ro-
mani, vrbes agrosque multos Persis ademerunt. Redeuntem ab ea expedi-
tione Mauritium Princeps summo honore excepit, affinitateque sibi con-
iunxit, filia Constantia illi in vxorem locata, sic, cum relinqueret successo-
rem generum iudicio delectum, aliquantò post, morbo ex hac vita placide
decessit, anno Imperij septimo: anno autem mundi quater millesimo quin-
gentesimo, quadagesimo sexto: anno Romæ millesimo trecentesimo tri-
cesimo quarto: anno Christi quingentesimo octogesimo quarto. Fuit Prin-
ceps iustus in gubernatione, liberalis & magnanimus. Noua quædam tri-
buta aboleuit. Adeo multa distribuit ad alendas pauperes familias, ut à Sophia
Iustini vidua reprehenderetur. Sed Deus vicissim ei & opes auxit, & victorias
egregias donauit. Dum enim auream Crucem marmori insertam in terra le-
uari iubet, nolens eam pedibus calcari, magnos thesauros sub ea reperit. Per-
uenerunt ad eum & thesauri, quos Narses ex Italia miserat. Extat apud Ni-
cephorum ultimo libro cap. VI. elegantissima oratio eiusdem Tiberij ad con-
uentum habita, priusquam noui Imperatoris renunciatio promulgaretur.
Idem auctor eodem lib. cap. XIII. & nonnullis subsequenibus, plurima bel-
la commemorat inter Romanos & Hormisdam Regem Persarum gesta sub
Imperatore Mauritio, de quo nunc nobis est sermo. Hic sanè præfuit in im-
perio annos viginti, fuitque multis victoriis illustris. Armenos & Persas per
legatos fudit. Nam Philippicum, cui nupta erat Gordia soror Mauritij, cum
valido ac præpotenti exercitu contra Persas misit. Qui ad Nisibin progres-
sus, illinc in Persidem excursions fecit, ac ingentem prædam reportauit,
inter redeundum, inuasit Mediam, neque minori illic populatione facta, tan-
dem se intra fines Romanos recepit. Post id, morbo correptus, Martyropo-
lim atque Byzantium reuersus est: sed ubi conualuit, denuo in Persas missus,
vocatos in concionem milites, interrogauit, An parato essent animo, ad con-
figendum cum hoste. succlamatum est ab omnibus, certam sibi eius rei esse
voluntatem, & hoc iureiurando confirmauerunt. Inito certamine, paulum
Persæ vim sustinuerunt: sed postquam Philippicus equitatum suum in ho-
stilem equitatum iussit incurrere, eoque facto, illorum multi deturbati ceci-
derant, omnes Persarum copiarum terga verterunt, acriterque Romanis instan-
tibus, quamplurimi fuere contrucidati. Ad hunc modum insignis victoria
cum numero captiuorum fere duum millium, cessit Philippico. Cohortem
insuper quandam Persarum, quæ opportuno loco confederat, cum capere
posset, nullis affectam malis dimisit. Quæ se persuasuram Regi suo esse rece-
perat, ut primo quoque tempore Oratores ad eum de pace mitteret. Paucis
post mensibus, Sittas quidam nomine, inter militares copias, decurionis di-
gnitatem obtinens, iniuria à quopiam ordinum ductore affectus, cum negli-
gentius

gentius custodiri Martyropolim animaduertisset, urbem eam prodidit. Persarum namque manum, perinde atque Romana esset, noctu introduxit, atque urbem, Romanis quam maximè commodam & opportunam, cepit. Et quęcunque ibi erant ætate florentes feminae, eas retinuit: reliquos verò mortales omnes, seruis quibusdam exceptis, inde eiecit. Philippicus igitur statim cò expeditionem conuertit, eamque urbem cum omnibus copiis obsessam, oppugnare cœpit. Et quanuis tormenta ad urbem expugnandam idonea sibi tum præssto atque ad manum non essent, utcunque tamen potuit, eam oppugnationem profecutus est. Et cuniculis actis, ut turris vnà concideret, effecit. Minimè tamen ipsam urbem capere, vel ad deditionem cogere potuit. Nam Persarum partem eam, quæ solo æquata fuerat, noctu resectam satis communierant. Porro vbi Romani fortiter expugnatione tentantes, fortius reiecti sunt (crebra namque in eos ex superiore loco coniiciebantur tela, ita ut ipsi plus detrimenti ferrent, quam oppidanis inferrent) obsidionem soluerunt, & paululum retrogressi, castra posuerunt: hoc vnum agentes, ne à cæteris Persis villo præsidio subleuantur: Et quoniam hyems instabat, exercitus in hyberna concessit. Appetente verò ætate, copiarum iterum eductæ sunt; & quod Persarum etiam aduenissent, ingens pugna ad Martyropolim commissa est, ex qua victor euasit Philippicus. Verumenimverò, Persis multis cæsis, & Maruza inter Persarum proceres nobilissimo, prostrato, ingens multitudo Martyropolim peruenit. Romani exinde urbem oppugnare destiterunt, quod vi eam ad deditionem cogi non posse, probè scirent. Septem verò ab ea stadiis urbem aliam in tutis montosisque partibus statuerunt, ut inde hostilibus molitionibus atque excursionibus militari arte resisterent, damnumque inferrent, idque æstiuo tempore ab eis fiebat: hyeme autem aduentante, in statiuam se inde recipiebant. Interea temporis, Philippico successor datus Commentiolus, genere Thrax, qui magna virtute cum Persis congressus est. In eo certamine Persarum dux Asarhatus vnà cum equo in terram deiectus interiisset, nisi cum quidam ex satellitibus in equum, quem secum ducebat, sublatum è prælio subduxisset. Reliqui verò Persarum quam celerrimè, etiam suis ducibus relictis, fugerunt, & ad Regem suum redire veriti, sese Nisibim contulerunt. Is enim capitale supplicium illis minatus fuerat, si suos duces defererent. Ibi verò congregati, occulta & clandestina consilia aduersus Hormisdam incunt, Varamo, quem nonnulli Baram appellant, Persicorum ordinum duce, præcipuo auctore, sicuti mox dicetur. Commentiolus interea Martyropolim circumfider: atque ibi quidem plurimam copiarum partem relinquit: ipse verò vnà cum optimis & electissimis quibusque, ad Oebas, longè munitissimum castellum, ex aduerso Martyropoli in vltiori ripa, in prærupto scopulo ita situm, ut illine urbs tota conspici posset, excurrit, castellum id oppugnat: & nihil intentatum relinquens, partes quasdam munitionum tormentis saxa iacentibus deiicit, tandemque eis superatis, magna vi id capit. Quapropter ad desperationem Persarum de Martyropoli deciderunt. Dum hæc ita agerentur, Persarum suum Regem non solum quod iniquè subditos pecunia mulctarit, verum etiam quod nulla de causa variis suppliciorum generibus illos crudelè in modum necauerit, instigante in primis Varamo, per populum tumultum ac seditionem adorti, & diademate de eius capite detracto, è

Martyropolim frustra à Romanis oppugnatur.

Persarum clades.

Romani urbem aliam propè Martyropolim extruxerunt.

Commentiolus Philippico succedit.

Idem, Oebas castellum munitissimum expugnat.

Varamo Persarum dux, est auctor rebellionis aduersus Hormisdam.

R regio

Romanorum
victoria.

regio throno deturbant, & mox in ipsius conspectu coniugem & filiū vnum iugulant, cumque oculis effossis, in custodiam coniiciunt. Hormisdas enim Varamum cum iusto exercitu probè instructo, aduersus Romanos expedituerat, ei que iusserat, vt cum ipsis in certamen veniret. Et contra hunc Mauritius Romanum qui illi occurreret, misit. Hic decem tantum fortissimorum lectissimorumque millibus acceptis, cum illo est congressus. Et multis vtrinque caedibus patrat, in Albania regione, victoria penes Romanos fuit. Hanc suorum cladem postquam Persarum Rex intellexit, praefecturae dignitatem Varamo ademit, eidemque muliebrem stolam misit. Dedit insuper literas de eo interficiendo ad ducem, qui secundas administrationis partes habebat in castris. Varamus conscius periculorum suorum, protinus ad res novas animum adiacere, ei que, qui prior sibi iniuriam intulisset, conuicia pro conuiciis reddere, & epistolae verba haec inscribere. Hormisdæ Chosroæ filiae Varamus, nec non exercitum sub signis suis merentem, ad defectionem quibuscumque potuit studiis atque artibus incitare, & confectas ferè aduersus omnes literas exhibens, illiusque crudelitatem, & inexplebilem avaritiam in memoriam eis reuocans: vt scilicet illo primarios viros omnes vel ferro occiderit, vel in Tygride amne submerferit, tali eos & sepultura & exequiis eiusmodi dignatus. Sermonibus eius generis exercitu subducto, ad maximam rebellionem excitauit. Proinde iuramento, Varamo, quò tutior esset, praestito, adimendi Hormisdæ regni consilium inierunt. Hormisdas aduersus hunc, cum ingentibus copiis Pherochanem mittit. Quem & ipse Varamus subegit, minime Persas inter se belligerari oportere, sed eos, durum & violentum imperium, & praeterea sanguinarium ingenium, & insatiabilem avaritiam Hormisdæ scire, & beneuolentiam sibi inuicem praestare debere, dicens: Quae ubi vera esse exercitus Pherochanis sensit, ducem suum necat, & ad Varami partes accedit. Exinde confertim & populariter congregati, Hormisdam, vt dictum est, aggrediuntur, oculisque effossis in vincula coniiciunt. Huius autem potentia sic creuerat, vt deuictis Turcis, illos etiam tributa Persis quadraginta millia auri soluere coegerit, cum prius aequalia Turcis ipse persolueret. Non desunt auctores, qui in literas retulerint, cum Hormisdas de nouo eligendo Principe interrogaretur, ipsum censuisse, Chosroën filium, quòd esset arrogans, contumeliosus, auarus, & iniquus, non esse dignum imperio: Potius alium filium appellandum Principem, qua voce illum vitam simul perdidisse, & regnum: siquidem is vnà cum matre raptus, in eius conspectu, sicuti antea commemorauimus, caesus fuit, & Chosroës imperare iussus. Exercuit nihilominus in captiuum & caecum patrem Chosroës singularem clementiam ac pietatem, omni cultu & obsequio ipsum prosequens, & inuitum se regni habenas & gubernacula suscepisse deprecando allegauit, affatimque ei victum subministravit. Quae omnia ille maledictis & contumeliis incessabat, filiumque commouit, vt fustibus sibi latera ad mortem usque caedi imperaret. Ea verò indignitas Persis summum dolorem & indignationem incussit, nec parum odij aduersus illum excitauit. Et quoniā Varamum, praepotentem exercitum contra se ducere, haud falsis nuntiis intellexit, cum copiis non contemnendis aduersus eum in planitiem quandam ad Zabam flumen est progressus. At cum plurimos ex suis proceribus atque optimati-

bus

Chosroës,
sublato Hor-
misdæ Persis
imperat.

bus Varamo fauere, sibi que infidias struere animaduerneret, confestim omnes, quos suspectos habebat, interfici iussit, eaque de causa cum in castris permagna seditio ac tumultus cooriretur, celeriter ad Circesium profugit vnà cum coniugibus, & liberis tribus infantibus, & præterea quibusdā Persis ex præcipua generis nobilitate, qui eum sponte secuti fuerant. Ad eum autem locum, quemadmodum ipsemet retulisse fertur, peruenit, cum Christianorum Deum Seruatorem & viæ ducem inuocasset: eò se equum rectà ire, quò ab illo duceretur, permisurum testatus. Inde ad Mauritium oratores misit, Probo insuper patricio, qui tunc fortè illic erat, vt res acta esset, literis eidem indicante. Misit sanè & Varamus ad Imperatorem legatos, qui ab eo, ne Chosroæ opè ferret, petebant. At Mauritius, qui humanarum rerum statum instabilem, & cothurnum prorsus esse sciret, & vicissitudines volubilesque mutationes humanæ & miserabilis huius vitæ nosset, atque hæc rectè secum animo perpenderet, regem sibi supplicem perhumaniter, ac per benignè excipit, & pro exule ac fugitiuo, amicū sibi, & filium per arrogationem germanum fecit, donis regiis, omni que beneficentia & liberalitate prolixè inuitatum. Nec ipse modò ad eum Imperiali munificentia quæ decebat, misit, sed & Augusta ipsa coniugibus eius, & liberi liberis eandem præstiterunt pietatem. neque his officiis contentus, Hierapolim quoque ad vniuersum exercitum, eiusque ducem Commetiolum scripsit, qui Chosroen regio prorsus satellitio & comitatu perduceret, & quocunque vellet, sequeretur. Chosroes vbi Hierapolim, quæ principem locum iuxta Euphratem obtinet, peruenit, in regnum inde rediit, cum id è re eius Mauritius esse censeret, qui maiorem gloriæ & laudis suæ partem, ex commodo ac vtilitate supplicis Regis est meritus. Magna certè pecuniæ vi donatum Chosroë, quibusdā etiam Persis, impensis suis in militiam eius conductis, sanè quàm magnificè in Persidem remisit, cum vtroque exercitu, Persico simul & Romano. Narses Romanis copiis præfuit: qui cum Persis prælio congressus, ad sex millia Persarū manu cepit, eosque ad Chosroen adductos, hastilibus confixit. In horum numero & Turci erant, qui sub Varamo meruerant (nam tum primū nomen Turcicum auditum est) ad Mauritium sunt missi. Interrogati, cur sub Varamo militassent, responderunt, fame se patria abactos. Et cum quidem in fronte inultam crucis figuram liquato atramento haberent, confessi sunt, se à Christianis edoctos, vt hoc simulachro famem repellerent. Sunt etiam qui referant, cum à Cæsare interrogati essent, quānam gratia quæ non colerent, circumferrent signa, respondisse, grauem ante plures annos in Perside & patria sua pestem coortam fuisse, à qua, cum multi mortales infecti interirent, Christianos quosdam, qui ibi fuere, hominibus, si hoc fecissent, saluti suæ consulturos esse, regionemque eam à tali lue intactam liberamque fore persuasisse. Chosroes interim Romanis copiis strenuè fideliterque pugnantibus, & Varamo, qui turpiter ex prælio solus profugit, debellato, Persicū regnum recuperauit, & pristino honori restitutus est, limitibus imperiorum distinctis, & pace vtrunque promissa, quæ durauit vsque ad Phocæ initium. Is in throno suo confidens, Romanis audientibus, verba hæc prolocutus est: Rex Chosroë, diei huius perpetuò te meminisse, atque hæc in animo tecum cōsiderare oportebit, quòd Romani regnum Persicum tibi dono dant. Ceterum

Chosroes cō-
fugit ad
Mauritium.

Mauritius,
vita huma-
na instabili-
tatis memor,
Chosroë, suo
regno excuti-
t. benignè exci-
pit.

Chosroes ope
Mauritij re-
ducitur in
suum regnū.

Narses vi-
ctoria contra
Persas.

Turci cruce
aliquando
notati.

Chosroë vi-
ctoria aduersus
Varamū.

Pax enim
Romanis
constituta.

R 2 à non-

à nonnullis relatum est, Narsem, rediturū Constantinopolim, ipsi Chosroæ dixisse: Memor sis Chosroe præsentis diei: Romani tibi regnū donant. Ferunt, priusquam hic cōflictus fieret, inter ipsum Chosroem, & Narsem ortam esse in ordinanda acie dissensionem, cum vterque se putaret ducis munia melius altero tenere, essetq; inter eos iactata conuicia: Sed Chosroen, habita ratione temporis, his verbis eum affatum: O Dux, magnū Regē conuiciis laceffis, præsentī fortuna inflatus. Audi, quid in posterū Dij cōstituerint. Reffluent in vos Romanos hæc incōmoda. Tenebit gens Babylonica Romanas terras, ad tertiā vsq; annorū hebdomada volubilē. Post id annorū, hebdomadas quinque Romani Persas in captiuitatē ducent: his perfectis, dies sempiterna hominibus aderit. Verūm hæc vaticinia nullū euentū sortita sunt. Chosroes post adeptam victoriam, sibi à Persarum insidiis non parum metuens, à Mauritio mille Romanos milites petiit, quos ille benignē attribuit. Reliquū exercitū, pace, vt dictū est, cum Persis firmata, in Europā ex Syria reuocauit ad Regem Auarū Chaganum reprimēdum. Quo quidē tempore Sol est obscuratus. Et mulier quædā in Thracia puerū peperit absq; oculis, palpebris, manibus & brachiis, cui piscis cauda ad femora vsq; protendebatur. Sittas verò, cuius suprà mentionē fecimus, proditiōnis pœnas laqueo persoluit. Et Martyropolis, atq; item Daras castellū, decedentibus ex eo Persis, Romanis redditum. Paucis pōst mēsis, Chosroes Gregorio Theopolitano Crucē illā misit, quā Theodora Iustiniani vxor, auro multo & lapillis resplendētibus ornatam, in honorē victoris martyris Sergij Deo dedicauerat, & Chosroes Hormisdē pater vnā cum aliis donariis valisq; pretiosis à Sergiopolī, secū abstulerat. Cum ista, aliā quoq; Crucē misit, quā Chosroes ipse ex ingēti auri pōdere fieri curauerat, cum eiusmodi Græcarū literarū inscriptione: Crucē hāc Chosroes Rex regū, filius Hormisdē, quo tempore propter diabolicum instinctū, & dolum malū perditissimi Varani, & qui cum eo fuere Caballariorū, in Romaniam concessimus: & quod perditus Zadepram cum exercitu Nisibim veniret, abducendorū Nisibenæ partis Caballarios cū duce suo in Charchas misimus; & propter sancti Sergij, venerandi illius & celebris viri fortunam, quandoquidē datorē eum esse votorū atq; petitionū audieramus, primo regni nostri anno, mēsis Ian. die sept. votū nuncupauimus: si Caballarij nostri Zadepram occidissent, aut cepissent, Crucē aureā nos lapillis distinctam, in ædē Sergij, venerandi nominis eius ergò, missuros esse. Porro cū i. x. Febr. mensis die, caput Zadepram ad nos allatum fuerit, voti rei & optati nostri compotes facti, vt manifestū id certumq; cuius sit, in venerandū eius nomē, Crucē hāc à nobis factam, vnā cum Cruce à Iustiniano Romanorum Imperatore in templum eius missā, & belli tempore, quod inter duo hæc regna gestum est, à Cosroe Rege regū filio Cabadæ aui nostri huc delata, & inter thesauros nostros reperta, in ædem venerādī Sergij misimus, cum hac inscriptione: Chosroes cruces misit, quas Gregorius ad se allatas, & de Mauritij sententia acceptas, cum solenni pompa multoq; comitatu, obseruāter simul & religiosē in templo Martyris sacrauit, & reposuit, nihil prorsus ab Ethnicis donariis Ecclesiam detrimēti capere arbitratus. Idē etiā, haud multo tempore interiecto, alia munera fabrefacta, & discum etiam aureū non paucarū minarū ponderis eidē Sergio voti causa donauit, addita inscriptione Græci sermonis. Ipsius autem

Chosroæ vaticinium.

Eclipsis Solis.
Monstrum.

Chosroes dno
Sergio crucē
auream dedicat.

Cruce aurea
à Iustiniano
Cesare dno
item Sergio
consecrata.

Discus aureus
eidem Sergio
voti causa
inscriptus.

autē Chosroæ de Romano imperio prædictionem, seu vaticiniū, cuius proximè meminimus, Nicephorus ita recēsit. Quod verò, inquit, de Chosroë rebus propè omisi, id ita ut potero, historiæ mādabo. Magnum illud bellum, quod Romanis cum Persis fuit, cōquieuit, pacta conuēta ex æquo Romanis atque Persis seruātibus. Non autē committā, quin ea exponā, quæ Chosroes in operosa vanitate Chaldæorum astronomiæ diu multumque exercitatus, diuinando prædixit. Ea verò tum ad Ioannē Armeniarū copiarū ducē, cū bellum maximè vigeret, dixisse fertur. Cū namq; Ioannes Chosroen acrius obiurgando reprehenderet, quod moribus esset sinistris, & animo ad res gerendas alieno atq; inepto, quodq; Regem minimè talem esse oporteret, huiusmodi quiddam duci Barbarus respōdisse dicitur: Nisi quodāmodo tempora ipsa nos per tyrannidē suam affligerent, haudquaquā tu scominate perstringere magnū inter homines Regem ausus fuisses. Quandoquidē autē te rebus præsentibus magnoperè effers, audi, quid à Diis de temporibus futuris sit cōstitutum. Redundabunt, ut sis sciēs, in vos Romanos, calamitates, & gens Babylonia Romanæ Reip. tribus in circulum circumactis hebdomadibus, dominabitur. Postea verò quinta annorum hebdomade Romani Persas in seruitutē redigent. His ita peractis, dies illis vespera carens hominibus adueniet, & expectatus Imperij finis aderit. Quo tēpore corruptio abolebitur, & viuendi ratio ex instituto Dei obtinebit. Hactenus Nicephorus. Quæ verò interim post hæc Mauritius gesserit cum Auaris (qui & Hunni siue Vngari appellantur) necnō cum Scythiis, Longobardis, cæterisq; nationibus, passim est videre apud eos, qui Cæsarium res gestas posteris ac memoriæ cōsecrarunt. Hic tantummodo subiungam ipsius Mauritiij tragicum ac funestissimū exitum, quē etiam Cometes, cui nomē est Xiphias, & pleraq; alia prodigia præcesserunt. Hic enim, ut hostiles manus euaderet, seq; ab imminente periculo subtraheret, Imperiali prætexta posita, ignotoq; habitu, simul cum coniuge, liberis, & omni familia dromone conscenso, in Orientem profugere conatus est, non exiguam secum pecuniæ vim portans. Et postquam in sinum Nicomediæ, ad templū Autonomi martyris (Soraxū patrio idiomate nuncupant) Byzantio autē circiter centū & quinquaginta stadiis abest, venisset, seq; atq; atroci tempestate reiectus, in Chalcedonē urbem è regione Constantinopolis, portū Eutropij dictam, circūuectus est. Theodosium verò filium, quem festo Dominicæ resurrectionis Regē publicē appellarat, ad Chosroen misit, ut accepti beneficii memor, pari officio filium regno pulsum prosequeretur. Cæterum Theodosius è fuga retractus, ferro etiam sublatus est; adeo ut vniuersa huius Principis familia longè nobilissima, vno eodemq; tempore funditus interiret. Priusquam ipse tyranni iussu securi percuteretur, cū sibi carissimos quosque coram se trucidari conspiceret, hanc vocem edidit: Iustus es Domine, & recta iudicia tua. Deinde summa & incredibili fortitudine mortem subiit. Mauritio regnante, Cometa senis mensibus apparuisse, tunc etiam natus esse traditur Mahometes.

Vox Mauri-
ij ante mor-
tem.

HISTORIÆ RERVM PERSICARVM

LIBER SEXTVS.



HISTORIÆ nostræ seriem diligenter atque ex fide descripturo, necessum erit, vt equidem sentio, præfari, quàm mirabili rerum conuersione fortuna nunquam sese bona fide in alteram partem inclinante, sed perpetua quadam inconstantia omnia perturbante, imperium à maximis quibusque viris, virtutisque ac splendoris nomine commendabilibus, ad minimos quosque & ignobiles traduxerit. Quippe Phocas, nulla maiorum suorum nobilitate commendatus, nullisque certis innixus opibus, ab ineunte ætate relictis penatibus, militiæ assuevit, positoque inter gregarios milites tyrocinio, tandem eò fortitudinis atque roboris opinione inter æquales euasit, vt centurio factus, deinceps verò per militarem seditionē, tanquam ex ostensa quadam benignioris fortunæ ansa, Imperator, interfecto Mauritio, crearetur. Cuius imperij initium ferè in annum reparatæ salutis D. X C V. incidit, vir proculdubio, si ex virtutibus & vitiis dignitas eius imperij æstimanda sit, nulli superiorum temporum nequitia & crudelitate inferior, atque adeò sibi tantum licentiæ per potentiam arrogans, vt se omni vitiorum genere conspurcare non vereretur. Proinde non mirum, si huius immanissimi & nefarii hominis principatu, in Romanum imperium à multis populis diuersis atque gentibus impetus certatim factus fuerit. Siquidem Germani, Galli, Itali, atque inprimis Hunni, duce Chagano Thracio, ac postremò Persæ, tanto rerum omnium molimine in fines Romani Imperij inuasere, vt parum abfuerit, quin ipsum imperium vnà cum ipso nomine funditus deleretur. sed tandem Phocas à suis interfectus, suæ nequitie pœnas dedit, diis victoribus tantum scelus in peruersissimo homine diutius impunè perferre non sustinentibus. Cæterum nos, reliquis bellis prætermiſsis, ea duntaxat hîc breuiter ac summatim perstringemus, quæ hac tempestate à Persis, in Romani imperij dedecus ac detrimentum gesta sunt, & quàm multæ calamitates illius prouinciis illatæ. Primò siquidem sceleratus exercitus, qui conspersus fuit sanguine Mauritij, mox in Oriente pœnas dedit. Victor enim Chosroes duobus magnis præliis, & ingenti multitudine contrucidata, reliquos abduxit captiuos. His rebus prosperè ac feliciter gestis, nullaque mora interposita, vniuersam Mesopotamiam, Syriam, Ægyptum, Palæstinam, & Phœniciam occupauit. Deinde Hierosolymam Romanis eripuit, & inter thesauros Crucem auexit, magnamque Christianorum multitudinem occidit, nec mediocrem in captiuitatem abduxit. Præterea Iberos, Armenos, Arabes, Dardanos, & Meditæranæa Macedonia ac Thraciæ abstulit. In Cappadociam, Galatiam & Paphlagoniam incursiones fecit, & ad Chalcedonem vsque omnia depopulatus est, ita vt Romanum imperium Persæ vix vnquam hactenus maioribus cladibus affecerint. Credibile autem est, Chosroen nulla re alia in Romanos magis accensum atque inflammatum fuisse, quàm vt Mauritij de se tam benemeriti mortem vlcisceretur, cuius etiam filiam, nomine Mariam,

Romanorum
ingentes clades.

Mariam, in vxorem duxisse, à plærisq; traditur. Nec sanè ipse Mauritius, suis rebus accisis, ac propemodum desperatis, cum se postremis temporibus propter fœdam & inexplebilem auaritiâ, qua mirum in modum laborabat; non modò vniuersis militibus eorumq; præfectis ac centurionibus, verùm etiam generatim omnibus, quibus imperabat, quàm maximè inuisum ac exosum animaduerneret, sibi melius & còsultius prospexisset, quàm si statim, sicuti etiam còstituerat, in Persiam aufugisset. Quid enim Chosroë gratius & gloriosius accidere potuisset, quàm vt eum Imperatorem, per quem ipse autum atque paternum regnum recuperarat, nunc in summo vitæ discrimine constitutum, pari gratitudine gratiam referendo, in solium ac Cæsaream maiestatem vi atque armis reponeret? Cæterùm, quod vis fatalis semel decreuit, nulla humana prudētia euitari potest. At Phocas, septimo Imperij anno, conspiratione Prisci, Heraclonis & Heraclij, Constantinopoli captus, pudendisq; execris, & capite præciso, in mare deiectus est, totaq; stirps impurissimi Principis sublata. A quibusdam etiam in literas relatum est, corpus truncum ad Bouem fuisse combustum. Is erat locus, qui ex eo, quòd æneus esset caminus forma bouis quem Pergamo allatum aiunt, vbi erat positus, Bouis appellatione nuncupabatur.

Phocas interfectus.

Post Phocam interfectū Heraclius, Heracliani præsidis Aphricæ filius, natus in familia patricia, mox consensu Senatus, & exercituū Imperator factus, tenuit Imperiū annos triginta, & iuxta nonnullos, vnum & triginta. Eodem die, & coronatus est à Patriarcha Sergio, & duxit vxorē Fabiam Eudoxiam, quæ simul coronata est. Duabus rebus maximis insignis est ipsius gubernatio, quarum altera felix fuit repressio Chosroë Persici regis: altera calamitosa vniuerso generi humano, videlicet initia sectæ, & regni Mahometici. Nos autem hac modò prætermisâ, de priori, quæ potissimùm nostri est operis atque instituti, agemus. Suprà commemoratum est, Persas sub Phoca vniuerso Oriente deuastato, & Romanorum legionibus funditus deletis, pleræque illorum prouincias suæ ditioni atque imperio adiecisse. Heraclianus interim, Heraclij pater, ex Aphrica cum ingenti exercitu Ægyptum, & Asiam petebat; sed eo, in medio conatu rerum extincto, Persæ metu liberati, ex Ægypto Aphricam inuadunt, quæ tota sui ducis præsidio spoliata, Persicis armis cessit. Europam diripuerant Scythæ, & Auari, & Romanos milites ita interfecerant, vt paucissimi inter tot cædes superessent ex iis qui sub Mauritio & Phoca militauerant. Duos tantum superfuisse à quibusdā perhibetur. Erat in eo tumultu anceps Heraclius, Europæ an Aphricam vindicaret. Vtraque enim hostibus laceßita, ingemiscebat. Habito igitur nouo delectu, Crispum eis præfectum misit in Cappadociam. Qui cum Chagaño plurimis atq; amplissimis muneribus traditis, fœdus percussit, & ante longū murū Anastasij (tum enim Thraciam is summoperè diuexabat) tentoria posuit. Cæterùm ipse iurisiurandi & inite amicitiæ immemor, impetum in Heraclium fecit, adeò sanè, vt parum abfuerit, quin captiuus in eius manus ac potestatem deueniret. Sed iterum missis legatis, pacem impetrauit, vt posset omnes vires conuertere in Orientem. Priusquam tamen exercitum contra Persas educeret, Oratores ad Chosroem Persarum Regē destinauit, vt ab urbium vastatione, ac Romanorum cæde abstineret, utq; iam satur humano sanguine,

Heraclius Imperator.

Aphrica in Persarum potestatem redigitur.

Heraclij legatio ad regem Persarum.

in Persida rediret. At Chosroes, superioribus successibus elatus, miraq; proferendi Imperij cupiditate incensus & inflammatus, legatos contempsit, eosq; cum contumelia protinus abire iussit. Heraclius anno octauo imperij sui denudò ad eum legationem misit, qua pacem etiam ignominiosam, aut saltem inducias sub conditionibus annui vestigialis pendendi ab eo postularat. Chosroes respondit, se nunquam depositurum esse arma, donec perfecisset, ut Deus Persicus coleretur, abolita inuocatione eius Dei, qui diceretur crucifixus esse. Imperator, hoc responso habito, supramodum indignatus, confestim exercitum comparat, eoq; alacrius se ad bellum parat, quò non imperij causa illa tantum, sed multo magis propter defensionem Ecclesiarum, & Christianæ doctrinæ dimicandum esse intelligebat. Erectus igitur spe diuini auxilij, exercitum ad urbem Syriæ opulentissimam, patrio idiomate Azotum appellatam, ubi tum Chosroes commorabatur, deduxit, eo quidè animi decreto, ut de summa regni cum hoste decerneret, ac belli fortunam experiretur. Cæterum is, de hostili aduētu certior factus, ilicò sese in Mesopotamiam recepit, adultas & flauescètes iam fruges populatus, ut persequèdi facultatem Cæsari adimeret. Heraclius tamè illum infecutus, cum assequi non posset, regionem ferro & igni vastauit. Iam Chosroes, Phoca regnàte, Palæstinam Iudæamq; diripuerat, & Hierosolyma deprædatus erat, ac etiam nonaginta millia Christianorum trucidauerat, quo tempore Iudæi multos Christianos emerant, ut eos interficerent. Imperator, cum neque copias, quæ hostibus pares forent, neque belli neruum pecuniam in promptu atque ad manus haberet, aurum & argentum ex supremo templo, & aliis sacris ædibus mutuat, pecuniam signari iussit, & nouo delectu habito, in expeditionem ex vrbe cum suis post festum Dominicæ resurrectionis egressus est. In hac verò, duos comperit duces cum duobus exercitibus à Persa relictis, qui opportunitate locorum freti, iter suum remorarentur. Heraclius, parte vna copiarum relicta, ad subigèdas vrbes, quas post se relinquebat, ipse cum robore copiarum superato Tauro, ad Saronem fluuium Sarbatum ducem strauit, & in fugam vertit. Cùm autem Sarbatus Archisatrapes apud Chosroen accusaretur confiliorum, quæ cum Romanis clanculum habuisset, & dictorū, quæ probrosa in ipsum iecisse credebatur: Chosroes ad ducem qui erat sub Sarbato, de eius nece literas misit. Nuncius à Romanis interceptus, Byzantium perductus est. Reipub. curatores, visis literis, & nuntium & literas Sarbato miserunt, qui, illis lectis, hominem diligèter percunctatus est. Ut verò intellexit, Chosroen sibi necem atque interitum machinari, euestigiò alteras confinxit literas, quibus sua, & multorum præfectorum, ac tribunorum militarium, aliorumq; qui ordines ducebant, cædes mandaretur, induxitq; veredarium à rege missum, uti literas illas ab eo se accepisse confirmaret. Tum conuocatis proceribus, palàm literas recitari iussit, quæ statim omnes ad tantam iracundiam & indignationem prouocarūt, ut primores omnes, quicunque ordinibus præerant, ad Romanū Imperatorem transire constituerent, & extremum odium in suum Principem conciperent. Ostanem insuper Satrapam totis viribus aggressus Heraclius, in Persida, commisso prælio, & ipso superato, cæsisq; xxx. hostium millibus, in fugam adegit. Saraces, & Sarabasses duces in eo prælio concidèrunt. Sais successor datus, cum nouo supplemento pugnam

*Eiusdem al-
tera legatio.*

*Chosroes su-
perbum &
impium re-
sponsum.*

*Heraclij ex-
peditio ad-
uersus Per-
sas.*

Stratagemata.

*Heraclij vi-
ctoria.*

pugnam instaurauit, edita magna hinc inde cæde. Persa superior videbatur, nisi densus imber, mixta grandine, cum horribili fragore & strepitu cælo effusus, aduersam Persarum aciem perculisset, procella Barbarorum ora ocu-
losque vento & fulguribus perstringente. Attoniti Persæ céduntur, paucissi-
mi seruiati, reliqui aut capti, aut cæsi. Interea Chaganus, fœdere violato, in
Byzantinum agrum intrauit, positisque ante longum murum castris, exte-
riora omnia loca depopulatus est. Tum Patriarcha ciuitatis, & patricius Bo-
nus, quos Constantini filij, omniumque rerum publicarum procuratores dis-
cedens Heraclius reliquerat, coactam virorum optimorum manum extem-
plò contra Barbaros imparatos nihilque huiusmodi suspicantes, expediue-
runt, atque multis millibus interemptis, cæteri cum magna turpitudine in-
tra suos fines se recipere compulsi sunt. Interea temporis, Chosroes, tot rebus
aduersis neutiquam animum despondens, Razatenem nouum ducem cum
multò maioribus copiis denuò aduersus Heraclium expedit, eo quidem
successu, ut post aciem & longam dimicationem vtrinque habitam, quæ, ut
nonnullis placet, à prima luce vsque ad Solis occasum continuauit, præter
ipsum ducem, & complures alios insignes viros, in acie interfectos, septem ac
viginti militaria signa in Romanorum potestatem deuenierint. Victores Ro-
mani in viscera Persidis, traiecto Tygride, penetrarunt, sæuitumque est non
modò in homines, verum & in vrbium direptiones. Nec temperatum est à
profanis hostium templis. Vestæ, quæ religiosè apud Persas colebatur, tem-
plum, est funditus dirutum ac euersum. Sic secundo & tertio prælio victi
Persæ, cæsis multis millibus, in fugam reliqui omnes dilapsi abierunt, qui suis
conterraneis quæ acciderant, enarrauere, adeò ut qui prius in Chosroem malè
affecti erant, tum longè maiori odio in eum excandescerent. Chosroes inte-
rim desperatis rebus, vltra Tygrim abiturus, Medarsen filium, siue, ut alij
vocat, Mardasen secundogenitum, primo filio Siroe, siue Siroche, præclaræ
indolis adolescente, neglecto, regni hæredem ac successorem renuntiavit.
Qua contumelia grauissimè irritatus Siroches, occultè cum Heraclio conue-
nit, ut patre simul & fratre, quem pater sibi prætulerat, cum omni regia gaza
proditis, deductisque præsidiis ex omnibus Romani imperij prouinciis, ipse
Persarum regnum obtineret, paxque inter vtrunque imperium esset. Chos-
roe cum filio & vxoribus ex fuga retractis, in vincula coniicitur, nec mul-
tò post, ad Ctesiphontem ambo, Sirochi iussu interfecti, fortunæ varietatis
exemplum crudele fuerunt. Memoriam proditum est, Sirochem, Chosroe patri
cathenis victo, auri magnam vim, & lapidum pretiosorum acervos appo-
suisse, dicentem: Ob hæc Romanis Persas hostes fecisti, ac mutuis præliis
innumeras cædes patraisti, patere & tu tua incommoda. Hinc fœdere cū He-
raclio percusso, omnes captiui Romani qui apud Persas erant, liberè restitu-
ti. Crux quoque dominica iterum recepta est anno XIII. quàm ablata fuerat,
& Zacharias Patriarcha Hierosolymorum liberatus. Recepta est insuper
Aphrica, Ægyptus, & quicquid terrarum fuerat ex Romano imperio à Persis
occupatum à Mesopotamia ad oram Syriæ, ad Erythræum mare; Arabia tan-
tùm excepta, quam Mahometus pseudopropheta, sua execranda lege labefa-
ctarat. Vicissim Heraclius restituit captiuos, paxque his conditionibus fir-
mata, ut limes Persici & Romani imperij Tygris esset, atque Persæ Mesopo-
tamia

*Persæ tribus
præliis vici-
cunt à Rom.*

*Chosrois su-
ga.*

*Idem una
cum filio
interficiuntur.*

*Fœdus inter
Roman. &
Persas.*

Heraclius vi-
ctor redit By-
zantium.
tamia in posterum abstinere. Duravit hoc ingens bellum annos sex. Ter-
tij verò conflictus dies fastis Romanis ascriptus, dudum in magna venera-
tione habitus est. Fuit autem annus ille, quo tam præclara & insignis victo-
ria parta est, quartus & vicesimus supra sexcentimum humanæ salutis, sex-
tus Heraclij post eius egressum ab vrbe. Ipse verò tandem ceu postliminio
Byzantium reuersus, ingressus est, sedens in curru sine ornamentis trium-
phalibus, tenēs Crucem in manibus, ac filio Dei palàm gratias agens pro vi-
ctoria, cuius recordatio vt celebraretur, Feriæ exaltatæ Crucis institutæ fuerūt.
Cæterum ipsius Heraclij exercitus victor, laureatus, omnibusq; ferculis &
trophæis magna lætitia & ingenti gloria Constantinopolin rediit, summo
applausu & acclamatione exceptus. Pœna verò, blasphemiarum Chosroæ, vt
quondam Senacherib, Antiochi, Nicanoris, & similium, memoria digna est.

Superius à me inter cætera, narratum est, Heraclij gubernationem dua-
bus rebus maximis insignē extitisse, quarū altera felix fuerit, repressio Chos-
roæ Persici Regis: altera vniuerso humano generi calamitosa, videlicet, ini-
tia sectæ ac regni Mahometici. De priori satis abundè diximus. Nunc super-
est, vt etiam de altera dicatur. Ingens profectò atque horrenda mutatio gene-
ris humani, & quidem celeriter facta est, sparso dogmate Mahometi, quod
primū amplexi sunt Arabes natura creduli, & rerum nouarum admirato-
res, quiq; ante id tempus nullis legitimis imperiis obtemperauerant: sed vel
domi latrocinia exercuerant, vel suo arbitrio foris, alij apud alios mercede
militarant. Huic genti cupida libertatis & militiæ, legem accommodatam
ad amplificationem libertatis & politiæ Mahometus, qui & Muhamed, præ-
scripsit. Hunc autem in Arabia deserta natum esse constat, & paternum ge-
nus à Core Esai, vel, vt quibusdam aliis placet, ab Cedare Ismaëlis filio, ge-
nus duxisse perhibent, cuius pater Abedela, & mater Enima vocabatur, gen-
te Iudæa, Itraripi Meccæ vrbs oppido, ac tenui fortuna, Anno Christianæ
Sal. D. L X. mense Febr. vnde à parentibus primis annis & Hebræorum riti-
bus, & gentium cultu est imbutus. Hic postmodum, ducta vxore opulentis-
sima, facile perfecit largitionibus, vt milites eum audirent, quibus tandem
persuasit, vt ducem crearent, vtq; firmior esset consensus, tollerent religio-
num dissidia, eligerēt doctrinæ genus vtile concordie, ipse doctrinæ formam
proposuit, addidit, se habere colloquia cælestia, & entusiasmicos, vt augetet
auctoritatem. Creatus igitur Dux, paulatim initia regni confirmavit, adiun-
cto sibi Saraceno exercitu, vnde postea Saraceni regni appellatio facta
est De quo cū aliquid breuiter dicturi simus, prius quænam fuerit gens
Saracena, & vbi fuerit, exponam. Ex Mose notum est, posteros Ismaëlis,
qui ex Agar natus est, tenuisse Arabiam. Inde Agar vrbs nominata est ab
Agar matre Ismaëlis, & gens Agræi, qui in primo libro Paralip. cap. v. nomi-
nantur Agareni, vbi & limites vicini Gasuad monstrantur. Nomen idem
Agareni extat Psalmo 82. In ea regione, in qua fuisse Agarenos certum est,
collocat Ptolemæus Saracenos, & nomen Saracenorum extat in historia Ze-
nobii in victoriis Aureliani. Verisimile autem videtur, ipsam gentem Aga-
renam maluisse nominari Saracenam à Sara. Quia gloriosius erat, dici ortos
à Sara domina, quàm ab ancilla Agar. Mahometes etiam postea gloriosi no-
minis mentione confirmavit exercitum, vociferans, pertinere ad eos promif-
sionem

Mahometis
initium.

Saraceni v-
nde appellati.

sionem regni mundi, Abrahæ posteris traditam, quia essent filij Saræ, sicut
 prætextu religionis sæpe homines incitantur. Militauerat autem exercitus
 Saracenicus apud Heraclium contra Persas, in eaque expeditione dicitur
 Mahometes interfuisse, ac bello feliciter peracto, rebusque Persicis fœdere
 pacatis, ipsum, regio comitatu & pompa stipatum, conuenisse Heraclium ab
 eo prælio redeuntem, & regionem ad habitandum petiisse, ac etiam obti-
 nuisse. Cum verò militibus stipendium daretur, quererenturque Arabes, se
 merito stipendio fraudari, quæstor imprudenter nimis atque arroganter, vix
 esse respondit, quod Græco & Romano militi daretur, nedum huic canum
 turbæ. Quæ verba altè in pectus demissa, ac sapius inter sectæ Principes gre-
 gariosque commemorata, breui toti ferè Christianæ Reip. exitio fuere, &
 adhuc in capita nostra illius iniuriæ vindicta redūdat: tot sæpè mala ex vnus
 imprudentia oriūtur, cum præsertim viri fortes & militares iniuria afficiun-
 tur. Hac enim contumelia ad iram accensi Arabes, in Syriam secessere, seq;
 Mahometis assæclis adiunxerunt. Quamobrem Mahometes his viribus au-
 ctus, breui post, Meccam, urbem totius Arabiæ nobilissimam, tertio antè ir-
 rito conatu à se obsessam, expugnauit, & deinde pleraque alia loca occupa-
 uit, donec tandem III. Idus Maij naturæ ac fato concessit, Anno Salutis D. Mors Maho-
metis.
 CXXXVII. cum decem annos regnasset. Moriens autem Mahometes, Alim
 generum successorem suum declarauit, & Calysam, id est, Pontificem sectæ
 suæ esse voluit. Sed Eubocara fœcer, cognomine Abdalla, id vetuit, æquum
 esse inquiens, vt cum Mahometes apud se decessisset, suoque fauore & opi-
 bus quæcunque adeptus erat, acquisuisset, ipse ei succederet prior. Cui Alis
 se opponere non potuit, quia potēs erat, adhærebantque illi Homar, & Ozme-
 nus ipsius propinqui, viri fortes, & factione pollētes. Igitur Eubocara Maho- Eubocara
successor
Mahometis.
 metiæ sectæ Pōtifex creatus est, qui statim cū ingenti exercitu finibus suis
 egressus, Romanum præsidium fudit, & victor in Arabiam rediens, regni sui
 anno tertio non expleto, nec sine veneni suspitione, mortuus est. Huic suc-
 cessit Homarus eius propinquus, qui Bosram, totius Arabiæ caput, cum Homarus.
 multis aliis expugnauit, & Gabatam vsque cuncta subegit. His deinde atque
 aliis victoriis elati Saraceni, Damascum petierunt, eaque vrbe expugnata,
 vniuersam Phœniciam subegerunt. His peractis, breui post, Ægyptum quo- Prosperi Sa-
racenorum
successus.
 que suæ ditioni adiecerunt, & mox Hierosolymam petentes, eam valida ob-
 sidione cinxerunt, & duorum annorum spatio obsessam, tandem deditione
 ceperunt, qua occupata, facile totam Aslyriam suo imperio subiecerūt, bre-
 uique spatio interiecto, duce Iaidone, Euphratis fluuiio traiecto, Edeßam
 urbem, nec non Constantiam, & Batam, partim vi, partim deditione occu-
 parunt, moxque vniuersam Mesopotamiam subiugarunt. His rebus non
 minus celeriter, quàm prosperè ac feliciter peractis, in Arabiam reuersi sunt.
 Post biennium Saraceni Persas iam tot aduersis rebus debilitatos, bello petie-
 runt. In Perside, vt suprà diximus, Syrochis Chosroæ filius in imperio suc-
 cessit, ei que intra annum defuncto, Adhesyr eius filius regno potitus est, quo
 breui extincto (septem enim duntaxat mēses regnavit) Sarbaras, & Bornaras
 imperarunt, quorum alter sex menses, hic verò septem, rebus gerendis præ-
 fuerunt. His fato sublati, Hormisdas Persici regni habenas & gubernacula
 obtinuit, qui decimo anno Imperij contra Saracenos fortiter dimicans, in
 ipso

*Perse à Sa-
racenis vinci-
untur.*

ipso prælio interfectus est, & sic Persæ in acie victi, non modò imperium, sed nomen etiam amisere, Saraceni deinceps pro Persis appellati. Sunt auctores haud incertæ fidei, qui memoriæ mandauerint, Saracenos, regnare Chosroe, sub ductu & auspiciis Mahometis cum ingenti exercitu Persas inuasisse, atq; illum, conductis Turcis, qui tributarij, & tanquam serui Scytharum intra Caucaſi claustra asperrimasq; gentes incolebant, Saracenis occurrisse, commissoq; prælio, quàm plurimos vtriusque gentis vulneratos, & primò anticipi Marte dimicatum esse, donec tandem fortuna ad Persas inclinaret; adeò vt Mahometes tandem ingenti clade superatus, in fugam verteretur, deformi vulnere in faciem excepto à Turcis ipsis, à quorum posteritate nunc maximè colitur & adoratur. Persas interim, Mahomete in fugam verso, nullis hortationibus minisve flecti potuisse, vt eius legem reciperent, quam tum summus, vt ipsi aiebant, Propheta ferret. Cæterum Arabes, Hormisda apud Persas rerum potiunte, ipsos iterum acerrimo bello petiisse, iisque tandem in acie deuictis facile subactos, & mox lege Mahometis accepta, non solum imperium, vt dictum est, verum etiam nomen amisisse; Saracenos iam inde pro Persis appellatos, & Turcos contra pro Saracenis, indiscreta appellatione aliquandiu vocatos. Post acceptas enim & illatas clades, cum de pace tractaretur, etiam de nomine conuentum est. Quoniam æquiore animo Saraceni in Asia regnare Turcos passi sunt, cum Turci, qui in Perside habitarent, Saraceni appellarentur. Deinde Turcorum nomen inualuit, altero abolito, ob innumeras eius gentis opes, & infinitos populos subactos, sicuti postea declarabitur. Imperium autem Persarum ab Artabano, Arsacidæ familiæ ultimo, per Artaxarem, vt iam diximus, deuicto, ad Homarum vsque, cum maxima gloria militaris disciplinæ floruit annos amplius quadringentos. Imperium itidem Romanum à Iustiniano primo in veterem auitamque dignitatem, & decus assertum & vindicatum, quod postmodum viguit annos ferè centum ac viginti, circa hæc tempora declinare cœpit ac prorsus corrue- re, adeò vt vix vllum deinceps sui pristini splendoris vestigium retinuerit. Hæc autem Imperij declinatio incidit potissimum in tempora Imperatoris Constantis, Heraclij nepotis, sicut inferius patebit.

Haftenus breuiter recensui, quomodo Persæ à Saracenis deuicti & subiugati fuerint. Operæpretium autem fore duxi, & Lectori harum rerum curioso, haud ingratum, si etiam subiecero, quæ Hayto Armenus de iisdem rebus tradiderit. Saraceni, inquit, post primam obsidionem Cōstantinopolis, rebus infectis domum reuersi, aliquandiu quieuere: postea verò, copioso exercitu congregato, regnum Persarum inuadere cogitarunt. Et primò fuerunt ingressi regnum Mesopotamiæ, deinde perrexerunt ad regnum Chaldæorum, quod erat sub dominio Persarum Regis, qui non poterat resistere Saracenis, vnde de terra illa fecerunt omnia vota sua. Rex verò Persarum Ascaiorth nomine, timens Saracenorum potestati subiugari, suos nuntios misit ad vrbes & regna, quæ erant circa flumen Physon, & ab eis subsidium implorauit, promittens venientibus magna stipendia & honores. De regno igitur Turquestan, quod propinquius erat regno Persarum, congregauerunt se circa sex millia virorum, qui nominabantur tunc temporis Turquiniani, & iter arripientes, Regi Persarum dare subsidium constituerant.

Trans-

Transierūt quoque flumen Physon, ex eo, quòd eorum consuetudo talis est, vt, quocunque proficiscantur secum ducant filias, & vxores, ideoque non poterant ire celeriter, sed paulatim incedebant. Saraceni verò qui erant in regno Chaldæorum, ab eis subiugati, vt dictum est, veriti, quòd si Turquorum & Persarum exercitus simul conuenirent, suis optatis haud facillè potiri possent, accepto saniori consilio, Persarū Regem inuadere properant, antequam ei subsidium præberetur. Rex verò Persarum cū non posset prælium evitare, cum gente sua se opposuit Saracenis, & inito bello iuxta quandam ciuitatem quæ Marga appellatur, ingens fuit dimicatio inter eos, & ab vtraque parte innumeri bellatores ceciderunt. Demum verò Persæ terga verterunt, & Saraceni viriliter persequentes, Regem Persarum inter alios occiderunt, & victoriam reportarunt. Actum anno DCXXXII. Persarum itaque Rege interempto, & tam regno Persarum, quàm pluribus aliis subactis, præfati iniquitatis filij Agareni, sibi Imperatorem elegerunt, quendam videlicet de progenie Mahometi, & ipsum vocauerunt Caliph, & ordinauerunt, quòd sedem teneret in Baldac, olim Babylone, opulentissima ciuitate. In quolibet verò aliorum regnorum, quæ subiugauerant Agareni, constituerunt vnum dominum, quem vocauerunt Soldanum: deinde ceperunt ciuitates & oppida, & totam maiorem Asiam tenuerunt, præter regnum Abcar, quod est in Georgia, & præter quandam aliam regionem regni Armeniæ, quæ Haloën vulgò appellatur: istæ duæ regiones tenuerunt se contra Saracenos, nec voluerunt eis modo aliquò obedire, & sic sumpserūt refugium & tutelam omnibus Christianis, quos Saraceni persequiebantur, illos compellentes obedire Mahometi falsissimis documentis. Turquiani verò superius nominati, peruenierant vsque ad quandam terram quæ Corafen nuncupatur, ibique intellecto, Regem Persarum in conflictu interemptum, vltius procedere noluerunt. Verū & ipsi etiam paulò post, à Saracenis deuicti sunt, eisque tributum persolvere coacti, & Mahometicis sacris adhærere, &c. Ibidem præfatus auctor multa alia memoratu digna de Saracenis recenset, quæ in præsentiarum breuitatis causa omitto. Cæterum, vt institutam enarrationem prosequar, Homaro, viro bellicoso & feroci, vt innumera bella ab eo gesta, & prouinciæ subactæ testantur, nec minus prudenti, quàm forti, humanis rebus subtracto, tertius à Mahomete Pontifex creatus est Ozmenus, qui sequenti anno maximum exercitum Hucha duce in Africam aduersus Græcorum Patricium, qui Imperium in ea Prouincia occupauerat, misit, eoque acie victo, & Carthagine deleta, Numidiam, Tingitaniam, Mauritaniam, & totam denique Africam suo Imperio adiecit. Tertio huius regni anno Muauias Ægypti procurator, cum mille & septingentarum, vel, vt alij volunt, cum septingentarum nauium classe, Cyprum petiit, & vrbe nobilissima Constantia capta, totam insulam populatus est. Vere postmodum redeunte, Muauias maiore quàm antea classe ad Aradum Cypri vrbe perrexit, quam post multas oppugnationes tandem expugnauit, eamque incolis quocunque vellent, sine vlla iniuria abire iussis, penitus deleuit, & insulam vniuersam habitatoribus spoliauit atque diripuit. Eodem quoque tempore alius Saracenorum exercitus Busurro duce, in Isauriæ regionis fines irrupens, regionem totam ferro flammaque vastauit, & quinque mortalium

Prælium inter Persas & Saracenos.

Saracenorum victoria.

Ozmenus.

Saracenorum expeditiones ac victoriae.

S

milli-

millibus ex ea in seruitutem abductis, domum redierunt, quod quidem contigit sub Constante Cæsare Byzantino, de quo mox dicetur, vbi hæc paucula subiunxero, ipsos videlicet Saracenos, vnà cum imperio, legem quoque Mahometicā omnibus studiis atq; artibus propagasse. Etsi autē inter ipsos quoq; variæ inimicitia regnorumque diuisiones cōsecutæ sunt, vt in aliis regnis, tamen Saracenorum principes Sultani præcipuam potentiam in Syria, Ægypto, Aphrica, & magna parte Asiæ circiter quadringentos annos retinuerunt, donec rex Saracenicus, qui Persiam tenuit, contra Babylonicum Turcos attraxit, qui paulatim accepta lege Mahometica, excusserunt ex regno Persico Regem Saracenicum, tempore Constantini Monomachi, seu Cūnradi Franci, non multò ante Gotfridi expeditionem susceptam ad Palæstinam. Ac de Turcis eo loco plura dicemus, quos etiam veteribus temporibus nec ignorā, nec exiguam gentem fuisse, apparet ex Plinio, qui Turcos nominat tanquam vicinos Thustagetis, quod quidē est aut Turcæ, aut *Ιουραχ*. Cōsentaneum est autem, gentem Turcicam significari appellationibus Gog, & Magog, quos Ezechiel ait gentem Septentrionalem esse cap. 18. & 19. Apparet & Danielem de Saracenicis regno loqui, cū prædicit, quartæ monarchiæ distractionem, postquam tale regnum venturum esse ait, quod & nouam doctrinam contumeliosam contra Deum propagabit, & bella geret aduersus Sanctos. Id perspicuè congruit ad regnum Saracenicum, in quo doctrina expressè cōtraria Euangelio traditur, quæ, vt inuitaret animos militares, astutē laxat in priuatis moribus licentiam, in publica consociatione beneficentiam, cōcordiam, & decus militiæ confirmat.

Constans
Imperator.

Eiusdem ex-
peditione aduer-
sus Saracenos

Romanorum
clades.

Rhodus capi-
tur a Sata-
cenos.

Verumenimverò, vt ad Græcos Imperatores reuertar, anno salutis D C. XXXIII. Constans, filius Constantini iunioris, nepos Heraclij, pulsa Martina incesta cum filio, à Senatu, absque militum consensu, & suffragiis, quod rarò admodum apud Romanos vsu venerat, factus Imperator, tenuit imperium annos viginti septem. Hic, cognita expeditione Saracenorum aduersus Cyprios, classem instrui iussit, eiūque Carcozirum cum imperio præfecit: sed nihil ab ipso insigne ac memorabile gestum fuit. Quin potius Constans, tot tantisque cladibus acceptis, duorum annorum inducias à Muauia postulauit, quibus non inpetratis, dum Muauias ingentem classem aduersus Romanum imperij prouincias apud Tripolim Syriæ urbem parat, duorū fratrum virtute conatus ille aliquantisper irritus est factus, qui carceribus, in quibus ingens Christianorum numerus erat, effractis, omnes in libertatem vindicarunt, adeò vt repente imperiū in Saracenos facientes, innumeros ex illis ceciderint, & reliquis fugatis, victores ad naues accurrerunt, ex quibus, iis sumptis, quæ sibi erant necessaria, reliquas incenderunt, atque ipsi in Thraciam venēre. Sed Muauias nihil omnino hac clade territus, aliam longē maiorem classem comparauit & instruxit, cum qua Phœnicen, Lyciæ portū, petiit, vbi Constans cum classe erat, eumque adortus, tantam Romanorum stragē edidit, vt mare illorum sanguine ruberet. Constans verò, vili veste indutus, paruo nauigio cum paucis Byzantium aufugit. Qua victoria elatus Muauias, Rhodum cepit, anno salutis 655. & Solis colossum, quem, Plinio auctore, Chares XII. annorum spacio trecentis talentis fecerat, demolitus est, cuius statuae æs à Iudæo quodam Emessano emptum, nonaginta cameli extulerūt. Neque

Neque hanc solam statuam, quæ septuaginta cubitorum erat, inde Saraceni tunc asportarunt, verum etiam innumeras alias. Nam Plinius, præter hanc Solis colossus, septuaginta tria millia signorum, & ceterum colossos ea in Insula fuisse testatur. Rhodo autem populata, per Ægeum delati, pari clade Cycladas affligerunt. Hoc ipso etiam tempore, Iaidus, cuius supra mentionem fecimus, alterius Saracenorum exercitus Dux, Armeniæ fines ingressus, ad Caucasum montem usque omnia depopulatus est, & Muauias Rhodo reuersus, classem in Siciliam misit, quæ illam ferro & igni totam deuastauit, cum qua congressus Olympius Italiæ Exarchus, (sic enim tunc vocabantur, qui pro Constantinopolitano Cæsare Italiæ provinciam gubernabant) cruentissima victoria adeptus, eos expulit, qua pugna defatigatus, in morbum incidit, quo paulò post interiit. Ipse autem Muauias, terrestri exercitu comparato, illū in Cappadociā ad Cæsaream, eius provincię caput, oppugnandā duxit. Sed prius quàm aliquid memoria dignum ibi gerere posset, Ozmeni Califæ morte audita, quia illi succedere cupiebat, exercitum reduxit. Ozmenus duodecimo Pontificatus sui anno, Saracenorum, qui Ali Califam volebant, turba domum, ut ipsum interficeret, obsidere, sibi ipse, ne in illorum manus veniret, mortem consciuerat. Hic annulum Mahometis, quem omnes Califæ ante ipsum gestauerant, casu quodam amisit. aliumque item argenteum sibi comparauit, in quo hæc verba inscribi iussit: O PERTINACES, O POENITENTES. Vixerat annos LXXXVII. noctu sine vlla pompa sepultus est, quia se ipse interfecerat. Itaque eo defuncto, magna inter Saracenos de nouo Pontifice eligendo est orta contentio. Alij enim Alim volebant, alij Muamadum Ozmeni filium, alij Muauiam. Sed Alis, armis contra Muamadum obtinuit, adeo ut omnium, præterquam Muauię, consensu, Pontifex crearetur: Muauias verò militibus Ægyptiis atque Assyriis, quos secum tot bellis exercitatos habebat, fretus, arma contra eum, Ozmeni cædis vlciscendæ causam prætexens, mouit: & cum vterque cum exercitu ad Euphratem fluuium venisset, per vndecim menses leuioribus vtrinque præliis dimicatum est, nec desierunt crebris excursionibus se mutuo vtriusque partis milites interficere, & agros populari, donec tandem Alis in templo quodam prope Cusam Arabiæ urbē, Muauię insidiis trucidatus fuit, ibique cõrumulatus; & ob id nunc locus ille Maslādāle, id est, Alis domus vocatur. Is in annulo hanc habebat inscriptionē: CORDE SINCERO DEVM DOMINVM VENEROR. Ali mortuo, Cusæ & Arathæ ciues, Alhacemum, eius ex Fatema coniuge, Mahometis filia, maximum natu filium, Pontificem crearunt, qui auum maternum forma omnino referebat. Hic, exercitu contra Muauię ducto, cum acies ambæ ad pugnam instructæ, fronte opposita starent, siue prælij euentum metuens, siue, ut alij tradunt, naturæ bonitate victus, ne tanta humani sanguinis strages sua causa ederetur, Muauiam supplex adiit, cumque superiorem agnouit, sic pace inter eos facta, simul Cusam petierunt, & magna ibi accepta pecuniæ vi, Ieribum inuere, vbi Muauias Alhacemum propria manu regio diademate ornauit, Regemque appellauit, quia non diu victurum sciebat. Nam sexto Pontificatus sui mense nondum expleto, veneno quod illi Muauias dederat, obiit. Symbolum eius, quod in annulo gestabat, fuit: SOLVS DEVS POTENS EST. sic Muauias solus, æmulis sub-

Siciliam Sa-
raceni inua-
dunt.

Ozmenus
sepulchrum in-
terfecit.

Prælium in-
ter Alim &
Muauiam.

Alis cædes.

Alhacemus
creatur.

Califa cedis
Muauia.

Muauias.

*Diffidia ex-
orta inter
Saracenos
causa Re-
ligionis.*

latis, regnavit. Rebus in hūc modū constitutis, anno Sal. 668. in Imperij Ro-
mani fines irrupit: sed post, Constantio petenti pace, dedit, ea lege, vt quo-
tidie ab eo decem auri pondo, & seruū cum equo acciperet. Damascus his
temporibus, Saracenorum Imperij sedes & caput erat. Verū, in tanta felici-
tate, orta sunt inter eos dissidia ob religionem, ex Mahometis rescriptorum
varietate & repugnantia. Persæ namque, vt diximus, Saraceni facti, longè di-
uersa ab iis, qui in Syria erant, Homaris Alcoranum sequentibus, dogmata
habebant. Quamobrem Muauias, exercitu in Persidem ducto, sectam illam
depressit, & suam, quæ in Syria vigeat, extulit: constituitque, vt suæ sectæ
militibus ducenti denarii in singulos dies numerarentur, Persis verò solum
triginta. Deinde Ciliciæ fines ingressus, totam ferro flammaque vastauit.
Cumque Damascum rediisset, Sapor, locorum, quæ adhuc Romanum impe-
rium in Perside agnoscebant, Prætor, qui ab Imperatore defecerat, Sergium
equitum magistrum ad eum misit rogatum, vt se ad Cōstantinopolitanum
Imperium occupandum iuaret: quo, hæc cum eo tractante, venit pariter ad
Muauiam, Andreas Cæsaris minister, magna & ampla dona promittens, si
Saporis rebus non fauisset. quibus Muauias respondit, se illi auxilio futurum,
qui plus dedisset, atque sic Sergio maiora dante, fœdus cū eo percussit. Andreas
verò discedens, Sergium in Persidem redeuntem, insidiis structis, cepit, & in
crucem sustulit, eo, cui fides data erat, sublato: Muauiam retentis muneribus
se promissis solutum euallaturum sperans: sed maior fuit in Barbaro fides,
quàm Græcum ingenium capere posset. Muauias enim fidem sine fūco ser-
uare volens, Arabicas copias Fadala duce Saporis auxilio misit: eoque, equi
casu mortuo, Fadale supplementum, Iazido filio suo duco, quod cœptum bel-
lum sustinere posset, dedit: quibus copiis Chalcedon valde afflicta fuit, & Ar-
maria Phrygiæ ciuitas capta: ac quinque millium Saracenorum præsidio im-
posito, quia hyems instabat, in Syriam cum exercitu redierunt. Interea Cæ-
sar, quanuis hyems iam adesset, omniaque niuibz tecta forent, Andream cum
parua manu ad præsidium illud pellendum, & Armariam recuperandam mi-
sit. Proinde Græci, scalis repente ad mœnia applicatis, absque vllō impedi-
mento in ciuitatem irruerunt, & Saracenos, qui nihil tale suspicantes, cū
ingens esset frigus, domibus inclusi erant, vt tot clades ab illis acceptas vlci-
cerentur, omnes contrucidarunt. Inter hæc, Constans in Italiam ex Græcia
Romam profectus est, lectissimum viginti millium equitum secum trahens
exercitum, quibus Suburrum Neapolitanum præfecit. Erat ei tum animus,
vt ipse iactabat, imperij sedem iterum transferendi ad veterem Romam. Aie-
bat namque, magis matres, quàm filias honorandas. Ipse urbem ingressus, à
Pontifice admodum honorifice atque amanter exceptus est. Constans, quinque
diebus in perlustranda vrbe consumptis, ubi omnia diligenter circumspexit,
ad prædam conuersus, primum laminas argenteas, quibus Pantheon tege-
batur, & alia pretiosa, reliquias hostilium prædarum atque incendiorum, su-
stulit: Deinde quicquid antiqui operis fuit ex ære, aut marmore, & quicquid
oculos delectare potuit, sublato, & in naues delatum, Neapolim, indeque
Syracusas in Siciliam transmisit; adeo vt plus ornamentorum septem dierum
spatio, quàm tot Barbaræ gentes ducentorum quinquaginta octo annorum,
(tot enim à Romani Imperij prima declinatione intercesserāt) vrbi detraxerit.

Hac

*Constans
Romam in-
greditur,
eamque di-
ripit.*

Hac itaque sic spoliata, Cæsar duodena die Roma digressus, Neapolim primo, atque inde in Siciliam traiecit, commoraturus Syracusis, quoad tributum Italiæ urbibus & insulis imperatum (quod tam avarè & crudeliter exactum fuit, ut multi fortunis simul, & coniugibus ac liberis spoliarentur) exigere-
 tur. Dum hinc molliter & libidinosè vitam agit, ac in balneis se lauat, à suis ministris, auctore Mazese interficitur, digna scelerum suorum ultione, ubi regnasset annos septem & viginti, relictis tribus filiis superstitibus, Constantino, quem Byzantio discedens, Imperij hæredem designarat, Heraclio, & Tiberio. Sed Cōstantinus postea, minores fratres crudeliter necavit, veritus, ne quandoque sibi imperanti officerent. A quibusdam literis proditum est, Constantem, cum iam sexennium in Sicilia fuisset, hinc haud abire potuisse ob conspirationem domesticorum in ipsum factam. Et ideo cum lauaret, in parte capitis periculo obnoxia, percussus esse vase, quo calida aqua hauriebatur, atque ita extinctum. Hoc autem interempto, Annenium quendam Myziliū, quem alij Magnentium, alij Mexentium vocant, virum & corporis proceritate, & pulchritudine insignem, qui bello Persico honestissimum ordinem duxerat, à militibus Imperatorem creatum; sed brevī post, fuisse oppressum, ac socios facinoris in vincula coniectos, & Byzantium, unā cum tyranni capite deportatos. Cōstāte, ut diximus, violenta nece sublato, Constantinus IIII. Barbatus, seu Pogonatus cognomēto, in Imperio successit, qui cœperat regnare cum patre, cum ante Italicam expeditionē, ipsum Imperij consortem fecisset, & coronari iussisset. Regnavit annos decem, & fuit multò felicior patre, tametsi arma Saracena illius Imperium per 7. & amplius annos atrociter diuexarint, nec exigua detrimenta & clades intulerint. Hi enim ab initio, Constantini cæde divulgata, classem occultè compararunt, Thraciam, & Græciam, si quid Byzantij tumultuatum esset, inuasuri. Verū quia pacata ibi erant omnia, in Siciliam, Romanorum tunc & totius Italiæ spoliis refertam, impetu facto, Syracusas, omni tunc præsidio destitutas, repentina vi ceperunt. Cumque ibi, ob Italiæ propinquitatem tutò esse non possent, Romanæ urbis ornamentis, omniq; Syracusana gaza navibus imposita, opima præda onusti, Ægyptum repetunt. Non defunt tamen, qui tradant, ipsum Constantinum, patris cæde audita, in Siciliam navigasse, ut in illius auctores animadverteret, & spolia inde Byzantium retulisse. Post, alius Saracenorum ingens exercitus Africam ingressus, incredibili successu omnē maritimam oram (nam Mediterraneorum magnam partem possidebant) octingentis mortalium millibus in servitutem abductis, populatus est: ab alia parte Muauias maximum exercitum Muamado & Caise ducibus emisit: qui Lydiam, & Ciliciam Romanorum Prouincias subegit. Ac paulò post, ut Byzantium oppugnare posset, huic alium Sæuo duce submisit: quo priori coniuncto, Byzantium ambo petunt, obsidioneque cingunt, anno videlicet 675.. His classem etiam ingentem addidit, quæ ab Hebdomi occiduo promontorio, ad Cyglobium omnia cingebat: ac sæpius oppugnatione tentata, irritus illorum conatus fuit. Duravit hæc obsidio à mēse Aprilis ad Septembrem vsq;. Inde Cyzico vrbe capta, cō in hyberna cōcesserunt. Vere deinde in-
 eunte, rursus in aciem prodeunt: sicque multis illatis & acceptis cladibus, bellum hoc circa Byzantium in septimum annum productum. Tandem verò

Constantij
cades.

Annenium.

Constantinus
IIII.

Syracusa ca-
pta à Sara-
cenis.

Saracenorum
excursiones.

Byzantium
frustra à Sa-
racenis obsi-
detur.

Christianorum rebus prosperè succedentibus, multis militibus atque etiam nauibus amissis, deiectione animo illinc recedebant, cum tanta eos tempestas in mari corripuit, (erat enim hyems,) ut nauibus ad Chium Ægæi maris insulam fractis, magna illorum pars submersa perierit. fortuna tunc mirum in modum Christianorum rebus fauente. Paulò post, Constantinus x. sui Imperij anno cum Susia, Muauia nepote, prælio in Asia feliciter commisso, & trecentis Sarracenorum millibus in eo cæsis, eos sibi vectigales fecit: fœdere cum eis per Iohannem Pizigaudam patricium, quem ad hoc in Arabiam ad Muauiam Constantinus misit, in triginta annos his legibus icto, ut Romanorum Imperatori quotannis auri podo ter mille, octonos seruos, totidemq; præstantissimos equos tributi nomine darent: & præterea ex captiuis Christianis, qui apud eos erant, quinquaginta, quos Cæsar petiuisset, libertate donarent. Fuerunt autem & alia, quæ Saracenos ad hoc fœdus impulsere. Nam his cladibus in Syria cognitis, quidam Saracenarum nauium præfectus, Calinicus nomine, animo ex illorum aduersis rebus sumpto, naues omnes quæ ibierant, incendit, & post, Byzantium confugit. Et in Ægypto quoque eadem fortuna res illorum afflixit. Pestilentia enim tantoperè ibi tunc sauiit, ut Saracenorum genus in ea Prouincia penè extinctum fuerit. His autem successibus visa est nonnihil Romani Imperij maiestas reuirescere. Quod si Cæsari non magis præsens ocium, quàm diuturna Reip. tranquillitas, quæ tamen nulla ratione diuturnior tutiorque cum Barbaris, quàm perfecta victoria paratur, tunc cordi fuisset, Saracenorum vires tunc mirum in modum fractæ & conquassatæ, penitus opprimi ac deleri potuissent. Cæterum ea occasione tunc temporis neglecta, postmodum effectum est, ut eadem gēs Romanum Imperium haud rarò in summum discrimen adduxerit.

Saraceni sunt tributarij Romanorum.

Hæc pax in-
cidit in an-
num 679.

Muauia obi-
it.

Iezidus.

Mutar Per-
sarum impe-
rium occu-
pat.

Hocemus
Alis F. ab
Abdalamo
interficiunt.

Dum hæc ita geruntur, Muauias breui ab hoc spatio interiecto, Damasci, ubi sedem habuerat, extremum diem clausit, ibidemque sepultus fuit. Vixit annos LXXVII. Regnavit XXXIII. vir maximè bellicosus, & in rebus gerendis prudens. sigillum gestabat cum hoc Symbolo: O DEVS, IGNOSCE MIHI. Eo defuncto, statim Iezidus eius filius, Pontifex & Rex fuit salutaris, qui nihil admodum memoratu dignum gessit. Erat enim ocio & luxui deditus, nec corpore satis firmitate: nisi quod multos ex Arabum nobilitate interfecit: sororem suam libidinose adamauit, & literis atque poëtica delectabatur, multaque carmina faciebat, legis Mahometicæ, & cuiusvis religionis maximus contemptor. Hoc regnante, Mutar, quem ipse Persidi Prouinciæ præfecerat, eius ignauia cognita, se vatem esse prædicans, tyrannidem in ea inuasit, ab eoque Persarum Reges, qui hodie Sophi vocantur, originem duxisse dicuntur. Iezidi Symbolum fuit: DEVS EST MEVS DOMINVS. Regnavit annos tres. Obiit autem Arrani, ætatis suæ anno XL. cum paulò antè Cufæ ciues, Hocemum Alis filium, Pôtificem creaturi vocassent, quem Abdalamus, Iezidi filius, in Carbalensibus campis propè Cufam insidiis oppressum interemit: ibiq; sepultus fuit: in cuius rei memoriam, ad eius sepulchrum vrbs postea fuit condita Carbala, de campi, in quo est, nomine appellata. Hocemus duodecim filios mares reliquit. Ex his, postremum, nomine Muamedem Mahadinum, Persæ nondum obiisse narrat, quem equo insidentem, ad legem cunctis gentibus declarandam veturum, & omnes gentes conuer-

conuerfurum. Id autem in Maſſadale vrbe, vbi Alis aui eius corpus iacet, inchoaturum aiunt: Ideoque ſemper ibi equum pro illo paratum habet, quem cum ſacra fiunt, facibus accenſis ad templum deducunt, & quodam anni die apud eos ſolenni, hunc equum quanta maxima poſſunt pompa ad templum, in quo Ales ſepultus iacet, ferunt, rogantes eum vt hunc ſuum nepotē, quem ipſi expectant, quā citiſſimē mittat. Is dies magno vndique mortalium concurſu celebratur. Itaque Hocemo interfecto, & Iazide mortuo, Marua-

Maruanus
creatus Pont.
ab Abdala-
mo deſur-
batur.

Abdimelicus
deuictis a-
mulis, Ponti-
ficem aſſen-
quitur.

nus quidam Pontificatum eſt adeptus, qui non plus quā nouem meſes regnauit, quoniam Abdalamus, Iazidi filius, cum regno expulit, eoq; annum vnum ipſe potius eſt, quo tempore Arabes, concilio in Cuſa interiori Arabiæ vrbe habito, Abdimelicum Pontificem crearunt, etiam tum iuuenem, aduerſus quem motus etiam excitauit quidam alius nomine Dadacus, quem breui poſt cum ſua factione deleuit, pariſque ſucceſſu Abdalamus à Ciaſa ipſius Abdimelici cōſanguineo deuictus eſt, adeo vt victor Damascū veniret. Non tamen diu ea lætitia frui potuit, quia & ſæua lues graſſari cœpit, quæ Saracenicam gentem fermē ad internecionem vſque deleuit: cui malo acceſſit dira etiam in omnibus ſuis regionibus fames. Et Mardaitæ monte Libano iterum occupato, fines ſuos Hieroſolymam vſque promouerant, & Perſidis à Mutare occupatæ res animum eius ſupramodum angebant. Quibus aduerſæ fortunæ fluctibus agitat, Abdimelicus, per legatos à Iuſtiniano, qui tunc annos natus XII. ſiue vt aliis placet XVI. Imperium erat adeptus, pacis, quam Muauias cum Conſtantino pepigerat, confirmationē rogans, vt Mardaitæ Libano amouerentur, petiit: quod ſi fieret, ſe Romanis quotidie decem auri pondo, ſeruum & equum eximia pulchritudinis tributū nomine datum pollicebatur. Quibus conditionibus pacis, Iuſtinianus aſſenſus eſt, licet illas breui poſt violaret. Hic Iuſtinianus iunior, quem alij Iuſtinum tertium vocant, à patre Cæſar creatus, illi in imperio ſucceſſit, anno recuperatæ ſalutis D. C. LXXVIII. fuitque vltimus ex ſtirpe Heraclij, in quo eius deſecit progenies, quæ Imperium tenuit continuum annis LXXXVII.

Peſtis & fa-
mes inuadit
Saracenos.

Pax inter Iu-
ſtinianum &
Abdimelicū.

Deſectio ſtir-
pis Heraclij.

Proximē narrauiſus, Abdimelicum, miſſa legatione ad Iuſtinianum, pacem certis quibuſdam conditionibus impetraſſe. Quod autem facilius Cæſar poſſet Mardaitas, qui iam non vltra XII. millia erant, Libano monte amouere, Abdimelicus mediam Cypri, Armeniæ, & Iberiæ annuorum tributorum partem ei conceſſit. His igitur rebus ex ſententia conſectis, & Mardaitarum ferociſſimorum hominum metu liberatus, quos Imperator, Leontio duce, proſtigauit, eiufque opera Iberiam, Alaniam, & nonnullas alias Prouincias his finitimas recepit, Abdimelicus Ciaſam, cuius ſuprà mentionem fecimus, aduerſus Mutarem, qui ſub religionis ſpecie tyrannidem in Perſia occupaue- rat, cum magnis copiis ablegauit: quæ expeditio infelicem & ipſa exitum ſortita eſt: quoniam Mutarus cum exercitu occurrens, illum fregit ac fudit: vnde maiorem ſibi, quā antea, exiſtimationem comparauit. Abdimelicus, vtq; ex propinquiore loco Perſicas res ſpectaret, in Meſopotamiā trāſiit, vbi ruruſus multis calamitatibus iactatus fuit. Siquidem Iuſtinianus, Sclauis partim deditione acceptis, partim armis domitis, delectis ex ea gente iuuenum fortiſſimorum circiter triginta millibus, Legiones conſcripſerat, quibus fretus, prætextu ex eo ſumpto, quod moneta annui tributū, non Romanum ſi-

Mutari vi-
ctoria contra
Abdimelicū.

Iustinianus
fœdere vio-
lato bellum
inseti Sa-
racenis.

Mutar-
cades.

Persia sub-
iicitur ab Ab-
dimelico.

Insignis Ro-
manorū cla-
des propter
fœdus vio-
latum.

Armenia
Saracenis
deditur.

Thracia de-
vastatur à
Saracenis.

Iustinianus
à Leontio
exstitit Prin-
cipem.

gnum, sed nouum Arabicum haberet, (haud enim licebat aureo numino aliud signum, quàm Imperatoris imaginem imprimere) fœdus violauit, & Leontio cum his nouis legionibus in Asiam missò, Iberiam, Albaniam, Ircaniam, & Mediam, quæ regiones Saracenorum parebant Imperio, subegit. Eodem tempore, Saidus quidam seditionem contra Abdimelicum excitauit: aduersus quem cum exercitu profectus Abdimelicus, ita eum terruit, vt supplex veniã peteret, cui Abdimelicus simulans cōdonauit, sed paulò post, clam interfici iussit. Excitatus etiam est hoc ipso tempore, inter Saracenos & alius tyrannus, nomine Abdala Zubir, qui Musubum fratrem contra Mutarum in Persiam misit: ab eoque Mutarus & victus & trucidatus fuit: sed eius victoriæ fructu frui non potuit. Abdimelicus enim totis viribus in eum collectis, prælio victum cum exercitu deleuit, ac inde in Persidem profectus, totam illam Prouinciam subegit, quo successu territus Abdala Zubir, Meccam confugit, ad quem persequendum Abdimelicus, Cagianum cum magno exercitu destinauit, qui, Mecca expugnata, Zubirum interemit, & antiquissimum eius vrbs idolum cum templo incendit: & sic Abdimelicus, Perside recepta, & æmulis extinctis, solusque Saracenicarum rerum potitus, cum sapius Romanum Imperatorem frustra obtestatus esset, ne fœdus frangeret, vires aduersus Græcos, bellum contra iura omnia humana atque diuina inferentes, Muamate duce conuertit, quibus apud Sebastopolim inuentis, fœderis tabulas, & scriptas pacis conditiones, instar vexilli hactæ appendit: ac Deum, cuius illę numine interposito confirmatæ erant, vindicem implorans, acie instructa, in eos impressionem facit: Sclauis tamen prius pecunia corruptis, quorum statim, vbi prælium est initum, circiter xx. millia ad Saracenos defecerunt, quæ res ita Græcos perculit, vt nullo labore fusi fuerint, quos illi persecuti, ferè omnes ceciderunt: & Imperator Iustinianus, nam & ipse huic prælio interfuit, turpi fuga cum paucis conseruatus, vbi ad Leucapem peruenit, reliquias Sclauicæ illius & nouæ militiæ omnes trucidari, & cadauera in mare præcipitari iussit. Vnde Saraceni post, impune non modò sua recuperarunt, verum etiam reliquas Romanas Prouincias inuasert, & Sabatius patricius, Armeniæ prætor, Romanorum clade cognita, ad eos se contulit, eisque Armeniam tradidit: neque illi Orientem vniuersum vastare, & Christianos in seruitutem abducere desierunt. Nam etiam illa Persidis pars, quæ adhuc Romanum agnoscebat Imperium, à Cagiano subacta fuit: & Muamates cum Sclauis, qui ad eum transfugerant, Thraciam Prouinciam ingressus, eam ferro & flamma deuastauit: Romano Imperio interea ciuilibus discordiis atque intestinis odiis ita dilacerato, vt nemo illorum audaciam reprimere posset. Leontius enim patricius, quem Iustinianus ob suspicionem affectati Imperij, in vincula coniici iusserat, inde post biennium, amicorum & clientum ope, extractus, ipso Iustiniano, cum iam annos decem imperasset, amputatis naribus, in Chersonem insulam relegato, Imperium occupauerat: statimque Iohannem Patricium cum classe ad Saracenorum Africanorum, qui ex Mediterraneis, quæ illis ex fœdere ad inhabitandum erant concessa, denuò maritimam oram inuasert, vim inhibendâ miserat, qui Saracenos acie victos, Romanorum finibus expulerat: sed cum opes illorum in Syria rotoque Oriente formidolosæ essent, & maio-
res co-

res copias iis qui in Africa degebant, Saracenis ab Abdimelico auxilia sub-
 mitti crebris rumoribus nunciaretur, Iohannes se nimis paruum exercitum
 ad eam Prouinciam tutandam habere ratus, Byzantium, vt nouas à Leontio
 in supplementum copias acciperet, exercitu in Africa relicto, adnauigauit.
 Sed dum hæc nimis lentè à Leontio comparantur, Abdimelicus, suorum,
 qui in Africa erant, statu cognito, iacturamque iniquo animo ferens, classẽ
 ingentem mittit ad Prouinciam recipiendam: cui cùm Romana classis lon-
 gè impar esset, illinc recessit: cumque in Cretam peruenisset classis, Principes
 partim turpe rati, Africa amissa, & hostibus concessa, reuerti, partim ira in
 Imperatorem, qui tam segniter bellicas res tractaret, commoti, classarios ad
 defectionem concitant, vtque Absimarum, quem & Tiberium nominaue-
 runt, Imperatorem saluent, suadet. Is cum copiis Byzantium confestim pro-
 fectus, Leontium imparatum offendens, statim vrbe potitus est, & Leontium
 truncis naribus in vincula coniecit, cùm iam triennio regnasset. Saraceni ve-
 rò Africam totam, Romanis vndique præsiidiis pulsus, occuparunt, quod qui-
 dein incidit in annum septingentesimum sextum. Erant autem qui tunc
 Africæ maritima loca tenebant, magna ex parte Gothici generis. Tiberius,
 simul atque Imperium adeptus est, Heraclium fratrem suum cum maximis
 copiis in Asiam cõtra Saracenos ablegauit, qui in Syriã irrumpens, Sainosata
 vsque progressus est, finitimaque loca omnia populatus, circa ter ducenta
 millia illorum cecidit, captiuisque plurimis & ingenti præda parua, magnum
 eis terrorem iniecit: Eodem tempore, Armeniæ principes, Saracenos omnes,
 in Armenia degentes, per seditionem interemerunt, & legatis ad Absima-
 rum missis, Romanos denuò in Prouinciã receperunt: quam Muamates
 magnis copiis adortus, iterum Saracenicò subiecit Imperio, ac Principes po-
 puli viuos cremauit: dein Ciliciam quoque inuasit, totam eam deuastans: non
 tamen sine maximo suo detrimento. Siquidem Heraclius cum eo congressus,
 permagnam eius exercitus partem deleuit, cæteris capuis, quos Byzantium
 ad Imperatorem victos misit: quo quidem tempore, obiit Abdimelicus re-
 gni sui anno xxii. ei que Vlitus Abedramonis filius in Pontificatu successit,
 Miralmuminus & ipse appellatus, Anno Sal. Christianæ dccviii. quo im-
 perante, Armenia, iterum Saracenis pulsus, sub Romanorũ rediit Imperium:
 & Arabes, in Romanas Prouincias irruptione facta, Mistrã urbẽ cum mul-
 tis castellis ceperunt, atque opima præda onusti, domum redierunt. Deinde
 rursus Abatio duce in Galatiam irruerunt, eamque totam depredati sunt.
 Circa hæc tempora, Iustinianus ex Cherfoneo, frustratis custodibus elapsus,
 ope atque armis Trebellij Bulgarorum Regis, ad quem confugerat, in Impe-
 rium, ceu postliminio restituitur, statimque Heracleum Apimari fratrem,
 cum plerisque aliis ex sublimi ligno propè incenia, magna ciuium multitu-
 dine interfecta, suspendi iussit. Ipsum autem Absimarum Apolloniada su-
 gientem, exque itinere retractum, in vincula coniecit, breuique post, & ipsum,
 qui septennio iam regnauerat, & Leontium, e carcere eductos, per forum &
 theatrum simul iunctos, rapi ab equis, atque ad eius pedes detractos, cum
 ceruicibus pressis calcaasset, in Cynegepio, spectante populo capita præcidi, &
 Callinico Patriarche oculos effodi imperauit. Ipse tandem, postquam denuò
 summæ rerum ad sexennium præfuisset, propter intolerabilem eius tyranni-
 dem

Leontius à
Tiberio in
vincula con-
iicitur.
Saraceni A-
fricam potius-
ant.

Maxima Sa-
racenorum
clades in
Asia.

Saraceni tri-
cidantur in
Armenia,
que iterum
ab iisdem
subiicitur.

Mors Abdi-
melici.
Vlitus crea-
tur Pontif.

Armenia
rursus Rom.
imperio sub-
iicitur.
Saracenorum
excursiones.

Iustinianus
recuperat
imperium.

Eiusdem in
hostes cru-
delitas.

Cæsar. dem atque sæuitiam exercitu ab ipso ad Philippicum Bardanem, quem communibus suffragiis Cæsarem renuntiavit, deficiente, ab Helia copiarum præfecto, cuius liberos paulò antè in ipso matris sinu interfici mandarat, iugulatus est, simulque eius filius Tiberius abstractus ab ara, crudelissimè trucidatus. Philippicus Bardanes rexit Imperium annos duos; deleuit imagines in templis; sextę Synodi decreta oppugnavit, & Monotheletas rursus defendit. Princeps ad res gerendas prorsus ineptus & vecors, adeoque prodigus, ut magnam pecuniarum vim ab Imperatoribus cumulatam, temerè in nullius rei usum breui cōsumpserit, ut si diutius regnasset, omnium fuisset factus egen-
Philippicus Bardanes. tissimus. Sub eo Bulgarifactis incursionibus per totam Thraciam usque ad ipsam urbem, cum ingenti præda & captiuis ablatis, ad sua redierunt. Hic tandem Arthemij secretarij consilijs, oculis priuatus, in vincula coniectus est, & in eius locum subrogatus Arthemius dictus Anastasius secundus, qui præfuit annum vnum & tres menses, vir eximia quadam eruditione præditus, at in bello parum fortunatus. Quandoquidem à Theodosio victus in prælio iuxta Niceam Bithyniæ caput, ab eo imperatoriis fascibus exiit, & Byzantio proditione occupato, ipsum sacris initiari iussit, ne amplius de imperio cogitaret. Theodosius cognomento Adramittenus, seu Adromit-
Theodosius. themus, imperio potius non amplius vno anno, illud volens atque vtrò cessit Leoni Isauro, de quo mox dicetur, enarratis prius nonnullis rebus paulò ante hoc tempus per Saracenos gestis. Hi enim, adhuc regnante Iustiniano post exilium, multò maiore quam vnquam antea apparatu ex Ægypto profecti, vniuersam Libyam ad Oceanum usque occuparunt, eique Vlitus Pontifex, Mucam summa cum potestate, Admirantem dictum, præfecit, anno scilicet reparatæ salutis DCC. XII. quo tempore Imperij finibus in Africa ad ipsum Oceanum promotis, primum, Roderico Visigotho ibi regnante, intulerunt pedem in Hispania, simulque Tarraconensem, Beticam, & Lusitaniam; ferro & flamma populati sunt. Et licet Rodericus maximo exercitu collecto, Ignicum patruelem suum contra hos miserit, is tamen sapius infelicitè cum illis congressus, tandem etiam cum suis omnibus deletus fuit. Saraceni verò quorū dux erat Tarifes, magna populatione facta, præda onusti, ingentemque mortalium multitudinem in seruitutem abducentes, in Africam redierunt. Quo tempore Vlitus in Asia, dum se ad bellum Constantinopolitanum parat, extremum diem clausit: & post illum factus est Pontifex Zulciminus; Abdimelici filius, quo regnante, Saraceni, ut mox dicetur, Byzantium secundo obsederunt. Statim enim ubi Pontificatum est adeptus, Malsamam cum terrestribus copiis, & Aumarem cum nauali classe, Byzantium versus amandauit. Ipseque cum maiori exercitu subsequutus est: sed hunc tam validū conatum aliquantisper repressit Leo, Armeniæ Prætor: quem, dum ipsi fallere nitantur, ab eo decepti fuerunt, qui, locis opportunis occupatis, eos transire non est passus. Hic prius rexerat Alanos. Postea ab Arthemio aduersus Saracenos missus, cum audiuisset contra Arthemium factum Imperatorem Theodosium, ipse tanquam defensurus Arthemium, redit Nicomediam, & capto filio Theodosij, paciscitur cum patre, ut Imperio cedat. Ita Leo Isaurus sibi duces & exercitus omnes iurare iubet. De ipso autem, eiusque rebus gestis mox dicetur, si prius hæc pauca obiter subiciero, nempe sub hoc Theodosio,

dofio, Tyberim fluuium, alueum suum egressum, vsque ad pontem Miluiū à Vaticano aquas emisisse, magnamque vrbi cladem intulisse, ac eam inundationem septem diebus non sine horrendo metu, cum fœda domorum & animalium strage, perdurasse. Ad hæc subsecuta sunt nonnulla alia prodigia cælestia. siquidem Luna per eos dies obtenebrata est à prima ad tertiam vigiliam noctis sanguineo colore suffusa. Apparuit & crinita stella terrifico aspectu, cauda ad Arctum obuersa.

Tyberis ex-
undatio.

Prodigia.

Leo tertius hoc nomine, Isaurus Conon antea nominatus, post Theodosium, anno Christianę salutis sepringentesimo decimo octauo ad Romanum Imperium euectus est. Hoc imperante, Italia, cæteraque Imperij loca multis cladibus grauissimè afflicta sunt, primoque huius principatus anno, Athinūs, & Amorreus Saracenorum duces, citeriorem Hispaniam inuaserunt, eo quidem successu, vt victo paulò antè Roderico, vt diximus, paulatim, vtque nonnulli tradunt, quatuordecim mensium spacio, subacta fuerit vniuersa Hispania, quod quidem illis facile fuit factu, populo præsertim armis & ducibus exuto, necnon Iuliano primū, deinde Opasio, Egicę regis filio, Sibilie Metropolitano populos ad deditionem cohortante, ac ipsis, & religionē, & iura omnia, quibus antea fruebatur, integra fore promittente. quod tamen in paucis quibusdam locis seruabatur, vt Valentie, Sibilie, ac Toleti, in quibus templa quædam reliquerunt Christianis inhabitanda. Post has victorias quotidie Saracenorum numerus in Hispania creuit, adeo vt non solum religionē Hispani tunc mutauerint, & mores, sed & linguā corruperint, & vrbium, oppidorum, mōrium, fluminum, aliorumque locorum omnium nomina maiori ex parte sint mutata. Rebus Hispanicis hoc pacto sese habentibus, in Oriēte Saraceni apparatus, quem superioribus annis ad Constantinopolis oppugnationem fecerant, irritum fuisse ægrè ferentes, & Leonem, cuius opera conatus ipsorum repulsus fuerat, imperium adeptum esse audientes, ingentibus copiis collectis, denuò eandem expeditionem bipartito aggressi sunt. Malsamas quidem, siue vt alij appellant, Masaldas, Legatus, Abydo cum magnis copiis in Thraciam transuectus, haud mediocrem eius prouincię partem populatus est: impetuque in urbem regiam facto, ad Occidentalem eius partem, vbi Isthmus est, prope mœnia castra posuit, atque ab ea parte ipse urbem oppugnauit. Zulciminus autem Pōtifex, è mari cum trium millium, vt multi tradunt, siue, vt aliis videtur, trecentarum nauium classe. His viribus Saraceni instructi, Byzantium terra marique arctissima obsidione cinxerunt, & prior quidem, oppugnationem cuniculis, turribus, omni que machinarum genere tentabat: Alter verò, non minori studio ac diligentia instabat operi, & pontibus naualibus in altum sublati, tormētis item iis, quæ illa tempestate in vsu erant, oppugnationem vrgebat. Sed tanta erat propugnatorum vigilātia & virtus, vt omnes illorum conatus omni ex parte inanes atque irriti redderentur. Itaque ad diuturnam obsidionem cōuersi sunt: verum interea, Zulciminio hīc defuncto, Saraceni in nouo Pontifice eligendo, variis seditionibus iactati sunt, atque ob id oppugnatio aliquandiu intermissa. Tandem verò Aumar Abdimazidi filius, in demortui locum Pontifex creatur, anno D CC. XXI. quo quidem hyems tam læua extitit, vt non modò flumina, sed Pontus & Bosphorus ipse Thracius, glacie obductus fuerit,

Leo Isaurus.

Hispania sub-
iicitur à Sa-
racenis.

Byzantinus
denuò à Sa-
racenis fr-
stra obside-
tur.

Zulciminus
Pontifex Sa-
racenorum.

Eiusdem
obitus.

Aumar Pon-
tifex Sara-
cenorum.

Ignis aris-
talis, quo
naues in-
cenduntur.

rit, adeò vt tam hominibus, quàm plaustris onustus, bobus atque iumentis esset permeabilis. Quamuis autem commeatus assidue ex Ægypto in castra veheretur, tamen quia ingens erat hominum & iumentorum multitudo, & frigus immensum, magna illorum pars fame, frigore, ac morbo periit. & ingens illorum manus, quæ prædæ cupiditate è castris, in Bulgariæ fines irruerat, à Bulgaris, qui in eam populabundi impressione facta, magnam stragem ediderunt, oppressa fuit, vbi ad duo & triginta millia cæsa fuisse à nonnullis traditum est. Et Leo Imperator artificio quodam ignis per speculum, vt olim Archimedes Syracusanus faciebat, cuiusmodi speculum & Alexandria Ægyptiacæ in Pharea turri fuisse perhibent, quo incolæ Solis radiis obuerso, hostium naues, vel longè venientes, comburebant, in hostilem classem ei aculandi, quo vel mare ipsum circa naues arderet, ab architecto quodam inuento (Zonaras tradit huius fluxilis ignis, & qui in aquis arderet, humectum appellatum, auctorem fuisse Fabrum Callinicum, qui aliquot ante annis ex Syria Byzantium venerat) & classem illorum ita afflixit, vt paucae superfuerint naues, quæ à Græcis concrematae, aut captæ non fuerint, ipsis præfectis, illius ignis metu sese spontè deditibus, & in Græcorum manus confugientibus. Interea verò, cum Mucas & Tarifes, qui Hispaniam subegerant, Aumaro suspecti essent redditi, ambo ad nouum Pontificem salutandum, & suspicionis causas remouendas venerant: vbi Tarifes Mucam peculatus in Hispanicarum rerum administratione accusauit atque redarguit; cuius criminis damnatus, in cerore confectus obiit: in cuius locum Aumar Gizidum Africae præposuit. Tarifem verò toti Hispaniæ. Itaque Gizidus trecentarum & sexaginta nauium classe instructa, cum supplemento legionum & commeatu Byzantium versus iter direxit: sed ignis illius, quo Byzantini naues consumeabant, nuntio in itinere accepto, ad Bithyniæ littora prædabundus substitit: vbi Romanæ legiones, quæ in præsidiis erant, eos aggressæ, multos occiderunt, ac territos repulerunt. Et nihilominus terrestris exercitus oppugnationem vrbs non intermittebat, & si tanta fame premeretur, vt nullius animantis cadaueribus abstinere: quin & sterces exsiccatum comedebant, & humanis quoque carnibus manus ad mouisse perhibetur: tanta Barbarorum animos Regiæ vrbs capiendæ cupiditas inflammauerat. Nec tamè minus interea Byzantij laboratum fuerat, qua in vrbe ad cccc. hominum millia diro contagio absumpta esse dicuntur. Sed Aumar tot tantarumque cladum nuntiis territus, literis ad Malsamam datis, vt exercitum reduceret, imperauit. Malsamas exercitu nauibus quæ superfuerant, imposito, discessit. At mox vehementi tempestate exorta, omnes, decem tantum nauibus exceptis, perierunt, quarum quinque à Romanis captæ sunt, reliquæ cladis nuntia domum rediere.

Aumaro defuncto successit Gizidus, qui Persiam subegit.

Euelitus successit patri.

Non multò post, in Oriente Aumaro Califa defuncto, successit anno fatalis MCCXXII. Gizidus, Abdimelici filius, quo imperante, excitatus est in Perside alius Califa Gizidus, & ipse Moalabs appellatus, contra quem missus fuit cum magno exercitu Masalinicus, qui eum proelio vicit, Persidemque subegit, & sic Gizidus, Abdimelici filius, solus Saracenorum omnium Califa mansit, qui, cum tres annos regnasset, in fata concessit, & post, Euelitus eius filius, Califa renuntiatus est, qui magnis viribus Romanas Prouincias in Asia

Asia atque Europa inuasit: sed nulla re memorabili gesta, se ad ocium & voluptates conuertit: Verùm tamen iterum secundo imperij sui anno Malsam cum exercitu in Cappadociam misit, à quo Cæsarea vrbs expugnata fuit, & ab altera parte Euclitum in Thraciâ, eaque deuastata & direpta, in Syriam remigrauit. Hoc tempore prope Asiæ minoris littora, terra in fundo maris ita arsit, vt primò fumus ex eo incendio, deinde tanta pumicum accensorum copia extitit, vt monticuli in mari nati viderentur, quibus pumicibus omnia Asiæ minoris, Lesbî, Abydi, & Macedoniæ littora repleta sunt, mareq; ipsum iis stratum esse videbatur: quin etiam traditur, tunc insula quædam prope Sacram insulam nata esse. Iisdem fermè diebus, Nicæa Bithyniæ vrbs, à Saracenis, quorum dicuntur fuisse xc. millia, ductu & auspiciis Muatiæ & Ameri, Christianis fortissimè propugnantibus, & illos semper magna cum cæde repellentibus, frustra obsessa & oppugnata fuit. Postmodum Gazariæ Princeps, Cacani Bulgarorum Regis filius, Saracenis in Armeniæ finibus bellum intulit: & Gradaco Armeniæ ac Mediæ Prætor Saraceno, prælio deuictò, ac trucidato, duas illas Prouincias rursus Romano Imperio subiecit. Anno dccxxx. Malsamas cum ingentibus copiis Caucasia claustra ingressus, cum Turcis, qui & Vnni Teutazitæ, id est, gentiles tunc vocabantur, intra eos montes degentibus, ferocissimis populis, cruento vtrinque prælio per integrum diem dimicauit, donec tandem nox victoria adhuc incerta eos diremit. Sed Malsamas in Armeniam (iam enim cum Cacani filio pacem inierat) se recepit. Circa idem ferè tempus, nempe decimo à victis Hispanis anno, qui fuit salutis septingentesimus tricesimus, vel iuxta alios xxi. Abderama, quem alij Abiditatum, siue Abdimarum vocant, Saracenorû Africanorum dux, in Galliam duxit ingentem multitudinem Saracenorum. Hunc Eudo Westgotus, Aquitaniæ dux, suis viribus diffusus, opera Mugnocis sui generi, qui multa apud Saracenos gratia pollebat, contra Francos attraxerat. Iamq; Burdegalam Saraceni vi captam diripuerant, & omnes ad vnum in ea, etiam mulieres cum paruis infantibus cæsi, nec non templa solo æquata. Dein per Pythagorum fines vltra Garumnam fluuium in Sanctones excurrerunt, atq; Angolismum, Blaifumque euerterunt. Inde per Lemouices & Pictauos in Turones deflexere, vbi Martini templum donariis opulētissimum, direptum incenderunt. Sed Carolus Martellus, Brabantia Dux, qui fuit auus Caroli Magni Imperatoris, his cladibus commotus, robur regni Francici contra ipsos Saracenos adduxit, & cum Eudone reconciliatione facta, iunctisque viribus, Abderamā in Turonum finibus ante ipsam urbem trecētis septuaginta quinque millibus Saracenis cæsis, prælio fudit: ex Francis mille tantum & quingenti desiderati esse dicuntur. Beda qui ea tempestate vixit, auctore est, sub hoc tempus quo dimicatum est, bis septenis diebus Cometas duos fulsisse; alterum, Solem matutinum antecedentem; alterum, vespertinum subsequenter, face ignea Aquilonem spectantes. Hac tanta clade accepta Saraceni nondum quievere. Nam aliquanto post, rursus ex Hispania duo ingentes exercitus Saracenicis in Galliam effusi sunt, flore iuuentutis militumq; robore terra marique delecto, atque omnigeno cōmeatu instructi. Horum rex Atinus, siue, Athinius, vt alij vocant, cum præpotenti classe Galliam Narbonensem adortus, illam subita vi, siue, vt aliis placet, Mauritiij

Prodigium in mari.

Nicaam Saraceni frustra oppugnant.

Armenia & Mediæ rursus Romano imperio subiecit. Prælium inter Turcos & Saracenos.

Saraceni Galliam inuadunt.

Caroli Martelli inclita victoria aduersus Saracenos.

Duo Cometae.

Gallia Narbonensis inuaditur a Saracenis. & occupant moxque recipiunt à Carolo Martello.

T

præfe-

Saracenorum
clades.

Francorum
victoria Du-
ce Carolo
Martello.

Caroli Mar-
telli condii-
tores in bello
aduersi Sa-
racenos.

Saracenorum
admirabiles
progressus.

præfecti proditione, cepit, & cum Narbone belli arcem delegit. Hanc, duris-
sima obsidione cinctam, rursus Carolus Martellus, licet non absque summa
difficultate expugnatam, recipit, & Saracenos, magno numero trucidato, ex-
pellit. Atinus rex cum suis proceribus, iis nauibus quæ instructæ in Rhoda-
no stabant, deuectus, secundo flumine aufugit. Complures in fuga cæsi, &
multi aliorum super alios ruentium multitudine obruti: plerique, dum na-
uibus iam discedentibus, adnatant, vorticibus absorpti. Atinus in mare de-
latus, Narbonē, urbem valde munitā, opulētā, & maritimis auxiliis intro-
mittendis opportunam, quamq; alia Saracenorum manus infederat, petiit:
ad quam Martellus quoque oppugnandam contendit. Iamque non minore
vtrinque certamine oppugnabatur, defendebaturque Narbo, quā modò
Auenio, cum Amorreus, alter Saracenorum dux, ex Hispania veniens, vt ob-
fessis opem ferret, Martellum in se cōuertit. Hic enim summa celeritate vsus
est, ne hostilis exercitus coniungeretur. In valle Carbona ad fluuium Birram,
seu Illiberim, signis collatis, pugna atrox commissa: sed tandem, cum Amor-
ræus in prima acie fortissimè dimicans, cecidisset, Francus vicit, cum acies
morte Regis percussa, fugere inciperet, adeò vt exercitu partim in flumine
submerso, partim trucidato, ne nuncius quidem cladis domum redierit.
Atinus, hac suorum clade comperta, ex Narbone cum suo exercitu aufugit,
& præda ex insulis Liguriæ vicinis auecta, in Hispaniam remeavit. Narbo-
nam Carolus, ne Westgothi, cum quibus Saraceni fœdus ac societatem ini-
uerat, noua bella molirètur, deleuit. Interea temporis, Saraceni, qui se Gallia
& Italia potituros esse sperauerant, his tantis æruinis & calamitatibus re-
pressi, sese aliquandiu inter Pyrenæos montes continuerunt, fuitque propter
has victorias mediocris pax Europæ annos circiter centum, regnantibus Pi-
pino, Carolo Magno, & Ludouico Pio. In hac autem expeditione, quā Ca-
rolus Martellus in Gallia contra Mauros suscepit, & tam prospero ac felici
Marte dimicauit, coadiutores & confœderatos habuit Lutbrandum Re-
gem Longobardorum, Laudfridum Alemanorum Ducem, & Odillum Du-
cem Bauariæ, ex quarum gentium fortissimarum auxiliis omnino æstimari
potest, tum maximum toti Europæ à Saracenis periculū extitisse. Singularem
etiam sapientia, nec sine cælestis numinis fauore ac prouidentia, tot gentes
coniunctas fuisse ad tanti belli societatem.

Suprà commemoratum est, Mahometum cœpisse regnare anno salutis
sexcentesimo, vicesimo tertio. Ab hoc anno, vsque ad initium Leonis Isauri,
videlicet, vsque ad annum Christi septingentesimum decimum octauum,
sunt anni centum & quinque. Intra hoc spatium, Mahumet, ac eius succes-
sores, quos diximus Saracenos & Agarenos nominari, potiti sunt Arabia, Pa-
læstina, Syria, Persia, Ægypto, Africa. Traiecerūt & ex Africa in Hispaniam,
quam vbi decennium tenuissent, in Galliam sese effuderunt, Alibi verò in
minorem Asiam progressi, circiter annum sexcentesium septuagesimum
quartum, regnante Constantino Barbato, Byzantium obsedè, indeque
repulsi, post annos ferè quadraginta sub initium Principatus Leonis Isauri
ad eandem oppugnationem reuerterunt. Tunc denuò Constantinopolis, vt
antea demonstrauius, triennio obsidetur: sed iterum singulari ope diuina
repulsi fuère. Nā Saracenicus exercitus fame, ac dira pestilentia periit: naues
fulmini-

fulminibus submersæ sunt, aliquæ, vt dictû est, ignibus arte sub aqua factis incensæ. Ita rursus aliquantisper Saraceni repressi, ne Asia minore & Byzatio potirentur. At Leo, repulsis ab vrbe regia Saracenis, cum aliquid ocij nactus esset, edictû proponit, quo, inter cetera, iubet deleri ex tēplis omnia simulacra & imagines, ac propterea nominatus est *εἰκονομάχος*, & in eos qui dicto minus audientes forēt, quàm seuerissimè animaduertit. Sub hoc Principe, ingēs terræmotus factus est, quo plurima templa, multæque domus ac ædificia Byzantij corruerunt, & ingens hominum multitudo obruta est. Statua itidem Arcadij, quæ in quadam columna Xerolophij sita erat, collapsa. Cecidit & statua Theodosij, quæ ad auream portam erat, magnaque pars mœnium. Nicomedia Bithyniæ ciuitas, & huic vicina Nicæa, idem infortuniū passæ sunt. Imperator ad mœnia reparanda nouum vectigal indixit, ac Rempubicam nouo quæstu onerauit, edicens, vt in singula numismata quatuor & viginti obolos ærario Principis ad restituendos muros inferrent: quod sanè deinceps in multa sæcula obseruatû fuit. Illud quoq; mihi hæc scribēti, obiter in mentem venit, nimirum hoc imperâte, Richardum Frisonum Ducem, Wolfrangi Senonensis Antistitis, viri admodum pij ac eruditi, suasu & cohortatione commotum, vt Christianam fidem amplecteretur: cumque iam baptismatis lauacro tingeretur, altero pede immerso tantûm, quæsiuissē, pluresne maiores sui in inferno, an in Paradiso cohabitarent: Responsum accepissē, plures esse in inferno: tum, educto pede à baptisinate, dixissē, Satiussē esse vt plures sequeretur quàm paucos, & proinde se iturum, quò sui maiores cum vocarēt, sicque statim relicta Christi fide, se ad pristinam superstitionem conuertissē. Cæterûm, diuini Numinis ultione factum esse, vt propter huiusmodi nostræ fidei ac religionis contemptû, tertia die subita & repentina morte correptus, animam cum maximis cruciatibus exhalaret. Circa eadem ferè tēpora, Mauris tota Aquitania pulsus, nouem Procere ex Martelli exercitu viri fortes ac strenui, Saracenis in Gottholania bellum intulerunt, & Martellus ipse, post multa fortiter ac præclarè gesta, obiit, anno scilicet septingentesimo & quadregesimo primo, vndecimo Cal. Nouemb. At in Oriente, paulò ante ipsius Leonis obitum, Malfamas, cuius suprà mentionem fecimus, Thraciæ, quæ nunc patrio idiomate Romania vocatur, fines populatus, Cursianum, munitissimum Cappadociæ oppidum, occupauit. Deinde iterû ad Caucasia claustra cum exercitu profectus, ea ab Vnnis, siue Turcis, ita munita reperit, vt cum eis configere non ausus, retrocesserit. Biēnio autem post, altera Saracenorum manus, Euelito, Mauniæ filio duce, rursus in Thraciæ fines irrupit, magnaque populatione facta, in Syriam reuersus est, qua in prouincia, per eosdem dies multa Saracenorum millia morbo interiēre. Nec tamen ideo ab incursionibus in Romani Imperij fines abstinerunt. Zulciminus enim cum expedita manu militari Armeniam & Thraciam tertio deprædatus est, & Sideronium oppidum cepit: deinde in Cappadociam cum l. x. millibus transiit, eademque tempestate Melicus & Batalus cum centum millibus Saracenorum quartò in Thraciam irrupēre. At Leo Imperator cum exercitû contra eos qui Thraciam vastabant, profectus, penè omnes internecione deleuit. Quo tempore, Euelitus fato defunctus est: in cuius locum Gizitus II. Pont. Salutis anno DCCXLIII. successit. Dum hæc ita geruntur, Leo Isaurus,

Leo Isaurus
imagines è
templis abo-
leri iubet.

Terræmotus.

Exemplum
diuine ul-
tionis.

Martelli
obitus.

Nouæ Sara-
cenorum ex-
cursiones in
Armenia, &
in Thracia.

Gizitus II.
Pontificatum
assumit.

Mors Leonis
Isauri.

Constantinus
Copronymus.

Artabasdus
absente Cōst.
Imperator
venenitatus.
Idē capitur,
& oculis
privatur.

Patriarcha
Cōst. sum-
mo decore
afficitur.

Ices.

Maruanus.

Saraceni in-
festantur di-
uersis sedi-
tionibus.

Ingēs terra-
motus in A-
sia, & aliis
regionibus.
Persa novis
motibus agi-
tatur.
Serui concu-
rati contra
suos domi-
nos.

postquā 24. siue, vt aliis placet, 25. annis imperasset, dissenterico fluxu extin-
ctus est, relicto Constantino filio superstite, quem dudum consortem Impe-
rij effecerat. Hic, patre adhuc viuentē, coronatus fuit à Patriarcha, cui no-
men erat Germanus. Tenuit Imperium annos triginta quinque. Nominatus
Copronymus, quod infans in sacro baptismi ritu in aquam baptismi stercus
ex ventre eiecerit. In delendis imaginibus templorum vehemētior fuit patre.
Idē contra eum factus est Imperator consensu Patriarchæ & nobilitatis, Ar-
tabasdus, absente Constantino, qui secundo Imperij sui anno cum valida
classe in Saracenos arma corripuit, eo quidem animi decreto, vt Alexādiam
inuaderet. Cæterū de nouo successore certior factus, omīssa protinus quam
præ manibus habebat, expeditione, classe Byzantium reducta, urbem, castris
prope mœnia locatis, obsedit. Huic Artabasdus ex urbe occurrens, cum ipso
manus conferuit, sed tandem prælio victus, intra ciuitatem se recepit. Con-
stantinus mare occupat, prohibetque ne naues urbem ingrediantur, qua ex
re orta fame, plures inedia conficiebantur. Captus præterea Artabaldi filius
Niceta, & Byzantium perductus, patri fuit ostentatus, qui amoris impatiens,
cū in defendendis mœnibus paulō negligentior esset, hosti ansam atque
occasionem præbuit, vt Constantinopolim tantō facilius expugnaret. Arta-
basdus rebus iam desperatis, fugiens, pariter cum duobus filiis captus, ocu-
lisque priuatus est. Patriarcham verberari iussit, & impositum asino cōuersa
facie ad caudam quam manibus teneret, in theatrum, dum certamen equo-
rum fieret, per Dippium, circumuehi. Vt verò interim ad res Orientales re-
uertar, proximē ostendi, Gizitum, Euelito in Pontificatu successisse. Hic, si-
mulatque regni administrationem suscepit, ad Imperij Saracenicæ res consti-
tuendas animum adiecit. Et quoniam Cyprus insula ab indigenis tunc bene
habitata, motus aliquos faciebat, populo vniuerso in Syriam translato, insu-
lam penē vacuam reliquit: & cū annum regnasset, ex hac vita decessit. Ices
post illum, Pontificatus adeptus: quo ante annum expletum defuncto,
Maruanus Pontifex creatus est, eoque imperante, multæ seditiones inter Sa-
racenos coortæ sunt, & plures tyrāni facti, vt Tebidus, Dadacus, & Zulcimi-
nius, quos armis persecutus Maruanus, Tebidum cepit, atque occidit. Zulci-
minius autem fractus, in Persidem aufugit: At Dadacus meliore fortuna
usus, Maruani filium in acie fudit: sed non diu ea lætitia frui potuit. Breui
enim cum ipso Maruano atroci prælio congressus, victus & trucidatus est.
Horum inter Saracenos ciuiliū bellorum occasione, Copronymus Syriæ
bello illato, magnam eius Prouinciæ partem occupat. Itaque Maruanus
Dadaco extincto, in Syriam victricia arma conuertit, eamque cum haud exi-
gua Christianorum cæde recuperauit. Eo autem anno, paulō antequam hæc
clades Christianis inferretur, Syria, Palæstina, Asia penē vniuersa, Thracia,
Græcia atque Italia cum plærisque aliis regionibus ingenti terramotu con-
cussæ. Pōst, maiores motus in Perside sunt exorti. Quandoquidem Asinuli-
linus eius sectæ, quæ à Mutaro, Alim Mahometo maiorem fuisse dicere,
fuerat excitata, Princeps apud Corasenos Persidis populos degens, Catabani
cuiusdam consilio, seruos ad suos dominos siue insidiis, siue aperta vi interfi-
ciēdos cōcitauit: quorū deinde diuitiis serui potentes facti, in duas factiones
diuisi sunt, quorum hæc Caismorum, altera Lamonitarum vocabatur: As-
mulinus

mulinus verò, Lamonicarum dux factus, Caismos deleuit: Inde in Persiam cum Lamonicis & Catabano perrexit: cui Prouinciæ pro Maruano præerat Iblinus quidam, qui cum centum armatorum millibus se Asmulino opposuit: sed Lamonicæ, quamuis longè inferiores numero essent, tamen Asmulini, & Catabani, quos sanctos, & diuino Numine plenos existimabant, promissis freti, fortissimè dimicarunt, adeò vt Iblinum fuderint. Deinde tot victoriis elati, ausi sunt, etiam cum Maruano, qui trecenta mortalium millia in aciem produxerat, propè Zabânú amnem configere, eumque exercitum profligarunt. Maruanus, ponte, ne se hostes persequi possent, rescisso, cum quatuor tantum millibus in Ægyptum transfugit. Quem persecutus Salinus, Asmulini filius, in Ægypto cruentissimo prælio deuicit, & sic omne Maruanum genus expulere. Cuius familiæ, quæ tot annos regnauerat, reliquæ, pars in Mauritaniam, vbi Fessæ regnum constituerunt, pars in Hispaniam transiit. Et ab Asmulino post, orta est illa familia, quæ hodie in Perside regnat, Sophiana nuncupata. Mortuo autem Asmulino, & Catabano, Abubalanus cognomento Muamat, Syriæ, & Persidi, Salinus verò Ægyptiis imperauit, & sic cœpit Ægypti Sultanorum, qui Cairi sedem habebant, imperium. Sic enim Ægyptij Califæ appellari voluerunt, quæ vox summum Principem & Regum Regem significat.

Maruanæ
clades.

Familia So-
phiana unde
originem
traxerit.

Sultani Æ-
gyptij.

Dum in Oriente ita res geruntur, in Gallia Pipino II. illud regnum administrante, Saraceni iterum Pyrenæos transgressi, ab eo summoti sunt, & ita mulctati, vt, quemadmodum inferius patebit, hoc amplius eo viuo tentare non sint ausi. Cæterum, ne res Byzantinas prorsus obliti videamur, ad eas paulisper mihi sermo flectendus est. Copronymus, quem supra nominauimus, etiam cum Bulgaris varia bella gessit, donec tandem cum Sabino ipsorum Rege, fœdus ac societatem iniuit. Vbi autè rebus gerendis annos quinque, ac triginta cum imperio præfuisset, lepra, siue elephâriaco morbo correptus, mortalitatem expleuit. Hoc regnante, desiit Exarchatus in Italia. & Pipinus filius Caroli Martelli, cum fuisset Maior domus annos decem, consensu Procerum factus est Rex Francorum, anno Christi septingentesimo quinquagesimo primo. Leo quartus Copronymi filius, patri successit. Præfuit annos V. Coronatus à Patriarcha viuo patre, qui ei despōdit cōiugem Irenen Atheniensem. Patrem imitatus est in delendis imaginibus. Vnam duntaxat expeditionem suscepit in Syriam, vnde leui certamine repulsus, domum rediit. Filium adhuc puerum, nomine Constantinum, coronari à Patriarcha curauit. Nec multò post, febre, siue, vt aliis placet, apostemate carbunculi in capite innato, extinctus est. Irene cum filio adolescentulo simul regnat annos decem. Initio imperij nihil antiquius habuit, quàm vt pacem cum Saracenis faceret, promisso etiam tributo. Verùm enimuerò, tametsi res Orientales composuisset, domesticæ tamen discordiæ varias confusiones pepererunt, licet hæc prima Irenes gubernatio paulò tranquillior existeret. Septima tum synodus Niccæ indicta, & templis restitutæ imagines. At filius, cum adoleuisset, matrem imperare haud passus. Cæterum ipsa mox ciuium fauore restituta, annos tres sola imperio præfuit. Filius verò in vincula coniectus, oculis effossis, breui extinctus est, ipsaq; non multò post, à C. Claudio Nicephoro pulsa, in Lesbum insulam relegatur, cum antea cum filio, annos decem, vti

Saraceni su-
gantur à Pi-
pino.

Copronymi
obitus.

Leo IIII.

Mors.

Irene Impe-
ratrix Roma-
ni Imperij.

Imagines ve-
stituitur.

Irenes crude-
litas in filiū.

Eadē princi-
patu exiuit.

T 3

diximus,

diximus,regnasset.Huius temporibus in Thracia ad Macron Tychus,cùm quidam fossam excauaret in sepulchro cuiusdam defuncti,inuentam scribūt laminam æneam in area lapidea,his verbis: Christus nascetur ex virgine. In eum credo; & Constantini,& Irenes imperio.O Sol iterum me videbis.Huic Constantino desponsata fuit Rhotrudis filia Caroli Magni, quam repudiare coactus à matre,Mariam puellam ex Armenia duxit,ob eamq; rē Rhotrudis innupta permansit,neque impari se nupturam in animum inducens, neque parem nacta. Nonnulli autem censent Constantinum propria petulantia & leuitate,præterque vllam causam,cōiuge alia superinducta, repudiasse. Intra hoc triennium, quo Irene, oppresso filio, sola rebus gerendis præerat,cùm Græci nō solū despecti essent propter muliebre imperium,sed etiam inuisi propter multorum temporum tragica exempla, & recentem matris crudelitatem erga filium,ac ipsius patruos,& Italia defensione indigeret,cōtra Longobardos,& simulates, (nam & Romæ Pontifex per seditionem captus & verberatus fuit)accerisitus est Carolus propter iustitiam & cæteras virtutes, præsertim cū & antea æquitatem & modestiam Caroli Martelli & Pipini Italia experta esset.Ita cū nomine Imperatoris gubernatio Italiæ ad Carolū Magnum deuoluta est,cū iam à Cōstantino Magno sedes Imperij ex vrbe Roma Byzantium per quadringentos sexaginta octo annos translata esset, fuitque pulcherrima coniunctio Italiæ,Galliæ,atque Germaniæ. Cæterum, qui existimant imperium à Græcis ad Gallos,à Gallis ad Germanos translatum,ineptè illi ac nimium delirant. Nunquam enim Galli imperium obtinuerunt: sed Francis quidem datum est, & primū Carolo Magno, Franco, qui nunquam Gallus fuit, sed Francus, & in ea quidem parte Franciæ, vbi semper Germani habitauerunt,genitus.Patria illi fuit Ingelheym,oppidum, quod duobus distat milliariibus à Moguntiaco, cui semper lingua patria fuit Germanica,quemadmodum & Franci populi fuerūt,ac etiamnum sunt Germani.Huius pater Pipinus fuit, qui obiit octauo Cal. Oct. anno salutis septingentesimo sexagesimo octauo: fratrem habuit Carolomannum,cum quo partitus est regua paterna,quem paulò post amisit, anno videlicet à Seruatore nato septingentesimo septuagesimo primo.Is autem primum bellum gessit contra Aquitanos,relictum à patre Pipino, quod breui spatio interiecto,feliciter absoluit. Cū verò interim Desiderius Longobardorum Rex, post eiectionem exarchos,iam urbem Romam,& vniuersæ Italiæ imperium animo inuasisset,Carolus à Romanis euocatus, vt Italiæ defensionem susceperet,transmissis Alpibus,aduersus Desiderium arma conuertit,quem primò apud Vercellas acie deuictum,in fugam cōiecit,eumque tandem Ticini post decem mensium obsidionem cum coniuge & liberis comprehensum, relegauit Leodium,vbi in exilio mortuus est,atque hic finis fuit regni Longobardorum in Italia,quod durauit annos ducentos quatuor,sive 6.vt aliis placeat. Longobardico bello cōfecto,redit Carolus in Germaniam,& totum se ad bellum Saxonicum vertit quod antè expeditionem Italicam inchoauerat. Hoc autem perlongum fuit ac difficile. Durauit enim annos totos triginta tres,Saxonibus ad quascunque defectionum occasiones bellum reparantibus.Bis tantū iusto prælio inter eos decertatum esse scribunt,Francis,ipso Carolo magno duce victoribus,& quidem vno mense,paucorum dierum inter-

Caroli Magni.

Caroli Magni patria.

Desiderius ultimus Longobardorum Rex vincitur à Carolo M.

Bellum Saxonicum gestum ab eodem.

interuallo. Excursiones verò & velitationes, quæ crebræ fuerunt, multos vtrique præstantes viros mutuis cædibus confectos peremerunt. Huius belli tempore, quod productum est in annum Christi octingentesimum octauum, multa alia bella difficilia & magna gessit contra Saracenos, qui occupatas Hispanias fuerant partiti in duo præcipua regna, sedibus constitutis Cordubæ, & Illiberi, quam hodie Granatam vocant, & sæpè Galliam infestis armis tentarant. Contra illos ergo magnum duxit exercitum, ex Francis, Longobardis, & Italis, comparatum, anno septingentesimo septuagesimo octauo, ac recepta Pompelone, præcipua Vasconum vibe, congressus cum Saracenis, ac victus, ad quadraginta millia hominum amisisse dicitur. Cecidit in hoc cruentissimo prælio Milo Anglerius Rolandi pater, vir fortissimus, qui vniuersum ductabat exercitum. Post, reparatis atque auctis copiis, denuò cum illis confligit, in quo quidem conflictu, cum Saracenorum dux Egolandus interfectus esset, Carolus, dissipatis reliquiis Saracenicis exercitus, totam ceteriorem Hispaniam vsque ad Betim fluuium recepit. Paulò post, copiarum Francicarum, Vasconum perfidia, iterum cum Saracenis congressæ, magnam acceperunt cladem, in qua Rolandus filius sororis Caroli, quem vnice diligebat, extinctus est, cum quidè inter præclara eius diei facinora, sua manu Masurium summum ducem exercitus Saracenicis iugulasset. Quas autem postmodum expeditiones suscepit, ac prospero & felici Marte absoluerit aduersus Agarifonem ducem Beneuetanum, in Italia; itemque contra Tassilonem Regem Boiorum, necnon in Sorabos, & contra Hunnos & Auaros, Godefridum Danorum Regem, ceterasque nationes, longum esset explicare; nec desunt ea de re doctissimorum virorum monumenta, qui hæc omnia disertè & luculenter posteris ac memoriæ tradiderint. Illud tamen haudquaquam mihi nunc silentio prætereundum est, ipsum è Saxonia cum exercitu reuersum esse in Italiam, & Romam octauo Calendas Decembris, anno octingentesimo ingressum, ibique compositis controuersis, & tumultibus exortis inter Romanos, & Leonem III. Pontificem sedatis, octauo Cal. Ianuarij, id est, ipso die Natalis Seruatoris nostri, Imperatorem Romanorum renuntiatum esse à Leone Pontifice, populo his verbis acclamante: Carolo Augusto, diuinitus coronato, magno & pacifico Romanorum Imperatori, vita & victoria. Tenebat imperium Orientis tum sola Irene mater Constantini, quæ licet antea cum Francis fœdus percussisset, nihilominus tamen haud multò post, ruptis fœderibus, incitauit reliquias Longobardorum, suis copiis adiunctis, vt ex Italia Francos expelleret; sed re infeliciter tentata, cum Carolum confirmata potentia, videret Italia potiri, missis legatis, transegit cum eo, & totum Occidentis imperium ei concessit, coniugio insuper promisso: quod indignè ferens Nicephorus, excussa Irene, rapuit imperium Orientis: sed mox eodem modo cum Carolo transegit Salisburgi, vt quod occupat imperium Occidentis, retineret. Hæc pacta postea, renouauit Michael Curopalates, anno octingentesimo duodecimo, qui Nicephoro acie victo, & cæso à Bulgaris, successorem eius Stauratium filium imperio exuit. Confirmauit eadem Ludouico filio Caroli, Leo Imperator post Michaellem. Ita Carolus Magnus factus est Imperator Occidentis, primum iure belli, occupata armis Italia, & vrbe Roma. Longobardorum regno destructo, & pace restituta; atque legi-

Prælium inter Saracenos & Carolum M.

Eiusdè cladis, cum cæde Milonis Anglerij.

Noua clades.

Mors Rolandi.

Carolus M. designatur Imperator à Leone Pont.

bus & præfidiis communita: deinde transactione cum Imperatoribus Græcis, qui, vt veri domini, omne ius, quod habuerunt in imperium Occidentis, Carolo concesserunt. Est itaque primus, qui Occidentis imperium, post vltimi Valentiniani cædem, à diuersis gentibus appetitum, tentatum, & horribiliter laceratum, ceu de collectis tabulis, ex trecentorum annorum naufragio, sua virtute ac felicitate recuperauit.

Hoc statu rerum, Saraceni qui erant in Oriente, domesticis ac intestinis seditionibus, vt antea diximus, diuexabatur. Abubalano namq; cognomento Muamar, cuius supra meminimus, in Syria imperante, multi motus in Arabia contra eum à Maruani defuncti factione, Maruanum nondum obiisse dicentes, & ideo arma pro eo redimendo capiente, sunt excitati: quibus motibus plærique mortales vtrique ceciderunt, magnæque populationes factæ. Abubalano mortuo, successit Abedela frater: quem alius quidam Abedela ad Pontificatum aspiras, insidiis oppressum interemit, ipseque regnum occupauit, quo imperante, Turcica gens Caucasii portis egressa, anno videlicet, Christianæ Salutis circiter octingentesimo, Armeniaque populata, in patriam rediit, & sequenti anno iterum magno numero egressa, cum Saracenis pugnavit, donec multis vtrique cæsis, prælium nox diremit. Abedela secundo, anno imperij sui xix. defuncto, successit Madi filius, qui, nulla re memorabili gesta, cum annis nouem regnasset, vita excessit, Mosen filium imperij hæredem relinquens, quo, anno secundo viuis subtracto, in eius locum Aaron Califa creatus fuit. Vt verò interim ad Occidentis res reuertar, Carolus, post assumptum imperium, hoc in primis studuit & procurauit, vt compositis rebus cum Constantinopolitanis Cæsaribus, & aliis quoque regibus ac dynastis, tametsi à Christiana fide alienis, quò illi erga Christianos sub eorum imperio degentes, tantò mitius atque moderatius sese gererent, societatem ac fœdus iniret. Et Hierosolyma quidem misit oratorem Zachariam sacerdotem. Ad Persas verò Lanfredum & Sigismundum, nobiles Francos cum Isaaco, gente religioneque Hebræo, Persicæ linguæ perito. Hi que adire primùm Aphricam iussi. Ipse interim, postquam Moguntia conuentum procerum habuisset, cum Pipino in Italiam profectus est, & Venetias perrexit, quæ vbi, vt i suis vteretur legibus, & bello pacèue neutrius censeretur iuris, partito imperio cum Irene, vtrique sancitum fuerat: & deinde Rauennam concessit. Inter hæc, nonnulli Monachi, viri summa quadam sanctimonia præditi, cum Zacharia sacerdote reduce Oratores ex sancta vrbe Hierosolymis ad Carolum aduenire, afferentes pia magis, quam magnifica munera religionis gratia, nempe clauis sacrosancti sepulchri, ac Caluarij montis vexillum. Hi que nuntiabant, mox affore legatos Aaronis summi Persarum, & Arabum Calysæ, seu Regis, & munera etiam ex Africa. Cum autem, peractis rebus in Italia, Germaniam repeteret, vix Vercellas peruenerat, cum duo legati, alter Persarum nobilissimus, alter Saracenicus, limitis Ægypti præfectus, illic præstò cum muneribus affuere. In his elephantum, rem oculis Francorum nouam, & spectaculo dignam, quem ad portum Pisanum exposuerant. A nonnullis etiam proditum est, Persicum Oratorem, præter elephatum, & reliqua munera à suo Rege missa, detulisse horologium *αὐτόματον* mira arte fabrefactum, quod sonitu tintinnabuli horas distinxit & indica-

*Abedelacra-
tus Pontif.*

*Turcarum
incuriones.*

*Prælium in-
ter Turcos et
Saracenos.*

*Aaron Ca-
lysa rex Persarum.*

*Carolus M.
misit lega-
tionē ieroso-
lyma, & in
Persiam.*

*Munera
Aaronis mis-
sa ad Caro-
lum M.*

indicauit, idque Carolum præcipuè admiratum esse, & imitatum, ipsosque Oratores quàm benignissimè ab eo auditos fuisse, ac postmodum liberaliter dimissos. Cum his, reuerterat etiam Isaacijs Hebræus, defunctis Sigismundo, Laufredoque, siue longinqui torridique cæli insolentia, siue nunquam fido inter Hebræos nostrosque collegio. Simul, velut proposito gratulationis certamine, Abrahamus Maurorum Rex munera misit, oratoresque, qui, cum speculâdi potius quàm gratulationis amicitiaue gratia venisse viderentur, euestigiò, sed cum muneribus, placidoque responso dimissi sunt. Nicephorus quoque, recens ad imperium Constantinopolitanum euectus, ad eundem oratores ablegauit, quorum opera fœdus renouaret, idque in has conditiones ictum est, vt alter Orientis, alter Occidentis Augusti, fratresque essent, ac dicerentur: simul hinc à Neapoli, illine è Siponto quicquid vltioris Italiæ in mare procurrat, cum suis è regione insulis, à Græco, reliquum à Franco iura peteret. inter duo imperia medius cardo Veneriæ, vtriusque imperij maiestatem piè conseruarent. Carolus interim sexto anno post acceptum imperium, cum bellum Saxonicum præcedenti anno prosperè finiuiisset, filiis hæreditaria & acquisita regna testamento reliquit. Ex tertia vxore (quinque autem habuisse, ex nonnullis Annalibus constat) nomine Hildegarda, nata ex nobili familia Godefridi ducis Alemanorum, præter totidem filias, tres liberos sustulit, nempe Carolum, Pipinum, & Ludouicum, ex quibus, duo priores, viuo patre decesserunt. Pipinus octauo Idus Iulij, anno octingentesimo decimo, relicto filio Bernharðo, & quinque filiabus. Carolus pridie Nonas Decembris, anno sequenti. Horum prior iamdudum à patre, Rex Italiæ declaratus fuerat. Cumque Saraceni, excursione facta, in Corsicam venissent, Abdeinarum, virum, præter natalium splendorem, eximijs animi corporisque dotibus insignem, cum Genuensi classe contra eos misit, & repulsi sunt, qua in pugna ipse Abdeinarus fortissimè dimicans, interfectus est. Eodem, cum aliquantò post, Sardiniam & Corsicam occupare conarentur, Carolus Pipini frater, Bucharedi Comitis ductu, quinque Saracenorum millibus cæsis, circa Sardiniam vicit, ac deinde etiam Corsica expulit. Pipino cum Venetis bellum gerente, Saraceni, qui in Hispania erant Christianorum diffidia in suum commodum vertentes, Sardiniam, vnde non multò prius fuerant repulsi, cum insigni cæde suorum, ex improviso inuadunt, indeque subito auersi, Corsicam petunt, Aleriaque vrbe direpta, præter eius Antistitem, & senes admodum paucos, cæteram multitudinem inde auerunt. Hæc autem omnia luculenter à me explicata sunt in Historiis atque Annalibus Genuensibus à D. Christophoro Plantino, viro singulari eruditione, industria, fide ac probitate præstanti, deque omni re literaria quàm optimè merito, æditis atque impressis Antuerpiæ, anno Christianæ Salutis supra millesimum quingentesimum septuagesimo nono. Vtroque fratre extincto, cum Saraceni & Mauri Italiam inuaderent, Imperator ad eius tutelam ac defensionem misit Bernharðum nepotem. In hac verò expeditione Saraceni duas vrbes captas diripuerunt, Nicæā in Gallia Narbonensi, & Centurcellas in Hetruria. Post partam pacem, & munitum contra hostes imperiū, præcipuè ei curæ fuit constituere Ecclesias, & regna ædificijs exornare. Annis ante mortem quatuor proximis, crebris laborauit febribus, quibus grauiter afflictus, cum se nō diu super-

Conuentio
inter duos
Imperato-
res.

Saracenorum
clades, &
invasiones
in Sardiniam
& Corsicā.

Christophoro
Plantino.

Ludovicus
constituitur
heres impe-
rii à Carolo
Magno.

Caroli M.
obitum.

superstitem fore sentiret, accersitum ad se ex Aquitania Ludovicum filium, Aquisgrani Imperatorem Romanorum creauit & renuntiavit, Bernhardum ex Pipino nepotem, Regem Italiae fecit anno octingentesimo decimo tertio. Tandem mense Ianuarij anni sequentis ardente febre correptus, laterum dolore, quem vocant pleuritidem, extinctus est quinto Cal. Februarij, hora diei tertia, & in praefata vrbe, in qua longè augustissimum templum extrui iusserat, sepultus est, cum vixisset annos septuaginta duos, regnasset quadraginta septem, & imperasset quatuordecim. Obiit anno Christi octingentesimo, decimo quarto: à mundo condito quater millesimo septingentesimo, septuagesimo sexto. Rem Christianam auxit armis, pietate, templis. Magni cognomen promeruit, dignissimus habitus, ad quem, propter excellentissimas & heroicas animi corporisque dotes, iura insigniaque Imperij post multas ætates, ceu postliminio, reuocarentur. Huius Imperatoris vitam, & res domi forisque gestas primus exposuit Eginardus, ipsius Caroli M. familiaris & Consiliarius, ex quo, Abbas Vispergensis, & sequentes, eam descripserunt.

HISTO-

HISTORIÆ RERVM PERSICARVM

LIBER SEPTIMVS.



SARACENI sub Ludouico primo, cognomento Pio, ^{Ludouicus Pius.} Caroli filio, atque Imperij successore, in Galliam, duce Azone descenderunt, & post multas deprædationes & damna indigenis illata, tandem à Pipino eius filio <sup>Saraceni sunt dicti à Christi-
fianis Imp.
Occidentali-
bus.</sup> repulsi sunt, licet à patre grauissima verborum contumelia increpitus fuerit, quòd in ea expeditione haud maiori diligentia usus esset: quippe qui illos non prius quàm vsta propè omnia regione, repulisset. Idem, anno 867.

cùm, regnante Lothario, prædæ causa in Italiam denuò irruptionem facerent, & Beneuentanum agrum in Samnitibus igne ferroque vastarent, à Ludouico Lotharij filio, in fugam conuersi sunt. Carolus Iunior, cognomento Crassus, sextus à Carolo Magno Imperator, audiens Italiam à Saracenis diuexari, ingenti parato exercitu, in Barbaros summam virtutem religionemque præstitit. Nec sanè aliud per longam annorum seriem ab Occidentalibus Imperatoribus aduersus hanc nationem gestum esse ex vetustis Annalibus comperi, nisi expeditionem contra eosdem habitam à Friderico Ænobarbo, cognomento Barbarossa. Cæterùm ab his Imperatoribus, qui in Oriente regnarunt, utpote vicinioribus, eiusdemque imperij æmulis, crebra & plurima bella variis temporibus & diuersis euentibus aliquandiu suscepta & administrata fuerunt, donec tandem Saraceni, & postmodum Ottomanica potentia vniuersum Orientis imperium non modò grauiter affixit, ^{Egregia virtus Caroli Iunioris in repellendis Barbaris.} verum etiam progressu temporis maiori ex parte discerptum & laceratum, funditus euerit atque destruxit. Constat siquidem, ipsos Saracenos, Mahomete auctore, postquam sub Heraclio Imperatore, sicuti antea demonstrauiamus, à religione Christiana, simulq; à Romano imperio defecissent, breui tempore tantis successibus vires auxisse suas, ut non modò Palæstinam, Syriam, Arabiam, Mesopotamiam, & bonam Asiæ partem celerrimè occupasse; at etiam Persarum regnum, ipsis Romanis infestum ac formidabile, sublati regibus antiquissimi stemmatis, cepisse, & Africam littoralem omnè ad montem Atlâtem vsque, cum multis maris Mediterranei insulis, complexos esse. Tantis aucti accessionibus, duo condiderunt præpotentia regna, vnum in Asia; alterum in Africa: Huius sedem constituerunt Alcairum Ægypti ^{Orientale imperium euersum à Saracenis ac Turcis.} vr-
bem, quæ Memphis est: Illius, Babylonem; quam Bagadat, & Baldacum sua lingua vocarunt, et si Baldacum aliqui Susan esse volunt. Vtrique vnum Monarcham, Calipham nomine, præfecerunt, qui populo domi forisque dux esset exemplo Mosis & Iosue. Nonnulli autem collocant principiū regni Mahometici in annum Christi sexcentesium vicimum tertium. Sed Saraceni annos Hegyræ, ut vocant, altius ordiuntur, ab anno Christi quingentesimo nonagesimo primo. Inde enim annorum suorum seriem detexerunt. Græcos Imperatores Saraceni, dum inter se cōsentirent, magnis affecerunt detrimentis, ita ut eorū potentia labefactata, deinceps illi nec retinendæ Italiæ, pelendis no-

^{Præcipua sedes Principi Saracenorum.}

^{Initium regni Mahometici.}

Saracenorum
potentia do-
mesticis si-
multatibus
collapsa, in-
terit.

Turci, op-
pressi Sulta-
nis Sarace-
norum, sibi
regna con-
stituunt.

dis nouis hostibus, quos è Septentrione excitabant occasiones acquirendæ prædæ, & nouæ potentia, pares esse amplius possent. Caterùm, cùm dome-
sticæ dissensiones horum etiam animos mutuis odiis incensos, ad arma in se
mutuò capienda perpulissent, robore partim distracto, partim mutuis cædi-
bus comminuto, desperatio imbecilliores coëgit accersere peregrina auxilia:
Ita adducti sunt Turci, qui cùm militassent Sultano Persico cōtra Calypham
Baldacensem, seu Babylonicum, postea vtrisque oppressis, sibi regnum con-
stituerunt, à Perside intra Pontum & Armenios montes ad Hellespontum,
& illinc per totam anteriorem Asiam ad Syriam vsque dilatatum. Sic concidi-
dit Saracenorum in Asia regnum, vt ferè omnis magna potèntia, non alienis
& externis, sed suis dissolutum atque dissipatum viribus. Turcos rursus at-
triuērunt primū in Asia nostri argonautæ profecti ad recuperandā Terram
sanctam, & condendum regnum Hierosolymorum: Eosdem prorsus regno
Asiæ exuerunt Tartari, euocati ab Armeniis: sed cū hos vicissim aliquan-
tō post dissipassent atq; excussissent Turci, redintegratis viribus, restituerunt
regnum, quod cætera tandem absumpsit vniuersa, Persico excepto. Verūm
enimverò priusquam de his aliquid speciatim enarrem, quid potissimè ge-
stum sit inter ceteros Imperatores Græcos, qui post vtriusque Imperij diuul-
sionē, Constantinopoli dominati sunt, & Persas, siue Saracenos, explicādum.

CvM Aaronis summi Persarum atque Arabum Califæ vires, Græcis
quàm maximè formidabiles essent, Græcorum procures, vt virum, & sui ge-
neris ducem haberent, Nicephoro, viro patricio, nomen Cæsareum atq; im-
perium inuadenti, comprehensa Irene, & Lesbium, vti iam diximus, deporta-
ta, ne suis nuptiis reliquam Græcorum spem in Franciam deferret, præstò ac
promptissimis animis adfuerūt. Is, primo anno rebus domi compositis, atq;
ordinatis, proximo, cum valido exercitu in Syriam contra Saracenos perre-
xit, & apud Crasem Phrygiæ, cum eis congressus, magna clade affectus est,
adeo vt ipsemet ægrè euaserit. Caterùm insequenti anno, cū nonnulli Per-
sarum Satrapæ ac Dynastæ in Persia res nouas molirentur, Aaron Persarum
Arabumque Rex, cum expedita manu militari eò profectus est, vt illos ad
pristinam fidem atque obsequium redigeret. Persicis rebus tandem pacatis,
mouit exercitum, in quo trecēta millia lectissimorum virorum fuisse dicun-
tur; & cū Tyanam, vbi ædem Mahometo dicauit, & pleraque alia oppi-
da, longè munitissima, inter quæ fuit Heracium castrum, Thebasa, Malaco-
pa, Syderopolis, & Amandarusum, partim vi, partim deditione occupa-
set, sexaginta millia hominum armatorum ad excursiones faciendas misit,
qui prædabundi, ad Ancyram vsque Galatiæ peruenientes, Romanum im-
perium grauissimis atque innumeris cladibus afficiebant. Nicephorus, ho-
rum excursione audita, summoque terrore ac trepidatione perculsus, rebus-
que suis iam desperatis, confestim, pacis impetrandæ gratia, Metropolitam
Synodorum, Petrum Egumenum, & Gregorium ceconomum oratores cum
litteris ad præfatum Aaronem propè in hanc sententiam misisse dicitur:

Nicephori
epistola missa
ad Persarum
Regem.

CvR tam iniuste mihi bellum inferas; aut quo impulsore id facias; non
video; nisi fortasse, quod cædibus & rapina gaudes. Nam te id religionis cau-
sa facere, causari non potes, cū Mahometes, vates tuus, Christianos omnes
fratrum loco habere vos iubeat. An existimas, Deum Opt. Max. omnium re-
rum

rum opificem, & mortalium curam gerentem, quos ipse ad imaginem sui creauit, sanguine iniuste fuso delectari? sed neque huiusmodi piacula illi exhibere vos iussit Mahometes vester. An fortasse argenti, auri, aliarumque rerum inopia compulsi, alienas prouincias inuadis? Atqui cum earum rerum nos egentes simus, pretiosissima quæque & paratu difficilia apud vos in magna copia sunt. Quin, si qua re nostra opus habes, amice petis, & nos eam tibi illico amanter exhibebimus. Si genus humanum, & mortalia contemnis arma: scito Deum esse memorem fandi atque nefandi. Cum enim mortales simus, non decet nos immortalia odia inter nos ipsos exercere: in eoque demonem imitari, qui perpetuum gerit cum genere humano bellum.

His literis, quibus & dona quædam erant adiecta, placatus Aaron, & ipse multa munera Nicephoro misit, & pacem ea lege iniit, ut Cæsar ipsi quotannis aureorum nummum triginta millia, & terna pro suo, totidemque pro filij capite penderet, neve oppida à Saracenis vastata, instauraret. Sed leuior fuit apud Græcum, quam apud Barbarum fides. Nicephorus enim, Saracenis digressis, statim ea reparauit, atque muniit, quo cognito Aaron, exercitum rursus in Græciam ablegato, Thebas cepit, missaque in Cyprum classe, templa euerit, & Cyprios expulit, breuique post, Aaron, tertio ac vicesimo anno regni sui expleto, decessit, Muamatem filium, Califam, id est, regni successorem relinquens, qui cum Haldale fratre hostiliter confligens, ubi suarum partium fortunam inclinare vidit, conuenit, ut ambo eodem titulo, æquoque iure imperarent. Inde quatuor tyranni sunt creati, quorum vnus Hispaniam, alter Africam, tertius Ægyptum, quartus Syriam & Palæstinam obtinuerunt. Vnde Saracenorum potentia inclinare cæpit, & aliquandiu Orientis res à Saracenis pacatæ fuerunt. Syriæ autem Califa Muamates, non iam Damasci sedem habere voluit, sed nouam urbem prope veteris Babylonis ruinas, Bagadat nomine, condidit, in eaque Pontificiam regiamque Syriæ & Orientis sedem collocauit. Etenim & Persæ adhuc parebant. Ceterum progressu temporis, mutue simultates ac intestinæ discordiæ, tyrannorumque multitudo, ita ipsorum vires ac potentiam attriuere, ut post hos, quos enumerauimus Pontifices, paulatim decreuerint, sic sanè, ut tandem Turcis penè omne Saracenorum nomen cesserit, quemadmodum inferius declarabitur. Ut verò interim ad Nicephorum redeam, anno imperij nono, qui ei supremus fuit, & XIII. Cal. Augusti, contra Bulgaros expeditionem suscepit, plurimum dehortate quodam ex suis familiaribus qui futurum incommodum quasi præfagebat, & res infelicitè successuras prædixit: Sed cum Nicephorus nullas persuasiones admitteret, à rege Bulgarorum Chrumno postulans æqua, vel maiora munera, qualia ipse Persarum regi dedisset, Chrumnus ira percutus, rei que indignitate commotus, cum illo manus conseruit. Cæterum à maiori exercitu primo congressu superatus, succubuit. Cum Græcus Imperator ferocitate insolesceret, obque animi insolentiam nullas pacis conditiones reciperet, Chrumnus intempesta nocte suos congregans, viresque ut resumeret, cohortatus, per medium Græcorum peditatum securè dormientium inopinatè percutit, ac tentorium Imperatoris pertrans, Nicephorum obtinuit, & passim alios dormientes, passim vigilantes, sed inermes, atque imparatos, occidit. Diripitur regia suppellex, auferuntur diuitiæ, arma & equi complures.

Pax inter Persas & Romanos cum maxima Romæ ignominia.

Bellum venenatur.

Mors Aaron.

Discordia Saracenorum potentiam euerit.

Nicephori cedes, cum clade Romanæ exercitus.

plures. Stauratius filius in humerum dextrum & collum vulneratur. Multi excellentes viri obtruncati, qui & dignitate & generis claritudine florebant. Paucis per noctem concessa fuga, qui aut syluis, aut paludibus tecti latuerunt. Nicephori cadaver repertum, Chrumnus obtruncat, caput hastæ affigit, & ludibrio circumfert: dehinc pilis purgatam caluam, argento induxit. Eaque cum ipse libasset, suos proceres bibere iussit, sic fore, ut auri cupidissimus Cæsar, mero post fata expletus, alienam sitim elueret sedaretque. Hæc res Constantinopolim nunciata, urbem maximo dolore ac trepidatione affecit. Quisque enim suum desolebat amissum: nam magna nobilitatis pars periit. Dolorem verò minuebat regis interitus & calamitas, qua quisque optimus lætabatur, Reimpub. tanto monstro verius quam homine liberatam. Erat enim insatiabilis, omniumque mortalium avarissimus, utque breuiter dicam, scelerum receptaculum, qui suam iniquitatem ac scelera dissimulare haud diu potuit: sed mox arrepto imperio, latentem nequitiam aperuit. Ferunt, cum Bulgariam ingrederetur, frequenter ita fatum: Quis ibit, & decipiet Achab? Quia siue Deus, siue aduersarius, trahit me nolentem. Post eius interitum, Stauratius filius, prius à patre in consortem imperij assumptus, qui eodem bello saucius, Adrianopolim aufugit, indeque Constantinopolim peruenit, tertio mense, postquam imperare cœperat, a sororio Michaële Curopalate Rangabe cognomento, deiectus est, & tonsis capillis, cœnobio includitur. Zonaras tradit, ipsum Stauratium ex vulnere mortuum, postquam duobus mensibus & sex diebus imperasset, ac in monasterio, quod Stauratij dictum est, sepultum. Verum, de his, suum unicuique est iudicium. Hoc depresso, præfatus Michaël, Nicephori gener, factus Imperator, præter cetera, Caroli legatis honorifice usus, antiquum fœdus sub socero inceptum, de terminis Orientalis & Occidentalis Imperij innouauit, vicissimque oratores ad Carolum destinauit, Michaëlem Arsatium, Theognostum, & Protospatharum, qui omnia confirmarent. Quos Aquisgrani Græca lingua, cuius & Carolus non fuit ignarus, perorantes, humanissimè audiuit, & magnis muneribus honestatos, misit in urbem ad Leonem I I I. Pont., à quo fœderis libellum acceperunt. Est tum Hispaniarum pars Constantinopolitano adiecta imperio. Et Veneti, ut antea ostendimus, suis legibus viuere iussi, immunitate iis seruata, quam ad eam diem in Italia retinuerant. Apparuit hac tempestate Cometes varia insignitus figura, ut qui hominem sine capite referret. Agareni item, seu Saraceni, à Leone Armenio, Orientalium copiarum duce, sunt fusi ac fugati, exque iis, circiter duo millia, ablati armis, equis, & magna præda, interfecti. Hic Imperator, cum in Bulgaros profectus, exercitu fuga dilapso, rem infelicitè gessisset, ac intelligeret, insidias sibi parari propter imperium à Leone Armenio, quem prosperi successus contra Saracenos habiti, in spem regni crexerant, desperatione imperio, cui iam præfuerat annos quatuor & menses nouem, siue, ut aliis placet, biennium, spontè cessit, seque in cœnobium abdidit in insula Prota.

Michaël Curopalates,

Fœdus renouatur inter Carolum Imperatorem.

Cometes.

Saracenorum clades.

Leo Armenius.

Desertum à Michaële imperium, cum Leo Armenius inuasisset, & consecutus esset, Theophylactum Michaëlis filium, quem pater Augustum appellarat, mutilatum ea parte, qua vir erat, una cum matre ac fratribus in exilium egit. Fuit vir acer & industrius, sed crudelis & malus. Ante imperium adeptum,

prum, Saracenos, vti iam diximus, in imperio Bulgaros magnis cladibus affecit. Tandem à coniuratis, in suo conclauì obtruncatus est, cùm annos septem, ac menses quinque imperasset. Post Leonis cædem, Michael Thraulus, seu Balbus cognomento, obscuris parentibus ortus, in oppido Phrygiæ superioris, quod vocatum scribunt Amorium, ad imperium euectus est. Hic de imperio cum Thoma quodam, qui, mutato nomine, se Constantinum appellarat, & Saracenorum ope atque armis subnixus, regnū affectarat, mari terraque vario euentu dimicauit. Nam duplici victoria illius copias disiecit. Sed tandem eum, Bulgarorum opera, quibuscum triennales inducias pepigerat, captum, brachiisque & pedibus truncatum, interemit. Anno partæ Salutis 826. sub huius Principatu Saraceni, qui paucis antè annis, videlicet 807. Sardiniam, & Corsicam insulam, vti suprà demonstrauimus, depredarunt, Cretam insulam, Græcis duplici prælio superatis, suæ ditioni subiecerunt. Biennio tràsacto, Saraceni Asiatici, in Palæstinam, Africani in Siciliam irrupère, & Panormum, clarissimam eius insulæ urbem cœperunt, nec quifquam erat eo tempore ex Christianis Principibus, qui eorum conatibus obuiam irer, nisi Bonifacius Corsicæ Comes, cum Beatrío fratre, & paucis Hetruriæ Comitibus classè in Africam delatus, ac inter Vticam, & Carthaginem in terram egressus, quatuor ingentibus præliis tot hostes cecidisset, vt, non secus ac Pœni olim Annibalem, sic Saraceni tunc suos ex Sicilia reuocare coacti. Ita Sicilia pestifero bello liberata est. Bonifacius verò ex Africa victricem classem multisque spoliis onustam, reduxit. At non diu Saraceni quieuerunt: quin mox maiore quàm vnquam antea vi Italiam adorti, Centumcellas iterum capiunt, indeque citato agmine Romam perunt, & Vaticano, nullis adhuc munitionibus septe, facile potiti sunt, templumque D. Petri direptum, & argenteis, quas habebat ingentis pretij foribus sublati, ferro & igne prophanarunt, ibique plures dies commorati, cùm urbem oppugnare in animo haberent, audito auxiliarium ex Cisalpina Gallia copiarum aduentu, recedentes, inter Appiam & Latinam vias suburbana omnia deuastant, Pauli Basilicam Ostiensis via diripiunt, atque igni iniecto, magna ex parte absumunt. Inde in Latinam viam flectentes, populabundi in Chassinensem vsque saltum excurrunt. Cassinense fanum opulentissimū, sacra veste & donariis spoliant, magnaque ex parte excindunt. Hinc dextra Liris ripa ad mare, instar rapidæ procellæ, sese effundunt, ibique præda nauibus suis, quæ illic præstò fuere, imposita, in altum abiuere. Dum Sicilia Saraceniciis armis diuexaretur, non potuit Ludouicus Occidentis Imperator, à Paschale Pont. per Oratores moueri, vt opem ferret, causatus, eam iniuriam, ad Michaëlem, cuius imperio tunc Sicilia tenebatur, pertinere. Hic verò, vbi primū de horum irruptionibus comperit, nulla mora & cunctatione interposita, aduersus hostilem classē insignem exercitum eduxit, qui, commissio prælio, ad eò victus est, vt perpauca remanserint, qui in patriam nuntium referrent. Hac clade Imperator minimè consternatus, nouam & præpotentem classē instaurauit, eique Craterum Cibiritarum præfectum cum suprema potestate atque imperio suffecit, vt Saracenos debellaret: Hic ferox admodum, cùm in Cretam appulisset, Saracenos inuenit nequaquam pugnam subterfugientes; Quamobrem prima luce ad Meridiem vsq; acerrimè vtrinque, & dubio euentu pugnatum est, fed

Eiusdem cædes.
Michael Thraulus.

Creta occupatur à Saracenis.

Saraceni vincti
cuntur à Bonifacio Corsicæ Comite.
Vaticanium diripiunt à Saracenis.

Varij conflictus inter Romanos & Saracenos.

Saraceni sumuntur.

est; sed tandem die ad vespera vergente, Saraceni superati, fugæ se mādārunť: quorū multi in pugna occisi sunt, plures, abiectis armis capti, adeo, vt etiam vrbs illorum eadem die, nisi nox ingruēs obstitisset, capi potuisse videretur. Quæ quidem nox & victoria Græcis exitium attulit: Dum enim secundis rebus tumidi, vt qui superstites paucos se postridiē nullo negotio in suam potestatem redacturos sperarent, perinde ac non in hostico, sed domi suæ agerent, potationibus & luxui se dedunt, neque excubiarum, aut vllius salutaris rei curam habent, de somno dūtaxat & quiete, ac socordia facilē omnia salutaria consilia euertente, cogitantes, à Saracenis, id probē animaduertentibus, alto somno vinoq; sepulti, intēpesta nocte opprimūtur, & sic omnes, ne nuncio quidem superstitē, cæsi sunt. Solus dux Craterus, mercatoris vsu nauigio, saluti suæ consulere est conatus: quem Saracenorum dux diu multumq; inter cadauera, & captiuos quæsitum, cū non inueniret, ac fuga elapsū perciperet, misit qui eum persequerētur, à quibus in Co insula comprehensus, in crucem actus fuit. Quibus auditis, Michaël, Orypham, virum prudentem, & rei militaris peritissimum, prætorianam legionem, quæ tum, quod quadraginta aurei nummi singulis illius legionis militibus penderentur, quadragenaria vocabatur, colligere iussit. Is, Saracenos, passim per alias insulas prædatum excurrentes, partim insidiis locatis, partim aperto Marte, cum ipsis congressus, interemit: & eorum qui Cretam obtinebant, immodicam audaciam repressit. Sub hoc Imperatore Dalmatia, excussio iugo imperij Græci, sese in libertatem asseruit: Vnde regnorum Dalmatiæ, Bosnensium, Croatiaëque origo est, quæ aliquandiu his proximis annis Reges Pannoniæ tenuerunt. Ferunt, ea tempestate vetus oraclum, suum fuisse vaticinium affecutum, rem scilicet Romanam præcipitem collapsam iri, & principatum malorum in terra futurum, quando Dracon Babylonix dominabitur impedita lingua, & avarissimus, qualis hic vir fuit, balbutiens, & admodum avarus. Perit profluuio ventris, quod Dysenteriā vocāt, ad quod accessit Phrenitis, cū annos octo & mensibus nouem crudelissimē imperasset, filio superstitē relicto, nomine Theophilo, qui comunibus suffragiis Cæsar renuntiatus est. Hic fuit Princeps in gubernatione iustus & seuerus, in vita priuata honestus & castus. Imaginū verò & simulacrorum acerrimus oppugnator. Vrbe muniuit & ornauit magnificē, instauratis mœnibus, quæ collapsa erant, & altius euctis. Per id tempus, in Asia Impælus Syriæ Calysa, qui Muamati successerat, cum maximis copiis Imperij Romani fines irrupit. Aduersus quem Imperator validissimum exercitum eduxit, sub præfectura & imperio duorum præstantissimorum virorum, Manuelis scilicet, qui sua virtute etiam hostibus, quibuscum sæpissimē prius manus conseruerat, ac strenuissimē pugnauerat, cognitus erat, & Theophobi, è Persia oriundi, sed tamen Constantinopoli educati, qui aliquandiu in obscuris latuit, licet eius pater ex regia Persarum tribu progenitus, deficiente regia stirpe apud Persas, alius se ex hac tribu finxisset, & honorem huic præripuisset, Abiit itaque cum filio, & tandem cognitus Theophobus, in altiore fortunam euctus, patricio honore insignitus est, necnon sororis Regiæ maritus factus. Erat præterea in hoc exercitu Michaël Rangabæ filius protostrator exercitus, hoc est, primipilis. Horum præclarissimorum ducum inclyta virtute fretus atque confusus

Christianorum
elades, &
deinde victo-
ria.

Dalmatia
se in liber-
tatem vindi-
cat.

Mors Mi-
chaëlis Tra-
nili.
Theophilus.

Impælus
Muamatis
successor, mo-
uer bellum
contra Rom.
Theophili ex-
peditio aduer-
sus Sarace-
nos.

fíſus Theophilus contra Arabas iuit, locatis in proximo caſtris, omni arte
 atque industria communitis. Saracenicus Imperator, ſimul atque Roma-
 norum Cefarem aduentantem vidit, & ad prælium paratum, ſiue arrogantia
 ductus, ſiue quòd belli fortunam timeret, Abuzachare quodam cum LXXX.
 armatorum millibus ad pugnam relicto, cum parte exercitus diſceſſit. Com-
 miſſo autem prælio, cùm Saraceni eſſent ſuperiores, Theophilus cum præ-
 toria cohorte duobuſq; Perſarum millibus, & Theophobo in collem quen-
 dam euafit: quo ab Saracenis cincto, illis ſummo conatu Rom. Imperato-
 rem capere nitentibus, his autem Imperatorem ſuum fortiffimè propugnan-
 tibus, in veſperam uſque acriter dimicatum eſt. Sed ubi nox venit, Theo-
 phobus Saracenos arte deluſit. Mandauit enim militibus, vt, quantum poſ-
 ſent, ſtreperet ac conclamarent, ſonitumq; cithararum & chordarum atq;
 tubarum ederent, quaſi ſubſidium ipsis aliunde aduentaret. Quod ſuſpican-
 tes Saraceni, ne ab hoſtibus circumdarentur, ab VI. M. P. recellerunt, & ſic
 Imperator cum ſuis periculo ereptus, ad exercitum, qui fugam è prælio fe-
 cerat, contendit. Quamobrem Imperator Theophobum vniuerſo exercitui
 præpoſuit, & appetente iam hyeme, Byzantium remigrauit. Cæterum inſe-
 quenti anno, iterum contra Saracenos expeditione ſuſcepta, factoque ſup-
 plemento, cum ipsis apud Charſianum manus conferens, proſpero Marte
 dimicauit, adeò ſanè, vt, præter magnum interfectorum numerum, ad XXV.
 millia captiuorum ſecum domum rediens abduxerit. Inter hos, Agarenuſ
 quidam erat, ambidexter, ſcholæ gladiatorie princeps, duabus haſtis in equo
 pugnans, quem ſecum Imperator in triumphum adduxit. Rurſum tertio an-
 no in eoſdem proſectus, commiſſa pugna, ab hoſtibus circumuentus, penè in
 manu eorum peruenit. Quod ſentiens Manuel dux exercitus, animis ſuo-
 rum vehementi oratione collectis, eò perrupit, Imperatoremq; iam fatiga-
 tum, ac de ſalute ſua penitus deſperantem, cauſantem tamen fuga ſe ſuos
 prodere nolle, etiam inuitum periculis eripuit, mortem ei, ni ſe iter ferro ape-
 rientem ſequeretur, minatus. Sic Cæſar ſoſpes atque incolumis reductus,
 Manueli regia munera donauit. Sed cùm inuidia ſit humanæ felicitatis co-
 mes, non potuit Manuel maledicorum linguam, licet vir eſſet ſtrenuus, ac
 miræ probitatis, effugere, quin apud Auguſtum affectati imperij criminare-
 tur, eaq; perſuaſio tantoperè illius animum inuaſit, vt de eo excecando con-
 ſultaret. Manuel, de his rebus certior factus, ad Saracenos defecit, & illic con-
 tra Perſas tumultuantes multa fortiter ac præclare geſſit, deq; illis varia tro-
 phæa erexit. Proinde ipsis Saracenis magnæ admirationi eſſe cœpit, & Perſis
 formidini. Theophilus errorem ſuum agnoſcens, magna pœnitudine ductus
 eſt, quòd tantum virum, tam inſigni iniuria affectiſſet, ideoq; Chryſeman-
 thum monachum cum fide ac iuramento manu ſua ſcripto, ad reuocandum
 Manuelem miſit. Edoctus à monacho, & perſuaſus, Iſmahelitarum Princi-
 pem adit, & ab eo exercitum petit, vt Cappadociam inuadat, illic eſſe ſuos
 delatores, quos vlciſci cupiat. Simulq; eius filium, quem militaribus diſci-
 plinis iam dudum inſtituere cœperat, petit, vt rebus bellicis aſſueſcat. Vtrumq;
 accipit, & filium, & exercitum, ſineſq; Romanorum attingit, atque illic re-
 liſtis copiis, cum filio Ducis Agarenorum, & pauculis Saracenis, quaſi vena-
 tum iret, in Romanam regionem peruenit. Filium Iſmahelitarum Principi

Idem, Theo-
 phobi ſtrata-
 genate, inco-
 lunis euadit.

Theophobino
 na expeditio
 in Sar. cum
 ingenti vi-
 ctoria.

Romanorum
 clades.

Cæſar Ma-
 nuelis virtute
 conſerua-
 tur.

Manuel ſu-
 git ad Sara-
 cenos.

Idem rediit
 ad Imp.

perquam honestè cum Saracenis remisit. Ipse Byzantium ingressus, ab Imperatore quàm benignissimè excipitur, & statim Magister equitum creatur, quòve illum sibi arctiori vinculo obstringeret, Imperator voluit, ut suum filium sacro baptismatis fonte susciperet, quem pater mox corona insignitum, Regem Romanorum renuntiavit. Et quartò cum copiis utriusque exercitus in aciem progressi, nulla re insigniter gesta, domum redière. Quintò, Theophilus, longè in Syriam vastando ac populando progressus, Sozopetram Impriaelis patriam expugnauit. Qua re vehementer irritatus Impriaelus, copias undique ingentes comparat, ut Amorium ipsius Theophili patriam expugnaret. Eius copiae Tarsum cōueniēre, ubi cū Impriaelus venisset, filium suum cum parte exercitus ad Romanum exercitum, qui ad Dorylaeum triduo ab Amurio itinere castra habebat, tentādum praemittit, eiūque decem Turcorum milia, & omnes Armeniae copias adiungit: qui, cū ad Drazynum esset metatus, Theophilus contra eum progressus, ad locum venit, cui Anxino est nomen; atque inde statuit, priusquam belli aleam experiretur, hostiū multitudinem speculari. Itaque à Manuēlo in altissimam ductus speculam, hostile agmen (etsi Manuēlo non multitudinem, sed hastarum segetem spectandam moneret) suo robustius atque validius iudicauit: sed tamen post multam deliberationem, prima luce praelium acerrimè initum est, quo in praelio Romanis legionibus fortissimè pugnantibus, Saraceni fugae se dederunt. Sed Turcis sagittarum nimbo Romanos ab illis persequendis arcētibz, mutata est pugnae fortuna. Romanae enim legiones Turcicarum sagittarum vim non sustinentes, Imperatore deserto fugerunt, ducibus illarum & Persis pro eo summa vi dimicantibus. At caelum tunc Imperatorem valde iuuat: Pluuia namque exigua delata, neruos arcuum Turcicorum relaxauit: quo factum est, ut Romani sagittarum metu liberati, salutis parandae occasionem inueniant. Hac suorum victoria cognita Impriaelus, filij copiis cum suis coniunctis, Amorium petiit: eumque profunda fossa cinctum, omni vi oppugnare coepit. Theophilus patriae succurrere conatus, exercitum, cui Theodorum Fortem praefecerat, educit. Nam Manuēlo, qui nocturnis praesidiis praesidebat, Persarum proditores, qui ad Saracenos erant defecturi, intellexerat, cū eorum linguam peroptime calleret. Quapropter suasit Imperatori, ut continuò cum exercitu discederet. Impriaelus interim obsidioni Amurianae intentus, crebris incursionibus oppidanos vrgebat, qui, cū strenuissimè pugnarent, omnes illius conatus irritos atque vanos reddebant, ita sanè, ut expugnationem minimè pertimescerent. Ceterum Amorienis quidam, Bæditzis nomine, muneribus corruptus, quānā ex parte facilius in muros euadere possent, Saracenis indicauit, & sic vrbs Orientalium pulcherrima expugnata deletaque fuit, in qua, magna mulierum ac senum multitudo periclitata est, iuuenum ingens turba capta, & cum hac etiam duces excellentiores, nempe Calistus, Constantinus, & Fortis Theodorus, patricij, & ipsius Imperatoris consobrini, atque etiam complures alij, qui militari disciplina & praecipua dignitate perinsignes habebantur. Hac victoria elatus Impriaelus, Caesaris legatos ante oppugnationem cum ingentibus muneribus ad se, ut ab incepto desisteret, rogandum missos, & hactenus in vinculis detentos, omnia prius inspicere iussos, cladis nuncios ad dominum remittit. Quos cū Impe-

*Acerrimum
praeliū inter
Rom. & Sa-
racenos, cum
quibus &
Turci se con-
iunxerant.*

*Romanorum
fuga.*

*Amorium à
Saracenis
occupatur,
& diripitur.*

Imperator rursus, vt de clarioribus captiuis agerent, ac pro eis redimendis duo millia & quingēta auri pondo offerrent, misisset, Barbarus iterum contumeliosè remisit, stultum se fore inquit, si captos ea pecunia redderet, cum ipse eo bello decies tantum impendisset. At Theophilus, hoc responso habito, cum sibi longè carissimos viros, nullo are, nullisq̃ue pollicitationibus, licet amplissimis, redimere posset, ad tantum animi angorem ac mæstitiam redactus est, & tam vehementer perturbatus, vt præ doloris magnitudine, cum multos dies, solo frigidissimæ aquæ potu vsus, ab omni cibo abstineret, in dysenteriam incideret, & intestinis collabefactis, inualecente quotidie morbo, salutis suæ nullam spem habens, de regno cogitare inciperet. Quocirca vocato ad se Senatu, iuramentum exigit, vt vxorem Theodoram, filiumq̃ue Emanuele ad huc impuberem, pro Regibus suscipiant, eosq̃; seruent: quod promissum factumq̃ue est. Cœpit autem maximè suspicari Theophobum, quem ipse Persis præfecerat, (habuit enim Imperator Persarum exercitum) à quibus & ipse Rex fuit, licet inuitus, appellatus. Et quanquam tres myriades, quas habuit, diuiserat, & in diuersa loca distribuerat, tamen ob Persarum prodicionem, quam attentauerant, multis præcipuè hunc insimulantibus, illum quammaximè suspectum habuit. Dum igitur paulatim corpus insumitur, Theophilus timens, ne post suum obitum, Theophobus regnū inuaderet, intra regiam contineri mādāt, & cum illum vires paulatim defererent, ac tenuissimo filo eius vita teneretur, Theophobum iubet trucidari, eiusq̃ue caput afferri, quod manibus suis contrectasse fertur his verbis: Nec tu posthac Theophobus, nec ego Theophilus ero. Et hoc dicto, animam efflauit, cum iam duodecim annos & menses tres regnasset. Sub hoc Imperatore, vt hoc etiam obiter dicatur, Saraceni Saba duce Italiam ingressi, eam in multis locis depopulati sunt. Et cum Veneti auxilio occurrerent, eorum naues partim naufragio, partim oppugnatione fractæ, submersæ perierunt, estq̃ue Tarentum & Ancona Piceni vrbs, ab ipsis Saracenis direpta, & sinus etiam Crotoniates infestatus. Theophilo, mortalibus rebus exempto, cum filius Michael nondum esset idoneus ad gubernationem, mater Theodora imperium administravit. Hæc, breui post, cum Bulgaris pacem fecit, reddita Regi sorore, quam bello Græci ceperant. Et cum esset in Christiana fide ac religione rectè instituta, persuasit fratri, vt pro Ethnica, Christianam amplecteretur. Hac occasione Bulgari ad cognitionem Christi peruenerunt. Filius Michael cum adoleuisset, matrem omni potestate priuatam, in cœnobium relegauit, vbi præ nimio dolore haud sanè diu superstes fuit. Ipse interim, aduersus Saracenos expeditione suscepta, Samosatam urbem, ad Euphratem fluuium sitam, opibus ac robore insignē, obsidione vallauit. Sed dum, propterea quòd Saraceni metum simulantes, intra mœnia se continerent, exercitus nimis fecurè, & sine excubiis degit, tertio obsidionis die cum milites omnes (erat enim is dies Domino consecratus) ad sacra cōuenissent, Saraceni armati sese patentibus portis effundunt, & Romanos, nihil huiusmodi suspicantes, de improviso adoriuntur, & strepitu ac vociferatione omnia complent. Vallo superato, regium tentorium diripiunt, impedimenta omnia, regioq̃ue apparatus rapiunt. At illi vndeque oppressi, fugè se omnes committunt, adeò, vt præter magnum interfectorum numerum, plerique, inter quos viri erant

Theophobus
Theophilus
moriens, ob
regnandi su-
ssuione inu-
cidari inbet.

Italia plui-
num inse-
statur à Sar.

Michael
Theophili
filius Imp.

Bulgari am-
plectuntur fi-
dē Christiana-
nā suam re-
gē sororis.
Michaelis
expeditio ad-
uersus Sara-
cenos.

Eiusdem
clades.

Mamumum
Impraëlis
filium.

Saraceni
ingressus clades.

Petrone Mi-
chaelis auum
culus Byz.
victor reuer-
titur.
Eorundem ex-
cursiones ex
Sicilia in
Italiam,
Saba duce.

illustres, à quibus deinde ingentem pecuniarum summam pro redemptione acceperunt, captivi abducerentur, & Imperator ipse, equi celeritate incolomis effugiens, Constantinopolim reuersus est. Rursus biennio post, Saracenis Imperij Romani fines cum xxx. millibus ingressis, Michael, ut cladem prius acceptam, victoria farciret, xlv. millibus Thracum atq; Macedonum collectis, eis obuiam procedit: Sed illi, hoc cognito, per ardua & difficilia loca compendioso tramite, cum in itinere dissipatum, repente adoriuntur, atq; in fugam coniiciunt, & tunc quoque Michaellem in hostium potestatem venturum fuisse tradunt, nisi Manuel phalange perrupta, eum dicto citius eripuisset. Deinde biennio post, Mamumum, Impriaëlis filio, Calyfa Syriae, viroque rei astronomicæ peritissimo, & multis eximiis virtutibus ornatissimo, imperante, Saraceni xl. millium exercitu coacto, Armeniam, & maritima populati, vastarunt. Quo quidem tempore, Calysam Xerxis factum imitatum ferunt, qui mare flagris cædi iusserat, quod ulterius sibi ad libitum progrediendi facultatem ademisset. Id grauitur ferens Michael, Petronam, suum auunculum, qui tunc Thraciæ prouinciæ præerat, cum magnis copiis contra Mamumum misit. Petrona, priusquam cum hoste cõficeret, Monachum quendam, qui vicinum montem incoluit, rerum futurarum præscium, & diuinarum peritum, adiit, ab eoque percunctatur, num pugnam inire debeat. Cumq; is futuram polliceretur victoriam, huius persuasione ductus atque alacrior factus, in loco quodam Lalaccon nuncupato, metatus, insidiis vndique positis, Mamumum ad certamen prouocat: qui instar feræ indagine cinctus, deque exitu haud mediocriter anxius, de regionis, locique, in quo castra posuerat, ac præterlabentis fluuij nomine, quendam à captiuis Romanis percunctatus, cum audiisset, regioni Lalacconis, loci Ptosontis, amnis Gyrus nomen esse, ut erat Græcarum Latinarumque literarum non ignarus, & Philosophiæ studiis deditus, statim nomina illa sibi copiarum cladem, easque in gyrum à Romanis inclusum iri denūciare dixit, omniaque infausa, malum sibi pugnae euentum minari. Aiebat enim, Lalacconem, populi malum, Ptosonta, seu Ptosanta, cadentem, & Gyren circumsessionem hostium significare. Suos tamen graui & militari oratione admonet, ne desperent, sed fortiter se ad pugnam parent. Itaque sequentis diei prima luce se vndique inclusum sentiens, per eam partem, quam Petrona statione tenebat, exitum querere statuit, hostesque ingenti sublato clamore inuadit: sed conatum suum irritum cernens, paulatim se recipit, ac rursus inde impetum facit, idque sæpius iterauit. Tandem desperata salute, in aduersos hostes vehementi cum impetu irruit, ibique & ipse cadit, & exercitus eius ad internecionem deletur, eiusque filius cum parte copiarum populatum missus, cladis nuncio accepto, statim fuga Melitenam petit: sed eum, qui Charsianis angustiis præerat, insecutus, captum Petronæ tradidit. Hic deinde victor, Byzantium cum insigni triumpho ingressus, & honorifice exceptus, cum Manuel iampridem vita functus esset, præpositus gladiatoriae domesticus factus est. Nec diu post, & ipse superstes fuit. Dum ita res geruntur, Mauritanii Saraceni, ex Sicilia, in qua iam diu multa oppida obtinebant, Saba duce in Italiam traiciētes, Tarentum oppugnabant, cum Græca & Veneta classis, simul iunctæ, in Calabriam delatæ sunt, ad eam urbem obsidione liberandam. Quo audito, Saba

timorem,

timorem, vt hostem in certamen traheret, fingēs, soluta obsidione, vitabundo similis, in Crotoniatē sinum concessit: vbi non multò pòst, prælio commisso, & Græcorum agmine statim in fugam verso, omnis Saracenorum vis in Venetos fortius diuicantes, versa est, pauci quæ à tam valida classe circumuenti, partim cæsi, partim fluctibus merfi, Veneti ad vnum eo prælio periērūt. Qua victoria elatus Saba, Ionij maris ora celeriter nauigata, Illyricum petit: cuius Prouinciæ oram dum populabundus legit, ad Venetarū nauium, quæ Syriaca merçe onusta, aduētabant, famam, in Tergestinum sinum classem celeri cursu contrahit: vnde naues ex insidiis adeptus, diripit; negotiatores, & socios nauales, remigesque omnes incredibili Veneti nominis odio trucidat. Hinc transgressus, Amonem, nobilem Piceni urbem, & pulchro portu celebrem, vi capit: captam diripit, & incendio absumit, paucis oppidanorum captis. Omnes enim ferè repentina trepidatione dilapsi, in Mediterranea se receperant. Paulò pòst, alia eiusdem gentis classis, vrbis Romæ oppugnandæ consilio ad Hetruriæ oram appulsa est, cuius repentinus aduentus totam urbem maximo terrore repleuerat. Cæterum Populus Romanus Leonis IIII. Pontificis cohortatione collectis animis, omniq; metu deposito, vniuersas cogitationes ac studia protinus ad patriæ progugnationem conuertit: Proinde omnes, qui ad militiam erant apti, euestigio arma corripuerunt, eumque, Ostiam vsque secuti sunt, aduersarios in littus egredientes prælio excepturi, quos, vbi in conspectum habuere, ingenti animorum alacritate, acie instructa, signoq; pugnae dato, ipsos adoriuntur. Pugnatum primò est aliquandiu æquo Marte, fuitque cruentum certamen. Postremò fusi fugatique Saraceni, & ad naues cum multa cæde compulsi sunt. Ingens hostium numerus variis casibus periit, & multi capti. At Saraceni, qui Cretam obtinebant, in Illyricum & Histriam delati, Gradum, urbem Venetorum imperio subiectā, circumfederūt. Sed hinc subitò Veneti ducis accessu depulsi, nauibusque repente eductis, in altum abiēre. Quod quidem incidit in annum ab orbe reparato D. CCCLXI. Interea temporis, Saraceni qui erant in Syria, post acceptam cladem, suumque regem interfectum, reparatis viribus, nouoque exercitu collecto, iterum Græcos ad bellum prouocarunt: Michaël verò, ad hostilis exercitus famam, nouas copias instruxit, & contra eos profectus est, nullaque re memorabili gesta, domum rediit, & Basilium Macedonem, cuius opera in domandis & exercendis ad cursum & aurigationem equis vsus fuerat, & postremò illum cubiculari dignitate ornarat, Cæsarem creauit, Eudocia Iceris suæ concubinæ filia in vxorem tradita, sed breui pòst, ab hoc Basilio 9. Cal. Maij, anno 867. interēptus est, cum vino madidus, Basilicium quendam, qui Basilij primus remex erat, porrectis ei calceis purpureis, eadem dignitate ornasset. Imperauit annos tredecim cum matre Theodora: solus annos vndecim.

Basilius ad imperium euectus, bellum contra Saracenos Cretenses suscepit, in quo victus est, multisq; cæsis, parum abfuit, quin ipse caperetur. Quorum pòst audaciam fregit Christophorus, eius focer, contra eos in Cretam ab eodem cum exercitu missus, & ipse Imperator cum exercitu in Syriam profectus, castellis quibusdam captis, & magna populatione facta, Tephricam, nobilissimam Saracenorum urbem oppugnauit: sed cum eam, nisi lōga obli-

Venetorum
clades.

Præliū inter
Romanos &
Saracen.
Romanorum
victoria con-
tra Saracen.

Michaēlis
caedes.

Basilius Ma-
cedo.

Baslij diuer-
sa expeditio-
nes in Sarac.

obsidione capi non posse animaduerneret, castris inde motis, Euphratem fluvium navali ponte traiecit, ac circumiecta loca populatus, multis oppidis atque arcibus oppugnatis, aliis verò deditione acceptis, Byzantium reuersus est. Inde rursus expeditione in Syriam contra Saracenos suscepta, Germaniciam inuadit, & suburbiis incensis, urbem Adatan obsidet. Cùm verò hanc itidem oppugnatione parum sibi prosperè succedere animaduerneret, ab ea recessit, & relictis in Syria ducibus ac praesidiis, Cōstātinopolim remigravit.

*Nota Saraceni-
orum ex-
cursiones in
Italiam.*

*Albericus de-
vincis Sara-
cenos.*

*Beneuentum
capitur à
Saracenis.*

*Genua capi-
tur & diri-
piunt à Sa-
racenis.*

Isdem fermè diebus, Saraceni Africani Ragusum in Illyrica ora obsederunt, & Ragusinis à Basilio auxilium postulantibus, ipse centum bellicas naues eis subsidio misit. Quod ubi Saraceni cognouerunt, soluta obsidione, Italiam petunt, captoque Barro, Calabros, Apulos, Lucanos, & Salentinos, incendio, caede, rapinis, penè ad internecionem affligunt, & iam de Roma, ac totius Italiae imperio inter se diuidendo agitabant, cùm Iohannes Pont. publico periculo motus, ab Alberico, cuius opes tunc latè in Hetruria vigeant, opem atque auxilium implorat, qui cum validissimo exercitu, etiam Romae delectu habito, cùm illi iam in Romanum agrum irrupissent, primùm eos non procul ab urbe praelio vicit: Inde ad Lirim fluvium circa Minturnas sic eos fudit, ut de Italia deferenda mox cœperint cogitare: quamobrem omni maritima ora incensa, in Apuliam concessere, & arce in Gargano monte facta, ac sub iugo montis oppido ad belli sedem communito, illinc per multos annos Italiam infestant. Inde Beneuentum adorti, vi capiunt, diripiunt, & incendunt. Quo exemplo terræ finitimæ urbes, eius gentis praesidia admiserunt. Verùm subsidiariis copiis à Romano Pont. missis, Barbari praeda magis, quàm iusto bello rem gerentes, sine praelio Romanis finibus cesserunt. Et alia eiusdem gentis classis ex Africa profecta, Genuam graui obsidione pressam, vi cepit: propugnatores primo ingressu trucidati, puellas, matronas, & mares impuberes, nauibus impositos, in Africam, unā cum ingenti praeda, tam sacra quàm profana deportarunt. Sed Dandalus Venetus tradit, omnes virilis sexus post, in patriam rediisse: quo autem modo id factum sit, nemo scribit. Fuit Genua capta anno salutis Christianae supra nongentesimum trigesimo quinto. Hanc Genuensium cladem praecessit fons sanguinem manans, magnam, quæ illi urbi imminabat, calamitatem portendens. Inde anno sexagesimo nono supra nongentesimum, ab Othone Germanorum Imperatore, à Gargani arce, prius à Dalmatis deiectioni, & à Pannonibus multis cladibus attriti, prorsus Italia pulsi sunt Saraceni: Graeci hinc Italiam Constantinopolitani Imperatoris ope, Francis in ipsius Imperatoris gratiam adiuuantibus, Saracenorum metu liberatam gloriantur. Basilius interim, postquam rem Christianam adiuuantibus cæteris dynastis, fregisset in mari potentiam Saracenorum, omni studio ac diligentia enitebatur, ut ex aliis quoque locis in quibus Romanum Imperium diuexabant, illorum vires atque potentiam prosterneret. Proinde cùm ex Tarso ac Melitene, Romanas prouincias variis incursionibus deuastarent, omniaque miserrimè depopularentur, contra eos Andream, cognomine Scytham, & Magistrū equitū expedit, quo illorum impetum & audaciam reprimente, Amyras Tarsensium rex indignatus, minaces, & in Deum contumeliosas literas ad eum exarauit, quibus, inter cetera, scribebat, si ipse illum inuasisset, nihil ei virginis Mariae filium, neque robur

bur suum profuturum, quorum verborum mox pœnas dedit. Siquidem Andreas, his literis inspectis, grauissima ira accensus est, ac protinus imagine Virginis in vexillo erecta, & diuini Numinis auxilio implorato, contra insolentem hostem copias eduxit, commissaque pugna, Saraceni in fugam versi, maxima ex parte cadunt, ipseque rex trucidatus. Et licet hic Andreas præclara & insigni victoria potitus esset, non potuit tamen ob inuidiam, apud Cæsarem euitare calumniam, quasi Tharsum capere, cum potuerit, nolisset, unde ablatum est ei imperium, & Stypero, siue ut alij appellat, Stypiotæ traditum, qui in eius locum exercitui præpositus fuit, quod Tharsum sese euersurum promississet, & quæ ab Andrea neglecta essent, emendaturum. Qui non modò nihil eorum, quæ iactauerat, præstitit, verum etiam in maximum ex sua negligentia incidit periculum. Quandoquidem Saraceni, eius castra neglenter locata, nullasque in eis excubias esse agnoscences, noctu incautos somnoque sepultos aggressi, multos ceciderunt, reliquos in fugam compulere.

Amyras Tarsensem Rex interficitur in bello.

Exemplum diuina ultionis.

Suprà commemoratum est, Ragusium Basilij ope à Saracenorum obsidione, atque adeò vniuersam Siciliam & Italiam ab horum incursionibus liberatam. Nunc, priusquam de ipso sermonem absoluam, hæc pauca breuiter subiungam. Cum, hoc Imperatore, Francorum regi, eidemque Cæsari Occidentali, opem ac suppetias ferente, vniuersa Agarenorum militia, ut diximus, in Italia deleteretur, inter cæteros præcipui nominis viros, etiam illorum dux Sultanus captus fuit, qui toto anno Capuæ in captiuitate detentus, nunquam ridere visus est, non sine omnium qui aderant, admiratione. quoad semel videns rotam curru circumuolui, & imam partem nonnunquam in altum erigi, Sic, inquit, res vertuntur humanæ, quod sine cachinno explicare nescio. Et fortè ego, qui nunc ad ima detrusus iaceo, exurgam quandoque, & denuò regnabo. Rex, huius fortunam miseratus, sibi familiarem huc fecit, adeò ut sæpè cum illo deinceps consilia sua cõmunicaret. Barbarus callidus insidias Regi moliri incipit: suadens, ut, si Capuam, ac Beneuentum firmissimo dominio possidere velit, nobiliores vrbes aliò migrare faciat, ut ea ratione plebs citra ullam difficultatem in officio atque obsequio retineri queat. Rex, consilium ex animo suo arbitratus fore, clam vincula fabricari, & compedes iubet. At Sultanus omnia nobilioribus patefacit, utque sibi tantò facilius fides adhibeatur, compedes, manicasque ferreas illis clanculum ostentat. Cæterum populares Regem in venationem progredientem, vrbe excludunt, & Sultano precium, libertatem scilicet captiuitatis, donant. Qui egressus, nouoque exercitu instaurato, ac pristinis viribus recuperatis, longa obsidione Capuam & Beneuentum iterum cingit: qui obsidione pressi, iterum ad Regem (huc autem plerique censent fuisse Carolum Crassum V. Romanorum Imperatorem) suppliciter confugiunt, facti veniam petentes, & causantes, Barbari astu se deceptos. Rex, legatos non admittens, se ob delicta meritò pœnas luituros est protestatus. Basilium itaque adeunt, & opem petunt, quò periclitantibus maturè suppetias ferat: qui benignissimè legatos complexus, benò animo esse iubet, & mox auxilia ac præsidia affuturam pollicetur. Sultanus oratores ex itinere redeuntés capit, lectisque literis, quæ Basilius promiserat, edoctus, mādāt, vnum ex legatis, suis ciuibus, si modò vitam cupiat, contraria nūnciare, Basilium scilicet, confederationem recusare; nec posse,

Sultanus capitur à Christianis, & dolo euadit.

hac

Admiranda
constantia cu-
insam Ora-
toris Capua-
ni pro salute
patriæ.

Basilij pietas
in proferenda
priori do-
ctrina.

Eiusdem in-
gratitudo in
de se beneme-
ritum, &
mors.

Leo Imperat.

Anceps præ-
lium inter
Romanos &
Saracenos.

hac quidem tempestate, vllum auxilium præstare. Ductus itaque legatus ante mœnia vrbis, stans, clara voce, legationem se absoluisse, & mox venturum auxilium pronunciat, popularibus suis bene audientibus: At Sultanus mox mille ensium ictibus illum iubet confodi, & relicta obsidione, discessit. Verum enimverò ne in commemorandis Saracenice rebus, quæ, Basilio adhuc superstite, vtrunque in Asia & Africa gestæ sunt, nimium excrescat oratio, ab earum exacta enarratione prudens sciensque supersedeo, & quonam exitu ipse Basilius vitam terminauerit, ostenso, mox ad alia transgrediar. Hic Imperator, Christianæ religionis proferendæ atque amplificandæ maximo & incredibili ardore flagrans, ingentem Iudæorum multitudinem, haud mediocribus pecuniarum largitionibus ac promissis induxit, vt sacro baptismatis fonte abluti, fidem Christianam susciperent. Cum Rossis itidem pacem iniuit, eisque persuasit, vt relicto Ethnicismo, eandem religionem amplecterentur. Tandem Imperator progressus in venationem, ceruo occurrit, qui iram erectis cornibus præ se ferebat, toruè Regem inspiciens: cui gladium magnum attollens, in collum vibrabat. Sed Rex, cerui cornibus implicitus, zona, qua cingebatur, altero eius cornu ramo adhæsit: vnde in altum ciectus, in cornibus feræ, Rex tum vitam finiuiisset, nisi quidam, ense stricto, zonam abruptisset, quare in terram delapsus, saluatus est. Cui ingratus Rex, mox caput pro salutaribus donis ademit, quod nudum ensen in se strinxisset, non in feram: falsò illud in innocentem simulans, qui pro salute Regis malè mulctatus fuit. Sed mox diuina ultio affuit: lethaliter enim sauciatus à ceruo, qui cornibus violento insultu in imum ventrè adactis, equo eum excussit, paulò post, eo vulnere mortuus est, cum iam regnasset cum Michaële anno vno, solus decem & nouem, relictis ex Eudocia vxore tribus filiis, Leone, qui illi in imperio successit, Alexandro, & Stephano. Nam quartum Constantinum multò antè amiserat, & filiabus totidem, quas omnes sacris initiatas, cœnobiis inclusit.

Leo filius Basilij, à studiis Philosophicis, quæ vehementer coluit & amplexus est, cognomentum obtinuit. Princeps fuit in Rep. moderanda diligens, & in vrbe custodienda tuendoque semetipso contra insidias sollicitus & solers. quod quidem & res exegit, cum & vrbs vndiquaque à vicinis Barbaris hostibus ex propinquo circumsideretur, qui imperio inhiabant, & ipse multiplicibus insidiis impeteretur. Proinde hostes tam externos, quàm domesticos omni quâ potuit diligētia nunc circumuenit, nunc debellauit, nunc cum iis pacem instituit. Bulgaros violata pace deficientes, suis, & sociis Turcorum armis repressit, etsi semel ab eorum Rege Simeone Laba simulatæ pacis conditionibus delusus, & eximprovisò circumuētus, haud exiguam cladem accepit, fitque prima Turcorum mentio in historia huius Leonis. Cum Saracenis pariter conflixit, Marte ancipiti. Cæsare namque naualibus parandis intento, antequâ classis esset parata, ipsi classe sua, quam longè instructissimam habebant, Taurominium deprædantur, Siciliam deuastant, Lemnum occupant, insularibus magna clade afflictis. Inde vicinas Cycladas perpetuis & improuvis depopulationibus diuexant: quibus cū classe Niceta ductore vario euentu dimicatum est. Inde aliquandiu quieuerunt ad Romani iunioris imperium vsque, de quo mox dicemus. Paucis ante annis quàm hæc gererentur,

tur, in Oriente, Esmān Calyfa cum magna classe Euripi urbem aggressus, nihil effecit, quin potius ipse in oppugnatione lethali vulnere accepto, viuis subtractus est. Et Cretenſium Saracenorum classis, dum Ægæi mæſis oram & insulas populatur, in Romanam incidit: à qua multæ naues igni in cineres redactæ, multæ fractæ, & complures demersæ sunt. Quod periculum qui ex illis euaserunt, cum magis irritati, Peloponnesum, & vicinas insulas diuexarent, Byzantinæ classis præfectus, cum ad portum Cenchrearum applicuisset, ac hostiles naues circa Methonem, Pylon, & Patras crebrò stationes habere didicisset, triremibus per Isthmum Corinthiacum celeriter terra traductis, eos repente adoritur, iisque improuisa impressione percussis, hostium naues partim cremat, partim cum ipsis viris demergit, duce quoque illorum Photio interempto. Verum ex Africa sexaginta ingentes naues ad Romanas Provincias deuastandas emissæ, Cephalem, & Zacynthum vsque processerunt, contra quos, Narfa Byzantinæ classis Nauarchus, missus est: sed triremibus remigum fuga penè euacuatis, cum hoste congredi non est ausus. Cum verò classiarios aliquot Saracenorum captiuorum, quos classiariorum more indutos, palis affigi iussit, supplicio terruisset, reliquis captis, profligarunt. Deinde in Siciliam transuecti, vrbes, quæ Saracenis parebant, vastarunt. Interea verò Mesembriaci Saraceni, nauibus aduecti, Phœnicia, & Syria oram infestarunt. Et hæc quidem paulò antè gesta sunt, quàm Leone templis ædificandis (plurima enim condidisse, Annales referunt) occupato, Lemnum insulam inuaderent ac expugnarent. Porro hic Imperator anno imperij decimo quinto in festo Pentecostes sub publicis sacris ictu baculi grauitè laesus ex insidiis, cum mæſis alienatione sanguinem vomuit, adedò vt pro semimortuo sit è templo elatus. Aberat frater Alexander, qui in multorum suspitione venit, ab eo has parasse insidias: sed cum autor per indices non inueniretur, qui hoc facinus perpetraret, disiectis manibus ac pedibus, in ignem proiectus est. At quarto, siue quinto, vt aliis placet, & vicesimo anno, tribusque mensibus sui imperij (tandiu enim regnasse ferunt) transactis, cæliaco morbo correptus, paulò post extinctus est. Vxores habuit quatuor, ex quarum postrema filium suscepit Constantinum, quem moriturus, cum imperij tutela fratri Alexandro commendauit.

Alexander Basilij Macedonis filius, frater Leonis fuit, cuius mandato, imperij administrationem suscepit, nihil prorsus regium habuit, sed studiis & moribus fratri longè dissimillimus erat. Totus enim prouolutus ac demersus in heluaciones & libidines, curam imperij commisit adulatoribus, prestigatoribus, & flagitiorum sociis: cumque non nisi à balneo prandium sumeret, aliquando immoderatè impletus, cum conscenderet equum, corpore vehementer extenso, venam interius rupit, è qua largissimo sanguine supra infraque effuso, animam simul euomit, porci instar iugulatus sua ingluuie, cum imperasset annum vnum, & mensem vnum, quo vaticinium fratris Leonis compleuit. Alexander moriturus, tutelam Constantini, qui Leonis fratris filius, & puer septennis erat, cum imperio, matri, & quibusdam nobilibus commendauit, constituto duce copiarum terrestrium Phoca, classi verò preposito Romano Lacapeno, Armenio, viro ignobili & obscuro. Sed malè res Græcorum per id tempus administratæ sunt effæminatorum, mulierum, &

X

puero-

*Esmān Calyfa in Euripi
obsidione inter-
ficiuntur.*

*Varia Sara-
cenorum ex-
cursiones.*

*Leonis
mors.*

*Alexander
Imperator.*

*Eiusdem
mors.*

*Constantinus
Leonis filius.*

Bulgari obsi-
denti Byzan-
tium, & ca-
piunt Adria-
nopolim.

puerorum consilio. Nam & appetitum est, & tentatum imperium à pluri-
mis, & magnis cladibus affectum. Mox à morte Alexandri, ad illud aspirauit
Constantinus Ducas Andronici filius, quæ familia id tandem consecuta est,
sed citò fuit oppressus. Bulgari sub eorum rege Simeone, quaternis expedi-
tionibus urbem Constantinopolim bis obsederunt. Hinc Adrianopolin ce-
perunt, & diripuerunt, sed non diu retinuerunt. In vltima expeditione, perua-
stata Thracia, in Macedoniam vsque penetrarunt. Cum autem præfatus Si-
meon, quietis oclique impatiens, ac imperij proferendi cupidissimus, contra
nationem, quæ Chabata dicebatur, bellum mouisset, ab ea tandem victus,
in æditos montes sese cum exercitu recepit, vbi paulò pòst, præ nimij doloris
magnitudine atque angustia supremum diem expleuit. Huic successit ex se-
cunda eius vxore filius Petrus, qui inducias cum Romanorum Rege fecit,
quòd Bulgari maxima peste premerentur, accipiens insuper in vxorem ne-
ptem regis, filiam Christophori maioris natu filij. Præfectus classis Roma-
nus, cum, matre Constantini à gubernatione remota in monasterium, Con-
stantino filiam suam despondisset, hoc etiam excluso, se, & filios Imperatores
constituit, tenuit imperium annos viginti sex. sed tandem à filiis captus, &
in exilium actus est. Filios rursus Constantinus comprehensos, ronsosque in
ordinem redegit, & solus imperio potitus, id prudenter administruit. Sara-
cenis namque Romanorum regiones euastantibus, ac littoralia deprædanti-
bus, ingentem classem perbellè instructam, eis obuiam misit. Cæterum ob
imperitiam præfecti, qui vix à suis custoditus euasisset, nisi quàm primum
sese in triremem recepisset, aliæ naues suppressæ sunt, aliæ captæ. Longè me-
liori successu à Barda Phoca in Oriente contra eundem hostem dimicatum
est. Is enim, militari disciplina edoctus, plerasque aduersariorum vrbes ex-
pugnauit, & vicina loca prædatus, cum maximis spoliis se, ac suū exercitum
ditauit. Hac tempestate Turci, qui & Vgri nominantur, Istrum incolentes,
cum assiduus excursionibus imperij limites depopularentur, eosque armis
Imperator haud facillè coercere posset, variis muneribus placans, eò tandem
perduxit, vt illorum duces, Bulosydes, & Gylas, cum magna multitudine ad
Christianam religionem sese conuerterent. Quorum vterq; Constantinopolim
venit, & patricia dignitate donatus, cum multis muneribus, accepto secum
Hierotheo Antistite, à quo multi postea in puriori doctrina instituti sunt, le-
ti ad suos redièrunt: atq; hi Duces & fidè & panè seruarunt. Reliqua verò multi-
tudo, paucis exceptis, denuò ad Mahumeti sacra deficiens, iterum arma in Ro-
manos corripuit, qui paulò pòst, capti sunt, & cruci affixi. Inter hæc, Con-
stantinus, qui etiam Porphyrogenitus dictus est, corripitur ingentibus totius
corporis doloribus ex haustu infecti poculi, quod Romanus eius filius, re-
gnandi cupiditate impulsus, ei cum coniuge Theophania adornarat: his ali-
quantulum sedatis, in montem Olympum ad Theodorum Cyzicum, virum
pietate illustrè ac celebrem, precum causa, secessit, cum imperasset cum pa-
tre Leone, Alexandro patruo, & matre annos tredecim, cum Romano Lac-
peno socero, qui vi regnū arripuerat, annos sex & viginti, solus quindecim.
Ibi cum totum sese Deo, cultuique diuino addixisset, & consecrasset, reli-
quum vitæ precibus, & lectionibus ac studiis sacris consumpsit, imperij cu-
ra deposita, nec metu insidiarum ad imperium est reuersus.

Romanus

Cum Sara-
cenis varia
fortuna di-
micatur.

Plerique ex
Turcis relicto
Mahomete,
Christianæ
fidei adhe-
rent.

Constantinus
à filio infici-
tur veneno,
& paulò
pòst extin-
guitur.

* Romanus Iunior filius Constantini Leonis & Helenæ filia Romani Lacapeni Imperatoris, qui cum omni familia extinctus est, cum patrem veneno submouisset, imperium eo viuo possedit. Vir ignauia, ocio, vino, luxui, ac omnibus voluptatibus deditissimus, licet ingenio non esset malo, sed si id intenderet, acuto atque solerti. Ocio id corrumpit, cum alieno arbitrio regeretur, ac subinde crudelissimus fieret. Impius in matrem Helenam, ac sorores, quas regia eiecit, exutisq; imperialibus ornamentis, in cœnobiū relegauit. Quæ ob dolorem, regio vestitu spoliata, impudicitia sese dederunt, & meretricium quæstum amplexæ sunt. Vnde mater summo luctu paulò post vitam finiuit, diris imprecationibus filium execrata. Filium primogenitum Basilium Imperij corona insigniuit, ac mox alium natum patris nomine Constantinum, vt aui sui nomen referret, appellauit. Quemadmodum autem domi ob illecebras & incontinentem vitam fuit impius, ita foris, suorum fortuna in hostes vsus, satis felix & fortunatus. Dub verò eadem tempestate sunt orta bella, in Creta vnum à Saracenis: contra quos misit Nicephorum Phocam, qui septem mensibus idoneo exercitu sæpe manus cum iisdem conseruit, & machinis obsidionalibus vrbes expugnauit, ac tandem ipsorum Metropolim Candacen, capto Saracenorum duce, cui Curupes nomen erat, & altero quodam, qui post hunc, in aliis primatum gerebat, quem Anemans vocabant, subegit ac euerit. Et nisi renocatus fuisset ab Imperatore Nicephorus, quod iam passim omnibus innotuit, & Saraceni omnes essent insula ciecti, & Creta fuisset Romanis conseruata. Alterum verò bellum excitauit Chamedas Turcus, Chalepi dominus, contra quem Romanus Imperator, Leonem Phocam, Nicephori fratrem, cum potenti exercitu misit. Qui cum Chamedas totis viribus congressus, Barbarū adeò vicit, vt magna eius exercitus pars prælio ceciderit, reliqua capta sit, ipso duce cum admodum paucis ægrè elapso. Quamobrem Leo Byzantium reuersus, magnifica pompa exceptus fuit, & triumphali honore cohonestatus. Sed Chamedas vires reparare, Nicephorus ex Creta rediens, Syriam petere iussus est, qui pugna commissa, hostes illustri victoria superauit, & Berrhœa urbem, præter arcem, vastata, ingētibus diuitiis potitus est, captisq; penè innumeris, multos Christianos victos liberauit. Imperator tandem libidinibus & crapulis extenuatus, atque confectus, vitam finiuit, nec citra veneni suspensionem, vt nonnullis placet, anno imperij decimo tertio. Vxorē habuit Theophaniam, ex qua duos liberos, Basilium, & Constantinum progeniuit, ac filiam Theodoram, quam Ioannes Zimisces Imperator post Nicephorum, vxorem duxit. Sunt verò qui tradant, ipsum vxores duas habuisse, primam quidem Bertam, filiam Hugonis Regis Italiae, qua mortua, patre viuo, alteram, de qua hîc loquimur, duxisse. Addūt etiam, præter Theodoram, alteram filiam, Theophaniam nomine, sustulisse, quæ deinde Ottoni II. Imperatori Occidentis nupsit. Verum de his, vnicuique suum esto iudicium.

Romano Iuniore viuis exempto, cum eius duo filij, Basilus & Constantinus, adhuc impuberes essent, de procerum consensu atque suffragio imperij gubernatio translata est in Nicephorum cognomento Phocam, qui Cæsar renuntiatus, Theophaniam Romani viduā, matrimonio sibi iunxit, & mox, domi rebus compositis, animum, vt erat militaris, & laudis gloriaq; appetens,

Romani
Iunior.

Romanorum
prosperi suc-
cessus contra
Saracenos.

Mors Roma-
ni Iunioris.

Nicephorus
cognomento
Phocas, Im-
perator.

Eiusdem va-
rie expedi-
tiones contra
Saracenos.
Clades.

Victoria.

Tharsensem
deditio.

Cyprus redit
in potestatem
Romanorum.

Antiochia vi-
capitur à Ro-
manis.

tens, ad res bellicas adiecit. Proinde Saracenos, perpetuos Romani Imperij hostes, vno eodemque tempore, terra marique inuadere constituit. Primò itaque Manuelem patricium, Leonis nothum, in Siciliam cum valida classe contra Saracenos misit: qui, ob imperitiam locis asperis & angustis à Saracenis conclusus, cum omni exercitu ab illis cæsus est. Deinde Iohannē Zimis- cam, qui pòst, imperium est adeptus, in Ciliciam cum magnis copiis expedi- uit, isque apud Adanam urbem cum Saracenis congressus, insigni victoria poritus est. Secundo imperij sui anno, ipsemet in Ciliciam cum valida manu profectus, comitante eum vxore sua cum liberis, quam apud Drizion Ci- licia promontorium, reliquit, Anabarzā, Rhosum, siue Rosam, & Adanam, eius prouinciæ vrbes, aliq; plurā castella & arces, in suam potestatem redegit: pòst, in Cappadociam in hyberna regressus, verisq; initio rediens, & fratre Leone cum copiarum parte Tharsum misso, ipse Mopsihestiā obsedit: qua, cum mediam flumen Sarus diuidat, altera eius parte oppugnata, Saraceni, igne iniecto, in alteram se receperunt, qua & ipsa capta, omnes ad internecio- nem extincti sunt. Tharsenses, vbi à Cæsare feliciter pugnatum intellexere, continuo sese ipsi dederunt: ac triduo pòst, classis Ægyptia Tharsensibus auxilio missa, ad terram appellendi facultatem non habuit, eademque in re- ditu & ventorum procellis, & Romanarum trirum incursionibus maxi- ma ex parte deleta. Imperator Constantinopolim reuersus, aneas Tharsi & Mopsihestiæ portas, exquisitis artificijs, nouis ornamentis additis, arci ad O- rientalem, & Occidentalem portam accommodauit: primitias, quasi Deo suæ expeditionis attribuens, & Sophiæ delubro dedicans. Est & Cyprus à Sarace- nis detenta, per ipsum Romano imperio adiecta. Dein Syriam inuasit, & vr- bibus ad libanum & mare sitis, partim expugnatis, partim vastatis, ad Antio- chiam, quam flumen Orôtes alluit, peruenit: sed Antiochenis acrius resistenti- bus, accedente etiam com meatu penuria, & solo imbribus inundato, ca- stellum in Tauro monte, quem hodie vulgò Maurum vocant, ædificauit, Michaële Burze, quem patricia dignitate insigniuit, & Tauri montis ducem nominauit, ibi relicto. Petrum verò quendam ex suis Eunuchis, virum for- tem, constantem, & rei militaris gloria florētem, castrorum Præsidem desig- nauit, vt locum exercitui daret ad hybernandum in Cilicia: Ipso autem By- zantium reuerso, Burzes crebris excursionibus Antiochenos Saracenos in- festabat, assidue de capienda vrbe, & laude sibi comparanda cogitans, & tur- rim eiusdem altitudinis clam mensus, paratis scalis illi paribus, nocte hy- berna, tenebrosissima & niuosa, tacite incenibus vrbis succedit: affixisq; sca- lis cum trecentis lectissimis viris, quos clam adduxerat, ascendit: custodes turris, & obuios quosque cædit, ac statim castrorum Magistro nunciat, quid fiat, illumque ad opem ferendam accersit. Interea, Antiocheni, vbi turrim occupatam esse cognouerunt, eò alacriter ad Romanos repellendos concu- runt. Magister autem castrorum, vt qui in mandatis ab Imperatore, ne An- tiochiam inuaderet, quod vrbis eius captiuitatem, interitum Cæsaris consecuturum vulgata fama erat, accepisset, ancipiti cura distractus: tamen, ne tot viri fortes perirent, nullo modo committendum ratus, cum omnibus copiis Antiochiā oppugnat, quo facto, statim & manus, & animi Saraceno- rum conciderunt. Burzes verò cum suis, iam desperata salute reuixit, & por-
ta bi-

ta bipenni refracta, liberum ingressum castrorum Magistro præbuit; & sic facile clarissima vrbs in Romanorū potestatem venit. Nicephorus interim, cum esset auaritia inexplibili, adeo vt nullas extorquendæ à subditis pecunias, & quæstus conficiendi occasiones prætermitteret, & fame etiam grassante, insultaret egentibus, frumenti pretio plus æquo adaucto, nec nō prætextu bellorum subditos deglutiret ac expilaret, numismata insuper vñtati ponderis parte attenuaret: in maximum odium ciuium totiusque vrbanae multitudinis incurrit, cuius occasione, à Iohanne Zimisca, quem antea grauissimè offenderat, adiuuantibus Michaële Burze, qui etiam ira exasperatus erat in Regem, quod ab eo, post adeptam victoriam, dignitate spoliatus fuerat, Leone Amalante, Theodoro Nigro, & Zipodeodoro cum duobus aliis intrepidis viris, ac præcipuè Theophania Regis coniuge, quæ, liberis suis ex priore marito natis, metuens, cum intelligeret, ipsum, his præteritis, Leonem fratrem suum successorem instituere decreuisse, Nicephorum summo odio prosequi cœperat, intempesta nocte in cubili quàm crudelissimè trucidatus est, anno imperij sexto, ætatis quinquagesimo septimo.

Nicephori
interitum.

Nicephoro, vt iam diximus, obruncato, Iohannes Zimisca, vir militari laude insignis, imperio potitus est. Hoc imperitante, Saraceni ægrè ferentes tot locorum iacturam, in primis verò Antiochiæ, communibus omnium tum Orientis, tum Occidentis viribus vndique coeuntes, & fœdera de bello sociali percutientes, hanc omnibus studiis atque artibus recuperare annixi sunt. Et quoniam Syriæ Calyxæ iam tenues erant vires, Aphricæ Calyxæ opem atque auxilium implorarunt. Quo impetrato, vniuersi ad huius vrbis recuperationem arma atque animos cōuerterunt. Imperator, hac gentium conspiratione cognita, simulque de ciuium cōstantia in patriæ salute ac defensione tuenda plenissimè edoctus, Bardam Sclerum, Mesopotamiæ ducem, obsessis opem ferre iubet: à quo breui pōst, proelio commissio, Saraceni, etsi numero longè Romanis superiores, profligati sunt. Hanc insignem victoriam subsecuta est altera non minus clara atque illustris, quam paulò pōst, adeptus est aduersus Roxolanos, quos, auxiliis Bulgarorū Thraciam deuastantiū, vicit, fuso ac dissipato exercitu trecetorum milliū, & Suedoslaio, illorum duce, ad pacem petendam adacto, quem, pace impetrata, reuertentem, cum reliquiis Bossini oppræsserunt atque interfecerunt. Hoc bello Cæsar feliciter confecto, Byzantium repetiit, ibique honorificentissimè exceptus. Porro Patriarcha cū omni clero, tum Senatus ac vniuersus Populus occurrit, coronas offerentes, & quadrigam albis equis ducentes, rogabant, vt Imperator currum triumphalē conscenderet, & triumphaturus urbem ingrederetur. Sed ipse albo equo vectus, paludamēta regia, quæ Bulgarorum Principibus detraxit, quadrigæ imposuit, supraque ea imaginem Virginis matris: ipse currum præcessit. Et cum in forū peruenisset, Borizen Bulgarorum Regem insignibus regiis exutum, Magisterij honore decorauit. Trophæa in templo Constantinopolitano locauit. Nummos quoque cum Seruatoris imagine ac sequenti inscriptione percussit, quod & sequētes Cæsares Græci imitati sunt. Talis autem est ea inscriptio: IESVS CHRISTVS REX REGVM. In Oriente interea, cum plurimæ vrbes in Asia à Romanis deficerent, Imperator subito in eas expeditionem suscepit, quarum alias

Ioh. Zimisca Imperat.

Eiusdem victoria aduersus Saracenos & Roxolanos.

Zimisca Byzantium urbem ingreditur.

*Eiusdem
obitus.*

vi, plerasque spontanea deditioe ad pristinam fidem atque obsequium redegit. His rebus nō minori celeritate, quā felicitate peractis, domumq; reuersus, cūm haussisset poculum lento veneno infectum à quodam Basilio eunucho suo cubiculario, cui se potentiam derogaturum interminatus fuerat, lenta tabe absumptus, & parricidij, & idololatriæ pœnas dedit. Manichæos etenim ex Asia in Europam deductos, collocauerat in vrbe Philippopoli, cūm imperasset annos sex, menses toridem.

*Basilus &
Constantinus
fratres.*

Defuncto Iohanne Zimesce, imperium deuolutum est ad eos, qui iure hereditario succedebant, id est, ad Romani Iunioris liberos, Basilium, qui iam vicesimum ætatis annum expleuerat, & Constantinum, qui septimum & decimum attigerat. Vterque regiis insignibus ornatus est: sed omnis imperandi potestas Basilio cessit. Hic à ciuilibus ac intestinis bellis gubernationē inchoauit. Nam Bardas Sclerus elatus fortuna ac successibus sub Zimesce, & militari fauore ac studio confusus, magnam imperij partem, suæ ditionis fecerat. Cūm hoc bis confligit terra mariq; infelicitè: tertio victū duce Phoca Barda, & omni exercitu exutum, coëgit fugere ad Chosroen Babylonium, à quo in custodia detentus, præter spem elapsus est. Ea tempestate, Persarum regno à Saracenis euastato, vir quidam Persa, Inagros nomine, dictis Persas demulcens, persuadet, vt à seruitute Saracenorum deficiant, sequē duce, arma in Saracenos sumant. Sæpius autem Chosroes Persis prælio occurrat, semper tamen victus abiit. Quamobrem desperatione, vt fit, à Romanis custodia detentus, opem consiliumq; petit, ex carcere eos liberans. Sclerum in primis rogat, vt omnis offensæ immemor, de belli ratione liberè dicat quod sentiat. Qui in primis bellum dissuadet, cuius exitus semper anceps atque incertus est: Sed Babylonio instante, vtpotè vindictæ cupido, tandem annuit,

*Persæ vin-
cuntur à
Chosroë Ba-
bylonio.*

promittens, se solis cum Romanis bellum obiturum. Nam plus tribus milibus, ergastulis detinebantur, qui omnes eduoti & armati, Sclero duce prælium cum Persis, quibus eo tempore Muchumerus imperabat, inierunt, ac deuicerunt. Redeunt, Chosroen, tanquam barbarum, declinarunt, vincula timentes, quæ prius experti fuerant, atque ideo sese fugæ commiserunt. Quos Chosroes magna hominum multitudine subsecutus, partim occidit, partim obruit, plarisque viriliter pugnantibus & occumbentibus: Sclerus autem, & qui cum eo erant, Romani imperij limites attigerunt, ipseque postmodum, deuicto in acie à Basilio, Phoca Barda, in gratiam receptus fuit. Imperator, domesticis bellis tandem feliciter compositis, ad externa vires atq; animum adiecit. Georgium fratrem Dauidis Curopalate, dominum interioris Iberiæ, carpentem limites imperij, pacem pecunia redimere coëgit, & eandem, dato obside filio, sancire, quem tandem, cūm, non seruatis pactis, bellum redintegraret, magna strage deuictum, profligauit. Saracenos etiā, qui Phœniciam, & vicinam illi Syriam depopulabantur, domuit, & imperatis acceptisque obsidibus, Romanæ ditioni subesse compulit. Bulgaros, quibus tunc Samuel imperabat, non modò Thraciam & Macædoniam diuexantes, sed & Græciam, atque ipsam Peloponnesum, flammis ferroq; haud mediocriter affligentes, duce Nicephoro Cælio, siue Vrano; vt alij appellant, ingenti prælio, ipsorum rege fuga elapso, debellauit, nouoq; crudelitatis exemplō, ad cæteros deterrendos, quindecim captiuorum millibus oculos eruit, in singulis centuriis

*Basilij victo-
ria contra
hostes.*

*Eiusdem se-
nitia in Bul-
garos.*

centuriis relicto vno monoculo, qui fociis domum reuertentibus dux itineris esset. Tandem vniuersam Bulgariam perdomuit, & suo imperio, regioni duce peculiari imposito, subiecit, simulque gentes Chorbatorum, & qui Sirmium incolebant, sub iugum misit. In Italia ducibus Basilio Sanio, & Conto Leone Cephalonio, contra Melen Barensem res infeliciter gessit. Postremo cum instrueret classem aduersus Saracenos Siculos, & ipse in Ciliciam cum nouo exercitu expeditionem praepareret, fatali morte praeventus, neutram absoluit. Iam enim in extremam senectutem vergebat, & cum assiduis morbis conflabat. Quibus mox defecit, anno aetatis septuagesimo secundo, cum regnasset annos quinquaginta duos.

Obiit.

Basilio fratri mortuo Constantinus in Imperio successit, aetate illo paulo minor, & gubernationis prorsus imperitus, ut qui viuo fratre, res imperij neque attigerat, neque curarat, sed suis voluptatibus indulserat, & iam tum aetate fractus, tum ocio, ignauia, luxu, ac libidinibus effeminatus languebat. Hoc imperante, Constantinus Diogenes, Symij & Bulgariae Praefes, Bosphoros ultra Istrum reiectos, compefcuit. Per idem ferme tempus, Aegypti Princeps Daber, qui foedus cum Romanis habebat, eo violato, Hierosolymitanum templum, in quo Christi Seruatoris sepulchrum est, & sacra loca omnia diruit. Nam sub illius imperio tunc erat Hierosolyma. Et paulo post, classem contra Cycladas insulas misit: quam Sami Praefes, duodecim nauibus una cum vectoribus captis, reliquis dissipatis, deuicit. Contra eosdem, in Sicilia, & Italia, quanquam bis reparato exercitu, nihil prosperè gestum est, propter imperitiam & audaciam Orestis ducis. Ipse Imperator, triduo, priusquam obiret, Romanum Argirum, virum Senatorij ordinis, atque illustri familia oriundum, sibi, Zoe secunda filia in vxorem tradita, generum delegit, cumque imperij haeredem ac successorem renuntiavit, & septuagenario maior, postquam annos tres, vno mense dempto, imperasset, in fata concessit.

Constantinus
frater Basilij.Eiusdem imperij
prospera expeditiones.

Mors.

Dum haec ita fierent, Saracenorum imperium, cum quibus iam per quadringentos ferme annos, varia semper fortuna Romani Imperatores cruentissima bella gesserunt, adeo ut quauis ingentes fuerint, statim ab initio illorum vires, & Christiana Respublica tunc semper & intestinis seditionibus ageretur, & Barbarorum creberrimas incursiones perferret: necnon Byzantij ut plurimum enervati mollesque Imperatores praessent, saepe tamen ingentibus illis cladibus affligerint, & modo Syriam, nunc Armeniam, interdum etiam Persidis partem, aliasque Prouincias recuperarint: semper autem Asiam minorem, Mediam, Parthorumque regna, Bithiniam & Cappadociam, cum multis aliis prouinciis obtinuerint, ad finem excidiumque, ut omnium humanarum rerum vicissitudo est, properare incipiebat, idque potissimum contigit Basilio Porphyrogenito Byzantij imperante circa annum salutis nostrae millesimum, cum plures tyranni Saracenicum imperium inter se diuisissent, & quatuor de summo Pontificatu semper contenderent, atrocibus bellis inter se dimicantes. Quo tandem factum est, ut in Oriente illorum potentia, Turcis praevalentibus, paulatim conciderit, atque in nihilum redactum fuerit. In Hispania verò, & in Africa, ubi etiam longè lateque regnabant, propter eadem ciuilia bella, & mutuas dissensiones, illorum imperium sensim imminutum est, donec tandem penitus corruerit. Iis etenim inter se contendentes

Saracenicum
imperij declinatio
propter domesticas
dissensiones.

tendentibus, Christianorum vires in Hispania quotidie magis atque magis adaugebantur, ita sanè, vt Mahometo Enasir, Marroci Pontifice, propè Valentiam in Gottalania victo, & sexaginta Saracenorum millibus cæsis, anno salutis supra millesimum centesimo & quinquagesimo, post, triginta annorum spatio, Christiani Valentiam, Deniam, Alicantem, Murciam, Carthaginem nouam, Cordubam, Hispalim, Iacm, & Vbedam recuperarint; & Saraceni solum Granatæ regnum retinuerint, quo demum à Ferdinando, postremò Tarraconensium rege, Caroli V. Cæsaris auo materno, exuti fuerunt. Et in Aphrica itidem eorundem vires ac potentia indies vehementius labefactata est, atque imperij illorum nomen prorsus extinctum. Verùm enim uerò, inter omnia domestica dissidia & simultates dominandi cupiditate ac æmulatione inter ipsos Regulos, variis temporibus exortas, nullæ ipsis fuere vnquam perniciosiores, nullæque ipsorum vires ac potentiam magis imminuerunt, ac tandem penitus attriuere, quàm postremæ quæ fuerint exortæ inter Muchumetum Persidis, Corasimiorum, aliorumque populorum Principem, & Syriæ Calysam, qui Bagaderi sedem habebat, inter quos, grauissimum bellum, sicuti proximè narrauimus, intercesserat. In hoc autem, cum Babylonius Muchumetum, Scleri, & Romanorum captiuorum opera, superasset, Muchumetus deinceps, adhuc Basilio regnante, Turcarum auxilia accersuit, quorum ope, vt supra ostendimus, iam ab aliquot annis Saraceni in bellis, vt qui religionem ipsorum, ritusque amplexi erant, statim primis illis eruptionibus, quas in Saracenorum fines fecerunt, vti consueuerant. Muchumetus, tribus millibus Turcorum, quibus præerat Tangrolipicus Mucaletus, impetratis, adiunctoque Persico supplemento, Pisafirium Babylonix Calysam, Chosroe successorem, inuadit, & commisso prælio, Arabibus, Turcicarum sagittarum vim non ferentibus, paruo negotio superat; & ad suos victor reuersus, iisdem Turcis voluit etiam in pugna contra Indos, cum quibus pariter bellum gerebat, vt, & petentibus, vt domum sibi redire liceret, atque vt præsidium ab Araxis fluminis ponte deduceretur, vim etiam minatus est. Turcis enim domum redeuntibus, Araxes fluuius, qui Persarum regni finis est, traiciendus erat, isque vnico tantum ponte transiri poterat. pons autem ille ab vtroque latere, turribus excitatis, ac præsidiis impositis, communis fuerat. Turci maiora pericula veriti, ab eo defecerunt, seque in Carbonitidem solitudinem subtrahere, cum ipsi numero pauci, cum tam multis congregi non auderent, indeque crebris excursionibus Saracenorum agros populabantur. Quod iniquissimè ferēs Muchumetus, ad triginta hominum millia contra eos mittit, decem nobilissimos notæque fortitudinis ac prudentiæ tribunos exercitui præficiens. Hi ad bellum profecti, intrare in desertum, ob aquæ alimentorumque inopiam noluerunt, sed proximè aditum solitudinis sunt metati. Turcorum dux de aduentu Persarum certior factus, re cum suis communicata, Saracenos & Persas repentinè adoriri statuit, biduoque magnis confectis itineribus, tertia nocte, eos securè in tentoriis agentes, nihilque suspicantes, inuadit, atque illicò profligat. Ibi curribus, equis, pecuniaque plurima potitus, non iam, vt fugitiuus, latrocinia exercere, sed palàm exinde in aperto castra habere, ad quem vndique confluiebant, qui ob maleficia supplicium metuebant, serui, atque alij rapto viuere assueti, adeò

*Babylonius
Calysa vin-
citur à Per-
sis.*

*Turcorum
defectio à
Persis.*

*Persæ & Sa-
raceni à Tur-
cis profliga-
ntur.*

adeo vt breui tempore eius copiae vsque ad quinquaginta millia creuerint: At Muchumetus ob cladem acceptam iratus, decem illos duces luminibus orbat, & qui euaserant milites, eos se muliebri veste indutos, deuictis hostibus, in triumpho ducturum minatur, ipse interim se ad bellum accingit. Qui antea victi à Turcis fuerant, minis perceptis, ad Tangrolipicem transeunt. Is tanta accessione auctus, cum omnibus suis copiis in Muchumetum progreditur, vt, collatis signis, iusto praelio rem decernat. Et Muchumetus, armatis Saracenis, Persis, Arabibus, & Cebitis, circiter quingentorum millium exercitu coacto, ac centum turrigeris elephantis, hosti apud locum, cui Aspacham nomen est, occurrit. Ibi atroci conferta pugna, multisque vtrinque cadentibus, ipse etiam Muchumetus, dum hinc inde incautius obequitat, suofque verbis ad pugnam accendit, equo collapsio, ceruicem frangit, ac moritur, eoque mortuo, exercitus cum Turcis conspirat, ac omnium voluntate Tangrolipix Persarum Rex declaratur, qui statim suae genti aditum in Persidem aperit, quorum mox ingens multitudo se eò contulit, oppressisque Persis, ac Saracenis, Persiam occuparunt. Tangrolipicen, Sultanum, id est, summum Imperatorem, siue Regum Regem appellant: is, omnes Magistratus, omnesque dignitates à Persis in suos traiecit, & inter eos, indigenis prorsus conculcatis, vniuersam Persidem diuisit, regni que sui rebus praclare constitutis, in Pisafirium Babyloniae ducem, expeditionem fecit, atque illum pluribus praeliis vicit, ac interfecit, & sic Babylonis subactis, Cutlumum, fratris filium, cum exercitu contra Carbesum Arabiae Regem misit, à quo superatus Cutlumus, per legatos à Stephano patricio Mediae, quae hodie Baas Pracham vocatur, praefecto, per ipsius fines itineris facienda facultatem petiit, quod non modo non impetrauit, verum etiam Stephanus armatus illi occurrit: qui multis suorum amissis, victus & captus est. Cutlumus autem ad Tangrolipicem reuersus, Medicum bellum referens, eius regionis fertilitatem celebrat, eam expugnata facilem esse asserens: sed Tangrolipix, illi ob cladem acceptam summopere iratus, ipse in Arabes proficiscitur; Cutlumus metu, cum suis aufugit, & Pasare Chorasiniorum vrbe occupata, à Sultano desciscit. Verum Sultanus, eo ad tempus, omisso, cum omnibus suis copiis contra Arabes perrexit; à quibus, ipse quoque profligatus, domum rediens, maxima cum parte exercitus eum obsidet, cui Cutlumus loci munitione fretus, diu obstitit. Et tamen interea, Tangrolipix, alterum nepotem, cognomine Surdum, cum viginti armatorum millibus in Mediam ablegauit. Is, impetu in Prouinciam facto, & praelio cum Romanis commisso, cum toto exercitu, paucissimis exceptis, cadit. Quo Sultanus cognito, vt iacturam illam sarciret, Alimum Abrahamum cum centum armatorum millibus in eam Prouinciā mittit: cuius praefectus, auxiliis ab Imperatore petitis, Lyparitam partem Iberiae dynastam expectabat: nec prius sibi cum Turcis dimicandum censebat, quam Iberum auxiliares copiae aduentassent. Quamobrem Romanis intra munitiones se continentibus, Alimus, negata pugnandi copia, Arzeni vicum nullo muro circumdatum, quem innumeri ditissimi que mercatores incolebant, se primo impetu capturum ratus, inuasit: sed cum incolae aditus trabibus obstruxissent, tela in hostes ex tectis conicientes, multos e medio sustulerunt. Alimus, eo per sex dies oppugnato, cum Arzenos fortissime se defendere, nec facile

Turcorum
incrementa.

Persae deficiunt
à Muchu-
meto.

Muchumetus
interfici-
tur in praelio.

Tangrolipix
Rex Persarum.

Turci expul-
sis Saracenis,
occupant
Persiam.

Subiicit Ba-
bylonios.

Idem contra
Arabes, &
Medos insel-
titer pugnat.

obside-

*Arcem
incenditur à
Turcis, &
diripiunt.*

*Turcorum
clades.*

*Persici Regis
improperi
conatus in
Media oc-
cupanda.*

*Abramius
necatur à
patre.*

*Turcorum
origo.*

obsideri posse cerneret, ignem tectis iniecit, quo undique sæuiente, & incolis in fugam versis, Turci vico potiti, multum auri, & aliarum opum, quas flamma non absumpserat, inuenerunt. Inde, cum Liparites Iberiæ copias iam adduxisset, contra Romanum exercitum properarunt, prælioque sub vesperam commisso, Turci fusi fugatique sunt, Romanis eos in multam noctem persequentibus. Qua tamen in pugna, Liparites, qui alterum exercitus cornu ducebat, captus fuit, & ad Sultanum perductus: cuius redimendi gratia Imperator, magnam pecuniam, & munera misit, fœdus cum eo petens. Sed Sultanus, omni pecunia & muneribus remissis, Liparitem gratis restituit, hortatur, ne in posterum arma contra Turcos sumeret, quin ipse etiam legatum ad Imperatorem destinauit, summæ dignitatis virum, Seriphem appellatum: quæ dignitas ea apud illos est, ut Calysa mortuo, Seriphes succedat. Nam Turci statim Mahometis sectam amplexi, Calysas, etsi regna illis profanamque potestatem in suo imperio ademissent, ut Sacerdotes & Pontifices in summo honore habuerunt. Is igitur Byzantium ingressus, cum superbè ab Imperatore, ut tributum Sultano penderet, petiisset, re infecta, dimissus est. Qua re indignatus Sultanus, ipse Romanos adortus est, cumque Comium, Iberiæ urbem, propterea quod incolæ se, & res necessarias, castellis, quorum tunc in Iberia multa erant, & locis munitissimis maturè incluserant, nulla re memorabili gesta, progressus esset, Romanas copias Cæsareæ colligi audiens, in Mediam est regressus: ubi, cum omnia, non secus atque alibi, muris defendi videret, animum ad oppugnationem conuertit, ac primò Manizichierem, urbem in planicie sitam, ac triplici muro cinctam, multisque intus fontibus irriguam, in quam præterea, magnam comitatus copiam oppidani importarant, aggredditur, & vallo prope mœnia posito, omnis generis machinis per triginta continuos dies oppugnat: tandemque rebus infectis, & plurimis ex suo exercitu desideratis, inde castra deduxit, Abramium deinceps nepotem persequens, quem Cutlumo consobрино suo coniunctum, prælio apud Pafarim urbem victum, necauit.

Cæterum, antequam ulterius progrediar, præsentis argumenti series omnino exigit, ut, cum deinceps Turcorum mentio creberrima futura sit, de illorum origine aliquid summatim ac breuiter dicatur. Pomponius Mela in fine Geographiæ libri, cum Scythiæ populos, & qui Tanaidem paludem, ac Riphæos montes incolunt, describit, iuxta, inquit, Thussageræ Turcæque vastas sylvas occupant, alunturque venando: Quod Plinius repetit lib. vi. cap. vii. Thussageræ & Turcæ, à quibus hodie, qui latè in Asia imperitant, Turci orti existimantur. Ptolemæus inter Sarmatas Asiaticos supra Caspias portas Tuscos ponit, qui iidem videntur cum Turcis. Neoterici omnes hanc secuti opinionem, illinc prodiiisse Turcos commemorant, anno humanæ redæptionis circiter septingentesimo quinquagesimo nono, & cum Auaribus populis, qui hodie Hungari dicuntur, multis dissipatis, cõfixisse, Pipino Caroli Magni patre apud Francos regnante. Quidam etiam asserunt, Turcos ex Caucasii portis egressos, primò finitimas gentes, & in iis Armenios inuasisse: Inde minore Asia ab iisdem armis occupatâ anno à mundi origine tertio & sexagesimo, super noningentesimum ac quinquies millesimum. Anno verò salutis octingentesimo quadragesimo quarto, cum Byzantij imperaret Constantinus

mus V. Leonis III. filius, Stephano III. Romæ Pontificatum gerente. Sunt etiam qui affirmant, Turcos, meliores sedes sibi postulasse, ac primùm Alanos, mox Colchos, & Armenios, inde minoris Asiæ populos, postremò Persas & Saracenos vicisse & oppressisse, atque hos fuisse Scythas, ex iis præsertim, quos Alexander Macedonum Rex, intra Hyperboreos montes ferreis repagulis clauscrit, quòd videlicet gentem indomitam, in angulum illum, tanquam in ergastulum inclusisset. Nonnulli, & linguam, & mores secuti, Scythas eos autumant, qui ex Tanaide profecti sint, & Parthis latè imperantibus, Persarum, Medorum atque Assyriorum ditiones & regna inuasērunt. Postquam verò in Asiam progressi sunt, fuēre, qui Parthorum progeniem existimarent. Parthi enim & ipsi à Scythis orti. Alij, nomen fortassis secuti, à Turce, Persarum vrbe, & magna, & opulenta, eam gentem ortam crediderūt. Plèrique etiam arbitrati sunt, Turcos à Teucris deduci. Verùm enimuērò, quæcunque illis origo est, ex Scythia proculdubio est, & vt quidam adiiciūt, ex Europæis Scythis, qui præ cæteris ad Orientem vergunt, sedesque circa Tanaim habent, idque certò constat, ipsos Turcos per Caucasii angustias ex Septentrione in Asiam irrupisse, ac primò parua manu prædonum instar, clandestinis quibusdam excursionibus atque insultibus, ampliores vires sibi vindicare conatos esse: confluentesque subinde, vt fit, huiuscemodi generis hominum numero ac multitudine, quibusdam montibus & claustris, sibi admodum opportunis, vnde per occasiones faciliè irruptiones fieri possent, occupatis, vsque adeò emerferunt, atque animis sublati sunt, vt iam palàm, & pari Marte aduersum finitimos de agri possessione certare non vererētur, & in Persas Medosque processerint. Denique progressu temporis, siue Græcorum negligentia, seu fatali quadam necessitate, atque humanarum rerum varietate & inconstantia, siue cælestium Superùm, aliter iam de huiusmodi imperio præscribentium, decreto ac voluntate, ob Christianorum scelera, hæc immanissima posteris flagella diuinitus immissa sunt, atque ita celeri succreuerunt cursu, vt breuissimo temporis spatio, variis ducibus vsi, non modò Pontum & Cappadociam, verùm etiam Galatiam, Bithyniam, Pamphylia, Pisidiam, vtramque Phrygiam, Cilices, Cares, & Asiam minorem, ad oras vsque Ionie, Græciq; maris littora occuparint, ac sui iuris fecerint, donec tandem ad eam imperij amplitudinem, quam deinceps adepti sunt, peruenire. Initio autè hæc gens adeò fuit obscura fama, & nomine, vt eo bello, quod Heraclius Princeps aduersus Chosroem Persarum Regem gessit, cum Hierosolyma, quæ semper hæcenus sub Romano imperio fuerant, caperet, vix sit eorum nomen à quoquam auditum. Inde gentis opibus circa Persidem auctis, Saracenos ad eam desperationem deduxere, vt Mahometica fide ab his recepta, eos in Perside regnare passi fuerint, adeò sanè, vt nescias, vtra Natio maiorem iacturam fecerit, ea scilicet, quæ, tanto regno cesserit, an verò quæ hanc sibi pestem inculcari, æquo animo tulerit, regnandi cupiditate. Vnius itaque fidei vinculum ita vtrosque copulauit, vt Saraceni pro Turcis, & contrà, Turci pro Saracenis indiscreta appellatione aliquandiu vocati sint. Nunc Turcorum nomen ita inualuit, vt alterum penè deletum ac extinctum esse videatur. Creuerunt inde plus nimio gentis opes ac potentia, innumeris populis, aliis post alios subactis, vsque ad Ottomani tempus, idque potissimè

ob

ob mutuas Christianorū similitudines atque discordias. Et hæc in præsentia de Turcorum origine dicta sufficiant. Cæterum de tempore neutiquam inter omnes satis conuenit. Aliqui Turcos Carmaniam inuasisse, atque illam obtinuisse prodiderunt, cum Parthi, excusso Macedonum dominatu, Persiam suo imperio adiecerunt. Nam, post Alexandri mortem, Macedonibus inter se dimicantibus, etsi posterius Seleuci Babylonem aliquandiu retinuerunt, nihilominus tamen non ita multo post, arma Parthica præualuerunt, duce Arsace, à quo, ut antè diximus, qui secuti sunt reges, longo ordine usque ad annum quartum Alexandri Mameæ, qui fuit annus Christi ducentessimus vicesimus octauus, à morte Alexandri quingentesimus quinquagesimus, Arsacidae nominati sunt. Eo siquidem anno Artaxares, natione Persa, Artabano, Parthorum Rege, qui Arsacidarum ultimus fuit, interfecto, Persiam à Barbarorum dominio liberatam, in uitam gloriam & decus restituit. Huius Artaxaris posteritas Persicum imperium rexit usque ad Heraclium Imperatorem, & initium Saracenicae potestatis, id est, ad annum Christi sexcentessimū tricesimum secundum, per annos continuos trecentos, viginti nouem, & cum Græcis Imperatoribus continenter bella gessit. A penultimo Sirocho Heraclius, ex pacto, quæ imperio Constantinopolitano sui maiores ademerant, recepit. Saraceni Orimafda Sirochi successorem, proelio victum, interemere, cum potiti Syria, Cilicia, Cappadocia, Mesopotamia, & in mari, Cypro insula, improvisa irruptione regnum Persicum obruerunt. In eo regno, prioribus legibus, & institutis abolitis nouam prorsus politiae formam condiderunt, regniq; sedem constituerunt Babylonem. Eam summo Principi Calyphæ tribuerunt, penes quem, summa & religionis, & imperij potestas fuit. Calyphæ addiderunt Seriphen, qui, illo extincto, proximè successit. Prouincias, inter Præfectos, quos nominauerunt Sultanos, sicuti veteres Persici Reges Regiones per Satrapas administrarunt, distribuere. Hæc autem vox Calypha, dominum generalem sonat: Seriphes, principem, cuius est certa definitaque potestas. Sultanus, præfectum. Sultanorum fuit magnus numerus, qui Prouincias ex destinatis sedibus regere, ut Damasci, Antiochiæ, Iconij in Licaonia, Cæsareæ in Cappadocia, Edeffæ, quæ hodie est Orpha in Mesopotamia, Sebastia, quæ hodie Suias dicitur, Tigranocertæ, quæ olim Sultania dicta fuit. Soli Armenij, Iberi, & Alani, quorum regnum vno nomine Cumaniam vocant, Saracenis primò impetu, strenuè ac fortiter depulsis, postea semper sese aduersus ipsorum vim atque arma, tutati sunt, & liberam Christianæ religionis professionem inter tot hostiles incursiones tamque crebras rerum vicissitudines constanter retinuerunt. Sunt ergo haud incelebres scriptores, qui sub hoc tempus irruptionis Saracenicae in Persiam, Turcos ab Orimafda è Septentrione in auxilium excitos esse tradiderint. Alij è Carmania euocatos prodiderunt. vndeunque autem eruperint, dubium non est, quin ab initio contra Saracenos, Persis subsidio venerint, cumque Rege Orimafda cæso, regnum iam in suam potestatem deuenisse comperissent, soli amœnitate ac fertilitate capti, ad mare Hircanum in terra Chorafenorum, quæ antiquitus Sogdiana fuit, vel Hircania, consedere, ac tandem cum Calypha Babylonio initis conditionibus pacis, ita transegerunt, ut terram, in qua confederant, possiderent & colerent, vicissimque accepta Mahometis

Calypha.
Seriphes.
Sultanus.

metis religione, ipsi Calyphæ subiicerentur. His conditionibus cum Turci acquiescent, rem pecuariam in loco ubere ac fertili, sine peculiaribus Principibus sub imperio Babylonico exercuerunt. Fuit autem imperium Asiæ, ac Persiæ, penes Saracenos, annos centum nonaginta octo, quo quidem tempore, hi nihil admodum detrimenti vel ab hesternis hostibus, vel ab intestinis simultatibus atque diffidiis passi sunt; sed graues ipsi Imperatoribus Constantinopolitanis clades intulerunt, quamdiu solus Calypha rerum potitus, eam gentem in officio ac metu continuit. Hanc tranquillitatem cum variæ inimicitiae atque discordiæ ex dominandi cupiditate & æmulatione inter Sultanos & Calyphā exorta plurimū turbassent, postmodū secuta est inclinatio illorū potētiae, ac ruinæ. Cum enim Sultani inter sese & cū ipso Calypha dimicassent, tandē Persidis, Sogdianæ, & Mediæ Sultanus, Mahomet nomine, viribus Calyphæ impar, Turcos, sicuti antea recensuimus, armavit, quorum opera cum vicisset, quod pacta stipēdia soluere recusaret, mox ab illis, hac iniuria mirū in modū irritatis, victus, & regno exutus est. Ab eo tēpore, quod potentia Saracenorum intestinis bellis esset attrita, Turcæ paulatim progredi, prædarique, & bello continenter incumbere cœperunt: donec ditati spoliis, deque prospero bellorum successū indices maiora sibi polliciti, in plurimis regionibus ad Pontum Euxinum, in vtraque Armenia, Cappadocia, Galatia, & Bithynia, sibi peculiare regnum inchoarūt. Quāquam autem ab initio Calypham Babylonium non sustulerunt, tamen illum regno Asiæ, ac Persidis exutum ac spoliatum, eò tandem adegerunt, ut eum, quem sibi delegerant Principem, sit coactus creare Imperatorem Asiæ: quod factum est anno Christi millesimo, quinquagesimo primo. Eo enim cœperūt in Asia Turci dominari, Saracenis partim civilibus bellis, partim ab Imperatore Diogene Græco, ut mox dicetur, attenuatis & languefactis.

*Saracenorum
imperium quā-
diu floruit:*

Cæterum, ut ad inchoatam orationis seriem reuertamur, post Basilium Porphyrogenitum, & Constantinum fratres, cum Romanus Argyrus, siue, ut alij scribunt, Argyropylos, Zoen, Constantini filiam, uxorem duxisset, Cæsar creatus, mox focero in imperio successit, iam sexagenarius; Græcarum literarum, iuris civilis, Philosophiæ, ac rerum plurimarum cognitione excellens, & natura moderatus; Princeps nobilissimus, & qui initio gubernationis multa in melius commutauit, omnibusque sese beneficum & iustum exhibuit. Sed post acceptam à Saracenis cladem ad Alepum Syriæ, moribus immutatis, facultates priuatorum immoderatis & acerbissimis exactionibus exhaustit. Quo sanè factum est, ut in multorū odium incurreret, omniumque, fermè subditorum ac Prouincialium beneuolentia excideret. Ea tempestate, cum Bulgaria sub Romani Imperij obsequium redacta foret, cum solis Saracenis bellum gerebatur. Hi enim, vrbes, quas Nicephorus, & Ioannes Zimisca, in Syria ceperant, præsidii cæsis, occupant, & Chalepi Princeps perpetuis excursionibus, populationibusque ipsam Antiochiam, aliasque finitimas Syriæ gentes, Romano imperio subiectas, infestabat: à quo, & Dux Antiochenus, Constantino adhuc superstite, turpiter victus, plarisque suorum amissis, vix effugerat. Cui Romanus, successore dato, ipse quoque cum expedita militari manu ad bellum proficiscitur; primoque statuit, Chalepi urbem, nunc Berreæam dictam, & antiquitus Berytus vocatā, Metropolitanam

*Romanus
Argyrius siue
Argyropylos,
Imperator:*

*Eiusdem ex-
peditiones
aduersus Sa-
racenos.*

Y

Phœ-

Phœnicia, & Augusti coloniam, quæ à Plinio Fœlix Iulia nuncupatur, armis adoriri constituit. Eo itaque cum exercitu progresso, Chalepitæ legati multis cum muneribus in itinere Cæsari occurrunt, & ab eo suppliciter veniam petentes, annuum tributum, & benevolentiam, quam hætenus non præstiterant, seque deinceps Romano imperio subditos fore pollicentur. Et quamvis multi ex ducibus & proceribus viris, eum ad pacem hortarentur, & consulerent, ut oblatas condiciones amplexus, ab ea expeditione recederet, tamen horum consilio posthabito, cum se facile hostes debellaturum, & magnam sibi gloriam paraturum speraret, atque in animum induxisset, in Syriam omnino progredi voluit: cumque prope Chalepum castris communitis, finitima quæque popularetur ac euastaret, prædæque abigeret, certam atque indubitatam sibi victoriam pollicitus, Arabes, homines audaces, atque expediti, in celerrimis equis nudi, insidiis undique collocatis, si qui pabulum, aut aquarum exhibant, illos statim, impetu facto, cædebant, aut capiebant. Quo planè factum est, ut & milites, & equi vehementissima siti deficerent, deinde huiusmodi incursionibus magis assuefacti, & Romanos ignavia accusantes, subito ex montibus decurrere, & clamore sublato, speciem multitudinis ingerentes, omnem exercitum territum in fugam verterunt; ipseque Imperator, cuius equus telo perfoctus cecidit, à prætorianis militibus præ metu desertus, ac timore penè exanimis, nisi quidam, eum in suum equum sublatus, ad celerem fugam cohortatus esset, haud dubiè captus fuisset. Saraceni verò, fictam & simulatam fugam esse suspicati, fugientes haudquaquam persecuti: sed castra ingressi, paucis illustribus viris captis, direptoque Imperatoris tentorio variarum opum, & regie magnificentiæ referto, reliquisque impedimentis in equos impositis, recesserunt. Cæsar vix saluus Antiochiam peruenit, atque illinc tandem Constantinopolim concessit. Cæterum fortuna, quæ Romano in hac terrestri expeditione tantoperè aduersata est, & prorsus nouercam sese illi exhibuit, hæc eadem, mox vultu immutato, in re nauali quàm benignissimè effulsit, & se illi matrem longè piissimam in duobus naualibus præliis ostendit. In primo etenim, cum Ægyptia classis Cycladas insulas, & littoralem Græciam depredaretur, Græca, duce Nicephoro Caranteno, cum hac congressa, multas illorum naues incendio absumpsit, & qui è pugna euaserant, in mari Siculo tempestate perierunt. In altero, cum post exigui temporis intercapedinem ex Africa circiter mille naues egressæ, multas insulas, & loca maritima popularentur, ab Romanis triremibus, earum parte adempta, multisque interfectis, quingenti captiui ad Imperatorem missi. Præterea Georgius Maniaces, urbium quæ ad Euphratem fluuium sitæ sunt, prætor, Edessam, insignem urbem Euphratis, vi cepit ac expugnauit, in eaq; epistolam seruatoris nostri Iesu Christi manu scriptam, (si modò vera sint, quæ nonnulli memoriæ prodiderunt,) inuenit, eamque Cæsari transmisit. Narrant verò, hanc epistolam à Christo Iesu priusquàm pateretur, Regi Abagaro conscriptam fuisse, & ex Syrorum lingua translata, ab Eusebio, primo Eccl. hist. libro inserta est. Romanus interim, post acceptam cladem in Syria, domum reuersus, mirum in modum à sua natura & moribus degenerauit, multaque indigna Imperatore egit, quæ passim videre est apud probatos auctores, donec tandem morbo, ut quibusdam placet, ex veneno sibi ab uxore propinato,

Romani
clades.

Eisdem vi-
ctoria in re
nauali.

Edessa expu-
gnata a Ro-
manis.

pinato, breui pōst, toto corpore intumesceret: sic affectus, cū in balneum ingrederetur, Michaëlis Paphlagoni, qui cum Zoe consueuerat, insidiis, capite in dolium aqua plenum demersus, & cū iam expiraturus esset, retractus, atque in lectulo collocatus, vitam finiit, postquā imperasset annos quinque, & mēses sex. Hoc imperante, in Cappadocia, Armenia, & Paphlagonia, locustis penē omnem Orientem vastantibus, ingenti fame laboratum est, adeo ut quamplurimi mortales ob nimiam penuriam, desertis penatibus propriisque laribus, aliō migrare coacti fuerint, eorumque complures Byzantium confugēre, quos quidem Romanus dicitur auri distributione ac beneficentia plurimum subleuasse.

Romani
obitus.

Locustarum
ingens vis.

Romano Imperatore iam viuis subtracto, Zoë reginæ nihil prius & antiquius fuit, quā ut Michaël Paphlago statim Cæsar designaretur. Huius siquidē caput, stola regia iniecta, diademate præcingit, eoq; in regali sede collocato, illiq; affidēs, regē salutat, & omnibus itidem, qui aderant, iubet, ut eum pro Cæsare agnoscerent, moxq; Patriarcham Alexium accersit in palatium, & mortuum Romanum nunciat, utque hic protinus inauguraretur, hortatur: & noctu nuptiales ceremoniæ peractæ sunt. Hic, postquam regni habenas & gubernacula suscepit, sese admodum clementem, iustum & beneficum in imperio præbuit: hostibus verò magnanimum & formidabilem. Hoc regnante, Arabes Edeßam obsederunt, quam proculdubio recuperassent, nisi Antiochiæ Dux Constantinus, Michaëlis frater, obsessis maturè opem tulisset. Cuius fidem ac diligentiam ut rex aliqua ex parte compesceret, illi Orientalium legionum præfecturam dedit: sed parum abfuit, quin hæc ciuitas breui pōst, à Saracenis dolo caperetur. Nam duodecim illorum Principes, quingentos camelos Edeßam adducentes, binis oneratos cistellis, quæ totidem armatos claudebant, simulantes se Imperatori munera ferre, qui, si intromissi essent, in animo habebant, noctu eductis armatis, urbem inuadere. Cū verò quidam Armenus mendicus, Arabicæ linguæ peritus, apud Arabes foris cōmorantes mendicaret, audiret, quendam ē cista percunctantem, ubi essent: urbem ingressus, Prætori insidias aperuit. Is Arabum Principes in urbe conuiuantes reliquit, & cum suis egressus, apertis cistis, omnes armatos interfecit. Mox in urbem regressus, duces quoque trucidauit, vno tantū dimisso, cui ambas manus, nasum, & aures abscedit, ut eam cladem nunciaret. Sic denuò Edeßa est liberata. Per idem fermè tempus, cū duo fratres Saraceni Sicilia imperantes, inter se dissiderent, eorumque alter Cæsaris opem implorasset, Georgius Maniaces patricius, illi subsidio missus est. Qui, antequam in Siciliam traiceret, ipsi in mutuam gratiam redeuntēs, & Maniacem insulæ aditu prohibere conati, Carthagine auxilia euocarunt: sed commissio certamine, Romanus exercitus superior fuit, magnæque cæde Saracenorum edita, primò tredecim vrbes vastauit; deinde paulatim progressus, vniuersam Siciliā Romano imperio restituit. Hæc ubi primū Cairoani Aphricæ Calyphæ innotuerunt, suarum copiarum interitum ægerrimè ferens, ipse cum maiori exercitu in Siciliam adnauigat. Maniaces verò, castris cōtra eum positis, Stephano regis affini, classis præfecto, mandat, ut oram maritimam diligenter tueatur, ne Carthaginensis victus; effugere queat: deinde prælium committit, in quo multa Saracenorum millia perierunt: sed illorū Princeps

Michaël Paphlago.

Edeßa à Romanis defenditur.

Saracenorum
stratagemata
patescunt.

Romanorum
insignis victoria
dicitur
Maniacis.

*Cecaumeni
vritus & fi-
des erga Ro-
manos.
Amyri Æ-
gypti obitus.*

*Fœdus inter
Romanos &
Saracenos.*

*Michaël Pa-
phlago Prin-
cipatus se ab-
dicat.
Michaël Ca-
laphates ob
tyrannidem
imperio ex-
niuit.*

*Romanū im-
perium penes
Zoen &
Theodoram.*

*Constantinus
Monomachus
Imperator.*

fuga clapsus, conscensa celoce domum rediit. Cæterum, hæc insula breui
pòst, iterum ad ipsos Saracenos descuiuit, præter Messanam vrbe[m], quæ sola
constanter perstitit in Romanorum obedientia, idque potissimum fide ac
strenuitate sui ducis, cui nomen Cecaumenus, qui non modò ipsam tutatus
est, verum & aliquot hostium millia occidit. Paulò ante hoc bellum Siculū,
sub eiusdem Principis dominatu, Amyr Ægyptius Romano imperio longè
inensibilis hostis, vita decessit, cuius vxor, cum Christiana esset, filio per-
suasit, vt pacatis animis, sublatiisque omnibus controuersis, cum Romanis
pacem coleret, & cum ipsis societatem ac fœdus percuteret. Hæc itaque vnà
cum filio triginta annorum inducias cum Michaële pepigit, & templum, a-
liaque sacra loca Hierosolymis instaurari curauit. Rebus cum hac gente
compositis, supererant Bulgari, quos Cæsar iterum ab imperio deficientes,
tandem victricibus armis compescuit, ac deinde Byzantium cum triumpho
ingressus est; faustis omnium plausibus & acclamationibus exceptus. Ve-
rùm ipse haud multò pòst, cum in varios morbos, quibus persæpe laborare
consueuerat, tum postremò in hydropem incidisset, cumque hæc ingrauesce-
ret, mole ventris augescente, parū ad res gerendas idoneus videretur, Michaë-
lem Calaphatē, suū nepotē ex sorore, imperij hæredē instituit, & mox in mō-
nasteriū sese abdidit, cum in imperio septē annos præfuisset. At Michaël Ca-
laphates vix menses quatuor, & dies quinq; rerū potitus, propter tyrannidem
principatu eiectus est, ac etiam oculis priuatus, regni gubernatione translata
in Zoen, quam ipse, omnis officij penitus immemor, inauditam, indictaque
causa, palatio exigerat, & tonsis capillis, atque monastico habitu indutam, in
insulam quæ vocatur Principis, vnà cum eius sorore Theodora relegarat.
Ipse verò inglorius, ac miser, luminibus orbatus, periit in exilio, quo sanè, di-
gnior fuit, quàm imperio. Interim, penes duas sorores erant imperij fasces &
maiestas. ambæ equali potestate præsidebant, cunctaque ab eis rerum geren-
darum moles perferebatur. Cæterum Senatus, & exercitus auctoritas, erat
longè maxima & amplissima. Satellitio eadem, quæ sub Regibus, forma re-
mansit, quiq; primi consilij, & qui vltimi erant, in suo ordine aderant. Iudi-
ciorum inquisitio, & publicarum contentionum exolutio, senum inter-
pellationes atque comitia, & reliqua ad imperium spectantia, ab ipsis fuere
administrata. Verum enimuerò vix tribus mensibus exactis, opera ipsius
Zoæ, quæ illum sibi maritum delegerat, Constantinus Monomachus, Cæsar
renūtiatur, atque ita feminarum imperium in ipso desit. His autem regnan-
tibus, Georgius Maniaces, cuius antea meminimus, vir manu strenuus atque
animo & consilio promptus, Longobardis auxiliantibus, atque ope Nort-
mannorum, qui recens in Italiam venerant, oppressis Saracenis, Siciliam re-
cepit, anno Christi millesimo quarto, quæ paulò pòst, iterum iniustitia &
auaritia confederatorum animis abalienatis, amissa est. Constantinus ab exi-
lio reductus, & ex priuato, ad imperium, beneficio Imperatricis euectus, hac
non diu pòst, quippe quæ sexagenaria, extincta, solus rerum potitur, vir mo-
ribus quidem facilis, sed effeminatus, & luxui ac libidini deditus: literarum
ignarus, sed tamen literatorū amans. Publicæ pecuniæ profusissimus, cumq;
fisco exhausto, pecuniæ inopia gētibus etiam, quæ suis sumptibus fines con-
tra vicinorum hostium irruptiones tutabantur, ideoque à publicis oneri-
bus

bus immunes erant; tributa imperaret, factum est, vt Orientis imperium, & belli neruis & præsiidiis spoliatum, vndique externis hostibus deinceps patuerit. Hoc ergo imperante, sese paulatim extulit & dilatatit Turcorum potentia, qui, Saracenis in Perside, & Babylone oppressis, magna celeritate in anteriorem Asiam effusi, ibidem, cum præsertim nemo esset, qui illorum conatibus obuiam irer, Græcorum viribus attritis, regnum constituerunt, quod sanè, quibus temporibus quæue occasione cæperit, supra exposuimus. Magnam Orientis partem Monomachus amisit, cum nec pecuniæ, quas inconsultis largitionibus dilapidarat, ad bellum suppeterent, nec ipse ex incontinenti luxuria & delictiore viuendi ratione, articulari morbo eneruatus, rebus gerendis idoneus foret. Sub eodem, Nortmāni paulò antè, avaritia Georgij Maniacis, quo cum sociæ arma ad Saracenos in Sicilia debellandos, certis pactationibus coniunxerant, irritati, omnem Calabriam & Apuliam Græcis ademerunt, illinc etiam Saracenorum præsiidiis exturbatis, & tandem anno Christi millesimo nonagesimo, vniuersa Sicilia potiti sunt, quam insulam, vnà cum Apulia & Calabria Nortmāni ad annos centum triginta quinque tenuerunt. Quæ autem bella, & domestica, & externa hic Imperator gesserit, primò aduersus præfatum Maniacem in Epiro, qui fretus copiis quas habebat instructas & exercitatas, ad imperium aspirabat, quod quidem bellum, cuiusdam Eunuchi ipsius Imperatoris cubicularij præfectura, secundo Marte, cum Maniaci interitū breui finitum est; quæ itidem cum Tornicio Leone ad Orestiadem, siue Adrianopolim, ob eandem causam, & contra Roxolanos, & Bossinos, quisve illorum exitus fuerit, enarrare supersedeo, ne longius vltra institutū sermo euagetur. Interea temporis, Constantinus, annis duodecim, & mēsisibus octo in imperio exactis, cum prius propter incontinentiam, articulari morbo, vt diximus, atrocissimè torqueretur; accedente demum Pleuritide, extinctus est: At Sēnatus, priusquam vita excederet, cum de ipsius salute iam actum videretur, nullusque imperij certus hæres ac successor designatus esset, Theodoræ coniugis sorori Augustales fasces vtrò detulit, ac Imperatricē declarauit. Quæ maritum in imperij societatem nullum adduxit. Sed sola imperium absque vlllo externo ac domestico tumultu & seditione administravit. Quanquam autem ætate efficta, corpore tamen non fuit inualida, sed tandem Iliaco morbo correpta, cum vitam desperatam esse sentiret, suasu procerum Michaëli Stratiotico patricio Byzantino, & admodum senī, imperium delegauit, cum, post Monomachum sola quietissimè annum vnum, & menses nouem præfuisset. Hæc, & mulierum, & virorum imbellium imperia, Cæsaream dignitatem atque potentiam mirum in modum labefactatam & propè accisam, adeò debilitarunt, vt ex eo tempore nūquam postea sese recollerit.

Michaël, vix annum in imperio transegerat, cum, illo adhuc superstite, in eius locum, Isaacius Comnenus, Patriarchæ in primis ope, ac suffragiis Romani exercitus, cui iam dudum ipse præfuerat, substituitur. Hic, accusatus aliquando, quod tyrannidem arripuisset; Graubar, inquit, conferuo seruire, nec fortiri decentia, seseque id Reip. causa fecisse exclamauit, nihil iniusti a se factum esse causatus. Imperio tamen potitus, suam felicitatem, non Deo, vt omninò debuerat, sed sibi acceptam retulit. Quod quidem publico numismate

Turcorum
genis incre-
menta.

Nortmāni
Calabriam,
Apuliam &
Siciliam sua
diuina fac-
ciunt.

Mors Con-
stantini Ma-
nomachi.

Theodora
Imperatrix.

Michaël
Stratioticus.

Isaacius Com-
nenus.

*Enst de mors,
& ingenua.*

mismate attestatus est, quo imaginem suam, strictum gladium manu extensa ferentem, cum hac inscriptione fieri, iussit: MIHI HOC IMPERIVM PEPERI. Bellum gessit cum Vngaris, & Boffinis, quibus vtrisque pacem petentibus, inducias concessit, non exigua detrimenta à cæli & tempestatum inclementia perpeffus. Extinctum scribunt, cum biennio ac tribus mensibus imperasset, alij pleuritide, ex corporis nimia commotione sub cælo gelidiore oborta: & nonnulli epilepsia, vel instar hominis attoniti, cum inter venandum circa Neapolin, aprum aspectu horrendum persecutus, quem spectrum fuisse cōsentaneum est, & hoc in mari demerso, ipse subito fulgure territus, ex equo præceps decidisset. Vir strenuus alioquin, licet moribus arrogans & immitis, bello paceque infractus, in negociis verò celer & expeditus, atque in bellicis rebus, præstantissimus. Literis ac liberalibus disciplinis, tametsi non vsque adeò deditus esset, in eas tamen, earumque studiosos quàm optimè affectus. In Venere temperatus, summaque continentia.

*Constantinus
Ducas.*

*Turcorum
& Vzorū
incurfiones.*

Cometa.

*Ingens Ter-
ramotus.*

Constantinus Ducas, Isaacio successit, quem ipse ante obitum nominarat Imperatorem, vir à iustitia & pietate nō parum commendatus. Cæterum ingenio tardus & hebes, atque incredibili corradendæ pecuniæ studio, & negligens in imperij defensione contra Turcos, qui ab Oriente vltius progressi, ad littus contra urbem Constantinopolim vsque accesserunt. Vzi itidem, gens Scythica, ex Patzinacis, aliis Scythicis gentibus, & generis præstantia, & militari multitudine ac robore insignior, per idem tempus Macedoniam, & Græciam depopulati sunt, qui omninò grauiora damna & clades intulissent, nisi plurimis peste absumptis, reliquias domum reductas, cum magna præda Bulgari internecone deleuissent. Hanc nouorum hostium inopinatam irruptionem, & Turcorum progressum, antecessit Maio mense Cometa qui post solis occasum plenæ lunæ fulgore effulfit. Erat prius & in luna ingens magnitudo, postea, Cometes vt factus est minor, decreuit, quātūq; per comas crescebat, tantum deficiebat magnitudine. In Orientem radios protendens, quadraginta diebus apparuit, & paulatim deflagrauit. Secutus postea vicesima tertia die Septembris terræmotus valde hōribilis, qui Constantinopoli, Cizici, Niceæ, & alibi, plurima tēpla ac ædificia subuertit, & in Cizico, præter cæteras domos, Græcum templum, opus pulcherrimum, & admiratione dignissimum, corruit, ac funditus euersum est.

Suprà enarrauimus, Cutlumum, Tangrolipicis, Persarum Regis nepotem, ab eo defecisse. Hic, post Abramium alterum nepotem, & huius consobrinum, prælio apud Pafarim urbem victum, & necatum, cum sex millibus, & Melecho Abramij filio fugiens, per legatos ab hoc Imperatore se in fidem societatemque recipi postulauit, responsum in Persamenia ad Charfe urbem expectans: quem mox inscetus Sultanus, cum copiis in Iberiam contendit. Cutlumus verò in felicem Arabiā confugit. Sultanus in Iberia obuia quæq; populatur, & vastat, sed Michaelem cum copiis contra se venire sentiens, & turpe sibi cum Imperatoris ministro congregi existimans, in suos fines se recepit: quidam verò ex eius ducibus, Samuchus nomine, obscuris parentibus ortus, at bello egregius, cum tribus millibus remanēs, atq; hinc inde per plana maioris Armeniæ loca vagatus, repentinis & crebris incurfionibus Romani imperij fines grauissimè infestabat. Interim Constantinus diutino morbo

morbo extenuatus, decessit, sexagenario maior, cum regnasset annos septem cum dimidio. Commendauit autem imperium Eudociæ coniugi, iuramento obstrictæ, ne id cuiuspiam concederet, nisi natis ex ipso filiis, Michaëli, Andronico, & Constantino. Fratrem Iohannem, Cæsarem nominauit. Cuius filius Andronicus postea patruces in imperio recuperando adiuuit. Caterum Eudoxia, suscepta administratione, cum ingruentem vndique vim hostium pertimesceret, & lacero ac ruenti imperio, strenuo propugnatore opus esse animaduerneret, spreto iuramento, quo, marito viduitate spoponderat, sex post obitum prioris mensibus, & aliquot diebus elapsis, Romanum Diogenem ex illustri familia oriundum, & bellica virtute florentem, sibi in matrimonio copulauit. Fuisset profecto Respub. non incommode à muliebri prudentia tractata, si ab externis pax affuisset: sed Barbarorum motus effecit, ut iuramenti oblita Imperatrix, vel potius eo, publici emolumenti ac utilitatis gratia, neglecto & posthabito, hunc virum, eximiis animi corporisque dotibus insignem, sibi in matrimonio, ut diximus, coniungeret. Siquidem ea tempestate Romani imperij hostes, qui erant in Oriente, quandoque in Mesopotamiam irrupere, aliquando Iconium vsque progressi, Cappadociam, quandoque Ciliciam, & modò alias Prouincias Romanis subiectas, variis excursionibus infestare.

Constantini
obitus.

Eudoxia Im-
peratrix.

Inter hæc, Romanus Diogenes propter connubium Eudociæ imperio potitus, quod Turcis, priorum Cæsarum ignauia animatis, prosperoq; successu in spem occupandæ Asiæ erectis, ac longè lateque grassantibus, nemine prohibente, maturè occurrendum censeret, mox contra datam fidem, exclusa Eudocia, suo consilio & arbitrio cuncta regere & administrare incepit. Tangrolipice, cuius supra mentionem fecimus, vita defuncto, summa rerum apud Turcos tunc erat penes Axanem. Hic sedem habebat in Persia, & per Sultanos cum ceteras Prouincias gubernabat, tum finibus prolatis, regnum proferre atque ampliare summis viribus annitebatur. Hic denuò cum validissimis copiis Romanæ ditionis limites ingressus est. At Diogene cum exercitu contra ipsum expeditionem suscipiente, retrocessit, suoque agmine in duas partes distributo, alteram partem Saracenorum in Australè Asiam, alteram verò in Aquilonarem destinauit: qui obuia quæque populati, & Neocesarea subita incursione vastata, ingenti præda onusti, illinc recedebant. Sed Augustus hoc audito, expeditioribus militibus assumptis, per loca inuia & motosa, ut hostes anteuertret, iter faciens, eos repetè adortus, ira exterruit, ut statim arrepta fuga, & prædâ, & impedimèta reliquerint. nec tamen, quia Romani longo itinere fatigati, eos ulterius persequi non potuerunt, magna illorum strages fuit edita: sed plurimi ex captiuis in pristinam libertatè restituti fuerunt. Inde Syriæ iter ingressus, phalange vna Melitenam missa, Chalepo magnam & hominum & animantium prædam abduxit, ac Hierapolim Syriæ deditione cepit. Dein, cum Turci Romanorum copiarum partem superassent, Imperator, qui Hierapoli erat, hoc nuncio accepto, cõfestim ad opem victis ferendam accurrit. Chalepi verò præfectus, Romanorum clade audita, cum suis ad Turcas descendiit. cumque aduersarij Romana castra corona cinxissent, Cæsar, prælio eis non denunciato, exercitum eduxit, & nullo tubarum sonitu, aliòve manifesto signo dato, hostes aggressus, illos in fugam conie-

Romanus
Diogenes.

Romanus fe-
liciter pugnat
contra hostes.

Idem Hierapoli
occupat.

Nona Ro-
mani expe-
ditio contra
Turcos.

Turcorum
clades.

Diogenes ca-
pitur in præ-
lio & perduc-
tus ad Sul-
tanum, fla-
um liber di-
mittitur.

Exemplum
singularis
clementiæ ac
moderationis
in victoria.

Romani Dio-
genis cala-
mitosis exi-
ens.

coniecit. Quibus peractis, Hierapoli arcem condidit, & plarisque aliis op-
pidis captis, Alexandriam, Ciliciæ urbem, perrexit: exercituque in hyberna,
vbi nulla comineatus inopia premeretur, ducto, Byzantium reuersus est. Sub
veris autem initium, Diogenes altera expeditione suscepta, cum Cæsaream
venisset, cognito, magnam Turcorum multitudinem, eam prouinciam in-
cursare, illis aut cæsis, aut captis, ad Euphratem contendit: ibique parte vna
exercitus Philareto duce relicta, ipse ad Septentrionem declinauit. Turci au-
tem, Philareti militibus territis, omnibus eorum impedimentis potiuntur, & in
Cappadociam progressi, omnibus agris deuastatis, Iconium, siue Lycaonium, vr-
bem tunc temporis florentissimam, petiere. Qua quidem re Imperator Seba-
stia comperta, protinus eodem contendit. Verum, vbi illa vrbe euerfa, ho-
stes suo aduertu discessisse audiuit, Cathagurio, Antiochie duci, Romanarum
legionum partem tradidit, eique mandauit, vt ad Mopsihestiam veniret, &
Turcos illac transuros aggrediretur. Qui, cum in Tharsis planiciem venis-
sent, ab Armenis omni ferè præda spoliati sunt, & magna ex parte contruci-
dati, quique superstites remanserant, Romanorum ad Mopsihestiam insidiis
cognitis, diffugerunt. Vere incunte, Turci denuò Romanas Prouincias di-
uexantes, à Michaële Comneno Cæsaris legato deuicti sunt, & paulò post,
ipse propter nonnullorum procerum, vt fama est, inuidiam, ab Imperatore
cum minoribus copiis in Syriam missus, à Turcis superatus & comprehensus
fuit. Quocirca ipsemet Augustus in Orientales Prouincias cum exercitu pro-
gressus, cum ad Theodosiopolin, vulgò Criapegam, castra haberet, prælio
cum hostibus congressus, & Scythis, quos in castris habebat, ad Turcos defi-
cientibus, fortissimè pugnans, equo ex lethali vulnere collapsus, captus fuit, &
ad Sultanum perductus, qui, vterat iustissimus, & summa animi moderatio-
ne præditus, vbi Imperatorem esse certò cognouit, (neque enim prius credi-
dit, quàm & legati, ad eum missi, eum esse testati sunt, & Græci duces, quos
in vinculis habebat, coram illo perducti, ad eius pedes prouoluti ceciderat)
prius tamen de more, vt victum, ante suos pedes prostratum, erexit: atque vt
fratrem amplexus est, & mox huiusmodi verbis solatus: Noli mœrere Impe-
rator: hæc enim est rerum humanarum vicissitudo, vt belli fortuna, modò
hos, modò illos deprimat, alios verò extollat: tu, multa bella præclare gessi-
sti, semper tua virtus, & fortitudo celebrabitur, modò te in aduersis non mi-
nus fortem atque constantem præbeas, quàm in secundis prudentem hæte-
nus præstitisti. A me tamen, non vt captiuus, sed vt Imperator tractaberis:
statimque ei ornatissimum tentorium, & ministros ac reliqua omnia quæ
Imperatorem decent, tribui iussit, & mensæ adhibitum, iuxta se collocat, ca-
ptiuus quoque peteret, perbenignè redditus: & sic per dies aliquot cum eo fa-
miliariter versatus, & collocutus, pace perpetua sancita, promissaque affinita-
te inter liberos ipsorum contrahenda, Diogenem cum egregio comitatu, & hono-
re, Barbarica etià veste ornatum, à se dimisit. Cum verò ipse apud Eudociam cõ-
iugem, & liberos ex priore marito natos, in odio esset, Byzantini proceres huic
absenti imperiū abrogarant, atq; illud Michaëli natu maximo, Constantinii
Duci filio, tradiderat, qui Diogeni reduci, præter iurisiurandi fidem capto, ocu-
los eruit, ex qua re, cum vulneris curatio negligeretur, toto capite intumescen-
te, & verminante, in insula Praten, vbi relegatus fuerat, in qua ipse antea de-
lubrum

lubrum in editiori loco crexerat, tragico exitu vitam terminauit, post annum tertium & mensem octauum imperij: quem Imperatrix Eudoxia splendidissime sepeliri iussit. Tradunt Annales, sub hoc Imperatore Nortmānos, quorum suprà meminimus, duce Roberto Guiscardo, Apuliam, atq; Calabriam occupasse. Et cum Cyriacus dux exercitus, qui summæ rerum præerat, à Cæsare missus, frustrà pertinacibus Normannorum armis restitisset, Græcos illic pulsos & oppugnatos, vtramque prouinciam deferuisse.

*Nortmanni
Græcis Imp.
adimunt Si-
ciliam, &c.*

Capto à Turcis Romano Diogene, imperium, odio illius obtinuit priuignus Michaël, cui ingens famēs quæ sub eo grassata est, à Pinacio medimni quadrante, cognomentum Parapinacij attulit. Antecessit hanc famem natiuitas mōstri, quod pedes habuit caprinos, & in media fronte vnum oculum. Secuta est mox dira lues, qua plerique mortales è medio sublati sunt. Michaël, & si in liberalibus artibus ac disciplinis optimè profecerat, opera Michaëlis Pselli, celeberrimi ea tempestate Philosophi, cuius adhuc Arithmetica circumferuntur, tamen imperio non fuit idoneus, quod quidem, eo regnante, à diuersis partibus atrocissimè diuexatum est, & in Oriente quidem, maxima eius facta est auulsio & iactura. Sultanus siquidem, vbi primum accepit quæ Byzantijs aduersus Diogenem gesta fuerant, maximo dolore affectus, ac mirum in modum indignatus, euestigiò suas copias in Romanorum Prouincias, non iam prædatū, sed ad eas subigendas expediuit. Contra quem, Michaël Imperator, Isaacium Comnenum cum exercitu misit, qui à Turcis victus, & captus, magna se pecunia redemit: Sed Cutlumo, quæ suprà ostendimus, Tangrolipicis nepotem fuisse, arma contra Axanem nouum Sultanium, vt ipse imperium occuparet, parante, Babylonius Calyfa, cuius etiam apud Turcos, vt qui à Mahometo genus, atque originem trahere putaretur, summa erat auctoritas, nihil sectæ suæ perniciosius animaduertens, quàm si eadem bella ciuilia, & intestinas simultates, quæ Saracenicum, ipsoꝝque Calysarum imperium euerterant, iam inter nouos Saracenos, hoc est, Turcas quoque orirentur, quamuis loco suo excedere, & in publico versari non solet, ad eos, qui de regno contendebant, pergit, eisq; persuadet, vt, omisso bello, Axan, quem Caslanum quidam vocant, principatum suum, integrum teneat, cognatoque omni ope præstò sit, vt Romanis Prouincijs subactis, imperet, qui breui, Media, & totius Orientis locis subactis, insulas quoque inuasit, Zachabum quendam obscuro genere natum mittens, qui Chio insula cum paucis nauibus repentè occupata, classeque ibi comparata, Lesbum, Samum, Rhodum, Cretam, & Cyprum expugnauit, quæ tamen paulò post, rursus in imperij Romani potestatem redierunt. Damascum verò, & reliqua Syriæ loca ei propinqua, Axan Persarum Sultanus, cuidam nepoti suo, Ducat appellato, tradiderat, vt, quemadmodum ille alter cum Romanis bella gerebat, sic iste cum Ægyptiis faceret. Nam Ægyptius Calyfa, Laodicæam vsque omnia possidebat, & Alapiam, siue Calepum, Eunuchus illi, cuius superius mentionem fecimus, tradidit, sed ita, vt hi, beneficiarij essent sui. Cutlumus verò, Sultanus & ipse, sed Samuch Sangni filius, permultis bellis feliciter gestis, Damasci quoque regnum occupauit, ei que successit filius Norandinus, qui multa cum Hierosolymitanis Regibus bella gessit. Verùm enimuero, vt ad res Byzantinas reuertar, Romanum imperium, præter exter-

*Michaël co-
gnomento Pa-
rapinacius.
Monstrum.*

*Sultani ex-
pedito ad-
uersus Ro-
manos.*

*Turcorum
prospere suc-
cessus.*

nos

nos aduersarios, vndique mutuis ac domesticis dissensionibus impetebatur, & in primis à Nastro limitum ad Istrum praefecto. Cumque hic, desperato imperio, ad Boslinos transisset, Nicephorus Botoniates, Turcos in Asiā ducē Cutluino attraxit, & Nicephorus Briēnius Dyrrhachij dux, eosdem in Europam adduxit. Sed Briennio profligato à Rufelio Latino, cum Botoniata potentia Turcicis auxiliis fulta inualuisset, Michaël, imperio, quod conseruare non poterat, spontē abdicato, vel potius relinquere coacto, Monasticū habitum induit, & in solitudinem cum Maria Alana coniuge, & filio Constantino, iam dudum Augustali honore ac titulo insignitum, secessit, post annum imperij sextum & dimidium. Hoc regnante, regiones Asiæ versus Pontum omnes Turcis cesserunt, ibique constitutum est regnum, vocatum Turcomannia regnum, quod quidem etiam his temporibus idem nomen retinet.

Turcomannia regnum.

Nicephorus Botoniates.

Nicephorus, Botoniates cognomento, nobilissimus, quippe qui à Nicephoro Phoca Imperatore stemma deduxerat, cum & ignauia Michaëlem ciuibus quam maximè exosum reddidisset, & ipse Turcicorum armorum foedere ac societate, eundem perterrituisset, imperiū sibi asseruit, quod etsi confirmari cæde Briennij Basiliaci, qui idem affectabat, & reducto in ordinē Constantino, prioris Augusti Constantini Ducis filio, quem ad Chrysopolim exercitus contra Turcos missus, Cæsarem nominarat, tamē conspiratione Comnenorum fratrum violenter oppressus, cænobium, imperio relicto, ingredi coactus est, tertio anno sui Principatus, cum poena talionis luisset iniuriam, suo prædecessori illatam.

Alexius Comnenus.

Amoto Nicephoro Botoniata, Alexius Comnenus Imperator salutatur, Isacio maiori natu fratri prælatus, siue quod illi, ceu ad res bellicas propensiori, milites magis fauerent, siue quod studio amplius, pollicitationibus ab eo, eiusque fautoribus iam essent subornati. Vt verò inter ipsos fratres qui erant numero quatuor, nempe ipse Alexius, Isaacius, Adrianus, & Nicephorus, maior pax & beneuolentia coalesceret, de procerum consensu inter sese imperiū partiti sunt, ea lege, ut Alexius titulum imperij usurparet, ac Cæsaream potestatem exerceret. Isaacius, nouo ipsi nomine imposto, Sebastocrator, quod ipsius Augusti nomē superaret, tertius Protosebastes, & natu minimus, Sebastes diceretur. Inter ipsius quoque affines, qui horum sorores duxerāt, Michaëlem Taronitem, & Melissetium, aliqua rerum distributio facta est; adeo sanè, ut hac partitione redditibus Imperij quodammodò laceratis, non sufficerent defensionem limitum à vicinorum hostiū incursionibus. Quo factum est, ut Alexius ad rapinas & immodicas exactiones conuersus, subditos mirum in modum expilaret; cumque, præter morem suorum prædecessorum, adulterato numismate, pro aureo & argenteo, æreum, siue æneum signaret, quo in expensas Imperij vteretur, tributa in auro purissimo dependi voluit. Ingenio fuit versuto, vafro, suspicaci, & rapaci, belloque infelix. A Nortmannis ad Epidamnum victus, fugatusque, insignem cladem accepit. In mari, eas insulas, quas paulò antè nominauimus, amisit, licet Cretam & Cyprum haud inultò post, receperit. Bello petitus à Boslinis, & victus, societatem ac foedus cum eis pepigit, pacem mercatus parte suæ ditionis, ad Moglenem, quam eis incolendam attribuit.

Infortunatus in prælio.

HISTO-

HISTORIÆ RERVM PERSICARVM

LIBER OCTAVVS.



ALEXIO Comneno, adhuc in Orientali imperio rerum potiunte, & Henrico quarto rebus Occidentalibus præfidente, suscepta est à nostris Argonautis ingens illa & memorabilis in Asiâ contra Turcos ac Saracenos expeditio, duce Godefrido Bilioneo, Lotharingiæ Principe, viro, armis pariter, & consilio animoque promptissimo & acerrimo, à quo, adiuuantibus confœderatis, omnis Syria & Palæstina cum vicinis Prouinciis recepta, & regnum Hierosolymitanum constitutum est. Cùm enim Christiani, qui Hierosolymis, & aliis in locis sub Turcico & Saraceno imperio degebant, durissimè & crudelissimè ab vtraque gente tractarètur, Concilio in Gallia apud Claromontem habito, Urbanus Pontifex, Christianis, qui erant in Oriente, per Petrum eremitam, natione Gallum, opem atque suppetias implorantibus, vniuersos Christiani orbis Principes ac Dynastas ad pium bellum cohortatus, effecit, vt de horum mutuo atque vnanimi consensu expeditio in Syriam susciperetur. Proinde anno à partu Virginis millesimo nonagesimo sexto, & decima quinta die mensis Augusti profecti sunt diuersis itineribus Godefridus, quem alij Gottifredum vocant, Eustatius & Balduinus Belliones, Raimundus & Robertus Flandriæ Comites, Vgò cognomento Magnus, Philippi Galliarum Regis frater, Stephanus Valesius Carnutum Comes, Podiensis Antistes, & Petrus eremita, huius expeditionis præcipuus auctor atque promotor, cum circiter sexcentis peditum armatorum millibus, & equitum Loricatorum centum millibus, qui multis cruentissimis præliis cum Turcis, Saracenis, ac Ægyptiis cõmissis, alij Nicæam Bithiniæ urbem, nonnulli Antiochiam, ad Orontem fluuium, plerique Ierosolymitanam urbem, alij alias ciuitates atque oppida, non absque summa difficultate, multoque sanguine receperunt. Et quoniam de his omnibus extant eruditissimorum virorum monumenta, ab huius particulari enarratione, ne actum agere videar, prudens sciensque in præsentia supersedeo, cùm præsertim ipse hæc omnia in meis Annalibus atque historiis Reip. Genuensis fusè ac luculenter sim prosecutus. Hoc duntaxat breuiter adiecerim, ipsam Antiochiam, de qua hîc proximè locuti sumus, post nouem mensum difficillimam obsidionem, tandem à nostris prodicione captam fuisse tertio Nonas Iunij, anno Christi, millesimo nonagesimo octauo. Sed mox repentino & improuiso aduentu auxiliorum Persicorum, quæ à Sultano Belchiaroco adduxit Cardagatus Persa, rursus intra urbem, nullo commeatu instructam, conclusos, obsidionem sustinuisse, rerum necessariarum inopia, multò sanè difficiliorem, quàm ipsi hostes pertulerant, cum natura scilicet luctatos simul & hostibus. Tandem fame compulso, ad dimicandum ingenti ausu conatuque eruptione facta, & Persicis copiis fuis fugatisque, ipsam urbem obsidione liberaffe. Cæterum, vt eò redeat, vnde fluxit oratio, Alexius Hugonem, ac reliquos Proceres Byzantium appulso, initio, propter varias, vt fit, suspiciones, de hac expeditione con-

*Christiano-
rum expedi-
tio Hierosoly-
mitana.*

ne conceptas, parum benignè atque amantèr exceptisse visus est. Quinetiam inter ipsos, & Græcos, quotidie nouæ rixæ ac variæ similitudines oriebantur, adeò profectò, vt quàm maximè verèdum fuerit, ne illæ tandem in apertum ac periculosissimum bellum erumperent; eoquæ deuentum erat, vt iam ipsi neque manere inter infestos, nec breui traiectu in Asiam transmittere audent, ancipiti & à Turcis & à Græcis metu, donec tandem cōfirmatis animis, fœdus inuicem percussum est, & ea quidem conditione, vt Græcus Latinos comiteat cæterisquæ opportunis rebus iuuaret: Latini, quicquid de aduersariis caperent, præter Hierosolyma, Græcis restitueret: Huic autem Alexio, fortunæ aduersitas multa progressu temporis in natura & in vitiis correxit, auaritia & rapacitate in liberalitatem ac beneficentiam, & occulta sæuitia in clementiam commutata. Iisdem ferè temporibus, aut certè nō multò pōst, nuntiatum fuit Imperatori, Turcorum exercitum cōscribi, qui mox Romanos fines diuexaret. Sed enim cū ipse articulo morbo impeditus, expeditionem contra hostes sumere nequiret, suorum militum legionem duce Camitze, Eustathio præposito, viro ex primoribus militarium ordinum insigni eduxit. Qui, primò in haud modicam aduersariorum multitudinē incidens, cum illis congressus, tandem victus, capitur, & exercitus pars cecidit, pars verò celeri fuga sibi salutem quæsiuit. Quod simulatque Imperator accepit, sese vltèrius continere non potuit, quin actutum reparatis copiis, ipsemet ad bellum egrederetur, Turcis tamen nunquam occurrit. Quandoquidem ipsius Cæsaris contra se expeditionem intelligentes, ilicò laxatis equorum frenis, diffugerunt, inter quos, & Camitzes magnis pollicitationibus custodes corrupens, se illinc proripuit, & statim ad Imperatorem vnà cum custodibus venit. Quibus Cæsar, muneribus ac pecuniis donatis, Byzantium reuersus est. Breui ab hoc spatio interiecto, Alexius aduersus eosdem exiit, ac Philomellium profectus est: quam urbem, plenam inuenit armatis hominibus, ob res pretiosas illuc asportatas, reliquo exercitu qui Cæsaream expeditionem haud parum metuebat, recedente. Vrbs interim, haud multò pōst, vnà cum propugnaculis ac speluncis, quæ refugia indigenæ habuerant, expugnatur, omnesquæ incolæ Imperator transmigrare, iuuenes quidè & pedibus validos iter facere iussit. Quibus verò senectus ad ambuladum impedimento erat, illis iumenta præbuit. Sed qui morbis aut præ nimia senectute, ægra & languida corpora habebant, hos, scutis longis impositos, vt à iunioribus atque robustioribus circumgestarentur, mandauit. Ipse, inter hos obambulans, si quem siti aut fame laborantem animaduertit, illū, quoad fieri potuit, subleuabat. Hac singulari clementia & pietate, cū sibi omnium fauorem atque beneuolentiam conciliaisset, Turci in Occidentem adnauigarunt, dicētes, suum Principem, pacem ac fœdus cum Romanis facturum, quod quidam Imperatori nec iniucundum extitit. Ab Oriente igitur quidam Barbarorum Princeps, non Satrapa, sed Sultanus, profectus, equoque infidēs, cū Cæsari occurrisset, procul ab equo desiliens, ac pedes eum accedens, adorationem peregit, conditionesquæ pacis fecit, & accepit, breuiquæ pōst, & ipse, & eius comites, multis muneribus donati, ad suas sedes redierunt. Imperator interea iam septuagenarius, & diuturno grauiquæ morbo fractus, naturæ concessit, cū annos triginta septem, & menses quatuor cū dimidio imperasset.

Vxorem

Romanorum
clades.

Philomellium
capitur à Romanis.

Pax inter
Romanos &
Turcos.

Mors Alexij
Comneni.

Vxorem habuit Irenem neptem Iohannis Cæsaris, fratris Constantini Ducæ, ex qua sustulit filios, Iohannem, Andronicum, & Isaaciū: filias, Mariam, Theodoram, & Eudociam. Iohannem successorem in imperio designauit. Quorundam Annales perhibent, Alexio, adhuc regnāte, in vrbe regia horribilem terræmotum in die Nicolao sacra factum esse, quo plurimæ ædes tam publicæ quàm priuatae, multaque delubra funditus corruerint, & cum his Porticus quoque, per quam vrbs viæ contegebantur, & plerisque hac ruina obrutos, interiisse. Ad hæc, locustarum infinitam multitudinem, densissimæ nebulae instar, volando, Solem penè obscurasse, perque urbem aduolantes, tandem in Oriente quieuisse, atque hoc incidisse in id tempus, quo à fœderatis Principibus Christianis suscepta fuit expeditio in Syriam pro recuperatione Hierosolymitana, cuius hîc proximè fecimus mentionem. Tradunt etiam, sub eiusdem Principatu, quàm plurima in diuersis partibus Constantinopolis fuisse facta incendia, multasque domos ac ædificia fortuito igne concremata; necnon, verno tempore tantam ventorum vim, ac rabiē potius, excitatam, vt, præter cæteras ruinas & clades quas ædiderit, Colossus quoque in prætorio situs, & rotunda ingentiq; columna suffultus atq; innixus, corruerit, & complures, qui tum ibi fortè aderāt, in foro deambulantes, contriuerit. Ferunt, Constantinū Magnum, hanc statuam æneam Apollinis admirandæ magnitudinis, ex Troade Byzantium, dum urbem dedicaret, supposito eius titulo, & ablato numinis capite, transtulisse. Quæ postea, sub hoc Alexio violentia ventorum, vt dictum est, corruit, cum tanta moles diutius in altitudine consistere non posset. His quoque adiiciunt, eodem imperitante, in ipso Petri & Pauli Apostolorū festo die, imbrem longè vehemētissimum decidisse, cuius impetu complures domus ac ædificia conciderint, amniumque alueis oppletis, maris speciem, cum ingenti hominum ac iumentorum strage aliquandiu præbuisse. Et hæc, in præsentiarum obiter dicta sint, quò lectoris animus hac rerum memorabilium varietate paulisper relaxetur. Nūc ad Græcos qui supersunt Imperatores, nostra oratio referatur.

Alexio Comneno Caloianus filius successit, patre & victoriis bellicis, & opibus superior, & vir maiori probitate. Hic ad imperium euectus, suos omnes diuersis præfecturis ac dignitatibus ornavit; in Isaaciū verò fratrem, quem incredibili charitate dilexit, longè propensissimus extitit. Variis expeditionibus in Asia vsus, primò Tanismanium, siue, vt alij vocant, Solymannum, Turcorum ac Persarum Regem, Cutlumi iam vnā cum suo filio defuncti, nepotem, aliquot præliis deuicit, nec paucas illi vrbes ademit, Latinorum militum strenuam fidelemq; operam semper expertus. In Europa Scythas; Tartaros Thracia Macedoniaque expulit, in quas, dum ipse rebus præesset, ex Septentrione tantis agminibus inuolarant, vt locustarum instar, omnia obruerent atque complerent. Hæc Tartarorum, quos Græci vniuersos veteri nomine Scythas appellant, prima fuit in Europam irruptio. Inde per Vngariam effusi, Poloniam, & magnā Silesiæ partem celeri per loca plana atque expedita progressu, cædibus, incendiis, rapinis, ac deprædationibus horribiliter peruaslarunt. Paulò antè per Caspias portas Asiam adorti, tentant regnum Turcicum ad Pontum. Sed de his inferius plura. Tartaris summotis, contra Hunnos arma conuertit, quos, ad Sauī, Istrique confluentem

Z

iuxta

Terræmotus.

Locustæ.

Incendia.

Ventorum vis.

Imber.

Caloianus.

Eiusdem victoria contra Turcos, Persas, & alias nationes.

Tartarorum prima irruptio.

iuxta Belgradum profigauit, & mox, haud mediocrem inferioris Pannoniæ partem edomuit. Legatos misit ad Lotharium Saxonem, gratulatum, depulso ex Apulia Rogerio. Postea & cum Conrado Sueuo fœdus percussit, & affinitatem contraxit, data filio Manuelis in vxorem sorore Gertrudis coniugis Conrodi, filia Comitis Sultabachici. A Raimundo Principe Antiocheno emit urbem Antiochiam cum ingenti pecunia, cum ipse esset prædiues atq; opulentus: Hanc occupaturus, cum à Præsule Gabulensi, prohiberetur, maximoperè indignatus, cum præualido exercitu Syriam depopulatus est. In reditu, simul atque Cilicum fines attigisset, memorabili ac tragico exitu vitam terminauit, in venatione manu ad digitum minimum venenatæ sagittæ illapsu strictim læsa, quā vnā cum aliis aper ab eo fauciatus, subito insultu pharetra excusserat, ex læsa parte veneno celeriter in omnes corporis partes discurrente. Decessit, cum imperasset annos viginti quatuor, siue, vt aliis placet, viginti quinq; & menses octo. Liberos sustulit quatuor, quorū duo, Alexius, & Andronicus obierunt adhuc viuo patre: de duobus reliquis, Manuelem natu minimum maiori Isaacio, tanquam ad gubernacula parum idoneo, prætulit.

Caloioannis
imperiū.

Manuel Co-
mmentus Im-
perator.

Eiusdē perf-
idia in Con-
radum Imp.

In felix pu-
gna contra
Turcos.

Hic Manuel à Caloioanne ad supremum imperij fastigium euectus, Princeps fuit ingeniosus, lenis, turbulentus, infidus, impius, sceleratus, perfidiosus, infelix, sed eloquens, exercitatus in disciplinis, amans Sophisticas, & nouarum opinionum, in disputando acer & curiosus. Venetos bello lacestitos, cum sustinere non posset, restitutione eorum quæ eripuerat, rursus placauit. Conradum Sueuum Imperatorem, cum ad fœdus & amicitiam propter affinitatem blandissimis promissis inuitasset, postmodum fiducia amicitiae securius se, transmissio Hellesponto Asiæ, committentem, insigni perfidia penè grauius hostibus ipsis afflixit, ferro, fraude, & veneno exercitum depopulatus. Maximam enim illius partem perdidit, submissis panibus, qui parati erant ex farina infecta commolliti gypsi tenuissimo puluere. Huius perfidiæ poenas Rogerius Siciliae Rex, bello persecutus, Corcyra, Ætolia, Acarnania, Corynthus, & Acrocorynthus, partim vi, partim deditione captis atque direptis, classem regiæ vrbi admonuit, & in eā impressione facta, suburbia flammis iniectis exussit, ægrè sese cum imperij titulo intra mœnia Imperatore conseruante. Pax demum inter vtrumque, Romano Pontifice conciliante, inita & constituta est. Cum Scythiis etiam, Turcis, Persis, & Hungaris bella gessit. Sed raro successu, & cum Turcis quidem funestissimo prælio dimicauit, ad eò profectò, vt in eo penè captus fuerit, licet aliqui scribant, eum captum fuisse, cum Ciliciam fraude occupasset. Dicunt enim Turcam, cum eo cōgressum, simulata fuga, cum toto exercitu in quadam angustias, & arctissimas montium fauces, positis custodiis, Imperatorem deduxisse, partim cæsis copiis, partim captis, & ipsum quoq; in eius potestatem deuenisse, ac breui post, ab eo amanter atque honorifice dimissum, Cilicia restituta, idque contigisse aiunt sub Muchumeto, Turcorum Imperatore, qui Tanisinaio successerat. Hic sanè, cum audiret, Manuelem cum instructissimo exercitu contra se aduētare, magnis auxiliis ex Perside, ac Mesopotamia, aliisque eiusdem gentis Regibus accersitis, per legatos à Casare pacem petiit, quam omnes prouectioris ætatis ac Turcicis bellis exercitati duces, amplectendam suadebant, propterea quòd omnia loca munita & op-
portuna,

portuna, ab hostibus præoccupata fuissent. Verum ille, neglectis sanioribus consiliis, & iunioribus, qui forma tantum gemmisque, & auro nitentes, nulla prudentia rerum gerendarum peritia conspicui erant, percupidè auditis, oratores voti prorsus impotes dimisit. Cumque Sultanus iterum pacem per novos legatos ab eo petiisset, eisque iactabundus diceret, se Iconij responsum, Sultanus in angustiis Tauri montis, quæ Clisura Zybriszæ appellantur, per quas Romano exercitui, Myriocephalo castra mouente, iter faciendum erat, suas phalanges, ut impetum in eos prætereuntes facerent, abdidit, in quibus, cum acies explicari non posset, Manuel postmodum insigni strage affectus est, in eoque prælio, præter cæteros insignes viros, Balduinus, qui dextrum cornu regebat, una cum suis fortissimè dimicans interemptus est, ac etiam complures genere clari, atque illustres, ipsi Manueli arctissima affinitate coniuncti, inter quos fuit etiam Iohannes Cantacuzenus neptis suæ vir, strenuè pugnantes occubuerunt. Cum verò Sultanus animaduerneret, Manuelem in summo vitæ discrimine versari, cum præsertim eo die Turci illius castra oppugnaturi essent, ipsius calamitatem commiseratus, missis ad eum muneribus, pacem ei dedit, ea lege, ut Dorylæum, & Sublæum oppida, iterum euertentur. Quæ pacta Imperator, præstitæ fidei, atque acceptæ humanitatis penitus immemor, non diu seruauit. Nam Sublæum quidem evertit: Dorylæum verò, ut ita remaneret, præcepit. Quamobrem Sultanus Atapacum Ducem cum lectissimorum militum manu ad mare usque progredi, omnes vrbes ac prouincias vastare, nemini quæ parcere iussit: Qui mandata sedulo ac fideliter executus, Phrygias, & Mæandrias vrbes deprædatus est, quem Cæsar in Mæandrii fluminis transitu insidiis circumuentum, ipso duce cum multis aliis cæso, oppressit. Post hæc, Manuel, imperio, cui præfuerat annos triginta octo, spontè relicto, sese in cænobium inclusit, in quo, non ita multo post, iam sexagenarius, extremum diem clausit. Vxores habuit duas, unam germanam sororem, ut dictum est, coniugis Conradi Imperatoris; alteram Constantiam, Raimundi Antiocheni Principis filiam, ex qua reliquit successorem.

Manuelis
clades.

Exemplum
singularis mo-
derationis in
victoria.

Manuelis
obitus.

Alexius admodum puer patri Manueli successit, qui Andronicum patruelem, callidum & impium tutorem testamento sibi à patre relicto, longè infensissimum habuit. Hic enim, simulatque imperij administrationem suscepit, omnes æmulos, quos suum regimen impedituros suspicabatur, interfici iussit, quò tanto facilius atque commodius, quod animo cõceperat de imperio sibi usurpando perficeret: moxque omni metu liberatus, Alexiū quoque pupillum, imperij heredem, cum vix annum decimum quintum attigisset, neruo arcu eliso, immaniter stragulatū, & arcæ plumbeæ inclusum, in mare demersit. A quibusdam in literas relatum est, Alexiū, animi recreandi causa paruo nauigiolo in mare vectum, ab Andronico per suos ministros crudeliter præcipitatum, atque necatum, capite abscisso, ac reliquo caduere in mare proiecto. Nec desunt qui etiam tradiderint, eundem ipsius Alexij matrem & sororem de medio sustulisse, ac tam sæuo & immani paricidio postmodum imperio esse potitum. Sic miser Alexius tandem vitam simul cum imperio amisit.

Alexius Com-
nenus, à
patre in-
terfici-

Andronicus Comnenus, occiso Alexio cognato, & imperium adeptus, ut
Z 2 seipsum

Andronicus
Comnenus
sæuitia &
tyrannide sibi
imperium
usurpat.

Divina vl-
tio.

Isaacum An-
gelum.

Eiusdem
obitum.

Friderici Æ-
nobarbi ex-
peditio in
Asiam.

Cuiusdā mi-
litis Germa-
ni robur &
magnanimi-
tas.

Eiusdē pro-
prietis successus

seipsum in tyrannide constabiliret, omnes proceres, quorum fidem sus-
pectam habebat, & inprimis suos, atque Alexij patruelis, consanguineos, ami-
cosque, quoscunque arripere potuit, vel crudelibus suppliciis tortos inter-
emit, vel luminibus orbavit. Bello tandem à Wilhelmo Sicilię rege, iniustam
impuberis Alexij cædem vindicaturus, impetitus, ac prælio superatus, cum
ob immanem sæuitiam publico odio flagraret, Angelo Isaacio, quem ad
supplicium corripere mandarat, seditionem concitante, dum fugam parat,
comprehensus est, alteraque manu, & oculo mutilatus, ac etiam sca-
bro camelo facie ad posticam versa, & capite aliorum recte loco diadematis,
præcincto, per urbem circumductus, vulgique tumultu vncis & harpagoni-
bus penè frustillatim discerptus, ac dilaniatus, commeritis parricidij, raptæ
tyrannidis ac sæuitiæ pœnas dedit, postquam biennio rebus gerendis præ-
fuisset. Quorundam Annales referunt, hunc, stipiti alligatum, quasi metam
ac scopum sagittariis propositum fuisse, in quem passim omnes propter im-
mensa eius flagitia, & horribilem crudelitatem, tela & sagittas iaculati sint.

Isaacium Angelum è gente Comnena, qui Angeli vocabantur cognomi-
ne, cum reliqua Comnenorum stirps iam sublata esset, Byzantini, destinatis
ab Andronico tyranno suppliciis creptum, ad gubernacula collocarunt. Hic
cum Wilhelmo Siciliæ rege fœdus ac societatem cōtraxit. Bellum verò cum
Mysis, qui & Walachi dicuntur, Petro & Afane fratribus defectionis au-
ctoribus, infelicitè gessit. In Alexium Comnenum, Cypri tyrannum,
nauiganti, classē atrox tempestas disiecit, & ad scopulos allisam confregit.
Hunc Alexium anno proximè sequenti, Richardus Angliæ rex, expugnata
insula, cepit, & secum captiuum abduxit. Fridericum Ænobarbum, cogno-
mento Barbarossam, ad Hellepontum, aditu Asiæ & traiectu prohibitorum,
aliquot aduersis præliis deuictus, à bello desuit, initaque cum eo amicitia,
& obsidibus confirmata, progredientem comiteatu iuuit. Tandem ab Ale-
xio fratre natu minore, cui semper ita indulserat, ut præter nomen imperij,
quod penes se esse voluit, cum eo ex æquo viueret, & postremò à Turcis ca-
ptum, multo auro redemerat, per summum scelus imperio atque oculis pri-
uatur, & in sordidum carcerem detruditur, de illa spe excidens, quæ ex falso
oraculi promisso imperium in annos triginta duos sibi desponderat, cum re-
gnasset annos nouem, menses octo. Postmodum è carcere per filium extra-
ctus, cum insueti aëris nouitatem & asperitatem ferre non posset, morbo cō-
tracto, interiit. Byzātinis rebus in hoc rerū cardine cōstitutis, in Oriēte, Sul-
tanus, qui Iconij sedem habebat, post Manuelis obitum, plerasque Phrygiæ
urbes occuparat. Huic, post multas res domi forisque præclarè gestas, succes-
sit filius Chaichosroes nomine, quo imperitante Fridericus Ænobarbus in
Asiam, armā conuertit, & Turcas ad Iconium Lycaoniæ urbem, tribus ma-
gnis præliis vicit, fuditque. Inter quæ, Germanus quidam ex præclaro stem-
mate oriundus & proceræ corporis statura, cum iter suum sequeretur, post
exercitum equum fessum trahens, à quinquaginta Turcis circumuictus, non
magis se commouit, aut gradum accelerauit, quàm si nemo illum persequeretur,
sed gladio vnum ex illis tam facillè in duas partes secuit, à capite simul
cū equo vsq; ad tergū strato, ut reliqui mox territi, ab eo insequendo absti-
nuerint. Cæsaris interea prosperi ac felices successus, tam subitam rerum in-
clinatio-

clinationem in Asia pepererunt, tantumq; Saladino metum ac terrorem incussere, ut rebus propè iam desperatis, munitarum urbium propugnacula deiiceret atque arces demoliretur, deque Asia relinquenda consilium caperet. Fridericus enim victoribus armis progressus, mox ei Ciliciam, Saracenicis exercitu deletis, eripuit. Per idem quoque tempus, Richardus Angliæ Rex, plurima eidem oppida & maritimas vrbes sustulit, adeò sanè, ut Asia non paruo seruitutis metu ac formidine liberaretur. Quòd si Cæsaris vita diutius propagata esset, Turci ac Saraceni tunc facile extingui, aut saltem ex Syria, & Ægypto expelli potuissent. Cæterum, quo minus id euenerit, fata obstitere. Cum enim, recepta Cilicia, Saladini exercitus ex minori Armenia reieciisset, fortè, ingenti labore atque æstu defatigatus, in flumen, quod Serram indigenæ vocant, lauandi studio descendit. Ibi alij ferunt, eum abreptum vorticibus, in flumine periisse, quidam verò perhibet, redeunti ex aqua, hepar inale affectum fuisse, quod quidem eò minus admiratione caret, quòd in Cilicia Alexandrum Magnum, lauanti in Cydno, frigidissimo flumine, lethali morbo correptum esse, literis proditum sit. Morbo itaque infra paucos dies in Seleucia Syriæ extinctum narrant quarto Idus Iunij, anno Christi millesimo centesimo, octogesimo nono. Anno mundi quinquies millesimo centesimo quinquagesimo primo. Imperij tricesimo septimo. Verum, sicuti etiam in reliquis meis scriptis testatum reliqui, non desunt grauissimi auctores, qui asserant, ipsum, cum ad præfatum amnem, vulgò Serram, antiquitus Selephium, peruenisset, & illius vadum incertum esset, equo inter transmittendum, ut fieri solet, cespitante, iam grauem ætate, lapsum, magno animi horrore fuisse affectum, atq; ita commotum, ut attonito similis, inter suorum manus ablatum, paulò post, non absque ingenti suorum omnium dolore, summoque Christianæ Reip. detrimento, expiravit. Quorum quidem posteriorum sententiæ, ceu verisimiliori, & rationi magis consentaneæ, ego, suo cuique interim libero iudicio relicto, mea ex parte accedo, præsertim, cum vix credi possit, quòd ipse, de uexa iam ætate, positis armis, & veste, ad leuandum æstum in fluminis alueo sese confouere voluerit, præcipuè cum id non citra magnam suæ maiestatis neglectiorem fieri potuisset, licet Alexandrum Macedonem, idem in Cydno flumine ex Tauro monte orienti, & mediam Tarsum interfecante, sed tamen ætatis gradu excusatum, fecisse, in comperto sit. Friderico, Principe optimo ac laudatissimo, viuis subtracto, Germani domum redierunt. Quo tempore, grauis seditio inter Turcas exorta est. Clizastlanus enim potentissimus Iconij Sultanus, moriens, quatuor filios reliquit, Mazum, Coppatinum, Rucratinum, & Caichosroem. Masuto, Amasiam, Ancyræ, Dorilæum, & alias Ponticas vrbes, assignauit: Melitenem, Cæsaream, & Coloniam, quæ nunc Taxara dicitur, Coppatino: Amisam, Doceam, & alias maritimas vrbes, Rucratino: Caichosroes Iconium tenebat, ipsius Sultani sedem, & cum ea Lycaoniam, atq; Pamphyliam, & quæ ad Cottianum usque pertinent. Coppatino mortuo, de eius Principatu Rucratinus & Masutus certant, sed Rucratinus ingenio rei que bellicæ peritia vincit, & Masuto Principatus partem adimit: atque hac victoria elatus, Chaichosroi, qui ex altera matre Christiana natus erat, Iconij potiundi cupidus, ni sibi regno cedat, bellum indicit. Caichosroes igitur, ad Imperatorem Alexiū Angelum confugit.

*Eiusdem
obitus.*

*Gravis seditio inter
Turcas.*

confugit: Sed nullis auxiliis impetratis, domum reuersus est. vix autem Iconium peruenit, cum à Rucratino pulsus, ad Lebunem in Armeniam fugit: vbi humaniter quidem acceptus fuit, sed nulla ope impetrata, Byzantium remeavit, ibiq; per aliquod temporis spatium obscurus vixit. Verum enimvero Alexius Angelus imperium fraude & parricidio raptum, haud sanè diu retinuit, cum natura meticulosus esset, atque ignauus, totumque se in ocium & voluptates, neglectis vicinis Walachis & Scythis, effudisset. Nam Isaaci filius Alexius, cui mortem machinatus erat, Francis & Venetis, quorum in vicinia tunc erant vires validissime, concitatis, & horum ope, vrbe ferro flammaque expugnata, fugatoque patruo, imperium recuperauit, tali occasione: Bonifacius Marchio Montisferrati, Balduinus Flandriae, Henricus S. Pauli Comites, & cum his, Allobrogum dux, in Asiam aduersus Turcos & Saracenos expeditionem suscepturi, conuenerant Venetiis, cumque interueniente mora, belli sumptus exhausissent, à Senatu Veneto pecuniam mutuò petierunt, quæ data est eis cum promissio maioris pecuniæ certis conditionibus, si Rempub. occupatam bello Istriano, & oppugnatione Iadera vrbs, quæ à Venetis ad Hungarorum Regem defecerat, iuuare vellent. Quas illi conditiones cum acceperant, obsidio Iadera tentata, sed opinione omnium longius protracta est. Circumsidentibus urbem, superuenit Alexius Isaaci filius, cum aliquot Græcis proceribus, qui patruum sceleratas manus effugerat, & multa questus de huius crudelitate, patris cecitatem, sordes & squalorem carceris, ac suum exilium, & multa etiam, si in imperium reduceretur, pollicitus, auxilia impetrauit. Classis ergo ex Dalmatia ad Bosphorum Thraciæ adducta: sinus, qui Peræ à Byzantio quadraginta stadiorum intervallo dirimit, rupta, quæ obfensa fuerat, catena ferrea, occupatus: vrbs, deditio capta, & Alexio Iuniori, iis, quibus inter eos conuenerat formulis & conditionibus, reddita. Alter Alexius, his cognitis, Debelatum profugit, auctis secum thesauris imperij, postquam annis octo, & decem diebus imperasset, & irritò conatu imperium deinceps repetiuit. A nonnullis in literas relatum est, præfatum Alexium, desperatis auxiliis, nocte concubia apud Irenem filiam, virginem monialem, ingentem defossum reliquisse thesaurum, & reliquam partem secum asportasse. Cæterum, Alexij Iunioris non diuturnum fuit imperium, quem inuisum suis reddidit seu timiditas, seu potius suspitio de confœderatione cū Francis & Venetis, quos censuerat, non laceffendos bello, sed auro placandos, Byzantinis vociferantibus, ignauia & perfidia Imperatoris fieri, quod per Græcorum prouincias, inque ipso vrbs conspectu, impunè ac nemine vindicante grassarentur. Quare illi per seditionem repulso, datus est successor Nicolaus Canabus, aliquanto minus ad imperium idoneus Alexio. Hac occasione Alexius Ducas, cognomento Murzuphilus siue Myrtilus, vt alij vocant, vir Cæsarei stemmatis, & imperij cupidus, homo subdolanus & sceleratus, qui Alexium amicitia specie ad se fraude traductum, tanquam eum contra iniurias defensurus esset, insanienti plebi vincendum obiecit, & Nicolaum, paucorum studiis subnixum, per suos satellites, præsidio diffugiente, cepit, ac utroque amoto, imperium inuasit: Alexio bis potu veneni frustra tentato, laqueo guttur sua manu elisit mense imperij sexto, die octauo. Ipse cum exercitu Balduinum Flandriae Comitem adortus, qui cum exercitu non procul aberat:

Franci & Veneti Byzantio deditio capta, Alexium Iuniorē in imperium restituerunt.

Alexius Iunior.

Alexius Ducas.

Alexij Iunioris.

ab erat: sed repulsus, ac Venetis, duce Dandalo, persequentibus, intra urbem compulsum, & obsidione cinctus, cum de urbis defensione desperaret, clam sese illinc subdixit, fuga vitam conseruaturus. Obsidio terra mariq; in diem octauum & sexagesimum continuata est, cui finem imposuit insana intravrbem de imperio concertatio inter Theodorum Ducam, & Lascarem. His enim inter se digladiantibus, ciuitas capta, direpta, incensaque, maiore sui parte conflagrauit, anno Christi millesimo ducentesimo primo. Tyrannus Muzuphilus deinceps in Peloponneso comprehensus, & Constantinopolin perductus, post excultos oculos, de turri præcipitatus est, ac promiscua plebe in cadauere defæuiente, frustillatim concisus.

Constantinos
polis capitur
& diripitur.

Urbe Constantinopoli recepta, conuenit inter Proceres, ut quindecim viri crearentur, quibus eligendi Imperatoris potestas foret, atque illud expressum est, ut, si Veneti nominis Imperator declaratus non esset, quem ipsi vellet, e sua gente Patriarcham urbi darent. Ita Flandrensis & S. Pauli Comites quinos: Monferratenfis, & Allobrogum Duces, totidem designauerunt. Reliquos adiecerunt Veneti. Horum suffragiis ad Balduinum Flandriæ Comitem, imperium delatum est. Eidem dimidium urbis, Prouinciarum, veltigalium, rerumque omnium, quas ex fœdere communi bello acquisiuerunt, attributum fuit. Thomas verò Maurocenus, Antistes urbis designatur. Pacato ciuitatis statu, castra in Thraciam promota, quæque intra Byzantium & Hadrianopolin continentur, in deditionem accepta. Balduinus, ut sociis, quæ ex fœdere decreta erant, exoluerentur, Bonifacium Marchionem, Thessaliæ Regem declarauit. Venetis, Ægæi maris insulas, & Cretam insulam, quam dono Alexij Angeli, Bonifacius consecutus erat, attribuit, Bonifacio cedente, quæ res primam emulationis inter Venetos & Genuenses causam præbuit. Ita à Græcis ad Francos imperium Orientis translatum est, præter omnem Latinorum opinionem, qui ab initio Syriacam duntaxat expeditionem meditabantur. Horum autem copiarum dicuntur fuisse viginti millia pedestrium virorum: equestrium octo millia: naues ducentas quinquaginta: triremes sexaginta: onerarias septuaginta: hippagines centum viginti. Græcorum autem ad sexaginta millia ex Græca iuuentute armata, & ita quidem, in quorundam Annalibus reperi. Balduinus, communi quindecim procerum suffragio Cæsar renuntiatus, nihil habuit antiquius, quam, ut domi rebus compositis, Hadrianopolim Thraciæ urbem celeberrimam, trium dierum itinere Byzantio distantem, Barbarorum auxiliis intrò recipiendis, quam maximè opportunam, iamque ab hostibus occupatam, recuperaret, seque contra suorum aduersariorum insidias communiret. Cum his autè ad planiciem Orestiadis infelicitè congressus, cæsusque, vix dum circumactò imperij sui anno, vitam & victoriam amisit. Huic statim successit Henricus frater, qui decessit anno imperij vndecimo, Iolanta filia Petro Antisiodorensi desponsata, propter quam ille imperium, quasi iure hereditario adiit, & post mortem, filium Robertum, siue, ut alij volūt, nepotem, Regni successorem habuit, quo breui extincto, imperium deuolutum est ad eius filium Balduinum, sub quo iterum amissum est circiter annum Christi millesimum ducentesimum quinquagesimum primum, & sexagesimum, ex quo, à primo Balduino fuerat occupatum, quasi fato euenisset, ut, quemadmodum à Balduino primo, Galli

Balduinus
Constantino-
polis Cæsar
designatur.

Imperium
Orientis pe-
nes Gallos.

Balduini
obitus.

Henricus.
Petrus Anti-
siodorensis.

Robe. us.

Balduinus
ult. mus.

Anno 1261
Constantino-
polis à Gra-
ecis recupera-
ta est, Latinis
electis.
Michael Pa-
leologus.

auspicia regni cœperant, sic in Balduino conciderent, postquam is annos pe-
nè viginti rebus præfuisset. Imperium verò Michaël Palcologus, adhuc etiam
ipso superstite, sed præ metu, capta vrbe, in Italiam fugiente, occupauit. Græci
etenim externum dominatum ægerrimè ferebant, nullam occasionem præ-
termittentes, quò illis subactis atque deiectis, ipsi denuò, vt antea, regnarent.
Inter hæc, quisque ex proceribus dominandi cupiditate flagrabat, sic sanè, vt
eius causa, omnia sacra atque humana iura peruerterent.

Theodorus
Lascarus.

Suprà enarrauimus Alexij Angeli perfidiam, & immanitatè erga suū fra-
trem Isaacium natu maiorem, à quo, ingentibus beneficiis ornatus fuerat.
Hic, iustissima diuini numinis ultione, amisso imperio, aufugit. Græci in-
terea, Theodorum Lascarum, eius generum, Imperatorem creant; qui nō so-
lū Bithyniæ, & maritimæ oræ imperauit, verumetiam in Meditæranca
longissimè progressus, à Caria, & quâ Meridies est, Mæandro fluuio, Septen-
trionem versus, quicquid ad Galaticum pontum, & Cappadociam pertine-
bat, occupato, imperij sedem Nicææ collocat. Nec dubium est, quin euesti-
giò in Europam aduersus Balduinum traiecturus fuisset, nisi id conantem
remorati essent Turci, quos deinceps magis impulit & cōfirmavit socer eius
Alexius, genero inuidens imperium, quod ipse tueri atque defendere nequi-
uerat. Is enim, per mare Ægæum Asiam ingressus, clam Iathatinem, Rucra-
tini filium, Sultanum, supplex miserabili habitu adiit, & mox, veterem ami-
citiam illi in memoriam reuocans, atque insuper acervos pecuniarum polli-
cens, quàm demississimè orat, vt sibi ad imperium recuperandum opem ac
suppetias ferret: Quibus rebus permotus Iathatines, statim Theodoro bel-
lum exitiumque per legatos minatur, ni socero cedat; & copiis collectis, An-
tiochiam ad Mæandrum sitam, obsidet. Theodorus verò, & ipse exercitu, nu-
mero quidem Turcico longè inferiori, sed virtute pari, vel etiam superiore,
collecto, ei obuiam alacriter processit: superatisque tertio die montis Olym-
pi angustis, quæ in maximam porrectæ longitudinem, Bithyniam ad Se-
ptentrionem, Phrygiam verò ad Austrum habent, deinde Caystro amne tra-
iecto, vndecimo die, Turcos, nihil tale metuentes, adoritur, eosque facilè
in loco angusto, vt nec copias explicare, nec equis commodè vti possent,
ipso Sultano propria manu obruncato, fudit, & Alexium captum, non
modò vita donauit: sed etiam benignè ac liberaliter apud se detinuit.

Iathatines
Sultanus.

Theodori La-
scari expedi-
tio aduersus
Turcos.

Eiusdem vi-
ctoria.

Clementia in
generum.

Memoriæ proditum est, hunc primò, denicta Constantinopoli, clam in
Achaiam & Peloponnesum aufugisse, vbi, dum temerè oberrat, bis à Bo-
nifacio Marchione captum ac spoliatum, breuique post, cognito, suum ge-
nerum salutatum esse Imperatorem, se ad Turcos, vt dictum est, contulisse: at
scelerata consilia infelicem euentum, sicuti iam demonstrauius, sortita
sunt. Hæc autem dissidia inter proceres Græcos, post captam Constantinopo-
lim, postremam & summam ad fatalem imperij Orientalis ruinam inclina-
tionem pepererūt, patefacto multiplici aditu ipsis Turcis ad Europam, velut
per rimas fissæ diuulsæque in partes Græciæ, & iisdem, si aditus ignoraretur,
precio conductis, atque adductis. In hac tanta imperij dilaceratione, Alexius
Comnenus, contractis opibus quantas potuit, relictaque Europa, nouum
imperium Trapezunti, complexus, Cappadociam, & Colchidem, condidit
ac crexit. Ab hoc, origo est Imperatorum Trapezuntinorum, quibus ad-
mit

Alexius Cō-
nenus nouum
Imp. Trape-
zuntii condidit.

mit regnum Mahometus secundus, stirpe excisa, & deleto Græcorum imperio, sicuti inferius ostendetur.

Theodorus Lascars, cuius suprà mentionem fecimus, ex coniuge Irene nullam masculam prolem suscepit, sed duntaxat filiam eiusdem nominis, quam Ioanni Batazæ, seu Diplobatazio, nuptam dedit. Hic, focero post decimum octauum annum fatis excedente, pro illo imperium gerens, filium suscepit cognomēto Theodorum Lascarem, iuniorem. Huic circiter annum ætatis sexagesimum, imperij tricesimum tertium defuncto, successit Theodorus Lascars iunior, cui Helena Afanis Bulgaris Regis filia peperit Iohannem filium & quatuor alios. Cura filij Iohannis, & imperij administratio, patris voluntate, & consensu procerum commendata est Michaëli Paleologo, viro in armis strenuo atque acris ingenij, sed fidei incertæ ac dubiæ, vt qui ad Turcos antea transierat, cum in affectati imperij suspicionem venisset, nec deinceps etiam, postquam receptus foret in gratiam, dissimularet, quod aliquid moliretur. Proinde vt illum sibi aliquo singulari beneficio obstringeret, eoq; placato ac beneuolo vteretur, dignitate despotæ ornauit, atq; insuper filij tutelæ præfecit. At Michaël Paleologus, haud multò post, recepto Byzantio ciecistisque Francis, Iohannem Theodori Lascari iunioris filium, adhuc impuberem, interfecit, ipseque sibi, Lascarina stirpe nobilissima, per summam perfidiam & scelus oppressa, vel potius extincta, imperium vendicauit, ac posteris vsque ad Constantinum octauum & vltimum ex ea domo, ad annum videlicet millesimum quadringentesimum quinquagesimum tertium, tanquam per manus tradidit. Hanc familiam nonnulli perhibent ex Viterbio, haud ignobili Italiæ municipio, suum genus atq; originē traxisse. Hic Paleologus bellum gessit cum Michaële Angelo Epiri ac Ætolia despotæ: sed infelici successu. Quare cum in imperio parricidiis acquisito, & nondum satis confirmato, nemini tutò fideret, pacem cum Michaële, quamquam ignominiosam, fecit, sua consobrina filio eius Nicephoro in vxorem data. Sed minimè diuturna fuit hæc pax. Genuensibus, quorum auxilio imperium consecutus fuerat, & Veneros depulerat, Peram urbem, vltra sinum è regione Byzantij in eodem littore Europæo sitam, quam Galatam hodie vocant, tradidit. Recepit Eubœam, & aliquot Ægæi maris insulas, Lemnum, Chium, & complures alias, sed non diu retinuit. Decessit annos natus quinquaginta octo, & regnauit, vt à plerisque traditum est, annos quadraginta quinque. Filios reliquit Andronicum imperij successorem, & Constantinum Porphyrogenitum. Hoc imperante, in Græcia Cometes conspectus est, qui, cum exarsisset circa solstitium æstiuum, sole cancrum peragrans, fulsit ad Æquinoctium Autumnale vsque, & tandem sub Tauri fidere euanuit. Nec multò post, sol obscuratus, tantas terris tenebras effudit, vt stellæ interdiu effulserint. Hæc autem prodigia, siue ostenta, diuinitus immissa, proculdubio fuerunt præuia nouarum calamitatum signa, quæ postmodum per Turcicas irruptiones & progressiones in diuersis orbis terrarum partibus subsecutæ sunt, quemadmodum suo loco enarrabitur: hisque amplissimas occasiones dederunt mutæ Græcorum simultates atque domestica diffidia, quibus tandem factum est, vt amisso imperio, atque omni libertate sublata, Barbaricum iugum ac tyrannidem ferre coacti sint, & in perpetua miseria versari, pluri-

Theodori
Lascari
obitus.

Theod. Lascars
iunior.

Michaël Paleologus
exstinctis Lascaris,
sibi
imperium
vsurpat.

Peram Gemen
sibus tradita.

Eiusdem
obitus.

Andronicus
Imp.
Cometa.

Soliseclipsis.

plurimæque aliæ nationes, ab eis, cultu, fide, moribus ac legibus dissentientes, illorum culpa deinceps in eandem ærumnas atque miseras præcipiti cursu deuolutæ sunt, citra ullam omnino spem pristinae libertatis recuperandæ. Cæterum periodis regnorum circumactis, cum ad finem illa tendunt, ruinam proximè antecedunt, sicuti verissimè inquit Appianus, & discordiæ, quæ, si quid reliquum est, id labefactant. Nec ferè nisi fatalibus discordiis magna imperia euertuntur: cumque momenta mutationum instant, insigni petulantia acceleratur pœnæ, ut significatum est tribus vocibus apud Daniele, quibus Baltasari Regis denunciatur interitus, & regni dilaceratio. Priusquàm verò Turcarum potentia, eiectionis Saracenis, sese longè lateque diffundens, maiora incrementa susciperet, & regni pomœria dilataret, Tartari prius ipsos multis atrocissimis præliis diuexarunt, ac etiam Europam innumeris calamitatibus obruere. Proinde cum illorum vires tantoperè prauauerint, ut eorum imperium vniuerso terrarum orbi quàm maximè tremendum, ac formidolosum extiterit, necessarium omnino esse duxi, ut de illorum origine, ac rebus gestis saltem aliquid summatim ac leuiter attingerem: ne ipsis, quorum tam crebrâ in historiis mentionem fieri videmus, in hoc meo opere prætermisissis, hac in parte iure merito reprehenderer, præsertim cum ea gens Persarum imperium per aliquot annorum volumina possederit, donec tandem, conuersa fortuna, maiori potentia cedere coacta fuerit, & quæ regna atque prouincias sibi victoricibus armis subegerat, non secus ac ipsi etiam Saraceni, relinquere, atque in alias sedes commigrare.

Tartarorum
origo.

Scythas Asiaticos, quos Tartaros vocant, qui mediū inter Riphæos montes, & Oceanum Septentrionalem planiciem incolentes, paulò antehæc tempora, densissimis agminibus, locustarum instar effusi, vniuersam Asiam, & plurimas Europæ prouincias, in primisque Lituaniam, Poloniam, Silesiam citeriorem, & Vngariam horribiliter vastarunt, & Turcis bellum inferentes, persæpe inclytas & celeberrimas de illis victorias non sine maxima suæ gentis gloria retulerunt, cum tamen prius eorum nomen obscurū & penè ignotum esset, antiquitus Moglos vocatos fuisse tradunt, cui affine est nomē Mogolenorum apud Ptol. ad Tapuros mōtes, quibus proximū est Tartarorum nomen. Sic enim à vicinis potius quàm Tartari nominantur, etsi alij à flumine, alij à multitudine vocem profectam esse autumant. Sunt apud Plinium & Tochari, Bactrianis vicini, à quibus non ita alienum est nomen Tartarorū. Græci, gentes illas vniuersas, quæ supra Caucasum intra & extra Imaum montem habitant vsque ad Oceanum Indicum, Scythas promiscuè vocarūt. Erat hæc gens populosissima omnium gentium, ad Septentrionem vltima, quam Homerus mortalium iustissimam vocauit. Cæterum homines inopem regionem incolentes, omnium deliciarum, & agrorum, ac vitium cultura ignari, quibus victum præbebant spontè è terra nata herbæ, & sanguis, & carnes iumentorum ferarumque & volucrum venatus; vestem nulla arte confectam, animalium pelles: argentum verò, aurum, & margaritas, ceteraque gemmas nihili faciebant; nullos solennes ludos, nulla ambitiosa spectacula, nullas disceptationes habentes: sed pacatam & seditionum expertem vitam agentes: ideoque sine cultu, sine lege, sine ciuili consuetudine, ac sine eloquentiæ vsu & argutiis, innata eos iustitia regente, aurea libertate fruebantur.

bantur: quæ regio instar amplissimi fontis, innumeras variis temporibus gentes effudit. Deinde progressu temporis, hæc gens omnis in septem præcipuas Nationes, seu Tribus, quarum hæc erant nomina, Tatar, Tangur, Cumat, Ialair, Sonich, Mongli, Tebeta, diuisa, vicinarum Prouinciarum, nempe Georgorum Regibus parebat, & angustam pro hominum ac iumentorum multitudine regionem habebant, cum senex quidam ex Tribu Tatar, Changius appellatus, vir obsecuri quidem generis, sed prudentia & sanctitatis opinione insignis, in somnis oraculo admonitus, multisque, ut ferebatur, miraculis eius orationi fidem facientibus, eos ad libertatem capeffendam, vberioremq; regionem & fines propagandos cohortatur, & Rex atque Imperator ab illis factus, extra inopem illam regionem, quæ instar peninsulæ, Persidi, & Caspio mari opposita, Scythico vndique Oceano clauditur, vnico tantum Isthmo, quem altissimi & inaccessi Ryphæi montes quasi vallo quodam muniunt, Asiæ cõiuncta maris fluctibus, ut via illis inter montes ac mare patèret recedentibus, eduxit. Quamobrè omnes illi Scythæ, post, à Tribu, ex qua Imperator erat, Tartari, dein Tartari sunt appellati; quorum antiquissimam originem, multi ad decem Israëlitis tribus referunt, quod plarisque non ita verisimile videtur, cum potius existiment, Scythas, à Magogo, Iapeti filio, cuius in sacris literis sæpè mētio fit, originem ducere: & decem illas Tribus à Persarum Rege non in Scythiam, sed in Mediam, Persidēque translatas fuisse. Ceterum, ut ut res habeat, Tartari, eo, quo diximus modo, Changio, quem Camum, siue, ut aliis placet, Canem, honoris gratia, hoc est, summum Imperatorem vocauerunt, duce, ab Hyperboreis effusi, Ioanne Duca Byzantij imperante, ad Caspium mare descenderunt. Changij verò ætas, qui primus regnum acquisiuit, & legibus atque iudiciis, constituit, incidit fere in annum Christi millesimum, ducentesimum, siue ut aliis visum est, ducentesimum secundum. Ab hoc, Principum origo est. Propagauit enim imperium incredibili celeritate, à Synarum regione, & Oceano, vsque ad Caspium mare, primusque extitit, qui Tartariis persuasit, ut crederent in vnum solum Deum. Regnavit verò 12. annos, & mortuus est in oppugnatione castrorum Targin, cum in genu sagitta lethali vulneratus esset. Changio defuncto successit Hoccota filius, vir prudens & fortis, duodecim fratrum natu maximus. Hic aspernatus solitudines Orientis, concepit ingenti animo imperium Asiæ, & Europæ. Aggressurus igitur Asiam, cuius superiores regiones intra Taurum montem tenebant Turci, iis exceptis, quæ ad Taurum Armeniis suberant, ad Colchidem verò & Caucasum Iberis Albanisque veteribus, id est, Gregorianis & Mengrellis liberis populis comprehendebantur: Asiam ergo aggressurus, mille equites lectissimos Gebesabada duce præmisit, ad explorandos gentium ritus moresque, & aditus penetrandos. Qui, ubi per Albanorum Iberorumque nemorosas conualles ad Derbenti oppidi angustias venissent, quæ ferreis portis & lapideis antiqui operis propugnaculis præcluduntur, Diryodoro amne subterfluente, mox propugnacula motibus opposita ad arcendas transitu feras gentes Septentrionis, primo impetu capiunt, perque effractas portas, velut in alterum orbem, egressi, primo ad Arsengam in Cappadocia Turcorum oppidum delati sunt, ubi, cum instrui magnam vim hominum ad bellum cognouissent, reuersi, suo Imperatori, quæ explorassent, renunciarunt. Hoccota in

*Changius
primus Tar-
tarorum Im-
perator.*

*Eiusdem
obitus.*

*Hoccota se-
cundus Tar-
tarorum Im-
perator.*

spes

spes ingentes elatus, Prouincias tribus filiis animo destinatas, armis etiam
 subigendas distribuit, Iachinum rectà ad Occidentem, Battum ad Septentrio-
 nem, Cagadanū ad Meridiem cum exercitibus dimittit: ipse, quæ ad Orien-
 tem supererāt, adoritur. Cagadanus in desertas Æthiopum terras profectus,
 amisso exercitu ad Iachinum fratrem re infecta reuersus est. Nam Hoccota,
 inter hæc, fatis concesserat. Iachinus Ariæ Drangianæque, & Arachosia ter-
 ras ad regnum Turquestan, nec non Parthiam, Mediam ac Persiam occupa-
 uit. Ex iis locis, velut arce belli, continentibus præliis, Turcos laceffuit, do-
 nec tandem Batto duce Gouiata Turcorum Regi regnum ademit, illo ingēti
 prælio prorsus conciso, anno millesimo, ducentesimo, quadagesimo quar-
 to, totaque ad Pontum gente sub iugum redacta. Longum autem hîc foret
 recensere, quæ postmodum ab hoc duce contra Hunnos, Circassos, Sarma-
 tos, Bulgaros, Rascios, Seruios, Morauos, Silesios, atque Vngaros variis tem-
 poribus tum per diuersos legatos, tum propriis auspiciis gesta sint, cum con-
 stet, ipsum ad Austria: vsque limites penetrasse. Sed magnitudine ac robore
 obiecti ab Austriacis atque Silesiis exercitus detentus, dum per interpositum
 flumē ad hostes perumpere conatur, vorticosi gurgitis rapiditate absorptus,
 interiisse traditur à nonnullis, tametsi hoc plerique alij penitus negent. Tar-
 tari interim, post has excursiones, rapinas & cædes, amplissimis prædis atque
 spoliis onusti, regiones ad Tanaim & paludes Mœtidis patriæ propiores,
 repetiuerunt. Fuit omnino hæc Tartarorum in Europam irruptio atrocissi-
 mæ tempestati similis, quæ vi procellarum obuia quæque perripuit ac pro-
 strauit. Antecessit anno millesimo, ducentesimo, vndecimo, Cometes, qui
 Maio mense totos dies octodecim arsit, & terribilem flammam sparfit. Ideo
 prorsus fatalem fuisse existimandum est. Horum Regum sedes fuit Camba-
 lis, siue, vt alij vocant, Gambalesca, ciuitas longè amplissima, & totius Asiæ
 ad omnem humanam iucunditatem opportuna & optatissima, cuius ambi-
 tus duodetriginta millia passuum habere perhibetur. Regio autem Cathæa
 olim, nunc Cathai vocatur, in qua vrbs altera, cuius ambitum P. C. M. patere
 M. Paulus Venetus affirmat. Hæc autem à Cathaina, celeberrima in extremo
 ad Orientem Oceano ciuitate, cui præest Magnus Can, quem supremum
 Regem cæteri agnoscunt & venerantur, nomen accepit. Tertium Tartaro-
 rum Imperatorem in regno Cathaniæ, nominant Ginum Magnum Canem,
 cuius vita admodum breuis fuisse traditur, ei que successit quidam ipsius
 consanguineus, nomine Mango Can, qui persuasu Aytoni Regis Armeniæ,
 circa annum Christianæ salutis millesimum ducentimum quinquagesi-
 mum octauum, ab idolis patriis, ad Christianam fidem se conuertit. Huius
 frater Haolonus, siue, vt alij appellant, Hiclonus, ipse etiam Christianis sacris
 institutus, totum regnum Persarum, per id tempus Sultanis inter se dissiden-
 tibus, suo Principe & rectore destitutum, occupauit, indeq; Saracenis expul-
 sis, & pro eius regni tutela atque custodia decem millibus Tartarorum im-
 positis, quandam Armeniæ Prouinciā nomine Sorlochi, siue Salore, in suam
 potestatem redegit, ac breui post, Babylonem etiam opulentissimam ciuita-
 tem, quæ nunc Baldacum est, expugnauit, anno salutis M. CCLVII. in qua
 etiam Calyfa captus fuit, & mox ad victorem perductus, coactus est vniuer-
 sum thesaurū coram eo deponere, & interrogatus, num cognosceret, totum
 illum

Iachinus.

Turcorum
elades.

Cometes.

Vrbs Ca-
thai.

Ginum.

Mango.

Haolonus.
Regnum Per-
siæ à Tartar-
is capitur.Tartari Ba-
byloniam ex-
pugnant.

illum ad se pertinuisse. Annuit. Tum Haolonus: Quare igitur, cum tam ingentes thesauros possideres, non conuocabas stipendiarios & vicinos Dynastas, qui te, ac tuam ditionem à potentia Tartarorum defenderent ac tuerentur? Quoniam, inquit, existimâram, subditos meos satis superq; virium per se habere, quibus ab omni hostili iniuria me ipsum, ac meum imperium protegerem. Tunc Haolonus Calysæ: Tu diceris doctor omnium credetium in falsa secta Mahometi, & immensis diuitiis atque opibus affuebas. Talem ergo Magistrum, & tanti Principis successorem, non decet aliis epulis vesci atque ali, vnde tibi damus in cibum omnia ista pretiosa, quæ tantoperè adamasti, & tam auidè abs te asseruata & custodita sunt. Ipsum igitur Calysam in quodam cubiculo recludi iussit, & coram eo margaritas & aurum proiici, vt his suo arbitratu, omni alio cibo & potu subtracto, vesceretur, & sic tandem humanæ vitæ alimentis destitutus, mortalitatem exiit, regno Calysæ de Babylonia, quod quidem durauerat circiter sexcentos annos, in ipso deficiente. Post hæc, iussu Haoloni, in ea ciuitate, ac finitimis prouinciis, mox omnia Saracenorum templa funditus euerfa, & Christianorum, quæ diruta fuerant, instaurata, & Christiani in maximo cultu atque honore habiti, adeò sanè, vt ipsis castrorum atque urbium præfectura demandaretur, eaque omnia in primis accidere impulsu coniugis Christianæ, cui nomen fuerat Doucofcaron, quæ dicitur ex stirpe illorum regum, qui venerat ab Oriente visa stella Dominicæ natiuitatis, originem traxisse. Haolonus, his rebus feliciter peractis, ad spatium vnius anni conqueuit, quo quidem tempore, ad eum venit Haithonus Armeniæ Rex, cum ingenti equestrium ac pedestrium virorum comitatu, eo nimirum animi decreto, atque consilio, vt ambo coniunctis viribus, Hierosolyma ex Saracenorum manibus eriperent. Haolonus paulò ante ipsius Regis aduentum, in Mesopotamiam castra promouerat, vbi, capta vrbe Edessa, olim Rhages, nunc Orphea nuncupata, mox transferat in Syriam. Ibi vterque de Alepo, totius Syriæ metropoli, expugnanda, consilia iniuit, quæ, licet vndique munitissima foret, nihilominus tamen tanta fuit oppugnantorum virtus atque ardor, vt eam nouem dierum spatio occuparent. Vrbe recepta, supererat castrum in media ciuitate constructum, quod etiam post vndecim dierum obsidionem expugnatum fuit: Alepi Sultanus nomine Melechmafer, tunc temporis erat in ciuitate Damasci, qui, vbi primùm intellexit, urbem captam vnà cum liberis & vxore qui ibidem erant, inops consilij atque animo consternatus, eum accessit, statimque ad illius pedes prouolutus, demissè ac suppliciter rogauit, vt sibi coniux, & liberi cū aliqua parte sui dominij redderentur. Cæterum sua spe longè frustratus, vnà cum suis ablegatus fuit in Persiam, ne sibi in regno Syriæ novos motus & turbas concitaret, breuique post, eidem circiter annum Christi millesimum, ducetesimum, sexagesimum, Antiochiam eripuit. Inter hunc Alepi Sultanū, & Ægyptium, assidua de imperio Syriæ contentio fuit, & flammis odiorum, ceu pabulum subdiderunt dissidia discrepantis sectæ. Iam tum verò Sultanus vterque Hierosolymitano regno euerso, & reliquiis nostrorum Argonautarum delictis, vniuersa propemodum, quæ illi possederant, recuperarat. A nonnullis memoriæ proditum est, hunc Sultanum, quem Azatinem vocant, cum fratre Meleco, seu Melechmafer, exulem ad Imperatorem Michaëlem Paleologum

Calysa Babylonia fame necata.

Edessa, & Alepum veniunt in ditionem Tartarorum.

Tartari Antiochiam pro imperio subiungunt.

a

gum

gum confugisse, quem ipse paulò antè liberaliter & munificè apud se profugum habuerat; eumque, veteri amicitia in memoriam reuocata, rogasse, vt vel sibi opem ferret contra Tartaros, vel partem aliquam agri, ac veluti coloniam assignaret, in qua cum suis tutius consideret: adducebat enim secum vxores & liberos, famulosque; multos cum magnis diuitiis. Imperator autem, tot vndique bellis vrgentibus, copias suas minuere noluerat; terræ autem partem tanto viro, qui antea multis Prouinciis imperasset, & regio fastu ab in-eunte ætate educatus esset, assignare, omnino periculosum existimabat: subiectos enim Satrapas, ducem suum quæsituros, & variis in locis dispersos, vt planetæ noctu aberrantes, ad eum, qui faciem præferret, viamque mōstraret, concursuros, ac tandem Romanos insigni clade affecturos. Proinde illum inani spe fouens, perplexum atque ancipitem detinebat: vbi, cū Christianis parentibus Azatines natus esset, & sacro fonte à primis annis lauatus, sacris concionibus assidue cum Imperatore interfuisse narrant: & tandē apud eum mansisse, donec Scythis Europæis adiuuantibus, ex oppido Æno cum filio suo Meleco profugerit, Istroque traiecto, paulò pōst obiisse. Melecum verò, per Pontum in Asiam ad Tartaros transisse, ab eisque Turcicū regnū, vt paternam hæreditatem, impetrasse. Cæterum, Satrapam quendam, nomine Amurium, illi infestis armis occurrisse, ita vt fractus, ad Heracleam Ponti urbem confugerit: sed modico spatio interiecto, ad suos reuersum, patrium regnum recuperasse, at breui per insidias fuisse trucidatum. Hæc in præsentia de hoc Sultano adiicienda putavi, suo cuique interea iudicio relicto. Verum enim uerò vt ad Haolonem reuertar, hunc, post captam Antiochiam, ad urbē Hierosolymam omnibus viribus contendentem, ex medio victoriarum cursu retraxit fama de Mangonis fratris interitu. Ad summum enim inter Tartaros imperium aspirabat. Sed Gobellus ipsius frater, ab aliis Cobila appellatus, absentem anteuertat, studio atque fauore subditorum euectus, seque iam in regio solio confirmarat. Qui deinde XLII. annis tenuit imperium Tartarorum, & Christianam fidem ad supremum vsque vitæ suæ diem constanter retinuit & propagauit. Cæterum Haoloni aliud quoque impedimentum accessit, quòd videlicet, Batti filius, à tergo vrgebat, nouo bello partas ab ipso Prouincias, cui, nisi maturè occurrisset, ex parte regni excidisset. Ad hunc modum diuersis bellis distractus, Syriacarum rerum curam & administrationem commendauit vni ex Præfectis Virboco, siue vt alij vocant, Guibocæ, suo nepoti, cui ad decem millia equitum reliquit. Hic ab initio Christianis plurimum fauebat. Sed postquam ipsius nepos à nonnullis Christianis, dum prædam, ex quibusdam oppidis Saraccenorum direptis, collectam, nomine sui auunculi paulò imperiosius repetit, interfectus esset, ad Mahometis sacra defecit, omnesque deinceps Christiani nominis cultores summo odio persecutus est, ita sanè, vt breui pōst, Sydona vi capta, in eos quàm horribiliter defæuierit. Huic deinde molienti obsidionem Hierosolymæ, Ægypti Sultanus Cathos, cognomento Melechmeses, id est, Rex populi, primi ex seruili conditione ad regnum euecti, successor, celeriter occurrit, & commisso prælio in quodam loco Henyaleck, vocato, dux Tartarorum interemptus fuit, & reliqui fœda fuga disiecti, eaque clade Tartari tota Syria expulsi, in Armeniam profecti sunt, & Syriæ regnum, exceptis quibusdam ciuitatibus mari-

Gobellus.

Guibocæ.

Cathos Sultanus Ægypti.

Tartari Syria expellunt. 1268.

maritinis, quas Christiani incolebant, in Saracenorum potestatem redactū. Inter quæ, Haolonus, dum nouo exercitu collecto, iterum Saracenos adoriri statuit, morbo correptus, post quindecim dierum spatium, ex quo ægrotauerat, cum ingenti suorum dolore ac mœstitia viuis exemptus est. Fuit enim Princeps militaris, & multis egregiis dotibus ornatus. Priusquam obiret, à Cobila Can Imperatore, impetrarat, vt Abaga eius filius post se regnaret, isq; cœpit dominari anno Christi M. CC. LXII. Quo imperante, Benedeclar Ægypti Sultanus (quæ vox, Regem potentem significat) Armeniæ regnum, absente Rege, qui paulò ante ad præfatum Abagam, Tartarorum Imperatorē perrexerat, inuasit, & deuictis in acie duobus filiis ipsius Regis, quorum alter, strenuè dimicans, in ipso certamine occubuit, alter verò captus fuit, per vniuersum regnum excursione facta, plæraque loca ferro & igne deuastauit, & magnam hominum ac diuitiarum prædam illinc retulit. Rex verò, hac ingenti clade perculsus, cum ea tempestate à Tartarorum Rege, propter bella quæ cū vicinis gētibz gerebat, nihil subsidij sperare posset, suis viribus diffusus, legatos misit ad Sultanium Ægypti, & ab eo certis quibusdam conditionibus inducias obtinuit. Inter cæteras verò conditiones, ea fuit præcipua, vt Regis filius pristinae libertati restitueretur. Hoc Sultanus se libenter facturū recepit, modò sibi redderetur quidam ex suis domesticis & familiaribus, nomine Sangolascar, qui captiuus penes Tartaros detinebatur, simulq; castrum Halepi, Temesack vocatum, cum ipsa ciuitate ab Haolone captū, restitueretur, & duo alia solo æquarētur. Quo impetrato, Regis filius, nomine Tiounus, siue Thynus, mox liberatus est, ac breui post, Armeniæ Rex declaratus, cum eius pater, qui iam XLV. annos regnarat, spontè imperio cessisset, monasteriū ingressus, ibiq; paucis post mensibus decessit, anno salutis M. CC. LXX.

Haoloni obitus.

Armenia inuaditur à Sultano Ægypti.

Dum res ita geruntur, Sultanus Ægypti, contra quem Abaga exercitum pararat, Damasci veneno sublatuſ est, cui filius, Meleckfair nuncupatus, in imperio successit. At breui post, per quendam ex suis proceribus, cui nomen fuit Erfa, imperio deturbatus fuit. Hoc regnante, Abaga Tartarorum Imperator, fratrem suum Mangodaniorem cum triginta millibus Tartarorum contra hunc Sultanium ex Persia in Syriam ablegauit. Huic etiam nouus Armeniæ rex cum haud exigua manu militari sese adiunxit. Ambo igitur de communi consensu, in eam expeditionē pergētes, & Syriam ingressi, peruenērunt vsque ad ciuitatem Hames, quæ Camela hodie appellatur, & sita est, vt nonnulli perhibent, in medio regni Syriæ, iuxta quādam pulcherrimam planiciem, vbi nouus Sultanus omnes suas vires contraxerat, ibique acerrimo prælio vtrinque dimicatum est, eo quidem successu, vt, cum Imperator exercitur Mangodanior, seu Mandagamar, vt alij appellant, in medio rerum bene gerendarum cursu, & fortunæ adblandientis aura, cum iam penè de ipso, parata victoria, hoste triumphasset, iuuenis rerū inexpertus, quippe qui antea nulli bello interfuerat, omnisq; honesti ac decori oblitus, relicto certamine, sese illinc præ metu subtraheret, & summa celeritate versus flumen Euphratem iter intenderet: decuriones, & manipulorum ductores, omnisq; reliqua militaris multitudo, simulatque de sui Imperatoris discessu & fuga cognitum est, protinus quisque suo loco & statione relicta, ipsisq; armis iam iam victricibus, scēdē ac turpiter abiectis, suum Principem, nō sine

Abaga.

Māgodanior fugit ex acie.

ne maxima ipsius Sultani & hostilis exercitus admiratione atque lætitia, secuti sunt, gressibus eò directis, quò illum ex certis nuntiis ac exploratoribus profectum intellexere, & tandem ad ripam præfati fluminis assecuti sunt: quanvis autem enixè darent operam, vt eum ad prosequendam victoriam retraherent, is tamen omni prorsus cohortatione posthabita, cōfestim traiecto Euphrate, in Persiam rediit, non sine maximo Armeniorum incommodo ac detrimento. Abaga, hoc tristissimo atque insperato nuntio accepto, licet ingentem animo dolorem conciperet, qua tamen erat prudentia & fortitudine illum vultu simulans, nihilque hoc acerbissimo casu exterritus, cōfestim nouas copias parat, iustoque exercitu iam collecto, ipsemet ad ignominiam delendam, in eam militiam proficisci statuit, certam sibi, fretus in primis bonitate causæ, quam defendendam susceperat, victoriam pollicitus: sed fortuna ipsius votis atque conatibus prorsus aduersata est. Paucis enim antè mensibus, quidam Saracenicus venerat ad Regem Persarum, seque paulatim in arctissimam quorundam ex præcipuis ipsius Abagæ domesticis ac familiaribus ministris, qui illi inferuebant, amicitiam insinuans, hos tandè multis largitionibus atque amplis promissis corripit, eoque rem deduxit, vt ipse, ac eius filius Argon, hausto veneno, vterque, vix octo dierum spatio transacto, è vita migrarit, anno Christianæ salutis M. CC. LXXXII. Huic successit frater Abagæ maior natu, nomine Tangodor, qui, relictis sacris Christianorum, ad Mahumetum desciiuit, ac se Mahumet Can appellari iussit. Hic, cum Sultano Ægypti fœdere inito, vniuersos Christianos crudelissimo odio profecutus est, eorumque templis disiectis, nihil non efficiebat, vt Saracenicam fidem prolataret. Cæterùm is, nondum expleto biennio, ex quo regnare cœperat, antequam Taurisium perueniret, à suo nepote Argone, quem, fratre etiam prius interfecto, iugularat, ex satellitum & apparitorum manibus, quodam ex præcipuis proceribus opitulante, vi erepto, captus & mox per medium disiectus, suæ impietatis ac sæuitiæ iustissimas pœnas persoluit. Argonus, patruo interempto, ad regni habenas & gubernacula euectus, cōfestim ad Cobilam Can, Magnum Tartarorum Imperatorem, legatos misit, qui ei suo nomine omnem obedientiam & obsequium exhiberent. Qua quidem legatione præfatus Imperator plurimum sanè gauisus est. Et quoniam ipse Argonus noluit appellari Can, nisi prius à summo Imperatore in dominio confirmaretur, id ab eo quam benignissimè impetrauit, adeò vt in posterum ab omnibus Can salutaretur. Hic statim ab initio sui Principatus, Christianorum templa denuò instaurari iussit, eosque mirificè dilexit, & ipse ab omnibus propter eius æquitatem & imperij moderationem, passim colebatur. Cùm verò Hierosolymitanam expeditionem animo volueret, eaque de causa cum Rege Armeniæ, reliquisque finitimis Dynastis ac Regulis societatem & fœdus contraxisset, fato sublatu est anno regni quarto, & quendam ex suis fratribus, nomine Regaytum, successorem habuit, de quo nihil memoria dignum traditur, cùm omnibus voluptatibus indulserit, seque prorsus suis Maioribus indignum præstiterit. Sexennium, imperio præfuit, & in eius locum subrogatus est Baydo eius confanguineus, vir prudens, & Christiani nominis longè amantissimus, anno videlicet Salutis M. CCXC. Contra hunc Regem Casanus Argoni filius, Saracenorum ope innixus, arma corripuit, & Baydo-

Abaga veneno extinguitur.

Tangodor.

Eiusdem cades.

Argonus.

Eiusdem obitus.

Regaytus.

Baydo.

Casanus.

Baydone in acie superato ac interempto, sibi imperium vsurpauit. Hic, postquam rebus gerendis admotus est, nihil habuit antiquius, quam vt Saracenicā potentia oppressa, Christianam fidem promoueret. Quocirca rebus domite compositis, nec non vicinis Principibus ac Regibus sibi mutuo fœderis iure associatis atque obstrictis, eorumque etiam auxiliis impetratis, potenti ac valido exercitu instrictis, aduersus Melechnaser, (hæc vox denotat Regem ardentem) Sultanium Ægyptij castra promouit. Hic enim, de aduentu Tartarorum per fideles internuntios cōmonefactus, cum suis copiis ad Manem, urbem in meditullio Syriæ positam, progressus fuerat. Vtroque igitur exercitu, in conspectum veniente, non multò post, in latissima quadam planicie haud procul ab ea ciuitate, explicata acie, collatisque signis, acerrimo & cruentissimo prælio vtrinque dimicatum est, eo tandem exitu, vt victoria à partibus Casani steterit. Hæc insignis ac memorabilis pugna incidit in annum Christi supra millesimum trecentesium, decimum, die Mercurij ante festum Natiuitatis Dominicę. Præda in castris Sultani ingēs reperta, quam Casanus inter duces ac milites perliberaliter distribuit. Fuit enim, præter rei militaris peritiam, prudentiam, probitatem, ceterasque eximias animi dotes, singulari quadam beneficentia præditus. Statura dicitur fuisse perexigua, & corpore deformi. Post hæc, Casanam ciuitatem cepit, in qua erat ararium Sultani. Ille verò, conspectis immensis Sultani diuitiis, summopere mirabatur, quòd Sultanus in se bellum moliturus, tãtas secum diuitias tulisset, quas ipse nactus, suis militibus ac præfectis, vt dictum est, benignè ac liberaliter impartiuir, ipse nihil sibi retinens, præter vnum ensen, & quoddam marsupium, in quo erant scripturæ pertinentes ad regnum Ægyptiorum. Sultano debellato, breui post, Damascum deditione accepit, & mox vniuersam Syriam facili negotio recuperauit. Fugientem inde Sultanium Malaynes dux, & Rex Armeniæ cum quadraginta millibus equitum Tartarorum vsque ad deserta Ægypti insecuti sunt. Verùm is, festinatis itineribus, Babyloniam contendit. Dum hæc ita fiunt in Syria, quidam ipsius Casani propinquus atque affinis, nomine Baydo, regnum Persarum ingressus, indigenas ad defectionem sollicitabat, plurimaque damna illis inferebat. His rebus cognitis Casanus, operæ pretium fore duxit, vt eius conatibus maturè obuiam procederet, priusquam res in deterius vergerent. Proinde in Persiam regredi statuens, Molaynum Syriæ gubernationi præfecit, ei que pro maiori securitate ac præsidio ad viginti millia equitum reliquit, & Damasci præfecturam tradidit Capchicko, siue vt alij vocant, Calphaco, Saraceno, qui paulò antè à Sultano ad Tartaros descuerat, eiusque fidei Casanus plurimum tribuebat: sed re ipsa summopere deceptus est. Is enim paulò post, insigni perfidia vsus, vt cum Sultano in gratiam rediret, cum illo clam transiegit, ei que Damascum, & cætera loca à Tartaris per id tempus in Syria occupata, restituit, ipseque præter ingentem vim pecuniarum quam à Sultano accepit, & Damasci procurationem, etiam ipsius Sultani filiam in matrimonium duxit. Etsi autem Casanus modico spatio interiecto, bis totis viribus bellum redintegrauit, semel sub præfectura & auspicio Coralussæ, atque iterum se duce, tamen vtraque expeditio infelicitè successit: Priorem enim subita de ipsius morbo fama, irritam reddidit: Posteriores exercitum extrema aquarum inopia grauissimè

*Prælium inter
Casamum
& Sultanium
Ægyptium.*

*Casani
victoria.*

*Damascus,
& vniuersa
Syria à Tar-
taris recepta.*

*Syriam Tar-
tari denuò a-
mittunt.*

Mors Cas-
sani.
Carbagada.

Tartarici
imperij de-
clinatio.

Parthi an-
te Gemp-
sa Persici im-
perij ierum
potuerunt.

Tartari quā-
diu impera-
uerunt.

Changi mo-
rientis nullis
admonitio.

uissimè afflixit. Et paucis post diebus, vita excessit, Carbagado filio, imperij
successore designato, qui, cum instinctu Mahometanorum, repudiatis Chri-
stianorum sacris, totum sese ad Mahometismum conuertisset, cōplures suo
exemplo ad defectionem pertraxit. Ceteros ita pressit ac fregit, vt paruo post
tempore, Christiani nominis professio apud Tartaros prorsus conciderit, &
exoleuerit. Cum ea simul cōcidit regnum Tartarorum in Asia. Syriam enim
Ægyptij retinuerunt. In reliqua Asia ad Pontum vsque, Turcorum potentia
mirum in modum labefactata, paulatim in veterem fortunam restitui cœ-
pta, Ottomannorum auspiciis ac virtute, Tartaricam elisit. A tergo in Per-
siam inuolarunt Parthi, qui circa annum salutis supra mille trecentos quin-
quagesimum, auctore Gempsa, magno Parthorum Sultano, Mahometicæ
superstitionis cultore, deuictis posteris Carbandæ, qui ea tempestate in Per-
siae regnabant, iugum Tartarorum à suis ceruicibus depulerant. In Europa
verò, qui suas receperant vires Rossi, reiectis Tartaris, vltra Borysthè ab vna
parte, & ex altera, Zanaim etiam, & Rha fluuium. Quæ flumina limites in-
ter vtramque gentem constituerunt, de quibus, cum iisdem, continentibus
præliis, diu multumque decertarunt. Hæc de Scythiis Tartaris hoc in loco vt
commemorarem, series rerum Persicarum, & occasio mutationum, quæ in
Asia Turcis imperium reddiderunt, exegit. Cum enim Tartari, eiectione Tur-
cis & Saracenis, Persiam, reliquasque Prouincias, quarum supra mentionem
fecimus, occuparint, necessariò mihi fuit ostendere huius gentis originem,
primordia, progressus, & quandiu in imperio perstiterit. Sunt autem ab anno
millesimo, ducentesimo, vicesimo secundo, quo Asiam anteriorem, & Euro-
pam primum Tartaricæ gentis nomen audiuisse, & immanitatem sensisse per-
hibent, vsque ad annum millesimum trecetimum quinquagesimum, quo
à Turcis, & Parthis eadem exclusa, Asiæ imperare desiit, anni supra centum
viginti octo. Antequam verò ad cetera, quæ supersunt, festinet oratio, id tan-
tùm adiciendum putavi de Changio Can, primo Tartarorum Imperatore,
cùm sit notatu longè dignissimum. Memoriam namque proditum est, ipsum,
cùm haberet filios numero duodecim, & sibi vitæ finem adesse sentiret, vt
eos ad fraternam concordiam retinendam, vt quæ illos deinceps inuictos
redderet, incitaret, & eosdem à discordia, quæ masculam fortitudinem re-
tundit & enervat, deterreret, fasciculum, qui constabat duodecim sagittis,
singulis porrexisset, vtque in vnum fasciculum colligatas confringerent, im-
perasse. Cùm verò illi negarent fieri posse, vt coniunctæ sagittæ frangeretur,
patrem, sibi fasciculum reddi iussisse, ac eundem dissoluisse, & mox singulas
sagittas tradidisse filio minori, quas omnes disiectas, minimo negotio dis-
rupit. Quo exemplo admonuit filios, vt mutux pacis atque concordie per-
petuò memores forent: si huius vinculo essent constricti & colligati, nullam
vim externam extimescendam, quæ ipforum vires atque imperij amplitudi-
nem labefactare posset. Ceterum, si mutuis simultatibus atque dissensionibus
inter se laborarent, & concordie adamantinum vinculum laxarent, atque
dissoluerent, fore, vt nulla difficultate, nullaque maiore vi expugnarentur ac
funditus interirent. Porro in hanc sententiam illud quoque memorabile est
quod factum legimus à Micipsa Numidorum rege, cùm impendere fati ne-
cessitatem sibi animaduerneret. Suos enim liberos conuocatos, his verbis af-
tus

fatus est. Equidem ego regnum vobis trado firmum, si boni, id est, concordēs, eritis: sin mali, id est, discordēs, infirmum. Nam concordia, parua res crescunt: discordia, maximae dilabuntur. Et hoc quidem in praesentiarum obiter dictum sit. Sextum Tartarorum Imperatorem Haittonus nominat Tamor Can, qui suo tempore regnabat. De ipsius autem potentia, itidemq; de Tartarorum fide, vita, moribus & natura, videre est apud eundem auctorem ubi agit de Tartaris, cap. XLVII. & subsequenti.

Verum enimvero, ut iam quae supersunt, rudera, ut ita dixerim, imperij Orientis, propter res Turcicas atque Persicas, quam brevissimè percurram, post Michaelē Paleologum, Andronicus Senior patri in imperio successit, Princeps inglorius, & in suis expeditionibus infortunatus. Hic fratrem Constantinum, ob falsam suspicionem affectati regni in carcerem inclusit, bellatorem acrem, & industrium, ut qui in Lydia Turcos aliquot secundis praeliis fortiter repressos detinuerat, ne proferre limites imperij possent. Incidit enim huius Andronici imperium in ea tempora, quibus restituta Turcorum potentia, continuo progressu in omnem sese Asiam interiorem incredibilibus successibus extendit, cum partas armis provincias septem Principes, ut dicebatur, inter se diuiserunt: quos vniuersos paulò post, Ottomannidae oppresserunt. Horum enim sese potentia supra reliquos mirificis incrementis extulit. Praefatus Imperator decessit septuagenario maior, postquam quindecim annos regnasset. Frequentissima autem & quàm maxima solis & lunae deliquia in hoc tempus incurrerunt: crebris etiam terra quassata est motibus, quae prodigia non futuras, aut procul imminentes calamitates praefagierunt, sed iam praesentes, ac praeforibus, ipsis oculis demonstrarunt.

Andronicus Senior.

Eiusdem obitus.
Eclipsis solis & lunae.
TERRA MOTUS.

Andronicus Iunior filius fuit Michaelis Imperatoris, qui Michael, nulla alia re insignis fuit, neque aliud quicquam praeflari gessit, quam quod hunc filium Andronicum Iuniore progeniuit crudelissimae impietatis. Qui auum suum Andronicum Seniore in insidiis circumuentum, imperio deturbauit, fretus potissimè Genuensium auxilio, quibus in mercedem Tenedon insulam pollicebatur, sed Veneti fortiores, Andronicum Imperatorem in paternum solium reducunt, & ab eo Tenedon recipiunt. Vnde postmodum inter Venetos ac Genuenses, permagnae inimicitiae atque odia extiterunt. At Iunior Andronicus, cum Michaelē Bulgarorū Rege percusso foedere, huius ope atque armis auum coegit, ut repudiata Venetorum societate, Ligurum amicitiam praeferreret. Sex & amplius annos bellum varium & anceps cum auo gessit: saepe enim inter eos reconciliata pax intercessione amicorum, & iterum dissoluta fuit: Tandem cum Byzantium nepos clam ingressus esset, in auum nihil ultra molitus, illum secum imperare, quoad vixit, passus est, prout à nonnullis traditur. Contra verò à quibusdam aliis in literas relatum est, seniore à nepote in coenobium compulsam, in quo vitam exegerit. Quod quidem, ob Iunioris tyrannicum ingenium, plerisque magis verisimile videtur. Interea temporis, cum propter haec mutua dissidia & intestinas similitates negligerentur res Asiaticae, Turci, nullarum occasionum segnes, quamplurimas vrbes Bithyniae ceperunt. Imperator enim, recuperandae Thesaliae magis, quam arcendis aditu Europae Turcis, intentus, hos in derelicta Asia confirmare sese, & imperium ad Hellepontum usque proferre passus est.

Andronicus Iunior.

Causa dissidiorum inter Venetos ac Genuenses.

Turcorum progressus.

Andronici
inimicus
mors.

est. Orchanes enim Othomani filius, per id tempus, Nicæam, & Nicomediâ pertinaci obsidione fatigatas, fame tandem perdomuit. Andronicus verò, cum in prima expeditione, nihil omnino profecisset, in altera nihilominus, totam Thessaliâ subegit, accepto in deditionem Principe. Deceffit natus annos quadraginta quinque, siue, ut aliis placet, vnde quinquaginta, imperauit viginti, relicta ex Anna coniuge Alemanna, Ioanne, & Manuele filiis, quorum tutelam, cum impuberes essent, Ioanni Cantacuzeno, cuius fidei ac integritati plurimum tribuebat, & quem ipse in maximo semper honore habuerat, commendauit.

Cantacuzenus.

Andronicus moriens, filios, ut diximus, ac regnum commisit fidei Cantacuzeni, quorum Ioannes natus maior, tunc annum agebat duodecimū. Cum verò is aliquot annos vtrumque amanter ac fideliter educaisset, eiusque arbitrio omnia prudenter gererentur, Apaucus quidam, siue, ut alij appellant, Apocaucus, propter vafriâ & astum Imperatori carus, tantum gratia & auctoritate apud eum valuit, ut Patriarcha etiam, viro ambitioso, id enixè procurante, in exilium eiiceretur: Huius iniuriæ & contumeliæ vlciscendæ causa quinquennali bello viduam matrem & Iohannem filium, ad hoc, Turcorum etiam armis impetratis, exercuit. Byzantio tandem proditione potitus, crudeliter nihil in quenquam statuit: At Cæsaream potestatem & dignitatem vsurpauit, non excluso tamen consorte Iohanne, filia in vxorem ipsi tradita, quem sibi generum fecit, ut inter vtrumque firmior beneuolentia coalesceret: sed, ut regna sociū ferre nequeūt, ita citò dissiliit malesarta inter vtrumque.

Discordia inter
socerum
& generum
regnandi
causa.

Cum verò maior esset potentia foci, seque ipsum vi atque armis tutaretur, gener profugit in Tenedon, adducturus noua auxilia ad socerum exturbandum. Impetruit tandem, ut à Frâncisco Catalusio, patricio Genuensi, viro singulari prudentia, & in re nauali plurimum exercitato, in regnum restitueretur: pro quo beneficio, ne prorsus immemor atque ingratus videretur, Mitylene insulam, ab aliis Lesbium vocatam, ei tradidit possidendam, quam eius posterius ad Mahometem secundum vsque obtinuerunt. Hic enim, capta Constantinopoli, ut mox dicetur, omniq; Thracia subacta, Catalusius ipsis vi abstulit, & Nicolaum Catalusium, Lesbi Principem, crudelissimè occidit. Socer absente genero, cum Venetis, Catalanis, & Siculo Rege fœdus iniit contra Genuenses. Bellum acre atque ingens motum est. Imperator 14.

Prælium na-
uale inter Ge-
nuenses &
cōfederatos.

Venetis 40. Catalani 30. triremes armauerūt. Genuenses, præfecto Pagano Auria 60. Pugnatum est nauali certamine inter Byzantium & Chalcedonem, flante violentissimo Austro, à vespere vsque ad sequentem diem hyemali tempore, Venetis à Galliopoli soluentibus, ventis secundis atque amicis. Ligures, Æolo & Neptuno aduersantibus, contra hostes potentissimos incluta victoria potiti sunt. Proximo anno Genuenses ad Corsicam à Venetis duce

Genuensium
victoria.
Eorundem
clades.

Nicolao Pisano, & Tarraconensibus victi, vnam & quadraginta triremes amiserunt, quæ cum epibatis submersæ perierunt. Post hanc cladem, cum ipsi Genuenses, se suaque Ioanni Archiepiscopo Mediolanensi permisissent, Auria, reparata classe, Pisanum ad Peloponnesi promontorium, superatum captumque, cum millibus quinque Genuam in carcerem perduxit. Quomodo autem hæc omnia, cæteraque bella quæ Genuensibus non modò cum ipsis Venetis, eiusdem imperij æmulis, verum etiam cum reliquis potentatibus ac

Regibus.

Regibus fuere, gesta sint, copiose & luculenter ostendi in meis Historiis atq; Annalibus Genuesibus, quorum etiam superius meminimus. Iohannes igitur opera Francisci Cathalusij, ut iam diximus, in regnum reductus est, eiq; reduci Cantacuzenus cessit, & imperio abdicato, sese in monasterium abdidit. Andronicum filium natu maiorem, Cæsarem creavit, Manuelem minorem Despotæ insignibus ac dignitate ornatu, Spartæ in Laconica, quam hodie Mizothram vocant, præfecit. Filiam multo ante in uxorem Orhani Turcorum Regi, ut amicis Turcis vteretur, seque in imperio tutius constabileret, tradiderat, cum se Græcis infensum esse intelligeret, propterea quod in imperium sese ultro ingessisset: Andronicus à Palæologo, tanquam æmulus, regno pulsus, confugit in Rhodum, ubi cum frustra fidem atque opem magni Magistri Rhodiorum implorasset, ad fratrem in Peloponnesum rediens, cum eo reliquum vitæ priuatus transegit. Iohannes regno potitus, in Italiam perrexit, auxilia comparaturus: sed ibi contumeliose acceptus, ac tractatus, cum Byzantium reueneret, atque insuper bellis Bulgaricis, & Seruianis vrgeretur, ita amicitiam iniit, ac fœdus cum Amarathe Orchanis filio, qui mortuo fratre Sulaimano, in regno successerat, ut & se, & regnum in fidem illius traderet, promisso tributo, quod constituerat, & Theodorum natu minimum filium, obsidem dederit, qui castra sequeretur. Hæc initia fuerunt tristissimæ seruitutis, quæ Constantinopolitanis Imperatoribus, præter inane nomen, aliud reliquit nihil. Deinceps ita in Turcorum fuerunt potestate, ut militare cogerentur per se & filios, contra quos illi vellent, & ad imperata præstare esse, quotiescunque vocarentur, nec capessere, aut usurpare imperium auderent, nisi potestatem precario à Turcis obtinuissent; veriti, ne hostilem iram experirentur. Iohannes, imperium, dum abfuit, Andronico primogenito commendauit. Thessalonicæ Emanuele preposuit. Andronico accusato de crimine læsæ Maiestatis, quod cum Amurathis filio in eadem illius conspiraret, visum ademit, feruido aceto in oculos infuso. Theodoro Baiazetes, extinctis Cantacuzenis, Peloponnesi regimen ac præfecturam dedit. Sed nequidem in hac calamitate à factionis & perfidis consiliis atque molitionibus abstinere. Andronicus enim, quanquam cæcutiens, ad Baiazetem, qui Amurathi successerat, profectus, per hunc patri regnum eripuit, & illum præterea cum Emanuele fratre in tetrum carcerem inclusit, unde tertio anno Emanuel, frustratis custodibus elapsus, fratrem rursus Baiazetis consensu exturbauit, & cum Iohanne filio victum, ad eundem ablegauit. Emanuel, fratre iisdem artibus excusso, quibus patrem ille summouerat, regnum obtinuit à Baiazete Turcorum Rege, his conditionibus, ut tres myriades aureorum nummorum annuatim pederet: Philadelphiam, Lydiæ urbem celeberrimam, cuius obsidio & oppugnatio aliquoties frustra tentata erat, traderet, obsides daret, atque auxiliares copias Turcicis, ubicunque bellum gerendum foret, adiungeret: Sed non fuit infidi tyranni diuturna erga Emanuele beneuolentia, eiusq; animu, ut in tyrannis omnibus, calumniis patentem, atque ad suspensiones pronum, & iam antè rumusculis quibusdam non nihil alienatum, Iohannes, Andronici filius, odio patrum, magis atque magis incendebat. Proinde Byzantium obsedit Baiazetes: cumque vi capere non posset, fame tandem, obsidione in decennium producta, exhaurire constituit, quod utique perfe-

Iohannes Palæologus.

Initium calamitatis in Græco imperio.

Emanuel Palæologus.

perfecisset, nisi improuisa irruptione Tamberlanis Scythæ fuisset abstractus. Filios Emanuel ex coniuge Turcica vidua Regis Trapezuntini filia, septem suscepit, videlicet, Iohannem, qui morienti patri successit in imperio, deinde Andronicum, Theodorum, Michaëlem, Demetrium, Thomam, & Constantinum, qui post Iohannem fratrem regnavit, hisque omnibus ante obitum certas regiones, insulas, & alia regna seorsum assignauit. Huius nullæ commemorantur res gestæ, fuitque audior pacis quàm belli, nec conari quicquam potuit, etiam si maximè optasset, circumfessius vndique, atque conclusus ab hostibus, & omni exutus potentia. Inuitatus ab Eugenio Põtifice, in Italiam concessit, cum celebraretur concilium Florentinum. Inde reuersus domum, non diu superuixit.

Iohannes
Paleologus.

Constantinus
Paleologus.

Constantinus vltimus, Manuelis filius, Iohanne fratre sine filiis defuncto, successit in imperium, ab initio Princeps animi ingentis. Rex enim Peloponnesi ante susceptum imperium, sæpius cum Turcis in Peloponneso, & Thesalia congressus, eos fudit fugauitque, ac eis plæraque oppida vi abstulit, & expugnauit, vnde ob militarem virtutem ac fortitudinem, Draconis cognomen accepit. Sed vbi Amurathes Turcorum Tyrannus, Heracleam oppidum longè munitissimum, expugnauit, murumque, qui Græcos in Peloponneso tutos seruaret, disiecit, adeo mente atque animo consternatus est, & penè in desperationem actus, vt, omnis pristinae virtutis ac roboris immemor, ad pacis cõditiones, quas victor tulisset, supplex sese obtulerit, & Hexameli murum, qui erat Peloponnesi propugnaculum, à se antea instauratum, illius iussu deiecerit. Hunc deinceps tumultuario opere restituerunt Veneti, sed Mahometes rursus destruxit. Hoc imperante, à Mahometo secundo, Amurathis filio, anno regni sui 3. Constantinopolis, post obsidionem dierum quatuor & quinquaginta, quarta Cal. Iunij, eo vespere, quod diem Pentecostes sequitur, aut certè sequenti mane, capta est. Ita habet Mass. qui se asserit ex literis Isidori, Cardinalis Ruthemi, & Aeneæ Syluij, tunc episcopi Senensis, certò comperisse, quòd intra dies pentecostes, mense Maio, & anno 1452. non 1453. capta sit, tametsi plærique alij 1453. annum ponant. Certè anno D. 1452. & 4. Cal. Iunij, expugnata cum Masser ponunt, sicut disertè annotat doctissimus vir Gerardus Mercator. Et quoniam in hoc opere, huius nobilissimæ ac præstantissimæ ciuitatis quàm creberrima fit mentio, mihi operæpretium facturus videor, si, priusquàm de eiusdem tristissimæ expugnationis funestissimo exitu aliquid referam, tantæ vrbs, quæ tot seculis & tam multis temporum voluminibus maximo in honore, atque rerum omnium florentissimo statu steterit & permansit, ac etiamnum permanet, ac floret, primordia, & quasi incunabula recensuero. Multi scriptores de huius primis conditoribus inter se variant, & multis rationibus adducti, planè inter se discrepant. Grauiissimos tamen habeo auctores, qui putant, Byzantium ea præcipuè de causa esse appellatum, quòd inter ceteros eius conditores, Byzanta longè reliquis auctoritate, atque nominis claritudine antecelluerit. Sed doctorum constans opinio est, Byzantium à Carthaginienfibus conditum esse, quos valde nauibus fuisse instructos, & procul merces transuexisse, multæ historiæ hætenus prodiderunt, ac nonnullis quidem videtur, nominis originem ex lingua Phœnicum fluxisse, conuenientem scilicet, nouo emporio, in loco volupta-

Constantino-
polis capitur
à Macho-
mete.

Byzantij
descriptio.

voluptatibus & illecebris maximè opportuno. Nam Beth-zona, Phœnicum lingua, cauponæ domum sonat, & mores vetusti appellationem congruere ostenderunt. Scribit enim Philarchus, Byzantinos solitos in cauponis & diuersoriis dies noctesque conuersari. & portus alter ex opposito collocatus, nominatus est mulierum portus. Deinde Megalensium colonia eò deducta est, ita ut vnâ cum ipsis colonis Græca lingua, & leges etiâ eò illatæ sint. Hanc urbem arctissimo, inter Europâ, Asiamque diuortio, in extrema Europa posuere Græci, quibus Pythium Apollinem consulentibus, ubi conderent urbem, redditum oraculum est, quærent sedem cæcorum terris aduersam. Ea ambage Chalcedonij monstrabantur, quod priores illuc aduecti, præuisa locorum utilitate, peiora legisent. Quippe Byzantium fertili solo fecundoque mari, quia vis piscium in Pontum erumpens, & obliquis subter undas saxis exterrita, omisso alterius littoris flexu, hos ad portus defertur. Byzantini, Xerxe rerum apud Græcos potiunte, grauissimis bellis diu cum tota Græcia diuexati fuerunt, adeo ut finitis bellis, interdum Lacedæmoniorum, interdum verò Atheniensium socij extiterint. Deinde, enascentibus nouis motibus, Macedonibusque toti terrarum orbi magnum terrorem inferentibus, Philippus Alexandri Magni pater, eam diuturna obsidione ad deditionem coëgit, sub cuius imperio aliquandiu permanfit. Romanis verò temporibus, cum de imperio inter se certarent Pesceninus & Seuerus, & ille Byzantium prior occupasset, hic, ne tantæ urbis iacturam faceret, totum triennium & semestrem eam obsidione cinxit, & cum magna hominum multitudo variis ibi casibus periisset, fame tandem ad deditionem compulit, magnæque ex parte muris dirutis, deleuit, quos, teste Herodoto, tanta arte factos fuisse inuenimus, ut mirum fuerit, destitui & solo æquari potuisse. A Seuerus usque ad Constantinum, anni sunt ferè centum. Interea nec urbs restituta, nec muri instaurati sunt. Verum Constantinus ad summum imperij fastigium euectus, loci opportunitate commotus, utque facilius hostiles impetus, & Persarum in primis, qui subinde loca Romanis subdita, perpetuis ferè incursionibus diuexabant, resisteret, urbem ipsam non solum restituit, sed etiam splendidissimis operibus, & dignitate ornauit, ita ut cum urbem ipsa Roma splendore & magnificentia certaret. Hæc ferè sunt, quæ de huius inclytæ ac præclarissimæ urbis initio in medium ferri possunt. Si aliqui existant, qui aliis opinionibus regantur, hoc, me non refragante, illis omnino integrum ac liberum est. Satis est, me, ex tantorum auctorum scriptis, hæc in medium, seu veritati consentanea, protulisse. Sed nunc admonet me temporis ratio, ut huius splendidissimæ urbis tristissimam obsidionem & expugnationem, non absque summo dolore atque lacrymis, historiæ breuibus intexam. Satis compertum habemus, Constantinopolis obsidionem Nonis Aprilis à Mahometo ipso inchoatam fuisse. Et neminem mediocriter in historia versatum latet, tum temporis intra mœnia, præter urbanam multitudinem, tantum sex millium Græcorum militum, & auxiliariorum Venetorum, & Genuensium trium millium fuisse. Cōtrâ, Mahometus ad trecenta hominum millia, uti diximus, infesto agmine secum per longa locorum & temporum interualla adduxerat, quæ multitudo maximè collecta fuit ex vicinis gentibus, quæ adhuc sub Christiani nominis titulo diram seruitutem seruiebant, vel saltem, desertis Christianæ

Constantinopolis à Mahometo Turcorum Rege obsessa et expugnata.

stianæ religionis sacris, turpiter ad barbarum hostem defecerant. Constat nimirum, ex Græcis, Illyricis, Valachis, Dardanis, Thracibus, Bulgaris, & Triballis: Turci pauci fuerunt, & eorum pars fuit ex Asia, Bithyni, Galatæ, Lydi, & Cilices, adeò me herculè, vt valde deplorandum sit, eò esse deuētum, vt Turcici tyranni sic nobiscum bella gerant, vt gentes nobis cognatas & affines, nobiscum dimicare cogant. Turca igitur, tanta hominum frequentia fretus, sic distribuit copias, vt tribus locis terra muros concuteret & disiceret, ac per ruinas tentaret irruptiones. Sed oppidani valde animati erant, & magna atque egregia virtus in ipsis defensoribus conspiciebatur, quorum dux Iustinianus Genuensis fuit, qui, inter cætera præclara ornamenta, etiam à virtute bellica & naualis rei notitia plurimum commendabatur, adeò sanè, vt eius consiliis ac summa prudentia res Constantinopolitanæ valde inniterentur. Habebat ipse dux penes se Ioannem Grandem Almanum, passim in historiis notum, cuius opera & rei militaris peritia fortiter irrumpentes Turcas repellebat. Sed, quanquam multi Turcici nominis milites passim globis & sagittis interficerentur, tamen exiguæ hæ copiar, quæ ad defensionem vrbs relicta erant, tribus locis, contra tantam multitudinem impares erant, & diu sufficere non poterant, præsertim cum vtrunque cuniculi agerentur, in quibus Turcicorum fossorum conatus prorsus irriti fuerunt, ita vt in ipso portu assidua prælia postmodum committerentur. Adduxerat enim Turcicus tyrannus, ex diuersis maris Ægæi & Euxini littoribus, ducenta & quinquaginta nauigia, vt portum Byzantinum arcta obsidione premeret, & littora nauibus, tanquam natiuo ponte, iungeret. Cæterum, stabant aduersus Turcicas naues in ipso portu septem Genuensium, tria verò Cretensium nauigia, & pauca ex Chio insula naues accefferant, quæ omnibus necessariis instructæ, ad vrbs tutelam sese composuerant, & portus ipse ferrea cathena clausus erat, ne in eum, scilicet, Turcicæ naues penetrare atque inuadere possent. Tandem ad omnem occasionem opportunitate monstrata, defensores eruptionem cum nauibus suis fecere, & fortiter cum Turcis præliati sunt, eo certè euentu, vt primis illorum cæptis fortuna annueret, & victoriæ spei non exiguam ostenderet. Incensis namque Turcicis nauibus, tota naualis classis aliquot diebus sine usu stetit. Verum cum nihil reliqui ad summam diligentiā ab ipso Turca, longæ obsidionis tædio valde furente, & ira accenso, prætermitteretur, tandem ars excogitata est, qua in ipsum portum penetrarent: eoque successu, vndique terra & mari vrbs mœnia quatiebantur. Tyrannus ea de causa bene sperare cœpit, se vrbe potiturum. cumque multis locis deiecti essent muri, & ex portu facilis esset irruptio, sexto Cal. Iunij Barbari, admoti ad mœnia scalis, & ex portu, aliisque locis ingenti clamore in urbem irrumpere conantur. Stat interea in vicino colle spectator tyrannus; hortatur suos, & horribili voce inflammat, & accendit, vt fortiter ascendant muros, vociferatur horribiliter, sicubi videt suos repelli ac interfici, & cōfirmat trepidos. Fuit enim tanta virtus defensorum, vt pars Turcici exercitus, cum multi passim pluribus in locis interfecti essent, cederet, adeò sanè, vt victoriæ spes, viris fortibus urbem propugnantibus, animum & robur addiderit, & tyrannum periculi magnitudo mouerit, vt horribili vlulatu cedentibus minitaretur, necnon cohortes, quas velut triarias apud se retinuerat, iuberet,

beret, cedentes, vel segnes, citra aliquam moram interficere. At contrà Græcus Imperator, è sua specula iam bene sperans, vicissim hortatur suos, vt non desperatis rebus, cum clarè Dei optimi maximi auxilium ob oculos videant, bona cum spe, maioribus tamen cum animis, præliantur. Quibus dictis, & vocibus incensi milites, ibi rursus conuersa est prælij fortuna, vulnerato Genuensi Iustiniano Duce, cuius casum miseratus Imperator, iubet & hortatur, bono esse animo, nèue stationem sibi demandatam aliquo modo derelinquat, præsertim cum ipsum vulnus non esset lethale. Verùm Iustinianus, fatali puto casu, potius animo fractus, quàm vulnere debilitatus, nullo sibi in ea specula substituto, qui ceteros confirmaret & regeret, aufugit, adedò me herculè, vt milites, animaduersa sui Ducis fuga, illius exemplum secuti, quia ibi in urbem aditus patebat, pari modo stationem reliquerint. Turci videntes eum locum à defensoribus desertum esse, magno agmine ibi intra urbem infunduntur. Iustinianus verò, in vicinam Chalcedonem, quæ nunc Pera, vernaculo verò idiomate Galata nuncupatur, se, vt fama est, medèdi vulneris gratia recepit, vnde postea in Chium nauigans, seu vulnere, seu mœrore animi, inglorius periit, magna profectò cum nominis sui, retroactæq; vitæ iactura, nimirum cum, derelicta vrbis propugnatione, haud parùm sibi, suisq; rebus summi Ducis absentia, maiori ex parte factum fuerit, vt tam præclara vrbis, tot tantisque alacribus & promptis militibus, ac defensoribus subnixâ, in crudelis & Barbari hostis potestatem cederet. Quanto satius fuisset, si multorum præstantissimorum virorum, atque adedò in primis suæ nobilissimæ laudatissimæque familiæ exempla imitatus, ex tam præsentis atque obuia occasione, etiam cum extremo vitæ periculo, immortalis laudis sibi gloriam quæsiuisset? Quid enim in rerum natura homini, præsertim nobili, optatius, & laudabilius cōtingere potest, quàm ex præclaris suis actionibus, innocentia, ac probitatis famam assequi? quid deinde gloriosius, quàm pro patriæ salute, pro aris, pro focis, fortiter dimicare? Quid postremùm sanctius, & Christiano viro dignius, quàm pro Christiani nominis dignitate ac propagatione contra tam Barbarum hostem, Christiani sanguinis sitientem, & nunquam exsatiatum, fortiter in statione sibi demandata occumbere, & animam ipsam sub piis armis in beneficium Christianæ pietatis indutis, exhalare? Quod cum intelligerent omnibus ferè ætatibus magni viri, semper extiterè qui hoc nomine clari euaderent. Ac ne ab ipsa antiquitate exempla petamus, quis ignorat, nostrorum patrum memoria, Marcum Antoniũ Columnam, vt natalium splendore celebrem, sic bellica virtute, atque in suũ Principem fidei constantia gloriosum, dum Veronam pro Cæsare Maximiliano aduersus Gallicum exercitum, Lautrechio duce, longè lateque grassante, defenderet, fortiter sese gessisse, & maiorum suorum vestigiis inhærendo, auitam illam gloriam & splendorem egregiis factis accumulasse & illustrasse? Is enim, præter cetera egregia sua facta, cum pro ea qua pollebat autoritate, & inagnanimi ducis ac strenui militis explere vult munera, acie ipsam contra hostilè impetũ instruit, dumq; magno animi robore, despectis omnibus periculis, imprudentius inter armatorum cuneos versatur, & subinde obequitando circumuagatur, hostes, tanti Ducis maiestatem diligentissimis oculis

b

obseruan-

M. Anton.
Columnæ
singularis
fortitudo.

Const. ult.
Imp. obitus.

Clades Con-
stantinopoli-
tana, & Tur-
corum sani-
tas.

Quamdiu
steterit Gre-
corum impe-
rium.

obseruantes, vbi primùm occasionem sibi dari cernunt, tentata fortuna, maioris bombardæ ictu emissio, ictus est, adeò vt licet plumbea pila per brachium adacta, per scapulas emergeret, & quatuor receptis vulneribus saucius esset, nihilominus tamen, vt vir erat singulari fortitudine, ne alios suo dolore animis disiceret, magno cum vitæ suæ periculo acerbissimum dolorem dissimulauit, & non antea aliquod specimen iusti doloris dedit, quàm murus ille, pro cuius dissectione instabatur, omninò esset dirutus atque conuulsus: quo demum prolapsus, & tot hostibus eius ruina oppressis, veluti expiato vulneris dolore, in tabernaculum concessit; tantaque mox lethalis plagæ fuit secuta acerbitas, vt diu pertinaci morbo conflictatus, summum, imò verò extremum vitæ periculum ab omnibus medicis incurrisse crederetur. Interea Impetator Constantinus Palæologus, ac plerique alij proceres, cùm nullum vitæ subsidium, vel spes, nisi in sola fuga relinqueretur, vitæ retinendæ studio, dum urbem egredi vellent, in ipsa porta vel trucidati sunt, vel collisione interempti. Erant in ipso Constantino heroicæ virtutes multæ, & quæ tantam dignitatem atque potentiam mirum in modum augerent atque attollerent, ita certè, vt ipse tanto imperio par, magnam laudem promeruisset, si meliori fortuna in imperij sui administratione usus fuisset. Sed cùm multorum grauiissimorum virorum auctoritate & iudicio imperia ipsa etiam habeant suas periodos, ultra quas non progrediantur, fatali quadam ratione factum fuisse existimandum est, vt, quemadmodum sub Constantino Magno, Helena progenita, hæc præclarissima vrbs restaurata, & imperij Orientis sedes electa fuit, sic etiã sub hoc Constantino Palæologo, primi eiusdè vrbs restauratoris cognomine, & Helena etiã matre genito, vrbs ipsa vnà cum imperio, in alienam potestatem deueniret. Multi incertū esse putant, quo in loco Imperator ipse ceciderit: equidè tamen multis coniecturis adducor vt credam, ipsum ad portæ exitū contrucidatum fuisse. Nam satis liquet, in ipsa porta ultra octingenta cadauera collisionum & vulneratorum reperta. Itaque Turci victores facti, per totam urbem horrendis atque stupèdis vultibus atrocibusq; oculis vagantur, & obuios ac in ædibus senes abditos, matronas, virgines, puberes & impuberes, nullo habito discrimine, confodiunt. Rapiunt præterea multæ nobiles matronæ, & præclaræ ac pudicæ virgines, ad stupra. Quæritur in omnium ædibus & templis præda, & omnia scelera toto triduo libere fiunt, quæ gens barbarica, impia, libidinosa, auara, & crudelis, in capta vrbe regia facere & perpetrare cum magna Christiani nominis contumelia, audet & gloriatur. Narrant enim, in conuiujs Turcicis matronas & virgines pudicitia & nobilitate ceteris antecellentes, post varias & longas contumelias, quasi per ludum discerptas fuisse, adeò profectò, vt nesciam, an horribiliora exempla legantur in vllius vrbs excidio. Quorū certè cogitatio mouere nos debet, vt viuamus modestius, & Deus nos à tanta laniena conseruare dignetur. Post triduum ingressus urbem Mahometes, tumultus sedari imperat, & inquisitos proceres aliquos, qui adhuc reliqui erant, pari crudelitate dissecari iubet. Sic, cùm omnium vrbiū regina, in toto genere humano, postquā hoc vetustissimum Græciæ imperium supra mille, centum & nonaginta annos florauisset, capta & direpta sit, & omnè obscenissimorum latronum sæuitiam experta, quid impendeat alijs gentibus, & vrbibus, crebrò & seriò nobis cogitandum esse existimo.

fitimo. Nec frustra nobis proponi tam horrendas tragœdias securi imagine-
mur, & vt antiquitatis exempla, scilicet diluuium, interitum Sodomorum,
Romæ, Byzantij, Corinthi, & aliarum innumerabilium vrbium euerfio-
nes taceam, quid rogo hisce nostris temporibus non accedit in Gallia, & pro-
ximè in Belgio, quod cum ipsius antiquitatis horribilibus exemplis iure
conferri & comparari nequeat: adeò vt exclamare libeat, O duriora omni-
bus scopulis pectora, quæ talibus iræ diuinæ exemplis non mouemini, quæ
ne ipsum quidem humani generis capitalem & indefatigabilem hostem fa-
tanam, sine tremore, ac venturi iudicij metu, spectare vix posse existimo!

Perenses, cognita Byzantinorum clade, cum tam immanem & barbarum
hostem viribus, ac recenti victoria exultantem, & ob oculos versantem vi-
derent, veriti, ne idem periculum adirent, & maioribus, vel saltem paribus
ludibriis reseruarentur, citra aliquam longam deliberationem, deditio-
nem spontè fecerunt: sed quamuis ipsa deditio sub certa transactionis formula
subsecuta sit, tamen crudelis hostis pactorum & fœderum immemor, mu-
ros Perensium diruit, bona diripuit, feminæ ac viri iuxta per omne ludibrij
& contumeliarum genus habiti atque distracti, non secus ac si viribus expu-
gnari, & ad deditio-
nem coacti fuissent, parem fortunam cum Constantino-
politaniis victis subiêre. Hactenus de vrbis Constantinopolis obsidione
& expugnatione per Mahometem II. Turcorum Imperatorem facta, satis
abundè diximus. Hanc, præter cæteros, luculenter descripsit Leonardus
Chienfis Mitylenæ Antistes, ac itidem Laonicus Chalcondyla lib. viii. qui
etiam de Nataro Constantini Imperatoris præfecto, & Ochano Mulsu-
manis nepote, hæc subiungit. Cum audiissent, captam esse urbem, accurrerunt
ad turrim quandam vrbis, quasi hîc deliberaturi, an omnes fuga sibi consu-
lere deberet. Cum in hanc turrim ascendissent, Orchanes obsitus pannis cu-
iusdam Nazaræi, seipsum præcipitem ex turri dedit, eoque casu mortuus est.
Notares obsidione circumdatus, tandem in conferta hominum turba simul
cum liberis in hostium potestatem venit. Deinde paulò post, Græci, inquit,
quotquot exitium euaserant, abducebantur Galatiam, & libertatem recipie-
bant. Hi erant viri præ cæteris maximè illustres. Notarem Regis Græcorum
primarium iudicem, cum vxore & liberis emit Turcorum Rex, & cum eo
collocutus, permisit ei, vt vbi vellet, cum suis habitaret. Hic autem expecta-
bat auxilium ab Italia, quod breui affuturum arbitrabatur. Interim tamen
Byzantij cum Rege mansit. Quidam Græci, qui erant libertatem consecuti,
& præsentis exitio subtrahiti, iterum colligebantur Byzantij, propinquos &
amicos eorum in libertatem antiquam asserentes. Verùm haud multò post,
Regis iussu omnes interiêre: quod quidem sic euenisse compertum est. Vbi
autem est rumore allatum ad Regem, Notaræ esse filium natum annos circi-
ter duodecim, vnum de suis pincernis inisit petitem puerum. Notaras, post-
quam accepit ex pincerna Regis voluntatem, grauiter ira succensus est, sibiq;
eam petitionem admodum periculosam, & intolerandam fore iudicabat, &
sic compellauit pincernam regium: O pincerna, haud ferendum est, Regem
mihi velle eripere, cum nihil sit quod crimini det, cum semel errorem remi-
ferit. Sin autem id fixum, ratumq; in animo Regis, quare non imperat, vt nos
turpissimæ morti liberos nostros tradamus? Hæc locutus, addidit, se nequa-

*Pera à Tur-
cis deditio-
ne occupata.*

quam filium regi petenti daturum, cum nullā in ipsum commiserit culpam. Pincernæ autem adhortanti & monenti, ne talia & diceret, & faceret in Regē, quasi illicō periturus, non obtemperauit. Pincerna igitur reuersus ad Regē, respōsum quod ab Notara acceperat, exprompsit. Rex iratus, præcepit, vt Notaram cum liberis quos secum haberet, continuō abducerent, & neci darent. Hos, quibus id negotij iniunctum erat, cum aduenissent, rogauit Notaras, vt primō liberos in cōspectu suo occiderent, & postremō in se hostili ferro ruerent. At filij timentes mortem, precibus fatigabant patrem, vt interfectoris opes vniuersas quas in Italia haberet, pernumeraret, ne ipsi perimeretur. Sed pater liberorum preces auersatus, iussit, vt forti animo ad imminentem mortē irent. Hi quidem primō interfecti sunt. Postea se necandū & ipse interfectoris præbuit. His ita peractis, nec reliquis Græcis pepercit rex: verū omnes, quotquot liberati aderant, Byzantij, ad suppliciū extremum rapi iussit. Hi quidem, pecorum modo percussi, nulla eorū ratione habita, perierunt. Regē autem in Græcorum cædem concitauit aduena quidā, cuius filiam ardentissimo amore prosequabatur Rex, & congressus cum ea, amore amens, propinquis mulieris, quæcunq; petissent, gratificabatur. Huius itaq; patri obtemperans, Græcos mactari iussit. Apparet, Byzantij exitium miserabile, superasse omnia, quæ per vniuersum orbem contigisse scimus excidia. Nec dissimile est Ilij excidio. Vltionem Ilij, diruti Byzantij calamitatem quidam credunt, Græcis Barbarorum vi pereuntibus, Romani quidem cōstanter asseuerant, vltionem apprehendisse Græcos, propter ea quæ Barbaris fecerunt in Ilij destructionē. Hæc Laonicus. Hic igitur fuit calamitosissimus exitus Constantinopolis, vrbis Romæ æmulæ, cuius quidem imperium longē florentissimum, mille centum ac nonaginta amplius annis stetit. Est autem in hoc excidio illud admirandum, quōd hanc urbem Constantinus Magnus Imperator, ex Helena matre progenitus, miro ornatu extruxit, & e ruderibus nouam penē reformauit, quam Cōstantinus VIII. qui eiusdem nominis matrem Helenam habuit, Turcorum iugo subdidit. Cæterū, hi sunt Imperiorum fatales periodi, ac limites diuinitus constituti, de quibus, viri doctissimi & imprimis Plato, non pauca scitu dignissima disseruerunt. Mansit autem huic familiæ Palæologæ imperium Græcorum annis circiter centum nonaginta quatuor, donec tandem in manus Turcorum Regis Mahumeti Otthomanni deuenerit. Ipse verō Constantinus annos triginta & menses tres in imperio præfuit. Hoc autem, inter reliqua Christianæ Reipub. tristissimum euenit, quōd, vt olim Christiani Imperatores, ex singulis Græciæ oppidis, certum numerum liberorum, in quibus egregia indoles inter ceteros elucebat, delegerunt, quos ad publica officia militiæ togatæ & bellicæ in aula educari curarunt; ita Turci, occupato Græcorum imperio, idem ius eripiendis patribus familias liberos ingeniis eximiis præditos, vsurpant: qui ad Turcicæ religionis ritus & ad militiam instituuntur. Verum tamen hos pecunia redimere à conquistoribus sæpè parentibus licet. Reliqui, cum virtutis specimē in bellis egregium præbent, ad summos dignitatis & honorum gradus euehuntur. Et multos hæc exempla, & gloria militaris, quæ in generosis naturis acerrimus stimulus est, ad Mahometicam religionem inuitant.

HISTO-

Exemplum
singularis
constantiæ
& magnæ
nimicitis.

Constanti-
nopolitani
imperium
quandis se-
serit.

Palæologe
familie im-
perij quādiu
permanserit.

HISTORIÆ RERVM PERSICARVM

LIBER NONVS.



X superius enarratis, fatis & abundè, vti opinor, constat, qua calamitate res Romanæ afflictæ, sensim ita debilitatæ sint, vt Græcorum Imperatoribus, ius & titulum sibi in Romanum imperium propter translata[m] ab vrbe à Constantino sedem Byzantium vendicantibus, cō arrogantia[m] propter potentia[m] opinionem deuenierint, vt, dum sibi omnia licere putant, nec quicquam honesti vel publici commodi pensi habent, Nemefi atque Adraestia iam pœnas ab ipsis exigentibus, illorum potentia conciderit, adeo, vt priuatim debilitati discordia, foris verò fracti bellis, & diuersis omnium fermè fortunis, non modò antiquū imperij Romani nomen, sed etiam Græcæ dignitatis amplitudinem externotum tyrannorum libidini obiecerint. Quippe fatis, sicut diximus, ita volentibus, vel potius vrgente atque instigante nos nostrametipsa ambitione, vel inertia iuxta dicam, nescio, vel vtraque potius, vtriusque imperij summa ad familiam Ottomannicam deuoluta est, tantisque à barbaro tyranno studiis retenta & propagata, vt nihil penes Christianos, quàm inanis tituli sumus, & nomen, si res ipsa penitus introspectiatur, resideret. Porro quibus initiis, quibusve progressibus hæc familia, à tanta nominis obscuritate, ad tantum splendorem atque imperij amplitudinem emerferit, non alienum à nostro instituto obiter enarrare fortasse erit, licet non me fugiat, Turcicæ gentis historiam plurimorum literis esse proditam, quorum vel præcipuam laudem meretur Leonichus Chalcondila, quem ego hoc loco secutus, dignū existimaui, cuius verba hîc adijcerem, cum ipse, instar multorum esse possit, ex cuius scriptis plena Ottomannici stemmatis origo percipi atque edoceri queat. Loquitur enim in hanc ferè sententiam. Quantum attinet, inquit, ad Ottomânidas ex familia Oguziorum ortos, vt ad clarissimum hoc imperium euaserint, nunc explanare instituo. Vicus est iuxta Mysiam, quem Sogutam incolæ vocant, vbi est & fluuius eiusdem nominis. Vicus ille rerum omnium adfluentia pollet, remotus à mari Euxino ducentis quinquaginta stadiis, potest idem locus Itææ vicus nominari. In hanc regionem cum Oguzij penetrassent, ibi aliquanto tempore habitauerunt. Ottomannus autem, Orthogolis filius, initio non admodum secundis agebatur fortunæ flatibus. Proinde, cum esset animo liberali & forti præditus, animos eorum qui in vico agebant, opibus sibi conciliat, breuique sibi addictissimos habuit. Hinc cum odiis certarent continuis aduersus Græcos, omnium assensu Imperator declaratus est. Bello itaque aduersus Græcos, qui in ea regione habitabant, non prius prælio excessit, quàm cum omnes aut cecidisset, aut fugasset. Hinc prosperè succedentibus rebus, victorias plurimas Græcis extorsit. Cum autem fama nominis sui quàm plurimas oras impleuisset, etiâ apud Aladinum maxima gloria vixit, creatus ab ipso dux, cum vndique præclaris æditis facinoribus, res fortiter gessisset. Defuncto Rege Aladino, discordia inter regni optimates exorta est. Orthogules

Ottomannica
stirpis
origo.

Ottomannus
primus impe-
rator eius fa-
milia.

Septem Prin-
cipes regna
inter se par-
titiuntur.

adhibitus in colloquium, cum multum temporis deliberando esset absumptum, tandem icto foedere, promisit, se ipsis & socium auxiliarem fore, quocunque in militiam proficiscantur: hac tamen conditione, ut quascunque regiones, coniunctis copiis suo imperio adiunxerint, eas inter sese partiri velint. Cum igitur, ut foedere tenebatur, communi consensu viribusque communibus bella aggredierentur, tanta ipsius inter omnes virtus emicuit, ut brevi plurimas opes acquireret, regnumque sibi pararet haud aspernandum. Hi autem, cum forent duces numero septem, initio regionem, quam tum armis subiecerant, inter sese diuiserunt, postea partitionem sorti committentes, Caramano Alismeno obtigere mediterranea Phrygiae Ciliciam usque, & Philadelphia. Sarchani fors addixit maritimam Ioniae regionem, quae Smyrnam usque patet: Lydia usque ad Mysiam obuenit Calami, & filio suo Carasi. Bithyniam autem cum his regionibus, quae Olympum respiciunt, nactus est Ottomannus cum Tecie. Paphlagoniam cum his regionibus quae vergunt ad Euxinum Pontum, acceperunt Amurathis filij, sic sorte partitione regente. Cermianum dicunt non fuisse de numero septem illorum ducum, verum imperasse Conio Cariae urbi, in qua regia erat: tandem suo deturbatum regno, abiisse in Ionium, sectatusque ibi vitam priuatam, quietem amplexus est. An septem illi duces, adiunctis copiis, aut singuli per se, regiones istas subiecerint, praeterea ut alius in alterius successerit opes & regnum, non referre arbitror curiosius describere. Illud autem certum est, Reges Ottomannidarum, Sogutham vicum multum honorasse, cum eo frequenter accederent, reddentes vici incolis solennia munera. Accepi praeterea, Ottomannum Orthogulis filium, primum generis huius ex isto vico oriundum extitisse: qui inde profectus, vrbes Asiae cepit, & Prusam, Mysiae urbem, opibus florentem, fame expugnatam, regni sedem constituit. Postremo operibus multis fortiter & splendide peractis, relinquens liberos, & regnum illustre, naturae debitum exoluit Prusae. Hic primus istius generis optimè, quae ad regni salutem attinent, disposuit. Et ut regnum sibi faceret quam maximè firmum & opportunum, satellites allegit, quos Regis Ianuas nuncupauit. Et cum iam omnibus propter istam potentiam formidini esset, subditos facile in imperio continuit, cum omnes ad nutum, quando vocarentur, praesto essent, & impigre ea quae Ianuae Regis imperarent, obirent. Commemorant, Orthogulem istum, virum per omnia extitisse generosissimum, & cum propter res suas praclare administratas augustior homine, & quasi diuinus reputaretur, posteris reliquit insigne cognomentum, ut Ottomannidae siue Ottomanni, filij vocentur. Haec autem partitio incidit in tempus interregni, & paucis annis anteceffit imperium Rodolphi in Occidente, circiter annum Christi millesimum, ducentesium, octogesimum: sed cum inter sese dissiderent procures, deque regnorum ac prouinciarum finibus impune bello contenderent, (negligebatur enim Asia, Europa occupata bellis domesticis utrobique in Italia & Graecia,) ceteris oppressis extulerunt & confirmarunt sese quatuor praecipuae familiae, Assimbei, Candelori, Caramanni, Ottomani. Candelori Synopem regionem circa Pontum, Caramanni Ciliciam cum obtinuissent, diu Ottomannicis armis restiterunt. Vtraque tamen familia Mahometis Ottomanni victrici dextra regnis pulsa, confugit ad opes

Ottomanni
obitus.

Regis Ianuae
dicuntur ci-
uitates cor-
poris.

Quatuor pra-
cipuae fami-
liae.

ad opes Assimbei, qui Cappadocum terras, & minorem Armeniam possidebat. Et Caramānorum familiæ vltimus fuit Habraamus, qui auxilium contra Ottomannos à Pio Pontifice per Oratores petiit, cūm Caramannus inter Mahometum & Sultanum Ægypti medius, multa bella cum vtroque gessisset, locorum difficultatibus, & Ciliciæ gentis virtute confusus, odio Mahometi Christianorum amicus, multa passus. Ex Assimbeis natus est Vsumcasfanes, de quo inferius dicitur. Initia tyrannidis Ottomannicæ collocantur in annum Christi millesimum, trecentesium. Ottomānum ipsum, cūm bellis assiduus per annos octo & viginti potentiam auxisset ac stabiluisset, anno Christi millesimo, trecentesimo, vicesimo septimo, Alberto Austriaco Imp. & Bonifacio VIII. Pontificatum gerente, Prusæ, quæ regni sedes erat, fato functum tradunt, cūm non ita multò antè, circiter octo millia Turcarum in Europam per Hellespontum traiecerint: captoq; Græcorum præsidio & Chersoneso imposito, in Thraciam, & ad Istrum perrexerint, & plurimis incursionibus factis, eaque regione deuastata, illinc maximam prædam reportarint, nec non mancipia quæ erant plurima, iure belli capta, in Asiam transmiserint. Ea tempestate Scythæ, seu Tartari, parua manu à Sarinatia prodeuntes, festinarunt ad Istrum, quo transmissi, Turcos, qui nondum illinc recesserant, atroci prælio inito fuderunt, & propemodum omnes, demptis paucis, contrucidarunt. Qui autem integri ex eo prælio abierant, fuga in Chersonesum delati, & hinc in Asiam transuecti, tandem ab Europa abstinerunt.

*Turcorum
eades à Tar-
taris inuicta.*

Iisdem ferimè temporibus, quidam Regulus nomine Sophus, diuersæ à Turcis factionis, suam de religione liberius, quòd Turcarum vires adhuc à Tartaris premerentur, sententiam Persis proponere incœpit: Cumque suum genus & doctrinam ad Mahometis generum Halim referret, mirum dictu, quantum ipsi populus tribuerit. Sopho successit Guines filius, qui tantam, tamque præclaram sibi in toto Oriente doctrinæ sanctitatisque opinionem conciliauit, vt Tamerlanes Scytharū Imperator ipsum inuiferet, ei que, hoc petenti, triginta captiuorum millia dono dedit, quos ille in sua secta probè institutos, filio Secaidaro tradidit, qui ipsorum opera in bello feliciter vsus est, quemadmodum inferius patebit. Vt verò ad Ottomannicam familiam reuertar, Orchanes filiorum Ottomanni natu minimus, eorum animis, qui in arctissimam patris admittebantur amicitiam, præoccupatis, eos sibi familiares, & quàm maximè beneuolos tenuit, adeò vt patre defuncto, victis cæsisque duobus fratribus, quos habebat, solus tyrannidem arripuerit. Hic, industria & gloriæ cupiditate patri nulla re inferior, breui spatio interiecto, Mysia, Lydia, Lycaonia, Phrygia, & Caria subactis, limites noui regni ad Hellespōtum vsque, & Euxini littora propagauit. Et à Cantaguzeno, contra Palæologos de summa rerum inter se contententes, in Græciam accersitus, Prusam, amplissimam urbem, ac vetustam sedem Regum Bithyniæ, sibi vendicauit, ibique regiam paterni imperij sedem constituit, qui locus adhuc hodie sepultura Turcarum celebris est. Nicæam item, & Nicomediam expugnauit. Sunt qui asserant, ipsum, præfati Cantaguzeni Græcorum Regis filiam, vxorem duxisse, atque illi auxilia contra Palæologum, & Triballos duce Solimanno filio misisse. Contrà verò non desunt, qui retulerint, huic filiam Caramāni Turci, qui Ciliciæ imperabat, nuptam fuisse, quem deinde

Orus Sophianorum.

Guines.

*Orchanes
II Turcorum
rex.*

*Eiusdem
prolii sub-
cessus.*

Interim.

Causa exci-
dij & ruinae
Romani Im-
perij.Amurates
primus.Turcorum
traiectus in
Graciam.

ob potētiae æmulationem, maximis contumeliis affecit, & bonam regni par-
tem ademit, filiumque etiamnum impuberem, & vixdum decennem, per
insidias trucidauit, ne, si vnquam adolefceret, paternas iniurias vlciſceretur.
De huius interitu variant auctores. Alij in oppugnatione Prusiæ sagitta ictū,
cū spiculum humeri ossibus infixum sine vitæ discrimine, reuelli nequi-
uiſſet, ex febre inde oborta, & sanie mortifera interiisse perhibent: alij in con-
flictu cum Tartaris occubuisse amissa exercitus maiori parte tradunt, cū
rebus Turcicis cū imperio annos duos & viginti præfuiſſet, anno Christi mil-
lesimo, trecentesimo, quadragesimo nono, Ludouico Bauaro Imperium, &
Clemente VII. Pontificatum administrante. Orchanes duos reliquit filios,
Sulaimanem scilicet, siue Solimannum, vt alij vocant, & Amuratem. Soli-
mannus, inito regno, arma contra Græcos cepit. Cū verò inter Imperato-
rem Palæologum & proceres Græciæ, ingens, sicuti & sapissimè antea, exor-
ta esset dissensio, & intestinè acriter ageretur discordiæ, quæ in bellum ciuile
exarserunt, Palæologus, cū viribus esset impar iis, qui Bulgaricis opibus &
auxiliis subnixi, rebellarant, cūque nouum bellum sibi à Turcis imminere
animaduertisset, fœdere & amicitia cum Turcico tyranno iuncta, siue is So-
limannus, siue Amurathes fuerit, auxilia iure fœderis postulauit. Huius belli
societas, occasionem Turcis traiciendi in Europam, ipsi Græciæ, & multis
vicinis terris exitialem, præbuit. Inde enim initium extitit, & ruinæ imperij
Constantinopolitani, & nostrorum vulnerum. Nec sanè magni fuit negotij,
siue priorem, siue alterum fratrem, ad partes suas tutandas pretio & pollicita-
tionibus allicere, cū vterque illorum spōte sua ad hoc pronior iam dudum
inhieret, totoque pectore propenderet, quò scilicet vires Græcas experiretur,
& belli rationē exploraret. Amurates igitur duodecim millia lectissimorum
Turcorum in Thraciam per Hellespontum summa voluntate traiecit, ea ta-
men conditione prius admissa, vt consumato perfectoque bello, nauigio, rur-
sus domum per Hellespontū reuerteretur. Hoc pacto Turcarum gens, Amu-
rate Principe, Græcorum ductu & opera, in Thraciam ex Asia tum armis
traiecit. His, Palæologus audaces & seditiosos Marci Craiouicij despota
Mysiæ inferioris conatus, ac cæterorum, sine multo labore ac difficultate re-
preſſit. Amurates, interim, bello feliciter confecto, remissis septem millibus
Turcorum in Asiam, facillè impetrauit, vt reliquos apud se præsidij causa re-
tineret. Nec ita multò post, seu, quem dixi Amurates, siue Solimannus, ca-
ptus ex suorum commendatione, vbertate & amœnitate soli, ac summis oc-
casionibus obtinendæ regionis opulentæ allectus & inuitatus, cū sexaginta
millibus Turcorum transiit in Europam, tanquam socius vel inuiti Cæsa-
ris, ad reliquias belli persequendas, & pœnas expetendas ab iis qui à Palæolo-
go defecissent. Is traiciendi prætextus fuit. Interea quid sibi posset in primis
conducere, animo voluere, sagaciterque longè prospicere, consultò bellum
trahere, & indies causando differre, & procrastinare cœpit, ratus hinc fore, vt
Græcorum viribus, diuturnitate belli, & discordiarum atrocitate vtrinque
consumptis, ac eneruatis, ipse integer fractos iam & defessos adortus, facillè
opprimeret. Vbi igitur diuturno bello mutuisque contentionibus Græcos
deficere animaduertit, domesticis denique opibus penitus iam exhaustis nu-
tare, & sibi parum subsistere sensit, extemplo versis, vt aiunt, proris, arma in
eos

eos sine vlllo discrimine per occasionem conuertit. Mox itaque Callipolim, urbem peropportunè in Chersoneso ad fauces Hellepontis sitam, occupat, ac Rhodopen, cæteraque Græciæ oppida, infestis armis petere, agros vastare, prædam agere, cunctaq; passim inuadere, nec iam amplius clam & dissimulanter rem gerere, sed palam sibi & posteris Græcorum imperium polliceri, & ad occupandum omnes cogitationes, consilia, opes & neros intendere cæpit. Hinc effectum est, vt nullis fermè obistere audentibus, facilè, ac sine vlllo negotio, magnam Thraciæ partem ditioni suæ subiecerit, cum præsertim aditu ad Hellepontum præmunito, naues etiam construi iuberet, quibus & supplementa exercitui, & res alias necessarias & opportunas ex Asia in Græciam, quoties opus esset, transportarent. Arce belli constituta, mox assiduus excursionibus Thraciam peruagatus, anno 1372. Philippopolin deditione occupauit, & quæ supra Hebrum est, Adrianopolin ex tuiinis Orestiadis instauratam, frustra Palæologo initum cum infido hoste fœdus & res perditas deploratè. Post hæc, tam prosperis successibus elatus, in Marcum Bulgariæ & Lazarum Seruiæ, in Mysia superiore, & Triballorum regione despotas, & aliquot Albanæ in Dalmatia & Epiro procures, iisdem socios & confœderatos, arma conuertit, & secum in campis Cassouis aperto Marte congressos, fudit ac deleuit. Cæterum haud sanè diu tantis victoriis gauisus est. Cum enim Lazarus eo prælio captus, in vincula coniectus esset, ibique vitam finiuisset, seruus natione Triballus, eius olim cliens, indignam necem sui domini iniquissimo animo ferens, quanquam se sciret certam mortem adire, Amurathem tamen pugione transfodit, cum rebus Turcicis præfuisset annis viginti tribus. Eius autem mors incidit in annum Christi millesimum trecentesium septuagesimum, temporibus Caroli IIII. & Gregorij IX. Et hæc quidem est plurimorum de Amurathis cæde sententia. Verum hic non pigebit referre quæ extant apud Chalcondylam sub finem primi libri super ipsius Amurathis interitu. Scribit enim, hunc postremò parasse bellum inferre Triballis, ipsorumque duci Eleazaro, qui ad Pannonios se contulerat, eosque incitabat, vt contra Amurathem arma arriperent. Eleazarum, his cognitis, summa celeritate, quantas potuerit copias contraxisse, vt hosti fortiter resisteret, qui, missis exploratoribus, cognouit, eum infedisse cum exercitu campum, cui Cosobo nomen erat. Ibidem Amurathis contubernio militasse filios duos, nempe Baiazetem, & Iagupem, & mox, inquit, Turci ferunt, Amurathem ibi præliantem, Eleazarum fugam facere coëgisse, quem cum insequeretur quàm velocissimè, incidisse in virum Triballum, in quem arma vertit. Hunc, cum foret pedes, cœuersum iaculo transfixisse Amurathis præcordia, quo vulnere ipsum occubuisse. At Græci à Turcis, quatum ad Amurathis mortem attinet, dissentiant. Aiunt enim, eum non præliantem, nec hostes fugatos persequentem, interiisse: verum cum adhuc staret in acie, virum quendam generosissimū, nomine Miloën, voluisse certamen omnium, quæ vnquam fuere pulcherrimum, subire. Hic, si sibi Eleazarus potestatem faceret eorum quæ petiisset, pollicebatur, se armatum profecturum ad Amurathem, vt transfugam. Amurathes, cum illum, vt transfugam, ad se adueni-
tate crederet, iussit viro confestim cederent, quò, quid vellet, tutò eloqueretur. Cum penetrasset quàm proximè ad Regis ianuas, offendit Regem stan-
tem

*Amurathis
incrementa
in amplifi-
cando im-
perio.*

*Amurathis
cædes.*

tem in acie, ad præliū accinctum. Hastam igitur accipiens, aggreditur longè pulcherrimum, quod scimus, facinus. Amurathem Regē interficit, nec non ipse ibidem fortiter inter hostes prælians, occubuit. Hæc est Græcorum de obitu Amurathis sententia: At Turci aliter sentiūt, videlicet, eum persequentem hostes, parta iam victoria, à viro Triballo esse peremptum. Idem auctor, quæ plurimi scriptores attribuunt Amurathi, ea Sulaimano, quem alij Solimannum vocant, ipsius Amurathis fratri natu maiori, ascribit, & Philippopolim, ab hoc deditione occupatā asserit, & paulò pòst, morbo implicitum, festinasse in Asiam. Cæterum, eo ingrauescente, fato extinctum, & paulò antequam vita migraret, suis præcepisse, vt corpus sepelirent in Chersoneso Isthmo, vbi antea contigerat filium suum decedere, & magnifica ac solenni pòpa sepulture tradi, & iniunctū sacerdotibus qui eo loci erāt, vt celebrarent nocturnos ludos ad sepulchrum, seq̃ue filij monumēto iungi voluisse. Amurathem, fratris morte cognita, euestigiò peregrinis & reliquis Ianuarum militibus secum assumptis, in Europam traiecit, exercitusq̃ue omnes, qui ibi erant, acceperunt. Verum enimverò de his omnibus cuilibet suum sit liberum iudicium. Minimè autem illud silentio prætereundum videtur, quod præfatus auctor de eodem Sulaimano scriptum reliquit, ipsum videlicet habuisse virum rei militaris peritissimum, quo nullus incursionibus faciendis, bellisq̃; gerendis ea ætate superior extiterit. Præterea, ipsum ad tantam potētiam hac ex causa venisse, quòd summa celeritate in rebus gerendis vteretur. Amurathis corpus dicit fuisse abductum Prusiam, vbi sepultura erat omnium Regum Ottomannidarum, præterquam Sulaimani, atque ait, illum regnasse annos 57. cum tamen reliqui scriptores 23. annos duntaxat præfuisse dicant, & mox de illo hæc subiūgit: Vitæ exitum habuit, interfectus à Triballo, non qui Regem decebat, talem, qui tot annis bella gessisset, multaq̃ue & præclara opera fecisset. Adhæc, qui magna bellā in Europa, Asiaq̃ue numero triginta septem confecisset, tali vsus & virtute, fortunaq̃ue, vt in nullo victus succubisset. Reliqua de illius ingenio & natura videre est apud eundem auctorem sub finem primi libri.

Baiazetes
primus.

Defuncto Amurathe Orchanis filio, regij Satrapæ, qui Ianuis præerant, Baiazetem, Amurathis filium iuniorem in imperio magno consensu collocant, isq̃ue, summam rerum adeptus, regnum auspicatur à cæde fratris lagupis, vt metu æmuli solutus, animo liberiori propagationem imperij aduersus Christianos vrgeret. Hic, relicta Prusia Bithyniæ vrbe, sedem imperij fixit Adrianopoli, quæ loco opportuniore sita erat ad magnum imperium, & ad coniungēdas cum Asia vires Europæ. Inde mox cum infesto agmine in Myfos Triballosq̃ue secundum Istrum ad mare Ponticum extensos, quos Bulgarios Seruiosq̃ue à nouis colonis nominamus, profectus, occurrentē Marcum Despotam cum vniuersa Bulgarorum & Seruiorum nobilitate, deleuit, totaq̃ue ea ditione subacta, hinc in extremam Illyricā regionem, quæ pars est regni Bosniæ, & interiorem Macedoniæ, atque Epiri partem, quæ Albania est, adeoq̃ue ipsam Vngariam vsque terribilibus excursionibus populabundus, nemine resistente penetrauit, & impunè recessit, ingentibus spoliis onustus. Ex his enim regionibus in Thraciam, præter maximam vim auri, argentiq̃ue, & res pretiosas, innumerabilem captiuorum multitudinem abduxit.

Eiusdē prof-
pera expedi-
tiones.

xit. Nec multo pōst, peruaſtata Theſſalia, Thraciaque, ad Boſphorum uſque, & deletis Byzantinorum ſuburbanis, vrbi caſtra admouit, cum tanto Græcorum metu, vt Iohannes Palæologus Imperator ſuis rebus diffidens, ad imploranda Europæa auxilia, patriæ ad vrbis cuſtodiam relicto, in Italiã primò, deinde in Galliam adnauigarit. Cæterum tam longæ profectionis perexiguum, vel potius nullum fructum retulit, adeò vt breui pōſt, rebus infectis, domum redierit. Byzantium interim graui & continua obſidione premebatur, & Baiazetes ſingulis annis nouos exercitus mittebat, vt peragerent longam illam obſidionem, quam nonnulli in decenniũ protractam aſſeruerunt. Iam ciues omni præſidio deſtituti, ſa neque extrema ſupramodum urgente, & hoſtibus vndique frementibus, deſperata ſalute, de deditiõne agere incipiebant, periſſentque nimirum, ac tandem in ſauiffimi hoſtis poteſtatem veniſſent, ni Tamerlanus ille præpotens Scytharum Rex, cum ceterum myriadibus equitũ & peditũ, qui numerus decies centena habet armatorũ millia, inſtar rapidiſſimi torrentis, ipſo in curſu ac impetu, cuncta proſternendo atque vaſtando, Baiazetem ipſum omni apparatu & copiis occurrere & relictũ conantem, in Aſiam reuocaſſet. Hunc Tamerlanum, quem Græci ſcriptores Temyren vocant, tradunt Samarcandæ vrbi, quæ Metropolis eſt Zagatai-
norum Tartarorum ad Iaxartem amnem, Sogdianæ regioni finitimum, infimæ ſortis ciuem fuiſſe, & ex humili loco proſperis ſucceſſibus ad ſupremum imperium euectum eſſe, finitimis Sogdianis, Sacis, Aracoſiis, Seris, Ariis, Bactrianis, & Hircanis, quos vno nomine omnes hodie Tartaros Zagataios nominant, ad Perſiam uſque edomitis atque ſubactis. A nonnullis verò in literas relatum eſt, hunc Tamerlanum fuiſſe filium Cobile, vt ab Haythono vocatur, vel Cublai magni Chan, quinti Tartarorum Imperatoris cuius aulam & imperium latiffimè in India & toto Oriente patens, M. Paulus Venetus lib. II. & III. prolixè deſcribit. Is itaque ſubiugatis, quos diximus, populis, & nationibus, mox in Baiazetem omnes vires conuertere ſtatuit, maximoque ac potentiſſimo exercitu comparato, primũ in aditu Aſiæ anterioris aliquot Armeniæ vrbibus captis, & Sultania, Perſarum olim regia, quæ veteribus eſt Tigranocerta, direpta atque incenſa, dextrorſum iter flexit, Euphrateque ad Arſengam ſuperato, in Cappadociam tranſiit, & Sebaſtiam, celeberrimam eius regionis vrbe, quæ Turcorum ſedes regia fuiſſe dicitur, & hodie Suias appellatur, arctiſſima obſidione cinxit. Initio oppidani vim hoſtilem fortiter propulſarunt. Cũ autem octomillia foſſorum in caſtris haberet, iis negotium dedit, vt cuniculos ſubterraneos agerent, per quos ſibi in vrbe ingreſſum atque aditum pararent. Hoc autem ab oppidanis animaduerſo, etiam ipſi fodiendo, hoſtibus occurrebant, ſed tamen pellebatur. Amplius enim efficiebat hoſtis, vt qui foſſorum numero excelleret. Cũ mœnia iam vndique ſuffoſſa eſſent, atque inimici in aggere excelſo & ligneo ſtarent, ignem iniecerunt, muri que ſua ſponte corruere. Deinde per loca ruinis patentia milites in vrbe irruentes, eam in hunc modum expugnarunt. Oppidanos, ſic imperante Temyre, capta iam vrbe, protinus occidere. Liberi & mulieres eius vrbiſ immiſſo equitatu, omnes trucidati, adeoque illius clades miſerabilis extitit, vt nec vir, nec mulier, neque etiam puer aliquis exitium ſubterfugeret, cũ promiſcuè in omnes & ſingulos crudeliſſimè ſæuitum eſſet.

Conſtantino-
polis obſide-
tur à Baia-
zete.

Tamerlanus
bellum mo-
ueri Baia-
zete.

Sebaſtia ca-
pitur à Tam-
berlano, &
diripitur.

esset. In ipsa ciuitate longè amplissima & pulcherrima, tanta hominum multitudo extitisse perhibetur, vt penè numerum duodecim myriadū æquaret. Præterea illic reperta est magna leproforum multitudo, quos omnes interfici imperauit. Hos enim vbicunque adeptus foret, incolumes abire non patiebatur, nequaquam fas esse dicens, vt hi superstites sint, reliquosque homines inficiant, ipsi plerunque miserrimè viuentes. Fama exiit, miserrimum huius vrbs excidium superasse calamitates omnes, quæ in vllas vnquam ciuitates redundarint. Orthobulem Baiazetis filium, quem, bellica virtute florentem, pater ad eius vrbs tutelam & defensionem reliquerat, cum viuus in victoris manus venisset, aliquot diebus secum circumduxit, & paulò post, interfici iussit. Baiazetes, vbi primùm miserabile vrbs excidium, filiique interitum accepit, maximo & incredibili dolore affectus est. Transiens enim in Asiam, vt vidit pastorem quendam tibia canentem, fertur dixisse, mœrorem suum indicans, quàm acerbus esset: Cane cantilenam, cuius argumentum sit: Neque Sebastiam amittas, nec etiam filium Orthobulem. Expeditio Temyris contra Sebastiam, hunc exitum sortita est. Nec multò post, legatio missa est ad Baiazetem Lælapa, quæ iussit, vt ducibus restitueret regionem. Daret tantum butyri, quantum ferunt duo millia camelorum. His adderet duo millia tentoriorum, cuiusmodi in vsu habent pastores per Asiam. Postulabatur quoque, vt per vniuersum Baiazetis regnum Temyres pronunciaretur rex. Volebat etiam, vt Baiazetes in suam regionem Temyris numisma reciperet, & suum irritum faceret. Postremò imperabat, vt vnus de numero filiorum Baiazetis militaret in ianuis Temyris. Quibus postulatis si Baiazetes assentiretur, fore eum amicum & necessarium Regis Tamyris: sin autem has petitiones auersaretur, sciret, Tamyrum, ipsum pro hoste habiturum. His auditis, ferunt Baiazetem ira commotum, huiusmodi responsum dedisse, videlicet: Ne si veniat, quemadmodum minitatur, precor uxorem suam ter repudiatam recipiat. Quod quidem dictum insigne dedecus atque infamiam importat ei, in quem dicitur. Proinde cum legatos cum huiusmodi responso dimisisset, Tamyres suam expeditionem, quam animo versabat, minimè vltius differendam statuit. Sed confestim cum omnibus suis copiis ex variis gentibus & nationibus collectis, quæ, vt narrauimus, centum myriadibus constasse dicuntur, itinere per Phrysiam & Lydiam suscepto, aduersus Baiazetem contendit. Hic, vt hosti obuiam procederet, instructus, comparauit & ipse quantas potuit copias, assumptis etiam Triballis satellitibus suis, qui numero erant quasi decem millia, & in eis spem maximam habebat, vt qui hactenus persæpè singularia suæ fortitudinis, inuictiq; roboris ac fidei documenta exhibuerant. Assumens itaque Europæum, Asianumque exercitum, qui ad trecenta millia equitum, & bis centena pedum millia, complectebatur, mox rectà iter instituit aduersus Tamyrem, cupiens eum præuerrere, & in ipsius regione castra locare iuxta Euphratem, animo agitans ibi dimicare cum hoste. Tamyres quidem, exercitum per Phrygiam ducitabat. At Baiazetes citato agmine per Cappadociam ferebatur, Euphratem per Armeniam præoccupare constituens. Postquam verò, cum foret in Armenia, accepit, hostem iam in suam accessisse regionem, iter per Phrygiam facientem, protinus mutato consilio, rectà in Phrygiam perrexit,

*Iniquissima
condiciones
proposita Ba-
iazeti à Ta-
merlano.*

*Baiazetis
responsum.*

*Tamerlani
expeditio ad-
uersus Baia-
zetem.*

rexit, vbi eum sibi obuiam progredi intellexerat. Cùm autem iter accelera-
ret, exercitus, longo itinere grauius vexatus, Baiazeti maximoperè succense-
bat, cùm præsertim in castris maxima rei frumentariæ atq; commeatus ino-
pia laboraretur. Tandem, vt ambo exercitus sese in mutuum conspectum
dedere, & ab vtraque parte acies fuit instructa, Tamyres postero die cum ex-
pedita manu militari misit Sachruchum filium cōtra Baiazetem. Qui, vt ac-
cepit hostem aduersum se properare, ilicò aciem instruit in colle ibi proxi-
mo, quasi pugnae copiam facturum. Sinistrum cornu tenebat Dux ab Orien-
te. Dextrum regebat Dux Europæ, medium agmen Baiazetes cum peregrini-
nis & suis satellitibus ducebat. Sachruchus habens Tzacharaidas, & Persa-
rum proceres, turritis pileis, laciniisque argento & auro variegatis conspi-
cuos, qui acinaces gestabant, prægrandes & ponderosos, squamosisque præ-
sertim pectus thoracibus, more gentis, præmunitos, pergebat agmine com-
posito aduersus Baiazetem, nec tamen eos circumuenire statuebat, cōcedens
ipsis abeundi, si vellent, locum, ne scilicet ab omni parte circumuenti, ex de-
speratione, quasi inclusi, animos sumerent, & deinde acrius, vt fit, pro salute
certantes, victoriam inuenirent, primoque aggressus est Europæ exercitum.
Postquam verò pugna ad multum diei extracta est, neq; quietem à pugnan-
do Baiazetis milites haberent, ibi Triballi, pristinae suæ virtutis memores,
magna cum fortitudine & gloria prælium ciebant: impetuq; facto in Tza-
charaidas, hastas infregerunt, summa quadam cum vehementia certamini
incumbentes. Baiazetes, vt conspicatus est Europæum exercitum longius à
se euectum cupidine pugne, confestim Duce Europæi exercitus reuocat,
timens, ne si eius exercitus esset longius à monte submotus, ipse ab hostibus
circumueniretur, & in discrimen ac periculum vite deueniret. Iubebat igitur
eum regredi in eum locum, vbi ab initio collocatus erat. At Dux primò ne-
quaquam dicto audiens fuit, veritus rem quæ parabatur. Deinde cùm Rex
violentius vrgeret, nec conuiciis abstinere, paruit, aciesque reuocata est. Ibi
tum Tzacharaidas acriter instantes, magnam Turcorum stragem edebant,
donec terga darent. Qui cùm fugerent, persequentibus hostibus, etiam exer-
citus Asiaticus haud stetit: sed continuo fugam arripuit. Baiazetes, vbi se à
fortuna destitutum animaduertit, protinus equam conscendit, totisque laxa-
tis habenis aufugit. Cùm velocissimo cursu obequicaret, fugientem insequen-
bantur Tzacharaidas, properantes eum capere: iam multum itineris fugien-
do confecerat, vt qui celerrimè veheretur. Postea cùm fortè venisset ad
flumen, equa intoleranda siti extimulata, bibere cupiebat. Baiazetes autem
cùm chiragra simul & podagra tunc grauissimè laboraret, equam à potandi
immensa cupidine inhibere non poterat. Equa igitur vt bibit, parum disso-
luta, nonnihil de cursus pernecitate remisit, adeo vt milites Tamyris Baiaze-
te potirentur, & captum ad suum regem perducerent. Sunt etiam qui asserant,
ipsum Baiazetem inter dimicandum, equo sagittis confixo, decidisse, atq; ira-
uium ad Tamerlanem perductum esse. In hoc prælio captus est Moses:
capti sunt plerique ipsius Baiazetis duces ac proceres viri: Nec tamen quic-
quam detrimenti passi sunt, nisi quòd vestibus atque armis exuti, miserum spe-
ctaculum præbuere. Baiazetis vxor, Eleazari, Prusiae Ducis filia, in quam ho-
stis excursionem fecerat, vnà cum gynæceo, capta, ad Tamyrem perducta
est.

Prælium in-
ter Baiaze-
tem & Ta-
merlanem.

Baiazetis
fuga &
apprehensio.

est. Mulsumanes, Moses, Mahometes, & Iesus iunior, reliqui Baiazetis filij, in hostium potestatem venere. Qui erant in Asia & Europa, ut poterant, saluabantur. Dimicatum est inter hos anno Christi millesimo, trecentesimo nonagesimo septimo, secundo post Nicopolitanam cladem anno, eo quidem exitu, ut, quemadmodum plerique testati sunt, circiter centum quadraginta millibus hominum vtrinque caesis, tandem fortuna ad Tamerlanum inclinauerit. Quidam tamen in literas retulerunt: Tartarorum bis centena millia in hoc grauissimo conflictu à Turcis caesa: Turcarum verò supra centum, & quadraginta millia extincta cecidisse. Hoc atrocissimum & cruentissimum praelium commissum esse dicunt in ipsis finibus Armeniæ iuxta ciuitatem Dangorij, antiquitus Ancyram vocatam, sitam ad radices Stellæ montis, cui ab Antitauro ei obuerso, speciosissima quædam planicies subiacet, ubi à Gneo Pompeio, Mithridatem Ponti Regem, nocturno certamine profligatum perhibent, & campi, ubi hæc latissima planicies posita est, Turcorum lingua Cassouasi, id est, anserum campi nominantur, inde quòd id genus volucrum statis anni temporibus eò conueniat, ut totis agminibus in Europam cominigret. Præcipua causa, quæ ipsum Tamerlanum impulerit, ut Baiazeti bellum inferret, hæc à nonnullis fuisse narratur, quòd videlicet, cum Baiazetem per legatos rogaret, ne Turcas, suæ religionis homines, diuexaret, belloque lacefferet, ac dominiis exueret, commendans plurimum Baiazetem, quòd tanto studio, tantoque affectu Christianum nomen deprimeret, atque illos, bellis præclare gestis, penitus opprimere niteretur, more Tartarico vestem muneris loco precibus addidisse, quod cum ipsi, iam innumbris victoriis & rerum successu turgido, displicuisset, non sine conuiciis in Tamerlanum legatos dimisisset. Hunc verò, irritatù, fulminis instar, magna celeritate in Ottomannicas prouincias irruisse, atque hinc postmodum ad arma vtrinque deuentum. Baiazetem, cum adductus esset in conspectum Regis, sic Tamyrem allocutum esse tradit Laonicus: O infelix, quid adeò malum tuum coëgisti genium, ut nos bello lacefferes? An non audiuisti, quòd meo exercitui miserorum filij resistunt? Baiazetes respondens, inquit: Nequaquam ad tantam infelicitatem venissem, ni tu mihi negotia fecisses, cætera quoque, prouocatus à gentibus Heroi nostro infestis. Verum, ait Tamyres, si non adeò sublati tibi essent animi, nunquam ad istam præcipitatus esses miseriam. Sic namque solet numen plerunque fastuosos deprimere, & ad humilem fortunam deuoluere. Deinde misit Tamyres Baiazeti accipitres, & canes, & reliquum huiusmodi apparatus, ut qui venatori potius, nec Imperatori in hostes ducenti, comparandus esset. Aiunt, Baiazetem habuisse ad septem millia virorum, qui accipitres curarent; præterea aluisse canes sexies mille. Respondens itaque Tamyri Baiazetes, inquit: Verum, ô Tamyres, qui es Scythæ, & latro, latrocinandi que artem usque exerceas, satis scio parum tibi conuenire cum canum accipitrumque studio. Mihi verò, qui sum natus & educatus ab Amurathe, Orcanis filio, qui ambo Reges extitere, cõgruit canum & accipitrum studium. Rex Tamyres, hoc responso grauiter offensus, impositum mulo, per castra agi iubet, propinans eum militibus deridendum. Ut autem iam omnibus satis ridiculo fuit, reductum ad se interrogauit, an etiã sui generis, & ista studia sint, quemadmodum accipitrum & canum. Deinde Baiazetem

in vin-

in vincula coniecit. Ait etiam præfatus auctor, ipsius coniugem, Eleazari, ut diximus, Despotæ filiam, quam præ cæteris ardentissimo amore complectebatur, & secum in castris semper habebat, captiuam abductâ ad Tamyrem, iussam esse in conspectu mariti sui vinum infundere. Hinc Baiazetem ira accensum, in hæc verba prorupisse: Neque paterno, neque materno tuo genere digna facis. Cum enim natus sis ex obscuris, ingloriisque parentibus, haud tibi decorum est, adeo turpiter regum liberis & vxoribus insultare. Hoc modo etiam eos, qui tibi natura sunt domini, probris oneras. Cæterum de ipsius sæuitia & feritate qua usus est in Baiazetem, longè his grauiora, literarum monumentis prodita sunt, ipsum videlicet, aureis catenis vinctum, inq; cauea ferrea cancellata, per Asiam circumductum, & passim ostentatum, victori equum ascendenti, dorso subdito, scabelli usum præstitisse, exemplo Saporis Persarum Regis, qui Valerianum Romanum Imperatorem similibus iniuriis insolenter exagitatum, ad mortem adegit. Adhæc, inter conuiuandum acerbissime insultantem; ac venationis studium barbarico truculentoq; fastu exprobrantem, assidue audiuisse, & coniugem ab eo, ut diximus, vnicè dilectam, crepidulis tantum calciatam, sagoque militari quam breuissimo indutam, denudatis obscænis, dedecorasse, Scytharum proceribus vnâ discumbentibus pocillatricis loco ad mensam famulantem, intueri coactum. Baiazetes his grauissimis iniuriis atque contumeliis commotus, iraque percitus, & mœrore confectus, mortem sibi metirè imprecabatur, & tandem altero à captiuitate anno, capite numerosis ictibus ferreis caueæ clathris perfracto, illisoque cerebro, suo ad id misero funestoque fato compulsus, nec sine admirabili fortunæ ludentis exemplo, postquam in imperio viginti annos præfuisset, vita excessit. Hic tragicus & funestissimus exitus fuit Baiazetis, qui antea innumeris victoriis clarus atque illustris extiterat, & in excelsa humanæ felicitatis fastigio collocatus, vniuersum terrarum orbem animo inuaserat. Præter ingenium, & expeditam vim consilij & animi ad res gerendas, commendatur in eo incredibilis in negociis omnibus celeritas, propter quam Turcici lingua Hildrin, Græci *αὐλακτα*, id est, cæli fulgur eum cognominarunt, ut Tamerlanum Tamyrguthlumum, quæ vox Tartaris fortunatum gladium sonat. Sunt qui asserant, geminarum mangoni, Ligurum natione, ipsi Tamerlano, qui margaritis & vnionibus mirificè oblectabatur, admodum familiari, tanti modo Regis miserato ærumnas, & claritatem nominis ex tot præclaris victoriis commemoranti, cum pro Baiazete suppliciter deprecaretur, minacibus conuersis in eum oculis, truculenta voce respondisse, se non Regem, rebus gestis, aut nobilitate clarum, sed hominem improbum & nefarium, fratris natu maioris parricidam, iusto supplicio punire.

In obsidendis vel oppugnandis vrbibus memoriæ traditum est, hoc modo sibi aditum ad illas comparasse: quippe primo die, quo in conspectum vrbium se dabat, candidum tentorium in castris figi iubebat, ut certò scirent, se statim dedentes, ac portas aperientes, veniæ atque clementiæ locum esse inuenturos, ac impunitatem consecuturos: secundo verò die coccineum seu rubeum ingressus prætorium, significari volebat, cum cæteris pactus incolumitatem, patresfamilias tantum cunctationis pœnas cruore datum ire: tertio porro die omnium cunctabundæ vrbis funestissimo, atri coloris tabernaculo erecto,

Tamerlani
crudelitatis in
Baiazetem.

Baiazetis
obitus.

*Tamerlanis
sauius.*

omni prorsus misericordia exutum Tamerlanum denunciabatur, ad vnum omnibus inhumaniter flamma & gladio confectis, & urbem solo æquandam. De illius sauitia & immanitate plusquam Tartarica, nemo satis abundè dixerit, eamque breuitatis causa omitto. Illud tamen obiter hîc adiciam: Cùm Italus quidam apud eum gratia & auctoritate plurimum polleret, omnibusque ob ingenij dexteritatem ac prudentiâ regis aulæ proceribus quàm gratissimus atque acceptissimus esset, blandè inducto de cunctabundis ciuitatibus sermone, tyrannum interrogaret, quid tanta in victos suppliciterque veniam deposcentes, sauitia milites grassari pateretur, cùm longè omnium maximi & supra caput excelsi Regis gloriæ nitorem clementiæ atque humanitatis iubar magis illustrare videatur, Tamerlanus obducta fronte, contortisque in illum oculis, ignem spirantibus, Memento, ait, me Dei maximi iram esse, ac deprauati sæculi funestam cladem. Quapropter ni magna qua dignus es poena, plecti cupias, hinc face ssito. His minacibus & diris tyranni verbis territus mercator, peregrè abiens, nusquam postea in Tamerlani conspectum deuenisse visus est. Post deuictum Baiazetem, Mesopotamiam, Syriam, Ægyptum, & plerasque alias prouincias partim vi, partim deditione suo imperio adiecit. Inter reliquas verò celebriores vrbes, Damascum in Syria, & Capham, olim Theodosiam, tunc Ligurum coloniam in Taurica Chersoneso, constitutam iuxta mare Bosphoricum, quod Cimmerium appellatur, vi expugnauit, & in vtraque maximam crudelitatem exercuit. Ad Ægyptum arenosis solitudinibus detentus, victoriis suis finem imposuit, cumque exercitus saua pestilentia diuexaretur, diues spoliis rediit Sarma- candam, vbi fato functus est, anno sui imperij vigesimo septimo, & Christianæ salutis millesimo, quadringentesimo secundo. Arsit ingens & luridus cometa per paucos antequàm obiret menses, qui nec falso tanti Regis interitu expiatus creditur: etenim in cubiculo inter dormiendum phylæ præfocatus interiit, ante quinquagesimum ætatis annum. Binos de se filios reliquit imperij successores, natos ex cuiusdam Bactriani Reguli filia, quam sibi matrimonio coniunxerat, quorû alter dictus est Scharochus: alter Palamgures. Hi neque ad percipiendam regnandi voluptatem, neque ad propagandam sobolem diu patri superstites extiterunt: odia siquidem grauesq; inimicitias inter se exercentes, bellisque mutuis conflictantes, vberimam obtulere materiam & conspirationum in se, & defectionum vniuersis suarum ditionum populis, ac tributariis nationibus, sic vt regnis penè infinitis à patre vi quæsitis, bellique iure occupatis, (adeo à paterna virtute degenerasse visi sunt) priuati, atque spoliati, alieno imperio subiicerentur, Asiæque inprimis regnum ad Ottomannos, ceu legitimos dominos, relaberetur. Hunc igitur habuit finem Tamerlanus, qui sine controuersia omnes bellica virtute, ac fortuna, quam nunquam expertus est aduersam, mortales anteiuuit, eoque humanis rebus exempto, adeo labefactari cœperunt res Tartarorum, vt Scythicum nomen, quod ipse penè ab interitu vindicauerat, ac per totum terrarum orbem extulerat, vnâ cum ipso penitus extinctum ac deletum esse videatur. Et quoniam præcipuum huius operis argumentum est de rebus Persarum, ne- tiquam mihi silentio prætereundum esse duxi quod inter cætera memini me legere apud non ignobilem scriptorem, hunc videlicet, de quo loquimur.

Tamer-

*Eiusdem
interitus.*

Cometa.

Tamerlanum, præter reliqua regna & prouincias suo imperio adiectas, etiam regno Persiæ potitum esse, & hac quidem ratione contigisse narrant. Cum initio sui Principatus aliquam militarem manum cœgisset, Rha fluuio, cum hac traiecto, quâ mitior in mare Caspium labitur, per Iberorum, Cholcorum atque Albanorum calles, multa arborum densitate perplexos, in Persidis angustias penetrauit. Has enim ingressus, in campestre ilicò regionem descendit, quæ vicis est & villis frequens. Hanc autem ingenti populatione euagatus, magnam sibi & sociis prædam comparauit, resistentes cædens, vel fœdè vulnerans, dedentes verò comiter accipiens, quorum satis magnum numerum contraxerat. Multi siquidem alieno edocti exemplo, salutis consulentes, sub eius vltro signa conuerunt, vniuersos secum campestres accolæ incursionibus prementes, cunctaque obuia sternentes. Qua re audita Persarum Rex, vt huiusmodi incursus arceret, comprimeretque latrocinia, ac tuti à Tamerlano interclusi comitatus patefierent, ducem, quem sibi fidum ac strenuum putabat, ad eum capiendum, cum mille equitibus ablegauit, qui momento temporis, Araxe amne superato, quâ longum emensus iter, in mare Caspium se vertit, in Tamerlani conspectum se dedit: cui non ob id exterius, consilii que anceps Tamerlanus, sed summa animi alacritate & audacia obuiam progressus, tanta in agendo industria verbisque accommodatis vsus dicitur, vt se ab omni periculo explicaret: quippe tantum abfuit, vt ipsum caperet, occideretque, vt eius, iam conciliato animo, vteretur contubernio, subitoque has suis copiis adiiciens, & nouis equitum alis comitatus, maiori spe elatus, militumque audacia fretus, res nouas moliri adortus est, longeque prioribus maiora tentare. Euēnit siquidem per id tempus, vt Persarum Regis germanus frater natus minor, dominandi studio & cupiditate impulsus, debitam ei iure dominationem cœpisset inuidere, ob idque magnis copiis instructus, & aduersus fratrem acre bellum gerens, enixè dabat operam, vt ad se regnum transferret. Quod quidem animaduertens Tamerlanus, qui ad Persidis imperium sensim aspirabat, regnumque non obscure affectabat, iuniori fratri adhæsit, ei que operam militarem præstitit. Præuiderat nanque ipsum difficulter regiam vim sustinere posse absque alieno præsidio, nec non fraterna arma exercere sine magnæ cladis vitæque discrimine: & ex aduerso se voto minus potiri suo, ni alterius quo egebat auxilio, præstò esse cognosceret. Proinde iunctis associatisque viribus quas habebat, tanta animi alacritate ac ferocia in regias phalanges irrupit, vt, ingenti edita strage, acieque pulsus ac deuictis hostibus, victoriam gloriosus referret: qua adeptæ, Regem repente sustulit, eoque sublato, regnum germanus victor inuasit, qui nullo dissentiēte, Rex factus, beneficij in se collati nequaquam immemor, Tamerlanum cunctis Persicis copiis præfecit, summamque rerum ei credidit. Ipse autem atroci vir ingenio, & versipelli, nihilque pensi habens, si vsus poposcisset, nactus occasionem, qua omni æmulatione vacuum sibi Persici imperij solum pararet, simulans se velle Regi nouas ad suum imperium regiones adiungere, hoc maximo exercitu subnixus, Regem proderè, seditiones passim agitare cœpit, ac populos ad defectionem sollicitare, mira que industria ipse in primis initium faciens, cunctæ regiæ ditionis ciuitates ab Rege rebellarunt, mox Taurisium Persidis regiam, per Calderanos campos ire contendit, Regem

Quomodo
Tamerlanus
regnum Per-
siæ inuaserit
& occupa-
uerit.

Rex Persarū
obtruncatur
à Tamer-
lano.

Tamerlani
natura &
mores.

gem ipsum vita simul & regno priuaturus: in cuius perniciem cum aliquot suis fidelissimis ducibus antea coniurasset, cum eò peruenisset, nullis resistentibus (nam quī pauci & inerimes, multorum & armatorum impetum sustinuerint?) regnum, vi sibi ac fraude quæsitum, occupauit, regiamque ingressus, Regem frustra gementem, suasque perditè dolentem miserias, atque sibi suppliciter imminentem necem deprecantem, obtruncauit, filios morte affecit, & postremò quicquid ex cognatione regia supererat, planè quasi ab stirpe absçidit, vt ad vnum omnibus sublati regni æmulis, sine metu regnare posset. Per hunc igitur modum astu regnum affecutus, vt militum in primis beneuolentiam & gratiam iniret, magno eos donatio profecutus est, dein Perside profectus, in Parthicam se recepit regionem, quò Saracenorum excursions ac latrocinia comprimeret. Haftenus maiori qua fieri potuit breuitate recensui dirum ac memorabile prælium gestum inter Baiazetem & Tamerlanum, inferens paucula quædam ad ipsius naturam & ingenium pertinentia, & postremò quæ ille prioribus annis dicitur gessisse in Persia. Nunc mihi ad reliqua properandum, quod sanè mox faciā, si hæc prius quàm breuissimè subiecero, ipsum videlicet Tamerlanum, corpore & moribus fuisse Carthaginensi Hannibali quàm simillimum, quātum scripta veterum edocent, ostenduntque numismata, nempe ingenio callido, atroci, perfido; in reprimendis hominum latrocinis, castigandaque militum licentia, sic sæuere solitum, vt metu pœnæ oculos, nedum manus ab auro gazaque omni diripienda cohibere didicissent. Statura verò fuit procera, & eminenti, barbatus, latere, ac humeris & pectore, cæterisque membris æqualis & congruens, integra valetudine, excepto altero pede, quo non perinde valebat, sic, vt inde claudicare ac deformiter incedere prospiceretur, oris truculenti, atque obductæ suæ frontis oculi introrsus recedentes, præferocis animi sui sæuitiam spirantes, intuentibus terrorem & formidinem incutiebant. valida erat vsque adeò neruorum compage, vt validissimum quemque è Scythis in palæstra prosterneret. Vnde autem effectum sit, vt claudicauerit, quemadmodū etiam idem à veteribus de Agefilao traditum est, equidem non ita compertum habeo, cum ea de re auctores inter se varient. Sunt enim qui tradiderint, ipsum, cum in quodam prælio non minus summi ducis, quàm strenui bellatoris partes ac munia exequitur, in pede vulneratum, indeque postea claudicare solitum. Alij verò ad aliam causam referunt, dicentes, quòd cum esset adultus, iamque per ætatem huic officio idoneus foret, deferentibus oppidanis, oppidanorum equorum curam ei demandatam. Tandem, cum in colloquium veniret cum reliquis eius regionis pastoribus, effecisse, vt inter se coniuraret, se velle furtis colligere opes, & mox ad alias prouincias confugere, cumque furandi quàm peritissimus esset, plurimos equos, maximamque iumentorum atque ouium copiam, & immensam multitudinem nactum fuisse. His adiiciunt, eum, vt pecoris stabulum intrare posset, conscendisse murum, & cum animaduerneret, se esse visum à patrefamiliâs, confestim desiliisse in terram, (aiunt enim in ea regione moris fuisse, vt iumenta & pecora altissimis muris circumdarentur, qui non citra summā difficultatem vitæque discrimen ascendi possent) eoque casu sibi crus fregisse, atque hinc huiusmodi claudificationem prouenisse. Et de hac quidem re haftenus dictum sit. Quemadmodū autem huic

huic omnibus bellis fortuna plurimum arrisit & obsecundata est, adeo ut omnia fausta & prospera concesserit, ita sane in hoc plurimum aduersata, quod videlicet nullum suorum præclarissimorum facinorum, preconem nactus fuerit, qui eius res gestas pro dignitate explicaret, easque literis ac posteritati committeret. Constaret siquidem, ipsum, bellica virtute, felicitate, rerumque gestarum gloria & magnitudine, neque Hannibali, aut Scipioni, neque Pyrrho, & Alexandro Magno, nec denique ulli Græcorum aut Romanorum Cæsarum, qui à militaribus operibus laudem & commendationem retulerit, fuisse secundum: sed horum plerosque etiam celebriores, adæquasse, aut longo intervallo post se reliquisse. Ceterum, sicuti olim de Spartanorum sub Themistocle insigni duce, gloria dictum est, ipsam scilicet, cum eo altam ac educatam floruisse, & mox eodem humanis rebus substracto, extinctam & oblitteratam, ita profus de hoc celeberrimo Scytharum Imperatore dici potest, cum præsertim filios reliquerit paternarum virtutum nulla ex parte æmulos, & inter se mutuis, ut diximus, dissidiis laborantes, quo sane factum est, ut tantum imperium quam citissime euauerit. Nam vnaquæque prouincia & regnum à Tamerlano subactum, ipso mortuo, vel ad suos priores dominos & Principes rediit, vel sibi novos asciuit. Et in Persia quidem, ipsi Tamerlano succcessit Assembeius, Hasuncasan cognominatus, vnus de quatuor familiis, quarum supra fecimus mentionem, de quo paulò inferius sermonem institutam: sed iam tempus est, ac rei ordo exigit, ut ad res Ottomannicas reuertamur. Baiazetes, ut dictum est, quamplurimos liberos post se reliquit. Nam, præter illum, quem in Sebastæ expugnatione amisit, superstites illi fuerunt complures alij, quorum nonnulli ex prælio euaserunt, quidam verò, ut Celebinus & Mustapha, ab imminente periculo fuere à patre submoti, ne, si quid fortè sibi humanitus contingeret, cum tota prole simul dubiæ & incertiæ fortunæ aleam subire cogerentur. Horum natu maximus dicitur fuisse Iesus, qui & Iosias, Mulsumanes, Moses, Mahometes, quem Cyrisclebeim, & Cyrum, & Celebinum vocant, Mustaphas, & Hali. Iosias de procerum & copiarum, quæ à bello superfuerant, consensu, principatum adeptus, à Mulsumane fratre quem adiuuerunt Græci, in Cappadocia acie victus, quarto à clade patris anno, regnum & vitam perdidit. Idem Mulsamanes circa Epyros dimicauit cum altero fratre Mose, quem Tamerlanus cum patre captum dimiserat, & deuicit ope & auxilio Ismaëlis Principis Synopæ, ex vetustis Turcarum familiis oriundi, sed tandem propter ignauiam, ebrietatem, & voluptuariam vitam imperio excidit. Nam Chasanes peregrinorum dux & Brenezes, qui præerat Europæis equitibus, statim ab eo descuerunt, ad Mosén transfugientes: At Mulsumanes, intellecta peregrinorum ac equitum defectione, rectà Byzantium fugiens contendit, animo agitans, Græcis Byzantiij regnum tradere, ut hinc in Asiam transgressus, Asiæ res commodius adoriretur. Cum autem huiusmodi sententiam animo volueret, cognitus est à Turcis in via quæ itur Byzantium, hi quæ statim in vnum collecti, ceperunt Mulsamanem viuum, & captum ad Mosén abduxerunt, rati, se hoc munere illi plurimum gratificaturos. Moses fratrem ilico necari iussit: Turcos verò, qui fratrem comprehenderant, & comprehensum ad se adduxerant, omnes cum liberis & vxoribus, adeoque cum vniuersa familia igne cremauit, dicens, eos impia commi-

*Certamina
inter Baia-
zetis filios
regnandi
causa.*

*Mulsamanes
à fratre Moy-
se obtruncat-
ur.*

Exemplum
singularis
seueritatis.

Moyſes inter-
ficiſtur à Ma-
homete Ce-
lebrino.

Iſthmus à
Turca com-
munis.

Nauale præ-
lium inter
Venetos &
Turcas.

Venetorum
victoria.

Pax inter
utroſque.

ſiſſe, ac proinde meritò, cùm Regi ſuo violentas manus intulerint, has pœnas perpetrati ſceleris luiſſe. Hæc autem incidit in annum ſalutis milleſimum, quadringenteſimum, duodecim. Ipſe interim recepit regnũ, & in Aſiam tranſiens, eam formam Aſiæ rebus induxit, quæ videbatur Aſiæ regnum firmiſſimum & tutiſſimum effectura. Deinde abiit, Aſia relicta, ſtatuens obſidione cingere Byzantium. Inter hæc, Mahometes, Caramanni è Cilicia opi- bus innixus, contra Moyſen exercitum duxit. Hic exercitũ inſenſum Moyſi propter tyrani- dẽ & triculentiã, cùm ad ſe pellexiſſet, deſerto à ſuis, captoq; guttur corda arcus elicit, uſitato gentis Barbaricæ ſupplicio. Turci ſua lin- gua impuberes Regum procerumque filios Celebinos nominant: ſed Græcis Celebini nomen incognitum eſt. Mahometen illi nominant. Hic itaque, alio nomine Celebinus dictus, capto & necato fratre Moyſe, vti diximus, pater- num imperium arripuit, eiſque præfuit annos duodecim, Græcorum Anna- les referunt, ipſum, amicitia iuncta cum Emanuele Byzantio, bellũ in Aſiam tranſtulit aduerſus Iſmaëlem Synopæ principem, qui Moyſen fratrem in- ſtruxerat, & huic, bello fracto, ademiſſe prouectus annuos, quos ex venis me- tallicis illarum regionum longè vberrimos habuit, atque ita bellum pace commutatum. Emanuelem verò pauciſque poſt diebus, Iſthmum, vt olim Peloponneſij, Xerxis tempore fecerant, ne pateret ea parte irruptionibus Turcorum, muro cinxiſſe, quem Hexamilum nominarunt, eò quòd in his anguſtiis, quæ Ægæum mare Ioniumque diſterminant, inter ſinus duos Co- rinthiacum & Megaricum in ſex milliarium ſpaciũ fuerit porrectus, ac Pe- loponneſum totam (hodie Moræam vocant) ita incluſerit, vt eam, velut in- ſulam effecerit. Per foſſionem enim Iſthmi antea à Demetrio Rege, Iulio Cæ- ſare, Nerone, & Herode Attico aliquoties fruſtrà cœptam, tẽtare denuò irri- to conatu noluit. Non multò poſt, diſcordia inter ipſum & Venetos exarſit, qua impuſus, Venetis bellum indixit, propter regionem quæ Ionium ſpe- ctat: cui, miſſis exercitibus, maximam vaſtitatẽ inducebat. Veneti, miſſa legatione, vt nihil æqui impetrare poterunt, animos quoque in id bellum ſumma vi intenderunt. Ventum eſt igitur ad nauale prælium, & iuxta Calli- polim vtrinque inſtructa acie, datoque ſigno, ſtrenuè dimicatum, eo tandem ſucceſſu, vt Veneti, Petro Lauretano duce, viro rei militaris peritiſſimo, qui prius in expeditione aduerſus Genuenſes, rebus fortiter geſtis, maximã ſibi gloriam comparãrat, captis tredecim nauibus, plariſque tamen vacuis, cùm Turci, conſpecto diſcrimine, ſe in mare abiicerent, & in continentem enata- rent, reliquis in turpem fugam conuerſis, præclara atque inſigni victoria po- tiretur. Nec multo tempore interiecto, legationes vtrò citroque miſſæ, inter utroſque pacem iſto fœdere ſanxerunt: Mahometes interim Græcorum Im- peratorem, Græcoſque omnes mirificè colebat, eoſque ſibi omni beneficio- rum genere demerere atque obſtringere annitebatur, eò quòd Muſtapham, Baiazetis filium, quem tamen ipſe pro notho & fratre ſuppoſitio agnoſce- bat, eiufdem imperij æmulum, captum Therma, dum ad Græcos auſugeret, Palæologus, in arce Epidauri, vt illi gratificaretur, vinculis amãdari iuſſiſſet. Sic enim Rex per ſuos oratores, pactum inierat cum Mahomete, qui iubeba- tur, Muſtaphã in carcerem conicere, nec quoquam illinc abire pateretur. Cum eo fuit etiam captus Smyrnæ Dux Zunaites, qui vnã cum ipſo Ther- man.

mam aduenerat, vt illi in bello aduersus Mahometum socius & coadiutor adesset. Vterque igitur in gratiam ipsius Mahometi captiuus asseruabatur, & vbi iam diu Epidauri fuissent detenti, postea perducti fuere in Imbrum & Lemnum, vbi etiam, vsque ad Mahometis obitum, in carcere captiui delituerunt. Proinde cum Græci hac in re Mahometo, id summopere efflagitanti, morem gessissent, factum est, vt in posterum quæcunque vellent, facile ab eo impetrarent, ipsique interea summa quiete ac tranquillitate fruerentur.

Rebus in Oriente ita sese habentibus, Sigismundus Imperator, partim vt cladem Nicopolitanam sibi à Baiazete anno supra millesimum trecentissimum nonagesimo quinto inflictam, vlcisceretur, partim etiam, vt Christianum orbem in pristinam libertatem assereret, & puriorem doctrinam propagaret, occasione inprimis arrepta ex presenti statu & conditione rerum Turcicarum, cum ipse Baiazetes à Tamerlano, funestissimo prælio deuictus, miserrimum humanæ infelicitatis exemplum præbuisset, eoque in miserrima captiuitate viuis subtracto, ipsius liberi, intestinis simultatibus atque discordiis mutuò laborantes, alter alterum, regnandi causa cruentissimo bello impeteret, excitis Vngaris & Bohemis, arma in Mahometem valida magis quam felicia conuerit. Ambo exercitus hostiliter congressi sunt ad Columbaciū Seruianorum oppidum, non procul à Danubij ripis, vbi Sigismundus non clementiori fortuna vsus est, quam sub Baiazete huius patre, cum maximo Christiani nominis detrimento expertus fuerat, anno antequam septemuirum suffragiis atq; vnanimiconsensu ad imperium euectus esset. Tunc enim tam improspere ac infelici Marte à nostris dimicatum est, vt Sigismundus exutus castris, & omnibus ornamentis spoliatus, vix euaserit ex hostium manibus, parua nauicula Byzantium delatus, vbi incidit in classem Venetam, qua mox in Italiam reductus fuit. At Iohannes, Philippi Audacis Burgundi filius, qui cum lectissimis equitum cataphractorum turmis, & maximo procerum comitatu, Sigismundo opem ac suppetias allaturus in castra venerat, cum paucis ducibus viuus in potestatem hostium deuenit, cui proiecto ad pedes, ac salutem suppliciter deprecanti, respondit Baiazetes, se vitam ei libenter concessurum, ob id, quod iuuenis, & regio sanguine editus esset, sed reliquos captiuos ad vnum omnes, præter quinque proceres carceris comites, in conspectu ipsius trucidari iussit. Burgundus interim, Adrianopolim perductus, multo auro libertatem redemit, & sic tandem, ceu postliminio ad suos remigrauit. Hæc in præsentiarum de Celebino, siue, vt alij vocant, Calépino, eiusque rebus gestis.

Huic, anno sui regni duodecimo, vel, vt quibusdam aliis videtur, decimo sexto, humanis rebus exempto, Mahometes imperij moderamen suscepit. Hic, eiusdem Baiazetis filius fuisse traditur. Quidam verò negant, licet affirmant, fuisse vnum ex Ottomannica familia, estq; magna opinionum varietas & discrepantia inter Græcos & Latinos de Baiazetis filiis & de illorum successione. Quidam tribuunt Baiazeti filios duos, Orchanem cognomento Calépinum, seu Celebinum, & Mahometen, qui, fratre intra biennium obtruncato, regnum occupauit: & huius Mahometis filium faciunt Amurathem secundum: Nonnulli plures Baiazeti ascribunt filios, sed etiam ratione & commemoratione diuersa: Alij duos tantum, Celebinum, & Mustapham, & vicissim

*Sigismundi
expulso ad-
uersus Tur-
cos.*

*Eiusdem
clades.*

Mahometes
primus.

cissim Celebino filios tribuunt Orchanem & Mahometem primum, de quibus hoc commendarunt posteritati, Orchanem adhuc paruulum, auxilio ducum quorundam imperium assumere annitentem, à Mose patruo interfectum, sed Mosem, rapto Principatu, non diu potitum, pœnasque dedisse patricidij Mahometi Orchanis fratri. Apud Græcos, Orchanis mentio nulla est, quibus maior pars eruditorum assentiri videtur, & ego hîc potissimum secutus sum Laonicû, inter cæteros scriptores Græcos minimè contemnendum, nec postremi nominis auctorem. Verùm enimuero de his vnicuique suum esto iudicium. Mahometes imperium adeptus, Saracenos, Gordianos, Persas, Cappadoces, variis præliis fudit, nomenque Turcorum ita celebre reddidit, ut Europæ gentes illud quàm maximè reformidarent. Siquidem Ottomanicum regnum, tum armis & diligentia, tum dolo & astu, terra marique, non modò incolume tenuit, verumetiam plurimû propagauit. Valachos asperimo bello attriuit, adeo ut his deinceps grauissima tributa imperarit, & primus traiccto Danubio, multas ciuitates tributarias fecit, Macedoniamque bello domuit, & Turcorum signa ad Ionium vsque pelagus promouit. In Asia verò quàm plurima loca à Tamerlano occupata recepit, & plurimos Turcicæ nationis regulos ex diuersis Prouinciis pulsos, funditus extirpauit. Contra Lydos & Cilices multa præclare gessit: Sedem imperij habuit Adrianopoli, quæ Thraciæ caput est. Plærique, cõstitutum habitum cum Sigisfinundo in campis Columbacenis, huic potius, quàm Celebino attribuit. Decessit anno Christi supra millesimum quadringentesimum, decimo octauo, postquam rebus Turcicis cum maxima sui nominis, & domus Ottomanicæ gloria, quatuordecim, siue, ut alij volunt, septemdecim annos, præfuisset. Reliquit vnicum filium Amurathen, imperij successorem.

Eiusdem
obitus.

Amurathes
secundus.

Amurathes Mahometis filius, cum primû adiiisset imperium, in eam securam totum contulit, ut clade aui, belloque intestino filiorum inclinati, sed audaci conatu successuque patris erecti iterum, ac nonnihil confirmati imperij fines longè lateque proferret, & Christianos Dynastas ac Regulos assiduis bellis vrgendo, inde summueret, penitusque deleteret. Id eius consilium cum animaduertissent Byzantini, quibuscum Mahometes pacem coluerat, Mustapham, eius patruum qui adhuc in Lemno, licet non admodum arcta custodia, tanquam captiuus asseruabatur, in pristinam libertatem asserere, ac eius partibus adhærere constituerunt. Cæterùm hi, quibus hoc negotij atque oneris demandatum fuerat, ut eum illinc reducerent, diuersis ventorum flatibus, qui transitum ab Lemno in Hellespontum violenter eo tempore auferebant, iactati, triremibus & maritimo apparatu Propontidè & Hellespontum intercludentes, aliquandiu Amurathis traicctum in Thraciam interceperunt. Ipsi interea, Callipolim, Chersonesi urbem, rerum omnium copia & abundantia affluentem, ut ibi in colloquium cum adueniente Mustapha venirent, adnauigarunt. Quem, ubi Regem Europæ pronunciarunt, petentes, ut sibi restituerent Callipolim, facillè impetrarunt. Hîc quidem Græci præ nimia leuitate ac imprudentia semetipsos resque suas planissimè perditum iuere, parumque absuit, quin regia ciuitas ab hoste expugnata, diriperetur. Nam, licet Mustaphæ primis conatibus fortuna satis prospera videretur, quippe qui Græcorum armis Europam adeptus, captaque Adrianopoli, in

haud

haud mediocrem spem venerat, fore, vt etiam deuicto Amurathe, Asię imperio potiretur, nihilominus tamen paulò post, longè aliter euēnit. Cū enim Amurathes, misisset legatos Byzantium, & legationis summa esset, vt si Imperator Ioh. Palæologus, deserto Mustapha, in suas partes transfirer, illū, quicquid peteret ab Amurathe, consecuturum, tamen si longa cunctatione nihil tandem impetrassent, in castra tamen reuersi, rumorem sparserunt, quasi sua legatione effecissent, vt Græci quamprimum sibi auxilio venturi essent. Hęc fama cū volaret in castris, effecit, vt nocte quæ infecuta est, Zunites Smyrnæ Princeps, & reliqui duces, veriti, ne Græcis occupantibus Hellespontum, transitu in Europam intercluderentur, parum fidentes fortunæ Mustaphæ, ipso relicto, aufugerunt. Is verò, vt animaduertit, suum exercitum dilabi atq; dissolui, sibi quoque tandem timens, præcipiti fuga se ad mare proripuit. Amurathes, vt primum dies illuxit, castra aduersariorum vacua & deserta apprehendens, statuit, Mustapham per omnia oppida & vrbes quascunq; adiisset, quàm celerimè insequi. Cæterum is iam hostem præuenterat, transfretando Calliopolim. Amurathes interim nactus nauim Ligusticam, quæ fortè illuc paulò antè appulerat, paciscitur cum nauclero, vt se cum peregrinis & Ianuæ militibus, & cum reliquo agmine in Europam traduceret. Pro mercede ipsi gubernatori soluit maximam pecuniam, & omnino quantam petiisset, illam impigrè numerando. Et in hunc modum cum suis copiis vniuersis in Europam transuectus est. Mustaphas, simulatque comperit Amurathis in Europam transitum, seque in maximo vitæ discrimine animaduertit, fratre vbique imminente, circumspiciens locum, vbi exitium cuitaret, ex fuga se contulit in montem, quem incolæ Togantum nominant. Eò secutus est Amurathes, nec desinebat omnia indagare, vt eum caperet. Cū autem quasi verriculo lustrasset, & indagine circumdedisset locum, in quo eum se occultare suspicabatur, sub arbusco latitantem offendit. Cuius, vbi viuis in manus venerat, guttur corda ex arcu elisa, fracta, suffocatur. Interfectus est Mustaphas, cū regnasset in Europa annis ferè tribus. Amurathes vbi vtrāq; continentem in potestate redegit, Rex creatus est. Nec multò post, expeditionem sumpsit aduersus Byzantium & Græcos, eo tamen successu, vt, licet aliquandiu cum ingenti exercitu Byzantium obsedisset, & admotis vndique machinis militaribus, plurima damna oppidanis intulisset, ipsis tamen sese fortiter ac strenuè defendentibus, non multis diebus post, re infecta, domum redierit. At Græcus Imperator, se vndique hostili agmine circumfessum vidēs, misit oratores ad Amurathem, quibus supplex pacem ac fœdus petebat. Sed legati, nulla re prorsus impetrata, Constantinopolim reuersi sunt. Amurathes interim, peragrata Thessalia, acceptisque in deditionem vrbibus, quæ Byzantino Imperatori reliquæ erant, mox Thessalonicam illustrem Græcorum ciuitatem, quæ tum in fide ac potestate Venetorum erat, urbem antiquitate, amplitudine, pulchritudine, amœnitate loci, religione, artibus & studiis, opibus, opportunitate situs terra mariq; ad sinum Thermacium in extrema Macedonię ora, frequentia populi, & ciuium dignitate insignem, vi expugnatam & captam, penitus diripuit. Tempa pulcherrima & ditissima expilauit, sacra profanauit, opes ornamentaq; perantiqua exhaust. Quæ clades incidit in annum millesimum, quadringentesimum, trigessimum octauum.

Stratagema.

Mustaphas,
relictus a suis
proceribus,
aufugit.Idem cōpre-
hensus, mox
interficiunt.Byzantium
frustra obsi-
detur ab A-
murathe.Thessalonica
expugnatur
& diripitur
ab Amura-
the.

*Mustapha
interficiunt à
fratre.*

*Prosperi suc-
cessus Amu-
rathis.*

*Ioh. Castrio-
tus.*

Scanderbeum

*Croia, &
omnis pater-
na ditio à
Scanderbeio
recepta.*

uum. At Græci, desperata pace, sibi que in tam prospero Amurathis successu, haud parum metuentes, de communi omnium consensu Mustapham eius fratrem, annum agentem tertium decimum, & tunc apud Caramannum Cilicem exulantem sub tutela & cura Alibæi purpurati, cui filium impubere Mahometes moriens commendarat, accersuerunt. Hic armatus à Græcis, Nicæam Bithyniæ urbem cepit: sed in ea oppressus ab Amurathe prodicione sui curatoris, simili, quo alter Multapha, supplicio vitam perdidit. Laconicus tradit, Græcos tandem, missis nouis legationibus, pacem ab eo exorasse, hac in primis conditione, ut videlicet Isthmum diruerent, & nihil in posterum, sicuti hactenus fecerant, rerum nouarum molirètur, atque ita pacem inter utrosque coiuisse. Hoc tractu rerum, Amurathes, summa quadam proferendi imperij cupiditate incensus, & suorum Maiorum fortia facta bellicis operibus non tantum æquare, sed multo magis superare contendens, sublati, ut dictum est, imperij æmulis, captaque Thessalonica, mox Tomaro & Pindo, montibus transcensis, continuo victoriæ cursu, Phocidem cum Attica, Bœotiam, Ætoniam, Acarnaniam, & omnem citra Peloponnesum regionem usque ad sinum Corinthiacum incredibili celeritate perdomuit. In Epiro, & ea parte Macedoniæ, quæ ad Adriaticum vergit, Albaniam nomine hodie celebris, regnabat Iohannes Castriotus. Hic, ut vim belli Turcici, quam se non posse sustinere prospiciebat, eluderet, his conditionibus pacem ab Amurathe impetrauit, ut cederet Croia Illyriorum oppido non ignobili, & obsides daret filios tres, Constantinum, Reposum, & Georgium, inter quos Georgius qui tum erat nouem annorum, cum indole regia animi, & forma corporis emineret, neque obscura summi futuri ducis indicia vultu gestuque corporis præberet, tantam apud Amurathem inuit gratiam, ut eum in aula regia liberaliter educari, ac literis & moribus Turcicis ad Mahometanæ legis disciplinam instrui curauerit, & propter ingenij præstantis, atque expediti consilij vigorem, qui in certaminibus ludicris conspiciebatur, miramque vim corporis proceri atque robusti, quo superabat cunctos æquales, Scanderbeum, id est, Alexandrum Magnum cognominari, & propemodum ante ætatem militarem in Asiam aduersus Caramannum Cilicem miserit, quo bello cum aliis rebus fortiter gestis, tum deuictis atque prostratis duobus ex hostili exercitu prouocatoribus in singulari certamine, vno Scythæ pedestri, altero Persæ equestri, eam consecutus est nominis celebritatem, ut deinceps bellica laude, & singulari Amurathis gratia facile ceteros antecurreret. Hac fretus deinceps, mortuo patre, petiuit sibi ditionem paterni imperij concedi. Petitioni etsi annueret Amurathes, tamen cum rem astute duceret, Georgius se ludificari sentiens, dedit operam, ut perfidum hostem falleret vicissim, cumque insigni calliditate solertiaque in Epirum euassisset, & per adulterinas literas Croiam spontanea deditione, & reliquos Epiri ac Macedoniæ populos recepisset, coactis copiis non magnis, sed summa voluntate militantibus, fines sui imperij ita tutatus est, ut per multos annos Amurathis & Mahometis penè inuictos exercitus profligarit. De huius autem rebus domi forisque gestis, præterquam quod plurimi scriptores meminerint, extat peculiare opus, ideoque ab eorum commemoratione superfedebo, sicuti etiam ab his recensendis, quæ prædictus Amurathes in Bulgaros & Seruos egerit,

egerit, deque illius infelici expeditione in Pannoniam contra Vladislaum regem, cum Belgradum per septem menses frustra obsideret. Adhuc, silebo, quoties illius maximi ac potentissimi exercitus ab Hunniade, inuictissimi animi ac roboris duce, profligati ac propemodum deleti fuerint, & quibus deinde conditionibus pax tandem inter vtrunque Regem inita fuerit, & paulo post, suasu Eugenij Pont. & Iuliani purpurati, ab Vngaro perfide violata, quod sane ut ipsi extremum exitium peperit, ita etiam vniuersum eius regnum in maximas erumnas & calamitates coniecit. Hæc autem Christianorum clades in Varnensi planicie, incidit in annum millesimum quadringentesimum quadagesimum quartum. Porro hanc futuram Christianæ Reip. calamitatē præcessit terræmotus, qui eā regionē horribili fragore cōcussit, & impetus ventorum ingenti turbine commixtus, pleraque vexilla deiecit. Quin etiam ferunt, equum Regis ascensuro insolite oblectatum: quas insuper expeditiones suscepit anno eiusdem sæculi quadagesimo octauo, paulo ante ipsius obitum in Epiro & Macedonia aduersus Scanderbeium, atque itidem in Vngaria contra Hunniadem, prudens sciensque prætereo, cum hæc omnia eruditissimorum virorum monumentis consignata sint, ne à meo instituto longius euagetur sermo. Amurathes fati concessit Adrianopoli, postquam vitæ quintum ac septuagesimum annum, potentia verò quartum ac tricesimum expleuisset. Laonicus auctor est, ipsum obiisse in conuiuio, ictum apoplexia, quam nimia vini conciuerat copia: & subiungit, eum fuisse virum iusti æquique eximium cultorem. Vsum esse fortunæ aura non admodum aduersa. Prouocatum, ut se defenderet, bella occepisse, laceffitum, confestim in armis fuisse. Iniuriis non irritatum, bellum ægrè suscepisse. Illud verò hinc minimè silentio inuoluendum esse censeo, hunc scilicet, fuisse primum ex Ottomannis, qui ordinem militum Prætorianorum, exemplo Phalægis Macedonicæ, instituerit, quorum opera incumbens hostium equitatum reprimere, & audentiùs oppidorum oppugnationes aggredere. Hoc militum genus, ut in Ægypto Mamalucorum, Christianis parentibus ereptum, delectumque cum iudicio & accuratè exploratum, iisdem sacrorum legibus imbuitur, & in iisdem belli artibus, quibus Turcos à prima statim pueritia erudiri mos est. Ianizaros Amurathes, id est, ut vocabulum interpretantur nonnulli, nouæ gentis milites appellabat, educatosque in aula, & ascitos in cohortem prætoriam, perpetuos corporis sui custodes stipatoresque efficiebat. His pro galea erat peculiare capitis tegumentum, quod Exarcolum vocant, colore album, ex coacta crassiore lana densatum, adeo ut gladiis sit impenetrabile. A tergo latior cauda demissa ceruices muniebat, à frōte ornabatur aureo vel argenteo cono, qui cristas sustineret. Sagittis, hastisque, & paruis securibus rem gerebant. Sed ætate nostra, hastis arcubusque, abiectis, imitatione nostrorum scloperis vtuntur. Fuerunt ab initio in ea phalange non plus quam octo millia, sed eam post, successores, animaduersa vi atque industria peditū, duplicato ferè adauxerunt. Prædicti Ianizari habent octo aspros, alter plures alio, & sunt in decurias distributi, quarum decurio ac præfectus vocatur Odabassi, id est, magister hospitiorum. Centuriæ autem Boluibassi, quod significat ducem centuriæ. Decurioni stipendium est quadraginta asprorum. Centurioni sexaginta; hi verò equites eunt. Vestiuntur præ-

Hunniades.

Varnensis
clades.

TERRAMOTUS.

Amurathis
obitus.Ordo Tan-
zarorum ab
Amuratho
institutus.

terea Ianizari quotannis bis panno cæruleo, & qui inter ipsos mariti sunt, vxoribus cohabitant, reliqui verò locantur in certarum platearum certis ædibus, ipsis Constantinopoli assignatis, & vnà viuunt octoni, deni, duodeni, & plures, qui tenuiore stipendio aluntur, aliis seruiunt, qui verò liberaliore, æquales portiones ad expensas conferunt. Porro cùm Ianizari consenuere, nec amplius vtilis sunt custodiæ, mittuntur in arces atque castella pro excubitoribus, & appellantur Assärer; sed Decuriones ac Centuriones senio confecti, custodes & præfecti dictorum locorum, stipendium ex ærario recipientes, æquiualens illi quod antea habuerunt. Ex hisce Ianizaris cētum & quingenta Solachler eliguntur, à Græcis nominati Solachi, qui similiter pedites eunt, cingentes latus Principis, & stipendium diurnum ad viginti aspros recipientes. Et duo ipsorum capitanei dicti Solachbassi, tricenos, subiecti Agæ Ianizarorum. Significat autem Solachler sinistrum, sic dicti, quòd gestent suos acinaces in latere sinistro. Horum Ianizarorum ducem vocant Ianissaragam, aut simpliciter Agam. Aga verò ipsorum lingua sonat baculum, qui pro stipendio diurno mille aspros habet, & sex millia ducatorum quotannis ex ærario, quod Tymar vocant. Estque in tanta auctoritate & existimatione, vt sæpius filias, aut sorores magni Imperatoris in matrimonium ducat, & sub se habet Checayam, id est, Vicarium, quotidie ducentos aspros recipientem, & Iannissariazigi, id est, scribam Ianizarorum vocatum. Sunt qui dicant, Ianizarorum nomen deriuari à voce Cham, quā illi pronūciant Tham, & dominum, aut Principem significare, hac voce Ieser, quod Sclauum, id est, seruum denotet, non quidem de grege illorum, quos vendunt, & emunt (hos enim appellant Cout, & Coulet) sed ex numero eorum, qui sunt destinati ad seruitia magni Imperatoris. Quatenus verò ad Phalangem Macedonicam attinet, cuius exemplo Amurathem, hunc ordinem Prætorianorum instituisse diximus, plurimi veteres scriptores meminerunt, & vix aliud quicquam maioribus laudibus extulere. Hanc Eustathius lib. iiii. Iliados, ex centum & viginti militibus constare dixit. Vegetius autem lib. ii. Macedones atq; Græcos in vna phalange octo millia armatorum habuisse scribit. Cæterum, Ælianus in libello De instruendis aciebus, inexpugnabilem intolerabilemque semper hostibus fuisse Macedonicam phalangem, tradit, cuius milites hasta & scuto armabantur. Quam rem mira facundia, & verborum proprietate depingit libro ab v. c. xxxi. Liuius, inquiens: Erant pleraque syluestria circa, incommoda phalangi maxime Macedonum, quæ nisi vbi prælongis hastis, velut vallum ante clypeos obiecit (quod vt fiat, libero cāpo opus est) nullius admodum vsus est. Hanc phalangem paulò post, idem Liuius Macedonicū cuneum, & ipsos Macedones, sæpè Phalangitas appellat. Neque facile erat, inquit Liuius, disicere, aut perrumpere Phalangem, quòd eius confertæ, & intentis horrentis hastis, intolerabiles vires essent. Hoc etiam Ælianus, vt paulò antè dictum est, adstruebat. Sed de euolutione Macedonica idem Ælianus agit, eandemque Macedonum inuentum esse refert, sicut & Lacedæmonicam euolutionem, Lacedæmoniorum. Et de his quidem hætenus dictum sit. Porro alicui fortasse videbor in his rebus commemorandis, quæ à Tamerlano, atque familia Ottomannica domi forisque gestæ sunt, extra suscepti operis metas longius euagatus. At spero hæc omnia curioso atque

Aga præfectus Ianizarorum.

Nomen Ianizarorum unde deriuentur.

Phalanx Macedonica.

auido lectori nullo modo ingrata futura esse, meque etiam ob id nullam iustæ reprehensionis notam subiturum, cum præsertim Tamerlanus, inter cæteras prouincias & regna, etiam Persicum imperiû, sicuti antea recensuimus, inuaserit, & inter ipsos Persas & Ottomannos, persæpe atrocissima & cruentissima bella, cum maxima & funestissima vtriusque gentis clade exorta fuerint. Nam, licet vtræque natio Mahometicis sacris adhæreat, plurimû tamen inter se differunt opinionum varietate, dum alij, aliis sanctiores videri volûnt, & sui vatis legem atque arcana pro suo quisque arbitratu interpretari. Huc etiam accedit ambitio & regnandi cupiditas, quæ mortalium animos in præceps rapit. Quocirca huius amplissimæ ac potentissimæ domus origo mihi explicanda fuerat, & de his Regibus, qui tantum imperium propagarunt, vt aliquid in medium afferrem, ipsa me argumenri series admonebat, quò res Persicæ multò clarius atque apertius intelligi possent.

Defuncto Amurathi Mahometes secundus, vicesimum ætatis annum à ^{Mahometes secundus.} gens, in imperio successit, & extemplò sui regni primordia & administrationem à parricidiis more illius gentis auspicatus est, duobus eius fratribus, Tursine, & Calepino, quorum alter mensem decimum octauum, alter verò sextum attigerat, è medio sublati: tametsi complures affirmant, pro hoc ultimo Amurathis fratre supposititium alium tyrânò oblatum, genuinum verò Calepinum, Byzantium translatum, postque, vrbe capta, subtractum, & Venetias primû, deinde Romam Calixti Pont. mandato fuisse deductum: inde cum percepto dogmate Christiano, nomen Christianum baptismo esset professus, in Germaniam ad Fridericum III. Imperatorem venisse, & apud eum honorificè habitum, atque annuis redditibus donatum, reliquum ætatis in Austria transegisse. Mahometes interim, ad imperium euectus, primò disciplinam militarem omnem ita veteri Græcorum lege ad præmia & pœnas reuocauit, vt quamplurima emendarit in bellica ratione maiorum, addiderit multa, artificia noua conficienda, vbi opus esset, pecuniæ, & locupletandi ærarij, nouosque omnis generis armorum apparatus, excogitarit. Primus Ottomannorum naualia, Venetos imitatus, instituit & ordinauit. Nonnulli asserunt, primam eius expeditionem fuisse contra Scanderbeium, & Croiam vrbe cum octuaginta millibus hominum obsedis, eo tandem exitu, vt rebus infectis, nec sine aliqua clade, domum redierit. Ceterum, Laonicus Chalcondyla memoriæ prodidit, eum, paulò post adeptum imperium, aduersus Caramannum, Turcicas Prouincias deuastantem, ex Adrianopoli transgressum in Asiam, arma mouisse, ad cuius duentum dicit, ipsum Caramannum, deserta regione, sese in montium cacumina recepisse: verum postea legatos misisse, quibus offerebat restitutionem Cædelori, & se fore promptum ad ea quæ imperaret; moxque pace impetrata, ipsum in fœdus ac societatem admissum. Illud verò inter cætera notatu haud sanè indignum referunt, ipsum videlicet Mahometem, Caramannico bello confecto, illinc reuersum, cum venisset Calliopolum, peregrinorum numerum, qui nò in eam expeditionem venerant, inquisuisse, ac eorum ducem, Hagiapasem, flagellis cæsum, ea dignitate priuasse, Hagiapasem pœnas illas propterea dedisse, quòd Regi contra Caramannum pergenti, non indicasset, quinam adessent, quive abessent. Septem millia virorum fuisse, qui curabant accipitres regios, quos

Byzantium
expugnatum
à Mahomete.

Belgradum
frustrà oppu-
gnatū à Ma-
homete.

Christianorū
victoria
duce Huni-
ade.

Eiusdē obitus
& virtus.

Assimbeius
Vsumcassanes
quomodo
ad Persarum
imperium
diuenerit.

isto ex ordine deturbauit, & milites esse iussit. Etiam canum curatores ab hoc munere submouisse, cum diceret, sibi sufficere centum viros, qui canes, & quingentos, qui accipitres curarent. Nec se eo stultitiae processurum, ut velit alere hominum tantam multitudinem, propter rem quandam vanam & nouam. Post haec, Mahometes cum ingenti exercitu, atque omni bellico apparatu statuit oppugnare Byzantium, eoque terra & aquis grauissima obsidione pressio, tandem post quinquaginta quatuor dierum obsidionem, potitus est, caeso Constantino Palaeologo, ut supra in huius mentione exposui, & hoc pacto antiquissimum Orientis imperium euersum. Tertio anno post captram Constantinopolim, Belgradum, urbem Pannoniae, quam vocant Handeralbam & Albam Graecam, Vngari Chrieslerth, ad Sauum Danubiique confluentem, opportunissimo loco & natura & arte munitissimo positam, nec non totius regni propugnaculum, cum centum & quinquaginta millibus hominum armatorum obsedit & oppugnauit, eo quidem successu, ut tandem post continuum & maxime cruentum duorum dierum praelium, in quo, praeter ingentem suorum cladem, (siquidem ferunt ex Turcico exercitu ad qua draginta millia virorum fuisse desiderata,) ipsemet, accepto in pectore sub leua pupilla vulnere, ferimè exanimis concideret, ab ea expeditione recesserit. Haec autem insignis & preclarissima Christianorum victoria habita est ductu & auspicio Huniadis, octauo Idus Augusti, & anno Salutis supra millesimum quadringentesimum quinquagesimo sexto, ipsaque obsidio in quadagesimum diem producta fuit. Caterum Huniades, quarto Idus Septembris eiusdem anni, non sine maxima totius Christianae Reip. calamitate, placido exitu ex hac vita decessit. De cuius quidem inclyta virtute, rebusque fortiter ac praclare gestis, praestat silere, quam pauca loqui. Namque aduersus duos audacissimos ac felicissimos tyrannos, Amurathem, & Mahometem, diuina ope Pannoniam defendit, & propterea fuit appellatus Fulmineus terror Turcorum, fuitque totius reliquae Europae murus, cuius vnus virtus & felicitas (quae laus etiam Scanderbecho, eadem tempestate inuicto, & clarissimo duci, iure merito tribui potest) tyrannorum impetus repressit, velut obiecta mole exundans flumen, nec quisquam regum, aut ducum, res maiores, & Europae vtiliores aduersus Turcos, quam hi duo heroes, alter in Pannonia, alter vero in Macedonia & Epiro iisdem temporibus gessit. Verum enim uero Mahometes, contra aduersus fortunae ictus infractum animum gerens, ineunte vere, omissis ad tempus terrestribus bellis, praualida classe maris Aegaei insulas inuadere constituerat. Sed cum maritimum bellum moliretur, ab hoc eum consilio & conatu auertit Vsumcassanes ex Assimbeia Turcica stirpe, Cappadociae, Armeniae, & vicinarum aliquot regionum dominus. Hunc Baiazetes cum bello persecutus, Armenia expulisset, ipse ad Tamerlanum Scytharum ac Persarum Regem confugit, & cum patre Casane illius castra secutus est, & post, patre in dominatum suum restituto, apud haereditas Tamerlani & nepotes, utrunque Tzochien, magnis fidei, gratitudinis, ac virtutis argumentis editis, eorundem auxilio, defuncto patre, Armeniae partem obtinuit, modicisque copiis, ut erat excelsi animi, saepe fudit hostes innumeros, & ad regnum Persarum aspirauit. Tzanises autem, qui Persas, pulso Tamerlani nepote Tzochio filio Tzochiis, regebat, hominis incrementa mi-

rum in

rum in modum suspecta habens, per legatos ipsum monuit, ambitioni tandem vt finem poneret, contentusque tranquillè viuere, quàm aliorum tentare vires malit, ni hostis Persarum declarari velit. Hac legatione irritatus Vsumcassanus, legatos prouincia excedere iubet. Tzanises in ipsum ingentem exercitum ducit. Is verò, tametsi opibus & militum numero longè inferior, strenuè tamen ac fortiter cum hoste congressus, illum in acie superauit, & hoc modo, pulsus Tartaris, Persarum imperiū ad Turcas deuenit, nec paruas post victorias de Sagataianis, quibus præerat Busechus, anno 1470. retulit Casanus. Sunt verò qui memoriæ tradiderint, ea tempestate regnasse in Persia Malaonchrem, siue vt alij vocant, Demirum, aut Geunfam, ex vetusta prosapia Gempse, magni apud Parthos Sultani, quem Vsumcassanus bello deuicerit, eaque ratione Persarum regnum inuaserit. At prior sententia veritati magis consentanea videtur, cum certò cõstet, Tamyrem, regno Persico potitum esse. Fieri autem potest, vt alius fuerit Princeps in Persia, aut Parthia, qui cum Tzanise, aut ipsius filijs eodem tempore contendebat. Vsumcassanus igitur, nec regia stirpe satus, nec amplis opibus subnixus, licet ex nobilissima familia oriundus, ad summam potentiam propria virtute, ac iure belli peruenit, vtque in ea sese magis constabiliret, cum Dauide Comneno Trapezuntis Imperatore inito fœdere, affinitatem contraxit, eiusque filiam Despinam in matrimonium duxit. Posthæc, legatos misit ad Mahometem, afferentes dona amplissima, deprompta ex thesauris Persicis ad ostentanda victoriæ præmia, qui flagitarent, vt abstineret Trapezunte, & Cappadocia, quas sibi regiones dotalitio nomine vendicaret. Nuper enim Amasia Præfectus, facta in Cappadociam irruptione, Trapezuntem terruerat. Turca, impatienter ferens, & leges sibi ferri, & quasi insultari in calamitate recenti ab inferiore domino, simulque offensus noui Regis felicitate & gloria, belli apparatus omnem terra marique in Asiam nulla mora interposita, transtulit, præmissaque parte classis in Pontum, & Synopem versus Trapezuntem, ipse cum terrestri exercitu secutus, incredibili celeritate Asia ceu peruolitata, opinione omnium citius contra Vsumcassanum castra fixit. Vbi Vsumcassanus bino, & vtroque acerrimo conflictu, semel ad Euphraten, pugnante Amurathe Bassa Græco homine, olim Imperatoris Constantinopolitani consanguineo, qui in eo prælio, victus concidit: iterum Mahomete ipso pro castris Turcicas vires vehementer attriuit: sed, dum teritiò summi certaminis fortunam periclitatur ad Arsengam, multitudine tormentorum obrutus, infelici exitu superiores victorias corrumpit. Nam, cum exercitus Persicus insolito fragore displosarum bombardarum atque violentia turbatus, non consisteret, recipere sese Vsumcassanus coactus est, amisso filio Zemalde, seu Ezeimeld, vt alij vocant, qui ænea glande traiectus occubuit. Vsumcassanus, vbi fortunam prorsus in Mahometis partes inclinasse animaduertit, ex prælio, quod quidem ante Meridiem inchoatum, fermè vsq; ad Solis occasum continuauit, cum parte copiarum, quæ supererant, aufugiens, Taurisum incolumis reuertitur, eumque mox alter filius nomine Vnghermaumet, subsecutus est, & confestim sese in montes recepit, nihil ausus interea mouere, quamdiu Mahometes in Persia subsisteret. Turci Persarum castra inuadunt, omniaq; impedimenta diripiunt, nec vltra hostes persequi ausi sunt. Fuit victoria hæc satis

Quomodo
Persarum im-
perium ad
Turcos de-
uenit.

Vsumcassani
legatio ad
Mahometem.

Prælium in-
ter Mahome-
tem & V-
sumcassanum

Persarum ca-
stra a Turcis
direpta.

speciosa : sed Turcis multò calamitosior, quàm Persis. Apud quosdam scriptum reperio, eo die, ex Ottomannico exercitu ad quatuordecim, & nonnulli etiam asserunt, ad quadraginta millia : ex Persico, ad decem millia, nec amplius desiderata. Regias copias in hac expeditione fuisse armatorum, trecenta & quinquaginta millia: Ottomanni verò exercitum trecenta & viginti millia expleuisse. Mahometes, quoniam hostem castris atque impedimentis exuerat, eius cessionem pro victoriæ confessione interpretatus, mox Synopen Prouinciæ caput, omnemque Paphlagoniam subegit. Trapezuntem regiam sedem, terra marique infestissimè oppugnatam, cœpit, potitus & thesauris regis, atque ipso Rege Dauide Comneno, filiiq; duobus, & filia, quam postea in suum cubiculum accersuit, & Calo Iohanne patruela, quos præmissos Byzantium ad triumphum, deinceps quàm crudelissimè interemit, excisa cum his tota Comnenorum stirpe, circiter annum Christi supra millesimum quadragesimum, quinquagesimum nonum, regnumque illud, & vniuersam Colchidis regionem, cum redeisset in formam prouinciæ, Pyrameno Caramanno eodem victoriæ cursu debellato, Ciliciam ademit. Nec post tam insignem victoriâ Mahometes ab armis quieuit. Quin potius, reuersus Byzantium, ea classe, quam priori anno in Propontide pararat, Lemnum & Lesbum insulas expugnauit, Mitylene vrbe propè deleta, & tota insularum multitudine Byzantium, velut in alteram coloniam, abducta. Nicolaum Catalusium Lesbi Principem, patricium Genuensem, immaniter trucidauit. Metellinum hodie insulam appellant, olim Genuensium, nunc Turcorum. Cæterum, quas deinde aduersus Draculam Valachrorum Principem, Bosnenses, Illyricos & Venetos, expeditiones suscepit, quòve exitu illæ terminatæ sint, auidus lector ex aliorum scriptis facillè haurire poterit. Pace postremo cum ipsis Venetis firmata, mox vno eodemque tempore, tres expeditiones suscepit. Mesithen purpuratum è gente Palæologa, ad oppugnandam Rhodum cum valida classe præmisit. Acomathem Bassam iussit transire in Italiam ad occupandum cum vrbe Roma imperiū Occidentis; & ipse transit in Asiam. Harum expeditionum is fuit exitus, vt Mesithes, post multas & cruentas, sed irritas oppugnationes, trucidatis suorum circiter nouem millibus, & quindecim millibus vulneratis, ab oppugnatione, quæ vndenonaginta dies durauit, Petro Dabusonio pro Christianis propugnante, cum summo dedecore ac detrimento classem reduxerit. De hac Rhodiana oppugnatione Gulielmus Carusinus Rhodiorū Magistri, vt vocât, Cancellarius, & Bernardus de Breidenach Cōmentarios diligētissimè cōscripserunt. Acomathes, ex Aulone in Salëtinis trāsuectus, Hydrum, siue Hydruntū (vtròque enim modo à Plinio dicitur) Apuliæ ciuitatē, in ipsis Italiæ finibus sitā, post vnius anni & aliquot mensium atrocē atque horrendā obsidionē, vi expugnauit, ibiq; nullum crudelitatis aut immanitatis exemplum prætermisit. Tantaque protinus tota Apulia, vel potius vniuersa Italia, consternatione ac terrore concussa est, vt multi mortales de ea deferenda, vtpotè de qua tum omninò actum videretur, consilium inierint: & ipse quidem Pontifex Sixtus, rerum aliarum omnium oblitus, sed sui memor, fugam ex vrbe adornauit. Hæc clades incidit in annum eiusdem æui octogesimum primum, quo Mahometes, in Asiatica profectioe apud Nicomediam repentino coli dolore correptus, extremum vitæ

Imperium
Trapezuntis euersum.

Comnena
familia ex-
tinguitur à
Mahomete.

Cilicia ob
eodem occu-
pata.

Catalusii à
Mahomete
deleti.

Rhodus à
Turcis frus-
trā tentata.

Hydrum à
Turcis ex-
pugnatum.

vite diem tridui cruciatu festinata morte clausit, anno ætatis quinquagesimo tertio, siue, vt nonnullis placet, quinquagesimo octauo, regni tricesimo secundo, v. Non. Maij, magno Reip. Christianæ commodo. Nam præsidia Turcica, quæ tenebant Hydruntum, ab Italis ope Matthiæ Coruini obsessa, vbi mortem sui Principis cognouissent, nõ expectato reditu Acomathis, qui viginti quinque millia Turcorum adducebat, inchoatum victoriæ cursum profecutus, illa ergo, pacta cum obsidentibus de vrbe deditione, & sua incolumitate, Hydruntum reliquerunt: Ita tunc Italia hoc tanto discrimine liberata est, simulque Christianus orbis hoc immanissimo tyranno, qui, post Byzantij expugnationem, Trapezutinum imperium, Asiæ minoris regna penè duodecim, viginti Prouincias, & ducentas vrbes Christianis ademit. Incremento tantæ felicitatis inflatus, Magnus Turcorum Imperator ex rerum gestarum magnitudine appellari voluit, iamque ad totius orbis imperium aspirabat. Callebat quidem, vt memoriæ à nonnullis proditum est, astrorum scientiam. Dicebat hoc & diuino nutu, & fatorum dispositione, ac siderum positione futurum esse. Didicerat Græcè, Latinè, Arabicè, Chaldaicè atque Persicè loqui. Nouerat etiam illustrium virorum gesta, præcipuè Cæsarium, Magnique Alexandri: quorum factis valdè accensus, hos omnino sibi sequendos atque imitandos proposuerat. Erat excelsi atque inuicti animi, ingenio plurimum pollebat, calliditate atque astutia cæteris præstabat. Decreueratque, prius perdomita Italia, Romam proficisci, eamque sibi subiicere, sed in primis Epirum sibi expugnandum dictitabat: qua, ad id peragendum, vt voti sui compos fieret, nihil aptius, nihil commodius aut opportunius videri, nec aliunde, aliòve modo, se, ad quod instituerat menteque conceperat, posse peruenire, cum propter loci vicinitatem, tum etiam rerum omnium maximam commoditatem. Proinde nihil intentatum reliquit, vt ea potiretur. A matre Despotæ Seruiæ filia, ad Christiana præcepta & mores cum esset à teneris assuefactus, mox horum oblitus, ita se ad Mahometis sacra contulit, vt neutri religioni addictus, prorsus *ἀθεός* ageret, nec nisi vnum bonæ fortunæ numē agnosceret atque coleret: irridere sollicitas cogitationes hominum de Prouidentia credentium, Deo curæ esse res humanas. Hic Imperator, Constantinopoli palatium construxit, ædificatum in primo colle, è regione Scutoris, & in promontorio Bosphorico situm: vbi & Acropolis antiqui Byzantij, & Regum Constantinopolitanorum fuit. Eius amplitudo muris fortissimis inclusa, mediocrem urbem faciliè æquat: sylua cupressorum, platanorum, arborumque fructiferarum vndique cingitur. Ante domum Regis tres portæ altissimæ sunt, de marmore albo & serpentino. Duæ priores custoditæ à ianitoribus plurimis, & tertia, per quam ad regiam aditus patet, Eunuchis. Intra has portas duo atria longè lateque patent. In quorum priore officinæ quædam regię sunt, famulique magnatū equitando se exercēt, dum suos dominos operiuntur. In altero, Senatū Bassarum dum Imperator habet, præcipua exercitus pars in ordine stat, singuli complicatis manibus, tantoque silentio, vt ne verbum quidem exaudiat. Intra septum regium, præter templum antiquum, quod paruam Sophiam vocant, aliud ædificiū Græcum non videtur: & in horto Regio columna porphyritica, capitulo Corinthio, quod ex mari circumnauigantibus cōspicitur. Ædificiorum regionum

Mahometis
obitus &
natura.

Descriptio
palatii Con-
stantinopoli-
tani.

*Christiana
fidei confes-
sio exhibita
Mahome-
to II.*

structura satis magnifica & sumptuosa est, ex marmore vario, plumbo tecta, ut & omnia templa, Xenodochia, & pleraque hospitia Turcica, pavimentum interioris ædis, tapetis pretiosissimis, de auro ductili, opere Persico, stratum est: laquearia inaurata: fenestræ lapidibus pretiosis ornata. Caterum priusquam proximo libro manum adiiciam, operæ pretium fore existimaui, si hæc subiungerem confessionem fidei, quam Gennadius Patriarcha Constantinopolitanus post captam primùm à Turcis urbem, ipsi Mahometi flagitanti exhibuit. Interrogatus enim ab Amera Sultanus Mechemet: Quid creditis vos Christiani? Respondit in hunc modum:

Credimus, quòd Deus est conditor omnium, quæcunque sunt, ex nihilo, ut essent: & quòd neque corpus est, neque corpus habet: sed vivit intelligibiliter: & est mens optima, & perfectissima, & sapientissima: incompositus est, carens principio, nec habens finem: est in mundo, & supra mundum: non est in ullo loco, & est in omni loco. Hæ sunt proprietates Dei, per quas separatur ab ipsius creaturis, & aliæ similes.

Est sapiens, & bonus, & verus, & quascunque præstantias habent ipsius opera ex parte, ipse habet solus, & excelsiore modo: atque illas ipsas perfectiones habent creaturæ, quia ipse dareas creaturis suis, & quia bonus est, etiam ipsius creaturæ bonæ sunt; quia sapiens, sapientes: quia verus, veræ, & quæcunque similiter: nisi quòd Deus principe loco habet ea; creaturæ per participationem.

Credimus, quòd in Deo sunt aliæ tres proprietates, quæ sunt quemadmodum principia & fontes omnium aliarum proprietatum ipsius, & per has tres proprietates vivit Deus, sempiternè in seipso: & antequam ab ipso crearetur mundus, & per ipsas condidit mundum, & per ipsas gubernat eum. Atque has tres proprietates appellamus tres hypostases: & quia hæ tres proprietates non diuidunt vnā & simplicissimam substantiam Dei, propterea est Deus, & cum proprietaribus his, & vnus Deus, & non sunt tres Dij.

Credimus, quòd ex natura Dei oriuntur verbū & spiritus, quemadmodum ab igni lumen & calor: & quemadmodū ignis, etiā si nō sit, quod illustretur & calefiat ab ipso, tamē ipse ignis semper habet lumen & calorem, & emittit lumen & calorem; sic & antequā conderetur mūdus, erant verbū & spiritus, efficacitates Dei naturales, quoniā Deus mens est, ut antè dictum fuit: atque hæc tria, mens, verbum, & spiritus, vnus est Deus, quemadmodum anima hominis est mens, & verbum intelligibile, & voluntas intelligibilis, & tamen hæc tria reuera secundum substantiam vna sunt anima. Præterea verbum Dei nominamus sapientiam Dei, & potentiam, & filium eius, quia est soboles naturæ eius: & quemadmodum sobolem naturæ hominis nominamus filium hominis: & quemadmodum cogitatio animæ eius: ita etiam in diuinis hisce. Præterea nominamus voluntatem Dei, spiritum Dei & dilectionem: ipsam verò mentem nominamus patrem: quia ipse est ingenitus & causæ expers: causa verò filij & spiritus. Quia igitur Deus non intelligit tantum creaturas suas, sed magis intelligit & nouit seipsum, & propterea habet verbum & sapientiam, per quam intelligit seipsum propriè, similiter neque vult & diligit tantum opera sua Deus, sed vult & diligit seipsum multò magis: ideò sempiternè progrediuntur ex Deo verbum & spiritus ipsius, & sempiternè sunt in ipso:

ipso: atque hæc duo cum Deo vnus sunt Deus. Credimus, quòd Deus per Verbum sapientiæ & potentiæ suæ condidit mundum, & per Spiritum bonæ voluntatis suæ & dilectionis præuidet, & gubernat, & mouet omnem naturam in mundo ad bonum secundum ordinem cuiusque naturæ: & propter hoc credimus, quòd quando voluit Deus per solam misericordiam suam conuertere homines à deceptione dæmonum & cultu idolorum; (quoniam, præterquàm in exiguo loco Iudæorū, in quo adorabatur & credebatur vnus Deus ex lege Moyſis, reliquis vniuersus terrarum orbis venerabatur creaturas malè, & multos Deos, qui tamen nulli sunt, loco vnus, & veri, & vitam debebant secundum proprias quisque cupiditates, & non secundum Dei legem:) tunc fecit Deus huiusmodi instaurationem hominum per Verbum, & per sanctum Spiritum suum, & propterea Verbum Dei induit humanam naturam, vt tanquam homo cum hominibus versaretur, tanquam verò Verbum Dei & sapientia, doceret homines credere in vnum & verum Deum, & vitam instituere secundum legem, quam ipse dedit: atque iterum vt homo, vt daret suæ vitæ rationem exemplum doctrinæ suæ: primus enim ipse seruauit legem, quam dedit hominibus: tanquam Verbum Dei & potentia, possit instaurare pulcherrimum bonum, quod vellet, siquidem fieri non poterat, vt vnus hominis potentia orbis terrarum conuerteretur ad Deum, atque ita per Verbum seminauit veritatem omnipotens & inuisibilis Deus in Hierusalem: per Spiritum autem suum illustrauit & confirmauit Apostolos suos, vt sererent ipsi veritatem in vniuersum mundum: & vt contemnerent mortem per dilectionem Dei, qui ipsos miserat, & per dilectionem salutis mundi secundum exemplum IESU, qui vltro mortuus est, secundum id, quod humanum erat, vt seruaretur mūdus. Sic credimus nos vnum Deum in trinitate, Patrem, Filium, & Spiritum sanctum, quemadmodum nos docuit dominus noster Iesus. Et siquidem est verus, credimus, quòd est & ipsa veritas: atque discipuli eius ita largiūs nos docuerunt: ita intelligimus & à potentia sapientiæ.

Credimus, quòd verbum Dei & homo, quem induit Verbum Dei, est Christus, & quòd vita Christi in carne ipsius erat vita hominis sanctissimi, sed sapientia potentiæ & operum eius, erat Dei potentia.

Credimus, quòd quemadmodum anima & corpus est vnus homo, ita verbum Dei ab vna parte, & ab alia parte anima & corpus, sunt semper duæ naturæ distinctæ perfectè in vno homine. Sic & humanitas & deitas sunt in Christo distinctæ natura perfectè: secundum hypostasim tantum & personaliter vnitæ: & neq; verbum Dei mutatum est in carnem, aut animam Christi, neque caro Christi, aut anima eius conuersa in verbum Dei: sed erat, & est in Christo post mirificentissimam dispensationem illam, Dei verbum, verbum Dei: humanitas, humanitas: & quod non accepit humanitas verbi Christi deitatem, sed deitas verbi Dei assumpsit humanā naturam, quæ consistit in eo, quòd assumpta est. Quodcunque est in Deo, naturaliter Deus est, quia non est in Deo accidens: ac propterea intelligibile verbum Dei Deum nominamus & credimus; & quia hoc verbum Dei erat in Christo, propterea Christum, Deum & hominem confitemur: hominem propter animam & corpus; Deum propter verbum, quod in ipso est, Dei.

Credi-

Credimus, quòd verbum Dei est in Christo, & in mundo, & in cælo, & in Deo, & in patre, idcirco verbum Dei est infinitum, quemadmodum & Deus est infinitus, generans ipsum, hoc est, cogitans, & infinitam potentiam habet. Verùm in Deo secundum aliũ modum, & in Christo secundũ aliũ, & in mundo secundũ aliũ.

Credimus, quòd cùm Deus communicat bonitatem suam, & gratiam creaturæ alicui, nequaquam ipsi decedit, sed magis magnificatur: quoniam ex virtute creaturarum excellitas Dei manifestatur: & quantò præstantior efficitur creatura, maiore communicatione bonitatis ipsius; tantò magis bonitas Dei & dilectio erga homines, & potentia ostenditur. Quapropter bonitas Dei & dilectio erga homines magis magnificata est ex eo, quòd ipse Deus cum omnipotentia sua in Iesum Christum venit, quàm quod misit in Prophetas vnam suam gratiam, aut duas, atque in alium Prophetam minorem, in alium maiorem.

Credimus, quòd Christus crucifixus & mortuus est propria voluntate, propter multas & magnas vtilitates, ad quas explicandas multis verbis opus foret: atque omnia hæc secundum id, quod humanum in eo erat, sustinuit. Namque verbum Dei neque crucifigitur, neque moritur, neque resurgit: quinimmo excitat ipsos mortuos, quemadmodum & excitauit carnem, quam gestabat.

Credimus, quòd Christus cùm resurrexisset, assumptus fuit in carlos, & iterum venturus cum gloria, vt iudicet mundum.

Credimus, quòd animæ hominum sunt immortales, & quòd corpora sanctorum resurgent incorruptibilia, lucida, agilia, neque cibi indiga, neque potus, neque vestimenti, neque aliæ cuiuspiam corporeæ voluptatis: & quòd animæ, atque corpora eorum, qui bene crediderunt, & bene vitam egerunt, migrabunt in Paradisum; impœnitētium verò, improborum, & infidelium, in supplicium: & quòd Paradisus sanctorum & fruitio est in cælo; supplicium verò improborum in terra: & quòd fruitio sanctorum nihil aliud est, quàm quòd perficientur eiusmodi animæ ad cognitionem, & tunc contemplabuntur mysteria Dei, quæ nunc non agnoscunt, nisi per fidem solam.

Quamobrem autem necesse erat verbum Dei & Deum incarnari, sunt necessariae & multæ rationes, & cùm erit necesse, parati sumus eas reddere: post verò illas rationes certificant nos de veritate fidei nostræ hæc septem.

Quia prædixerunt prophetae Iudæorum, quos nos acceptamus, Iesum, & quæcunque fecit, & quæcunque facta sunt, & quæcunque fecerunt deinceps discipuli eius ipsius potentia: similiter prædixerunt & oracula Græcorum concessione Dei, & astronomi Persarum, & Græcorum, idque cum prædicatione Iesu.

Quia scripturæ fidei nostræ consonant in omnibus: quòd qui ea scripserunt, habuerunt vnum doctorem, gratiam Dei. Hoc enim, nisi esset, in aliis quibus dissonarent.

Quia acceptauerunt talem fidem, licet nouam & admirabilem, homines magno studio vbiq; gentium, cumque multis periculis: neque solum priuati, sed etiam prudentes & sapientes: ac propterea euerfa est perfectè deceptio dæmonum.

Quia

Quia fides hæc nihil continet impossibile, neque minus sibi inter se congruum, neque corporale, sed omnia spiritualia: & est via ducens animas hominum in dilectionem Dei, & futuræ æternæ vitæ.

Quia quotquot acceperunt hanc fidem & vitam, egerunt cum virtute secundum legem Christi, acceperunt magna dona à Deo, & virtutes fecerunt multas, quod non euenisset, si hæc fides esset falsa.

Quia quæcunque dicunt aliqui aduersus fidem hanc, facilè soluere possumus, & cum bona ratione & liquida.

Quia cum fide hac bellum gesserunt, multis suppliciis & cædibus Reges orbis terrarum quàm plurima secula: qui multos Deos habebant, neque quicquam profecerunt, sed vicit fides, & manet in hodiernum diem, & ubi venerit dominus, inueniet ipsam: & nisi esset fides hæc de voluntate Dei, euersa tum fuisset facilè. Ipsi Domino nostro Iesu, Deo vero gloria, Amen.

Hæc nos de fide nostra breuiter asseueramus. Translata autem hæc ipsa fuerunt ex Græco idiomate in Arabum linguam ab Achomad Kadde Berhœensi, nato patre Machumet, Tzelepe scriba.

Haftenus de Mahomete II. Turcarum Imperatore. Nunc mihi sermo ad res Persicas flectendus est, & nonnulla de Vsumcastano Persarum Rege paulò altius repetenda, quod quidem insequenti libro, diuina gratia suffragante, non minori fide, quàm sedulitate ac studio exequar.

HISTO-

HISTORIÆ RERVM PERSICARVM

LIBER DECIMVS.



Vsumcassanus Persicum regnum inuadit.

Calixti Ro. Pont. & Venetorum legatio missa ad Vsumcassanum.

Fœdus inter Venetos & Regem Persarum. Eiusdem legatio ad Venet. & Rom. Pont.

VPERIVS à nobis demonstratum est, anno humanæ salutis supra millesimum ducentesium octogesimo, septem principes viros regna inter se compartitos, ex quibus deinde, quatuor præcipuæ familiæ, reliquis oppressis, supremum imperium sibi vendicarint, nempe Assimbeios, Candeloros, Caramannos, Otomānos; exq; Assimbejis natum esse Vsumcassanum, qui præfectus Armeniæ maioris, ab indigenis patrio idiomate Diarbec vocatæ, cum Malonchre Partho, siue, vt alij volūt, Tzanise Turcarum Rege confligit, eoq; in acie contrucidato, Perside potitus est. Hæc autem vox Vsumcassani magnum sonat virum, seu Heroem aliquem. Vbi iam verò, sublati æmulis, Persarum imperium adeptus est, mira eius proferendi cupidine ac studio inflammatus, Syriam & Ægyptum inuadere constituerat: sed Calixtus Pontifex ad eum oratores misit, multisq; rationibus cohortatus est, vt bellum in Turcos verteret. Circa idem fermè tempus, etiam Veneti post Eubœam insulam amissam, Catarinum Zenum, virum patricium, & equestris ordinis, ac eximiis animi corporisq; dotibus insignem, ad eundem ablegarunt, qui publico nomine apud eum legationis munere fungeretur, ac enixè operam daret, vt inter ipsum, & Venetam Reipub., fœdus ac societas coiret. Nec sanè incassum res mota est, mōx fœdere vtrinq; inito & confirmato. Persa deinde quatuor præstantes viros, quorum nomina fuerunt Azimamet, Morat, Nicolaus, & Chefarsa, ad præfatum Pontificem ac Venetos expedituit, qui eos admonerent, suum Principem ad opprimendum Ottomannum in expeditione esse, & iam eius duces cum haud cōtemnendis copiis Armeniam minorem, Ottomanno subditā, inuasisse, necnon Tocatum, validissimam urbem eiusdem regionis, & nonnulla alia oppida cepisse: Adhæc, subiicerent, Persas, equis & viris satis superq; abundare. Hos etiam hasta, ense, ac sagittis, ad pugnam idoneos. Cæterum, reliqui instrumenti bellici ignaros atque expertes esse. Proinde ab eis maiora tormenta & militares machinas ad expugnandas vrbes, & ad summouendum eminus hostem necessarias, postulerent. Quod nisi ea quoque parte, qua Ottomannus maximè abundare dicebatur, à sociis & confederatis iuuaretur, fieri non posse, vt tutò ac feliciter cum hoste confligeret. Veneti, & Persica legatione, & literis Catarini Zeni, sui apud Regem oratoris, commoti, ac persuasi, magnum numerum tormentorum cuiusque generis pararunt. Vasa etiam ex auro & argento conuiuialia, Parisini operis, egregiè cælata, multum panni lanei tenuissimi, multum serici vermiculo tincti, auroq; intertexti, ad regium vsum, omnia Regi Persarum dono daturi. Præterea cētum iuuenes, qui bellica tormenta exercerent, delegerunt, iisq; Thomam ex Imola oppido Flaminia, quod olim Forum Cornelij dicebatur, oriundum, præfecerunt. Postremò, ad hæc Regi deferenda, oratorem designarunt virum itidem patricij ordinis, Iosephum Barbarum, non minus atate, quàm prudentia & consilio grauem,

grauem, ac Perfici idiomatis neutiquam ignarum. Tum omnia parata in tres naues magnas imponunt, quæ, etsi remis aguntur, onerariæ potius, quàm actuariæ dicendæ sunt. Habent enim Veneti huius generis naues multas, quas rerum commutandarum gratia, ad multas Prouincias quotannis mittere consueuerunt. Quibus paratis, orator Venetiis soluit, ac Cyprum appulit, vt illinc commodè, cum Vsumcastanus ad maritima Ciliciæ aut Syriæ venisset, dona ei offerret. Fama enim diuulgarat, proxima ætate Regem ad ea loca profecturum esse. Deinde ex Senatus decreto, iniunctum est Petro Mocenico, Venetæ classis nauarcho, vt ad omnia Vsumcastani mandata præstò esset, quæque maximè cordi Regis fore existimaret, cæteris rebus posthabitis, summo studio ac diligentia procuraret. Mahometes interea, non solum fama excitus, sed per exploratores de magnitudine copiarum, & de aduentu Regis Persarum planè edoctus, vltra non esse sibi cessandum ratus, bello se instruit, atque hosti quàm primùm occurrere statuit. Proinde collecto ingenti exercitu, rebusque omnibus ad tantum prælium gerendum necessariis, probè dispositis ac præparatis, illum ex Thracia in Asiam traiecit. Ipse etiam, prius Byzantijs valido præsidio cum minore filio relicto, armatas copias ad occurrendum hosti subsequitur. Quis autem fuerit huius expeditionis exitus, & quonam euentu vtrinque armis dimicatum sit, anno videlicet supra millesimum quadringentesimum quinquagesimo septimo, paulò antè à nobis demonstratum est. Anno eiusdem æui septuagesimo secundo, Vsumcastanus iterum cum eodem hoste commissò prælio, felici Marte confligit, multaque oppida & vrbes illi ademit, quod maximum ac æternum nomen ipsi Assimbeio in Orientis partibus peperit. Rursus, proximo anno, leuibus præliis ad tria millia ex Mahometis exercitu fudit. Cæterum insequenti ætate, longè aliam fortunam expertus est ad Euphratem fluuium, siue vt alij volunt, iuxta Tabendam, quæ hodiè Toccata dicitur, in campis Anserinis, vbi conflictu habito cum parte aduersa, victus est, & ex suis, ad sex, siue, vt alijs placet, octo millia & octingentos amisit. Ex quibus, Mahometes domum rediens, in singulis locis, vbi statua habuit, quingentos eorum per medium secari iussit, & insepultos abigi atque dispergi, totamque Armeniorum regionem hoc atroci & horribili funerum spectaculo impleuit, maximum terrorem vbique incutiens. Memoriam proditum est, Mahometem, simul atque accepit de fœdere percussio inter ipsum Assimbeium ac Venetos, eum, legatione missa, plurimum obtestatum esse, ne Turcorum Imperatorem nouo bello impediret, quò minus Christianum nomen deleret: Quòd si nulla re alia moueretur, communis fidei necessitudo tanti apud eum esse deberet, vt non modò non interpellaret tam pulchrum negotium, sed enixius etiam iuaret. His autem sic fuisse responsum, Mahometem, quem ipsi sequerentur, id in primis lege sanxisse, vt, quæ semel promissa essent, ex fide seruarentur: se Romano Pontifici, Venetoque nomini pollicitum, sanxisseque in id fœdus, vt Turcos terra & mari persequeretur: annixurum proinde se totis imperij viribus, vt sibi fidem constare, omnes intelligerent, quàm alienæ genti fœdere obstrinxisset, atque ita oratores dimissos.

Proximè recensuimus, Iosephum Barbarum à Venetis cum muralibus machinis, multoque bellico apparatu in Persidem ablegatum: sed, dum is in
 e Ciliciam

*Varij consilij
 habiti
 inter Otto-
 mannos &
 Persas.*

Præcipua
causa belli
inter Vsum-
cassanum &
Mahometē.
Caramania,
olim Cilicia,
vnde appel-
lata.

Prælium in-
ter duos fra-
tres Cava-
manos.

Mos Turca-
rum.

Pirametus
confugit in
Persiam.

Mahometis
victoria ad-
uersus Pira-
metum.

Ciliciam appulsus, longiorem moram traheret, conflictus habitus est, priusquam Persa ex his militaribus præsiidiis quicquam fructus ac emolumentum percipere potuisset. Præcipua verò causa huius atrocissimi belli, fuit potissimum propter regnum Ciliciæ, quod uterque omnibus studiis atque artibus affectabat. Hæc regio antiquitus dicta est Cilicia: sed postea fuit appellata Caramania, à quodam Regulo Arabo, cui nomen fuit Caramanus, à quo, longa successione recta que linea multi deriuarunt, eorumque postremus fuit Turuanus, qui genuit septem liberos, inter quos, ut fit, regnandi cupiditate ac æmulatione exorta discordia, & commisso prælio, quinque illorum interfecti sunt, & duo superstites remansere, videlicet Abrainus, & Pirametus, quorum prior, clientum atque amicorum auxilio subnixus, regnum occupauit, & alter Byzantium ad Mahometen confugit, à quo benignè exceptus, & militaribus auxiliis instructus, fratri bellum intulit, eo quidem successu, ut post longum atroxque certamen, editum anno supra millesimum quadringentesimum sexagesimo septimo, inter Carasar, & Æsar eius regionis municipia, Pirametus superior extiterit. Abrainus, dum sibi fuga salutem parat, equo excussus, ruptoque pectore, statim expirauit. Pirametus potitus victoria, biennium duntaxat pacificè imperauit. Cum enim inter Turcos moris sit, antiqua consuetudine recepti, ut omnes Dynastæ ac Reguli Ottomannico imperio subditi, saltem semel in anno, honoris atque humilis obsequij gratia, Turcorum regem adeant, eique honoraria, quisque iuxta suos redditus & dignitates, exhibeant, ipsique vicissim à Turcico Imperatore nequaquam indonati abeant, ipse vtrunque facere neglexit. Paruo tempore interiecto, cum Mahometes illius operam in bello quod aduersus Christianos gerebat, petiisset, nihil prorsus obtinuit, adeò ut his rebus grauissimè indignatus, statim arma in illum verterit, & magnam partem sui regni ademerit, eique Mustapham Celebinum, suum filium secundogenitum præfecit, cui etiam pro maiori tutela ac securitate validum præsidium reliquit, & quotannis aliquem præfectum cum supplemento ad eum misit, ut reliquam partem eius regionis occuparet. Pirametus, cum se viribus ac robore militari longè inferiorem esse animaduertit, ubi nonnulla oppida & arces firmis præsiidiis communiuisset, in Persiam ad Vsumcassanum confugit, à quo liberaliter atque amantè exceptus, breui exercitum, in quo erant quadraginta millia hominum armatorum, duce Iusufo, viro admodum strenuo ac in bellicis operibus exercitato, impetrauit. Quibus copiis fretus, mox, festinatis itineribus ad urbem, ab indigenis patrio sermone Toccatum appellatam, pertuenit, omniaque ferro & igne depopulatus, cuncta horribiliter deuastabat. Circa idem tempus erat in Cilicia Mahometis filius, quem diximus illuc missum à patre una cum Agmato purpurato ad expugnandas vrbes & loca munitiora, quæ adhuc Pirameti imperium agnoscebant. Cum hoc igitur paulò post congressus, primo feliciter pugnavit: sed tandem commutata fortuna, victoria ad Turcos inclinavit, in eoque prælio, præter multos vtrinque vulneratos atque interfectos, captus est Persarum dux, & plerique alij procures atque illustres viri. Pirametus, omnibus castris ac impedimentis exutus, fuga sibi consuluit, & in Persiam reuersus est. At Constantinopoli propter hanc victoriam, plurima lætitiæ signa passim ædita fuerunt, & Mahometes, suo filio & decurioni-

bus ac

bus ac primipilarum præfectis, ob rem prosperè ac feliciter gestam, amplissimæ dona transmisit, quò, ad reliqua perficienda, tantò alacriores redderetur.

Inter hæc, Veneti, ut Regis animum confirmarent, simulque ipsum ad nouas expeditiones erigeret, anno eiusdem seculi septuagesimo tertio, Ambrosium Contarenum, virum cum à generis nobilitate, tum à singulari prudentia, consilij rectitudine cæterisque virtutibus quàm maximè commèdatum, oratorem destinarunt. Et hæc quidem tertia Venetorum legatio extitit. Porro hi omnes à Rege Persarum benignissimè atque humanissimè excepti fuere, in primis verò Catarinus Zenus, qui partim ob ingenij dexteritatem atque solertiam, partim etiam propter affinitatem, quæ illi cum regina Persarum intercedebat, in summam ipsius Regis familiaritatem deuenerat. Siquidem David Caloioannes Imperator Trapezuntius, præter Despinam quæ nupsit Vsumcassano, ea tamen conditione, ut, cum esset Christiana, eandem religionem sibi profiteri liceret, quod quidem Rex ipse ut se facturum receperat, sic etiam re ipsa fidelissimè præstitit, adeò sanè, ut quamuis vterque diuersis cultibus Deum coleret, religionis tamen diuersitas, raro quodam exemplo, coniugalem beneuolentiam & charitatem, nulla ex parte imminuerit, habuit aliam filiam, quæ locata fuit in matrimonium Nicolao Crespo Duci maris Ægæi, ex qua sustulit quinque femellas, quæ ubi adoleuissent, totidem Venetis patricij ordinis, & in ea Rep. opibus ac dignitate tunc maximè florentibus, matrimonio copulatæ sunt, quarum primam duxit uxorem N. Cornarius, ex qua deinde nata est Cyprij regina, & Georgius Cornarius. Secunda, nomine Lucretia, nupsit in familia Priuli, & tertia, quæ dicta est Violantes, Catarino Zeno, cuius hîc mentionem facimus. Hic, tandem peracta legatione, & ab eo Rege amanter atque honorificè dimissus, nomine eiusdem Regis aliam legationem apud Casimirum Poloniæ, & Matthiam Coruinum Hungariæ Reges obiuit, ut eos vicissim ad opes ac suppetias ferendas incitaret, eaque fideliter ac sedulò expleta, in patriam, ceu postliminio rediit, ubi à Senatu, atque vniuersis ciuibz maximo applausu ac summis honoribus exceptus est.

Vsumcassanus, præter bella quæ gessit cum Ottomanno, expugnauit etiam Sarochum nepotem magni Tamerlani, qui apud mare Caspium Sarimocantem urbem proximam Amazonibus tenebat: Hiêselem, Babyloniam Regem, cum toto exercitu superauit: Ægypti Sultanum in latissima planitiâ iuxta Orpham ciuitatem acerrimo prælio deuicit, eumque ob formidinem ad fœdus ineundum compulit: Adhæc, Cappadoces, Armenos, Georgianos, Mesopotamios, finitimosque populos omnes subegit, eratque dominus Persarum, Parthorum ac Medorum, & fermè totius Orientis, eiusque nomen per vniuersum terrarum orbem longè lateque inclaruerat. Dum verò contra Ottomannum nouam expeditionem molitur, Vnghermaumet eius filius, iuuenis præcelsi spiritus, utque paternarum virtutum, sic etiam eiusdem imperij æmulus, à patre defecit, eiusque defectionis præcipua causa Curdi, qui montanas regiones incolunt, extitit. Hi enim Vsumcassano parum fauere, ut inter ipsum ac eius filium mutuæ similitudines ac discordiæ oriretur, per omnia loca passim diuulgauerunt, Regem vita defunctum esse. Proinde cum his rumoribus Vnghermaumet faciles aures adhibuisset, quippe qui ad imperium

Venetorum
nona legatio
ad Vsumcassanum.

Vsumcassani
victoria, ac
potentia.

Vnghermaumet
filius
Vsumcassani
à patre deficiens,
inualis
regnum Persarum.

rium totis animis anhelabat, confestim, cum ex his militaribus cohortibus, quas sibi pater, pro Bagadet, olim Babyloniae, simulque finitimae provinciae quam vulgò Bierberam vocant, tutela atque praesidio assignarat, tum etiam ex Curdis, quorum ingens multitudo ad eum confluerat, iustum exercitum coegit, & mox urbem, ab incolis Seram appellatam, & sitam in finibus Persiae, occupavit. Quo audito, Vsumcassanes, nulla mora interposita, cum suis praetorianis militibus versus ciuitatem, cui nomen est Leras, festinatis itineribus contendit. Haec ubi Vnghermaumeti nuntiata sunt, & Curdorum perfidiam, & suam leuitatem ac praecipitem ambitionem summopere detestatus, vrbe egressus est, & per quosdam proceres viros, quibus patre fauere intelligebat, vt ipsi reconciliaretur, omni ope ac studio sibi annitendum esse constituerat. Caterum, cum intelligeret, patrem infensissimo in se animo esse, ac prodicionem vereretur, mutata priori sententia, primo ad Baiazetem Turcorum Regis filium, qui praerat in finibus Persarum, & mox ab eo impetrato diplomate, Constantinopolim ad ipsum Mahometem concessit, à quo per benignè exceptus, breui post, huius ope atque armis adiutus, in paternam provinciam, cui nomen est Sanga, Ottomannicae ditioni conterminam, cum exercitu profectus est, atque inde crebris excursionibus paternum imperium deuastare incœpit. Rex, tamen si ad illius conatus reprimendum aliquot turmas, & militares cohortes expediuisset, nunquam tamen vultu ac verbis praese tulit, vt tantas iniurias vlcisci vellet, quin potius & in publicis & priuatis colloquiis aiebat, sibi haec molestissima esse, maximumque dolorem afferre, adeo vt non multo post, simularet, se in huiusmodi morbum incidisse, vnde nulla spes reualescendi foret, atque ita sensim vnà cum his, quos sibi aut beneficiis, aut aliqua alia ratione obstrinxerat, in secretiorem locum secedens, eò rem deduxit, vt ab ipsis per vniuersam Persiam, ac etiam Ottomannicam Dirionem publicaretur, Regem grauissimè decumbere, ac tandè supremum diem obiisse. Statim itaque primores ac Satrapæ per fideles internuntios Vnghermaumetè de Regis obitu certiores faciunt, eumque; adhortantur atque orant, ne vllò modo differat profectionem in Persiam, sed quamprimum sese itineri accingens, Taurisium veniret, vt Rex Persarum inauguraretur, priusquam Calul & Iacuppus eius fratres, bellica virtute ipso longè inferiores, regnum inuaderent; utque; dolus occultior esset, omnisque; suspitio remoueretur, in ipsa vrbe regia, Regis manibus publicè parentatum est, & funeralia solenni pompa magnisque; sumptibus peracta. Igitur miser ac infelix Vnghermaumet, aduersis fatibus agitur, siue potius pertractus, simulque oblitus, se paulò antè ob nimiam credulitatem eò redactum esse, vt omnibus fortunis exutus, extorris ac profugus, inimici opem atque; auxilium implorare cogeretur, rem ita se habere, sibi omninò persuadens, tanta celeritate in Persiam festinauit, vt infra exigui temporis interuallum, ad urbem Taurisium perueniret, ibique statim percunctatus de his proceribus, qui ei paternum interitum significauerant, & futuri regni haud dubiam spem praebuerant, ab iisdem tanto silentio ad patrem perductus est, vt infortunatus iuuenis tunc demum se prorsus delusum ac deceptum animaduerneret, cum in patris conspectu esset, & coram eo sisteretur. Qui, postquam filium acerrimis verbis ac minis increpasset, mox illum in vincula coniici iussit, & paulò post miserrimè trucidatus, com-

*Idem confu-
git Byzan-
tium.*

Stratagemā.

*Vngherman-
met, compre-
henus, à pa-
tre interfici-
tur.*

commeritas suæ præcipitis ambitionis ac leuitatis pœnas persoluit, dum paternum imperium rapere magis, quàm expectare voluit. Post huius mortem, arma Ottomannica ad tempus quieuerunt, cum etiam Persarum Rex deinceps ab omni alia expeditione superfederet, donec tandem senio confectus, nec minus annis, quàm gloria & rerum gestarum magnitudine onustus, placido exitu vitam terminauerit, anno Salutis supra millesimum quadringentesimum septuagesimo octauo, ætatis circiter octauo & septuagesimo, in nocte, quæ præcedit festum trium Magorum, quod Epiphaniam vocant. Fuit decora proceritate, vi corporis, licet gracilis, admodum insignis: forma principis viro digna, liberalis præterea, magnanimus, fortis, prudens, bellicosus, visuque & auditu iuxta venerabilis. Successorem reliquit Iacupum cognomento Chiorzeinal, quæ vox Persico idiomate sonat vnus oculi luce priuatum. Hunc ferunt, eadem nocte, qua Vsumcassanus vita migravit, vt solus regnaret, fratrem natu maiorem interfecisse. Is verò, cum aliquandiu haud mediocri cum eximie virtutis ac moderationis laude, summaque Prouincialium satisfactione, rebus præfuisset, tandem ab vxore, impudica & libidinosa, cuiusdam Persici reguli atque optimatis filia, veneno sublatu est, sic tamen, vt Diis mox ultoribus, ipsa etiam, eodem tempore extingueretur. Hæc enim ferunt, sprete coniugali fide, cuidam ex primoribus regni, corporis sui copiam ac potestatem fecisse, atque ita in eum affectam, vt rationem inierit, qua, viro sublato, ipse regium fastigium conscenderet. Huic igitur, circiter duabus horis ante solis occasum è balneis exeunti, & gynæceum ingresso, perfida & impudicissima coniux aureum poculum venenata portione infectum dextra tenens, arridenti atque hilari vultu, sed tamen solito pallidiore, occurrit, utque sese vino aliquantulum de more reficeret ac recrearet, cohortatur. Rex, qui suæ vxoris impudicitiam non parum antea suspectam habuerat, eam, vt sibi præberet, inuitauit. Hoc ipsa, cum præ verecundia vel metu potius, recusare non auderet, propinauit, & mox pateram suo viro exhibuit, qui, postquam bibisset, filiolo etiam, idem vinum porrexit. Vis autem veneni tanta fuit, vt proxima nocte, Rex ipse vnâ cum coniuge, ac filiolo interiret. Rege absque vlla prole humanis rebus decedenti, anno supra millesimum quadringentesimum, octuagesimo quinto, Iulauerus, inter Persarum proceres summi nominis, atque ipsi Iacuppo affinitate coniunctus, Persiarum regnum inuasit, & licet ad triennium summæ rei præfuisset, nihil tamen memoria dignum gessit. Huic successit Baysingirus, qui biennio regnavit, eumque in imperio secutus est Rustanus, iuuenis viginti annorum, & Persarum regnum annis septem administravit, sub quo interfectus est Harduelles pater Ismaëlis cognomento Sophy, sicut deinceps enarrabitur. Ipse etiam Rustanus, à quodam regulo, cui nomen fuit Agmatu, de eiusdem matris, à quo vnice amabatur, consensu, haud multo post, interemptus fuit, eoque sublato, regnum sibi usurpauit, & sex duntaxat mensibus præfuit. Rustano interfecto, prætoriani milites & primipilares, quendam ex eius præfectis, nomine Carabem, tunc temporis, in vrbe Van degentem, adierunt, quorum ope collecto exercitu, Taurisum perrexit, & urbem ingressus, Agmatum, viribus longè inferiorem cepit, ac etiam crudelissime trucidauit. Post quæ, regni gubernatio ad Aluantem, Vsumcassani consanguineum & affinem, qui ea tempestate commorabatur

Vsumcassani
obitus &
natura.

Iacupus Rex
Persarum ab
uxore adul-
tera veneno
interimuit.

Iulauerus.

Baysingirus.

Rustanus.

Agmatu.

Carabem.

Aluantes.

in ciuitate Amita delata est, isque in Principatu haud sanè diu permansit, victus in acie ab Ismaële, sicut infra plenius constabit. Sed interim, iuxta inchoatam rerū seriem, & à nobis haecenus pro virili obseruatā, ad cetera, quæ adhuc supersunt de Ottomānicis Imperatoribus prosequēda, trāsgrediamur.

Baiazetes II
Turcorum
Imperator.

Gemes Baiazetes
frater
confugit
Rhodum.

Baiazetes II. ex tribus fratribus natu minimus, cum esset in Cappadocia, patre defuncto, à prætorianis militibus, quorum dux, seu Aga, ut appellant, gener erat, imperium inuasit. Nam prior, Mustapha nomine, Iconij decesserat ante patrem. At Gemes, qui & Zizimus nominatur, cum esset in Licaonia, cuius caput est Iconium, audito patris obitu, & si Byzantium versus maxima celeritate proficisceretur, tamen à fratre præuentus, illinc exclusus est. Quocirca de spe imperij eiectus, incitantibus eum amicis, fratri de imperio bellum mouit, in quo, ab Ægypti Sultano Caithbeio, & Caramanno adiutus, sed tribus præliis superatus ductu Achomatis purpurati, anno Sal. 82. post 1400. desperatione cōfugit ad Magnum Rhodi Magistrum, relicta apud Carras matre & geminis tenellæ ætatis liberis, masculo & femella, quos deinde Baiazetes necauit. Baiazetes, hoc cognito, amplissima munera Magistro, ac eius consiliariis misit, eos rogans, ut fratrem diligenter asseruarent, & pro ipsius annuo sumptu ac stipendio quadraginta, siue, ut aliis placet, quadringenta & quinquaginta nummūm aureorum millia quotannis obrulit, seque à bellis contra Christianos abstenturum promisit, eaque omnia fideliter præstitit. Hunc postea multis deposcentibus, nempe Romano Pontifice Innocentio octauo, Ludouico XI. Galliarum Rege, & præcipuè Matthia Vngariæ Rege in certam spem victoriæ aduersus Baiazetem, anno eiusdem seculi nonagesimo quinto, milites Rhodij primū in Galliam, vbi aliquandiu vixit, deinde ad Romanum Pontificem, custodiendum miserunt, vbi in Vaticano asseruatus, & Carolo Octauo Franco, per urbem ad obsidionem Neapolitanam cum exercitu proficiscenti, ab Alexandro VI. cum Valentino Borgia filio obses datus, Teracinæ in itinere supremum diem clausit, veneno per Alexandrum Pontificem necatus, ne quam Carolus apud Baiazeren gratiam iniret, fratre dedito, cum ipse in Gallos infensissimo animo esset. Interim Baiazetes, metu fratris liberatus, mox Achomati Bassæ ex Albania oriundo, qui sub Mahomete Hydrunthum expugnârat, & per quem imperium aduersus fratrem conseruârat, gratiam laqueo reddidit, cum quod fiducia magnarum opum insolenter ferocientem, mutata voluntate summam rerum rursus inflectere ad Gemen fratrem animaduiceret, tum, ut thesauris eius potiretur, quod factum est magno cum emolumento Christiani nominis, cui Achomathes erat inimicissimus. Vix autem Baiazetes paterni imperij habenas & gubernationē suscepit, cum foris ingentes tumultus, ac bellorum strepitus in eum vndique exciti sunt. Siquidem in ora Macedoniæ Iohannes Castriotus Scanderbecchi filius, prælio apud Croatiā prosperè commisso, Baiazetis arma suis finibus expulit. Pari etiam successū, Iohannes Cernouichnus subita rebellione adeo Baiazetem perculit, ut tributo tantum imperato, passus sit eum obtinere quæ post Mahometis obitum armis receperat. Omnium verò prosperrimè rem Christianam Matthias Vngarorum Rex in Turcos gessit: ut iis non minori esset terrori, quàm olim Hunniades pater: ingentem enim exercitum ab initio sui Principatus, qui Sirmienses agros

Matthie Vngariæ
Regis
virtus, & in
bello felicitas.

agros vastabat, fudit fugauitque. valida etiam manu maiorem Seruix partem penetrauit, multa que alia strenui militis ac magnanimi ducis opera atque præclara facinora ædedit. Nam, præter cætera, Bosnense regnum, vulgò hodie Romaniam vocatum, è Turcorum manibus subtraxit. Castrum Iayczę munitissimum, vi & armis subegit: finitima loca deditione cœpit: complures captiuos cum insigni & nouo triumpho abduxit. Porro adhuc superstite Mahomete, cum arx Iayczę obsideretur, tam cruëto bello Turcas repulit, ut omnia impedimenta & militares machinas post se in prædam & spolia Vngaris relinquere coacti fuerint, adeò sanè, ut ipse Mahometes hunc solū Matthiam inter Christianos duces Principis nomine dignaretur. Sabatium inde arcem longè munitissimam ad littus Sauī fluminis sitam, strenuè è faucibus Turcorum eripuit. Et licet hanc iterum occupare summis viribus anniterentur, ab Vngaris tamen denuò repulsi sunt. Quod si potestati Matthiæ traditus fuisset Zizimus, facilè vniuersa Ottomannica familia ex Europa eiici, atque vltra mare repelli potuisset. Interea Baiazetes, tametsi natura ab armorum strepitu abhorrebat, tranquillitatis amans studiorum causa, quibus apprimè fertur fuisse deditus, quàm belli amantior, nihilominus tamen ut tueretur maiestatem acquisitæ potestatis, more suorum maiorum proxima in Christianos arma direxit, & tertio anno sui imperij, Valachiam subegit, arcibus duabus Lithostomo ad Istri ostium sito, & Moncastro ad Borysthenem flumen, quam hodie Nepen vocant, expugnauit. Exinde bellum in Asiam infelici auspicio transtulit, pœnas sumpturus de Caithbeio Sultano Ægypti, qui Gemen fratrem hospitio exceptum, sumptu, commeatuque ac milite adiunxerat. Huic bello præfecit purpuratos duos, Calibeum, & Cherseoglen generum. Caithbeius natione Circassus, conditione seruus, à prima pueritia institutus his moribus atque artibus, quibus Mamaluci certatim incumbere, & beneficio Mahometanæ legis liber factus, suffragiis & commendatione rerum prosperè gestarum ad Sultani dignitatem conscenderat. Is tria gravissima bella ingenti animo suscepit, & pari fortuna confecit. Arabes enim suum more fuga in vastas & horridas solitudines sese abripiens, iustis tamen claudibus ad eum modum adegit, ut omnes eorum reguli, hisque permixti Mauri, & Ægyptij, qui regiones inter Nili & dextrum latus maris rubri incolunt, accipere imperium Sultani Memphytici, & tributa pendere cogerentur. Persas duobus tumultuariis præliis fusos, vltra Euphratē in Mesopotamiam reiecit. Turcos in Cilicia semel ad Adenam, iterum ad Tarsum consilio duorum Italarum Mamalucorum fortiter profligauit, captis ac Memphin perductis ducibus Mesitheo Palæologo, & Cherseogle, qui Chersechij reguli in Illyrico filius, propter iniuriam à patre acceptam, ad Turcos descuerat. Huic enim, adamatam sponsam è stirpe Despotæ Seruix, & iam in thalamum ducendā, impotenti animo eripuerat. Hac iniuria commotus, se ad Baiazetem contulerat, & abiurata fide Christiana, filix Baiazetis nuptias obtinuerat. Tharsensi clade vix vllam maiorem Turci pertulisse putantur. Nam cum cētum millia in aciem educa forent, vix tertiam partem à prælio superfuisse memorant. Nec minori clade Ægyptios pro numero affectos perhibent: quandoquidem tanto ardore, tantaque animorum pertinacia vtrinque à prima luce vsque ad vesperā dimicatum est, ut ex septuaginta millibus, qui cum

Varia Baiazetis expeditiones.

Caithbei Sultani Mæphytici victoria in tribus expeditionibus contra Arabes, Persas, et Turcos.

Tharsensis clades.

hoste conflixerunt, dimidiam partem desideratam fuisse, quorundam Annales testentur. Hoc praelium commissum est inter Amanum, nunc Nigrum montem appellatum, & sinum Issicum, eodem loci, quo Magnus Alexander olim insigni ac memorabili pugna cum Dario conflixit. Abstinit ab Asia deinceps Baiazetes ad motus Persicos usque, & ad Europæa bella reuersus, anno eiusdem sæculi nonagesimo tertio Dyrrachium Epiri municipiū, prope Velonam, & Epidamnum expugnauit, breuique post, Illyriorum, Pannoniorum, & Croatorum coniunctas copias, atque in apertis campis Liburniæ, quæ Croatia est, congredi ausas, magno praelio per Cadum Bassiam prope fluuium Morauam, antiquitus Moschum dictum, deuicit & profligauit.

Baiazetes
monet bellis
in Venetos.

Quinquennio deinde interiecto, Baiazetes Venetis bellum intulit, cuius multiplices causæ recensentur, sed præcipuam fuisse dicunt ob preces Ludouici Sfortiæ à Moro cognominati, contra quem ipsi Veneti, & Ludouicus XII. societatem ac sædus contraxerant. In hoc bello Veneti, præter cæteras clades, quas à Turcico exercitu passi sunt in Dalmatia, & Foroiulio, Naupactum, nunc Lepantum, in Ætolio sinu, Dyrrachium, adhæc, Coronem, & Methonem, illustres vrbes amiserunt, & hæc postrema incidit in annum Seruatoris nostri quingentesimum supra millesimum festo Diui Laurentij. Etsi autem his rebus gestis, Baiazetes Byzantium victor redierit, nihilominus ramen cum Hispaniæ, Galliæque Reges, Venetis opem ferrent, Benedictus Pisaurius, Venetæ classis præfectus, Consalui Magni Hispani consilio & virtute, Cephalleniam, inter Zacynthum & Ambracium sinum in Ionio mari sitam, gemino portu, & agri vbertate Venetis opportunam, recepit. Leucaden,

Venetis reci-
piunt Cephalleniam.

Nericumque vi expugnauit, cæso in statione vniuerso præsidio Turcico; sed classis Gallica, cui præerat Rauentianus, ad Lesbum insulam tentata Mitylenarum oppugnatione, non pari fortuna ita accessit, ut disiecta tempestate, post multa pericula & naufragia, vix tandem ad Tarentum euaserit. Post hæc, Andrea Gritto, qui apud Baiazeten captiuus erat, intercedente, pax inter Venetos & Turcos subsecuta est, eoque facilius impetrata, quod in Perside Is-

Pax inter Ve-
netos et Tur-
cos.

Ismaël co-
gnomento
Sophus.
Sicaidar pater
Ismaelis.

maël Sophus, extinctis aduersariis, & Persarum regno positus, iam vniuersæ Ottomanniæ familiæ cœperat esse quàm maximè formidabilis & metuentus. Hic, alio nomine Siach Ismaël, id est, Propheta Ismaël, nuncupatus, patrem habuit Sicaidarem, cui, Harduellis, ab oppido trium dierum intercapedine Taurisio distanti, cognomen fuit, inter Persas regulum haud ignobilem, nec obscuri nominis Qui cum diuitias, voluptates, & cultioris vitæ comoda, quæ vulgò munera humanæ felicitatis appellantur, veras ærumnas, fortunæque ludibria existimaret, eaque palam ageret mira animi fortitudine, quæ populus, continentiae dolorisque impatiens, miraretur, magis quàm imitari posse confideret, tantam excellentis virtutis opinionem adeptus est, ut eum, quanquam imparem regiæ stirpi, Assimbeius Vsumcasianus ingenerum sibi ascuerit, tradita ei Martha, quam ex Despina Caloioannis Trapezuntiorum & Ponti Regis filia susceperat. Is originem suam ad Halim & Mahumetem referebat. Hales, ut multi referunt, frater patruelis atque gener Mahumetis extiterat. Filiam namque illius nomine Fatimam, uxorem duxerat. Porro autem post Mahumetis mortem, cum in principatu, defuncto successisset, Mahumetis legem multis in locis immutauit. Quædam enim sustu-

Hales gener
Mahumetis.

lit,

lit, non pauca etiam a liecit, alia nouis interpretationibus ita correxit, vt noua quædam lex gentibus illis videretur. Sic factum est, vt, dum quidam Mahumetis, quidam verò Halis disciplinam sequerentur, Mahumetis secta in duas partes diuisa, gentes religione dissidentes, odiis etiam, quod consequens erat, discinderet. Persæ namque, qui Halim secuti fuerât, reliquos Mahumetis disciplinis infectos, vt homines impuros, & diuinæ legis ignaros, à cōfortio suo repellebant. Arabes contrâ, Persas vt desertores, atque legis diuinæ corruptores, detestabantur. Hali verò, è medio sublato, Hoces illius filius & dignitatis atque nefariæ religionis hæres extitit, & eundem exitum vitæ habuit: veneno nanque periit. Alius deinde illius frater eodem nomine, disciplinam eandem vsque ad extremum vitæ spiritum retinuit. Huic duodecim filij fuere, quos Persæ viros diuinos, atque Deo, propter egregiæ religionis & pietatis studium, valde charos arbitrantur. Vnus tamen, qui plurimum inter omnes excelluisse pntabatur, appellatus fuit Muza Caim. Post horum hominum memoriam, Halis nomen apud multas nationes in obscuritate latuit. Homaris disciplina, qui Mahumetis religionem summo studio conseruauit, inuiolata permansit, donec tandem Sophus, Muza Caimi stirpe propagatus, cum primùm sapientiæ & religionis ostentatione multos ad sui studium allexisset, tum armis eam sectam quam sequebatur, esse veram Dei legem, demonstrare omnibus artibus ac rationibus concupuit. Cum igitur illi nationes multæ nomina darent, euēnit, vt Halis decus è tenebris emersum videretur, & illius nomen extinctum reuiuisceret. Is pro linteis spiris, quibus Mahumetani caput intexerant, pileos è lana constipata rubro colore confectos, & senis utrinque gradibus distinctos, eo artificio, vt vel protendi, vel contrahi possint, ad tegendum caput instituit, quibus ij, qui Halis disciplinis adherent, ab aliis Mahumetanis, qui eius memoriam odio persequuntur, inter nosci facillimè possent. Hoc autem numero duodenario, quo pileos distinct, memoriam filiorum, quos Hoces susceperat, conseruare decreuit. Huius verò ætas incidit in annum salutis supra mille trecentos quinquagesimum, aut certè non multò pòst, cum Turcarum vires adhuc à Tartaris præmerentur. Cumque suum genus & doctrinam ad Mahometis generum Halim referret, mirum dictu est, quantum ipsi populus tribuerit. Huic Sopho successit Guines filius, qui tantam, & tam præclaram sibi in toto Oriente doctrinæ sanctitatisque opinionem conciliauit, vt Tamerlanus ipsum inuiferet, ei que petenti, ad triginta captiuorum millia dono dederit, quos ille in sua secta probè institutos, filio Sicaidaro tradidit, qui ipsorum opera in bello feliciter vfus est, & suis hostibus grauissima damna inflixit.

Hic porrò, vulgata noua religione, ac prisce legis mysteriis & veteribus ritibus maiori ex parte immutatis vel potius repudiatis, & simulata peculiari vitæ sanctimonia, tantam sui cōcitauit admirationem in animis hominum, vt quotidie innumeri mortales è Perside Armeniaque agminatim ad eum, visendi audiendique studio, confluerent, & dogmata, quæ proponebat, audissimè arriperent, ac etiam rigidissimè obseruarent. Illud in primis veluti diuino spiritu afflatus, persuaferat, neminem ex his post mortem cælestia regna petiturum, qui Mahometem colerent, nisi eos legis ritus sequerentur, quos Halis scribendo ac docendo posteris tradidisset. Hæc autem erant magna ex parte

Persæ differunt à Turcis in religione.

Homar.
Sophus.

Guines.

Sicaidar
Harduellis.

Rustanus
Persarum
Rex.

Eis/tem
eades.

Ismaël fugit
ex Persia.

Techelles.

parte diuersa atque aliena penitus ab his persuasionebus atq; mysteriis, quibus Asia omnis & Africa ea tempestate tenebantur. Nam Homarem, quem diximus fuisse Mahumetis discipulum, tanquam grauius & certius leges interpretantem, Halis doctrinæ præferebat. Rustanus Persarum Rex, huius potentiam atque eius religionis cœtus hominum valde suspectam habere cœpit, ac vereri, ne Persæ, qui antiquorum Regum stirpi occultè fauebant, sub specie ac prætextu religionis coirent, & excitatis factionibus, nouas res, nondum satis confirmato imperio molirentur, cum, vt erat suspicaci turbidoque ingenio, regnandi causa, vt fieri plærunque solet, neque affinitatis vinculo, neque optimi viri innocentia permoueretur, Harduellem, submissis Sicariis & percussoribus, interfecit, sectatoribusque eius aut cæsis, aut pulsis, se, vt falsò existimauit, & metu & periculo liberauit. Et ita quidem à nonnullis refertur. Quidam verò asserunt, hæc omnia sub Iacuppo Vsumcassani filio contigisse, ipsumque Harduellem, post multas excursionses hostiliter factas vsque in Circassiam, Derbentum, urbem in angustiis montium Caspiorum positum, obsedisse. Cuius reifama vt primùm ad Regis aures peruenit, aiunt, ipsum euestigio cum expedita manu militari contra hostem profectum, & mox, facta dimicandi potestate, per aliquot horas vtrinque acerrimè pugnatum, eo tandem successu, vt Harduelles, viribus longè inferior, succubuerit, ipseque cum maiori parte sui exercitus conciderit. Cæterum de his, suum cuique liberum esto iudicium. Ismaël adhuc puer, euitata fato quodam Persici Regis sæuitia, confugit in Hircaniam ad Pyrchalim amicum paternum, qui supra mare Caspium paucis oppidis imperitabat. Pari quoque felicitate duo alij ipsius fratres, periculum euitarunt, quorum aliter in Asiam minorem, aliter verò, Alepum aufugit. Ex Harduellis discipulis, vnus cæteris præstantior, nomine Techelles, virtute doctrinæque notitia magistro comparandus, qui postea à peculiari distinctoque ab Homaris asseclis capitis tegumento, Cusellbas, id est, rubrum caput, cognominatus est, similiter declinato periculo, superatoque Euphrate, in minorem Armeniam euasit, ibique breui spatio omnem prouinciam sui fama & admiratione compleuit. Ismaël interea, eisdem ritus, quos pater in Perside tradiderat, ingenuo animo complexus est, utque primùm adoleuit, admirabili virtutis indole paterna vestigia secutus, cum iam eloquio, decore vultus, sapientia, atque animi magnitudine Diuis ipsis, quàm mortalibus proprior haberetur, & maximum nomen, & ingentes vires apud eas gentes comparauit. Nec ignobile tantum vulgus, sed plærime natalibus atque opibus clari, semel capti nouitate religionis, vt præclariùs eorum studium videretur, postquam ab vetere disciplina discessissent, cum in summam virtutis & dignitatis estimationem euexerant. Ipse quoque nondum pubescens, supra veras virtutes inani etiam morum specie in sui admiratione compositus, diuitias, gloriam, imperium, quæ cupere videri noller, vt simulator egregius, abnuenti persimilis adsequabatur. Non defuerunt etiam qui affirmarent, Harduellem patrem (vt erat rei Astronomicæ peritissimus) inspecta filij genitura, Ismaëlem & Prophetam summum, & veræ legis conditorem, subactaque maxima parte Orientis, Mahometis gloriam pietate & rebus bellicis æquaturum, quæ, haud temerè iactata in vulgus, altior rem materiam sermonibus præbuere. His auspiciis haud dubiè in magnam spem

spem gerendarum rerum erectus, paternos agros, & modicū illud imperium quod dotale matris fuerat, repetere cogitavit, armatisq; suæ sectæ promptioribus, & à Pyrchale Regulo sumptis auxiliis, ingressus Armeniam, fama magis atque hominum beneuolentia, quàm viribus, breui paternam ditionem recuperavit. Mox eo successu firmior factus, cū multi, qui Harduellis dogmata alieno periculo suoque tempore metu mortis deseruerant, tunc oblato duce, fiducia pleni, eandem heresin sequeretur, adauctis copiis, castrum opulentissimum nomine Marmurlagum, positum iuxta littus maris, quod indigenæ Bacucum appellant, expugnauit, ac breui post, exercitum ad urbem Sumachiam, sitam in finibus Mediæ, quæ nunc est Metropolis Mesopotamiæ, duxit, atque eam vi captam, hostiliter diripuit. Hæc prospero successu maximam consecutus est nominis existimationem, quæ fortia & præalta facinora nauiter audentes, ex primis rerum motibus ad summam victoriæ sapennumero perducere consuevit: & quod postea plurimum contulisse iudicatum est, inermem maiori ex parte exercitum, ditatum præda, militariter instruxit. Inde non iam vrbes atque arcēs, sed Persarum imperium animo voluēs, cū iam fortuna, quæ cuncta detulerat, viam quoque melioribus factis aperiret, ad Taurisum, olim Teruiam, nobilissimam maioris Armeniæ urbem, contendit. Aduentante Ismaële, Taurisij erat Aluantes, qui paulò ante de regni possessione cum Moratchamo fratre, siue, vt aliis placet, filio, armis contenderat; eumque prælio victum, Armenia Persideque pepulerat. Is, vt in ciuilibus discordiis plerumque accidit, cū primores ciuium, qui in Moratchami partibus fuerant, armis persecutus occidendo, aut proscribendo, in ipsa victoria totam urbem mœnore atque funeribus compleuisset, magnam sibi inuidiam confluerauit. Quam occasionem nactus Ismaël, quod ciuium animos odio fauissimi Regis, si propius accessisset, res nouas in vrbe molituros intelligebat, instructo exercitu, protinus ad vrbis portas perrexit: Nec Aluanti, qui repentino bello oppressus, aut milites comparare, aut vllò satis opportuno præsidio mœnia firmare nequuerat, tantum animi ac virium fuit, vt aduersus eam belli molem persistendum, aut de vita cum imperio sibi dimicandum esse censeret. Quamobrem diffusus rebus suis, dum tumultum atque arma iratorum ciuium ex merito pertimescit, trepidanti atque attonito similis, vrbe excedit: portæque Ismaëli statim aperiuntur, isque urbem ingressus, & aliquot prætorianis per tumultum interfectis, qui fugientem Regem sequi nequuerant, sepulchrum eximij operis, quo auunculus more Persarum conditus fuerat, euerti iussit; ossibusque disiectis, & abrais tota vrbe eius titulis, quò dolorem paternæ cædis expiaret, ac paternis manibus iusta persolueret, omnem illius memoriam aboleuit.

Interea, dum Sophus Ismaël, Rege incolumi, haudquaquam debellatum esse existimans, maiores etiam copias parat, easque aperto veteri armamentario militariter instruit, crebris rumoribus, ac nuntiis afferebatur, hostem aduentare, quem ex fuga petiisse Scyras, urbem, quæ antiquius Cyropolis, estq; Armeniæ caput, atque in vltimas regni partes ad mare penitus concessisse, fama diuulgarat, trahereque illum, præter innumerabiles pedites, sex millia cataphractorum equitum, & magnum numerum sagittariorum, qui partim equis, partim camelis infideant, & Moratchamum quoque fratrem in Assyria ad

Ismaelis expeditione aduersus Regem Persarum.

Ismaël Taurisum viator ingreditur.

ria ad urbem Bagadat (Semiramidis Babylon hæc olim fuit) exercitū comparasse, positisque in communi periculo priuatis contentionibus, vniuersas mox vires cum fratre iuncturum. Hæc, tametsi omnium sermonibus celebrabantur, nihil tamen eo apparatu, territus Ismaël, quod Deorum auspiciis, & maiore aliquantō fiducia, quàm propriis viribus posset, bellum gerere videretur, ad hostem ire constituit, prouisaque re frumentaria, ac lustrato exercitu, vrbe egreditur; nulla magis oratione vsus, qua militum animos alacri spe incenderet, quàm vt maturarent, & se Ducem, quem Dij dedissent, ad certam victoriam sequerentur. Rex tunc aberat Taurisio itinere decem dierum, cū Ismaël sui famam incredibili celeritate prætergressus, ad Niphates montes qui Armeniam ab Assyria determinant, peruenit. Hos, magnam molem exercitus & plurima impedimenta more Persarum trahens, præmissis exploratoribus, qui, vbi transitus difficiles forent, communirent vias, & saltum non vno in loco cæsis arboribus aperirent, breui superare decreuerat: quod vbi cognouit Ismaël, iudicans, secum imparato hoste ex æquissimo loco dimicaturum, si prior ipse transcenderet, hostemque, apud quem, vt in nullo metu neglecta solutaque omnia futura essent, inuaderet, continuo in aduersos montes primum agmen erexit, ac deiectis è summo vertice hostium præsidii, eo ipso die, vix dum refectis ex labore militibus, castra, quæ ad vltiores montium radices erant, adortus est. Tanta è conspectu appropinquatum hostium in castris perturbatio exorta, vt præ tumultu, ac trepidatione militum arma poscentium, quibus feminarum greges, lixæ, caloresque pauidum genus immiscebatur, vix, quid fieri vellet, præfectos docere, aut milites cohortari, aut denique aciem explicare potuerit. Ita irruentibus recta fronte Armeniis, magnum atque atrox prælium cœptum est. Neque Ismaëli, cui nunquam animus virtusque defuerant, eo die etiam fortuna defuit. Nanque per cuneos tribus simul locis aggressus hostem, antequam cataphracti equites, quorum magna pars non stratos, nec frenatos equos habebant, arma induerent, atque in aciem prodirent, prostrata prima acie, peditatum in fugam vertit. Aluantes, qui nihil earum rerum antea prouiderat, quod ad famam tanti comparati exercitus, nec Taurisij quidem, nec in Armenia omnino se inuenturum hostem putasset, concurrere, appellare milites, retērare conuersam aciem, ac multum ipse pugnare. Sed cū subita eius cōsilia, quæ in ipso periculo capere cogebatur, nec duces, nec milites exequerentur, pudore ac desperatione victus, dum in primo agmine acius pugnare, obtruncatur. Interfecto Rege, cæsisque Persarum promptissimis cataphractis, qua parte virium superior erat, cū iam non esset pro quo depugnarent, aufugere non dubitarunt. Idem fecere sagittarij, & cæteri postremit agminis milites, qui, auditō statim tumultu, fugæ magis quàm prælio, arma atque animos præpararant: Ismaël cum minore aliquanto hostium cæde quàm pro tanta victoria quis crederet, castris potitus, quod antequam fugatum hostem infectaretur, exanimatos milites defatigatione itineris ac labore prælii, reficiendos esse existimabat, eo in loco per aliquot dies stativa habuit. Inde, cū ab finitimis populis legati ad dedendas vrbes superuenirent, & quod victoria, eodē etiam gentium fauor inclinaret, ad urbem Scyras, exercitum duxit. Nec ciues, multum antè ad famam ingentis victoriæ parati ea facere, quæ diuinus victorque

Prælium inter Aluantes et Ismaëlem.

Ismaëlis victoria.

victorq̃ue Ismaël imperasset, cum vrbe recipere, com meatu, pecuniaq̃ue iu-
uare, in ea rerum commutatione recusarunt. His rebus celeriter confectis,
constitutisq̃ue per singulas vrbes suæ sectæ magistratibus, Ismaël, superato
Tygri, in Mesopotamiam profectus est, vt Moratchamum, arma adhuc ex-
ercitumq̃ue tenentem, quò iunctis cum fratre viribus, in Armeniam transire
statuerat, Babylonix possessione depelleret. Sed fama aduentus eius & victo-
riarum percussus, nec copiis suis satis fidens, nec vllius se vrbs mœnibus sa-
tis munitum fore credens, collecta supellectile, cum vxore & liberis in Ara-
biam profugit. Cæterum, quæ hîc, ex nonnullorum sententia de Persici Regis
fratre Moratchamo retuli, hunc videlicet, euitato periculo, in Arabiam pro-
fugisse, prorsus discrepant à quorundam aliorum opinione, qui longè secus
tradidère. Hi enim asserunt, ipsum, cognito fratris interitu, confestim maxi-
mum exercitum coëgisse, adeò vt eius copix fuerint cataphractorû, quorum
equi loricati, ferroq̃ue subtiliter polito ac elaborato tecti erant, ad xii. millia,
peditumq̃ue numerum longè maximum extitisse, ac eos omnes rebus mili-
taribus alluetos. Hoc exercitu ad urbem Taurisium iter ingressum esse, ac se-
cum, veteri Persarum consuetudine, totas familias, tam feminas, quàm libe-
ros, duxisse. Id verò vt primùm Ismaëli innotuit, ipsum repentè, instar furi-
bundi atq; magnanimi Leonis, excelso animo decreuisse hos inuadere, prius-
quam vltèrius procederet, mediòq; itinere quod situm est inter Taurisium,
& Cyropolim, quæ vrbes inter se viginti dierum spatio distant, vtrunq̃ue ex-
ercitum conuenisse. Et licet Ismaël impar hostilibus copiis esset, nihil tamen
moratum, quin primus in aduersarios impetum fecerit, primoq̃ue conflictu
Sophianos milites admodum pressos, nec paucos etiam ex ipsis interemptos,
nullum tamen fugæ, aut timoris indicium præbuisse, cùm præsertim sibi
persuaderent, se potissimùm ob suæ legis incrementum & propagatione arma
sumnisse, & propterea neminem eorum dubitasse mori, ac strenuè pu-
gnando mortem oppetere, cùm certam animo spem conciperent, sese recta
via in cælestes beatorum sedes ituros. Proinde confirmatis animis, certamen
maiori virtute redintegrasse, tamq̃ue fortiter præliatos esse, vt tandem exer-
citus Moratchami frerint ac disturbarint, & mox singularem victoriam
adepti fuerint. Ex hostilibus castris spolia fuisse reportata amplissima, præser-
tim arma eximia virorum & loricorum equorum, eaq̃ue omnia inter mili-
tes ac duces liberaliter, vti semper ab Ismaële fieri consueuerat, distributa.
Moratchamum verò cum paucis ex suis fuga elapsum. Hoc autem prælium
incidisse dicunt in annum supra millesimum quadringentesimum, nonage-
simum nonum. Vtra verò sententia propior veritati accedat, diiudicare, mea-
rum partium non est, cùm vtraque præstantissimorum virorum testimonio
innitatur, licet ipse huic posteriori magis assentiar. Proximo anno Ismaël, re-
paratis copiis, quas dicunt fuisse ad septuaginta millia lectissimorum viro-
rum, Mesopotamiam, vulgò Diarbecam, prouinciam sibi inimicam atq; in-
fensam, expugnauit, & mox Aladelum, siue, vt alij vocant, Aladulum, Cappa-
docix Regem, Moratchami partes ac studia fouentem, acerrimo prælio per-
secutus est, ac eius regionem ingressus, omnia ferro atque igne deuastauit,
nihilq̃ue ardentius optabat, quàm, vt prima quaque occasione data, cum ho-
ste confligeret. Verùm is, pugnam detractans, sese actutum in montes, ab in-
f

*Ismaëlus ad-
uersus Mo-
ratchamum
expeditio, &
victoria.*

digenis

digenis Caracacappellatos, recepit, atque illinc persæpe aliquot turmis tam interdiu, quàm noctu immisissis, Sophianos haud mediocri incommodo afficiebat. Huius autem belli is tandem exitus fuit, vt Ismaël, postquam in his locis à vice sima nona die Iulij vsque ad Idus Nouëbris castra habuisset, iam omni penè commeatu destitutus, & hyeme plurimum sæuiente, ab ea expeditione, non paucis ex suo exercitu, nec exiguo numero equorum & camelorum, qui, propter hyemis asperitatem & niuium altitudinem, perierant, in itinere amissis, recedere coactus fuerit, atque ita rebus infectis, Taurisium reuerti. Hoc tamen infortunio haudquaquam deterritus, insequenti vere, cum quadraginta millibus hominum armatorum, Casanum, Babylonie haud ignobile municipium, inuasit. Hostis verò, vt illum ab ea oppugnatione remoueret, cum triginta millibus, partim equestrium, partim pedestrium virorum, Seuam cõtendit. Ismaël, vbi primùm hoc intellexit, protinus ad urbem Spaam castra mouit, eo quidem animi decreto, vt Moratchami exercitum adoriretur. Hunc autem, Sophianorum in dimicando alacritas & virtus, ita exterruit, vt quàm plurimi, suo Principe relicto, in illorum partes transierint, adeò mehercule, vt ipse suis rebus prorsus diffidens, Oratores ad Ismaëlem ablegaret, qui cum eo transigerent, & inter reliqua, se libenter Persarum regno cessurum pollicebatur, modò sibi concederet Babyloniam. Verùm enim uerò hæc frustra tentata sunt, & legati domum, infecto negotio, dimissi. Proinde, omni spe deiectus, ac sibi non parum metuens, cum circiter tribus millibus equitum versus Alepum, atque illinc postremò ad Aladulum, tanquam ad sacram anchoram, confugit, à quo benignè atque amanter fuit exceptus, traditaque illi eius filia in matrimonium, in haud mediocrem spem erectus est, vt eius ope atque armis adiutus, Persicum regnum recuperaret. Ceterùm, quàm hæc spes vana prorsus atque inanis extiterit, euētus clarissimè demonstrauit. Post hæc, Ismaël, Babylonia, Sera, omniq̃ue Mesopotamia potitus, & maximam Orientis partem victricibus armis peruagatus, ab Assyria in Mediam transiit, vrbes castellaq̃ue aliquot in Zagro monte, quæ adhuc Regis præfidiis tenebantur, expugnauit, regressusq̃ue in Armeniam, Albanis, Iberisq̃ue, & Scythis, qui vltiorem Caspij maris oram tenent, bellum intulit, quod ex gentes tributariæ quondam Persarum Regum, ex occasione ciuiliis belli, quo Persis, totusq̃ue Oriens cum excidio regis domus proximè conflagarant, neque tributa quartum iam annum persoluissent, neque solitas omninò legationes, in tanta præsertim victoria, misissent. Hæc autem postrema, gesta sunt circiter annum Christi centesimum supra millesimum quadringentesimum. Nec multum temporis postea intercessit, cum denuò sese ad nouas expeditiones conuertit, nouoq̃ue exercitu instructo, Lasilbam, Samarcantis regulum, summis opibus & clientelis innixum, aggressus est, & commisso prælio, deuicit, quæ sanè victoria superiores plurimum illustrauit, adeò certè, vt tam faustis progressibus, Memphitico Regi, simulq̃ue Ottomanicæ familie iam supra modum formidabilis videretur, & ipse quidē Ismaël, cum ex veteribus odiis, quæ propter assidua bella cum Turcis gerebantur, tum etiam ex priuata religionis dissensione, Baiazeti adhuc regnanti summoperè infensus, nihil magis in maxima virium amplitudine, & fecundissimo rerum cursu, iuuentæ etiam calore præferuidus, quàm Ottomannicum bellum

Ismaël Babylonia, Mesopotamia, & multis aliis circijsimis regionibus potitur.

Eiusdem victoria contra Lasilbā Samarcantis Regulum.

bellum animo volutabat, eaque de causa & legatos ad Senatum Venetias misit, qui fœdus atque amicitiam peterent, in eam maximè formulam, qua Catarinus Zenus, Iosephus Barbarus, & Ambrosius Contarenus, quorum suprà mentionem fecimus, oratores in Armenia, cum Vsumcassano, materno auo, quondam pepigissent. Senatus, legatis perhumanè ac liberaliter habitis, respondit, neque veteris amicitiae, neque fœderis, quæ sibi cum Persarum Regibus fuissent, obliuisci, gratamque semper futuram apud Senatum eius rei memoriam, sed eo summopere lætari, quod nouus Rex Sophus, Turcarum hostis esset, & communicaret belli causam, simulque omne auxilium polliceretur. Verùm interim sese excusabat, quod ea quæ potissimum veller, & maximè vtrique expedirent, per id quidem tempus, præstare non posset, quod pacem quinquennio antè cum Baiazete initam, sibi tunc minimè violandam existimaret: occupari enim se grauissimo bello, quod præferoces Europæ gentes, coniuratione facta, & maximi reges, nullis laceffiti iniuriis, sed sola concitati Venetæ felicitatis inuidia, nuper intulerint: sperare tamen, staturos à iustiori causa Deos immortales, & Reipub., quam nulla vis per tot annorum volumina fregisset, ab immànitate tot aduersariorum conseruatos. Proinde suo Regi referrent, Senatum, cum per occasionem licuerit, daturum operam, vt Sophus intelligeret, nihil sibi Persarum amicitia antiquius esse, aut speciosius quicquam futurum, quam Turcos, infensissimos Christiani nominis hostes, quibus ipse infestus esset, mutuis auxiliis ac paribus armis oppugnare. Legati paulò post, cum spe magis ineundi fœderis, quam quod re ipsa quicquam impetrassent, donati muneribus, in Cyprum triremibus reuerti, in Syriam traiecerunt: habuereque occulta colloquia cum Petro Zeno (is Catarini, Persica legatione clari, filius fuit) qui tunc Damasci negotiatoribus Venetis præerat. Qua de causa Baiazetes, cognita legatorum profectione, per suos internuntios, & literas questus est apud Camsonem Gaurum, Ægypti Regem, cum minus amicè facere, quod Persarum legatos per mediam Syriam ad communes hostes ad concitanda externa arma transfermitteret. Vnde mox, irato Ægyptio, omnes Veneti mercatores, & ante alios ipse Zenus, qui Tripoli, Alepi, Berythi, atque Alexandriae agebant, perducti Memphim, coram Camstone, sæpius causam ex catenis dicere coacti sunt, vixque post annum vitam & libertatem impetrarunt. Interea temporis, Ismaël, cum partim ditionis amplificandæ, partim etiam suæ religionis propagandæ mira cupidine flagraret, enixè operam dabat, vt plerique mortales Halis institutis & precationum formulis, quas idem in scriptis reliquerat, vterentur. Ea autem de causa legatos ad Regem Cambaiæ, (hoc regnum situm est ad ostium Indi fluminis,) & ad Zabaimum Idalcumum decreuerat, vt eos in sententiam suam traduceret, quod illi tamen facere noluerunt. Cum verò literis multorum, & rumore omnium intellexisset, quanta virtute & industria inter ceteros eius ætatis præstantes duces, Alphonsus Albuquerque, natione Lusitanus, præditus esset, & quas res in India, & Armuzio gessisset, & illius nomen hominum predicatione & celebritate per omnes Persidis & Arabiae regiones versaretur, quanuis Albuquerque Armuzium, sicut in ultimo libro plenius declarabitur, ab eius imperio auertisset, famam tamen illius fuit non mediocri studio prosecutus. Est enim hoc in Persis insitum, prout ex anti-

Ismaëlis legatio ad Venetum Senatum, cum eiusdem Senatui responso.

Eiusdem legatio ad Reges Indiae.

Persis quid sit à natura insitum.

quissimis monumentis accepimus, ut in quocunque hominum genere virtutem elucere perspexerint, eam summopere celebrent, usque adeo, ut hostes etiam, quos armis acerrime persequuntur, maximis laudibus afficiant. Cum igitur Ismaël legatum ad Reges Indiae, ut dictum est, misisset, in primis illi negotium dedit, ut Albuquerque nomine illius salutarer, seque libentissime omnia, quae ad eius dignitatem pertinerent, facturum ostenderet. Legatus Coiealeamus appellabatur. Is, post honorificae salutationis officium, ab Albuquerque postulavit, ut legatum ad Ismaëlem mitteret. Esse namque illum amicitiae cum Lusitanis, quorum virtutem admirabatur, iungendae cupidissimum. Albuquerque ex salutatione & consilio voluptatem non mediocrem accepit: Existimabat enim, eo foedere, Armuzij statum confirmari facillime posse. Itaque legatum, nomine Michaëlem Ferreiram, ad illum misit. Legatus fuit ab Ismaële summis honoribus acceptus, & omnibus Principum legatis, qui apud illum versabantur, antelatus. Ismaël cum illo sermonem iucundissimè conferebat, & de moribus ac institutis Lusitanorum, de gentis indole, de Regis Emanuelis virtute multa percunctabatur, & cum summa voluptate Ferreiram (erat enim vir prudens atque disertus) audiebat. Ferreirae tandem sermonibus allectus, hominem primarium, Bairimbonatum nomine, ad Albuquerque legavit, qui cum Ferreira Armuzium venit, eo tempore, quo Albuquerque arce potitus, illi perficiendae intentus erat. Is, cum eam legationem multum ad auctoritatem nominis Lusitani confirmandam, & imperium ciuitatis illius firmitus stabiliendum, pondus habituram arbitraretur, eam magnifico quodam apparatu audire constituit. Itaque in foro prope regias aedes, ut Rex, & regij omnes spectare possent, sublimem tabulationem institui, eamque peristromatis insterni, & in illa sellas collocari praecipit. Ibi splendido cultu ornatus, & nobilitatis turba circumfusus, legatum excepit, qui, cum propter illius famam iam veneratione valde dignum censeret, tum in illius conspectu, cum vultus grauitatem, & caniciem, & oculorum obtutum, quae omnia acrem animi vim denunciabant, oculis aspexisset, parumper, quasi attonitus quadam admiratione, conticuit. Deinde legationem luculentis verbis exposuit, & literas, quas ad Regem Emanuelelem, & Albuquerque cum muneribus afferebat, obtulit. Albuquerque munera, ut ab omnibus viderentur, explicari continuo praecipit, idque responsum legato dedit, quo & Ismaëli debitum honorem dedisse, & propriae dignitatis memoriam non abieciisse videretur. In summa verò legatio nihil aliud, quam virtutis & magnificentiae laudes, & non vulgaris amoris officia continebat. Albuquerque intra paucos dies legatum, liberaliter acceptum, & muneribus ornatum, dimisit, & cum illo legatum alium, virum nobilem, qui Fernadus Gomezius Lemius vocabatur, ad Ismaëlem cum literis & muneribus vicissim misit: cui etiam mandata credidit, quae valde ad vtilitatem nationis Lusitanæ conducebant. Haec autem incidere in annum supra mille quingentos, decimum quartum. Per idem ferme tempus, Ismaël per suos oratores à Baiazete Carmanorum regiones hereditarias, sibi reddi postulavit, suosque, qui misera seruitute in Turcica ditione tenebantur, repetebat, simulque ipsum hortabatur, ut abiecta veteri religione, suam assumeret, habitumque immutaret. Cæterum, tantum abest, ut quicquam horum impetrarit, ut etiam Baiazetes,

Albuquerque
natione Lusitanus, mittit
legatum ad
Ismaëlem.

Ismaëlis
legatio ad em-
dema.

Ismaëlis
legatio ad Ba-
iazetem cum
irrito successu

iazetes, suo imperio haud parum metuens, Constantinopoli supra ducentas domos cum ipsis habitatoribus, qui de Ismaële, ceu propheta, bene sentiebant, & loquebantur, igne perimi iusserit, & publico edicto sub capitis poena vetuerit, ne quis de eo publicè loqueretur, aut scriberet. His, atque aliis de causis cominotus Persa, bellum aduersus Ottomannos minimè vltius differendum statuit, sed aperto Marte rem gerendam, cuius etiam rei maximus promotor atque incitator fuit Techelles, de quo suprà mentionē habuimus. Hic enim, & sapientiae opinione & virtutis praestantia plurimorum animos in sui admirationem conuerterat, & concionando vaticinioque respondendo, pellectis Cappadocibus in sectae bellique societatem, exercituque Persarum auxiliis firmato, è Tascia vrbe quae ad Antitauri radices sita est, protinus è sinibus Cappadociae in Lycaonium irruit. Regionem, agri vbertate, hominumque frequentia celebrem, populatus cum esset, exercitum Iconio admo- uit. Inde cum depulsuri Orchanes, & Mahometes nepotes Baiazetis ex Ale- sciaci, & Sciaesciaci filij, qui illis regionibus imperabant, ab hoste fusi fuga- tique sunt. Techelles non tentata oppugnatione, atque itinere per mediam Asiae minoris latitudinem directo, accessit ad Ancyram, quam hodie Ango- rium vocant, praetereuctus trepidantem metu, ac congressum tergiuersantem Corchutum Baiazetis filium. Inde per Galatiam effusus in Bithyniam, non longè à Sangario flumine obuium habuit Caragium Bassam, Asiatici equi- tatus Magistrum, quem Bellerbeium nominant: hunc magno praelio supe- ratum, atque in fugam coniectum, festinatoque aduolatu obrutum ac cir- cumfessum conclusit intra Cutheiam urbem ad Orminium montem in ve- teri Caucorum sede, quae vrbs totius Asiae minoris umbilicus, ac Magistri equitum Anatoliae sedes est, vt in Europa Sophia vrbs Misiae Magistri equi- tum Europaeorum. Vrbe expugnata, praetorioque, secto marmore ac nobili structura insigni, concremato, Caragium cum vxore cepit, atque ad Prusiam Bithyniae caput, animum adiecit. Sed ab eo conatu auertit eum Baiazetes, nouis copiis obiectis per Halibassam natione Macedonem, conditione eu- nuchum, cui se Techelles, Sangario flumine superato, transuersis itineribus recta inter Cotheiam & Ancyram quintis castris Galatiae planitiem emesus, obuium ex insperato tulit, ibique, vt hostes, atroci spectaculo edito, aut de- moraretur, aut à persequendo deterreret, Caragium Bellerbeium, quē vin- ctum secum trahebat, media via sequentibus spectandum palo infixit. Nec Halibassa horrendo clarissimi viri obitu permotus, quicquam tamen de cele- ritate sibi remittendum existimauit, quin potius, cum magnis itineribus an- tecedentem toto exercitu consequi non posset, cum octo millibus equitum citatissimo cursu assecutus ad Olygam montem non procul ab Ancyra, per- turbatis primis ordinibus Techellis, praelij initium fecit, in quo, ipso ad ex- tremum caeso, copiae iam penè victrices, mutata fortuna belli, cum interitu ducis dissipatae sunt. Inde paucis post diebus, Techelles trans Halim ductis copiis ad Tasciam urbem, in rubra demum saxa sese recepit, non procul à Calenæo monte, è quo Marfyas amnis, poetarum carminibus celebris, pro- fluens, mediam urbem Maras, Aladoli Regis, quem Selymus sustulit, regiam, & à corrupta fluminis voce sic denominatam, interfuit. In locum Halibassae summissus Iunusbassa summæ virtutis Epirota, acceptis ab Achomate Baia- zetis

Techelles,
Persicus ar-
mis instrui-
tus, mouet
bellum contra
Turcos.

Eiusdē pro-
spera fortuna

Caragius
Bellerbeius à
Techelle ob-
truncatus.

Halibassa
interitus.

zetis filio copiis, cum quadraginta millibus equitum ac peditum Techellem insecutus est. Is verò tanto apparatu exterritus, præsertim cum nulla auxilia ab Ismaële tunc in Scytharum confinio bella gerenti, submitterentur; quòd nullam tormentorum copiam haberet; quòd non mediocrem numerum fortissimorum virorum in tot conflictibus habitis, & præcipuè ad Olygam, amisisset, reliquos qui supererant, tantæ multitudini hostium, eorumque recentium, obicere, miserrimum putabat, & proinde montibus ac syluis se tenere constituit, indeque post aliquot leuiora certamina, receptui canens, in tempesta nocte extinctis ignibus, cum maximo silentio saltus excessit, & per aduersos montes in Armeniam descendit. Iunusbassa, tam feroci hoste liberatus, per omnes minoris Asiæ vrbes intentissima conquestione habita, quos Persicæ religionis cultores inuenit, omnibus tormentis excruciatos interfecit: his verò, qui bello minimè interfuissent, neque arma tractassent, inussit frontem, vt stigmate defectionis titulum præferrent, quos protinus cum affinis atque propinquis eorum, qui Techellem secuti fuerant, in Europam traduxit, sparsitque per Macedoniam, Epirum & Peloponnesi oram, ne, si Techelles, nouis copiis comparatis, bellum renouaret, coirent rursus, & nouas res noua defectione molirentur.

*Techellis dis-
cessus in Ar-
meniam.*

*Constantino-
polis, & vni-
uersa semè
Græcia, in-
genti terræ-
motu concu-
siunt.*

*Calligæ
Monachi
Græci vici-
nitium.*

Dum hæc in Asia geruntur, maximus ac terribilis, si vnquam aliàs, terræ-
motus, Constantinopoli factus est, qui diebus decem & octo continuis, mu-
rum eius vrbs, qua parte mare spectat, cum omnibus adiacētibus domibus
disfecit, fossasque ruderibus impleuit, ac terræ æquauit. Arcem, in qua gazo-
phylacium Imperatoris quinque turribus munitissimis custoditur, & insi-
gnem domum, qua leones, tanquam in viuario, nutriuntur, penitus destru-
xit. Cuniculos qui per montes ac longa itinera è Danubio aquas in urbem
euehant, maximis & laboribus & impensis fabricatos, ita concussit, vt non
sine ingenti thesauro reparari possent. Sinus autem maris, siue brachium, vt
vulgò loquimur, inter Byzantium & Peram, violentia terræmotus adeò in-
fremitu, vt in vtrâque ciuitatem mare vltra muros aquam iniiceret. Domus
verò tributaria iuxta mœnia Constantinopolis in mare tota decidit, ita sanè,
vt nullum illic vestigium appareret. Maxima item pars turris plumbeæ in
Pera corruit. In Calliopoli munitissima arx funditus euerfa est. Nec vllū ibi
ædificium integrum remansit, totamque Græciam ad Danubium vsque hic
horribilis terræmotus longè lateque peruagatus est. Feruntur Byzantijs ad
tredecim millia hominum tum obruta, crudeliter interiisse. Nec purpurato-
rum palatijs pepercit, in quibus permulti etiam perierunt. Quin etiam ipse
Imperator Baiazetes, nisi à quodam Calligero Monacho, Græco, sene, quem
familiariter dilexit, secumque crebrò detinebat, monitus fuisset, vt in hortos
descenderet, vix ab ea clade incolumis euassisset. Vaticinatus est hic senex, vè-
turum terræmotum, & Turcicum imperium deletum iri, atque hoc sæpe Ba-
iazeti intrepidè dixisse fertur. Nam, cum rueret sepulchrum Mahometi, & pa-
tris Baiazeti, maximis sumptibus atque impensis extructum, multaque, &
Græcorum, & Turcorum delubra, quæ patrio idiomate Moscheas vocant,
collaberentur, Christianorum templa illæsa mansisse feruntur. Ingensque illa
Sophiæ ædes nihil mali perpeffa est, præter turrim, à Turcis post captam vr-
bem templo in fine ornatus gratia annexam, quæ vniuersa cōcidit. Nec so-
lūm

lumea tempestate Constantinopolim hæc grauiſſima calamitas inuaſit: ſed etiam acceſſit repentina & atrox peſtilentia, qua innumeri mortales è medio ſublati ſunt; adeò vt regia vrbs, imperij caput, vniuerſa ruinis atque funeribus compleretur, & in maximam vaſtitatem ac ſolitudinem deueniret. His grauiſſimis ærumnis ac periculis, prodigij loco habitis, Baiazetes conſternatus, ab peſtilenti maris ora, in ſaluberrima Thraciæ loca ſeceſſit, egitq̃ complures menſes ſub Rhodope monte apud Hadrianopolim, vbi cùm ſe aliquin & ob pedum dolorem, & ſenectam, ad tantæ militiæ imperiique munia obeunda inualidum eſſe ſentiret, de ſucceſſore deligendo cum purpuratis & familiaribus deliberare cœpit: quæ res materiam & occaſionem bellis interſtinis præbuit. Huic ſupererant filij tres, Scianſciaco, Mahomete, & Alemſciaco iam ante morbo abſumptis, ſcilicet, Achomates, Corchutus, & Selymus. Nepotes plures, Mahometes ex Scianſciaco, Orchanes ex Alemſciaco, Zilebus ex Mahomete, & præter hos, alij duo tenelli: Ex Acomathe Amurathes, & Aladinus: pater Baiazetes propenſiore animo ferebatur ad Achomaten, qui in Amaſiæ & Cappadociæ præfecturis, voluptatibus potius, quàm bellis operam dabat, & à patre vocatus, venerat Chalcedonem uſque contra Byzantium in altero littore Hellesponti Aſiatico ſitam, hodie Scutarim appellatam. Ab hoc, & altero Corchuto, qui in Magnesia littori Rhodio vicinus ſtudiis vacabat, alienos animos habebant prætoriani & purpurati omnes, præter Cherſeoglem. Purpuratorum præcipui erant Muſtaphas in oppido Seres apud Amphipolin ſacerdote Græco genitus. Boſtanges hortorum præfectus ex Ducagina familia apud Ætolos, & Ajax Baſſa prætorij præfectus. Hi Selymo magis fauebant, qui & eorum perfidiola incitatione patrem bello adortus, auxilio Mahometis Præcopitarum & Tartarorū Regis, cuius filiam iam antea inuito Baiazete vxorem duxerat, ſed prætorianis fortiter præliantibus ad Chiurlum oppidum medio inter Byzantium ac Adrianopolin itinere, acie victus, ruſus tamen purpuratorum interceſſione reconciliatus, & demum vel inuito patre Imperator proclamatus, cùm milites, quos ſibi maxima beneficentia & largitione obſtrinxerat, in eius verba iuraſſent, parricidiorum initium fecit in patre. Nam regno eiectum, mox etiam per Hammonem Iudæum medicum veneno è viuis ſuſtulit, cùm ætatis annum ſexageſimum ſextum compleuiſſet, præuiſſet rebus Turcicis annos triginta duos. Mortuus eſt in itinere, dum ex vrbe ſecedit petiturus Dimoricū Thraciæ vicum in Euxini littore ſitum, hortorum amœnitate, & cæli temperie, exilio ac præſenti fortunæ opportunum. Fuit Baiazetes & corpore & animo languidior, neutiquam par maioribus aut fortunatæ audaciæ ſucceſſibus, aut laborum bellicorum tolerantia, ſiue à natura id haberet, ſiue à ſtudiis philoſophiæ. Nam Sophiſticis Auerrois in philoſophia argutiis admodum deditum fuiſſe perhibent. Nec vicit toties ſua aliqua peculiari felicitate, ſed vt in omni magno imperio, mole potentiæ, obuia aduerſaque omnia proterentis, proſtigantis atque obruentis, roboreque, numero, vigore, & impetu militis exercitati, nec vnquam quieſcentis, vt ociari & quieſcere tanti exercitus non poſſunt. Selymus interim parricidio imperium aſſecutus, nihil habuit antiquius, quàm vt mox ſublatis fratribus atque nepotibus, ſeſe ab omni metu ac ſuſpitione liberaret. Proinde omnis humanitatis fraternique vinculi

Baiazetis
mors & in-
genium.

Selymus XI.
Turcarum
Imperator.

*Eiusdem
horribilis
saevitia.*

*Amurathes
confugit ad
Persas, &
bellum ma-
nes Turcis.*

*Selymi expe-
ditio adversus
Ismaëlem.*

*Cruentissimū
prælium in-
ter Persas &
Turcas.*

*Ismaël vul-
neratur in
prælio.*

& consanguinitatis immemor, summa quadam saevitia & immanitate usus, quinque egregia indolis adolescentes, fratrum qui iam decesserant, filios, necari, & ipsos fratres Achomaten & Corchutum strangulari iussit, quorum priorem, acie victum, in potestatem suam redegit ad Elatam flumen, ex Ormenio monte recta decurrentem in Pontum: alterum, nihil metuentem, sed studiis in Magnesia sese oblectantem, & cum per indices de insidiis edoctus esset, ad litus fugientem, ut in Rhodum traiceret, sex improvisò subornatis satellitibus, comprehendi curauerat. Mustapham Bassam, cuius subnixu ad imperium conscenderat, quod videretur ad Achomatem inclinare, metu immanitatis Selymi, hunc ergo strangulatum prius, deinceps canibus dilaniandum obiecit. Restabant Achomatis filij, Amurathes & Aladinus. Hi de fortuna patris & prælij euentu edocti, consilium de fuga inierunt tale, ut Amurathes cum equitibus Persicis transmissò Euphrate, confugeret ad Ismaëlem: Aladinus, superato in Cilicia Amanò monte, cōferret se ad Camsonem Gaurium, Ægypti Sultanum. Inde novorum bellorum causa Selymo conflata, liberauit orbem Christianum summo, quod ab ipso impendebat, discrimine. Siquidem Amurathes, instructus Persicis auxiliis, quæ erant decem millia equitum, in Cappadociam irrupit, Ismaële paulatim insequente, fuissetq; tota potius, deficientibus passim populis, nisi cum Chendemus Bassa, quem Asia præsidio Selymus reliquerat, ad Sebastiam Cappadociæ, quæ hodie Sivas est, magnis copiis obiectis, repressisset ac detinisset. Id cum Selymus comperisset, transiit in Asiam, & maxima celeritate usus, tricesimis castris peruenit ad Arsengam, quam aliqui Comanatem Ponticam fuisse coniiciunt. Inde regressum Cappadocia Ismaëlem cum insequi statuisset, inuitatis frustra ad belli societatem spe magnorum præliorum regulis Aladulorum & Armeniorum, quos à tergo metuebat, & itineribus exploratis intra Armeniam minorem & Aladuli fines iuxtaque decurrentem Euphraten continuis itineribus progressus ad Periarden montem usque, duorum fluminum Euphratis & Araxis fontibus inclytum, tandemq; ad irriguos aquis Araxis Calderanos campos maioris Armeniæ Periardi subiectos, penetrauit. Vbi in cōiunctas Amurathis Turci & Vstaogli ducis Persici copias incidit, ad quas, cognito aduentu Selymi, cum Ismaël accessisset, prælium exortum inter Turcos & Persas cruentum admodum incertaque victoria diremptum est. Ismaël propter vulnus sclopeti ictu in sublimem humerum inflictum, ex acie recedens, quem reliquus exercitus Persicus, qui fuerat initio non maior, quam triginta millium equitum, secutus, victoriam hac cessione Selymo reliquit, sed ea, cruenta admodum fuit. Nam de centum & quinquaginta armatorum millibus, quos in aciem eduxerat Selymus, supra triginta millia hominum, interque hos, Cassembassan Europæi equitatus præfectum, & septem Sanzagos, qui sunt equestrium copiarum duces, cum flore & robore exercitus amissit. Pugnatum est septimo Cal. Septēbris eius anni, qui fuit à nato Christo Seruatore millesimus, quingentesimus, quartus decimus, in capis Calderanis ad Choim, quæ Arraxata vrbe fuisse autumant, à Domitio Corbulone sub Imperio Neronis deleta. Cæterum, ut hæc omnia plenius innotescant, adieci epistolam Henrici Penic ad Cardinalem Sauliū patriciū Genuensem cōscriptam, in qua vniuersum hoc prælium continetur, eiq; titulus est De gestis Sophy contra Turcas.

REVE-

REVERENDISSIME in Christo pater & domine. D. obseruandissi-
me post humill. cōm. Cogitanti mihi mortalibus recepti beneficij semper
ingratitude comitem esse, si qua parte possunt, accepti commodi memo-
res se non ostenderint, has ad Cels. V. rerum nouarum plenas scribere decre-
ui. Præsertim cum & antehac sæpius per literas & fecerim, & idem me factu-
rum, quoties aliquid scitu dignum contingeret, pollicitus sim, gratumque
fuisse cognouerim. Ingrati profectò animi atque impudentis esset, vestræ
R.D. meritorum erga me obliuisci, & quod semel promiseram, nō præstare.
sed de his hæc tēus. Selymus Imperator post fratres nepotesq; strangulatos,
omnia sibi ex sententia cedere perspiciebat, rerum successu tumens, animo
iam pridem orbis terrarum imperium complexus, expeditionē in Italos pa-
rare cœperat, ratus, his subiugatis, reliquum quod destinauerat, faciliè perfici
posse. Itaque ingenti materia cæsa, triremes fabricare, naualia ædificare, remi-
ges sociosque nauales, atque milites cōgregare imperauerat. Comineatus ad
maritimas vrbes, vnde facilius in Italiam transitus, qui satis nauibus essent,
deferre. Atque vt hoc tutius peragere valeret, cum Vngaro pacem firmare,
mollitis aliquantulum conditionibus ab eo propositis, statuerat, Chende-
mumque à consiliis & longa familiaritate etiam antequam ad imperium ad-
sumeretur, notū, bellique non expertem, Ciliciæ, partiq; Cappadociæ, Tur-
carum imperio subiecte, præsidem fecerat, data ei non parua militum manu,
qua & fines imperij tutaretur, & hostem, scilicet Amuratum ex fratre nepo-
tem, ad Ismaëlem Sophum profugum arceret. Quippe per exploratores co-
gnouerat, Ismaëlem Scythico bello impeditum, id solum cogitare, neq; vllō
modo suppetias Amurato laturum arbitrabatur, tam in remotis orbis parti-
bus præpeditum. Quapropter satis tutum ab omnibus partibus imperium
existimans, Italicam animo versabat expeditionem. Sed longè aliter ac ipse
putabat, euēnit. Nam Ismaël Sophus, peracto Scythico bello, hostibusq; de-
bellatis, cum viginti signis collaris pugnasset, redacta in potestate regione vs-
que ad glaciale Oceanum progressus, pacata prouincia ad Armeniam ma-
iorem rediit, motus Turcici, vt fertur, imperij propius, quos absens intellexe-
rat, inspecturus. Ibidēque inuēto Amuratho, deq; rebus eo in Scythia Orien-
tali morante apud Turcas hostis apprime doctus, Imperatorij fortunam filij
misertus, quem tam miserabiliter amisso per dedecus patre exulem intueba-
tur, in auxilium imperium armis reducere constituit, motoque ab Terua, seu
Teuris victore milite, quem in tria diuiserat agmina, trinisque castris inter-
uallo sedecim stadiorum disposuerat, ducesque assignauerat, duobus, Amu-
rathum & Vstaoglum, tertia verò sibi reliquerat, cumq; his quasi Cappado-
ciam Turcico subditam imperio inuasurus proficiscitur. Quod cum Chen-
demus præsensisset, ad Selymū literis missis detulit, hortatusque est, vt quā-
citissime traiecto Hellesponto, omiſsa Italica expeditione, ad tuēdos imperij
fines aduolaret, alioquin impar præsidium, & tutandis cōtra tot hostes finibus,
idoneum nactum Ismaëlem, omnia ferro, igniq; vastaturum. Quibus acce-
ptis, ab Hadrianopoli mouit (ciuitas hæc Thraciæ est) & Constantinopolim
petiit. Mox nostro transfretato Hellesponto, antiquam Chalcedona vr-
bem Bithyniæ, iussis subsequi prouinciarum præfectis, quos Sangacos ap-
pellant, pariterque omnibus Europæ militibus. Quibus aliquantulū ibidem
præsto-

præstolatis, per Bithyniam, Phrygiam atque Galaciam, ad Ersegen Cappadociae oppidum, toto sequente exercitu sexagesimis peruenit castris. Inuetoque Chendemo, neque villo hostium conspecto, vastitatem vicinæ regionis igne crematæ contemplatus, ratus hostes metu recessisse, consilium vltius progrediendi, vltroque Ismaëlem Sophum lacessendi bombardis fretus cœpit. Quod omnibus penè improbantibus, fame nanque confectum exercitum, & tam longi itineris laboribus enectum intuebatur. Sed præ timore aliis tacentibus, aliis palàm assentientibus, alieno quippe periculo didicerat, quantum discriminis esset imperatorio non assentire consilio. Solus verò Chendemus præceps, domini cōsiliū damnare pariterque dehortari, ne vltius progrediretur, ausus est. Vtque hostem in Ersegen expectaret, militemque tam longi itineris laboribus fessum reficeret, suo periculo postposito persuadere conatus est. Namque Chendemo videbatur hostes non metu, qui viribus longè superiores erant, sed dolo retrò cecidisse, quò Selymum in externam ductum regionem, per insidias interciperent. Præterea in alieno solo atque hostili, vnde comitum habere posset, ignorabat: postremò Aladolum, montanæ Cappadociae dominum, & alterum, cuius nomen adhuc non comperi, minoris Armeniæ Regem, quos in armis stare præceperat, non minus Turcarum Imperatorem quàm Ismaëlem Eimen explorauerat, hunc Christianū, sed Græco viuente ritu, & schismaticum, illum verò Maumethanæ perfidiæ sectatorem, post terga relinquere pertimescebat, ne, si quicquam sinistri fortè accideret, interclusus, ad internitionem cum toto exercitu deleteretur. Tum Selymus vera audire infuetus, consilium damnari suum, quod antehac nemini licuerat, ægrè ferens, ira percitus, & vt quidam aiunt, corruptum pecunia ab Ismaële vel Amuratho, Chendemum suadere talia existimans, oblitus beneficiorum ab eo receptorum, tamquā longæ familiaritatis, qua cum homine vixerat immemor, ad supplicium infontem, veraque monentem, ducere interficique curauit. Dein paucis diebus interpositis, ad Aladolum & Regem minoris Armeniæ missis nuntiis, vt secum castra iungerent, contraque communem hostem profiscerentur, hortatur. Quod si facere nollent, soli saltem tutum præstarent iter, comitumque iuuarent. Qui responderūt, iter liberum esse, neque quo minus tutum sit, per eos stare: verum id se præstare curaturos, comitumque abundè maiorem Armeniam ingressio daturus. Cæterum copias neque secum, neque cum aliis, quæ ad defensionem sui soli parauerant, iuncturos. Quibus aliter quàm existimabat relatis (arbitrabatur equidem aut metu aut sponte secum copias iuncturos) tamen à proposito non destitit, sed per Moscicos montes, vbi Taurum Euphrates scindit, Armeniam maiorem ingreditur, dextraque Aladolum, læua verò Regem Armeniæ relinquens, semper proximus Euphrati ita incescit, vt dextra parte agminis ripas tangeret, donec ad Pariadros montes & fontem fluminis peruenit, mirabaturque necubi sibi hostem occurrere, quem aliàs potentissimè audierat, & insidias valde pertimescebat. Nam, neque per exploratores, neque per captiuos, quo loco esset, explorare poterat. Et iam ob exustum quā incedebat, solum, nec præstitos ab Aladolo & Rege Armeniæ comitatus, deficientibus alimentis egere cœperat, propeque seditionem erat, cum nunciatum est, Ismaëlem prope esse, vicinumque Pariadris montibus parte alia, & Araxi fluuio

fluuio castrametatum, adhortatis militibus, & circumactis montibus, eò contendit, vadoque Araxi transito, propter Choim oppidum constitit. Et ecce in ortu solis velut nubem cernere, pulueremque eleuari incipiunt, ac mox hostem adesse conspiciunt. Quem nusquam per tot dierum spacium nedum videre, sed quibus in locis esset, explorare poterant. Lætus Selimus, arma militem capere iubet: Etenim ad extremam alimentorum reductus inopiam, hunc diem aut victis finem malorum, aut victoribus, & commeatus abundantiam, & Ismaëlitani fortunas imperij præstaturum arbitrabatur. Quippe non legatum Ismaëlis, sed ipsum Ismaëlem exercitumque eius putabat adesse, vnoque prælio & hostem fugare, & imperium maioris Armeniae duce fortuna in animū induxerat, ignarus Ismaëlem Sophum, legatū suum, nomine Vstaoglum, cum quadraginta millibus cataphractorum præmississe, ipsumque trium dierum itinere cū reliquo exercitu abesse. Quapropter acies instruit, statim pugnaturus, si pugnae copiam hostis fecerit. sed vt in conspectum Turcorum Vstaoglus deuenit, castra locat, caduceatorem præmittit, & nuntios ad Selymum, Ismaëlem se simulans, ire iubet, eumque interrogari, cur in hæc loca amicus olim tanquam hostis venerit. Ille Amurathum nepotem quærere, quem apud Armenios audiuerat, respondit. Itaque hunc redderent, in ceteris amici præstaturum officium, domumque reuersurū. Quod cū in crastinum Vstaoglum se facturum pollicitus esset, diem illum sine pugna transiniferunt. Cras verò Sole orto, Turcus suos in campum deduxit, aciesque instruxit, in dextro cornu Bechlerbechum nomine Chafanbassam, cum equitatu locauit Cuprio, in læuo verò Asiae Bechlerbechū Sinanbassam cum Asiatico equitatu, medium agmen pedite repleuit. Ipse cum prætorianis aliisque ad custodiam sui corporis deputatis in subsidiis, quasi vallo clypeis ingentibus inter se ferreis manicis confertis, & in terram defixis, turribusque circumdatus, in quibus bombardæ positæ erant, substiterat. omnia inde conspectus, opemque & auxilium laborantibus præstaturus, si pugna committeretur. sicque an mandatis Vstaoglus pareret, expectabat, & iam in occasu sol erat nono Kalendas Septembris, cū subito ingēti motu vno agmine ex cataphractis omnibus facto, Turcis nihil minus tunc expectantibus, Vstaoglus in dextrum cornu impetum fecit, Bechlerbechumque inter primos pugnantem obtruncat, cæteros prosternit fugatque. Difficile etenim erat, partim inermibus, partim læui armatura, & solis loriceis tectis, contra cataphractus resistere, moxque diuiso agmine per transuersos pedites altera parte læuum inuadit cornu, altera Imperatorē in subsidiis morantem, cœperantque; penè omnes Turcæ retrocedere, cū Imperator inops consilij, bombardis hostem ferire iussit. Quare nō minorem in suo quàm in alieno agmine stragem ædidit. quo factum est, vt insolito bombardarum strepitu equis perterritis, renitentes Ismaëlitani equites terga verterent, amisso Vstaoglo duce, ictuque bombardæ interfecto, & viginti millibus ex suis, quos Turcæ insecuti, castris spoliarunt, in quibus ingentem gemmarū numerum inuenerunt, alimentorumque satis amplam copiam. At ipsi Sophi fuga elapsi (nam nocte impediēte, eos Selimitani persequi non audebant) ad Ismaëlem, qui trium dierū itineris interuallo aberat, cum exercitu validissimo se contulerūt, remque ordine gestam narrarunt, quibus intellectis Ismaël, ratus optimum vniuersas vires

Prælium inter Turcos & Persas.

vires in vnum congregare totisque viribus cum eo decertare, exercitum, cui Amurathum prefeceat, secum iungit, pugnaturus occasione capta, & noctu potius ob bombardarum metum, quam interdiu. Interea Selyinus rem peregrisse, hostemque internitioni dedisse existimans, quamuis cruentissimam habuisset victoriam, ampliusque quam quinquaginta millia hominum amisisset, inter quos robur militiae decem & octo Sangacos ex Europa, cum omnibus penè eorum miliribus, non tamen vrbes Armeniae ad deditionem sollicitare destitit, nec eum opinio fefellit. Nam Teuris, siue Terua, vrbs Armeniae maioris, & Metropolis regni, statim imperium suscepit, & praesidium in urbem intromisit, missisque ingentibus donis ad Imperatorem, vt ad urbem accederet, rogauit, seu quia ita Ismaël ordinauerat, vt intercepto praesidio, Selymum imbecilliorum redderet, seu fauore vulgi eò se inclinante, quod & fortuna. His gestis, Selymus nuncios, alterum ad filium Adrianopolim, alterum ad nostram destinat rempublicam, à quo ego omnia superius scripta praesens accepi, multa quoque alia quae sciens praetereo, aliàs latius scripturus. Iamque in tuto esse videbatur Turcarum Imperator, cōuerteratque animum ad prouinciam ordinandam, octoque erant elapsi dies, ex quo apud Choim pugnatum erat, oppidum & hoc Armeniae maioris. Neque ex loco successerat, faustum atque fortunatum id solum in quo vicerat, arbitratus, aberatque à Teuris expedito homini itineris duorum dierum interuallo; & ecce, qui nunciarent, praesidium Teuris impositum, ab Ismaëlitanis deletum, ipsumque Ismaëlem ingentibus copiis recenti milite aduentare, quo nuntio perterritus, omnes sub armis vigilare iubet, ipse mutato tabernaculo, ad contubernia gregariorum se contulit, veritus, ne, si in suo pernoctaret tabernaculo, ab Ismaëlitanis aut viuis caperetur, aut pugnans interficeretur. Quippe per transfugam septem millia cataphractorum coniurasse, vt se aut viuum caperent, aut interficerent, didicerat, fecissentque, ni tabernaculo mutato preuidisset. Nam eadem nocte qua tabernaculum mutauerat, imperatorio habitu deposito Selymus, Ismaël castra cum coniuratis reliquisque militibus aggreditur, perque vim & militum robur caesis qui repugnabant, tabernaculum imperatoris prosternit. Illiusque vicarium obtruncat, vniuersumque exercitum cedit, vixque Selymus cum paucis, relictis bombardis, quibus in tanto tumultu vsus non erat, obscuritate noctis adiutus effugit. Qui nunc in Amasia, oppido Cappadociae, dicitur esse, viresque reficere, donec hostis adueniat, iterum pugnaturus. An Ismaël victoria vti velit, incertum adhuc est, nullumque huius rei indicium extat, seu quia & ipse cruentissimam victoriam habuerit, seu quod in nudo solo & sine arboribus, difficile militi, & praesertim equiti, per hyemem iter esset. Alioquin potētissimum Regem, vt qui Armeniam, Mesopotamiam, Persiam, Hircaniam, Albaniam, Parthiam, Bactrianos insuper cum orientalibus Scythiis, & partem Indiae possideat, nam Lusitanos in mari Indico nonnulla eius castella cepisse, Sophis referentibus, intelleximus, & praesertim laceffitum, incredibile est posse quiescere. vtcunque erit, Selymus ruinam suam quantum potest, occultit, nouum militem parat. Quamuis in Europa, aut nemo, aut pauci relictii sunt. Hæc sunt quæ ad R. V. scribere volui, cætera scripturus, cum tempus dabitur, & forsan de ortu & genealogia Ismaëlis, bellisque per eum factis, & odio inter Turcas, & eum, longè

gè aliter ac omnes ante me scripsere. Quæ etsi recentia forsan non erunt, tamen quia ordine singula tractabuntur, Celsitudini V. placitura spero. Cui me plurimum commendo, & quæ felix semper valeat. Die sexto Nouembris. M. D. XIIII. ex Constantinopoli. Hactenus Penias. Selymus, post victoriam, licet longè cruentissimam, Taurisium, regiam Persarum, profectus, cum eam deditione ciuium occupasset, ac diripisset, decimo die ab vrbe, moxque ex tota maiori Armenia exercitum in Cappadociam reduxit, terribus fama reuertentis Ismaelis Sophi cum validis equitum turmis collectis ex Iberis Albanisque, qui Gregoriani & Mengrelli hodie vocantur, atq; in Cappadocia copias ad Trapezuntem & Amasiam in hyberna distribuit. Hac atrocissima & cruentissima pugna depicta est in curia Senatus Veneti, à Selymo, vt dicitur, Venetis transmissa. Proximo anno qui fuit quintus decimus eiusdem sæculi, Selymus, quod Ismaelem Sophum domesticis seditionibus implicitum aduersus Hircanos Bactrianosque, & vltiores Caspij maris accolæ profectum esse didicerat, etsi vires Persicas vehementer cupiebat deprimere, tamen nihil prius in Armenia maiore tentandū sibi existimauit, quam Aladolū Regē, à quo prius in expeditione cōtra Ismaēlē, multiplicibus erat iniuriis laceratus, tota dirione pelleret. Is, regni sui fines terminabat cū Sultano versus Alepum, quam Galli Halappen, Turci Adelphē, veteres Epiphaniam dixerūt, & nomen Aleph sortita est inde, quod prima Syriæ ciuitas est. Ab altero verò latere, cum Turcis Orpha olim Edeffa, Amasia atque Iconio opposita, mirabili fonte oris lepram sanante, & tumulo Balduini fratris Godofridi Bilionei celebris: cum Ismaele Armenia minori. Turcis itaque ductu Sinaam Bassæ, in eius regionem per omnes locorum angustias penetratibus, ea cum Aladolo capta, in Selymi potestatem peruenit, cui mox caput præcidi iussit, idque prius per Asiam ad ostentationem victoriæ circumgestatum, deinceps Senatui Veneto transmisit. Filius Aladoli natu maior, ex insequenrium manibus elapsus, Ægyptum petiuit. Hoc igitur debellato, nullus supererat, quam Campson Gaurius, Sultanus, de quo vindictam sumeret. In hunc igitur, qui antea Persarum legationibus inuitatus, cum Ismaele fœdus amicitiamque percusserat, omnem belli molem conuertens, magnaque celeritate superatis Tauri iugis, castra posuit ad Singam amnem, non procū ab Alepo, vbi Campson ignarus perfidiæ Emyris Caierbei præfecti Alepi & Comagenæ prouinciæ, à quo ad cōdictum diē incitabatur, promotis à Damasco castris, Selymo occurrit, & extemplo acie congressus, eo euentu, pugnavit, vt Caierbeio insigni perfidia & proditione Campsonem non modò deferente, sed etiam infestis armis persequente, Mamaluchi fusi sint, & Campson ipse iam senex, armis multoque abdomine & ingentis ramicis pondere grauis, cadente equo in puluerem excussus, conculeatusque interierit. Pugnatum est sept. Calend. Septembris, biennio post confictū cum Ismaele in Calderanis campis. Mox Selymus Hierapolim, Damascum, Tripolim, Berithum, Sydonem, ac Ptolemaidē suo imperio adiecit. Hoc insperato succēssu, Syria potitus, ne quid belli superesset, persequi reliquias Mamaluchorum cōstituit, qui Memphim ex fuga delati, cum aliis qui domi remanserant, iam Tomombeyum Circassum, præfectum, seu Admiralium Alexandria, in Campsonis locum delegerant. At Selymus post Gazam deditione occupatam, cum octauis ca-

Taurisium à Selymo captum atque diripitum.

Selymus inuadit Aladolū, & vinctum in acie interficit.

Eiusdem victoria aduersus Campsonem Sultānū Ægypti.

Mamaluchi à Selymo fusi, & postmodum delati.

Selymus Syriam & Ægyptum in suam potestatem redigit.

stris ad urbem Memphim, quæ Alcayrum est, accessit, & cum hoste congressus, felici Marte dimicauit, ipsumque Tomombeium, qui ultra Nilum reparatis copiis, extremo conatu ad Nili ripam & pontem prælium instaurarat, inde reiectum, atque in paludibus, in quas desperatione defilierat, repertum, diuque in quæstione de thesauris acerbissimè tortum, ac tandem vili iumento impositum, perque urbem circumductum, gula laqueo fracta, ad Basuelam Syriæ portam vnco ferro supra fornicem suspendit, vt transeuntibus spectaculo ludibrioque foret, & Ægypti se victorem esse faterentur. Incidit hoc prælium Idibus Aprilis, anno eiusdem æui septimo decimo, in eoque tota gens Mamalucorum radicitus excisa, & horum impotenti ac superbo regno, quod illi ab extincta in Melechfala posteritate Saladini, annos tenuerant circiter ducentos quadraginta tres, Selymus, duobus Sultanis è medio sublatis, finem imposuit, ipseque in Ægypto ac Syria rebus constitutis, mox Byzantium ouans ac triumphans reuersus est, bellum deinceps in Christianos moturus. In eo conatu vlcere canceroso renum correptus, toto corpore ex longè lateque serpentis vlcere corrosione fœdè putrescente, morte, sauitia tam beluina digna, meritis immanis parricidij pœnas persoluit, anno Christi vicefimo supra millesimum quingentesimum, Septembri mense, apud Chiur-lum pagum, eo ipso in loco, quo Baiazetem patrem, Tartarorum auxiliis acie circumfufum, antea opprimere fuerat conatus. Vixit annos quadraginta sex, regnavit octo. Vnicum filium Solymanum, crudelem animam exhalans, commendauit Pyrrho Bassæ Cilici, seuerè præcipiens, vt, se mortuo, in Christianos bella verterentur, omiffis Persis. Et quoniam proximè de Mamalucis facta est mentio, illorum originem hîc breuiter ostendam. Solebant Califæ Ægyptij, luxui voluptatibusque dediti, regni negotia nihil curare, sed per quatuor Admirantes, quos Emirquibir, id est, magnos, vocabant, omnia agere, penes quos erat belli administratio. Saladinus quidam, vir obscuri nominis, eam dignitatem adeptus, Calysam Cayri obruncat, & sic vtraque dignitate potitus, Ægyptiorum militum mollitiem detestatus, ad Circassios, siue Gigas, qui sunt populi Christiani circa Mœotim, Græco ritu vtentes, manu promptos, & robustos, & bello, quod assidue cum Tartaris gerebant, assuetos, misit. Ex his, à Tartaris captiuos quotannis emit selectiores adolescentes non paucos, quos ad arma probè instruxit, & in Mahumetana perfidia, Christiana eiurata religione, sedulò instituit. Istorum opera in bello vsus, anno supra millesimum centesimum, octuagesimo septimo, Hierosolyma subiugauit, ac Tartaris fortissimè tota ipsius posteritas restitit. Hi, anno 1300. extincto iam Saladini genere, quod quidem in Ægypto centum & quinquaginta annos regnarat, cum nec superesset legitimus heres, Reges ex suo genere elegere, hunc deinceps morem seruantes, vt filius patri non succederet, aliquæ regis stirpis ratio haberetur, sed Regis filij non aliter atque serui, qui quotannis aduehebantur, in armis instruerentur, nec aliquis plus, quàm ipse meruisset, cominodi honorisve haberet. Verùm singulis omnia ex propria virtute essent petenda. Serui isti venalitij, quasi soli nobiles essent, nulla Ægyptios arma habere passi sunt. Hi, quamuis Tartaris semper inuicti obstiterint, ac militari disciplina longè fuerint superiores, tamen à Selymo, vt diximus, postremò victi ac deleti sunt. Hæc autem vox Mamaluch, lingua Syriaca,

Tomombeius
suspenditur à
Selymo.

Mamaluci
quandius re-
gnarunt in
Ægypto.

Selymiobius

Origo Ma-
malucorum.

Hierosolyma
capitur à Sa-
ladino.

Mamalucorum
regnum.

riaca, ministrum aut stipendiarium significat. Sultanus verò ex ipsorum numero eligebatur, vt equites Hierosolymitani suum Magistrum creant, ac sapius quidem vnum ex numero Emyrorum vel Admiraliorum, & tam Sultanus ipse, quàm Mamaluchi fuerunt quædam species, vt ita dixerim, Religiosorum, & in vestimento amictorium ex lino candido atque pellucido gestabant. Qui eligebatur Sultanus, pro felici introitu cuique Mamaluchorum centum ducatos dono dabat. Ab his, in tota ferè Ægypto baptismus fuit vsurpatus, qui, nullo veræ pietatis studio & amore salutis æternæ, sed vt succedere in dignitatibus & officiis parentum liberi possent, eos baptizari à Christianis sacerdotibus curabant: (lege enim constitutum fuit, ne præter Mamaluchos, qui fide Christiana primum imbuti, deinde eam abieciissent, quisquam ad honores & præfecturas admitteretur) nec vllo modo adduci poterant, vt in suum sodalitium reciperent Turcas, Mauros, vel Iudæos, sed magna ipsorum pars Liueris constabat: sic enim Turcæ appellant Hiberos, & Circaßos, vocantes eos Cereaz, qui erant Colchi, Georgi, Albani, & alij Christiani Iacobitæ & Nestoriani, commorantes ad fluuium Fasum, qui veteribus fuit Phasis, quos Tartari capiebant, & turmatim abducebant, vendentes eos Emyris, id est, Admiraliis, emptos educantibus, atque Mamaluchos efficientibus, erantque omnes viri strenui, & in armis plurimum exercitati, præsertim in re equestri, legis Mahometanæ cultores. Et quoniam Persæ, iamdudum, & præsertim hac nostra tempestate, amicitiam & fœdus retinent cum Georgiis, seu Georgianis, hæc breuiter de his populis subiiciam, Georgiani. hos nimirum, & Syros, veterem Iberiam & Albaniam incolere, quos ad Boream Caucasus, ad Occasum Colchi, (Mengrellios hodie nominant, Trapezuntinis finibus propinquos) ab ortu, mare Caspium: à Meridie Armeni ambiunt: vocantur Christiani Iacobitæ, à Iacobo Syro nomen ducentes, qui Iacobitæ. circa annum Christi 550. singulari acumine ingenij, & eloquentia excellenti, vnâ cum Iohanne Philopono, pro Eutyichis & Monothelarum doctrina de vnica post vnionem in Christo natura, exque duabus, non in duabus naturis subsistente, acerrimè propugnauit, eiusque dogma non modò apud ipsos Syros & Georgianos, verum etiam in Ægypto, & contiguis Ægypto amplissimis Æthiopiarum regnis, longè latèq; propagatū est. Hi, infantes primum circūcisos baptizāt, & cum scriptū sit, Christū Spiritu sancto & igni baptizatum esse, candenti ferro signum Crucis, frontibus, aut genis baptizatorum inurunt. Porro in octodecim Episcopatus distributi, Græcum Patriarcham colunt quidem, sed ab ipso non dependent, vt qui in multis se à Græcis dissentire dicant, quæ tamen dissimilitudo in varietate rituum consistit, qui ipsis sunt, quemadmodum & Græcis, caput & principale religionis. Cæterum, ne longius à propoſita historiæ serie digrediar, hîc obiter inferam, quæ doctissimus & facundissimus historicus Paulus Iouius de hoc Selymo & Ismaële posteris ac memoriæ commendauit, dum vtriusque facta elegantissima comparatione, inquit:

Ambo, sicuti inclyto genere, ætate integra, immenso indomiti corporis, ac ingenti animi vigore, opibus, & pari denique imperij fortuna persimiles, parem claritatis, & gloriæ famam obtinent; ita moribus, institutis, & disciplina militiæ multum inter se differunt. Primum omnium (vt præclare constat)

supra mutuū vtriusque gentis odium ab auis patribusque per manus traditum, insana persuasione deducti, inter se de sacrorum placitis altercantur, cum hic Homarē, ille Halim, præcipuos Mahometis interpretes, diuersa superstitione diffidentes, altero sanctiorem existiment, ac imagine pietatis iustam belli causam prætexant. Quanquam non obscure dissimulata cupiditate, ad id vnum, sed diuerso itinere contendant, vt confirmatis auctisque opibus, tot regnorum termini quàm latissimè proferantur. Quòd ex professo Ismaël ad Darij atque Xerxis, qui subacta Asia, in Europam ingenti ausu traiecerint, & Selymus ad Alexandri Macedonis qui regna Persarum euerterit, magnitudinem & gloriam aspirent. Nec inanibus omninò votis, cum honesto tuēdæ religionis nomine, fortuna, pari libidine, ingenio eorum ambitioso, audaci, immoderatoque intemperanter arrideat: sed in Ismaële mirapietas vsque ad eò refulget, vt vitia, si qua sint, regij fastus, eius fulgore perstringantur. In Selymo autem omne virtutis decus inhumana crudelitas elidat & obscuret. Hic enim pœna, & præmio vim imperij tuetur: sed aliquantò grauiore seueritatis quàm beneficentiæ fama, quòd ab exacta disciplina in seruos, quibus multo maxima Othomannicæ militiæ pars constat, lege agere vel truculenter expediat: secus ac vsu euenit Ismaëli, ex prima utiq; nobilitatis classe, liberisque hominibus militiæ robora conscribēti, apud quos temperatæ iustitiæ, humanæ comitatis, & popularis indulgentiæ studiū maximè valet, vt fides, amor, & parendi obsequium parentur: quod nemo honestis ortus parentibus existat, qui non multò grauius flagitij dedecus, quàm supplicij pœnam reformidet. Vt minimè mirum esse videatur, si his, tãquam generosis artibus, Ismaël augusti nominis maiestatem egregiè gloriosèq; defendat. Ad hunc quoque maximarum virtutum concursum, pulcherrimo naturæ munere decora facies accedit, magnanimo digna rege: ore namque roseo, radiantibus oculis, flaua barba, & quod antiquum apud Persas Regiæ stirpis insigne est, adunco naso, illustrique facundia omnium oculos atque animos capit: At in Selymo, triste supercilium, prægrandes toruique oculi, & Scythico pallore suffusa facies, rigentesque setæ à superiore labro ad ceruicem retortæ, & nigricans ad mentum subtonsa barba, ita vim militarem, & inexorabilis naturæ spiritum exprimunt, spectantesque perterrent, vt nihil omninò nisi sæuū & immane prorsus ostendant. Nec diuersos vultus, ideòq; dissimiles animorum habitus, nisi dispar rerum propè omnium disciplina consequitur. Nam Ismaël aditu pariter & alloquio benignus & facilis, nihil ferè quod regiam personam respiciat, nisi palàm agit. In propatulo siquidem magna procerum frequentia liberaliter epulatur, & varia venatione, falconumque volatu & præda magnoperè gaudet, cū proceribus semper, legatisq; externorum Regum communicata voluptate. In stadio etiam, & in palæstra cum primoribus aulæ, vt est equitandi, & sagittandi peritissimus, honesta atque vtili contentione corpus exercet, adeò populariter, vt in piscina inauratis septa porticibus, palàm natare minimè dispudeat. Vxores autem, quas ex Satraparum Regulorumque ordine virgine cū decores forme, tum præstanti morum fama illustres, in coniugalem thorum recipit: si facundæ sint, neque fastidit, neque repudiat, vetere Persarum instituto, qui coniuges amare tenerius, impensius colere, in regia prætorioque familiaris habere, & tanquam

quam vtriusque fortunæ confortes, cum liberis atque nutricibus, & pretio-
fiore gaza vel ad longinqua euntes bella, secum ducere consueuerunt, graui
quidem impedimento sumptuque, quod magnis ac ornatissimis camelorum
gregibus vehantur, nisi præsentia charissimaque pignora bellatores patres ad
virtutem accenderent. Contraria ratione Selymus, in arcano cuncta vitæ
munera dispensat, puerorumque imberbium & eunuchorum ministerio
contentus, sine conuiuia discumbit, ac vno ferè simplicissimo cibo, naturæ
desiderium implet. Rarò, nisi sacrorum causa die Veneris, qui Turcis est fe-
stus, in publicum prodit: sed adeò prætorianorum turba circumseptus, vt
agrè, vel ipse solus eques inter hastatos cristatosque milites, & superbè sub-
mouentes spectantium turbam, ex facie dignoscatur. Nec temerè equo ve-
ctus in suburbanis prædiis spatiatur, cum per freti angustias ad Asiæ propin-
qua littora bireme aduehi malit, &c. Deinde paulò inferius hæc subiungit:
Otium porrò, si quod impensè vigilanti & semper intento ex grauissimarum
rerum consiliis superest, ac citò in hortos aliquo purpuratorum, aut familia-
rium, deambulando ita traducit, vt cum longè seuerèque puerorum collu-
dentium palæstram spectet, de feriis multa sciscitetur atque deliberet, secre-
tiores verò mollioresque horas balneo, euoluendisque maiorum suorum &
externorum Regum annalibus impartiat. Cæterum Ismaël, vt ab incunte
ætate sacris imbutus literis, disciplinarum propè omnium studia præalto in-
genio ad contemplationem rerum diuinarum ita referebat, vt vetere Mago-
rum & Brachmanorum arcano dogmate, seipso, qui ambitiosum Sophi co-
gnomen susceperat, admirabilior euaderet, cum iam pridem cælestis sapien-
tiæ & diuinationis opinione apud gentem religionibus atque miraculis capi
facilem, incredibiles victorias, & tantum denique imperium sibi nouo pro-
pè homini peperisset. Diuersissima porrò, & vt mihi videtur, planè iniqua,
Persæ conditione bella gerunt. Nam ij, sicuti equitatu mirifico maximè pol-
lent, ita nullum omninò certum ex conscripto inueteratoque pedite robur
instituunt: qua parte virium Turcæ ætate nostra memorabiles sæpe victo-
rias consecuti, nec vsquam victi, grauissima bella confecerunt. Magno quoq;
incommodo Persis euenit, quod nec sclopetis vtantur, nec tormentorum
currulium copia abundant, quorum terribili præsidio cuncta peruincuntur,
luctuoso quidem exemplo Vsumcassani, & Ismaelis, vel egregiè victor equi-
tatus; & nuper in Calderanis campis, & patrum nostrorum memoria ad Har-
sengam & Euphratem, insolitum eorum equis reboatum cruentamque pro-
cellam sustinere nequiuert. Neque enim vlla in parte Persa cataphractus,
cum inermi propè Turca videtur comparandus. Nam squamosi thoraces,
loricæ ferreæ, bucculatæ cassides, & cono insignes galeæ, clypei que auratis
vmbonibus rotundi, Persas vndique protegunt: Turcam verò ex Europa pe-
nitus inermem, vix dimidium quadrata & inflexa pelta operit, cum Asiatici
clypeis molli arundine in spiras & discolore serico contextis vtantur. Persa
quoque brachium & dextram operoso ferro munitus, fraxinea ancipiti lan-
cea rem gerit, qua ad medium comprehensa more Numidarum ab alto sæpe
ictus repetès, viros & equos inermes facilè perfodit: cum Turcæ Græcorum
consuetudine ad pressas lateri inclinatasque ad equi aures hastas, vti sunt fra-

*Turcæ ac
Persæ mili-
tia discrimē.*

gili abiete leues, ad primum impetū collatis equis diffingant, & ad gladium incuruum statim clauamque ferream, reliquis armis impares, redire cogantur. Neque enim Persarum generosis & robustioribus equis insidentium congressum ferre possunt: quoniam eorum equi frontalibus ferreis & tegumentis recocto è corio Italicarum bardarum similitudine vestiuntur, quæ confertis laminis, aut infarcto bombycis & gossypij tomento ita muniunt, ut quamlibet telorum contumeliam perferant. Qua de causa nemo nisi temerè sagittarios equites aut pedites Turcas cum Persis contulerit. Hi siquidem latis & multo neruorum nexu validis arcubus instructi, crassiores Scythicarum instar, ideoque læthales sagittas emittunt. Qua rerum omnium collata ratione, Sophianus exercitus, tanquam Regi suo ab excelsæ diuinæque mentis opinione, & religioso quodam sacramenti iure, nusquā reformidata morte, deditus deuotusque, Turcis vel numero inferior, ab eximia virtute insuperabilis videri posset, nisi dira hac indignaque fortibus viris vi tormentorum, aut inusitata multitudine copiarum obruatur. Hæc Iouius Hist. lib. XIII. vbi plæraque alia refert in hanc fermè sententiam. Caterum, hac tempestate, ipsi Persæ, sicut inferius patebit, in bello & maioribus & minoribus tormentis vtuntur, eaque in re longè peritissimi habentur. Sed Iouij temporibus hæc ars atque peritia, detestabilis planè atque in perniciem humani generis excogitata, hoc nostro tamen sæculo apprimè necessaria, nondum ad eos peruenerat.

Varie potentissimorum Principum legationes missæ ad Ismaëlem.

Porro quanta fuerit Ismaëlitici nominis per vniuersum terrarum orbem celebritas & amplitudo, cum ex ipsius rebus gestis, à nobis hætenus commemoratis, tum etiam ex tam multis potentissimorum Regum ex vario climate legationibus ad eum transmissis, quarum Ioannes Aloysius cuius Venetus, in suo tractatu, patrio idiomate cōscripto, meminit, perfacile cognosci ac intelligi potest. Hic enim scribit, in vrbe Cyropoli, hodie Scyras vocata, vbi tunc Ismaël cum maiori parte sui equitatus degebat, spatio trium mensium, quo illic substitit, ad eum venisse quamplurimos Regum Indiæ Oratores, quibus negotium datum sit, ut illum nomine suorum Principum salutarent, seque omnia quæ ad eius dignitatem pertinerent, facturos ostenderent, ac præterea nonnullis opulentis & pretiosis muneribus eum donarent. Per idem quoque tempus, Regem Arabiæ Felicis suos legatos destinasse, qui primò Adenam, vrbe à vetustate populi que frequentia, & diuitiis summo perè commendatam, cum pretiosissimis gemmis & vnionibus appulerint, quarum quidem pretium ter decies centenis millibus nummum aureorum æstimabatur, postque honorificæ salutationis officium, & dona exhibita, petiisse, ut ipsi opem ac suppetias ferret aduersus Regem Lusitaniæ, contra quem atrocissimum bellum gerebat. Horum verò postulatis Persam neque assensum, neque prorsus abnuisse, cum præsertim non multò antè, inter ipsum & præfatum Regem, mutuuum fœdus ac societas intercessisset. Hos tamen, sicuti & reliquos omnes, ab eo summis & exquisitis honoribus acceptos, nec etiam illiberaliter dimissos. Præter istas legationes, ait etiam adfuisse oratores insulæ Samotaræ, quæ alio nomine Tabrotana vocatur, eosque ditissimas gemmas, & pretiosissimos lapillos, præsertim ex his, quos vulgò Rubinos

binos appellant, secum detulisse, quorum tanta fuerit copia, quanta vnus iumentum humeris circumuehi posset, quæ omnia, instar magni thesauri iure merito æstimata, à Rege Samotara, cum quo erat affinitate cōiunctus, ei muneris loco mittebantur, additis tamen precibus, vt à Lusitanici Regis amicitia & socierate, à quo plurimis & grauissimis damnis afficeretur, recederet, tametsi Rex ipse ab iisdem insularibus non exigua detrimenta vicissim acciperet. Horum petitioni Ismaëlem respōdisse, se omnem moturum lapidem, vt mutua inrer ipsos amicitia coiret, ea tamen lege & conditione, vt Taprobanus singulis annis Lusitano certam summam carbunculorum, earumque gemmarum quas suprà nominauimus, veluti suus beneficiarius, instar annui tributi, dono daret. Narrat etiam, dum ibi moram traheret, fuisse captum quendam Turcicum exploratorem, profectum ex India maiori, & missum à suo Principe, vt quendam præpotentem Regem, cuius ditio ad Gangi fluminis ripas sita est, ad bellum contra Ismaëlem extimularet, simulq; pollicebatur, suum Imperatorem cum valido & numeroso exercitu Persiam inuasurum esse, cui statim laqueo gula perfracta fuerit, atque addit, illum fuisse Brixientem, & Christianis sacris addictum, adeò vt priusquam obiret, sua errata in aurem cuiusdam sacerdotis Armenij depromeret, & animo pœnitenti, rectæque diuini Numinis inuocatione ex hac vita decesserit. Adhæc, quendam Byzantium speculatorem, exque regio famulatio, fuisse comprehensum, qui Solymanum subinde omnibus de rebus quæ in Perside gerebatur, summo studio ac diligentia certiore faciebat, & propter huiusmodi perfidiam, viuum in plures partes fuisse discriptum & laceratū. Iisdem fermè diebus, aduenisse in regiam oratorem Davidis Regis Æthiopiæ, dominum Indiæ maioris, & Christianis sacris initiatum, quem nostri Presbyterum Iohannem, indigenæ preciosum Iohannem appellant, qui Persam, sui Principis nomine adhortatus fuerit, vt Solymanum aperto Marte adoriretur, Syriamque infestis armis peteret. Ipsum enim, si hoc faceret, propediem adfuturum cum ducentis millibus hominum armatorum, iamque conuenisse cum Lusitano, qui ei ad quinque ac triginta triremes, & quædam alia nauigia omni bellico apparatu instructa, se missurum sponderit, nec dubitare, quin breui tota Ægyptus à Solymano desciceret. In aula, tunc etiam adfuisse legatum Regis Tartarorum, qui suas prouincias habet in mari Caspio, eamque legationem obiisse quendam Turcicum, qui paulò antè à Solymano descuerat, & hanc illius summam fuisse, suū videlicet dominum expetere amicitiam Ismaëlis, & quàm maximè optare, vt cum ipso sœdus percuteret in perniciem ac exitium Ottomannicæ familiæ, ac etiam pollicitum, quòd ipsemet descenderet in Armeniam maiorem cum viginti millibus lectissimorum equitum, & minorem Asiam inuaderet. Circa hæc tempora, illic etiam adfuisse oratores profectos ex insulis Molucchis, sitis vltra circulum Capricorni, in linea æquinoctiali, quæ sanè regio plurimis aromatibus atque vniouibus abundat, hosq; apud Regē summopere conquestos de Lusitanis, à quibus, innumeris cladibus afficerentur, suæque ditio ab eis horribiliter deuastaretur, & proinde suppliciter petiisse, vt Rex suam auctoritatem interpone-
ret, quò tandem, reconciliatis animis, tranquillius degerent, ipsosq; vicissim;

Prouincialium nomine, omnem obseruantiam & gratitudinem obtulisse. Horum postulata, & iustissimas querelas Regem benignis auribus auscultasse, ac etiam promississe, se daturum operam, vt sui voti compotes fierent. Ipsos autē oratores secum attulisse lapillos & margaritas immēsi pretij, quas Persæ dono darent. Præterea non multo spatio interiecto, ad eundem Ismaëlem appulisse legatum cuiusdam potentissimi Regis Indiæ, cuius sedes præcipua est in vrbe Tacan, quæ his in locis fertur esse amplissima, & sui Principis nomine ipsi ad decem millia equitum, & peditum ad ducenta millia contra Ottomannos, obtulisse, atque addit præfatus auctor, ipsum habere ditionem longè amplissimam, & nonnullas vrbes eo circuitu & magnitudine, cuius est vrbs Venetiarum, & præter cæteras, Pologandam, & Marupantam, suamque originem ac genus trahere à stemmate atq; prosapia Regis Pori ab Alexandro Macedone deuiçti, de quo mentionem facit Curtius circa finem lib. VIII. & plerique alij scriptores. Solymanum quoque Turcarum Imperatorem, qui Selymo in principatu successerat, eodem anno misisse ad Ismaëlem splendidissimam legationem, cuius præcipui fuerint decem milites pretoriani, quos Turcico sermone Ianizaros vocant, egregio comitatu stipati, qui nomine sui Imperatoris ducentos equos longè pulcherrimos, Attalicisque tegumentis exornatos, ac etiam nonnullas gemmas immensi valoris ac pretij præfato Ismaëli dono exhibuerunt, eisq; fuisse assignatum hospitium in maiori prætorio, Regiisq; sumptibus atq; impensis donec ibi substiterint, exceptos; nec vquam percipi potuisse, quamnam tãtæ legationis causa extiterit, licet fama obtineret, Solymanum ei obtulisse vniuersam eam regionem, quæ iacet iuxta Euphratem, vtea quietè ac pacificè potiretur, modò ipsi bellum aduersus Christianos gerenti, nullum negotium facesseret, prorsusq; ab armis cõtra se abstineret. Postremò & Carolum V. Cæsare, ad eundem tres oratores, prudentes ac præstantes viros, ablegasse, qui per tria diuersa itinera illuc peruenirent; & priorem quidē, Lusitanicis nauibus aduectum, descensionē fecisse in sinu Persico: Alterum trãsiuisse per Cayrū & Lamecham, urbem Arabiæ desertæ, ac penetrasse ad extremum Æthiopiæ promontoriū, vulgò Bonæ spei appellatum; necnon per multos dies equitasse per mediam Æthiopiam, quæ est sub ditione Presbyteri Iohannis, & venisse ad mare Rubrum, indeque ad portum Chidem; atque ibi conscensa naui, transfretasse in Arabiam Felicem, & appulisse Adenam, atque illinc tandem in Persiam profectū esse. Tertium verò, iter fecisse per Germaniam, & venisse in Poloniam, in qua cum fortè ipsemet Aloysius qui hæc retulit, adesset, ex Persia reuersus, eo quidem animo, vt se domum, ceu postliminio referret, hortatu & auctoritate Regis Sarmatiæ, denuò eandem profectionem suscepisse, vt se illi in itinere comitem ac ducem præberet, atque illinc venisse in Scythiam inferiorem, & trãsiuisse per mare Caspium, ne attingerēt mare Turcicum, indeque perrexisse Darbentum, urbem sitam super mari Hircano, in qua sunt portæ ferreæ, & iuxta illam Caspij montes, in quibus nonnulli opinantur commorari magnum numerum Hebræorum: sed habita super hoc diligenti inquisitione, ait se comperisse, hæc esse tantum figmenta & meras nugas; atque addit, vltra hos montes, præter Scythiam, in qua dominatur Magnus Cham, esse regnum

gnum Catai & Zagatai, atque in his, præclaras & insignes vrbes, & inter reliquas, Marchaut, Macinum, aliasque mira fecunditate, multoque auro ac gemmis scatentes, & præfata regna Orientē versus alui flumine Indo, quem constat longè celeberrimum esse. Cæsareæ legationis causam, hanc præcipuam fuisse tradit, ut scilicet, ipsi oratores Ismaëlem ad bellū contra Turcam gerendum incitarent, cum ipsemet Cæsar vnā cum reliquis potentatibus Christiani orbis, exceptis Venetis, qui iam antea cum Solymano pacis fœdera & conditiones renouarant, aduersus eundem hostem cum valido exercitu expeditionem pararet, ac etiam promittebant, fore, ut etiam ipsi Veneti, cum reliquis Christianis Principibus suas vires coniungerent, ut communem hostem communibus armis depellerent ac debellarent. Legatum verò qui per sinum Persicum adnauigarat, secum adduxisse ad mille & quingentos Hispanos, armis perbellè instructos, & pleraque militaria tormenta eius generis, quæ Falcones vulgò appellant, omnesque gestasse insignia imperialia, præter vnum, cui erat insigne Diui Marci, captum, uti ferebatur, ab Hispanis, in eo prælio, quod gestum est anno Salutis D. M. IX. quo Veneti, ferè omnes vrbes atque oppida quæ habuerant in Gallia Cisalpina, breuissimo tempore amiserant, licet haud multò post, Diis propitioribus vsi, recuperarent. Ex his tam multis maximorum ac potentissimorum Principum legationibus, facillè apparet, quanta fuerit huius inuictissimi Regis maiestas & amplitudo, quantaque nominis celebritate illius fama & virtus per omnes mundi regiones atque prouincias inclaruerit. Credibile autem est, ipsum, aliquam insignem expeditionem tunc habuisse præmanibus: sed immaturo fato abreptum, quod mente atque animo conceperat, exequi ac perficere nequiuisset. Quippe fama est, ipsum, iam ferè quatuor & quadraginta natum annos, contracto ex asperrima venatione fatali morbo, supremum diem obiisse, quatuor relictis liberis, ex vna legitimaque vxore susceptis, de quibus, ac Persici regni successore, in hoc penultimo libro fusè & luculenter disseretur. Fuit Ismaël iusti æquique obseruantissimus, & natura quàm maximè benefica & liberali, omnibusque corporis atque animi dotibus insignitus. A nonnullis memoriæ proditum est, ipsum quandoque bibisse vinum, licet clanculum ac secreto, nec etiam à suillæ carnis esu abstinuisse, quod vtrumque lege Mahometica prohibetur. Sunt etiam qui retulerint, propter odium in Ottomannicam familiam, in eius aula suam educatum ac probè saginatum fuisse, utque aulici, Turcorum Regi illuderent, illi per scomma atque ludibrium, ipsius Bajazetis nomen impositum fuisse. Proprium eius nomen fuit Scach Ismaël, id est, Rex Ismaël. Sophy autem cognomentum sortitus est à Sopho, cuius antea mentionem habuimus, cum idem prorsus dogma profiteretur atque defenderet. Hunc verò plerique arbitrantur, ideò sic appellatum fuisse, quod iusserit, suos sectatores, humilitatis gratia nihil aliud in capite pretiosius gestare, quàm quod ex lana conficitur. Et quoniam Arabico idiomate lana appellatur sophy, idcirco ipsum hoc nomine vocatū. Sed prior sententia veritati propinquior est. Quod verò attinet ad particulā Schach, quæ propriis Regū Persarū nominibus præponitur, hæc sanè (ut dictū est) lingua Persica significat

Regem.

Ismaëlis obitus & natiuitas.

Schach quid significet.

Persæ quomodo à Turcis vocentur.

Regem. Sic Turcici Imperatores nomen Sultani ab imperando usurpant, cui forsitan illud Gallicum, Syre, comparari posset. Turci, ut hoc etiam obiter dicatur, Persas vocant Pharsic, vel Quezelbach, id est, capita rubra. Nonnulli etiam eosdem appellant Etnazarios, quod pileum in duodecim partes distinctum gestare consueverint. Quandoquidem Etnazarij vox, apud Arabes, prout illam plerique interpretantur, duodecim sonat. Præfatum pileum, quod est rubri coloris, suo idiomate Kuselbas nuncupant, quod quidem nihil aliud sonat ac exprimit, quam si quis diceret Caput rubrum. Hactenus de Ismaële, ac eius rebus gestis. Nunc reliquum est, ut de ipsius liberis, & imprimis de Tammafo eius primogenito, à quo Persarum imperium diu administratum est, nec non de eiusdem natura & moribus, quantum ex sedula & diligenti investigatione à me intelligi potuit, enarretur. Quam explicationem, cum plerisque aliis rebus, ad ipsius Regis aulam, & politicam gubernationem atque militiam spectantibus, proximus liber continebit.

HISTO-

HISTORIÆ RERVM PERSICARVM

LIBER VNDECIMVS.



DEFUNCTO Ismaëli, Schac Tammaſus, ipſius filius, natu maximus, paterni imperij hæres atque ſucceſſor deſignatus eſt, ea quidem imprimis conditione, vt reliquis fratribus regnorum præfecturas impartiretur. Hi verò fuere Helcas, Becramus, & Sormiza, qui eas, vt ex teſtamento patris aſcribebatur, inter ſe æquabili portione ſortiti, non multò poſt eius obitum, in ſuas prouincias conceſſerunt. Aſſyria, vrbsq̃ue ipſa Bagadat, quæ olim Babylon fuit, Helcaſi vnà cum Meſopotamia ceſſit: Becramo Media, Hiberis & Albanis, Caſpioq̃ue mari contermina: Somirzæ Parthia obuēnit, vicina Hircanis, qui Coraxeni hodie ſunt, & ad Zagataios pertinent, hiq̃ue fuere antiquitus Arij, Aracoſij, & Marſiani. Qui ſunt Sogdianæ, Baſtrianæq̃ue regionum populi: At ipſe Tammaſus, Armenia, Perſide, atq; prouinciis Oceano proximis contentus fuit. Circa hæc tempora, Solymanus, vnicus Selymi filius, natus ex Boſpharani Regis, Tartarica ſtirpe oriundi, filia, quem pater adhuc imberbis adoleſcens, ſuſcepit, nemine obſiſtēte æmulo, tot regnorum hæreditatem adierat, eodem ferè anno, & menſe, quo Carolus V. Cæſar natus anno milleſimo & quingentefimo, die feſto S. Matthiæ, Imperij diademate Aquifgrani coronatus eſt, quod quidem incidit in annum ætatis ſuæ duodeciſimum, & Chriſtianæ ſalutis, viceſimum ſupra milleſimum quingentefimum. Porro huius prima expeditio fuit in Syria ductu Faratis purpurati aduerſus Gazellem, qui ab eo defecerat, & collatis ſignis, præclara victoria potitus eſt. Inſequenti anno, qui fuit primus ac viceſimus, ſuorum maiorum diſciplinam ſecutus, poſtquam Syriam ac Ægyptum, interfecto Gazelle, Syriæ præfecto, virtute Faratis, pacatas didicit, Peribachæ ſui moderatoris conſilio, & Prætorianorum militum hortatu in Pannoniam arma conuertit, adortuſq̃ue Belgradum, quod ad confluentes Sauum atque Danubium ſitum, egregium erat atque firmiſſimum totius Pannoniæ munimentum, expugnauit, multasq̃ue arces & caſtella in Vngaria diruit. His rebus feliciter geſtis, proximo anno Rhodum inſulam cum quadringentis nauibus adiit, & cum maxima hominum multitudine ſub Iunij menſis finem obſedit. Rhodij milites, quibus tum præerat Philippus Vilerius Liladamus, conſerentes cum eo fortiter manus, poſt multas clades aduerſariis illatas, tandem ad extrema redaeti, cum hoſte certis conditionibus tranſegerunt, adeò vt Solymanus, ſexto menſe ab eo, quo ipſam inſulam oppugnare cœperat, occuparit, eamq̃, ipſis Chriſti natalibus ingreſſus eſt, nec mediocrem, ob fidem ſeruata, & ſingularem moderationem atque clementiam, qua poſt victoriam uſus eſt, laudis ac fortitudinis gloriam retuliſſe perhibetur. Per idem ferè tempus, mortuo Cayerbeio Ægypti Præſide, Solymanus Achomatem purpuratum in eius locum ſubſtituerat, qui ſtatim ab initio manifeſta defectionis ſigna edidit, cumq̃ue laudis cupiditate incenſus, nouas res contra ſuum Principem moliri, & Sultanico regno inhiare incœpiſſet, breui poſt, à

Tammaſu
ſuccedit Iſ-
maeli.

Solymanus
Selymo in
imperium
ſuccedit.

Eiusdem pri-
ma expeditio.

Gazellis in-
teritus.

Belgradum à
Turcis expu-
gnatum.

Rhodus dedi-
tione capta.

Turcis

Achomates
Bassila propter
affectatam
tyrannidem
interficiunt.
Habraymus
Bassila.

Solymanus
Vngariam
inuat.

Ludouici re-
gis Vngariae
meritis.

Buda capitur
à Solymano.

Solymanus
iterum inua-
dit Hunga-
riam, & Bu-
dam, cuiusque
artem occu-
pat.

Vienna Aus-
triae obside-
tur, anno
1529.

Solymanus
re infecta do-
minum redit.

Roderici Por-
tundi clades.

Turcis captus atque interfectus fuit. His de causis commotus Solymanus, Habraymū purpuratū, cuius fidei ac virtuti plurimum tribuebat, Alcayrum ad res turbatas componendas, misit, quā omnia singulari prudentia & ingenij dexteritate, qua mirum in modum pollebat, subito pacauit. Mox, sui Principis, qui eum diutius abesse, sufferre non poterat, amantissimis literis reuocatus, Byzantium rediit, ac non ita multo post, Bellerbeia dignitate donatus est. Interim Solymanus, prosperis fortunæ successibus elatus, miraque proferendi imperij cupidine flagrans, denuo aduersus Christianos, quos ingenti odio prosequabatur, omnia belli molem conuertere statuit. Proinde anno eiusdem æui sexto ac vicesimo, cum trecentis hominum armatorum millibus Ludouicum II. Regem Hungariæ, primum & vicesimum annum agentem, bello aggressus est; & collatis signis, cum eo, viribus & militum numero longè inferiori, quippe qui duntaxat ad viginti millia bellatorum in castris haberet, conflixit, eo pugne ac certaminis euentu, vt Rex ipse in acie victus, & prostratis vndique copiis, nudatus eo quod sperarat, paraueratque præsidio, sese ex prælio eripiens, in proxima palude, reflectente se equo, ita vt erat armatus, sesquipalmis aquæ luculento in gurgite suffocatus interierit, quo in loco plures etiam alij interierunt. Multi insignes viri eo prælio desiderati, ex quibus Stephanus Slico maximum sui desiderium reliquit. Buda regia vrbs direpta, & nobilissima bibliotheca Matthiæ inclyti regis incensa, indeque Solymanus ad victoriæ suæ monumentum tres æneas statuas ingentes, auferri, & Byzantij in Hippodromo collocari iussit. Caterum anno supra millesimum, quingentesimum vndetrigesimo, Solymanus nihil ab instituto consilio repetendæ Pannoniæ recedens, adulto vere, & læto iam gramine virentibus campis, maximo cum exercitu aqua terrisque, instructissimo, & incredibili omnium rerum, quas belli vsus exigit, apparatu è Constanti-nopoli rediit in Vngariam, & Budam, omni ferè præsidio destitutam, occupauit, breuique post, arce, Germanis præsidariis, qui erant ferè septingenti, saluis rebus & vita incolumi deditiōem facientibus, potitus est. Inde exercitum ad Viennam Austriæ adducere properauit, eamque secunda & vicesima die Septembris, nona hora ante meridiem aliquot millibus equitū, quoad reliqua immensi exercitus moles conflueret, obequitari tentarique iussit. Et vicesima sexta eiusdem mēsis & aqua & terra immanibus Turcarū agminibus ea ciuitas vndique circumfessa & oppugnata fuit, eo tandem successu, vt Viennensibus & præsidariis militibus, quorum erant sexdecim millia, urbem fortiter ac strenuè defendentibus, Turcarum rex 14. Octobris, post multam suorum cladem, & plurima detrimenta nostris illata, obsidionem soluerit. In exercitu Ottonmannico ferunt ad centum & quadraginta millia virorū extitisse: ex quibus, circiter octuaginta millia cum in oppugnatione Viennæ, tum in discessu, fugæ haud dissimili, frigore atque inedia, & quàm plurimi etiam ferro perierunt. Sub id quoque tempus, Rodericus Portundus Hispanicæ classis præfectus, Barchinonem reuerti iussus, summum fœdæ calamitatis infortunium subiit. Commisso namque nauali prælio cum Turcis prædonibus, classe exutus est, atque interfectus, tā sua exitiabili, quàm Reipub. damnosa temeritate. Quomodo autem res gesta sit, Paulus Iouius Hist. lib. xxvii. disertè & luculenter explicauit. At secundo & trigesimo anno su-
pra

pra millesimum quingentesimum, Solymanus, nouam expeditionem suscepit in Vngariam, vt Viennam expugnaret, à cuius mœnibus paulò antè fortiter repulsus, cum ignominia discessisset, vel, si Germani duce Carolo Cæsare contra prodirent in aciem, de totius ferè terrarum orbis imperio decertaret: ipsum enim se vnum esse, ad quem Romanum imperium legitimo iure pertinere, dicere solitum ferebant. Quoniam Magni Constantini, qui vniuersi orbis Augustus Imperator extitisset, sedem, & sceptrum, atque vrbes eius imperij teneret, vt eius proauus Mahometes, expugnata Constantino-
 poli, & Constantino, supremo Græcorum Imperatore, superato, atque occiso, hæc omnia iure belli capta, Ottomânicis regnis adiecisset. Propterea cum de Carolo sermones inciderent, aut literæ scriberentur, eum non Cæsarem, sed Hispaniæ Regem, superba dissimulatione vocare cōsueuerat. Huius belli Solymanus aliam etiam causam prætexebat, nimirum, vt Ioannis Vayuodæ amici sui ac beneficiarij illatas iniurias vlcisceretur. Proinde cum sexcentis millibus hominum armatorum ex Thracia in Pannoniam profectus, primò, ne quid à tergo post se relinqueret, Gunzam oppidulum, cui præerat Nicolaus Iurizius, vir multa rei bellicæ gloria illustris, arctissima obsidione cinxit, & oppugnauit, atque illud tandem, multis suorū desideratis, non vi, sed deditione traditum, eidem Nicolao, cuius egregiam virtutem, & animi constantiam summopere admiratus est, dono dedit. Caterum hæc secunda Solymani in Vngariam expeditio, haud meliorem euentum, quàm prior, sortita est. Cum enim pro certo comperisset, Carolum Cæsarem, & Ferdinandum Regem, cum descriptorum peditum nonaginta, & equitum triginta millibus, præter alios multos ad eam militiam spontè profectos, præter equitum quoque ac peditum ministros, quorum erant non contemnendæ vires, & bellandi peritia haud sanè vulgari, in Germaniam aduentare, ipse post aliquot excursiones factas, & nonnullos leuiores conflictus non absque suorū clade habitos, conclamatis vasis, per Noricorum montana iter faciens, multa præda onustus, domū rediit. Fugientē tyrannū lues ingens secuta, vltra centum & quinquaginta hominum millia ex ipsius exercitu, sicuti fama est, è medio fultulit. Huius sacræ militiæ summa demandata fuit Friderico Palatino, cuius inclyta virtus & magnanimitas passim ab omnibus celebratur. Eadem ætate, Solymanus ad septuaginta triremes omni bellico apparatu instructas, sub præfectura atque imperio Himeralis eduxit, contra quem Andreas Auria cum triginta quinque onerariis, & quadraginta octo rostratis nauibus ex Iugustico sinu in Siciliam soluit, vt illinc hostē inuaderet. Quid verò vtrinque postea subsequutum sit, ex P. Iouij hist. lib. xxxii. plenissimè intelligetur, sicuti etiam quæ proximo anno egerit in Africa per Hariadenum, cognomento Barbarussam, suæ classis præfectum, contra Tunetanum Regem, quem etiam sua ditione priuauit, licet paulò post, armis Caroli V. in regnum restitutus fuerit: adhæc, vt Ludovicum Gritum Andreæ clarissimi Venetorum Principis filium, in Pannoniam è Byzantio cum amplissimis mandatis ad Ioannem Pannoniæ Regem, vt Budæ consideret, Hungarosque proceres in fide retineret, ablegatus, & nrox Transylvanorum conspiratione interfectus: vt denique per idem tempus, anno scilicet eiusdem qui quarto ac tricesimo, duobus ingentia terra marique bella mouerit, impotenti quadam ambitione totius orbis

Solymanus iterum inuadit Pannoniam.

Idem Romanum Imperiū sibi vëdicat.

Gunza à Turcis deditione capta, Nicolao Iurizio traditur.

Exercitus Cæsaris & Ferdinandi aduersus Turcas.

Solymanus infectis velus domum, fugienti similis, tenentur.

Fridericus Palatinus. Naualis apparatus Solymani contra Cæsarem. Andreas Auria.

*Bellum inter
Solymanum &
Tammassum
Regem Persarum.*

*Agiamij
dicuntur omnes
Persae subiecti.*

*Inducia inter
Turcos &
Persas.*

*Solymani
expeditio contra
Persas.*

orbis imperium sibi pollicens, si Persas, & Afros sub iugum misisset, ex eiusdem auctoris hist. lib. xxxiii. perspicue innotescit. Caterum, omisso bello Africano, aliquid mihi breuiter in praesentia de Persico dicendum. Supra enarratum est, Ismaele viuis subtracto, eius filium natu maiorem, nomine Tammassum, patri in imperio successisse: & reliquos fratres amplissimis praefecturis ex patris voluntate cohonestatos. Porro Tammassus Ottomannorum genus vehementer exosum habens, bellum animo meditabatur in Solymanum, ulturus iniuriam, quam a Selymopater ipsius accepisset. Persico etiam imperio subiectae gentes, quae hodie vno nomine Agiamij vocantur, usque adeo turgentibus dolore animis eius Selymianae irruptionis detrimenta sustinebant, ut aduersae eius pugnae memoriam renouato bello, rediuiuaeque virtute abolendam esse decernerent, quod antiquum Persarum decus, illustre semper antea, vno eo accepto incommodo, obtritum planeque obscuratum arbitraretur. Is animorum habitus apud Persas viros militares, facile iuuenem Regem, & per se tunc paternos gerentem spiritus, magnopere excitabant, ut Solymanum sibi hostem destinaret, optaretque nobilissimum bellum, quo ipsius virtus, vindicatis paternis iniuriis, enitescere posset: sed Tammassum, nonum iam regnantem annum, nulla alia exercuerant arma, quam Hircanorum, Zagatarumque gentium: nam penes hos, ex professo diuersae factionis, & uti inter finitimos bellicososque, facile accidit, apud quos, armorum causa nunquam defuit, semina simultatum relicta ab Ismaele, adhuc vigeant, vel hoc vno cognomento, quod haec gentes Cacepas a viridi capitum integumento vocaretur, sicuti Persae ab initio ciuili discordiae, propter nouae superstitionis causam, Gusebassae, siue, ut alij, Cuselbassae, hoc est, rubra capita, uti iam diximus, appellari consueverant. Verum ex his bellis, ex multa fatigatione virium vtrinque enatae induciae finem attulerant, sic ut pacis compos Tammassus, regnorum suorum tranquillitate frueretur, nec tamen a finibus usquam Persae, Gordique praesertim populi, latrocinii abstinerent, & aliquando insolentius prouecti, superato Euphrate, e Mesopotamia in Comagenem irruerent, uti antea Sultanorum temporibus audere consueuissent. At Solymani praesides qui erant in Syria, sibi inferri iniurias frustra questi, cum & ipsi, tanquam violatis ab hoste induciis, arma expediret, transuectique nonnunquam Euphrate circa Byrtham, incursiones in Mesopotamiam repetitas facerent, sensim praeludetes graui inchoando bello initia praebant. Quibus rebus nunciatis, Solymanus vehementer excitabatur, viriumque suarum conscius, & paternae felicitatis memor, excelsa elatoque animo Persicum bellum agitabat, dolens nihilominus haud mediocriter, a Christianorum infestatione hac se occasione distineri. Eum itaque pari studio diuersissima bella meditantem, Habraymus, qui incomparabili adeoque summa pollebat gratia inter purpuratos principes, frequentibus alloquiis, licet in suum exitium, sicuti postea euentus declarauit, impellebat, ut in Orientem arma conuerteret, & bello Germanico Persicum preferret. Quocirca euocato undique milite in Persas, Vlamane, qui a Tammasso profugus, ad Solymanum se contulerat, itineris duce usus, in Armeniam contendit. Vbi ad Caim eiusdem Armeniae urbem, peruenit, summa cepit admiratio Turcas omnes, quod nullus eis Persarum exercitus longo itinere occurrisset. Verum Tammassi consilium erat, relictis urbibus,

bibus, montes petere, donec Hiberi & Albani leuis armaturæ, qui Persas cataphractos antecedere consueſſent, ſuperuenirent. Ea re per exploratores cognita, Solymanus caſtra mouit, rectaque ad eum perrexit. In eo itinere, Tauriſum ampliſſimam urbem, abſque vilo maleficio ingreſſus, moxque egreſſus, Sultaniam petiit, haud procul inde diſtantiem, quæ olim Perſarum regia fuit, ſed à Tamerlano Tartaro deuſtata, adhuc vetuſta dignitatis ſuæ templorum ornamenta retinet. Ad eam urbem aliquandiu hærente Solymano, ex vicinis altiffimis montibus, quos niues perpetuæ obſident, tam ſæua erupit tempeſtas, paulò ante æquinoctium æſtium, vt ex iſtis montium iugis præalta nix in campos, vbi Solymanus Tammaſum ſuſtinebat, ventis propellentibus decideret: & ea immanis procella Turcarum tabernacula diſſecit, iumenta, & inprimis camelos, grandi numero peremit, militesque permultos extinxit, nec Solymanus ipſe multum à periculo abſuit. Auxerunt eam cladem noctis tenebræ, ac timor hoſtis propinqui, licet is longè diſtaret. Poſtera luce Sol vtique præclarus, ſalutaribus radiis multos propè rigentes atque attonitos reſouit: & quod ad reliquam vitæ ſecuritatem opportunè pertinebat, campos hoſte vacuos detexit. Solymanus, nōn nihil recreato exercitu, in Aſſyriam proficiſcitur, hortante Vlamane transfuga, nulloque negotio Babyloniam potitur. In ea vrbe Calyphæ ſacrorum principis ſedes eſt, quem Mahumetani Reges obſeruant, iſque ex veteri inſtituto & adoptat, & confirmat Aſſyriæ Reges, ita vt etiam Solymanus ab eo inſignia atque ornamenta eius regni accipere voluerit. Vrbs illa, ſi veteris ſtructuræ ambitus expendatur, longè omnium ampliſſima eſt, libuitque Solymano in ea hyemare: ſed iam multa illic vaſtitas conſpicitur, horti innumeri ædificiis coniuncti, agri quoque aratris proſciſſi, ferarumque captiuarum & incluſarum nemora. Exceptus eſt Solymanus ab Aſſyriis & Meſopotamiæ populis mira propenſione, & per vrbes illarum regionum exercitus in hybernis collocatus. Appetente vere, hortatu Abraymi & Vlamani, in Tammaſum arma inſtaurat, egregiâ quandoque, vti ſperabat, ex Perſis victoriam relaturus. Itaque Tauriſum reuertitur, Tammaſo inde ad eius inopinatum aduētum in Coraxenos iterum abeunte: urbemque ampliſſimam, licet iuſſa facere paratis incolis, dira barbarie militi diripiendam obiicit, & ipſe quoque Vſumcaſſani atque Iſmaëlis ornamenta ex regio palatio, quod antea Selymus properanter deformarat, tolli iuſſit, adeò vt nec picturis quidem, & auratis laquearibus parceretur, & integras quaſdam familias telæ ſericæ opificiis celebres, abducendas imperaret, magnumque ſeruorum numerum, & delectæ iuuentutis, ætatis & formæ, omniſque ſexus, diſceſſurus comprehendere, & Byzantium perducere ſineret. Ea præda onuſtus, cum iam aduentantis Tammaſi fama increbreſceret, redit in Meſopotamiam: nec eo in itinere abſuiſſet à periculo exercitus, niſi falcorum & ſcopetorum iſtibus Perſæ abſterriti fuiſſent. Verum enimuerò iam Tammaſus Tauriſum redierat, hoſtemque perſequi ſtatuit: ſed cataphracti Perſæ leuiſſimos Turcas equites inſequi non poterant. Interim Delimenthes Satrapa fortiſſimus, petit à Tammaſo certum expeditorum equitum numerum, & cum iis per nota itinerum compendia Turcos inſequitur, eoſque iam nihil aduerſi formidantes, iuxta Bichelim urbem, Tauro ſuppoſitam, intempeſta nocte vndique inuadit, perturbat, opprimit, adeò vt Baſſæ ipſi vix omnino

Tammaſus
abit in mon-
tium reſeſſus,
donec ſuas
copias adau-
geat.

Sæua tempe-
ſtas diuexat
Turcas, &
magna clade
afficit.

Solymanus
potitur Baby-
lonia & Aſ-
ſyria, anno
ſalutis 1534.

Nona Soly-
mani expedi-
tio in Perſas
Tauriſum
diripiunt.

Ingens Tur-
corum cla-
des, duce De-
limenthe.

ninò euaserint. Vix vnquam Turci maiorem cladem vel in pugna cruentissima feruntur accepisse, ablatis præsertim tormentis, atque tabernaculis, cunctisque vasis castrensibus & impedimentis, atque insuper plusquam dimidia equorum parte desiderata. Incidit ea clades Turcis ad tertium Idus Octobris, qui dies ingenti Persarum omnium lætitia in posterum celebratus est. Hac verò, tanquam è naufragio euadentibus præfectis, Solymano, qui Caramyde substiterat, renunciata, vsque adeò eius animum perculit, ut omnem renouandi contra Persas belli cogitationem abiiceret, cum præsertim hoc acerbissimum vulnus, sibi à matre, priusquam hanc expeditionem susceperet, prædictum, nequaquam virtute hostium, sed dolis, veluti superis eorum insidiis non obscure fauentibus, inflatum accepisset; interim profundè ac dissimulanter inexpiabili odio in Habraymum còcepto, qui ei huius infelicitis expeditionis auctor atque suasor fuisset. Vbi Constantinopolim reuersus est, sperati triumphii publicæque lætitiæ apparatus omnem reiecit, & mox, multorum procerum conspiratione, quibus iam immodica eius potentia mirum in modum inuisa erat, (quippe insita mortalibus natura, recentem aliorum felicitatè ægris oculis intueri) atrox inuidia conflata est; ac etiam apud ipsum Imperatorem, gratia eius omnis conuulsa, matre, atque coniuge Solymani huius odij auctoribus, quæ ferre non poterat, ad serui vnus arbitriū tantum Principem huc atque illuc impelli. Nam certum est, nulli ferè vnquam tantum apud Principem tributum fuisse, quantum ipsi Habraymo: sed ea gratia in summum odium repentè commutata est. Plurimum verò ipsius existimationem eleuauit, quòd minimè obscuris inditiis compertū esset, eum, Christianorum rebus fauere, & propterea Solymanum à Carolo Cæsare & Ferdinando Rege, itemque Venetis infestandis, ad Persas reuocasse. Erat enim Solymanus acerbissimo in Venetos animo, tum quoque Carolum Cæsarem vehementer oderat, quòd didicisset, eum per legatos cum Persis egisse, suspicareturque, eum Tammafo tormenta per Lusitanos è finitima India suppeditare. Itaque Habraymus ingrati & perfidiosi erga Solymanū animi conuictus, cum circiter Idus Martias in regiam fuisset admissus, grauissimis verborum flagellis cæsus est, ac seuerissimè à Solymano obiurgatus, nec vllis lachrymis ad eius pedes prostratus, sæuū eius animum flectere potuit. Nocte inde proxima, dormitans in cubiculo, cultro adunco, quem Solymanus carnifici de manu tradiderat, iugulatus est. Porro albescēte cælo supellex, & pecunia eius omnis in fiscum relata, nihilque ferè præter dotem miserrimæ coniugi relictum. Hunc vitæ potentiaque suæ exitum tulit Habraymus, quo nemo eorum vnquam antea, qui maximorum Regum gratia potètes euaserint, ad exemplum illudētis Fortunæ ante obitum fortunatior atque felicior fuit.

Solymanus interim, ex Perside reuersus, bellum intulit Lusitanis, propterea quòd in bello Persico aduersus Tammafum infelicitè suscepto, didicerat, Lusitanos quosdam sclopetarios, & tormentorum magistros, qui maiora tormenta & fundere, & peritè dirigere Persas docerent, Regi Persarum militasse, idque Solymani animum vehementer in Lusitanos exacuit. Cæterum, haud multò post, omnem belli molem in Italiam conuertit, & cum ingentibus copiis terra marique instructis, ipseque è Thracia profectis, ac emensus totius Macedoniæ latitudinem, ad Scardos montes perrexit, & per eorum valles

Habraymus
excidit gratia
Solymani.

Habraymus
iugulatur.

Solymanus
monet arma
in Lusitanos,
& deinde in
Italos.

valles ad mare descendit. Tum verò Italiam, quam habebat in conspectu, extemplo petendam ratus, vt si cœpta prosperè prouenirent, ipse etiam totis copiis traiceret, Lusitaneum, & Barbarissam transfretare, ac explorare Salentinorum voluntates iussit. At Solymani conatibus, felicissimis Andreae Auriæ armis repressis, mox in Venetos, à quibus se despectum, & vana anti-quæ pacis specie deceptum disiebat, ita vt eos proculdubiò cum Cæsare ab occulta societate consensisse iudicaret, bellum decernit, & ab Aulone castra mouens, Corcyram oppugnare constituit, Barbarissâ cum omni tormentorum apparatu è continente in insulâ transgredi iussio. Verùm enimuerò cum propter egregiam & strenuam oppidanorum propugnationem, & quoniam locus ipse & natura & opere munitissimus esset, animaduerneret, se in hoc bello parum proficere, illius pertæsus, soluit obsidionem, & Byzantium reuersus est, non sine pudore irriti conatus, quòd vtròque, & in Salentinis, & Corcyræ, fortuna, vel iusta, vt ipse quidem arbitrabatur, vel immodica eius vota fefellisset. At Veneti anno eiusdem seculi vndequadragésimo, cum Turcis pacem renouarunt, traditis illis trecentis millibus coronatorum, & Neapoli ac Maluasia oppidis in finibus Macedoniæ. Quo tempore à Turcis Corcyra obsidebatur, Austrianus exercitus, qui erat in Pannonia, ad Ezechium castellum situm in Poslega, fœda in fuga cæsus atque deletus. Anno etiam eiusdem æui primo & quadragésimo, Austriani magnam cladem ad Budam passi sunt, & breui post, Strigonium & Alba regalis in Turcorum potestatem deuenit. Cæterùm anno eiusdem seculi quadragésimo octauo, exortum est nouum bellum inter Turcos & Persas, cuius hæc præcipua causa & origo extitit. Paulò antè, inter duos Solymani filios, nempe Selymum & Baiazetem, regnandi causa, ingens bellum enatum fuerat, in quo tandem, victoria penes Selymum inclinante, Baiazetes cum aliqua parte exercitus, & multo bellico apparatu ad Regem Persarum profugit, à quo benignè ac liberaliter exceptus fuit. Hunc Solymanus per varias legationes à Tammafo repetiit. Verùm is, cum ipsius postulatibus perpetuò abnueret, Solymanus vehementissimè indignatus, hanc iniuriam bello atque armis vindicare statuit. Proinde collectis ingentibus copiis, quæ plus ducentis millibus hominum constasse dicuntur, hostiliter in eum arma conuertit, & in Armeniam iter cepit. Vbi primùm ad fines Persarum deuentum est, incredibili immanitate obuia quæque ferro atque igni populatur, nulli neque sexui, nec ætati parcens; eoq; magis ipsius animus ad omnem sæuitiam & crudelitatem accendebatur, quò magis intelligebat, filium suum Baiazetem profugum, non solum à Tammafo aduersus paternam volutatem protegi atque defendi, verùm etiam illi summum imperium copiarum aduersus patrem, armaque ad vindictam atque ultionem concessa. Tammafus, quanuis haberet in armis centum millia hominum & amplius, tamen quia Solymanus cum tantis viribus è Syria in Mesopotamiam prædabundus penetrauerat, veritus, se non posse resistere tantis copiis, legationes misit ad Lusitanum Regem, qui maiori parti Indiæ imperat, vbi multæ sunt munitiones cum Hispanicis præsidiis, & rogauit, ne se, tantis bellorum motibus implicatum, negligeret: sed quàm citissimè opem ferret aduersus communem hostem. Præstare, auxilium ferre laborantibus nunc Persarum rebus, quàm expectare, vt cum accessione virium Persicarum

Idem Venetos bello aduincitur.

Corcyra à Turcis frustra oppugnatur.

Pax inter Turcos & Venetos, cui maximo ipsorum Venetorum incommodo. Christianorum clades in Pannonia.

Nouum bellum inter Turcos & Persas. Baiazetes filius Solymani fugit ad Persas.

Turci Lusitanorum ope funduntur à Persis, & maxima clade afficiuntur.

ipse postea à Solymano inuadatur. His, aliisque compluribus rationibus commotus Lusitanus Rex, decem Hispanorum millia cum viginti bellicis tormentis subsidio misit Persæ, qui, ubi ad castra Persarum posita in ripa fluminis Euphratis peruenerunt, castrametati sunt à fronte exercitus Turcarum. Cæptum est statim pugnare leuibus præliis, in quibus tanta Hispanorum virtus enituit, ut Persæ, qui prius videbantur magnoperè consternati, & metu perculsi, non parum animi resumpserint. Huius autem belli is tandem exitus fuit, ut Persis vnà cum auxiliariis copiis acerrimè dimicantibus, & Baiazete in aciem paternam summo impetu ac virtute, semel atque iterum impressionem faciente, Turci terga vertere coacti fuerint; & licet Solymanus, visa suorum fuga, eos nunc adhortationibus, nunc minis, nunc amplissimis promissis ad prælium reuocare conatus sit, nunquam tamen assequi potuit, ut qui ex eo certamine incolumes euaserant, pristinæ virtutis memores, ac sui Imperatoris præsentia & adhortationibus commoti, ad signa redire voluerint, & potius cum laude obire, quàm turpi fuga seipso fœdare atq; pollucere. Ceciderunt ex Ottomannicis copiis in ea pugna centum & triginta ferè millia hominum: complures fuerunt vulnerati: septem purpurati, inter quos, & purpuratus Mesia, cæsi sunt, atque vel Solymanus ipse vulnus accepit. Sed neque eam cladem tantum Solymanus passus est, quam ab hostibus accepit, cum multi quoque perierint in itinere redeuntes, propter famem, & omnium rerum necessariarum penuriam, quia per solitudines & deuastatas à se regiones iter faciebant, ita sanè, ut equos edere pro cibariis, & sanguinem equinum bibere coacti fuerint. Hæc clades prædicta & diuinitus significata fuerat Turcis, antequam discederent Byzantio, quippe cum crinita stella dicatur visa fuisse, penes quam erant duo iacula lignea. Luna quoque sanguinolenta, & facie cruore obducta, per longum spatium apparuit, quæ omnia prodigia insignem calamitatem Ottomannicæ familiæ portendebant. Sic Solymanus, omnibus propè copiis amissis, rediit Byzantium. Huic bello ipsemet Tammachus cum suprema potestate atque imperio præfuit, omniaque magnanimi ducis ac fortissimi bellatoris munia & partes peregit, adeò profectò, ut ex nulla alia expeditione maiorem laudis gloriam retulisse dicatur. Proximo anno, qui fuit eiusdem sæculi quadragesimus nonus, tametsi, quoad tempus attinet, complures scriptores variant, quorum nonnulli post quartum annum à fuga Baiazetis hoc euenisse, in literas retulerunt, Mustapha ipsius Solymani primogenitus, virque summis dotibus ornatus, ad Persas itidem confugit. Cum enim propensior in secundæ uxoris liberos, è quibus alterum, Mustaphæ primogenito, hortatu uxoris Rossæ prælaturus videbatur, hoc Mustapha ægerime tulit, & Persarum auxiliariis copiis innixus, patri duodecim præclaras ciuitates, & agros, frugum omnium abundantia latissimos, ademit: quæ calamitas sic Solymani animum commouit, ut mox, reparato exercitu, & cum quingentis hominum armatorum millibus Persas adortus, illos in turpem ac præcipitem fugam coniiceret. Verum ipsis longè lateque omnia incendentibus, è Solymani exercitu, rerum inopia pressò, ad centum millia perièrè, coactusque est Solymanus re infecta illinc discedere. Proximo anno, rursus contra Tammachum cum ingenti exercitu profectus, signis infelicibus pugnavit, quàm plurimis ex suis amissis in Persia, & Tartaris socia arma iungere volentibus;

Insignis Persarum victoria.

Cometes, ac cetera prodigia Turcorum cladem præcesserunt.

Mustapha Solymani primogenitus fugit ad Persas.

Solymani victoria & clades, in Persia.

lentibus, maiori ex parte cæsis in minori Armenia. Vt verò acceptam ignominiam deleter ac vendicaret, nouos exercitus conscripsit, & primum suos milites stipendiorum amplificatione inuitauit, deinde sociorum animos per legatos confirmauit. Sed copiarum longè instructissimarum, breui post, haud mediocrem numerum, inedia, & peste amisit, eodemque morbo Constantinopoli, quam priusquam illinc discederet, centum triremium præsidio cōmunierat, per idem tempus, ad septuaginta hominum millia è medio sublata esse dicuntur. Paucis post mensibus, quorundam purpuratorum intercessione factum est, vt Mustapha patri reconciliatus, sese in suis Satrapiis ac præfecturis contineret, iamque sibi de paterno in se animo cuncta amanter pollicebatur, ita sanè, vt post aliquod spatium temporis interiectum, anno videlicet, eiusdem æui tertio & quinquagesimo, à patre accersitus, accepta fide, in castra, quæ tunc ab Alepia Syriæ circiter quadraginta millia passuum distabant, præcipuis quibusque dehortantibus, summa celeritate conuolarit, & candido habitu indutus, atque inermis, ad exosculandam paternam manum, contenderet, ibique mox iussu patris in primo tentorij thalamo, seu cubiculo interiore, à septem mutis & eunuchis, quibus ea cædes demandata fuerat, neruo Turcici arcus collo iniecto suffocatus est, atque ita Princeps clarissimus, omnibusque regiis virtutibus ornatus, per fraudem & insidias extinctus est, & cum ipso, Amasia præfectus, & Nicolaus Michaël Venetus, patricij ordinis, qui in nauali prælio captus ad Nicopolim in sinu Ambracio, Mustaphæ puer donatus fuerat, & propter insignem fortitudinem ingenijque dexteritatē, fraterna propè charitate cum illo educatus, sic profectò, vt etiam ab eo prætorium vexillum obtinuerit. Nam vtrique, ceu consiliorum omnium participi, statim ab interempto filio, in publico theatro caput præcidi iussit. At Persæ, ipsius Mustaphæ interitum tam iniquo animo tulere, vt hac sæua atque horribili crudelitate audita, protinus correptis armis, Amasiam ferro & igni deuastarent, omniaque incendiis, rapinis ac cædibus immisce-
rent. Hæc quidem retuli ex quorundam sententia. Sunt verò qui hanc historiam longè secus enarrauerint, & Mustapham duntaxat insidiis falsisque delationibus Rossæ, & Rostani supremi purpurati, à Solymano qui vtriusque verbis fide adhibita, in maximam suspicionem venerat, filium per domestica & externa auxilia tyrannidem affectare, innocenter atque indicta causa interfectum. Nam inter cætera, ipsi Solymano persuaferant, Mustapham egisse de nuptiis cum Rege Persarum, & ipsius filiam in matrimonium ducere statuisse. De huius autem fuga in Persiam, & quod postea cum patre in gratiam redierit, nihil planè in literas retulerunt. De morte verò, idem omnes fatentur. Cæterum in his me arbitrum atque iudicem non constituam. Licet vnique suo arbitratu quam velit sententiam tueri atque amplecti. Ipse autem Mustapha, ad patrem profectus, tanto exercitus clamore, tantaque gratulatione exceptus fuit, vt mortalium antea nemo, idque Solymano ad eius mortem accelerandam, haud exiguu incitamento extitit. Defuncti cadaver eodem momento coram exercitu proici: tum præconem altissima voce promulgari iussit, vnum in cælo Deum, in terris vnum Solymannum Imperatorem esse oportere: totus exercitus terrore attonitus obmutuit. Iunior natu biduo post, veneno sublatus est, quod de fratris interitu ingemuisset:

Constanti-
nopolis peste
dineatur.

Mustapha
redit in gra-
tiam cum
patre.

Idem à patre
interficiuntur.

tertius metu patris ad Regem Persarum confugerat, & statim per legatos reuocatus, cum ad patrem rediret, mox securi percussus est.

Helcas Tammasi frater, defecit ad Solymanum.

Causa defectionis.

Lusitani Sclopetarii proficiscuntur in Persiam, invitati stipendiis ab eo Rege.

Post exigui temporis intercapedinem, Persia plurimis domesticis seditionibus ac intestinis discordiis atrocissimè iactata est, adeò vt Persarum Rex haud mediocre incommodum atque periculum subiret, cum ab eo Helcas germanus frater, ad Solymanum transfugeret, à quo benignè atque honorificè exceptus, haud multò post, eius ope atque armis iustum exercitum comparauit, eoq; Persarum fines populabundus inuasit, ac fratri plèraque oppida & vrbes, inter quas fuit Vanum, Persiæ munitissimum propugnaculum, Taurisio sex dierum itinere distans, ademit, donec tandem in quodam conflictu habito non longè à Balzera Persici sinus emporio, infelicitèr pugnans, captus fuit, & postquam aliquandiu in arce vulgò Kahkaha detentus esset, fratris iussu iugulatus, perfidiæ, aut stulti consilij pœnas persoluit. A nonnullis memoriæ traditum est, ipsum in hac expeditione socium atque collegam habuisse quendam Solymani purpuratum, qui aut inuidia commotus, aut Tammasi largitione corruptus, ad Solymanum scripserit, quòd præfatus Helcas sua consilia clàm cum Persis communicaret, & quòd maximoperè vereretur, ne proditionem aliquam tentaret. Deinde misisse alias literas, quibus significabat, illas huiusmodi forma & argumento ad fratrem suum datas fuisse, ac propterea sine dubio omnem suspicionem & inimicitiam inter eos sublatam esse, adeò vt tandem Solymanus eius verbis plenam fidem adhibens, illum ad suum fratrem abduci iuberet, qui, vt primùm in Regis conspectum peruenit, statim in arcem supradictam coniectus fuerit, atque ibi aliquandiu in arctissima custodia detentus, & postremò iussu fratris interfectus. Causa verò, quæ ipsum Helcamum impulerit, vt fraterni vinculi oblitus, à Tammaso deficeret, hæc præcipua & potissima fuisse narratur: quòd videlicet, cum ipse militari ac excelso animo præditus, Burcanum Siruani Regem in bello cepisset, omnemque eius regionem longè amplissimam, quippe quæ ad ripas vsque maris protenditur, Persico imperio adieciisset, ipse nullam prorsus victori gratiam referret, nullumque vel minimum grati ac memoris animi testimonium, ob rem tam strenuè ac feliciter gestam, exhibuisset. Circa idem fermè tempus, quo Helcas ab eo descuerat, veritus, ne etiam alter ipsius frater, nomine Becramus, quem alij Sammirisum, siue Elsimitram vocarunt, consimili exemplo à se rebellaret, simulque indigenas ad seditionem concitaret, apprehendi, & mox, nihil tale promeritum, trucidari iussit. Tertius verò, cui nomen fuit Sormiza, vti diximus, què alij Bairamum Mirisum vocant, paucis antè mensibus, naturæ concesserat, relicto filio impubere, qui regnabat in India. Hunc Tammassus, missa legatione, amantissimis verbis ad se accersuit, ei que suam filiam in matrimonium promissit: sed illius regionis procures, veriti, ne pari feritate in eum defæuired, obstiterè, quo minus Casbinum, vbi tunc Rex aulam habebat, proficisceretur. Persa interim, quò seipsum, ac regni sui fines commodiùs protegeret, nonnullos Lusitanos sclopetarios ab Indico Oceano, amplissimis stipendiis propositis, in auxilium accersuit. Dum hæc in Persia geruntur, Solymanus, præter maritimas expeditiones, à suis nauarchis vario tempore susceptas, & Chium insulam Ottomannico imperio adiectam, duas insigniores præ manibus habuit,

buit, nimirum Melitensem, quæ incidit in annum post mille quingentos sexagesimum quintum, in eaque Mustapha, & Pîal, vterque purpuratus, præfuere, quorum quidem alter fuit terrestrium copiarum ductor; alter vero, rei naualis præfectus: & Pannonicam, quæ proximo anno subsecuta est, in qua ipsemet cum suprema potestate atque imperio præfuit. Harum expeditionum fama ut primum in Persidem allata est, filius Regis Persarum, in haud mediocrem spem deuenit, fieri posse, ut inter hos bellorum motus, Babyloniam recuperaret: cumque esset iuuenis excelsi animi, & auitæ virtutis æmulus, huiusmodi occasionem nullo modo prætermittendam esse ducebat. Proinde summa celeritate atque silentio duodecim millibus Georgianorum, & exu-
Babylon per dolum ren-tata.
 lum maiori ex parte collectis, has copias in quibusdam vallibus vrbi propinquas, aut certè non longè distantibus, occultat. Ipse mercatoris habitu paucis comitantibus, nihilque tale suspicantibus Babylonis ciuibus, urbem ingreditur, iubet sensim quosdam suorum tanquam mercatores urbem ingredi, ex quibus breui plures quam mille & quingenti ingressi sunt, eisque imperatum fuerat, ut in certum locum statuto tempore conuenirent, cum primum nox aduentasset. Statuerat enim per noctem præfectum urbis & omnes ministros obtruncare, urbem diripere, resistentes trucidare. Iussi erant illi etiam qui latebant in insidiis, ad idem tempus adesse. Cæterum quidam exul arbitratus se impunitatem præteritorum scelerum, & ad hæc, ingentia præmia consecuturum, ad urbem accedens, clam ad præfectum admittitur, eique rem totam aperit, & demonstrat, in quâto periculo & salus ipsius & totius ciuitatis versetur. Missi sunt qui accirent auxilia ab Esdruni præfecto, aliorumque finitimorum locorum. Interim ad arma tota vrbe conclamatur. Babylon repletur tumultu, arma vbique ad defensionem parantur. Esdruni præses, collectis repente quantis potuit viribus, & quas summa temporis celeritas patiebatur, mox coniunctis copiis cum Babylonis, cõmuni consilio in Persas impetum faciunt, iam iam urbem inuafuros, atque instructos. Pugnatur acerrimè utrinque, ita ut diu anceps fuerit victoria: Sed tamen Persæ numero multò inferiores ad extremum victoriam urbanis copiis concedunt, ac demum haud pauci ceciderunt. Trucidatis nouem millibus suorum, Persa, vix cum tribus millibus equitum in tutum se recepit. At Solymanus eo nuntio Philippopolim delato, grauissimè indignatus est, tantarum rerum nouitatem, per illud tempus præsertim, excitatam esse in illis finibus, vbi hostis esset potentissimus. Iubet igitur omnes equites Asiaticos, redire ad illos fines tutandos, ipseque infracto atque inuicto animo cum ingenti exercitu in Pannoniam proficiscitur, anno scilicet Christianæ salutis M. D. L X V I. & cum nollet prius Vienne inuadere, quam Segethum, arcem in finibus longè munitissimam, & hæctenus à Turcis frustra obsessam, expugnaret, dum admotis copiis atque tormentis, esset in eius obsidione, dysenteria correptus, quarta die Septembris, à Meridie circa horam primam, in loco, quem indigenæ Sictihouum appellant, quarta parte miliaris à Segetho distanti, prope vineas Segethanas, triduo ante ipsius Segethi expugnationem, placido exitu vitam terminauit, anno imperij sui octauo & quadragesimo, ætatis septuagesimo sexto. Fuit autem Solymanus, celsitudine animi, rerumque gestarum gloria & felicitate nulli suorum prædecessorum secundus: at prudentia, iustitia, fortitudine
 tempe-

Persarum
clades.

Solymani
vitus, &
natura.

temperantia, humanitate, imperij moderatione, ac ceteris heroicis virtutibus, complures eorum longo spatio post se reliquit. Quod nisi paternas manus primogeniti sanguine commaculasset, vix omnino extaret, in quo, præter puriorem fidei doctrinam, iure meritò reprehendi posset. Atqui maior pars eorum quos fortuna ad supremum fastigium euexit, illud sibi persuadere, si ius violandum sit, imperij causa violandum. Et verissimè cecinit Lucanus:

*Nulla fides regni sociis, omnisque potestas
Impatiens consortis erit.*

Adhæc, accedebant Rossæ secundæ coniugis, quæ filium suum parenti succedere mirum in modum cupiebat, ei que Solymanus plurimum semper indulserat: & Rostani purpurati falsæ delationes atque impulsus, quæ omnia propter suspicionem eius animo iniectam affectatæ proditiōis atque tyrannidis, illius interitum accelerarunt. Huius cadauer Nouemb. die xxi. Constantinopolim delatum est, obuiam ei ante omnes progrediente Mosti: hos subsequente Scander Bassa gubernatore, cum omnibus purpuratis, quæstoribus, aliisque proceribus, & innumera populi multitudinē: omnes verò pulis vestibus induti erant, atque cooperti pileolis, quos illi Turbantes vocant, in signum mæstitiæ atque doloris. Cadauer ex curru translatum, præcipui proceres vicibus permutatis, palmis manuum impositum, tam sublimè quam possent, per ciuitatem circumferebant, legisperitis præcedentibus, & alta voce dogmatis Mahumetani nenias, usque ad sepulturæ locum obmurmurantibus. In ea, dum superstes foret, à se maximis sumptibus, ac pretiosissimis marmoribus, cōstructa, cadauere solennibus ceremoniis recondito, pānum undulatum subtilissimum cum Solymani acinace, ad denotandum, eum, vitam in bello profudisse, capiti autem Turbatem, ut vocant, quem in vita gestare solitus fuerat, imposuere. Huic sanè, dum vixit, nec auctoritas, nec dignitas formæ decrat: statura fuit erecta, oculis nigris, paululumque truciōribus. ceterum vultu gratioſo & subfusco. Eius autem iuramentum, huiusmodi fuisse inuenio. Iuro Deum, cæli terræque auctorem, iuro Euāgelicæ historiæ Chronographos, vices quater mille prophetas lapsos è cælo, summumque inter hos, nostrum Mahumetem: adorandos item Manes aui patrisque, tum hoc sacrum augustumque meum imperiale caput. In suis autem literis & diplomatibus, huiusmodi titulos præponebat: Solymanus Tsaccus, Dei gratia, Rex regum, Dominus dominantium, Maximus Imperator Byzantij, & Trapezuntarum. Rex præpotentissimus Persidis, Arabiæ, Syriæ, ac Ægypti. Dominus Asiæ, & Europæ, Princeps Mechæ, Alepi, Hierosolymorum. Dominator, possessorque maris vniuersi, &c. Ex regia nostra Constantinopoli. Huic Nono Cal. Octobris eiusdem anni, Selymus, eius legitimus filius, in imperio successit, anno ætatis suæ tertio post quadragesimum. Princeps seuero aspectu, propè formidabili intuitu, nigris pilis, adusto temperamento, ut videbatur: sed ita obesus, ut colli breuitas appareret eximia.

Solymani funerals & sepultura.

Eiusdem iuramentum.

Selymus II. Solymani successor.

Tammas legatio ad Selymum.

Vbi primum fama diuulgarat, Selymum, nemine refragante, paterni imperij hereditatem adiisse, Tammasus ad eum legatos misit, qui ei suo nomine supremum fastigium gratularentur, simulque ab ipso pacis & articulorum confirmationem postularent. Et quoniam Persæ paucis antè diebus nonnullas excursions fecerant in finibus Turcorum, in mandatis habuerant, ut illi signi-

significarent, se incio atque inuito, hæc omnia contrigisse, cum illi duntaxat spe prædæ ad hoc impulsu fuissent. Ipsum verò statim, vt arma deponerent, imperasse: At Selymus respondit, his rebus opus esse maturiore consilio, se tamen breui responsum daturum esse. Nec enim sibi operæpretium esse videbatur, vt bellum initio imperij tam repentè susciperet aduersus potentissimum Regem, cum præsertim in Pannonica expeditione partim morbo, & ferro, partim etiam rerum necessariarum inopia, circiter centum millia hominum periissent. Cæterum oratores, haud multò post, infectis rebus, domum dimissi, eaque de causa, videbatur inter vtramque gentem potius bellum fore, quàm pacem, quæ tantum abest, vt à Selymo per id tempus confirmata fuerit, vt etiam ipse in Persiam miserit postulatam spolia Baiazeti fratris, quem Persa, vt Solymano id enixè efflagitanti, gratificaretur, necari iusserat. Oratori autem, ad illa repetenda misso, quia paulò arrogantius visus esset loqui, ad ceteros deterrendos iussu ipsius Regis, nasus & aures deciduntur, atque ita deturpato, vbi ad suos fines venisset, Turcico purpurato, sic imperante, caput præcisum atque amputatum fuit, ne Turcis hæc ignominia paruisset. Isdem temporibus etiam Veneti, audita morte Solymani, de vnanimi patrum consensu Marinum Caballium, patricij ordinis & equestris dignitatis virum, nec non singulari sapientia & omnigena virtute præstantem, ad antiqua iura amicitiae confirmanda, Byzantium ad nouum Turcarum Imperatorem Selymum ablegarunt. Qui eius legatione audita, maximum iurauit iusiurandum, atque confirmauit quod scriptum fuerat in diplomate suo sigillo insignito, quod quidem iuramentum ita se habuit: Iuro per Deum æternum, creatorem celi & terræ, per animam septuaginta prophetarum, per animam meam, meorumque maiorum omnium, me omnia iura amicitiae ad illa vsque tempora seruata habiturum sancta & inuiolata, atque ad vnguem seruaturum, sicuti subscriptione fuerat confirmatum. Quanti verò Selymus hoc suum iuramentum fecerit, & quàm sincere ac fideliter obseruauerit, breui post euentus declarauit, cum ipse nullis iniuriis ab ea nobilissima Repub. lacessitus, atrocissimum bellum denuntiauit, nisi Cyprum traderet, eaque pernegata, illud tandem vi atque armis extorsit. Bello indicto, Veneti, quia plurimum conducere suis rebus existimabant, non modò vt presentium Christianorum, cum quibus mutua fœdera coniunxerant, ope atque auxiliaribus copiis iuuarentur, sed etiam vt distraherentur hostis vires, si vno eodemque tempore pluribus in locis eius imperium inuaderetur, Vincentium Alexandrium à secretis eius inclyti atque illustrissimi Senatus, virum singulari prudentia, & multo rerum usu exercitatum, in Persidem ad Tamasum misere, qui cum ad arma in communem hostem alacriter suscipienda, in tanta præsertim occasione rei bene gerendæ, adhortaretur. Hic, tamen si pro patria tam longo & periculoso itinere suscepto, muneris sui partes non minori celeritate, quàm fide ac solertia expleuisset, nihil tamen ab eo, præter inanem spem & cunctationem consequi potuit. Nec ita multò post eius discessum, Cairus, Seidi Acmati nepos, qui paulò antè Gilani Rex fuerat, cœpit ad patruelis regnum aspirare: quamobrem vltro citroque missis nuntiis, amicos sollicitat ad defectionem, hortaturque opem ferre ad ipsum regnum recuperandum. Vbi satis potentem factionem sibi iam habere visus est, multis coactis

Pax à Selymo Venetis confirmata cum iuramento.

Selymi perfractio.

Vincentius Alexandrinus mittitur à Venetis legatus in Persiam.

Cairus Tamasum Græno regno exiit.

coactis copiis, conspirantibus etiam ciuibus propè vniuersis, Laiganum propugnaculum, omni genere bellicorum apparatusum instructum, Metropolim Gilani regni inuadit, atque ciuium opera, & auxilio admissus, ad quatuor millia Persarum, qui erant in præsiidiis, contrucidat. Genuitus Mirises, Tammasi filius, cùm ad arma tota vrbe conclamaretur, per secretiorem portam oppidi cum Allaculio vrbis gubernatore, & quingentis hominibus, in proximos montes fuga se seruauit. Eius regionis iactura, ipsi Tammaso longè molestissima fuit, cùm plurimi frumenti in primis, & olei, & serici sit ferax, in qua regione circiter viginti millia strenuissimorum equitum fuerant paulò antè descripta. Hanc munitionem iisdem propè artibus Tammasi primogenitus occupauerat, quæ sanè ipsi Regi opportunissima & gratissima erat. Proinde, vbi de hac re certior factus est, protinus Mustapham filium cū decem millibus equitum, & sex tribunis, multoque peditatu, munitionem ipsam obsidere ac expugnare iussit. Caterum, cùm ad fines Laigani peruertum esset, munimenti præsidia, quibus auditi erant Persici apparatus, magna alacritate hostem expectant. Cæptum est vtrinque certare minutis præliis, & frequentibus incursionibus. At verò cùm egregia obsessorum virtus in illis conflictibus appareret, semperque inferiores Persæ redirent à pugna, scripsit Tammassus ad filios in castra, quò etiam confugerat Genuitus Mirises, vt à tam frequentibus certaminibus abstinere, donec ipse maiores copias transfunderet. Verum, vbi diutius obsidio perdurasset, & complures vtrinque fuissent trucidati, quia res Turcica, ob purpurati Babylonie præfecti indignationem non satis tuta esse videretur, & cùm ad mare Caspium bellici apparatus fieri dicerentur, breui post, milites reuocati sunt. Cùm verò interim, fœderatorum Principum naualis victoria in Perside nuntiata fuisset, multique proceres ad arma palàm capienda in Turcos suum Regem adhortarentur, non prius se capturum respondit, quàm vidisset utiliores Christianorum progressus, parui referre ligneas scutulas demersisse, dum sunt incolumes syluæ, ac possidentur, vnde possent aliæ excindi. Et ita quidem Tammassus dixisse fertur, cùm ad illum de tam insigni tamque rara & memorabili victoria nuntius afferretur. Hæc porro incidit in annum post mille & quingentos, septuagesimum primum, & in septimum diem Octobris, qui erat Diuæ Iustinæ sacer, cùm præcedenti anno Selymus regnum Cyprium suæ ditioni adieciisset. Circa idem fermè tempus, aut certè non multò post, Persarum Rex ingentes copias parauit, armaque importari iussit in Arabiam felicem aduersus Regem Æthiopie Dauidem, propter controuersiam ortam de finibus non procul à mari Erythræo, vbi Persæ regiones, stipendiarios ac subditos populos Æthiopis Regis subegerat. Sed ea tanta cōtrouersia, collectis vtrinque non contemnendis copiis, quorundam procerum præsentia & auctoritate breui consopita est.

Quid Tammassus respondit audierit Christianorum Principum naualis victoria.

Persæ regis cum Æthiopis res cōpositæ.

Dum hæc in remotiori clymate geruntur, Constantinopolis, maximam cladem perpeffa est: siquidem Seraglium, Portæ Imperatoris ferè cōtiguum, incendio periit, quod intra biduum vix integrè restinctum est. Damnum ex hoc incendio illatum, decies centenis millibus, multi, plus æstimarunt. Selymus interim, vt acceptum in mari ad Chinâdas insulas dedecus & ignominiam, aliquo præclaro & illustri facinore aboleret, anno 1574. circa mens-

sem

sem Iulij instructissimam classem aduersus Africanos, duce Sinamo purpurato, & Occhiali Rege Algierenfi emisit. Qui velis secundis x i i i. Iulij ad Guletam delati, cum l. x. machinis bellicis duplici ordine collocatis, arcibus ^{Guleta à Turcis expugnata.} muros terra marique citra intermissionem diuerberarunt, omnibusque propugnaculis & mœnibus deiectis, eam expugnarūt. Christianos omnes, quatuordecim duntaxat ex proceribus, inter quos fuere Gabriel Serbellonus, & Petrus Carrera, qui vincti Constantinopolim sunt missi, exceptis, crudelissimè trucidarūt, eaque solo æquata, munitissimam arcem in portus multarum nauium capacis formam construxere, atque ibi perpetuam belli sedem & caput, ad Hispaniam, Italiam, ceterasque insulas infestandas constituerunt, & mox Tunetanum regnum & ciuitatem in Selymi potestatem redegere. Is verò tam prosperis successibus elatus, & fortunæ blandientis aura & fauore illectus, ad nouas expeditiones proximo vere suscipiendas, animum adiecit. Sed illum, his cogitationibus intentum, fatalis hora corripuit, adeo vt penultima die Nouembris, repentino propè morbo interierit. Huic autem in ^{Selymi obitus.} imperio successit Amurathes ipsius filius, qui tunc agebat annum ætatis suæ vicessimum septimum, cum magna omnium prætorianorum, Byzantinorumque, ciuium lætitia, cum ob egregias animi dotes quas præ se ferebat, non mediocris spes de illo fuisset in animis omnium excitata. Hic, licet multos bellicos apparatus factos fuisse à patre in ver proximum inueniret, tamen quia nouus esset, & adhuc imperitus regnandi, nihil omnino in præsentī anno sibi innouandum esse censuit, sed vniuersum studium ac diligētiam conuertit ad confirmandum stabiliendumque imperium, atque in primis quatuor, siue, vt aliis placet, quinque fratres impuberes, de more Ottomannicorum Imperatorum coram se strangulari iussit, ne quas insidias domesticas metueret, neque, vt quondam post Mustaphæ interitum, fama increbresceret, quempiam ex illorum numero adhuc superesse, vnde sibi in posterū aliquid incommodi ac periculi immineret. Huius literarum inscriptio est eiusmodi: Amurathes Deus terræ, gubernator mundi vniuersi, nuntius Dei, fidus seruus magni prophætæ Mahometi, &c.

Vt verò ad ipsum Tammafum reuertar, huic sanè Turcicum bellum, sicuti etiam ex prædictis facile videre est, admodum infelicitè successit. Quandoquidem Persæ sub eius dominatu multarum prouinciarum & ciuitatum iacturam fecere, sicut inferius patebit. Is tamen, cum natura ad pacem, quàm ad bellum propensior esset, pacem à Solymano vel iniquissimis conditionibus redemit, quæ postmodum ad finem mortis vtriusque constanter perdurauit. Nec quicquam ab eo cum aliqua sui nominis laude, suorumque subditorum beneficio gestum fuisse inuenio, quàm duas regiones in mari Caspio & in ipsis finibus Persiæ sitas, à duobus Regulis possessas, quarum altera Siruana, altera verò Gilla dicebatur, occupatas. Quibus rebus peractis, nihil maiore studio procurauit, quàm vt societatem atque amicitiam non minus cum Ottomannica familia, quàm cum vicinis gentibus & nationibus, perpetuò coleret & conseruaret, ita me herclè, vt Solymano viuus subtraheretur, nihil antiquius habuerit, quàm vt primo quoque tempore, ad Selymum paterni imperij heredem ac successorem, legatos destinarer, quorum opera pax iisdem formulis, & conditionibus, quibus antea, sicuti iam diximus,

Tammasi
mores, &
natura.

Regum Per-
sarum con-
suetudo.

Qualisnam
fuerit Persici
regni guber-
natio sub
Tammasi
principatu.

constabiliretur. Cæterum, ut magis in propatulo sit, qualisnam fuerit ipsius natura & mores, quâ tumque à paterna atque auita virtute degenerarit, nonnulla exempla referam, ex quibus clarissimè intelligetur, Persicū Imperium sub eius principatu ad maximas miseras & calamitates deuolutum fuisse, cum ipse, omiſſa bellica disciplina, & iis artibus, quibus regna & imperia feliciter administrantur, omnes suas cogitationes ac studia solummodò ad lucri cupiditatem, atque illecebras muliebres animum applicauerit, nullamq; sui decori, & iustitiæ, quæ tanquam neruus & fundamentum est cuiusuis Reipublicæ aut imperij bene constituti, rationem habuerit. Verus & antiqua Regum Persarum consuetudo & mos fuit, ut pacis tempore, si per valetudinem licebat, aut in venationem prodirent, aut aliquo honesto & laudabili exercitio, ut puta equitandi, sagittandiq; seipsos & suam nobilitatem oblectarent, illudq; in primis satagere, ut facilis ad eos aditus patèret, seque omnibus tēporibus, comes atque affabiles præberent. Adhæc, ut in primis enixè darēt operam, ne cui ex suis subiectis vlla vis atque iniuria inferretur. Cæterum, is, per totum ferè decennium, ne semel quidem ex regia pedem mouit, adeò ut interdum quingenti, interdum verò mille atque amplius, ante fores publici prætorij exclamarent, ac de illatis iniuriis conquererentur. Verum ipse per suos administratos iubebat illos adire præscriptos atque ordinarios iudices, quibus suam causam exponerent, nescius interim, illorum querelas fuisse contra ipsos in iudices tyrannos, nec non contra Sultanos, & milites, qui plærunque (de his postremis loquor) publica itinera obsidebant, & instar immanissimorum latronum, viatores spoliabant. Ut verò id planius & manifestius fiat, ex plurimis exemplis, hæc pauca in medium proferam. In vrbe, ab indigenis Naessiuin appellata, fuere olim capti nonnulli prædones, qui quosdam negotiatores suis bonis ac fortunis exutos, contrucidarant, & ad magistratum, ut de ipsis fieret quæstio, perducti, Iudex de vniuerso negotio quàm plenissimè edoctus, furtum ad se deferri iussit, & qui iure conquererentur, dimissis, reisq; è carcere liberatis & absolutis, partem earum facultatum sibi seruauit, & reliquam misit Casbinum, quæ nonnullis Sultanis dono exhiberetur. Cæterum hi, ad quos huiusmodi bona pertinebant, in regiam profecti, maximis gemitibus, & præ nimio dolore scissis vestibus, ac regie domus mœnia conscendentes, ipsum Regem alta voce compellabant, simulq; illum interrogabant, quidnam ageret, & cur tantam iniustitiam in suo regno fieri pateretur, eaque de causa haud rarò diris plagis atque verberibus affecti sunt, & lapidibus illinc se proripere coacti, nec fieri vnquam potuit, ut eorum iustissimis querimoniis vel minimus locus relinqueretur. Præterea, Taurisij, quæ vrbs est Metropolis Persarum, octodecim prædones minoribus tormentis, quos vulgò Sclopetos vocant, instructi, intempeſta nocte in publicam negotiatorum domum, patrio idiomate Car Principis nuncupatam, in qua erant circiter quadraginta mercatores, ad motis scalis, per fenestras clanculum ingressi, cum scirent ibi, præter cæteros, fuisse quendam opulentum ac prædiuitem mercatorem, nomine Acmatum Celebinum, ex vrbe Angoria oriundum, perfracta ianua cubiculi, ipsoq; crudelissimè interfecto, 300. Tumanos, qui constituunt summam 6000. nummum aureorum, & quasdam laminas argenti inelaborati, simulq; nonnullos panos, seu

seu inuolucra ex coccino & tela serica abstulerunt. Cùm verò mercatores somno excitati, correptis armis, se illicò ad sui suarumque rerum defensionem pararent, tormentorum glandibus impetiti, singuli sese in sua cubicula recipere compulsi sunt. Breuì ab hoc spatio interiecto, iidè latrones nocturno tempore cuiusdam Armeni domum cum lanternis adorti, quatuor inuolucra, siue massas, vt vocant, telæ sericæ illinc secū asportarunt, quæ, prout fama diulgauit, paulò pòst, in ædibus Sultani Taurisensis conspecta fuerunt. Et licet de his omnibus latrocinis in ipsa regia conquesti sint, & prædones inuenti, nūquam tamen, Rege ad hæc omnia connivente, in hos publico supplicio animaduersum fuit, aut minimum æquitatis ac iustitiæ testimonium exhibitum. Præterea, quidam Turcicus negotiator, nomine Cozafra Fantinus, qui ob exoticas merces vtrò citroque conuehendas, etiā Cusbinum, in qua vrbe tunc frequentius erat regia, nonnunquam accedere consueuerat, cùm in publica mercatorū domo illic hospitium haberet, & Curci (sic Persæ regios satellites appellant) intelligerent, præfatum mercatorē haud modica summa pecuniarum abundare, in huius amicitiam sese paulatim insinuantes, ipsum tandem conuiuio exceperunt, idque cùm epulis, tum variis sermonibus tandiu protractum est, donec nonnulli ex eodem satellitio, qui officinam quandam ipsi mercatorie domui conterminam, dedita opera locarant, perfracto muro, eiusque cubiculum ingressi, ad duodecim millia coronatorum abstulissent. Peracto prandio, vbi in cubiculum rediisset, & pecuniam sibi ablatam videret, statim, à quibus hæc sublata esset, subolsit, nullaque mora interposita, ad fores palatij perrexit, & cùm sibi cum plerisque Sultanis amicitia intercederet, introductus, præfatos Curcos, quibuscum pransus fuerat, tanquam huius facinoris cōscios, accusauit. Rex, vti primū hoc comperit, Curcos ad se accersiri iussit, & de hoc furto interrogati, prorsus negarunt. Cùm verò ipse mercator instaret, vt in vincula conicerentur, & de his seorsum haberetur quæstio, siue processus, vt vocant, Rex, in eo se illi gratificaturum respondit, sic tamen, vt nisi faterentur quod illis obiciebatur, ipse, mox capite pœnas lueret. Quo audito, confestim ab incepto destitit, satius fore ducens, fortunarum, quam vitæ iacturam facere. Paucis pòst diebus, cùm quidam iuuenis detexisset furti auctores, prædictus mercator testes coram iudice Cusbinensi produxit, quibus examinatis, ipse horum testimonium Regi detulit. Et quò maturius expediri posset, eidem quadringentos aureos dono dedit. Is verò, accersitis Curcis, inuenit, maiorem pecuniarum partem adhuc superesse, ac euertigiò illam in publico ærario reponi iussit, & prohibuit, ne illi, ad quem pecunia pertinebat, in regiam vllus ingressus deinceps parèret. Hoc sanè, vbi in vulgus disseminatum est, plurimorum animos ab ipso Rege mirum in modum alienauit, & innumeri de eo conquerebantur. Cæterum, ipse horum querimonias flocci faciens, ac prorsus contemnens, nullam suæ dignitatis, ac publici commodi rationem habebat. Id quoque à nonnullis relatum est, nimirum ipsi regi, fuisse quendam ex his satellitibus, quos diximus nominari Curcos, iā senio cōfectum, & lepidissimum histriorem, qui iuxta regium cubiculum pernoctare consueuerat, ei que cùm Rex diceret, se, superiorem noctem admodum quieto ac placido somno transigisse, propterea quòd ipse tam dulci modulamine cecinisset,

nisset, is statim respondit, sibi hæcenus fuisse incognitum, suos cantus tantam vim habere, ut Regiæ Maiestati somnum conciliaret, idque si antea sci- uisset, nunquam potuisse adduci, ut vel hiscere auderet, quod etiam ipse vigil ac expectatus, exaudiret tam diurnos quam nocturnos suorum subditorum ploratus & querimonias, quæ fierent ob assidua & immensa latrocinia, cum foris in publico itinere, tum in ipsis urbibus indies perpetrata, simulque ad- debat, in libro querelarum quæ passim ad octo annorum spatium habitæ fuerant, supra decem millia hominum interfectorum scripto comprehendi. Quibus verbis Rex grauissimè commotus & indignatus, dixisse fertur, oportere, ut ipse in primis, deinde omnes eius socij, (hos autem, Curcios intelli- gebat), à quibus hæc omnia scelera committebantur, laqueo gutture præfra- cto, suspenderentur. Nec sanè id cuiquam mirum videri debet. Quippe cum nulla eis darentur stipendia, cogebantur sese ad rapinam conuertere, ac sibi per fas & nefas prospicere, cum præsertim viderent, Regem, in his, quæ ad ius retinendum & conseruandum pertinent, nulla prorsus cura & sollicitudine affici, eaque de causa in Persico regno sub ipsius Principatu itinera fuere ad- modum periculosa, ita profectò, ut vix etiam domi interdum securè ac citra metus suspicionem versari liceret, cum omnes seimè iudices largitione ac muneribus corrumpentur.

Quæ loca
Persæ ami-
serunt regnante
Tammasso.

Quatenus autem ad rem militarem spectat, id planè in confesso est, hunc Regem, tametsi de bellicis rebus grauitè ac disertè ratiocinari solitum, nun- quam tamen ad eas fuisse propensum, cum non ita sublimes spiritus gereret, ac potius exigui angustique animi esset. Et licet interdum coegerit exercitus, tanquam mox in aciem proditurus, id potius extremæ necessitati, quam eius ingenio & naturæ attribuendum erat, cum in bello ad prælium laccessitus, perrarò collatis signis, Martis aleam subire voluerit, sed plærunque pugnam detrectans, sese in loca tutiora recipere consueuisset, adeò me herclè, ut cum maxima sui nominis ignominia, & Persici regni detrimento, Assyriam, & Mesopotamiam, vnà cum Babylonia, clarissima Orientis vrbe, amiserit. Hac prius potiebatur quidam regulus, nomine Sarafbon, ipsius Tammassi bene- ficiarius, qui, cum per suos exploratores didicisset, Ottomanicum exercitum breui illac transiturum, ipseque Persarum opem implorasset, horum tandem auxiliariis copiis destitutus, locum longè munitissimum, qui ab incolis Saxum perforatū dicebatur, in angustis viarum situm, & non secus ac trās- itum & clauem in suam ditionē, amisit. Qua clade accepta, mox Ehilachum, Ergis, Vastanū, Adilagus, Benghinum, Catianchiel, & plærq; alię vrbes atq; oppida, ad eundē regulum pertinentia, cum ipsa, uti diximus, Babylonia, & versus plagā Occidentale in regione Diarbeck, & Armenia minori, in quibus hæc oppida cōtinentur, videlicet Caracnichū, Orfa, Mordiuū, Birrha, Adil- geus, Bechis, Bafta, Esrumū, Wan, Scherzul, Cassancalasum, Ertingia, Erzig- nanū, Barbutlis, Tocatū, & quædā alia municipia & vrbes cum in his locis, tum etiā in Georgianorū finibus positæ, Ottomānicis armis cesserūt. Is verò, tātis calamitatibus, tātāque imperij sui declinatione posthabita, nulli rei ma- gis animū intēdere, quam opibus congerēdis, & femineis voluptatibus atq; delitiis, in quas tam vehemēti amore ferebatur, ut quàm plurimi omninò si- bi persuasum haberēt, ipsum, à mulieribus effascinatū: Siquidē potiorē tem-
poris

poris partem cum eis transigere, atque illas interdum super rebus longè grauiissimis, & ad publicum regimen & gubernationem spectantibus, ad priuatum & secretum consilium admittere cōsueuerat. Adhæc, futurarum rerum præscientiam & cognitionem ex figuris Geomanticis summo studio ac diligentiâ exquirere, ac etiam somnia quæ sibi noctu quiescenti obuersabantur, haud rarò conscribere. Quòd si fortè aliqua eorum non prorsus vana atque fallacia obuenerant, sed aliqua ex parte euentum fortiebantur, mulieres protinus hæc illi in mentem suggerebant, addito etiam, ipsum fuisse Prophetam cælitus elapsum, hisque assentionibus, mirum dictu, quantopere ipse Rex oblectaretur. Et quamuis natura ad liberalitatem ac beneficentiam propensus foret, in eas tamen prodigus omninò censebatur, cùm persæpe illis pretiosissimas gemmas, nec mediocrem pecuniarum vim elargiretur. Hæ verò interdum, de ipsiusmet Regis consensu, ex gynæceo egredi solebant, quæ scilicet haberet liberos, eo quidem pretexto, ut illos, si fortè in aliquem morbum incidissent, consolandi gratia, inuiferent. Id quoque de ipso referunt, nempe ad excitandam & fouendam libidinem, plurimis electuariis uti solitum, in eoque habuisse delectos homines, & quos nouerat esse peritiores, amplissimis premiis atque muneribus prosecutum. His etiã adiiciunt, ipsum, seruas iuniores, seu mancipia, ne pro illarum cultu & ornamento impensas faceret, Sultanis alendas & custodiendas tradidisse, quas deinde accersitas, multis gemmis & pulcherrimis vestimentis indutas ac exornatas, in regiam remittebant. Licet verò ex his, hætenus commemoratis, non secus quàm ex vnguibus leo, facile intelligi possit huius Regis inexplabilis auaritia, & pecuniæ coaceruandæ studium, nihilominus tamen ad earum rerum confirmationem, rursus hæc pauca subiiciuntur. Frequentissimè ad insulam Ormum, Curacassanum & Alepum mittebat, qui illinc Tulipanos, & telam fericam omnis generis, nec non pannos lana confectos adueherent, ex quibus, vestes atque indumenta postmodum confici iubebat, eaque loco stipendij dabantur militibus, ratione ipsius arbitratu subducta, sic finè, ut quod valebat coronato, nouem aut decem aureis æstimaretur. At munera sibi oblata atque exhibita, etiam si quàm minima & perexigua fuissent, nūquam omninò respuere, neque inuitis animis accipere, nihil minus interim cogitans, quàm ut ob ea vel minimam gratiam referret, idq; propositis exemplis, multò clarius illucescet. Cùm quidam Turcicus, profectus Alepo, in Persiam venisset, eo utique animi decreto, ut, abiurata fide Ottomannica, Persicis sacris adhereret, statimque ad Regem intromissus, & post debitam reuerentiam, ipsi, grati animi ergò, duodecim aureos, & mulum dono dedisset, is, retenta pecunia, & eius nomine scriptura, ut moris est, comprehenso, mulum eidem restituit ac donauit. Hoc etiam silentio haudquaquam prætereundum videtur. Cùm quidam miles, in bello strenuè dimicās, cepisset filium Osbechi, quo quidem Persa nullum habet acriorem hostem, cùm eius auctoritas in finibus Curassiani tanta omninò sit, ut Rex cogereretur illi annuatim persoluere 400. Tumanos, qui octo millium coronatorum summā efficiunt, ne carragines, siue carauanas, ut vulgò appellant, ex Indiis profectas, transitu arceret. Cùm verò quidam Sultanus, militi pro captiuo sibi tradito, vel potius extorto, præter mille aureos, etiam pagum donasset, ea quidem spe inductus,

vt à suo Rege multò ampliora præmia referret, ipse equo duntaxat donatus est. Magnam & singularem quandam præ se ferebat beneficentiam, dum plerisque annuas pensiones largiretur. Cæterum, eas in huiusmodi locis assignabat, in quibus, nunquam, nisi maxima alicuius principis viri gratia, vel donatiuo haberi poterant. Quotidiè pro ipsius anima complures opifices à tributis & exactionibus immunes fiebant, sed plerunque vano ac inani successu, cum post biennium, vel triennium, Regij ministri eas omnes vno eodemque tempore extorquerent, sicuti etiam superioribus annis, habitatoribus Ghilfensibus, qui sunt omnes Armeni, contigerat. His siquidem Rex, octo annorum immunitatem concesserat, quibus expletis, vniuersum illud tributum per temporum interualla dari solitum, vna vice, non fuisse maximo suo damno atque incommodo, persolvere coacti sunt, ob eamque missus fuit Tarcaldabech, Sultani Caidar Mirise æconomus, ac regius procurator, qui eam pecuniam exigeret, maxima panni quantitate imperata, cum Rex quàm sæpissimè noua indumenta sibi assumeret, adeò mediusfidius, vt interdum, quod dictu ferè incredibile videbitur, quinquagies in die sibi vestimenta commutauerit, quæ deinde inter aulicos ministros compartiri atque distribui iubebat, pretio à se limitato, nec fas erat quenquam renuere quod sibi oblatum fuerat, quin potius magni beneficij loco ducere, quæcunque sibi Regis nomine exhiberentur. Porro idem factum esse narrant in ditione Aligna, à Latinis habitata, licet nullo alio sermone quàm Turcico, Persico & Armenico vtantur, eosque Persæ appellant Francos, & huius ditionis Antistes vocatur Archiepiscopus Nassiuanus, quem constat nostro tempore bis fuisse Venetiis, semel quidem sub Principatu Hieronymi Priuli, anno salutis supra millesimum quingentesimum, vno & sexagesimo, & deinde sub Lauretano Venetorum Duce. Præfatus Rex, vt hoc etiam obiter dicatur, non secus, quàm mercatores solent, gemmas diuendere, variaque mercimonia commutare quàm sæpissimè consueuerat. Id vnum tamen, inter tam multa enormia, & Principe indignissima, de eo memoriæ proditum est, quod illi apud suos populares non vulgarem beneuolentiam comparauit, quòd videlicet, ex suo imperio vniuersa vectigalia, quibus antea illius subditi mirum in modum premebantur, non modò leuari, sed etiam penitus auferri iussisset. Huius autem rei causam ferunt potissimum ex nonnullis visionibus in somnio habitis prouenisse, ac eum dicere solitum, se ab Angelis fuisse in collo perstrictum, & interrogatum, num Regem, qui iusti & magnanimi Principis personam referret, quique ex Hali domo ac familia genus atque originem traheret, tam sæua & prorsus intolerabilia vectigalia, cum tanto suorum subditorum damno atque incommodo, decerent? Proinde vt ea confestim amoueret, imperasse: Regem verò experrectum, & ingenti metu ac timore perculsum, ilico per omnes sui regni prouincias, edictum promulgasse, vt deinceps omnibus portoriis & exactionibus è medio sublati, quisque ab eis omnino immunis atque liber foret. Cuius quidem facti eum indies magis atque magis pænituisse, ex multis argumentis ac testimoniis facile deprehensum est, cum præsertim diuitiarum atque opum accumulandarum studio, quàm plurimum homine, nedum Rege indigna, passim ab eo perpetrata sint, à quorum equidem speciali enumeratione, ne nimia in his recensendis prolixitate lectori

*Vectigalia è
Persico regno
sublata.*

etori tedium pariam, in praesentia supersedeo, cum ex praecedentibus, huius Regis natura, ingenium & mores, quam facillime cognosci ac intelligi possint. Nunc restat, ut de ipsius aula, eiusque ministerio, ac senatu, quam breuissime dicatur. Haec quidem in duo potissimum capita fuit distributa, nimirum in regios ministros, & statuum atque ordinum senatum. In ipso autem regio famulatio erant liberi Sultanorum, & serui à Rege coempti, aut sibi donati in Sarayo seu palatio regio, quod patrio vocabulo Caramum appellant, in cuius gynaeceo degebant haec mulieres, quarum seruilibus officiis utebatur, cum intus cubabat, quae omnes erant seruae Circassiae, aut Georgianae. Cum autem foris pernoctabat, mancipiorum opera & ministerio uti consueuerat, hi quoque fuerunt numero quadraginta, vel ad summum quinquaginta, eorumque munus atque officium erat, ipsum Regem induere ac exuere vestimentis, eorumque diligentem curam suscipere, & pleraque alia, his consimilia efficere. Praeter hoc, quod dixi, ministerium, adhibebantur etiam Sultanorum liberi, quorum quidem domicilium non fuit in regia, sed mane, ac vespere, ex suis aedibus in aulam accedebant, hi quoque interdum erant plures, interdum pauciores, sed plerumque viginti. Praemium verò ac remuneratio à Rege dari solita his seruis atque mancipiis, qui ab anno quinto & vicesimo, usque ad tricesimum, abrasis tamen barbis, ei inservierant, haec fuit praecipua, ut videlicet, si sedulo ac fideliter sese in suo munere gessissent, mutuo acciperent ab ipso Rege, quidam viginti, alij triginta, & nonnulli quinquaginta millia nummum aureorum, viginti pro singulis centenis numeratis, alij ad decem, & quidam ad spatium viginti annorum, ea tamen lege & conditione, ut Rex annuos fructus subinde perciperet. Ipsi verò interim praedictam summam pecuniarum, aulicis nobilibus, qui promotionum gradus ad aliquam praefecturam in regia expectabant, cum firma praediorum ac bonorum stabilium cautione, quinquaginta, sexaginta, & interdum etiam octoginta cum scenore centenario commodabant. Quod si forte qui pecunias mutuo sumserant, statuto tempore suis creditoribus, à quibus, haec ex capitali, ut vocant, sine ullo actu iudiciario deprompta fuerant, non essent pares soluendo, nullo expectato iudicio, praedia obligata, mox à creditoribus occupabantur. Merces autem ac remuneratio propter fidele obsequium Regi praestitum, erant aulici gradus, ac dignitates. Creabantur enim centuriones, regiae cohortis praefecti, ac etiam Sultani, id est, Prouinciarum praesides. Haec de regio famulatio. Iam superest, ut de ipsius Senatu, seu comitiis, aliquid summatim ac breuiter dicatur. Is quidem fuit vnus duntaxat, in quo nullus alius erat Praeses, quam ipsemet Rex cum interuentu duodecim Sultanorum, quorum singularis prudentia & usus rerum, in his, quae ad politicam gubernationem spectant, quam optimè compertus ac exploratus esset, tamen si hic numerus quandoque variabat, admissis etiam in ordinem senatorium his Sultanis, qui aliorum negotiorum gratia frequenter in aulam veniebant. Habebantur comitia ferme quotidie, nisi cum Rex ad balnea accederet, aut quo die sibi ungues detonderet. Hora, qua senatus tam aestiuo, quam brumali tempore coibat, fuit secunda & vicesima post Meridiem, ibique persistebant usque ad tertiam, quartam, & interdum usque ad septimam horam noctis, prout magnitudo negotiorum exposcere videbatur. Rex sedebat in sublimi throno,

Tamasi
aula, & se-
atua.

Senatus Re-
gins.

quod Persæ Astabinum vocant: à tergo assidebant ipsius liberi, si qui erant in regia, & in primis Sultanus Caidar Marise, qui vicario patris munereungebatur, isq; rarissimè ex aula aberat. E regione vultus ac regie præsentie, assidebant Sultani Cõsiliarij, etsi qui prouinciarũ præsides affuissent, & ab utroq; latere quatuor supremi epistolarum Magistri, seu Cancellarij, qui ab ipsis dicuntur Visiri. Rex proponebat argumenta, & super ipsis suam sententiam proferre, moxq; Sultanorum sententiam singulatim rogare: Qui eam prolaturus erat in medium, continuo assurgens, propius ad Regem accedebat, atque assidens, illam proferebat tam alta voce, vt commodè à reliquis Sultanis intelligi ac exaudiri posset. Ipse interim, si quod dictum memoria dignum in eius oratione animaduertisset, statim iubebat scribas illud scripto fideliter comprehendere, ac sæpe ipsemet sua manu id in literas referre, mox cæterorum sententiam sciscitari. Nonnunquam verò in ipso senatu, quod sibi magis operæpretium videbatur, decernere, cùm videlicet, de his causis, quæ versabantur in controuersia, nulla apud se remaneret hæsitantia: interdum verò, ad se omnium senatorum rationes atque sententias afferri iubebat, hisq; postmodum sedulo expensis ac ponderatis, quidnam præcipuè agendum foret, constituere. Præter hos consiliarios, Curcum etiam Bassi, sui satellitij præfectum, in eorundem ordinem cooptauit. Nam, licet huius auctoritas inferior esset, nihilominus tamè fuerat ex nobili atque illustri familia, eoq; dignitatis gradu perfunctus, in Sultanorum album cooptabatur. Cancellarij, quos diximus, nulla prorsus in senatu habet suffragia, nec quicquam ab eis vnquam proponitur, nisi prius à Rege interpellati. Et quanuis in magno pretio atque honore habeantur, nunquam tamen, etiam si fuissent ex veteri ac præclara familia oriundi, ad gradus Sultanorum atque alia munia militaria promouentur, adeò sanè, vt hic magistratus, potius hominum virtute præditorum, quàm nobiliũ videri possit. Dum habebantur comitia, nemini fas erat ex prætorio egredi, sed illic omnes senatoriæ dignitatis viri, tanquam excubitores, pernoctabant, simulq; apponebantur custodiæ trecentorum armatorum, dum ea fieret, qui tamen etiam post comitia, ad tutelam Regis persistebant. Et hæc quidem de ipsius Regis aula, & politico regimine hætenus dicta sufficiant. Quorum sanè pleraque adhuc in Persia retinètur, & quædam pro temporum conditione sublata esse, haud difficulter crediderim. Id sanè mirum nonnullis videri posset, quòd, licet hunc Regem, ob superius commemorata, quisque extremo & plusquam Vaticano odio prosequi, ac eius nomè execrari deberet, ipsum tamè Persæ singulari obseruatiã, ex veteri cõsuetudine apud eos antiquitus recepta, coluerint ac venerati sint, & vulgus ac popularis multitudo nõ secus ac cæleste Numen, suspexerit, eiq; diuinos honores exhibuerit, ita sanè, vt qui aduersa valetudine laborabant, seu aliqua alia calamitate & infortunio diuexabantur, frequentius ipsius Regis nomen, quàm diuinam opem & auxilium implorarent. Huic soli suam vitam & salutem commendare, ac tanquam Deo vota facere: alij se allaturos munera, nonnulli, se, valuas sui palatij tanquam ad quoddam sacellum, in quo habitet Deus, osculatuos, eaq; domus se felicem ac fortunatã censere, quæ poterat nancisci aliquid ex regia supellectile, vtpote indumentum, calceos, aut aquam, vnde manus abluerat, eaq; non raro, (tanta eos superstitio

Cancellarij.

Persarum in
suos Reges
cultus & ob-
seruantia.

stitio vel potius demētia ceperat) aduersus febres, ac ceteros morbos, ceu præfens remedium, utebantur. Verum enim uerò, ut innumera eius generis præteream, hoc tantum adiecerim, non modò tenuioris fortunæ homines; at etiam ipsius liberos, ac Sultanos, in Regis colloquium admissos, cum existerent, se, nulla epitheta, nullosque titulos posse inuenire tanta maiestate atque amplitudine dignos, his uerbis prærunque vfos esse: Tu es nostra fides, & in te credimus. Cæterum in locis ab aula remotioribus, complures omnino sibi persuadebāt, hunc Regem, præterquam quòd spiritum propheticum haberet, etiam vira semel defunctos, in auram ætheream reuocare, multaque alia miranda efficere, hoc etiam addito, nempe quòd, quemadmodum Halis, ipsorum præcipuus propheta, olim genuit vndecim liberos virilis sexus, ita etiam hic Rex toridem numero diuina prouidentia sustulisset. Et quoniam *Quorū liberos Tammaſus ſustulerit.* de ipsius liberis hinc mentionem facimus, consentaneum est, & à nostro instituto minimè alienum, si hoc etiam adiunxerimus, ipsum videlicet, ex multiplici coniugio vndecim liberos mares ac tres feminas genuisse. Huius filius maximus natu, dictus est Muhemet Hodabendus, siue, ut alij appellant, Cudabenus, qui, patre superſtite, maiorem partem suæ ætatis tranſegit in regno Curassano, quod vocant Cheri, contentus exigua quadam diuisione sibi à patre assignata. Cum verò sibi filiam reguli Curassani matrimonio copulasset, socero defuncto, eius regni possessionem ac hæreditatem adeptus est. Hic tres filios procreauit, quorum prior natu vixit in aula, & ipsi Tammaſo propter egregias virtutes, & corporis præstantiam longè charissimus, atque acceptissimus fuit, cum præsertim nullum alium nepotem haberet. Secundus, appellatus est Ismaël, vir acri promptoque ingenio, & rerum bellicarum maximè studiosus ac peritus, & in bello admodum fortunatus, quippe qui ter, vel pacis tempore, collectis magnis copiis, Turcarum purpuratos, & in primis Bellerbegum de Arzrum, cui nomen fuit Iskender Basla, in ditione Sultani Solymani non solum ab inferendis iniuriis repressit, sed etiam omnes propè illorum copias multò maiores, fortissimè deleuit, parumque abfuit, quin, dissecta hostili acie, ipsum Bellerbegum ceperit, & Esdrumum celeberrimi nominis urbem, rursus Persico imperio adiecerit. Porro hinc factum est, ut Maesium-Bech, intimus ac supremus Regis consiliarius, & ipsi Ismaëli longè insensissimus, arrepta occasione, Tammaſum à filio alienarit, cum diceret, ipsum nimis præaltos spiritus gerere, & inscio atque inconsulto patre, habito militari delectu, induciarum tempore Ottomannicam ditionem hostilibus armis inuasisse, ac insuper, ut illum magis prægrauaret, quasdam literas, conscriptas Sultanis per varias prouincias, quibus, illorū animos ad bellum Turcis inferendum, omnibus studiis atque artibus sollicitaret, Regi exhibuisse, huiusque persuasione Ismaëlem in arcem vulgò Kahkahe, sitam in regione Erdeuil, quæ vicina est finibus Persiæ, ac Syruani, coniici iussit: ibique, ad multos annos eum in arctissima custodia detinuit, adeò, ut etiam post patris obitum ibidem captiuus detineretur. Addunt etiam, ipsum Regem haud rarò ad eum nobilissimas & pulcherrimas virgines & matronas misisse, ut sese cum ipsis oblectaret. Illum verò, ab earum commercio & consuetudine prorsus abstinuisse, cum diceret, se æquo animo ferre præsentem calamitatem: At si suos liberos eidem captiuitati ac miseriæ obnoxios videret, id sibi longè calamitosius

lamitosius futurum: seruos præterea, neūquam muliebres voluptates atque delicias decēre. Licet verò in hunc pater optimè affectus esset, ac eum pristinae libertati restitutum cuperet, summopere tamen metuebat, ne liberatus, Persicum regnum sibi vsurparet, cum præsertim ab indigenis & prouincialibus mirificè adamaretur, tametsi etiam Sultani, illius præferocem naturam, & præcellos spiritus maximè suspectos haberent, ne scilicet, ad imperij gubernacula promorus, militiae præfectos atque primores, maiori ex parte, nouis substitutis, sua dignitate ac munere abrogaret, simulque tot fratres, qui haud mediocrem regni partem suis Sattrapiis & præfecturis occupant, statim è medio auferret. Tertius ipse Tammasi filius vocatus est Sultanus Caidar Mirises, patris legatus, ut antea retulimus, isque fuit breui statura, sed facie admodum decora atque amabili, & cum in familiaribus congressibus atque sermonibus, tum etiam cultu corporis & equitandi peritia valde conspicuus & graciosus, patrique mirum in modum carus atque acceptus. Hunc libenter, illos audire solitum narrant, qui de arte militari & bellica disciplina differerent, licet ipse ad bellum gerendum non ita aptus atque idoneus foret ob naturam nimis mollem ac delicatam. Valuit tamen ingenio, & historiae cognitionem, cæteraque studia, & quæ in primis ad politicam gubernationem spectant, plurimum coluisse fertur. Reliquorum filiorum nomina fuere Mustapha, Mircanus, & Genuitus. aliorum verò, mihi nōdum planè innotuerunt.

Annus reditus Persarum regnante Tammaso.

Nunc autem operæpretium est videre, quanti extiterint ipsius annui redditus, & unde potissimum excerpti atque collecti, ex quo vectigalia, uti iam retulimus, amoueri atque auferri iussit. Hæc siquidem, cum in quolibet regno atque Republica sint præcipuum robur ac nervus, non dubium est, quin deinceps maxima ex parte diminuti essent, & propterea sublati portorii, ratio ineunda fuerat, qua imperij maiestas cum dignitate conseruaretur. Itaque regio decreto sancitum atque ordinatum fuit, ut ex tritico, re frumentaria, vineis, pratis, singulisque mercibus, pro qualibet portione una ad ipsum Regem deferretur, & pro quolibet agro seu campo, quisque dimidium ferme coronatum persolueret. Item ut singuli in locandis domibus, pro centum aureis, quinque in regium ærarium transferret. His quoque accessit tributum Christianorum, qui in nonnullis regionibus, pro qualibet domo quinque aureos, & in quibusdam aliis, septem, & octo, prout erat ipsarum regionum, quas inhabitabant, fertilitas, persoluebant. Ex armentis verò, pro quadraginta ouibus, annuatim quindecim bestos, qui, ratione ad Venetæ monetæ calculum subducta, tres libras & decem solidos constituunt. Et pro qualibet vacca annuatim soluerunt decem bestos, qui duarum librarum & decem solidorum summam conficiunt. Nam pro masculis armentis nihil planè persolui consuevit. Hinc ergo ipsius Regis annui census ac prouentus eliciebantur, qui dicuntur ea tempestate confecisse ad tricies centena millia nummum aureorum. Impensæ verò ac sumptus ex regio ærario prouenientes, reuera perexigui censebantur, cum solummodò quinque lectissimorum virorum millia, nimirum prætoriani atque regij satellites, quos antea patrio idiomate Curcos nominari diximus, eius stipendiis alerentur. Nec etiam his stipendium in prompta expeditaque pecunia dabatur: sed eius loco plarumque, sicuti antea commemorauimus, vestimenta, equi, & arma, quo pretio illi placuisset.

Tammasi militia.

cuiſſet. Verùm, quod attinet ad ipſius liberos, horum ſinguli ſeorſum ſuas familias alebant, & frequentis aulae dignitatem tuebantur: ſed tamen mihi exploratum non eſt, quātum pro ipſis annuatim impenderetur. Sultani ſuē-
 re numero quinquaginta, quorum conſilio & auctoritate vniuerſa huius Regis militia potiſſimū inuitebatur. Hi ſuas prouincias, excepta ditione, quae ab ipſo Rege, ac eius liberis poſſidebatur, in quinquaginta partes diſtribuerant, & quiſque illorum, quingentos, mille, ac etiam duo millia equitum in ſua praefectura habebat, qui ex ſuis Satrapiis & regionibus ſibi conceditis & assignatis, tantum reddituum ſigillatim eliciebant, quantum ſatis eſſet alendo equitatu, & frequenter numerum ſuorum equitum recenſebāt, adēdō vt ingruente aliquo bello, Rex nulla alia cura & ſolitudine torqueri deberet, quā, vt vno, vel duobus menſibus ante ſuſceptam expeditionem, ipſos Dynaſtas per fideles miniſtros atque nuntios de ſui animi decreto maturēdū commonefaceret. Hi enim, cū ſemper in promptu atque parati eſſent, eueltigō, ac citra vllam difficultatem, cum inſigni armatorum hominum apparatu ad ſtatutum locum conueniebant, erantque circiter centum millia robuſtiſſimorum equitum. Arma verō, quibus Perſae his temporibus in acie contra hoſtem ſeipſos protegunt, haec ſunt praecipua, nimirum thoraces, clypei, & galeae. Cæterū, ad lādendos ſubigendosque aduerſarios, vtuntur enſe, arcu, & longis ſclopis, nec vllus eſt inter milites, qui eis hoc tempore non vtatur, in hiſque iam longo uſu & frequenti exercitatione tantam peritiā omninō adepti eſſe dicuntur, vt omnibus fermē populis & nationibus antecellant, cū praefertim inſigne quoddam temperamētum & admirabile artificio in hiſ conſciendis adhibeant. Interior pars ſclopotorum, quae tota ex ferro conſtat, ſeptem palmarum longitudinem exaequat, globosque ſuſtinet fermē quinque vnciarum pondere, & huiusmodi armorum genere ſumma quadam agilitate vtuntur, ita ſanē, vt nihil prorsus impediat, quo minus, ſi vſus locusque depoſcat, reliqua arma, videlicet, arcus & gladium expediant, ſcutis in tergum reiectis, cum auerſi pariter & aduerſi ſagittare didicerint, & ſclopotos retrō ab humeris tanta ſolertia & facilitate adaptant, vt, quod mirum videri poſſit, nulla res alteri ſit impedimento. Arcus geſtant latos & praeduros cum praeualidis neruis, ita vt ſagittas validiſſimas emittant ad morem Scythiarum. Eorum equi forma & robore tam elegantes ſunt atque conſpicui, vt minimē illis opus ſit aduectu exterorum, idque potiſſimū contigit à morte Sultani Baiazetis, qui, vt antea recensuimus, auſugit in Perſiam, & ſecum aduexit pulcherrimos equos Cilices, ſeu Caramanos, & equas Arabicas, perrara itidem bonitate ac ſpecie, ſibi, dum illac tranſiret, à diuerſis Regulis atque Proceribus donatas. Et poſtquā Tammaſus in gratiam Solymani, vel potius ob auaritiā, ſingulari quadam perfidia uſus, ipſum, contra omne ius hoſpitalitatis ac promiſſi, clam trucidari iuſſiſſet, vniuerſa eius ſupellectile potitus eſt, in qua, praeter triginta maiora tormenta, quae ſtatim Sumachiam, celeberrimi nominis urbem, ad mare Caſpium poſitam, conuecta ſunt, multamque vim pecuniarum, & reliqua ſpolia, fuerunt equorum & equarum circiter decem millia, vnde tam generoſa & egregia ſoboles nata eſt, vt Imperatores Ottomannici non habeant preſtantiorem, nec etiam huic conſimilem. Sunt alioquin Perſarum equi natura praetates, ſublimēs, pleni, feroces

Sultani.

Arma Perſarum, quibus vtuntur in bello.

Perſarum equi.

feroces aspectu, robusti, assueti bellicis rebus, qui vtuntur frontis operimentis ferreis, & integumentis ex corio cocto ad vsum Italicae armaturae, quae ipsi congerunt è coniunctis congestisque simul laminis: vtuntur & vestibus condensatis bambasio, ita vt quemuis armorum ictum facile sustineat: At cataphracti thoraces habent squamosos, & ferrea ventris integumenta, & galeas, quarum ferrum ad tegendam faciem demittitur, & utiturque circularibus firmissimis, lanceis preualidis, acinacibus, & clavis ferreis vti consueverunt.

Baiazetis filius Solyman conuersus ad Persas: ibi interfecit.

Et quoniam proximè Baiazetis mentionem fecimus, hæc de illo quam breuissimè reperam. Is sanè ob suspicionem de successione in imperium Turcarum, cum Selymo fratre, Roslæ filio, signa contulit, atque cum totis castris dimicatum esset, victoriaque fuisset penes Selymum, cuius partibus mater plurimum fauebat, coactus est se in Persiam cum viginti millibus armatorum recipere, ita Persa Rege concedente, vnde post ipsius cædem, & spolia, & duodecim millia hominum per legationes Selymi, licet irritò euentu, sunt repetita. Vt verò Tammassus, seipsum aduersus Ottomannicas incursiones tutiorem redderet, vniuersa oppida & arces in finibus Turcarum sitas, funditus dirui ac solo æuari iussit, adeò, vt ad spatium itineris septem aut octo dierum, illic omnia ad horribilem quandam solitudinem & vastitatem redacta

Cum quibus Regibus Persæ confederati sunt.

fuerint. Amicitiam verò, & propè confederationem exercuit cum quodam Regulo Christiano, Leuèthbeghio vocato, Georgianorum Principe, qui ipsi quotannis tributi nomine viginti millia nummum aureorum persoluit. Huius autem ditio est Caspio mari contermina, & habet in armis prompta in omnes euentus ad decem millia leuissimorum equitum, & multum peditatum. His quoque accedebant nonnulli Principes Turcarum, quos vocant Chiordos, habitantes in montibus Armeniæ, versus eam partem Georgianorum, quæ ab ipsis Turcis possidetur ex latere maris Euxini, quos etiam Tammassus fœderis iure sibi obstrinxerat, hi quæ possunt colligere, præter pedestrem manuum, ad octo millia strenuissimorum equitum. Ex his superius commemoratis, facile cuius constabit, quales fuerint huius Regis mores & natura: quomodo sese in sui regni administratione gesserit: qualis fuerit eius aula, senatus, militia, annuales prouetus, & impensæ: quot liberos sustulerit: quæ illorum nomina: quo pacto sese aduersus Turcas communiuerit, & cum

Mors Tammassi.

quibus denique Regulis fœdus ac societatem contraxerit. Porro eius obitus incidit fermè in annum Christianæ salutis supra mille quingentos septuagesimum quintum. Vixit annos circiter octo & sexaginta, ac præfuit in imperio vltra duos & quadraginta annos, cœpitque regnare anno ætatis suæ decimo septimo. Princeps talis, qualem antea descripsimus, & in bello parum fortunatus, qui quæ à suis prædecessoribus plurimum degenerare visus est. Statura corporis dicitur fuisse mediocri, optima atque firmissima membrorum constitutione, colore subfusco, & labris granthoribus. Paulò antequam è vita migrasset, Caidarem Mirisæ tertio genitum, septendecim annorum adolescentem, qui patre adhuc superstite, eius vicario munereungebatur, prioribus liberis posthabitis atque neglectis, sibi testamento successorem destinauit. At regni proceres, rei indignitate commoti, haud multò post, de vniuersi omnium consensu ac voluntate, ad Muhamet Hodabendum, quem alij vocant Cudabendum, quod nomen Deodatum apud Persas significari dicunt,

cunt, adhuc in regno Curassano subsistentem, legatos cum literis miserunt, ei que, ceu primogenito, regale solium atque fastigium detulere. Verum ipse, Persicum imperium, cum legitimo ac primario hæreditatis iure, sibi debitum, tum etiam communibus procerum ac prætorianorum suffragiis oblatum, nescio quibus causis, & rationibus commotus, recusavit. Quo intellecto, Ismaëlem secundogenitum, annum tertium & quadragesimum agentem, è carcere, ubi, quemadmodum antea ostendimus, à patre per multos annos in arctissima custodia detentus fuerat, exemptum, sibi Regem constituerunt & declararunt. Hic, paterni regni administrationem adeptus, hanc protinus à sævitia & crudelitate auspicatus est, & Caidarem Mirisæ tertium fratrem, veneno, siue ut aliis placet, ferro interfici curavit. Fratre sublato, cœpit animum adicere ad regnum stabiliendum, & ad dignoscendos procerum animos, quorum consilio tamdiu à patre in vinculis detentus fuisset, callidum consilium ac miræ astutiæ plenum excogitavit: siquidē per multos dies ab hominum conspectu abstinuit, iussitque, rumorem ab intimis dissipari, quod Rex decessisset: cuius mortis, non secus quàm Vsumcassanem olim fecisse narrauius, omnes significationes fieri imperavit, quò res ab omnibus crederetur, ut possent animi cuiusque notari. Ea res credita, effecit, ut multi occulta odia patefacere, quæ omnia confestim ad Regem per clandestinos exploratores delata fuere. Vbi postea sanus atque incolumis prodiisset, complures capi iubet, & multi sibi conscij delictorum, subito ad fines regni profugientes, fuga sibi consuluerunt. Rex, collecto repente magno equitatu, hos ad fines regni insecutus est. Quamobrem Turci qui erant in ipsis finibus, cognitis his motibus armorum, veriti in se arma capi, ad defensionem se accinxere. Id ipsum faciunt Persæ in finibus. Quare ad arma res ubique prospectabat, & cum Persarum animi ad vlciscendas iniurias à Turcis illatas, iam propensi essent, cœptum est hinc inde variis excursionibus loca finitima vexare, cum tamen interim graviora damna à Turcis, quippe qui primi, & iam paratiores arma corripuissent, inferrentur. Hoc autem, ubi ad Ismaëlis aures peruenisset, summopere indoluit, cum præsertim domesticas seditiones haud parum metueret. Proinde, ut his tandem sublatis, seipsum in imperio tutius constabileret, ac bellum, si ita res ferret, tantò feliciter gereret, quotquot potuit è suspectis proceribus, è medio auferri iussit. Cæterum is, proximo regni sui anno, à sorore, optimatum ac etiam fratrum impulsu, veneno clam sublatus est. Hoc viuis subtracto, cum primores videret, se, Rege, ac legitimo regni hærede & successore destitutos, iterum legationem miserunt ad supradictum Muhamet Hodabendū, ac eum enixè summissisq; animis orarunt, ut paternas fasces atque imperium capefferet. Ille, tametsi ab initio rursus refragari videretur, nihilominus tamen instantibus legatis, & multas cohortationes ac preces admiscens, tandem eorum postulatis assensus est, & mox in regiam profectus, summo omnium applausu & acclamatione, statim Rex creatus atque renuntiatus fuit. Hic sanè, ubi primum ad Persici regni gubernationem admotus est, in suis actionibus avum potius & proavum, quàm patrem imitatus, nihil habuit antiquius, quàm ut Persarum auitam gloriam & decus, patriis moribus atque studiis, maiori ex parte obscuratum, ceu ex densissimis tenebris in clarissimam lucem vindicaret atque

Ismaël II.
Persarum Rex.

Eiusdem
stratagemata.

Obitu.

Hodabendus,
Rex Persarum.

Emircanus
Marife Ho-
dabendi fi-
lius, Persico
bello aduer-
sus Amura-
them præfi-
ciunt.

assereret, idque in primis omni vigilantia procuravit, ut maiorum exemplo rem bellicam, & militarem disciplinam in suo regno fermè collapsam & extinctam, denuò erigeret ac emendaret, eamque veteri Græcorum lege ad præmia & pœnas reuocaret. Post hæc, animum ad bellum Turcis inferendum, quod etiam Ismaël suscipere decreuerat, adiecit, eique expeditioni Emircanum Marisem, primogenitum, virum acri ingenio, & bellicę laudis gloria mirum in modum flagrantem, cum suprema potestate atque imperio præfecit. Coactis itaque multis millibus hominum armatorum, Babyloniam, ubi noui reges, de more Persarum, sibi gladium accingere consueuerant, proficisci decreuerat. Hæc verò ubi Constantinopolim per sedulos fidelesque, nuntios perlata sunt, Amurathes in maximam suspensionē deuenit, ne auitas vrbes, Turcicis armis occupatas, per vim armorum, vellet recuperare. Quamobrem statuit & ipse copias colligere, ac protinus ad duo millia lectissimorum equitum ad fines præmisit. Cæterum Persa, cum palam publiceque protestaretur, se nolle bellum concitare, sed duntaxat regni sui limites atque pomœria recognoscere, Turca breui post, militares apparatus maiori ex parte remisit. & prouidus futurorum, cautè ac diligenter, quanam essent Persarum consilia, obseruare. Interea temporis, Hodabendus, licet aduersus Amurathem hostilem animum indutus, nihil præter aliquam insignem expeditionem noctes diesque meditaretur, nondum tamen sibi commodum atque opportunum videbatur, cum tanta potentia & viribus innixum, inuadere, & instructa acie, belli aleam ac fortunam experiri, nisi prius seipsum in imperio recens suscepto constabiliret, & cum veteribus amicis ac finitimis regulis fœdus atque societatem instauraret. Et quoniam sibi fraterna fides supra modum ambigua & suspecta erat, maximeque verebatur, ne dum ipse vnà cum filio externis bellis implicitus, procul militaret, Persicū regnū à fratribus iam prouectioris ætatis, inuaderetur, statuit suum animum hac sollicitudine ac metu soluere. Quocirca vniuersos bellicos apparatus, in tres fratres natu grandiores, qui paucis antè mensibus, præ timore, ne dolo atque insidiis circumuenirentur, ab ipsius Regis aula ad fines usque Turcarum profugerant, conuertit. Cæterum postquam illos aperto Marte capere nequiuit, simulat per communes amicos, se omne odium omnemque simultatem deposuisse, atque his non modò regiam gratiam & fraternam charitatem, sed etiam amplissimas præfecturas & dignitates pollicetur. Illi, cum regiæ ac fraternæ fidei se vltro tradidissent, mox iussu Regis comprehensi, crudeliter sunt necati. Proinde cum se ipsum domestico timore atque periculo liberasset, omnia studia & cogitationes ad Turcicum bellum applicuit. Huius siquidem animum supra modum infestabat amissorum locorum, de quibus antea meminimus, tristissima & acerbissima recordatio, miroque & incredibili recuperandæ in primis Babylonix desiderio atque cupidine accendebatur. Quocirca non amplius simulatione sibi vtendum statuens, omnibus Sultanis, suæ militiæ præfectis, mandat, ut tam ex suis popularibus, quàm ex fœderatis prouinciis & nationibus, quantas possint, copias describant, & quæ maximè aduersus potentissimum hostem belli usus requirant, omni cura & diligetia præparent atque constituant. Quod quidem ab ipsis summa fide ac celeritate perfectum est. Hæc ubi Constantinopolim allata sunt, & Amurathi per fideles ministros

Tres fratres
per dolum à
Rege Persarum
mucidati.

Persici apparatus
contra
Turcas.

stros ac speculatores significata, confestim nauali expeditione, quam aduersus Christianos Principes, quos non minori odio, quàm sui maiores, persequitur, omiſſa, omnes bellicos apparatus, exceptis quinquaginta triremibus ad locorum maritimorum defensionem eductis, ad limites sui imperij aduersus Persam direxit. Miſſa sunt primùm duo millia prætorianorum ad eos fines, multaquæ millia Spachium, qui sunt equites Turci perpetua stipendia merentes, ad illud bellum vndique cientur. Cùm verò Scythæ quasdam fœderis conditiones à Turcarum Imperatore postulassent, reiecti, continuò ad Persarum stipendia confugerunt. Caterùm Persa, collectis fere centum millibus armatorum, Turcicos fines repentè inuadit, tantaquæ alacritate & dimicandi studio, vt obuia quæque facillimè cederent. Amurathes interim, nihil omninò de solita vigilàtia remittere, quin potius nihil maiori studio satagere ac procurare, quàm vt ingentes copię aduersus Persas in castra vndique conuenirent. Cùm verò interea, Persicum bellum indies magis atque magis exardescere, & Persarum exercitus, noui militis accessione magis formidabilis reddi cœpiſſet, fama per Byzantium disseminata est, Amurathem ipsum, Hierapolim vsque cum maximis copiis egressurum, adeò vt illic duo vexilla Imperatoria erigerentur, quæ solent erigi, cùm Imperator exit ad bellum. Iuſſi sunt duo purpurati cum quinque millibus Ianizzorum singillatim Byzantium conuenire. Imperantur multa nauigia tormentis, & militari apparatu omnis generis onerari, quæ omnia mox in Syriam conueherentur, quia passim dicebatur Amurathes fore in Syria, donec exercitus instrueretur, & postea rediturus Byzantiũ. Nam Persæ plurima damna quotidie Turcarum finibus inferebant, cùm illorum copię, pluribus semper accedentibus in castra, magnoperè excreuiſſent. In primis verò Persæ Vanum, urbem amplam & populosam, positam in finibus Armeniæ, vi armorum capiunt, Turcasque ibi inuentos, omnes contrucidant, mœnia prosternunt, ipsam urbem diripiunt, atque in omnes resistentes quàm crudelissimè sæuiunt. Turcæ, cùm frequentibus certaminibus pugnarent, pluribusque in locis, & complures vtrinque caderent, vt Persarum acumen atque alacritas aliqua trepidatione obtunderetur, iubent multa capita caſorum Turcarum deradi more eius nationis, atque clam per noctem in eorum castra deportari, vt appareret, multos Persas interemptos fuisse: sed irritum atque inane fuit illorum consilium, quia cognitum fuit ab iis, quibus Turcica vafricies non est obscura: atqui cùm aliis in locis acriter pugnaretur, tum ad Esdrum præcipuè decertatũ est, vbi multa millia Turcarum interfecta sunt, & complures capti. Neque tantũ armis res Turcica per id tempus quammaximè affligebatur: sed etiam fortunæ felicitas, quæ in cæteris bellis plarunquæ aspirare consueuerat, videbatur iam terga vertiſſe, cùm amicitie quarundam nationum à iacente felicitate, quasi que arescente Turcarum, ad Persarum florentem desciscerent. Siquidem multi populi in illis finibus vltro acceperunt Persarum imperium, gloria rerum gestarum & multis victoriis illustratũ, atque ita fines Regis Persarum partim vi armorum, partim etiam per accurrentes populos spontè ob metum, & plærosque ob stipendia & munera, eximiamque Regis in quosque præstantes duces humanitatem, allecctos, dilatabantur. Et quoniam non solũ animi Turcarũ militum, sed etiam illo-

Turcarum
apparatus
contra Per-
sas.

Scythæ ad-
heret Persis.

Vanum ca-
pitur à Persis
atque diripi-
tur.

Turcarum
stratagemata.

Persarum
victoria.

Mahometus
purpuratus
Ottomannici
exercitus Im-
perator.

Eiusdem
caedes.

Mustapha
purpuratus
succedit in
locum Ma-
hometi.

Stratagemata.

Prælium in-
ter Turcas et
Persas, cum
insignis Tur-
carum clade.

Scythæ fauēt
Turcis.

rum populorum qui erant Byzantij, & in omnibus reliquis ciuitatibus Ot-
tomannicæ ditionis, nō parum exterriti & consternati esse videbantur, con-
uecta sunt Byzantium multa capita, & aures, & nasi cæforum Turcarum de-
cisi, qui dicebantur esse Persarum, quò indigenæ ad eam militiam tantò ala-
crius accederent. Huius verò atrocissimi & cruentissimi belli, quod incepit
anno supra mille quingentos, septuagesimo septimo, præfectura initio de-
mandata fuit Mahometo purpurato, viro pacis bellicæ artibus longè cla-
rissimo ac præstantissimo, cuius nutu atque consilio in castris omnia gere-
rentur. Hic, postquam ibi aliquandiu rebus gerendis præfuisset, cū Amu-
rathes illius præsentia, propter insignem in politicis rebus, & imperij admi-
nistratione vsum atque peritiam, diutius carere non posset, domum reuoca-
uit, & Mustapham, iidem purpuratum, cuius virtus in multis bellis antea
inclaruerat, in eius locum substituit. Mahometus interim, domum reuersus,
vndecima die Octobris anni 1579. circa horam pomeridianam à quodam
mendico Turcico, antea milite, supplicem libellum exhibente, in regia per-
cussus cultello, in dextrum pectus illiso, duabus post horis mortuus est: ho-
micida pariter, altera statim post hora, in quatuor partes dissectus. qui in per-
petrato facinore, adeo ab astantibus, contra primatum exhortationem, hinc
inde tractus, & verberatus erat, vt semimortuus & mutus inde reportatus, &
ad ipsum Imperatorem ductus, causam perpetrati homicidij dicere non po-
tuerit. Hic fuit exitus Mahometi Bassæ, hominis penè septuagenarij, maxi-
ma gratia & auctoritate florētis, qui trium Imperatorum supremus Vescius,
id est, locum tenens, seu vicarius extiterat. Mustapha, Ottomānici exercitus
Imperator, quòd multis morientibus in castris & morbo, & inopia annonæ
& ferro Persarum in frequentibus præliis, suas vires indies imminui & debi-
litari intelligebat, cū iam neque posset præsentis Turcas mole ærumna-
rum consternatos, vllis vel minis vel promissis impellere, vt alacriter pugna-
rent, neque ad horum exemplum supplementa facillè capere, cū omnes bel-
lum id, vt funestum Turcis, deuitarent, excogitat consilium facilitatis ple-
num. Procurat ruinorem in castris, ac etiā Byzantij, & in finibus Persarum
dissipari, quòd Cudabendus diem suum obiisset. Deinde paucis post diebus,
non modò eius interitus fuit repetitus, sed etiam additum, quòd frater cæ-
cus fuisset creatus Rex, ac etiam metu veneni sororem cædi iussisset. His ad-
iungebatur, illum esse pacis & quietis percupidum. Quare asserabatur, bel-
lum non esse amplius aduersus Persas, sed duntaxat aduersus Georgianos
populos, in quos Amurathes vellet animaduertere, propterea quòd ad fidem
Persarum ab ipso Imperatore descuiissent, ratus per hanc famam fieri posse,
vt Turci alacrius in castra conuenirent. Cæterum, breui spatio interiecto, ci-
tra Babyloniam commissum est acerrimum prælium inter ipsos Turcas, &
Persas, in quo Ottomannicæ copię parum feliciter pugnarunt cum Persis, in
eoque certamine ad septuaginta millia Turcarum cecidisse perhibetur. Mu-
stapha, vt acceptam cladem vlsceretur, & tantam ignominiam & labein ali-
quo præclaro & insigni facinore obliteraret atque deleteret, Scythas, Ottomā-
nicis partibus fauentes, iussit collectis magnis viribus, in fines Persarum, ad
Derbentum irrumperere, ac sibi obuiam per ingentes populationes procedere.
Ipse interim cum suo exercitu in acie procedit ad inuadendū regnum Sirua-
num,

num, quod ad Persicum imperium spectat. Postquam ad eos fines peruen-
tum est, Georgiani, Armeniæ populi, qui sunt ab Hyrcano mari ad Mæoti-
dem paludem vsque, in tam ampla regione, vt viginti & sex illorum idioma-
ta fuisse dicantur, multis cum beneuolentiæ significationibus, ac muneribus
purpuratum excipiunt. Pontem etiam super amplum fluuium excitant ad
traiciendas copias in finibus Curdonum: sed Mustapha, vbi traiecisset, ad
triginta millia armatorum ad pontis custodiam reliquit, ne vel reditus, vel
iter com meatibus in castra intercluderetur: qua ratione visus est parum fide-
re illis populis, quos arbitraretur in gratiam Persarum magis esse propensos.
Ipse cum reliquis copiis populabundus, ad Sammachium vsque Metropo-
lim eius regni, procurrit, nemine inuento, qui ei vel tantillum resisteret. Sam-
machia vrbe occupata, munitionem è gleba miro studio ac peritia excitat,
factis validissimis aggeribus, ac centum & quinquaginta bellicis tormentis
varij generis vndiquaque dispositis, ibique Achmetum Eunuchum purpu-
ratum cum viginti & quinque millibus hominum reliquit, ipse, cum iam pro-
pè hyemaret, cum reliqua parte exercitus paulatim in Armeniam contendit.
At Persæ certiores facti, Scythas cum haud mediocri equestriū ac pedestrium
virorum agmine Turcis subsidio venire, confestim in eos impetum faciunt,
omnesque, præter paucos, qui fuga sibi salutem inuenire, interficiunt. Reliqui
Persæ, qui castra Mustaphæ insectabantur, incredibili celeritate vsi, ea tan-
dem assequuntur. Vbi Turcæ intra vallos fossasque militares, ne prorsus fu-
gere hostem viderentur, constitissent, Persæ illos ad certamen prouocant.
Sed Turcæ, quia non venisset in castra Imperator, palam profitentur, se nolle
fortunam belli experiri. Interim non paucis, aut leuibus Persarum contu-
meliis diuexabantur, cum timidi, & segnes, atque imbelles à Persis vocaren-
tur, & qui non in propria virtute & lacertis, at duntaxat in munitionibus &
bellicis tormentis omne præsidium omnemque spem salutis reponerent, vbi
hostes magnanimos & pugnae audios inuenirent. Hæc, & pleraque alia his
consimilia, Persæ in Turcas iactabant, quorum animi, licet ob multas cala-
mitates & clades, vel initio huius belli acceptas, plurimum cōsternati essent,
ipsi tamen assiduarum contumeliarum & conuitiorum, quæ ex Persis fre-
quenter exaudiebantur, impatientes, oblatam sine tormētis pugnae arripiunt
facultatem, cum vellent ostendere Turcicam fortitudinem ac virtutem, neu-
tquam in aggeribus, & militaribus machinis; at in brachiis & vigore ani-
mi, atque in acinacibus fortissimorum hominum consistere. Arripiunt igitur
pugnam, vtrinque acies instruuntur, acriter dimicatur, eo tandem succe-
ssu, vt victoria ad Persas inclinaret. Georgiani ex altera parte, cognito aduen-
tu Persarum, quoniam ægrè tulissent custodias pontis, tanquam certissimum
argumentum animi purpurati parum beneuoli atque amici, copias repente
colligunt & ipsi, magnoque impetu illas trucidant, eaque Turcarum clade,
& pons, & regio Georgianorum Turcicis terroribus liberata fuit, ac pons re-
scissus. Constans fama obtinuit, eo tempore ad octoginta millia Turcarum
cæsa, omnesque procures, quàm paucissimis exceptis, vel interemptos, vel ca-
ptos fuisse. E Persis, ad quadraginta & quatuor millia cedissee. Reliquis Per-
sis ad urbem Summachiam reuersis, vbi Eunuchus se nullo modo posse resi-
stere animaduertit, tantis præsertim ac victricibus copiis, Derbentum versus

*Sammachium
occupatum à
Turcis.*

*Scythæ à Per-
sis interfecti.*

*Turcarum
ingens clades
cum non me-
diocri strage
Persarum.*

*Georgiani se-
se adiungunt
Persis.*

*Summachium
recipitur à
Persis.*

profugit, quasque potuit custodias seruauit: reliqui eius milites sunt à Persis interfecti. Capta sunt cum ipsa vrbe quamplurima tormenta, multa que spolia & pretiosa impedimenta, atque omnes bellici apparatus à Mustapha relictæ, in Persarum potestatem deuenerunt. Hac suorum clade Amurathes intellecta, euestigio, ad confirmandos suorum subditorum animos, in vniuerso imperio ingentis lætitiæ signa edi iussit, quod trucidata essent multa millia Persarum. Et hæc quidem gesta sunt anno eiusdem æui septuagesimo octauo. Cæterum insequenti, in finibus Persarum non solum frequentibus præliis hinc inde funestis & vtrisque calamitosus pugnatum est, verum etiam Persæ ipsis Turcis grauissima damna intulere. Nam cum Turcæ in amplissima planitie ad viginti & quinque millia equorum, & septem millia camelorum misissent cum præfidiis triginta millium Turcarum, ut fieri solet per ætatem, ad pabulum & gramen adularum herbarum, quamuis id tardius fecissent, tentoria posita sunt in planitie à Turcis custodibus illorum iumentorum. Persæ, cum distarent ad quatuor dierum iter, re cognita, per fidos exploratores, deligunt ad viginti millia equitum, qui, ubi appropinquassent, decem millia lectissimorum primò inuadere iubentur, reliquis paulò longius abstantibus, quod quidem factum est prima vigilia. Turcæ, cum de improviso inuaderentur, mirum in modum exterriti, nullo memorabili exemplo virtutis aut fortitudinis edito, ingenti strage affecti sunt, atque instar pecudum, mactati. direpta sunt omnia tentoria, illi ad vnum trucidati, equi, muli, & cameli, in castra Persarum abducti. Interim succrescunt assidue nouis auxiliis Persarum castra, quæ opulentiora faciebant multi felices rerum successus, cum Persæ iam Regem ipsum ex Taurisio, vrbe regia, cum plurimo equitatu expectarent. Sed enim, cum tot cladibus iam acceptis, Turcarum animi supra modum consternati essent, Mustapha, ut eos ad res bellicas erigeret, simulque promptiores atque alacriores redderet, prætorianos milites multis & largitionibus, & promissis, ad strenuitatem sollicitat. His, pro rebus fortiter gestis, ingentia præmia, quorum conferendorum supremam haberet auctoritatem, pollicetur. Verum ipsi nullis persuasionibus adduci poterant, ut dicto obedientes essent, cum in animis hominum plus valeat stimulus naturæ, quam vlla mortalium promissa. Amurathes, cognita suorum imbecillitate, haud mediocrem spem reponit in auxiliis Scytharum. Proinde ad illorum Principes, legatos & munera mittit, rogatque, ut sibi in tanta rerum necessitate, suisque rebus tãto perè accisis, auxiliares copias suppeditet. Et quo facilius conuectio rerum necessariorum fieret in castra Turcarum, quæ mari Byzantio comportari poterant ad littora maris Euxini, vnde in omnia finitima loca è classe paruo negotio transferrentur, Occhial, vir magni ingenij, rei que militaris peritissimus, munitionem erigendam curat in regione Mengrelia vocata, in litore maris, quæ fieret quasi tutissimus portus ac domicilium rerum Byzantio aduectarum. Hæc cœpta est fieri è regione Villachij, ex trabibus, gleba, & fasciculis lignorum summa diligentia, quæ altera ex parte mare amplissimum haberet pro fossa, ex altera parte aggeres & propugnacula erigit ad arcendos hostes, si quis fieret illorum impetus, multis directis in inuasuros tormentis. Vbi verò munitionem illam ad optatum exitum perduxisset, putauit non fore inutile, si in altera parte litoris, quasi aliud propugnaculum,

aliam

Alia Turcarum strages.

Amurathes implorat opem Scytharum.

Turcæ erigunt munitiones.

aliam munitionem excitaret, quæ sese inutuo auxilio protegerent. Quare literas hac de re scripsit ad Amurathem: sed quoniam plurimum potest gratia, & assentatio, & inuidia in aulis Principum, & opinio de singulis concepta, omnis cogitatio conuersa est Amurathi ad summum Imperatorem Persicæ expeditionis mutandum: quia parum feliciter res cum Persis agebatur. Nam ubi classis recessisset, munitio capta est à Persis & euerfa. Suffectus est igitur Sinamus ille, qui victor ab Africa expeditione & expugnatione Galathæ redierat, vir manu consilioque promptus, & qui putaret, omnia sibi ex sententia & pro votis successura. Non desunt, qui asserant, ipsum Mustapham idcirco Byzantium è castris reuocatum, quod & Persarum legatos, pacis causa venturos non admisisset, & quod officia militaria pecuniæ causa venalia habere argueretur. Vt verò Constantinopolim reuersus est, rei bene gestæ laudes quidem tulit: cæterum, quod exemplo nouo atq; inusitato, inscio suo Principe, legatos cognatæ aliâs gentis, non admisit, & quod pecuniæ gratia diuites & opulētos fortibus & expertis præponeret, ideò in varias reprehensiones & comminationes incurrit. Verum is, iras & minas Imperatoris metuens, sumpto veneno, mortem obiuit volūtariam, annos natus plus minus octoginta. Hic olim fuerat summus dux terrestrium copiarum in Melitensi, ac Cypri expeditione, in qua, singulari crudelitate ac perfidia usus est in Astorem Baleonum, & M. Antoninum Bragadenum, viros præstantissimos, omnibusque virtutibus insignes, quos vnâ cum trecentis Christianis, qui Salaminæ superstitēs fuerant, contra pactiones, omniâque iura diuina & humana, exquisitissimo supplicio affecit. Hic quoque cum Ægypti esset Beglerbegus, motus istius regni & Syriæ composuit, atque Arabes rebellantes edomuit. Is quoque Baiazerem, Solymani filium, cum viuo patre, contra fratrem Selymum insurgeret, bello fregit, atque ita iussu Imperatoris persecutus est, ut miser ille vitam amiserit & regnum. Vt primum verò cōtra Persas exercitum eduxit, Georgianos Iberos, qui Christum Græcorum more colunt, quod cum Persis sentire viderentur, inuasit, atque inopinantes ita oppressit, ut bonam provinciam eorum partem occuparit, cum ciuitate quæ Tifis dicitur, insuperque tributum annuum imposuit, inde in Mediam irrupit, per id quidem tempus, quo Persarum Rege Ismaële defuncto, accersitus fuit ad regnum ipsius frater Mahomet Hodabendus. Hic Persarum Imperium adeptus, cum nondum seipsum in eo constabilisset, viresque Ottomanicas probè cognitatas haberet, operæpretium fore censuit, ut lites & controuersie inter vtramque gentem exortæ, potius aliqua honesta & æquabili transactione, quam vi atque armis dirimerentur, eaque de causa, Mustapham per legatos de pace, aut saltem induciis tentauit, donec ad Amurathem pacis constituendæ causa legatus mitteretur. At Mustapha, cum esset inquieti spiritus vir, secundaque videretur fortuna, omnem pacis reiecit mentionem. Persæ itaque arma parant, vindicaturi tum recentes, tum veteres sibi ab Ottomanis illatas iniurias. Et congressi ad ciuitatem, quæ Zeruan dicitur, à qua hodie Media ipsa Zeruan appellatur, acre commiserunt prælium, multis vtrinque cadentibus. Est tamen discessum ambiguo Marte, nisi quod à Turcarum parte cecidit Tartarici Regis, eius qui ad Mœotidem paludē dominatur, frater. Is enim Turcis, ex fœdere, cum triginta millibus equitum auxilio venerat, inde vario euentu

Sinamus purpuratus Turcicarum copiarum dux.

Mors Mustaphæ.

Tifis à Mustapha occupata.

*Perfarum
legatio missa
Byzantium.*

*Billum reno-
natur sub Si-
nam Bassa.*

*Turcarum
munio à
Persis diuina.*

*Vanum ab
ijflem oppu-
gnatum.*

*Carfis mu-
nitio à Turcis
erecta.*

*Turci affi-
guntur peste,
& commea-
tus inopia.*

*Turcarum
fratragema.*

est pugnatum, donec Persis legatos pacis causa mittendi potestas data, & Mustapha, missio successore, reuocatus sit. Persarum oratores cum Byzantium venissent, atque de pace tractarent, nec de ea conueniret, (Turci namque Mediam sibi concedi postulabant, & Persæ, Mediæ causa omnia facere videbantur) in Persidem salui atque incolumes reuersi sunt. Paucis post diebus, ubi de pace non conuenisset, protinus utrinque ad arma reuersum est, & Persæ quidem agros undique vastarunt, pagos villasque exusserunt, & commeatus intercepte, adeo ut Turci, duce Sinam Bassa, qui Mustaphæ, ut dictum est, successerat, in magnas sint coniecti difficultates, fame, pesteque exercitum inuadentibus, & expeditione relicta, exercitum, pestis maximè causa, diuidere coacti fuerint. Turci interea, ut Georgianorum vires à Persis disungerent, munitionem in finibus maioris Armeniæ excitant, cum ipsi Georgiani Persicis rebus non mediocriter fauere viderentur, qui etiam Scytharum incursiones reprimebant, ne prædabundi palantesque in Persarum fines vagarentur. At Persæ, cognito Turcarum consilio, vniuersas copias in duas partes distribuunt: altera pars munitionem magno impetu inuadit, qua, post diuturnum certamen potita, omnes inuentos Turcas trucidat: altera pars nonnulla oppida in finibus Babylonis sita, magna virtute oppugnat. Missæ sunt etiam triremes quinquaginta ad eam munitionem, quæ in ora maris Euxini struebatur, Carfisque vocata est, cum multis ferramentis & bellicis apparatibus, quò iam multæ copiæ & operæ conuenerant, cum res Turcica non vna duntaxat calamitate, vno eodemque tempore affligeretur, sed bello, rei frumentariæ inopia, & dira lues, quæ cum multis in locis, tum potissimum Byzantij mirum in modum grassabatur, adiungeretur. Iis calamitatibus laborabatur etiam in castris Turcarum. Persæ igitur in magnâ spem veniunt propin quarum munitionum sine prælio capiendarum, eorumque spem regulus quidam, nomine Bogodanus, vir eximiæ auctoritatis, in iisdem finibus, haud sanè mediocriter auxit. Quippe qui ad fidem Regis Persæ cum multis millibus mortalium se contulerat, & Arabum incursiones, qui Syriam multis prædationibus infestabant, maiori ex parte repressit. Cœpit pestis vehementer defæuire in vniuersa Peloponneso, & in aliis urbibus atque oppidis Turcico imperio subiectis, adeo ut vel in vna ciuitate Hieropoli plusquam septuaginta millia vtriusque sexus intercidiisse narrent. Turci, cum à Persis in Carfis munitione erigenda, plurimum diuexarentur, consilium capiunt artis & fallaciæ plenum. Curant rumorem dissipari, sexaginta Scytharum millia sibi iam iam subsidio aduentare, idque ut facilius persuaderent, nocturnos ignes accendunt, ac multa edunt lætitiæ signa propter aduentum, uti ferebatur, Scytharum. Persæ, huiusmodi rumoribus fide adhibita, & plurimum veriti, ne Scythicus miles cum Turcis coniungeretur, dicto citius ad quadraginta millia equitum in Scythas proficisci iubet. Horum discessu cognito, ipsi maximo studio ac diligentia, hostili metu liberati, absque vlla molestia & obstaculo, munimentum perficiunt: atque cum Persæ neminem prorsus inuenissent, quasi delusi, paulò post, in castra reuertuntur. Turci vero, cum tempus concessum fuisset excitandæ munitionis, tanta industria & celeritate vsi sunt, ut vel purpuratus ipse materiam comportaret, quò reliqui ad opus perficiendum, tantò alacrius accederent. Dum hæc à Turcis geruntur,

tur, Persici Regis filius Hemircanus Marisæ, cum quadraginta millibus fortissimorum equitum venit in castra, quorum accessu Persæ, ne res diutius otiosè protraheretur, Sinamo, qui post erectam munitionem, cum ingentibus copiis à fronte regionum castrorum constiterat, dimicandi potestatem faciunt, si velit totis viribus decertare, atque aleam belli vno prælio experiri. At Sinamus, quoniam certò intellexerat, hostium castra tot millibus bellatorum adaucta, seque huiusmodi robore ac supplemento, multò viribus inferiorum atque imparem factum esse, tantum abest, ut ad arma prouocatus, in aciem suas copias eduxerit, & collatis signis, aperto Marte cum aduersariis configere statuerit, ut etiam arbitraretur, minimè sibi conducere, si diutius eodem in loco persisteret, cum præsertim nulla ibi satis firma esset munitio: quare ad oppidum longè munitissimum, Aazirum, patrio idiomate Argironem vocatum inter fines Turcomaniæ, & maioris Armeniæ, haud procul ab Euphrate flumine positum, sese actutum recipere constituit. Persæ, Sinami consilia edocti, postremum agmen discedentium hostium inuadunt, & complures interficiunt, moxque ad Carsis demolitionem, ad cuius tutelam & propugnationem, decem millia Turcarum, & in his complures prætoriani milites, in præsidiis cum multo bellico apparatu relictæ fuerant, castra conuertunt. Vbi illuc accessissent, cœpta est munitio pluribus è partibus eodem tempore inuadi, ac post diurnam pugnam, trucidatis Turcis, munitio capta & funditus euerfa est. Sinamus, frequenti suorum clade cognita, copiasque, virtute Persarum non mediocriter quotidie labefactari animaduertens, nuntios, & literas ad omnes prouinciarum præfectos ablegauit, ut quanto plures possent, bellatores, è vestigio mitterent in castra, quò Persarum conatibus tantò facilius atque còmodius resisteret. Et quonià in Turcico exercitu permagna erat commeatus penuria, iussit, filium Mahometi cum tredecim millibus equitum in hostilem agrum excursiones facere, atque illinc còmeatum omnibus studiis atque artibus conuehere. Is, repentino aduentu prædabundus omnia obuia populatur, multum capit frumenti, multaque omnis generis armenta. Cæterum Persæ ad eius prædationis rumorem excitati, redeuntem in castra, nihilque hostile metuentem, ac præda impeditum, repente aggrediuntur, Turcas omnes confodiunt, prædam & captiuos recuperant, cum tamen dux copiarum, acceptis quatuor vulneribus, equi celeritate se fuga in tutum receperit. Hæc autem omnia incidere in annum salutis supràmillesimum quingentesimum septuagesimum nonum. At proximo anno, Constantinopoli, & in finitimis locis tanta inopia rei frumentariæ per diurnam siccitatem cæli nata est, ut nullis antea sæculis par sit audita, aut repetita ab antiquorum Turcarum memoria. Laborabatur præcipuè in castris, quæ erant ad fines Persarum. Sinamus frequentes militum querelas exaudiens, plurimum discruciabatur, præsertim cum nullum posset adhibere remedium, neque ipse auctore eorum esset incommodorum. Amurathes interim, nescius à quibus auxilium in tantis suorum populorum difficultatibus & querelis potissimum peteret, ad ciues Epidauros literas dedit, quibus imperabat sub pœna amittendæ imperatoriæ gratiæ, ut quatuor onerarias naues frumento onustas, Byzantium mitteret, quòd iustum pretium & conueniens relaturi essent, sibi pergratum fore tantum, ut sui populi his tot malis

*Aduentus
Hermicani
filij Regis
Persarum in
castra.*

*Sinamus de-
trebat pu-
gnam.*

*Carsis mu-
nitio à Persis
capta &
euerfa.*

*Turci de im-
prouiso à Per-
sis eaduntur.*

*Siccitas ser-
uè mandata.*

*Amurathes
petit frumen-
tum ab Epi-
dauis.*

lis atque calamitatibus subleuantur. Per idem fermè tempus, filius Regis Persarum cum viginti millibus equitum populabūdus in agrum Ottomanicum excurrit: At Sinamus, his populationibus auditis, ad triginta millia equitum misit, qui horum incursiones refrænarent & cohiberent. Persa, relictis impedimentis, fugam simulat, in quæ cum hostis auidè irruisset, ac direptioni & rapinæ intentus esset, denuò reuersus, tanta impressione perturbatos ordines inuasit, vt ad viginti millia Turcarum interfecerit. Tandem Sinamus, recollecto exercitu, resedit aliquandiu ad ciuitatem, Ezerum nomine, quæ ad Euphratem fluuium sita est: accepit & Constantinopoli auxilia circa principium Aprilis, anni eiusdem sæculi, M. D. LXXXI., eodemque tempore, arma, & pecunia, per pontum Euxinum & Trapezuntin, vt inde ad exercitum mitterentur, delatæ sunt. Alter Turcorum exercitus ad portas Caspias resedit, duce Osmano purpurato, qui, nisi locorum beneficio se tutatus esset, & à Tartaris nonnulla auxilia accepisset, in maximas omninò deuenisset necessitates. Loca enim inter vtrunque exercitū ita deuastata fuerāt, vt propter comineatuum inopiam neuter alteri subsidio esse posset. Interea temporis, vterque Princeps tam diutino atque atroci bello defatigatus, pacilubens assentiretur, nisi conditiones obstarent. Nam Persæ, licet plarunque prosperos successus habuerint, illorum tamè prouinciæ quàm plurimas clades perpeßæ sunt, ipsique proprios agros deuastarunt, vt hostem aditu prohiberent. Quatenus verò ad Turcas pertinet, ipsos, suscepti belli, & hæcenus infelicitè gesti, haud parum pœnitere, vel ex hoc facillè coniici potest, quòd nimirum, circa hoc tempus Constantinopolim accersitus fuit Beglerbegus ciuitatis & dominationis Ezerumensis, qui, quòd inauspicati belli suafor extitisset, omninò capitis pœnas dedisset, nisi matre & vxore Imperatoris, centum millibus aureorum sibi conciliatis, & exinde pro se intercedentibus, veniam ab Imperatore ita impetrasset, vt continuò ducenta millia ducatorum in ararium ipsius Imperatoris inferret. Ex quibus apertissimè cōstat, Turcos pariter & Persas, pacis cupidos esse, verum neuter alteri cedere cupit. Dum hæc ita geruntur, Sinamus Bassa Byzantiū reuocatus est, cum ob alias causas, tum etiam vt ab Imperatore mandata acciperet, ex quibus cum Persis pacem concludere posset. Is verò die vi. Augusti, quæ incidit in annum eiusdem sæculi octogesium primum, ab exercitu ex Persia Constantinopolim venit, cui Scutarin (Chalcedonem) vsque, quatuor triremes cum præcipuis Bassis obuiam profectæ sunt. Postridiè relationem fecit de tractatione pacis inter Turcas & Persas, & induciis vnus anni, summa cum approbatione & dignitate Imperatoris Turcici initis, quæ tamen breui post, violatæ sunt. Idem Sinamus, decem præcipuos procures Georgianos, vades secum adduxit, ne Persis, vt antea, Georgiani coniuncti, sed Turcarum deinceps subditi essent. Causa verò, cur vtraque gens, tam exitiale & funestum bellum inter se gerat, hæc præcipua narratur. Turci Persas accusant, quòd ex fœdere, inter Solymanum Turcarum, & Tammassum Persarum Reges icto, legatos & munera Amurathi, tanquam legitimo Solymani ac Selymi successoris, mittere neglexerint. Eam intermissionem Amurathes, pro hostilis animi signo, (cum antea ipsius Tāmasi temporibus hoc nunquā fuerit intermissum) interpretatus est, atque ideo excursiones in hostilem terram fieri iussit, & Persis pacem

Persarum
stragem.

Beglerbegus
Assyrie.

Sinamus Bassa
reiuocatur
Byzantium.

Causa huius
atrocissimi
belli, quod
causis geritur
inter Turcas & Persas.

pacem tunc non petentibus, mox ad arma deuentum est. Huc accedit vetus odium inter vtrosque populos, cum propter religionis diuersitatem, tum etiam dominandi libidinem, dum Persa ægerrimè fert, se illis vrbibus atque prouinciis priuari, quas olim eius pater atque auus possidebant; alter verò, illa omnia belli iure acquisita, mordicus retinere studet, suamque potentiam multò magis ampliare, quàm vlla ex parte diminuere, omnibus studiis atque viribus conatur. Ipse quidem Persarum Rex omnibus his bellis plærunque interfuisse, ac etiam præfuisse dicitur, aut saltem suo loco filium substituisse, cum tamen Amurathes ea duntaxat per suos purpuratos, vti ex præcedentibus facillè videre est, administrauerit, in hoc, à suis prædecessoribus plurimum degenerans, qui semper, cum aliqua grauis expeditio susciperetur, ipsimet, contemptis periculis atque laboribus, huic maiori ex parte interesse, ac etiam præesse consueuerunt; quò scilicet, militum animi, conspecta sui Principis præsentia, in ipso prælio fortiores, alacrioresque redderentur: indeque factum est, vt ob id quàm sæpissimè inclytas & aliquando insperatas victorias ex hoste reportarint. Hunc verò, tametsi propter varias & insignes clades, sibi hætenus à Persis inflictas, nonnulli ex his proceribus, qui apud eum præcipua gratia & auctoritate florèt, submissè orarint, vt ipsemet in hoc grauissimo & cruentissimo bello, quod tandiu vario Marte atque ancipiti fortuna geritur, interesse vellet, quò tantò felicius absolueretur, nunquam tamen adduci potuit, vt eorum iustissimis precibus, ac præsentī necessitati locū daret, quinimò vniuersos, qui hoc ei suaserunt, ceu capitales hostes auersatus est; ita sanè, vt, cum quidam histrio, quem propter ingenij elegantiam & vrbanitatem, vnicè adamare, & in summis deliciis habere consueuerat, illum placidis verbis & festiuo ac lepido sermone inspersis, adhortaretur, vt sese omnibus viribus ad hoc bellum conferret; alioquin periculum fore, ne paulatim Ottomannicum imperium hætenus florentissimum, ac toti tetrarum orbi formidabile, nunc tandem sub ipso, commutata fortuna, corrueret, ac funditus interiret, illum postera die palis, vt mos est apud eas gentes, publicè affigi iusserit, quòd, cum fatui ac morionis personam referret, nimis tunc sapere, suoque Principi consulere voluisset. Credibile autem est, vtrunque Regem, tam longo, vt diximus, & difficili bello mirum in modum defatigatum esse, atque animos ad pacis consilia flectere, eaque de causa vtrinque sunt missæ legationes. Et Persa quidem, paci libenter annueret, sed ea in primis conditione, vt Turcarum Imperator, pleraque sue ditionis loca, his superioribus bellis ablata, sibi, ceu proprio ac legitimo eorum successorī, ac domino restitueret. Verùm hoc illi Amurathes prorsus denegauit, cum diceret, Ottomanicos Imperatores, oppida & arces vi atque armis semel occupatas, nūquam omninò restituere consueuisse, at potius hæc omnia iure belli, sicuti antea enarrauimus, ad se pertinere. Interea, licet ab hoste indies magis atque magis diuexaretur, & præter externum bellum, Constantinopolim, primariam sui regni sedem, iamdudum atrocissima peste, & comineatus penuria vehementer affligi intelligeret, nihilominus tamen his tantis calamitatibus nulla ex parte hætenus commoueri potuit, vt à priori sententia vel latum quidem vnguem recederet: Quin potius his duobus malis iam maiori ex parte remittentibus, ingentes ac exquisitissimos apparatus fieri iussit, quò eius filius

Amurathes
Turcarū Rex
mittit legatos
ad Cæsarem,
Galliarū Re-
gem, ac Ve-
netos propter
filij circumci-
sionem.

Tammasi le-
gatio ad A-
murathem.

lius solenni regiaque pompa de veteri Turcorum more & consuetudine circuncideretur, ad eamque per suos oratores, Cæsarem, Galliarum Regem, ac Venetos inuitauit, quorum postremi vicissim ad eum legatos misere, ut ipsi suo nomine interessent. Priores verò per suos ordinarios legatos, Constantinopoli degentes, ei congratulati sunt, adeò mediusfidius, ut Constantinopoli omnia fuerint plena triumphis & splendidis atque magnificis spectaculis, quæ optimates atque urbanam multitudinem haud mediocriter oblectaret. Hæc tamen minimè obstitere, quo minus interim & supplementum in castra missum fuerit, & in naualibus noua classis prepararetur, quæ epibatis omniq̃ue bellico apparatu instructa, Occhialis ductu ad aliquam insignem expeditionem solutura esset. Nam, præter vetera nauigia, centum nouas triremes in Ponto Euxino, & aliis locis, recens fabricari iusserat. Cæterum, vix hæc priora absolueram, cum ex nouissimis literis Byzantio allatis, pro certo significatum est, Persarum Regem, splendidissimam legationem misisse Constantinopolim, & omninò maximam spem fuisse, ut ambo Reges, conciliatis animis, in mutuam pacem atque concordiam redirent. Is quidem primò à purpuratis & prætorianorum militum præfecto, deinde ab ipso Turcarum Imperatore summis honoribus exceptus fuit: Sed postea, cognitis quas secum afferebat, pacis conditionibus, in quibus, præter reliqua, continebatur, ut Amurathes Regi Persarum urbem & regionem Zeruanâ, seu Siruanam, quæ antiquitus Media nuncupata est, iuxta capitulationem cum Sinamo Bassa initam, restitueret, minus amanter atque honorificè tractari cœpit; ita sanè, ut post breuem temporis decursum, cum per fideles internuntios, Constantinopolim allatum esset, Persas, Turcicum exercitum noua clade affecisse, in qua, præter tria equitum millia interfecta, & cōplures vulneratos, quatuor Sangiachi, id est, Prouinciarum præfides, contrucidati, & duo capti esse dicebantur, necnon ab iisdem, Bachallam, haud ignobile munimentum, vi expugnatam esse, Persicus legatus omni fermè gratia excideret, & sicuti à quibusdam relatum fuit, tanquam captiuus detineretur. Amurathes interea, his aduersis rebus neuitquam exterritus, summa celeritate novos bellicos apparatus fieri iusserat, qui primo quoque tempore in castra mitterentur, & Sinamo iniunxerat, ut, omni mora & cunctatione posthabita, cum expedita manu militari ad exercitum properaret. Quis verò tandem huius tam diuturni atque atrocis belli exitus futurus sit, temporis progressu multò melius intelletur. Quatenus autem ad ea pertinet, quæ his proximis annis inter utrosq̃, populos gesta sunt, mihi sanè, ut ea fideliter & sigillatim explicarem, neque voluntas & animi promptitudo, neque studium defuit. Nonnulla tamen consultò, ceu ambigua & mihi parùm explorata, prætermisi, satius esse ducens, ab his prorsus superfedere, quàm temerè historiæ nostræ seriem turpi mendacio aspergere, ut de Mesopotamia, vulgò Diarbeck, cum ipsa Babylonia, & regno Siruano, id est, Medico, à Persis recepto, de quæ plurimis aliis rebus in vulgus iactatis, quas equidem nec refellere, nec asseuerare ausim, donec certiora edoctus fuerim. Priusquam verò ad ea, quæ mihi in hoc proximo & ultimo libro enarranda sunt, transgrediar, paucula quædam subiiciam de Amurathe Turcorum Imperatore, ac eius natura & moribus, necnon de imperij Turcici hoc tēpore gubernatoribus, quatenus ea percipere potui, cum

ex

ex nonnullis literis recens missis Byzantio ad doctissimum ac præstantissimum virum Dauidem Chythræum, quas mihi nuper legendas exhibuit Abrahamus Ortelius, vir propter ingenij monumenta, quæ hætenus cum maxima sui nominis gloria, & studioforum omnium beneficio edidit, & quæ propediem edenda, nunc habet præ manibus, ac etiam singularem probitatem cæterasque virtutes, omni laude dignissimus, tum etiam ex accurata & fideli relatione Petri & Iacobi Canæi, qui Lutetiæ vltiò relictis penatibus, quamplurimas regiones atque prouincias perlustrarunt, ac demùm Cōstantinopolim adièrè, vbi Gallicum oratorem in regiam comitati, eiusque gratia & fauore ad ipsius Amurathis præsentiam intromissi, pro ea, qua pollent ingenij solertia & acumine, haud pauca notatu digna, sedulò ac diligèter obseruarunt. Ex his ergo, ac præfatis literis, intelligo, ipsum Imperatorem iam fermè duos ac triginta ætatis annos transegisse. Principium imperij sui à quinque fratrum impuberum cæde, seu potius strangulatione, sicuti etiam antea demonstraui, auspicatum fuisse. Statura corporis esse humili: capite magno: oculis tardis & tumidis, nihilque ferè se mouentibus: maxillis efflatis: naso oblongo, inque os vsque porrecto: barba rara, eaque rubea: colore faciei magna ex parte pallido: corpore reliquo fluído & languido: morboque laborare comitali. Hunc præterea spiritu esse præditum exili & timido, quippe qui rarò, nec nisi tràquilissimo mari, ad venationes & hortulos amœnos, quibus aliàs delectatur, Bosphorum transire audeat. Ad armorum sonitum & tormentorum fragorem, contremiscere. Vnde fit, vt bella contra morem maiorum suorum, per legatos, vt antea recensuimus, administrare consueuerit. Matris vxorisque imperio eum regi. His itaque muneribus & donis corruptis, per eas sibi complures Imperatorem conciliare. Vxore eum esse contentum vnica, quod tamen imbecillitati naturæ potius ipsius, quàm modestiæ tribuendum censent. Filiū habet Mehemetem nomine, vnicū tanti imperij, totque Regnorum hæredem, qui & ipse, quamquam vix sit pubertatis annos egressus, tamen liberos habere. Quod quidem apud nonnullos fide careret, nisi manifestum esset, hunc ipsum à patre vix pubere genitum esse. Vino abstinere, milites tamen, qui sub patre Selymo, vino consueuerunt, vti nunc abstineant, cogi non posse. Verū multos ex ipsis eo valde suauiter, contra legislatoris placita, vti. Amurathis vicem nunc gerere Siaum Bassam, virum & animi & corporis viribus excellentem. Hunc supremum consiliarium electum esse, & à Turcis Vesir Asem appellari, Proto-Vezirum, siue Protoconsiliarium dici posse. Huic puero, à Solymāno, nomē Siaus, hoc est, formosi siue pulchri inditum fuisse: annorum esse circiter 40. & natione Hungarum. Bella nunquam gessisse, quanuis ante hac Beglerbegus Græciæ fuerit. Esse præterea quatuor alios Vezirios Bassas, hoc est, secretiores cōsiliarios, quorum duo Constantinopoli resident, Misach, quod Messiam sonat, & Mehemetem; vtrunque natione Illyricum, nulla, quod sciri possit, opera militari edita insignes. Duos reliquos contra Persam postremò bellum administrasse, Sinanum, & Osmanum, quorū alter natione Epirota est, quem aiunt statura esse procera, macro corpore, colore faciei nigro, naso aquilino, ingenio iracundo & implacabili. Is Guletam, vt suprà enarrauimus, euertit, & Tunetanum regnum Hispanis eripuit, ac Petrum Portocarreizum Gulete præfe-

Amurathis
natura &
mores.

Amurathis
præcipui consiliary.
Vezir Bassa.

Nomina
quatuor Bassarum.

Sinan Bassa,
et Osmanus.

*Osman
Bassâ.*

*Beglerbegus
Græciæ.*

*Occhialim
Amiralis
Turcicus.*

*Aga Iani-
zarorum.*

*Classis Tur-
carum Tu-
netian missa.*

*Inducia inter
Hispanum et
Turcas.*

præfectum, propè Coreyram, in ignominiam Hispanæ gentis, ad necem vsq; fustibus cædi iussit. Antea in Arabia feliciter dimicauit. Cæterum, post, contra Persas non adeò secundis ventis vsus est. Alter Osmanus Bassa, ex Bosnia est, qui ad Caspias portas cum exercitu residet, magnamque inter hos duos gloriæ æmulationem esse, à plarisque asseritur. Post Veziros Bassas, Græciæ Beglerbegum in magno honore haberi, ac eum vocari Mehemetem, natione Illyricum, & in bellis post Imperatorem, ac eius Vicefultanum, primum locum obtinere, indeque superbum hoc nomen (quod Dominum Dominorum sonat) sibi inditum fuisse. Reliquos, Beglerbegos in sibi destinatis prouinciis degere. Hunc, ut eorum præcipuum, aulam sequi, ut, si quid factu opus sit, id celeriter exequatur. Hominem esse rei militaris satis peritum, eiusque aulam præ reliquis militaribus viris quotidie frequentari.

Maris exinde præfecti esse permagnam auctoritatem. Hunc dici Occhialim, & esse natione Calabrum, à Turcis, reseruato Italico vocabulo, Capitan Bassa vocatum. Hic in prælio ad Naupactum, siue Corinthiacum sinum commisso, sinistram duxit classis Turcicæ cornu. Et tunc Algeriæ Profultanus erat. Initio pugnae Melitensis qui audacius inuecti fuerant, repressit. Ut verò aciem suorum inclinare vidit, fuga sibi tempestiuè consuluit, solusque cum 40. trirēmibus aufugit. Sed ipse breui classem reparauit, & postero anno nostrorum conatus in Peloponeso retardauit, & tertio post pugnam anno, vnà cum Sinam Bassa Guletam occupauit. Ante biennium in Cholchidem cum classe nauigans, Phasis amnis accolae domuit, castellumque valdè munitum prædicto anni imposuit. Ianizarorum deinde præfectum esse annorum circiter 33. reliquis omnibus & pulchriorem & humaniorem, fronteque esse præditum hilari, sed rei militaris in vniuersum rudem, quippe qui ex merito aulico fauore ad insignem hanc præfecturam nuperrimè sit euectus. Verum, uti fertur, filiam in vxorem ducturum Imperatoris, apud quem in maxima gratia est. huic Ebraimo, hoc est, Abrahamo nomen esse.

Hisce viris nunc Imperij Turcici summa fermè commissæ est, qui omnes tamen Christianorum liberi sunt, parentibus impuberes vi erepti, excepto Occhiali, qui maiorennis in Turcarum deuenit potestatem, & primum ad remos damnatus fuerat. Cæterum abnegans Christianam fidem, Mahumeticis est initiatus superstitionibus, indeque ad tantos honores ascendit. Hic, anno eiusdem sæculi supra millesimum quingentesimum octogesimo primo, XII. Cal. Iunij Byzantio cum classe discessit, & in Africam profectus est, ut seditiones Tunetani regni compesceret. Mauri enim eius regni, recepto per Melitenses hæreditario suo Rege, qui hætenus Neapoli detentus erat, & abnegato Mahumeti dogmate, Christianam fidem amplexus erat, magna ex parte Turcis rebellarant. Vbi res Tunetanas composuisset, in mandatis habebat regnum Fessanum inuadere: At circa Cal. Maij legatus Hispanicus Ioannes Marlianus Mediolanensis, exoratis nomine Hispaniarum Regis, ab Imperatore Turcico, triennialibus induciis, Byzantio discessit Venetias, indeque in Hispaniam perrexit. Ipse per triennium ibi de pace sollicitauit, & nouissimè denuò obtinuit, sic tamen, ut neque Christiani, neq; Turci, eas inducias saluas fore crederent. Nam vterque se tempori potius accommodant, quàm quòd alterius amicitiam magnoperè expeteret. Turci namque Persico, Hispani

spani intestino sunt occupati bello, præterea conditiones ita composita fuere, vt, uter eorum velit, impunè ab ipsis possit recedere. Cùm autem nouus Rex Fessanus, Regi Hispaniæ portum, vulgò Larcace, è regione vrbis Arzillæ tradidisset, qui portus iam 600. militum præsidio tenetur, Amurathes id omninò quàm egerrimè tulit, omnemque operam daturus videtur, vt primo quoque tempore Hispanos illinc eiiciat atque propellat. Quæ omnia temporis decursu multò melius intelligentur. Priusquam autem huic libro extremam, vt dicitur, manum admoueam, hæc modò quàm breuissimè adiicienda existimaui. Cùm proximè, inter cætera, dictum sit, Amurathi vnicum duntaxat filium, tot, tantorumque regnorum hæredem, superstitem esse; hîc posset, etiam inter homines ingenio ac doctrina præstantes, haud absurda oriri quæstio, vtrum ipso Amurathe cum liberis ac nepotibus extincto, Ottomannica familia prorsus collaberetur ac interiret. Macchiauellus, & plerique alij, hoc firmiter asseuerant. Cæterum, quod illorum pace dictum velim, longè à scopo aberrare videntur. Sunt enim multi Principes, ad quos imperium iure peruenire posset. Quandoquidem supersunt quatuor gentes, quæ generis splendore, ac vetustate Ottomannis se iam pridem æquarunt; Michalogli, Ebrenes, Turacani, Maloconij, qui ab eadem, qua Ottomanni stirpe ducuntur: Hitamen ab aditu Principis, & Republica prudenter submouentur, ne res nouas moliri possint.

HISTORIÆ RERVM PERSICARVM

LIBER DVODECIMVS,

ET VLTIMVS.



*Persici regni
descriptio in-
xia Curtii,
& recentio-
res.*

Is rebus, quas in ipsa nostri operis præfatione polliciti sumus, omni qua fieri potuit fide, sedulitate, ac studio, diuina benignitate peractis atque absolutis, nunc reliquum est, vt de extrema operis parte, nimirum de insignioribus oppidis atque vrbibus Persico imperio subiectis, de quæ vetustis moribus atque institutis Persarum, & quibusdam aliis rebus cognitu haud sanè indignis, quàm breuissimè dicatur. Minimè autem à

suscepto argumento alienum fuerit, si ea quæ Curtius lib. VI. de huius potentissimi regni situ in literas retulit, ad maiorem eius cognitionem subiecero. Persis, inquit, ab altero latere perpetuis montium iugis clauditur: quod in longitudinem mille sexaginta stadia, in latitudinem, centum sexaginta percurrit. Hoc dorsum à Caucasi monte, ad Rubrum mare, pertinet, quæque deficit mons, aliud munimentum, fretum obiectum est. Planicies deinde sub radicibus montium spatiosa procumbit, fertilis terra, multisque vicis atque vrbibus frequens. Araxes amnis per hos campos multorum aquas torrentium euoluit in Medum. Inde Medus mare, & ad Meridiem versus, minor amnis eo quem recipit, euehitur, gignendæque herbæ non alius est aptior: quicquid alluit, floribus vestiens. Platani quoque & populi contegunt ripas, ita vt procul visentibus continuata videantur montibus nemora riparum. Quippe obumbratus amnis, pressus in solum dilabitur alueo: imminetque colles, ipsi quoque frondibus lati, radices eorum humore subeunte. Regio non alia tota Asia salubrior habetur: temperatū cælū: hinc perpetuū iugum opacū & vmbrosū, quod æstus leuat: illinc mare adiunctū, quod modico tepore terras fouet. Hæc Curtius. Porro, Persia, vt ad maiorem huius amplissimi & gloriosissimi regni notitiā, hæc paucula subnectā, ab Oriente India, & Gange atque Indo fluuiis terminatur, ab occasu Tygri fluuii, qui Persiā à Mesopotamia disternit, quæ nūc Dierbecha nominatur, qui ad fines Babylonios decurrēs, in Euphratē ingreditur, communiq; alueo delatus, in mare Persicū per Teredonem, ad Meridiem delabitur, atque cum Armuzia coniungitur, peruenitque ad litus maris Persici. Ad Septentrionem, vbi scaturit ipse Tygris, est Armenia minor, quæ vocatur Turcomania, terminaturque mari Caspio, quod dicitur Bacu, & Scythia, quæ regiones Turcarum Imperio subiiciuntur.

*Regna pos-
sessa à Per-
sarum Rege.*

In illis regionibus hæc regna possidentur à Rege Persarum, videlicet Siruanum, quod fuit regnum Medorum: Aras quod fuit Parthorum, Armenia maior, Curassanum, Chiesenum, Cherium, Diargumethum, Gillarum. Quidam verò Persiam hac tempestate octo regna in se complecti asserunt, & primum quidem nominant Chasum: secundum Churd: tertium Lor: quartum Cielstam: quintum Nich: sextum Zerazum: septimum Socham: & octauum Chaim, quod situm est in sinibus Persarum. Quatenus autem ad Persici imperij regiones atque Prouincias attinet, Armenia maior primam obtrinet

obtinet claritatem, Taurisio regia vrbe insignis, quæ Terua Ptolæmeo antiquitus fuit, estque opibus, hominum frequentia, ac ædificiorum pulchritudine totius Orientis celeberrima, & in ea sunt horti quamplurimi, & pomifera viridaria. Quæ, cum multos habeat vicos, vtpotè ad quadraginta quinque, in singulis fiunt nundine, quasi multa emporia multarum rerum abundantissima. Solum est ita fertile ac fœcundum, vt omnium rerum, ac earum præsertim, quæ ad humanæ vitæ alimentum spectant, mirificam copiam & vbertatem suppeditet, fructusque edit omnigenos, qui sunt pulcherrimi, atque optimi & suauissimi saporis. Aër quouis tempore ibi est longè purissimus ac saluberrimus. Distat à proximo littore Caspij maris, vrbeque Bachu oræ proximioris, quatuor, siue, vt aliis placet, quinque dierum interuallo, & ab Artaxata, hodie Chois appellata, Calderanisque campis, Selymi, & Ismaëlis præclio nobilitatis, circiter passibus octoginta millibus, nec procul abest ab emporio Derbenti, vbi portæ ferreæ claudunt inter montes & maris angustias, vt inde arceantur, Scythas. Et tamen si omnibus rebus abundet, omnia tamen ibi magno emi constat, eoque, propter loci opportunitatem, fit concursus multarum nationum, ex variis mundi partibus, sed potissimum ex India, Baldacho, Mosalo & Cremaforo. Ex Latinorum quoque terris, nonnulli, exoticarum mercium vtrò citroque commutandarum gratia, eodem concedunt. Hic enim negotiatores plurimum ditescunt, dum illuc varia mercimonia, & inter reliqua, panni serici, villosi, & rasi, vt vocant, ingentem copiam asportant, quò inde Alepum & in alias oras transmittantur, ipsique oppidani & ciues in his etiam texendis quammaximè inuigilant, & pleraque varij generis mercimonia exercent. Mahometicum dogma profitentur, licet etiam inter ipsos sint nonnulli Nestoriani & Iacobini. Hæc ciuitas variis temporibus passa est insignes calamitates, sub Ismaële à Selymo, & deinde sub Tammaso, à Solymano ipsius Selymi filio, direpta fuit, atque illinc plurimæ fabrorum, excellentiumque opificum familiæ Byzantium abductæ, eorum præcipuè, qui arma telaque elaborati operis fabricabant, & magna vis serici & comineatus inde exportata. Hæc ciuitas olim in duas potissimum factiones distracta fuit, quarum altera Namidlai, altera verò Enuicaidarla nuncupata est, & in his erant nouem capita regionum, quinque in vna, & quatuor in alia, ex quibus cæteri omnes pendebant, hiq; duodecim millium numerum æquabant. Propter huiusmodi factiones atque internas simultates, quibus hæc ciuitas trecentis & amplius annis iactata atque atrocissimè diuexata est, fiebat, vt nullis regiis minis, nullaque auctoritate, inhiberi possent, quò minus quam sæpissimè strictis nudatisque gladiis, ad arma conclamarent, seque plusquam civili cruore fœdarent atque polluerent, donec tandem, reconciliatis animis, ad mutuam pacem atque concordiam redirent. Hactenus de Taurisio. Priusquam verò, de aliis vrbibus atque oppidis Persico dominio subiectis, sermonem instituam, id in primis lectorem admonebo, nimirum, inter ipsa, quædam inter vetusta, & pleraque inter recentiora cõnumerari, in quarum quidem numero, ipsam etiam nobilissimam vrbem Taurisium, de qua proximè locuti sumus, totius regni Metropolim collocat: licet Tammasus, vel quia ibi non tam reuerenter, vt in aliis locis, coleretur, vel quia formidabiles adhuc ibi essent ciuiles dissensiones, Casbinum sibi sedem

Combalechū
Bastemum
Milaſia,
Vanla Dre-
ſcherinum
Saltamatū.
Mons Tan-
rum.
Adenam.
Birim.
Orpha.
Meredinum.

Aſanceſa.
Sair.

Corbi.

Cephena.
Vaſtanium.
Choiſ.
Gies.
Scyras.
Sultania.

Spaha.

dem ac domicilium conſtituerit, atque ibi per multos annos ſubſtiterit. ſunt etiam hæc loca infraſcripta, videlicet Combalechum, Baſtemum, Muſaſia, Vanla, Dreſcherinum, & Saltamatum, quæ loca, ſita ſunt in regione vulgò Chimeldata, & vt plurimū poſita intra Euphratem, & Tygrim, ad latus montis, quem incolæ Cortetanum, nos Taurum appellamus. His quoque adii-
ciunt Adenam, urbem præclaram, & diuitem, in qua ſunt plurimæ textrinæ lini goſſipij, & iacet ad latus eiſdem montis iuxta Euphratem, Birum, oppi-
dum valdè munitum ſupra Taurum; Orpham, olim celebrem, & opulētam: ſed dirutam à Rege Memphitico, Meredinum, urbem inſignem, cōſtructam ſuper eodē monte, Aſanceſam, & Sair, quæ condita eſt inſtar trianguli, & ex vna parte habet arcem ſatis munitam cum plurimis turribus: At eiſ mœnia maiori ex parte iam corruerunt, & videtur fuiſſe pulcherrima, eiſq; circui-
tus patet ad tria milliaria. Eſt populis frequens, & templorum, quæ ipſi Mo- ſchæas vocant, magnificentia, nec non irriguis atque amœnis fontibus vndi-
quaque conſpicua, & duobus fluminibus alluitur, quæ ſunt magna quadam altitudine, ac velocitate, quorum alterum dicitur Bettalis, alterum Iſanum, & vſque ad hunc locum protenditur Armenia minor. In ingreſſu montis Tauri ſunt quidam alij montes præalti, atque aditu aſperrimi, in quibus ha-
bitant plurimi ex his, quos vocant Corbos, qui vtuntur peculiari idiomate, ſuntq; homines feri, atque immanes, & continuis latrociniis aſſueti, qui præ-
dabundi ex notis impeditiſque regionibus, cōmeantibus illac mercatori-
bus crudeliter inſidiantur, ex quibus tamen plerique iam à diuerſis Regulis earum regionum extincti eſſe dicuntur. Inſunt etiam ad latus prædicti mon-
tis, hæc vrbes, haud ſanè obſcuri nominis inter eas gentes, videlicet, Cephena, Vaſtanium, Choiſ, & Gies, quarum poſtrema diſtat à ſinu Perſico itinere ſex
dierum. Poſt, haud longo interuallo, conſpicitur Scyras, vrbs regia, de qua inferius dicetur, & deinde Sultania, quæ admirandas dirutæ magnæ vrbs reliquias oſtendit, integris adhuc præcellentiſ ſtructuræ Mahometanorum delubris, quibus, Tamerlanus Scytharum Imperator, cuncta obuia imma-
niter euertēs, tactus religione, pepercit. Hanc, ex Tigranocertæ ruinis ædifi-
catam fuiſſe, plerique haud leuibus argumentis & rationibus adducti, con-
ſtanter aſſeuerant, ibique olim fuit regia Perſarum, & vox ipſa ſonat Impe-
rialem, quæ ſatis declarat ipſius nobilitatem. Caterùm ipſa quoque paſ-
ſa eſt idem fatum, quod reliquæ inſigniores. Huius circuitus patet vltra qua-
tuor mille paſſus, & habet arcem ſoſſis ac mœnibus præcinctam, cuius
ambitus ad vnum milliare protenditur. In ea, adhuc viſitur templum eximię
veruſtatis, ac tribus portis aheneis communitum, & maiori altitudine, quàm
portæ, quæ ſunt in æde D. Marci apud Venetos, egregio ac vermiculato ope-
re ſuſpiciēdis. Circa urbem ſunt colles atque montes mediocri magnitudine,
in quibus tamen aiunt hyemali tempore tantam eſſe frigoris vim & aſperi-
tatem, vt eiſ cauſa indigenæ ſeſe aliò transferre cogantur. Vltra Sultaniam,
eſt vrbs regia, nomine Spaha, magna quidem ambitu, ſed cretaceis mœnibus
cincta, bellicoſo populo frequens, & innumeris ſericitextrinis opulenta. Eiſ
ambitus eſt circiter quatuor mille paſſibus: At ſi quis incluſerit ſuburbia,
conficiet pluſquam decem milliaria, & in eiſ pleraque ædificia conſpiciūt
tam ſplendida & ſumptuoſa, quàm in ipſa vrbe. Olim fuit maximè clara
atque

atque illustris, & ita populosa, vt nonnulli memoria tradiderint, in ea fuisse hominum vtriusque sexus supra quingenta millia, cum hac tempestate vix sexta hominum pars eam inhabitet. Quandoquidem sub Giausa Persarum Rege, cum maximè floreret, bis à suo Principe defecerat, & in prima quidem rebellione Rex singulari in ipsos clementia vsus est. Cæterum in altera, non multò post subsecuta, vrbs à regio exercitu direpta atque incensa fuit. Hæc tamen, propter loci & situs opportunitatē, fuit denuò instaurata, & hoc tempore inter non obscuras & ignobiles eius prouinciæ vrbes annumeratur.

Hinc, inter Meridiem & Occasum procedentibus, oppida occurrunt Comum, Cassanum, & Hiesdum, sericæ telæ mercimonio mercatoribus admodum nota. Ex his, Comum situm est in planitie, & cingitur aggeribus, estq; pulchritudine, & multarum rerum copia municipium haudquaquam ignobile. Quauis autem ibi complures hæc opificia exerceant, nihilominus tamē maior pars intenta est agriculturæ, ac studet plantandis vineis, conferendis arboribus, conficiendis hortis, & præcipuè alendis melonibus, qui sunt apud eos optimi saporis, & eximia quadam magnitudine, adeò sanè, vt nonnulli sint pondere triginta librarum, & pars exterior est viridi colore, interior autem prorsus candido, & suauitate ita præstat, vt vix saccharo cedere videantur. Eius circuitus ad sex millia passuum extenditur. Reliqua duo plurimis telæ sericæ, gossipij, & zambeloti, vt vulgò appellant, ex quo fiunt vestes vndulatæ, opificiis sunt valdè præclara atque conspicua. Harum enim rerum ingentem habent vim propter continuum opus texendi, & sericum ad eos transmittitur ex oppidis maritimis Sandara & Straua, bombyco, & pexi subtilioris serici copia claris, ac etiam ex his locis, quæ sunt versus Zagataos, olim Sogdianos, & Bactrianos, & mare, quod indigenæ Bacucum appellant. Hæc mercimonia illinc postmodum per vniuersam Syriam, & Bursiam, Ortomanicæ ditionis prouincias, cum insigni vtriusque gentis beneficio deferuntur. Cassani ambitus est circiter trium milliarium, & ipsum oppidum fossis ac mœnibus circumuallatum, habetque pulchra & ampla suburbia. Postremum patet in circuitu ad quinque millia passuum, estque itidem egregiè communitum, & latis etiam suburbiis exornatum, in quibus ferè omnes eidem rei suum studium atque operam impendunt. Vtrumque horum est populis frequens & opulentum, tantaq; huius mercimonij copia & vbertate exuperant, vt, si quis vellet, ibi posset vnius horæ spatio emere ad summam decem millium aureorum, & situm est in finibus Regis Marchaant. Verum vt de aliis quoque vrbibus atque oppidis aliquid commemorem, non procul ab his proximè enarratis, occurrunt Cimum, & Macinum, oppida, sita supra mare Caspium, & subdita imperio Magni Cham Tartarorum. Ex altera parte, etiam in Persia, & in limitibus Indi fluminis, quæ itur Calecutham, est vrbs nomine Chuercha, parua quidem, sed posita in loco maximè opportuno ac frequenti. Per hanc enim cogitur transire quisquis nauigat ad Rubrum mare, id est, ad sinum Persicum, in quo est Ormus insula, Tropico Cancro subiecta, & in ea vrbs celeberrimi nominis, vulgò Armuzium, quæ etiam Ormus appellatur, introrsus continentem ad viginti milliaria, & is locus dicitur caput Mogolistarum, vbi auspicatur sinus. Huius ambitus centum & decem passuum millibus continetur, eiusque regulus vocatur Sultanus

Comum.
Cassanum.
Hiesdum.

Cimum.
Macinum.

Chuercha.

Ormi, seu
Armuzij de-
scriptio.

nus Saladinus, qui Mahometicam fidē colit. Hæc insula sita est intra ostium sinus Persici, non ita lato mari à Carmania disiecta. Nomen autem duxisse videtur ab Armuza, antiqua Carmania ciuitate, cuius hodie nomen oblitteratum cum memoria antiqui splendoris euanuit. Et fortasse hæc insula fuit Armuzæ antiquæ colonia, & idcirco inde nomen obtinuit. Est autem ostio sinus propinqua, à Carmania verò duodecim millibus passuum distat: Ab Arabia autem ea parte, quæ Carmaniam respicit, quadraginta millibus. Insula est nimis arida & sterilis, & solum adeò macrum, ut nihil omninò, quod ad vsum vitæ valeat, vel natura, vel hominum cultu proferat. Perennibus aquis prorsus caret, tres tantum putei in insula procul à ciuitate sunt: homines cisternis vtuntur, & cum reliqua omnia ex vicinis insulis, & ex Carmania, & Arabia ad victum idonea importentur, aqua etiam ex iisdem locis in eam afferri solet. In ea modicus collis assurgit, qui sulphuris magnam vim in vno latere, in altero autem salis copiam in lapides densatam, gremio continet. Duos portus habet tutissimos, vnus ad Occidentem solem, alter ad Orientem pertinet. Hi duo portus lingula, quæ in mare longius excurrit, diuiduntur. Horum portuum commoditatē secuti mercatores ex India, Perside, & Arabia, & è quamplurimis aliis regionibus, hanc insulam frequētare ceperunt. Ea tandem frequentia & celebritate factum est, ut ciuitas ædificaretur in planicie posita, quæ progressu temporis ad summam amplitudinem peruenit. Viæ sunt latæ & directæ, ædes magnificæ, & cœnaculis sublata, & tectoriis pulcherrimè factis excultæ. Regia est non modò ad habitandum amplissima, verum & ad vim hostiū propulsandam munitissima. Solis ardores sunt vehementissimi: in quibus propulsandis omnis eorum industria multiplici modo & ratione consumitur, adeò sanè, ut plerique magna quadam arte atque solertia per tubos tecta in summa ædium euadentes, nocturnam diurnamq; auram excipiant, concitatoque demum per angustias incluso spiritu, immitis aëris calores ventilando discutiant, & frigida aquæ balneis quàm frequentissimè vtuntur. Incolæ sunt maxima ex parte Arabes atque Persæ, & Mahometicis superstitionibus addicti. Ardent libidine, amoribus indulgent, obtrectatione laborant: mulieres, ne ab alienis viris conspici queant, faciem velare compelluntur. Homines vt plurimum specie liberali præditi sunt. Musicen summo studio colunt, vestibus elegantissimis excoluntur. Arma frequenter exercent, literis libenter incumbunt, historiis mirificè delectantur. Homines doctrinæ præstantes in summo honore habet: illisque assidue operam dant, & illorum disciplinis erudiri, summum decus existimant. Respublica est commodis legibus astricta. Omnia quæ vaneunt, pòdere vaneunt. Summum flagitium est apud illos, fallacibus vti ponderibus. Eum enim, qui per libram atque lancem fallit, omnem generis humani societatem euertere censent, & vt ciuili iuris hostem teterrimum execrantur. Insula verò, cum nihil omninò proferat, quo vel homines ali, vel ornari possint, tantis tamen fructibus, & frugibus, & cibus, atque delitiis affluit, ut vix vlla regio sit magis omnibus rebus, quæ ad victum & elegantiam vitæ pertinent, abundans. Nullæ nanque sunt vitæ delitiæ vel in Arabia, vel in Perside, vel in India, vel in quacunque alia regione, è qua naues in insulæ portus inuchantur, quæ non omnes terræ opes in eam inferant. Ita fit, ut cum nihil ex seipsa

gignat,

Indigenarū
natura
&
mores.

gignat, multis tamen regionibus opimis rerum omnium abundantia præferatur. Reges è portoriis ingentes sibi opes pepererunt, imperium deinde latè propagarunt, ita vt multis insulis & vrbibus, etiam non paucis in Carmania & Arabia sitis imperarent. Exercitus satis magni illorum sumptibus alebatur. Sed tandem cùm eorum ministri ad summas opes peruenirent, & tyrannidem vehementer affectarent, ipsique Reges otio atque luxu diffuerent, factum est, vt regium tantùm nomen penes reges esset: ministri porro, regni opibus ad suum scelus atque flagitium abuterentur. Id verò haudquaquam silentio inuoluendum videtur, nempe in vndis Persici sinus vrinatores eximios, margaritas & vniones piscari, & Armuzium, summæ opportunitatis emporium, illinc remotiores Indos, rudes & impolitos adamantes atque Carbunculos, pretiosioraque aromata, hinc verò Rubri maris accolas, Felicis Arabiæ diuitias, itemque Ægyptios, Syros, & Lusitanos, corallium, præsertim exoptatum Indis, & varia nostri orbis mercimonia, tanquam ad perpetuas nundinas comportare. Et ex India in Persidem nauigantes, maiori ex parte illac diuertere. Ad hæc, indigenæ plurimis telæ sericæ textrinis abundant, & ipsa insula fert equos præstantissimos atque pulcherrimos, quos in Indiam venales mittunt, in eaque fiunt etiam vasa vitrea singulari quodam artificio & elegancia. Quomodo autem illic præfati vniones & margaritæ capiantur, Ludouicus Vartomannus ciuis Bononiensis, qui & Romanus dicitur, his quàm paucissimis declarat: Procul, inquit, trium dierum itinere, leguntur conchæ, quæ pariunt margaritas venustiores, grandioresque, cæteris baccis. Captura earum fit huiusmodi:

Sunt ibi nonnulli, qui piscatu victum quæritant. Hi vecti cymbis, in mare iactum faciunt prægrandis saxi dependente fune, idque fit ab gemina cymbæ parte, vt vtrinque iactis in profundum lapidibus, constabiliri naus, non aliter, quàm si in anchoris foret, possit. Firmata suo pondere cymba, alius, cui id munus obtrigit, in æquor iacit funem saxo dependentem. In naui media alius, mantica in pectus tergumque dependente, alligato pedibus lapide, se vibrat in pelagus, subtusque aquas vrinantium more natat, actusque in profundum ad passus quindenos, tantisper vrinat, donec legerit conchas, in quibus delitefcunt vniones, ac margaritæ, collectas manticæ indit, lapidemque protinus, quo pedes grauabantur, abiicit, funique innixus, in superiora euadit, ibi quandoque ad tercentum ferme nauigiorum genera comperiuntur, quæ vndecunque contendunt. Hæc Ludouicus. Quomodo autem, & vbi inueniantur margaritæ, Plinius lib. ix. cap. xxxv. eleganter ostendit, qui etiam ibidem hæc subiungit: Præcipuè autem laudantur circa Arabiam, in Persico sinu Maris rubri. Deinde paulò post, Dos, inquit, omnis in candore, magnitudine, orbè, leuore, pondere, haud promptis rebus, in tantum, vt nulli duo reperiantur indiscreti: vnde nomen vnionum Romanæ scilicet imposuere delitiæ. &c. Hanc porro inlyti nominis insulam, Persicis Regibus diu vectigalem ac tributariam fuisse constat. Cæterum, Albuquerqueius, cuius in x. lib. mentionem fecimus, vir manu consilioque promptus, & rei militaris gloria insignis, anno supra mille quingentos vii. cū instructa clasce in Arabiam primò, & mox Armuzium profectus, post multa præclara ac fortia facta, ipsi Regi, qui erat Zeidfadimus, hoc nomine secundus, tantum terrors incussit, vt illum

Captura
vnionum.

Armuzij
Rex fit tribu-
tarius Ema-
nuelis Regis
Lusitaniæ.

Albuquerque
legatus Isma-
elis Regis Per-
sarum, fercu-
lum globis
ferreis, sagit-
tis, & ferreis
fistulis prepa-
rari iussit.

Albuquerque
legatus missus
ad Ismae-
lem, veneno
interficiuntur.
Larum.

Camara.

Bindamyr
fluvius est
idem qui
Tigris.

Columnæ
Cilminares.

vt illum ad has pacis condiciones impelleret. Videlicet, vt stipendiarius esset Emanuëlis Regis Lusitaniæ; ac ei, tributum nomine, quindecim aureorū nummorum millia penderet: & præter hæc, ipsi Albuquerque pro impensis in id bellum factis, solueret quinq; millia: vt Rex assignaret locum in vrbe, quem Albuquerque vellet, in quo posset arcem edificare, cuius quidem fundamen- ta continuo iacta fuerunt, deinde ad tantam altitudinem perducta, vt præsi- dio relicto, facile defendi posse videretur. Breui ab hoc spatio interiecto, Is- maëlis Persarum Regis legati Armuzium venere, vt ab eo Rege, sui Impera- toris nomine consuetum tributum exigerent. Rex animo suspensio & anxio, quid sibi agendum esset, explicare non poterat: rem ad Albuquerque retu- tulit. Is cum sine cura esse iussit, atque interim legatis per vnum e suis comi- tibus de aduentu & de valetudinis firmitate gratulatus est. Deinde eos ad- monuit, ciuitatem illam, & Armuzij regnum, Regis Emanuëlis esse, belli iu- re subactum, & Armuzij Regem in fidem Emanuëlis Regis præcellentissimi receptum, ita, vt sibi necesse esset iniuriam ab illo propulsare. Quod verò ad tributum attinebat, se tributum Regis ipsius nomine statim soluturum. Ferculum deinde, in quod tributum erat impositum, coram ipsis oratori- bus euolutum fuit. Erant autem in ferculo globi ferrei, & sagittæ, & hastarum cuspides, & ferreæ fistulæ. His explicatis, & in legatorum conspectu propo- sitis, adiecit is, quem Albuquerque miserat: Hoc est tributum, quod Emma- nuel Portugalliæ, & Algarbiorum, & Indiæ, & Armuzij Rex, pendere solet iis, qui à Regibus sibi subditis tributum exigunt. Hoc responso legati, quan- uis minimè ferendam iniuriam Ismaëli Regi omnium potentissimo factam esse clamarent, & minas etiam iaccerent, inanes tamè in patriam redire: Pro- gressu verò temporis, anno scilicet, supra M. D. X. Albuquerque, eiusdem Is- maëlis Persarum Regis legatos, qui Goam, vt negotia magni ponderis cum Zabaimo transigerent, conuenerant, humanitate summa profecutus est. Ad ipsum deinde Ismaëlem legationem decreuit. Legatus appellabatur Roderi- cus Gomezius, qui Armuzij à Coieatario, ne ad Ismaëlem perueniret, veneno sublatus fuit. Hæc in præsentia de Armuzio dicta sufficiant. E regione huius insulæ sita est vrbs, ab indigenis Larum vocata, & amplitudine, & mercatu- ra nobilis, estque in maximè frequenti itinere. Nam quicumque proficiscun- tur, & veniunt per hunc sinum, semper illac transire consueverunt. Hinc peruenitur Scyram, cuius supra meminimus, indeque Camaram, oppidum satis amplum, & ultra spatium vnus diei est Bindamyr flumen, summa cum latitudine, tum profunditate, quod habet pontem valde conspicuum; eumque ferunt olim à Salomone constructum in oppido Ouniara, vbi est quidam mons rotundus, qui ab vno latere videtur esse incisus, & in eius fastigio est planities, & circumquaque sunt variæ columnæ, quæ dicuntur Cilminares, quæ vox in Italico idiomate sonat Quadraginta columnas, & quævis earum est altitudine viginti cubitorum, & tanta crassitie, quanta esset trium homi- num complexus, quauis plæræque illarum sint dirutæ, ac euersæ. Et omni- nò credibile est, ibi olim fuisse aliquod præclarum, ac insigne ædificium. Deinde super hac planitie iacet ingens lapis totus integer, sub quo sunt in- sculptæ diuersorum hominum figuræ ea proceritate, qua olim Gigantes fe- runtur; & supra ipsas est forma, illi admodum similis, qua Deus pater à non- nullis

nullis effingi solet, habens in vtraque manu orbem quadrum, & sub ea sunt alia parua species ante simulachrum hominis, qui arcui innititur, atque illud vulgò dicitur esse figura Salomonis. In inferiori parte sunt alia per plures quibus innituntur superiores, ex quæ his minoribus est vnus, qui videtur gestare in capite diadema pontificium, & extendit manum in sublimè, ac si vellet his, qui sunt inferius, dare benedictionem, vt vocant. Paulò vltèrius est quædam ingens figura super equo, quæ videtur esse alicuius hominis prauallidi, ac robusti, eamque dicunt esse Sampsonis, iuxta quam sunt plærèque alia, induta more gallico, & passis crinibus. Post iter duorum dierum, situm est oppidum Thimarum, & paulò vltèrius, est quoddam aliud, in quo ferunt olim tumulatam Salomonis matrem, & insunt literæ Arabicæ, quæ dicunt, mater Sulcimen, id est, mater Salomonis. Hic locus ab incolis vocatur Mesfeth Sulcimen, quod Latino idiomate sonat templum Salomonis, cuius porta respicit Orientem versus, indeque profectis hæc infra scripta municipia occurrunt, quorum quidem nonnulla sunt iuxta ripam præfati fluminis, & duum, vel trium dierum spatio inter se distant, suntque aliis alia celebriora, & in omnibus his locis indigenæ student cum agriculturæ, tum gossipiis texendis. Horum autem nomina hæc sunt: Dehebetum, Vargarum, Deiserum, Tafta, Meruthum, Guerdenum, Naimum, Haistamum, Hardistamum, sauua, Eucharua, & Sultania, de qua dictum est, atque illinc aliquot dierum itinere Taurisum peruenitur, & in hoc etiam itinere sunt tres illæ vrbes insignes, quas suprà descripsimus, videlicet, Comum, Cassanum, & Hiesdum. Ex plaga Boreali visuntur etiam plærèque vrbes, & castella, quæ sunt à mari Caspio Taurisum vsque, & loca insigniora, hæc sunt: Saua, Chois, Reis, Sindanum, Billanum, Tremigranum, deinde Straua, vnde telæ sericæ, quæ ibi conficiuntur, strauatinæ appellantur. Hæc vrbs iacet iuxta sinum Caspium, & aërem habet insalubrem ac pestiferum, propter vadosa admixtis dulcibus aquis palustria littora. Cōplures incolarum alutur oriza, ex qua panem conficiunt, quia tritici ac frumenti maxima apud eos est penuria. Hic, & in omnibus pagis, huic oppido subiectis, vbicunque sunt aquæ, conficiunt ac eliciunt sericum ex bombicibus, eorumque casulæ sunt iuxta ripas illorum fluminum, cum suis ahenis, in quibus reconduntur, hisque, & moro alba mirificè abundant. Inest etiam in his locis ingens copia pernicum, adeò vt apud eas gentes hic sit communis cibus, ideoque non sunt in pretio. Super littore præfati æquoris est etiam Lanzibentum, & quædam alia, proxima Trapezunti, in quibus minutim recensendis, non ero prolixior.

Hinc abeuntibus, occurrunt plurimi pagi atque opidula, & transitur etiam per montes, & nemora inculta, primusque locus memorabilis, qui reperitur, est oppidum situm in planicie, & in valle vndiquaque montibus circumdata, vulgò Baiburthum, arte, atque opere communitum, eiusque territorium est miræ fertilitatis, ac etiam pertinet ad Regem Persiæ. Confecto quinque dierum interuallo, est Arfenga, seu Arzinga, vrbs olim ampla, & frequens, nunc verò magna ex parte deleta, & vltra duo milliaria, est Euphrates fluuius longè celeberrimus, qui traiecitur per pontem lapideum, & habet septemdecim arcus, seu fornices. Deinde, si rectà pergatur, visuntur hæc oppida, videlicet, Carputum, Moschomum, Halla, Pollu, & Amus. Hinc peruenitur in Tur-

choma-

Thimarum.

Oppida di-
nerja cū suis
nomibus.

Straua.

Lanzibentum.

Baiburthum.

Arfenga.

Euphrates.

Carputum.

Moschomum.

Halla.

Pollu.

Amus.

chomaniam, prius dictam Armeniam, sed nunc appellatur Carocoilu, quod nostro idiomate significat nigros verueces, quemadmodum prouincia Persica, & Zagatai, vocatur Accorlu, quod sonat verueces nigros, quæ nomina inter eas nationes indicant cruentas simultates, & dissidia, quæ olim inter eas extiterant, sicuti apud Anglos Rosa alba, & Rosa rubra, vel apud Italos Guelphi, & Ghibellini, sub quibus titulis maximæ factiones & acerrima odia continebantur. Est deinde arx inter quosdam montes, parua, sed valde munita, quæ sita est in monte, & infernè habet urbem populis frequentem, cuius ambitus est trium milliariū. Ultra trium dierum iter, est Allarchum, oppidum valdè munitum & amœnum, & iacet super lacu, qui patet in longitudinem centum & quinquaginta mille passibus, & in latitudinem, vbi est latior, quinquaginta: & à parte Boreali procul ab hoc lacu quindecim milliariis, est alius lacus, cuius circuitus patet octoginta mille passibus, circa quem sunt varia municipia, & in vtroque lacu habentur plurima nauigia, quibus diuersæ navigationes in loca maritima suscipiuntur. Super minori lacu est etiam vrbs, vulgò Ceus appellata, non mediocri amplitudine, ac etiam mœnibus præsepta: & ultra iter vnus diei, situm est oppidum Herzillum, in quo est sepulchrum matris Giausa, de quo supra mentionem fecimus: deinde alterum Orias nomine, & pleraque alia nullius celebritatis, inter quæ adiacet lacus, longitudine ducentorum milliariū, & latitudine triginta, & in eo sunt aliquot parua insula, quæ incoluntur. Tandem reperiuntur duo alia municipia, vulgò Testu, & Zerister, nec aliud insigne ac memorabile in his locis extat, nisi quod in singulis eorum sunt plurimæ textrinae gossipij, telæ, canapi, & culcitrarum, & aliqua etiam bombicum opificia. Verùm enim uerò vt ad eam partem redeam, quæ tendit Aquilonem versus, & quæ situm est mare Caspium, in his sanè locis visuntur quàm plurima oppida, & vrbes illustri fama, scilicet, Barbaribenum, Madranolanum, & Sumachia, olim Gamala, ni fallor, quæ vrbs sita est in Media, & in regione Thezichia, eaque paret cuidam Regulo, cuius nomen est Siruanfa, qui est tributarius Regis Persiæ; & si quod graue bellum impendat, illicò in promptu habet octo, vel decem millia lectissimorum equitum. In hac sit Sericum, quod Talamatum vocant, ac etiam varia genera panni serici, ex his præsertim, quæ constant leuiori pondere, & sita est in finibus maris Bacuchi seu Caspij, quod illi hæret à dextro latere, habetque à sua urbem, vulgò Mengerlium, versus pontem Euxinum, & Caithacum, prope montem Caspium. In hac vrbe sunt circiter quinque millia ædificiorum, & sunt plurima opificia serici, gossipij, atq; alia eiusdem generis, iuxta earum gentium consuetudinem, estque in Armenia maiori, & potior pars incolarum sunt Armeni. Ex his locis peruenitur ad urbem Derbentum, quæ subiicitur eidem Regulo, & posita est in finibus Tartarorum, & supra mare Bacuchū, distatque à monte itinere vnus milliariis, & in eius summitate est arx, cuius vtrinque mœnia, tanquam duæ alæ in proximum Oceanum producuntur. Hanc ferunt ab Alexandro M. aduersus Scytharum irruptiones ædificatam & conditam fuisse. Darbentum Italico idiomate sonat angustum, & à multis, qui illius loci naturam & cōditionem intelligunt, vocatur Temircapi, quod significat portam ferream: & sanè quicunque illi hoc nomen indidit, iustas causas habuisse videtur; Quandoquidem

dem is locus diuidit Mediā à Scythia, adeò vt quifquis velit ex Persia, Thracia, Syria, & reliquis locis finitimis discedere, ac in Scythiam proficisci, huic necesse sit ingredi per vnā portā huius vr̄bis, ac per aliam egredi. Huius autem rei hæc potissima est causa, quod nimirum à sinu Caspio ad fretum Euxinum recto itinere, sunt quingenti mille passus, & tota hæc ora est plena excelsis montibus, ac præruptis vallibus, licet in quibusdam locis habitent nonnulli reguli, ad quorum ditionem nemo audet descendere ob metum, ne à latronibus inuadatur: sed maior pars inculta est, omniq̃ue humano commercio destituta, & propterea, si quis hoc iter facturus, nollet transire per hāc vr̄bem, cogeretur primū pergere ad Iberos, nunc Georgianos, deinde in prouinciā Mengleriam, sitam super ponto Euxino, ad oppidū Aluanthum, vbi est quidam mons altissimus, ibiq̃ue suos equos relinquere, ac pedestre iter suscipere per aspera saxa, & crepidines viarum, ita sanè vt in ascensu, ac descensu montis esset spatium duorum dierum. vbi autem ad ima perueniret, ingrederetur in Circassiam, sed hoc iter sit tantummodo ab his, qui sunt in confiniis, & à nemine alio, cum sit locus maximè importunus, & multis laboribus, ac periculis expositus. Caterū vt eò redeam, vnde digressa est oratio, huius tam angustī, tamq̃ue arcti tergoris cōtinentis causam, hanc esse pleriq̃ue arbitrantur, quia videlicet mare absorbeat, & deuoret quicquid est soli vsq̃ue ad montem, vbi est Darbentum. Hanc prætergressi, inueniunt locum decliuem, atque angustum: sed tamen huiusmodi, vt per eum homines possint equitare, isq̃ue producit ad sexaginta mille passus, deinde ad sinistrum latus mons desleclitur, & super eo haud incommoda habetur equitatio, isq̃ue antiquitus vocatus est mons Caspius. Darbenti mœnia sunt longè pulcherrima, & valde lata, optimeq̃ue constructa: sed sub monte, quā itur ad arcem, ne sexta quidem parte incolitur, & versus Oceanum est funditus euersa. In ea visuntur innumera veterum sepulchra. Est satis sæcunda, & abundans rei frumentarię, viniq̃ue maximè ferax, itemq̃ue fructuum omnis generis, & Taurisio itinere viginti dierum abest. Si quis iuerit ex vna parte ad hunc locum, etiam subipsis mœnibus, inueniet vuas, & fructus omnis generis, & præfertim eas arbores, quæ producunt amygdalas. Ex altera parte nullum genus fructuum, aut arborum inuenitur, præter mala Cydonia, eaq̃; syluestria, & hoc patet ad quindecim & viginti milliaria. Præterea, in quadam domo mercatoria visuntur duæ anchoræ immensa mole ac magnitudine, quod sanè indicat in illis partibus olim fuisse nauigia valde ampla. Nunc ipsorum anchoræ sunt multo minores, quippe quæ non excedunt singulæ pondus centum quinquaginta librarum, vel ducentarum, cum aliæ essent duplo maiores. Ipsa ciuitas in ædita montium crepidine posita, ea forma est, vt duobus ex quadrato lapide muris ad mare deductis, inferiora ædificia & nauigiorum stationem, tanquam duobus brachiis complectatur, non maiore, quā trecentorum passuum interuallo: quod spatium singulis vtrinque ferreis portis, superstantibusq̃ue propugnaculis ita communitur, vt perpetuis custodiis, nisi clara luce, & explorato littore viatores nec admittantur, nec recepti intra porram, altera prius emittantur, quin portorium persoluant. Nauigia quoque interclusa eo in littore commodā habent stationem. Hoc mare, quod Caspium vocant, summa est amplitudine, cum nullas habeat

Mons Caspius.

Mare Caspium.

m

fauces,

fauces, & fertur eodem esse ambitu, quo Pontus Euxinus, estque altissima profunditate. Ibi est ingens copia accipenserū, & murænarum: aliorum verò piscium vsum fermè ignorant, exceptis iis piscibus, quos Canes vocant, qui habent caput, pedes, & caudam, non secus quàm terrestres. Horum enim illic permagna est copia. Capiunt etiam quoddam genus piscium longitudine vnus cubiti cum dimidio, qui sunt crassi, ac rotundi, & sine capite aliisque membris, ex quibus elicitur quidam liquor, quem accédunt, vt noctu lumen præbeat, eoque vnguntur cameli, & ex eo per totam regionem deferitur. In littore huius maris est vrbs nomine Bachu, à qua mare Bachu nomē assumit, & iuxta eam est mons, ex quo emanat oleum nigrum, tetri odoris, quo vicissim accolæ ad nocturnum lumen vti solent, eoque bis in anno suos camelos inungunt, ne fiant scabiosi. Incolæ sunt eleganti aspectu, & comi ac miti natura, valdeque faciles, atque humani erga peregrinos. A Ponto Euxino vsque ad mare Caspium, sunt quingenta milliaria, & hinc versus Armeniam minorem, etiam in Persia, sunt plæræque vrbes, videlicet, Ansegana, Maluchia, Sio, Mesona, & alia vulgò Eri appellata, Arrianę provincię caput, atque omnium fermè rerum ferax, in qua, tanta est serici copia, vt vna die possit emi tantum serici, quantum ternis camelorum millibus onerandis sufficiat. Ibi nunquā ingrauescit annona, ob soli vbertatē. Rheubarbari in primis mirus est proventus, ac etiam Cyani lapilli, quem Turchinam vocant. Ipsa ciuitas ambitu circiter septem millia ædium continet, estque circumambiente pisces lacu egregiè communita, & sita in regione, quam indigenæ Coraxanam vocant. Mahometicis sacris sunt omnes quammaximè addicti.

Bachu.

Ansegana.
Maluchia.
Sio.
Mesona.
Eri.

Hæc oppida & ciuitates, quarum hucusque mentionem fecimus, maiori ex parte inter recentiores annumerari consueuerunt. Quæ autem inter vetustiores habentur, hæc sunt præcipuæ, videlicet Babylonia, vulgò Bagadeth: Susa, quæ vrbs à Dario Hystaspis filio, condita fuit, olim celeberrima & ditissima, nunc verò ita collapsa est, vt in ea, præter arcem, nihil ferè conspiciatur, iacetque in finibus Persiæ. Procopolis, quæ distat à sinu Persico duum dierum interuallo, est etiam diruta & euerfa. Scyras, quam non ineptè Cyropolim antiquitus fuisse, aliqui arbitrantur. Hæc ciuitas, opibus, atque hominum frequentia, locique amœnitate & pulchritudine cum quauis alia ex celebrioribus, quæ sint in orbe terrarum, iure merito comparari potest. Elegantium quoque armarum officinis nulli toto Oriente est secunda. Huius ambitus porrigitur ad viginti millia passuum. Est autem sita in vltimis regni finibus, & loco maximè commodo & opportuno. Nam quicumque veniunt ex superiori parte, id est, ex Hircania, & Coraxana regione, in qua sunt populi, qui vulgò appellantur Zagatai, & hæc oppida insigniora, nimirum, Eri, Sammarchantum, & Nipsa, necesse est, vt, si velint transire per regnum Persidis, hæc omninò proficiantur, eaque de causa illuc passim deferuntur telæ sericæ, omnis generis aromata, rheubarbarum, ac etiam ingēs vnionum atque gemmarum copia. Hæc vndique cincta est mœnibus, & pulcherrimis templis exornata, eiusque domus ac ædificia sunt admodum splendida, & magnificis operibus constructa. Distat Taurisio itinere viginti, siue, vt aliis placet, viginti quatuor dierum. Dicta est Cyropolis à Cyro eius cōditore, quæ iussu Alexandri Magni diruta fuit, & progressu temporis ita instaurata, vt denuò in sum-

Babylonia.

Susa.

Procopolis.
Scyras.

in summam nominis claritatem deuenit. Quid verò ipsum Alexandrum potissimè ad eius ruinam & excidium commouerit & incitauerit, Q. Curtius lib. vii. elegantissimè ostendit. Vrbs, inquit, diruta est, vt cæteri, cladis exemplo continerentur. Memaceni, valida gens, obsidionem, non vt honestiorem modò, sed etiam vt tutiorem ferre decreuerant. Ad quorum pertinaciam mitigandam Rex quinquaginta equites præmisit, qui clementiam ipsius in deditos, simulque exorabilem animum in deuictos ostenderent. Illi nec de fide, nec de potentia Regis ipsos dubitare respondent, equitesque tendere extra munimenta vrbs iubent. Hospitaliter deinde exceptos, grauesque epulis & fomno, intempesta nocte adorti interfecerunt. Alexander haud secus quam parerat, motus, urbem corona circumdedit, munitiorem quam vt primo impetu capi posset. Itaque Meleagrum, & Perdiccam in obsidionem iungit, Cyropolim obsidentes. Statuerat autem parcere vrbi conditæ à Cyro: quippe non alium gentium illarum magis admiratus est, quam hunc Regem, & Semiramim, in quæis & magnitudinem animi, & claritatem rerum longè emicuisse credebat. Cæterum pertinacia oppidanorum, eius iram accendit. Itaque captam urbem diripere iussit delectos Macedones haud iniuria infestos, & ad Meleagrum, & Perdiccam redit. Sed non alia vrbs fortius obsidionem tulit. Quippe & militum promptissimi ceciderunt, & ipse Rex ad vltimum periculum deuenit. Namque ceruix eius saxo ita icta est, vt oculis caligine offusa, collaberetur, ne mentis quidem compos. Exercitus certè, velut crepto eo, ingemuit. Sed inuictus aduersus ea, quæ cæteros terrent, nondum percurato vulnere, acrius obsidioni institit, naturalem celeritatem ira concitante. Cuniculo ergo suffossa mœnia ingens nudauere spaciū, per quod irrupit, victorque urbem dirui iussit. Hactenus Curtius. Post hanc urbem, visitur Alexandria, quæ dicta est Isius, prope fluuium Syriæ constructa, & alia vrbs eiusdem nominis, & Arion: Quæ vrbes positæ sunt ad radicem montis Caucasi, Ioppe, quæ sita est in Persia, Nicesorium ciuitas super flumine Euphrate: Isius oppidum Ciliciæ, non procul ab Amano monte, Alexandri Magni victoria insignitum: Ctesiphontes, & Cara, vrbs condita à Parthis, & Romanorum clade nobilitata. In hac enim victus fuit Marcus Crassus, & cum toto ferme exercitu ad internationem usque deletus. Porro adhuc etiam ibi cernuntur plæraque monumeta procerum Romanorum, qui hoc in prælio interiêre. Vltèrius progressis occurrunt Præsegada, Opinus, & alia quædam municipia, cum quibus terminat Armenia maior, cui etiam dominatur Rex Persarum, & in ea sunt quàmplurima oppida & vrbes, in quibus indigenæ, Christi fidem ac religionem colunt, & vocantur à viridi tegumento quod gestant in capite, atque habitant iuxta ripas fluminis Euphratis, & patrio vocabulo appellantur Georgiani, qui sunt maximè strenui & bello exercitati. Eorum præcipua loca hæc sunt. Tunisa, Mazatana, Artaxeta, Assimosium, & Micipolis. Ad hæc, in minori Armenia sunt etiam plæraque oppida & ciuitates, quarum maior pars nunc subiacet Turcarum Imperatori, videlicet, Theodosia, Sebastia, Tarsus, Cortestanum, & Edena, quæ superioribus annis donata fuit à Solymano Barbarussæ Hariadeno, qui breui post, ibi arcem erexit longè munitissimam, & tantis sumptibus atque impensis, vt eas dicant excedere summam ter decies centum millium coronatorum.

Cyr Alex-
der M. Cy-
ropolim exci-
toris.

Exemplum
perfidie.

Alexandria.

Arion.
Ioppe.
Nicesorium.
Isius.
Ctesiphontes.
Cara.

Præsegada.
Opinus.

Theodosia.
Sebastia.
Tarsus.
Cortestanum.
Edena.

*Persopolis.**De arce Persopolis, & quomodo fuerit incensa.*

Spero me diligenter haecenus explicasse ea loca, quæ Regum Persarum imperio subiecta, sunt alicuius nominis ac dignitatis. De his itaque dicendi finem faciam, si quatuor duntaxat vrbes addidero, nimirum Persëpolim, Susam, Babyloniam & Seleuciam, quæ olim florentissimæ, eidem Regi paruerunt. Et de priori quidem, Diodorus Siculus libro xvii. ita scriptum reliquit: Persëpolis, inquit, fuit Metropolis imperij Persarum præ omnibus aliis Asiæ ciuitatibus maximè semper nomini Macedonum infensa, & propterea eam Alexander, excepta regia, militibus diripiendam concessit. Erat ea vrbs omnium quæ sub sole sunt, optima, priuatorum hominum facultatibus ex longi temporis felicitate in immensum auctis. Tunc Macedones impetu facto in oppidanos, ipsos interficere, & bona inuadere, quæ multa, & apparatu preciosa, ornamentisque omnis generis erant refertissima. Ibi argenti magna vis, nec auri minor, diuersas in partes auferebatur. Vestes purpura infectæ, aut prætextæ auro, à valentioribus rapiebantur. Ita magna vrbs regia per vniuersum terrarum orbem celeberrima, contumeliis, & cladi maximè exposita fuit. Deinde paulò inferius idem auctor hæc etiam subiungit. Quantum Persëpolis vrbes cæteras fortunis antecedeat, tantum eisdem omnium calamitatum genere præstitit. Alexander autem arcem ingressus, thesauros, qui ibi asseruabantur, accepit. In eos, à Cyro primo Rege Persarum, vsque ad hæc tempora publici reditus semper congesti fuerant, vt argenti, & auri magnam vim continerent. Inuenit sanè Alexander auro ad argenti rationem reducto, centum & viginti millia talentorum, cuius summæ partem secum ad belli vsus portare, partem Susa mittere, vt in vrbe custodirentur, statuit. Ad hæc, ipsam urbem Persëpolim prorsus delere habebat in animo, de cuius munitissima, & pulcherrima regia, breuibus meminisse, haud inconueniens videtur. Arcem iustæ magnitudinis cingebant triplicia mœnia. Quorum primus muri cinctus, magnis operibus instructus, altitudinem habebat sexdecim cubitorum, supraque pinnas, quæ ei non paruo erant ornamento. Secundus priori cætera consimilis, altero tanto altitudinis eum superabat. Tertius murus formam habebat quadratam, & sexaginta cubitis in altum erigebatur. Vnumquodque quatuor laterum muri portam æneam, & ante eam vallum itidem æneum viginti cubita extantem. Hunc quidem ad iniiciendum aspectu ipso terrorem, illam autem ad firmam loci defensionem habebat. Ad Orientalem partem arcis, mons interuallo ferè pedum quadringentorum distabat, qui regius nuncupabatur, vbi regum inerant sepulchra. Saxum erat ingens excisum, in cuius medio multa facta fuerant domicilia, defunctorum regum sedes. Neque aditus quispiam opere factus ducebat in locum eum: sed instrumentis quibusdam sublata cadauerum conditoria illic reponabantur. In ipsa arce elegantissimæ, & omnibus rebus instructæ ædes complures visabantur ad reges, & milites accipiendos. Thesauri, quibus seruantur pecuniæ, ingeniosè ibidem parati fuerant. Alexander pro rebus bene gestis vora soluturus, sacrum splendidissimum in Deorum honorem fecit, & amicos prælauto accepit conuiuio. Eò & feminæ, quæ corpore questum faciebant, admixtæ sunt. Crebris potationibus cum bene induliscent, ebrietas, & postea insania multos corripiebat. Tunc è turba mulierum Thais quædam, genere Attica, pulcherrimum esse inquit, inter omnes res, quas in Asia gessit

Alexander, si ipse Rex nobiscum inita saltatione ludicra, Persopolis regiam incendio absumeret: vt res nobilissima apud Persas manibus feminarum breui temporis spatio deleta prorsus fuisse diceretur. Exceptus est hic sermo à iuuenibus, & qui per temulentiam parum, quid deceret, possent perspicere. Itaque vnus agendum id ipsum, incensosque torres afferendos exclamauit, vt commissa in Græcorum sacras ædes impia facinora, omnes vlciscerentur. Comprobarunt hanc sententiam & cæteri, tantumque opus Alexandro soli conueniens esse dicebant. Nō defuit cœpto Rex, amicorum sermonibus excitatus. A potatione igitur exultantes, prò parta victoria festiuitatē Liberi patris se velle agere prædicabant, subitoque magna lampadum vi allata, & musicis mulieribus, quæ in conuiuio erant, accitis, Rex primus in pompam cum cantu, tibiis, & fistulis progressus est, meretricula Thaïde rei totius authore & duce, quæ prima à Rege ardētem titiōnem in regiam coniecit. Idem cū à reliquis factum esset, citò ob ingentem flammam excitatam combusta est tota regia, quodque, perquam admirabile est, impietatem Xerxis Persarum Regis, quam in Atheniensium arcem commiserant, vnica femina gētis ciuis, quæ iniuriam illam sustinuerat, post multos annos in festo ludicro codē cladis genere vltā est. Hæc Diodorus de Persæpoli iussu Alexandri ab eius milite direpta, & regia per eundem incensa: Atqui operæpretium videre est, quid etiam Quintus Curtius lib. v. de eadem prodiderit. Postero die (inquit) conuocatos duces copiarum docet, nullā infestiorē urbem Græcis esse, quā regiam veterum Persidis Regum. Hinc illa immēsa agmina infusa. Hinc Darium prius, deinde Xerxem Europæ impium intulisse bellum. Excidio illius parentandum esse maioribus. Iamque Barbari, deserto oppido, quā quenque metus agebat, diffugerant, cū Rex phalangem nil cunctatus, inducit. Multas vrbes refertur opulentia regia, partim expugnarat, partim in fidem acceperat: sed vrbs huius diuitiæ vicere præterita: in hanc totius Persidis opes congefserant Barbari. aurum argentumque cumulatū erat, vestis ingens modus: supellex non ad vsum modò, sed ad ostentationem luxus comparata. Itaque inter ipsos victores ferro dimicabatur: pro hoste erat, qui preciosiorē occupauerat prædam. Et cū omnia, quæ reperiēbantur, capere non possent, (nam res non occupabantur, sed æstimabantur) lacerabant regias vestes, ad se quisque partem trahentes, dolabris pretiosæ artis vasa cædebant, nihil neque intactum erat, nec integrum ferebatur. Abrupta simulachrorum membra vt quisque euulserat, trahebat: neque auaritia solū, sed etiam crudelitas in capta vrbe grassata est: Auro argentoque onusti, vilia captiuorum corpora trucidabant, passimque obuij cædebantur, quos antea præcium sui miserabiles fecerat. Multi ergo hostium manus voluntaria morte occupauerunt, preciosissima vestium induti, è muris semetipsos cum coniugibus ac liberis in præceps iactantes. Quidam ignes, quod paulò post facturus hostis videbatur, subiecerant ædibus, vt cum suis viui cremarentur. Tandem suis Rex corporibus & cultu feminarum abstinere iussit. Ingens pecuniæ captiue modus traditur, propè vt fidem excedat. Cæterum aut de aliis quoque dubitamus, aut credimus in huius vrbs Gaza fuisse centum & viginti millia talenta, ad quæ vehenda (namque ad vsus belli secum portare decreuerat) iumenta & camelos à Susis, & Babylone contrahi iussit. Accessere ad hanc

m 3

pecu-

pecuniæ summam captis Persagadis sex millia talentorum. Deinde paulò post ita inquit: Itaque trigesimo die postquam à Persèpoli profectus erat, eodem rediit. Dona deinde amicis, ceterisque pro cuiusque merito dedit: prope modum omnia, quæ in ea vrbe ceperat, distributa. Ceterùm ingentia animi bona, illam indolem, qua omnes Reges antecessit, illam in subeundis periculis constantiam, in rebus moliendis efficiendisque velocitatem, in deditis fidem, in captiuis clementiam, in voluptatibus permissis quoque & vîtatîs temperatiam, haud tolerabili vini cupiditate fœdauit. Hoste & æmulo regni reparante tum maximè bella, nuper subactis quos vicerat, nouumque imperium aspernantibus, de die inibat conuiuia: quibus feminæ intererant, non quidem quas violare nefas esset, quippe pellices licentiùs quàm decebat, cum armato viuere assuetæ. Ex his vna Thais, & ipsa temulenta, maximam apud omnes Græcos initurum gratiam affirmat, si regiam Persarum iussisset incendi: expectare hoc eos, quorum vrbes Barbari deleissent. Ebrio scorto de tanta re ferente sententiam, vnus & alter, & ipsi, mero onerati, assentiunt. Rex quoque fuit audior, quàm patientior. Quin igitur vlciscimur Græciam, & vrbi faces subdimus? Omnes incaluerant mero. Itaque surgunt temulenti ad incendendam urbem, cui armati pepercerant. Primus Rex ignem regię iniecit: tum conuiuæ, & ministri, pellicesque. Multa cedro ædificata erat regia, quæ celeriter igne concepto, latè fecit incendium. Quod vbi exercitus, qui haud procul ab vrbe tendebat, conspexit, fortuitum ratus, ad opem ferendam cucurrit: sed vt ante vestibulum regię ventum est, vident Regem ipsum adhuc aggerentem faces. Omissa igitur, quam portauerant, aqua, igni aridam materiam in incendium iacere ceperunt. Hunc exitum habuit regia totius Orientis, vnde tot gentes antè iura petebant; patria tot regum, vnicus quondam Græciæ terror, molita decem millium nauium classem, & exercitus, quibus Europa inundata est, contabulato mari molibus, perfossisque montibus, in quorum specus fretum immisum est. Ac ne longa quidem ætate, quæ excidium eius secuta est, resurrexit. Postremò hæc addit, inquiring: Pudebat Macedones, tam claram urbem à comessabundo Rege deletam esse. Itaque res in serium versa est, & imperauerunt sibi vt crèderent, illo potissimum modo fuisse delendam. Ipsum, vt primum grauata ebrietate mentem quies reddidit, pœnituisse constat, & dixisse, Maiores pœnas Persas Græcis duros fuisse, si ipsum in solio regiaque Xerxis respicere coacti essent. Hæc Curtius. At Strabo lib. xv. sic breuiter inquit: Iuxta Persèpolim, Alexander Araxem traiecit. Persèpolis magnificas regias habebat, & fabricas sumptuosas. Alexander Persèpolitani regis concrematis, vltus est Græcos, quorum & illi sacra & vrbes, ferro ignique vastassent. De hac etiam videre est apud Arrianum lib. iii. ac itidem vi.

Sijæ.

Quatenus ad alteram ciuitatem spectat, positam in Susiana regione, quæ Persiæ pars est, præfatus Strabo, lib. xv. asserit, eam fuisse admodum claram atque illustrem, inquiring: Nam Persæ, ac Cyrus, superatis Medis, cum propriam terram in vltimis sitam viderent, Susiam verò interius, & Babylonîæ, & aliis regionibus propinquam, in ea imperij sedem locauerunt, simul & regionis confinium ostendentes, vt vrbis dignitatem, & quod maximum est, Susij nunquam ex sese magnis rebus insidiati sunt, sed semper subditi fuere, in

re, in parte maioris conuentus collocati, nisi heroum tempore. Susa enim à Thitono condita dicitur, Memnonis patre, ambitu c. & xx. stad. figura oblonga, cuius arx Memnonium vocabatur. Vrbs, mœnia, & templa, & regia, structura erant Babylonicis similia, ex coctili latere, & bitumine, vt quidam ediderunt. Policletus dicit, eam sine mœnibus fuisse cc. stad. ambitu. Idem paulò post. Idcirco Cyrus Pasagardas habuit in honore, quòd ibi Astyagem Medum vltimo prœlio superauit, & Asiæ imperium in se trãtulit, vrbe condita, & regia constructa in memoriæ monumentum. Pecunias verò omnes, quæ in Persia erant, Susa exportauit, quæ, quanquam & ipsa thesauris & suppellectile plena erant, non tamen eam regiam existimabat: sed Babylonem, quam in animo habebat illis omninò anteferre, atque hic etiam thesauri asseruabantur. Plutarchus auctor est, Alexandrum, Susis occupatis, in regia inuenisse numismatis talenta quadragies mille: reliquas diuitias, apparatusq; ineffabilem. cùm ibi inuenta perhibeantur Hermionica purpuræ quinque millia talentum, quæ ante annos cxc. reposita, recentem adhuc colorem retinisset. Cuius rei causam hanc asfert, quòd purpureorum tinctura melle, candidoru n oleo albo conficiatur, quæ cùm eodem tempore durent, purum rutilumq; splendorem conseruant. Hanc, à Dario Hystaspis filio conditam fuisse, Plinius testatur libro vi. cap. xviii. eamq; asserit abesse à Babylonia ccccl. M. P. & tantundem ab Ecbatanis Medorum per montem Charbamum. Nunc superest, vt de duabus postremis aliquid breuiter dicamus. Herodotus memoriæ tradidit, Babyloniā olim fuisse quadratam, & singulorum laterum mensuram stadiorum cxx. qui est ambitus *μείμετρον* totius vrbis, stadiorum cccclxxx. id est, sexaginta millia passuum. De muris autem, Diodorus scribit tradidisse Ctesiam, altitudinem illorum fuisse incredibilem: latitudinem, vt eo spatio vehi currus possent seni: alios verò perhibuisse, quòd fuerit altitudo murorum istorum quinquaginta vlnarum, alios, totidem cubitorum: & latitudinis spacium, quo plures, quàm bini currus veherentur. Strabo de hac inquit: Babylon in campo iacet, muri ambitum habet ccc. & lxxxv. stadiorum. Eius crassitudinem pedum xxxii. altitudinem inter turres cubitorum quinquagenum, turrium ipsarū sexagenum, viam super mœnibus tam latam, vt quadrigæ occurrentes facili pertransire possint. Vnde & hoc ex sex spectaculis vnū dicitur. Item horti pensiles in figura quadrata, quorum latus quodlibet quaternū est iugerum. Hi fornicibus continentur, sese in forcipis modum intercidentibus, sitis super pilis in aleatoriarum tabellarum formam, alius super alia positarum. Pilæ concauæ sunt, & terra plenæ, vt arbores maximas confitas recipere possint, ex lapide coctili, & bitumine structæ, tam ipsæ, quàm fornices, & fornicum intersectiones. Supremum tabulatum ascēsus scalares habet, & cochleas ipsis adiacentes, per quos continuè aqua ex Euphrate in hortos afferebatur ab hominibus ad hoc ipsum constitutis. Nam flumen mediam vrbe interfluit. Eius latitudo stadium occupat, horti super flumine sunt, vbi etiam Beli sepultura est, nunc eruta, quam Xerxes eruit, vt fertur. Ea Pyramis quædam erat quadrata, ex latere coctili structa, stadij altitudine, cuius quoq; latus stadium obtinebat. Hanc Alexander reparare voluit, sed cùm multi laboris esset, & multi temporis, (nam solū ad expurgandam terrā, x. millibus hominum, duobus

duobus mensibus opus erat) quod incœperat, perficere non valuit. Illic enim morbus, & mors consecuta est. Id posteriorum nemo curauit, quin etiam reliqua neglecta sunt, & vrbs partem Persæ diruerunt, partem tempus consumpsit, & Macedonum negligentia, præsertim vbi Seleucus Nicanor Seleuciam ad Tygrin condidit, ad stadia ccc. Babyloni proximam. Nam & ille, & posteri omnes, circa hanc urbem maximopere studuerunt, & regni caput effecerunt, & nunc Babylone maior est, quanquam magna ex parte deserta, vt id facile de ea dici possit, quod de magnis urbibus, quæ in Arcadia erant, à quodam dictum est, Magna ciuitas, magna solitudo est. Hæc Strabo de Babylonia, & hortis pensilibus. Porro quid etiam Q. Curtius lib. v. de ea tradiderit, haud sanè indignum esse arbitror, quod in medium afferatur. Ipsius urbis pulchritudo, inquit, ac venustas, non Regis modò, (Alexandrum intelligit) sed etiam omnium oculos in semet haud immeritò conuertit. Sciramis eam condiderat, vel (vt pleriq; credidèrunt) Belus: cuius regia ostenditur. Murus instructus laterculo coctili, bitumine interlitus, spaciū triginta & duorum pedum latitudinem amplectitur. quadrigæ inter se occurrentes sine periculo commeari dicuntur. Altitudo muri centum cubitorum eminet spacio. Turres denis pedibus, quàm murus, altiores sunt. Totius operis ambitus ccclxviii. stadia complectitur. singulorum stadiorum structuram singulis diebus perfectam esse, memoriæ proditum est. Ædificia non sunt admota muris, sed ferè spacio vnus iugeri absunt. Ac ne totam quidem urbem tectis occupauerunt. Per xc. stadia habitatur: nec omnia contigua sunt, credo quia tutius visum est, pluribus locis spargi. Cætera serunt coluntque: vt si externa vis ingruat, obsessis alimenta ex ipsius urbis solo subministrant. Euphrates interfuit, magnæque molis crepidinibus cœrectur: sed omnium operum magnitudinem circumueniunt cauernæ ingentes, in altitudinem pressæ ad accipiendum impetum fluminis: quod vbi appositæ crepidinis fastigium excessit, urbis tecta corripere, nisi essent specus lacusque, qui exciperent. Coctili laterculo structi sunt, totum opus bitumine astringitur. Pons lapideus flumini impositus, iungit urbem. Hic quoque inter mirabilia Orientis opera numeratus est: quippe Euphrates altum limum vehit, quo penitus ad fundamenta iacienda egesto, vix sufficiendo operi firmum reperiunt solum. Harenæ autem subinde cumulatæ, & saxi, quibus pons sustinetur, annexæ, morantur animum, qui retentus, acrius, quàm si libero cursu mearet, illiditur. Arcem quoque ambitu xx. stadia complexam habent: xxx. pedes in terram turrium fundamenta demissa sunt: ad lxxx. summum munimenti fastigium peruenit. Super arce vulgatum Græcorum fabulis miraculum, pensiles horti sunt, summam murorum altitudinem equantes, multarumque arborum vmbra & proceritate amœni. Saxo pilæ, quæ totum onus sustinent, instructæ sunt. Super pilas lapide quadrato solum stratum est, patiens terræ, quam altam iniiciunt, & humoris, quo rigant terras: adeoque validas arbores sustinent moles, vt stipites earum, octo cubitorum spaciū crassitudine æquent, in quinquaginta pedum altitudinem emineant, & frugifere sint, vt si terra sua alerentur. Et cum vetustas non opera solum manufacta, sed etiam ipsam naturam paulatim exedendo perimat: hæc moles, quæ tot arborum radicibus premitur, tantique nemoris pondere onerata est, inuiolata durat;

ta durat: quippe xx. lati parietes sustinēt vndecim pedum interuallo distantes, vt procul visentibus syluæ montibus suis imminere videantur. Syriæ Regem Babylonix regnantem, hoc opus esse molitum, memoriæ proditum est, amore coniugis victum; quæ desiderio nemorum sylvarumque in campistris locis vtrum compulit amœnitatem naturæ genere huius operis imitari. Hæc Curtius, Deinde addit: Diutius in hac vrbe, quàm vsquam, constitit Rex, nec vllus locus disciplinæ militari magis nocuit. Nihil vrbs eius corruptius moribus, nec ad irritandas illiciendasque immodicas voluptates instructius. Liberos coniugesque cum hospitibus stupro coire, modò pretium flagitij derur, parentes maritque patiuntur. Coniuiales ludi tota Perside regibus purpuratisque cordi sunt. Babylonij maximè in vinum, & quæ ebrietatem sequuntur, effusi sunt. Feminarum conuiuia ineuntium, in principio modestus est habitus: deinde summa quæque; amicula exuunt, paulatimque pudorē prophanant, ad vltimū, honos auribus habitus sit, ima corporum velamenta proiiciunt, nec meretricum hoc dedecus est, sed matronarum virorumque, apud quos comitas habetur, vulgati corporis vilitas. Hæc Curtius. Etsi verò maxima ex parte nunc deleta est, adhuc tamē à plerisque incolitur, suntque in ea decem & amplius millia ædificiorum quæ inhabitantur. In tanta vastitate etiamnum videre est cultissima rura, & innumerabiles hortos ædificiis coniunctos, atque item peramœna viridaria, pomiferis & odoratis confita arboribus. Visuntur etiam latissima arua, quæ ad segetem aratri profcinduntur, nec in ea syluæ nemoraque defunt, captiuis & inclusis feris dicata, vt ad voluptatem expedita venatio suppeditetur. Mediam urbem præterfuit Euphrates, lapideo sumptuosi operis ponte iunctus, & nunc Bagadath, id est, ciuitas vetus, ab indigenis appellatur. Hanc Solymanus Tammafo ademit vnà cum Assyria, & plerisque aliis locis finitimis, anno Salutis supra millesimum quingentesimum trigesimo quarto, sicuti superius à nobis enarratum est. Traianus, vt hoc etiam obiter subiungam, Babylonem profectus, mox aggerem reperit, quem excitasse ferebatur Semiramis: fuit altitudine pedum 25. latitudine 50. longitudine continebat stadia 70. vnde vrbs illius potentia perspicitur. Huius autem portas centum fuisse narrat, pari interuallo collocatas, & quandam insignis structuræ, cui impositum erat reginæ Nitocris sepulchrum, addita inscriptione: Si Rex pecunia egerit, aperito, & quantam volet, sumito. Euphrates ipsam urbem in duas æquales secabat, introitu & exitu, vtrunque ad duo stadia per medios muros patēte. Seleucia Seleucia. est vrbs in minori Armenia, & sita in iugo montis, sub cuius radice præterfuit amnis, magnitudine similis Meduaco. Iuxta hunc montem est Theatrum, instar Veronensis, valde amplum, & variis columnis ex solido & integro lapide præinctum, ac vndique suis gradibus exornatum. Portæ huius ciuitatis vtrunque vnum propugnaculum habent, & sunt ferreæ, atque altitudine circiter quindecim pedum, & amplitudine dimidij, operoso ac diuiti artificio elaboratæ, non secus quàm si essent argenteæ, suntque magna crassitudine, ac robore. Mœnia quoque sunt ingenti crassitie, intusque ac foris, præaltis aggeribus communita, qui ea vndique magna sublimitate præcingunt, adeò vt ascensus ab omni parte prohibeatur, hi que à muris tam largi conspiciuntur, vt in ima parte sit ambitus trium milliarium, & in vertice vnus

vnus tantum, estque ibi arx pulcherrimis mœnibus, ac turribus præsepta. Hactenus de insignioribus oppidis atque vrbibus Persico imperio subiectis, ac etiam de iis, quæ hac nostra tēpestate Ottomannicis Imperatoribus cesserunt. Priorum maior pars caret mœnibus, cum vires regni nō in mœnibus, aut lateribus, sed in virtute armatorum sitæ esse censeantur. Domus Persarum fiunt è luto & palea, sine vlla iucunditate aspectus, cum situs alioquin regionis sit longè amœnissimus. Magna illic est frumenti copia plerumque, quavis rarò pluat, cum pro imbribus vtantur fluuiorum irrigatione: magna est copia animalium, & veruecū in primis, qui tam fiunt pingues, vt caudarum pondus nonnullarum ad quadraginta libras accedat. Est tamen magna carniū caritas ob nationis voracitatem, cum quater quotidie saturi fiant senes, nedum iuuenes, habentque optimas & saluberrimas aquas quæ ad celerem digestionem plurimum sanè conducunt. Sunt pauperes coloni, nullis vtentes ornamentis, cum plerumque humi dormientes decumbant, quavis opulentioribus strata sint super tapetibus. Illud præterea hīc obiter dixerim, numisma Persicum sagittario fuisse signatum, sicuti veteres prodiderunt. Hinc factum est, vt Agēsilaus Lacedæmoniorum Rex, cum semel castra moueret, diceret, triginta sagittariorum millibus à Rege se ex Asia expelli. Tot enim aureis Daricis à Timocrate Athenas perlatis, ac inter oratores diuisis, populi ad bellum contra Spartanos suscipiendum cōcitati erant. Quin etiam constat, eos, imitatione Arabū, suis sicles & stateribus, impressisse imaginem sagittæ, vnde & sagittarij dicti fuerunt. Quatenus verò ad metallicas fodinas attinet, nullæ sunt apud Persas, hoc quidem tempore, quantum dignoscere

Qualia sint
Persarum æ-
dificia.

Persia fer-
tilitas.

Persæ olim
dicti fuerunt
sagittarij.

Quæ fodinæ
metallicæ
nunc sunt a-
pud Persas.
Persarum
montes quon-
dam auri
fertiles.

potui ex eorum relatione, qui hæc pro certo asserunt, auri, aut argenti, aut æris fodinæ, sed ferri duntaxat. Hæc tamen ad eos ex variis regionibus atque prouinciis transportantur. Verū enim uerò, Persiæ montes propter ipsius auri fertilitatem, olim celeberrimos extitisse constat. Nam Plautus inquit in Sticho:

Mereat Persarum montes, qui esse aurei perhibentur. & M. Varro:

*Non demunt animis curas ac religiones
Persarum montes, non diuitis atria Cræsi.*

Vsus gem-
marum apud
Persas.
Persicæ mu-
lieres.

Vnionum verò & margaritarum vsus apud eos, potius recens, quàm vetustus perhibetur, & nunc longè frequentissimum esse audio, ac præsertim inter feminas nobiliores. Persicæ autem mulieres, maiori ex parte subfusco colore esse feruntur, sed tamen vultu admodum venusto atque amabili.

Persarū ve-
teres mores
ac instituta.

Dij Persa-
rum.

Cæterum, vt quales olim fuerint ipsorum Persarum mores, leges, ac instituta, quàm plenissimè intelligatur, Strabonis verba, quæ extant circa finem libri xv. hīc subiicere non grauabor. De moribus, inquit, Persarum, etsi per multi dixerunt, tamen dicenda nobis videntur quæ ad rem attinent. Persæ nec statuas, nec aras erigunt, sacrificant in loco excelso. Cælum Iouem putant, colunt Solem, quem Mithram vocant: Item Lunam, & Venerē, & ignē, & tellurem, & ventos, & aquam. Sacrificant in loco mundo cum imprecationibus, & coronatam hostiam statuunt. Vbi magus, qui sacrificium enarrat, carnes in portiones distribuit, sua quisque accepta, abeunt, nulla parte diis relicta. dicunt enim Deum nihil velle, præter hostiæ animam: quidam, vt fertur, omenti partem igni imponunt. Præcipuè igni & aquæ sacrificant, igni arida ligna imponentes, adempto cortice, & aruina superiniecta: deinde infuso

Ignis violati
pena.
Aquæ sacri-
cium.

fuso oleo, succedunt, non inspirantes, sed ventilantes: si quis inspirat, aut mortuum quicquam, cœnũve in ignem iniicit, morte punitur. Aquæ sacra peragunt hoc modo: In lacum, vel flumen, vel fontem venientes, scrobem faciunt, ibique hostiam iugulant, cauentes, ne quid proximæ aquæ sanguine contingatur: sic enim omnia pollutum iri. postea carnibus myrto lauroque impositis, eas Magi gracilibus virgis comburunt, & factis imprecationibus quibusdam, oleum lacte ac melle mixtum inspergunt, non in ignem, nec in aquam, sed in terram. Imprecationes diu faciunt, fasciculum virgarum myricinarum tenuiũ tenentes. In Cappadocia, (erenim maxima est ibi Magorum ^{Cappadoci} multitudo, qui Pyrethi vocantur, & multa Persicorum Deorum templa,) nõ ^{Pyrethi.} cultro, sed stipite quodam mactant, tanquam malleo verberantes. Sunt & Pyrathia septa quædam ingentia, in quorum medio ara est. In ea Magi & cinerem multum & ignem inextinguibilẽ ac perennem seruant, & eò quotidie ingressi, imprecationes faciunt, per horam, ante ignem, virgarum fasciculum tenentes, pileis infulis velati ex vtraque parte dependentibus, adeò vt vitæ labia contegant ac malas. Hæc in Anaitidis & Omani delubris fiunt. Nam & horum ibi delubra sunt, & Omani statua in pōpa ducitur. Ista nos vidimus: quæ sequuntur, historici memoriæ mandauerunt. In fluuium Persæ non mittunt, nec lauant, nec abluuntur, nec cadauer iniiciunt, nec alia quæ immunda esse videantur. Cuicunque Deo sacrificent, primũ igni imprecationes faciunt. Reges habent ex eadem stirpe. Qui non paruerit, capite & brachio amputato proiicitur. Ducunt vxores complures, & multas pellices alũt, multiplicandæ sobolis gratia. Reges quotannis præmia proponunt iis, qui plures filios progenuerint: pueri ante quartum annum in patris conspectum non veniunt. Nuptiæ in initio verni æquinoctij celebrantur: sponsus in thalamum venit, comesto prius malo vel cameli medulla, præter id nihil eo die. A quinto, vsq; ad xx. annũ discunt sagittare, iaculari, equitare, & in primis vera dicere. Disciplinarum magistris continentissimis vtuntur, qui & fabulas ad vtilitatem accommodatas intexunt, cum cantu, & sine cantu, deorum & clarorum virorum facta celebrantes. Congregant eos in vnum locum, æris sonitu ante lucem excitatos ad arma, aut venationem. Præficiunt quinquagenis aliquem ex Regis filiis, aut Satrapæ, quem currentem sequi iubent, loco xxx. xl.ve stadiorum determinato. Postulant hi etiam orationem de singulis quæ illi didicerint, simul & vocem, & latum, & spiritum exercentes. Quin & aduersus æstum, frigus, imbres, & ad torrentium transitus eos condocesciunt, vt arma & vestes immadidas seruent. Pascere etiam, & in agro pernoctare docent, & rusticari, & fructibus syluestribus vesci, vt termintho, glandibus, pyris agrestibus. Atque hi Cardaces vocantur, furtis viuentes, nã carda virile ac bellicosum signat. Quotidianus eorũ cibus post exercitationem est panis durissimus, & nasturtium, & salis grana, & carnes assæ, vel elixæ: potus, aqua. Venantur autem, pila, & sagittas ab equis mittentes, & funda vten-
tes. Vespertina eorum sunt exercitia, arbores ferere, aut radices effodere, aut arma fabricari, aut lino & retibus studium impendere artificiosè faciundis. Pueri venationem non attingunt: sed mos est eam domum referre. Cursus & cæterorum quæ in quinquenniis exercentur præmia, ab Rege proponuntur. ^{Pyropum.} Pueri auro exornantur, cuius igneum fulgorem venerantur, quare id neque mortuo

Sagar Persi-
cus gladius.Persarum
cultus.

Cena.

Darius Lon-
gimanus.

mortuo apponunt, quemadmodum nec ignem, ob honorem quem ei deferunt. Militant, & ordines ducunt à xx. anno vsque ad quinquagesimum & pedites & equites. Forum non attingunt, nam nec emunt, nec vendunt. Armantur cetra in rhombi figuram facta, præter pharetram: sagares, & secures habent, capiti impositum pileum turritum, pectus thorace squamoso muniunt. Principes anaxyridem triplam habent, & tunicam manicatâ, duplam, genu tenus, interula candida est, exterior verò vestis colore infecta. Amiculum æstate purpureum vel floridum, hyeme autem floridû, tiaras magorum infulis similes, calciamentum altum & duplum. Vulgò tunicam duplam gerunt, ad medium vsque crus descendentem, circum caput sindonis cento voluitur. Quisque arcu & funda utitur. Persæ lautè cœnant, integra, & multa & varia apponentes, vestis & poculorum ornatus splendidissimus, auro & argento refulgent. De rebus maximis in vino consultant, eaque decreta ipsi firmiter censent, quàm quæ sobriè faciunt. Si notis & æqualibus in via occurrant, eos osculantur: si humilioribus, genam eis præbent, eaque osculum excipiunt: qui humiliores admodum sunt, duntaxat genu flexo digniores venerantur. Corpora mortuorum humant, prius cera oblinentes. Magos insepultos auihus edendos dimittunt. hi cum matribus instituto maiorum coeunt. Ac Persarum quidem mores sunt huiusmodi, quibus opinor addenda esse, quæ à Polycrito referuntur. Sunt autem hæc: Regum cuique Susis in arce domicilium extat, & thesauris, & tributorum quæ exegerit tabulæ, administrationis rei monumentum. Exigere eos ex ora maritima argentum, ex Mediterranea, quæ quæque regio ferat, ut colores, medicamenta, lanam, vel aliud tale, aut pecora. Tributa instituit Darius Longimanus, qui omnium hominum longè pulcherrimus fuit, dempra brachiorum & cubitorum longitudine, etiam genua contingentium. Maximam auri atque argenti partem in supellectile habent, in nummis perexiguam. Illam enim existimant & ad donandum magis aptam, & ad reponenda adseruandaque in thesauris cœmelia. Numismatis verò tantum sufficere arbitrantur, quantum vsui satis sit, & tantum auri percutiunt, quantum impensis sufficiat. Persarum mores magnâ ex parte moderati sunt. Cæterum per opulentiam Reges in delicias luxuque prolapsi sunt, adeo ut triticum ex Assis Æolica afferri vellent, vinum autem ex Syria quod Chalybonium dicitur, aquam ex Eulæo, quod ea omnium esset leuissima, ut Atticæ homine comparata, drachma minus appenderet. Ex omnibus autem barbaris Persis vsu venit, ut notissimi apud Græcos essent, quod nulli Græcis imperauerunt, eorum qui Asiam tenuere, præter eos, nec ij Græcos, nec Græci illos antea nouerant, nisi quantum fama percepissent admodum exili. Non enim Homerus Medorum, Syrorumve imperium nouerat: alioqui Ægyptias Thebas, & earum, & Phœnicum diuitias nominans, nequaquam Babylonis, Nini, & Ecbaranorum opes silentio transmisisset. Ac primò quidem Græcis Persæ imperauerunt, Lydi verò non toti Asiæ, sed partem solum cis Halym perexiguam, idque non diu, sed duntaxat Cræsi & Alyatis tempore. Et si quid gloriæ parauerant, amiserunt, à Persis subacti. Persæ, Medorum rebus in suam potestatem redactis, statim Lydos subegere: & Græcos, qui in Asia erant, sibi subditos fecerunt; postmodum in Græciam traicientes, magnis multisque certaminibus victi sunt. Asiam tamen vsque ad mare

mare tenuerunt, donec à Macedonibus sunt debellati. Cyrus primus iis imperium comparauit, cuius successor Cambyfes filius, à Magis sublatuſ est. Septem verò Persæ, qui Magos interemerunt, Dario Hyſtaſpis filio, imperium tradidère. Eius ſucceſſores in Naſem deſierunt: quem cùm Bagoa cunuchus interfeciſſet, Dariuſ Regem fecit, quanquam è ſtirpe regia non ortum. Hunc cùm Alexander euertiſſet, ipſe x. aut xi. annos regnauit. Poſtea Aſiæ imperium in complures ſucceſſores, & ab eis profectos diuiſum, tandem diſſipatum eſt. Permaſit annos circiter ccl. Hodie ſeorſum Persæ ſuum habent, & reges alijs ſubditos, antè Macedonibus, nunc Parthis. Hæc Strabo, qui etiam alibi de Perſis locutus, aſſerit, ipſos, ex omnibus Dijs Martem colere, & bellicoſos eſſe, ac neminem vxorem ducere, niſi prius hoſtis caput amputatum, ad regem pertulerit. Regem, caluaria in regio theſauro reſoſita, linguam minutim ſecare, ac pane permiscere, poſtea deguſtatam, ei qui attulit, & familiaribus edendam præbere, atque illum præclarum eſſe, cui multa capita ſunt allata. Cæterum de iisdem rebus quàm plurima extant apud Xenophontem in eo opere, cui tituluſ eſt De Pædia Cyri, vbi quàm pleniffimè videre eſt, quanta fuerit Perſicarum legum præſtantia: quæ exercitia cuique ætati præſcripta: quis fuerit Perſarum exercitus ordo: qui moſ in equitatu: quæ diſciplina: quæ in conuiuio modestia, & præraque alia obſeruatu digniſſima. Idem auctor circa initium libri ſeptimi, teſtatur, Perſarum ſignum fuiſſe aquilam auream extenſam in longa haſta. Quàm verò apud ipſos Perſas, ingrati animi crimen præ cæteris fuerit exoſum, ac deteſtabile, hiſ paucis verbis clariſſimè oſtendit. Nam, inquit, vehementer cauſam agunt ingrati tudinis. Et quem cognorint poſſe referre gratias, nec refert, in hunc ſeueriſſimè animaduertunt: quippe qui arbitrantur, eos qui ſint ingrati, & deos maiorem in modum negligere, & parentes, & patriâ, & amicos. Ingratitudinem verò poſſimum impudentia ſequitur, quæ ad omnem turpitudinem maxima eſt dux. De hoc execrabili ingrati animi vitio, præter cæteros ſcriptores, Antonius Campanus, vir ſingularis doctrinæ ac eloquentiæ, noſtrorum patrum memoria, tres pulcherrimos ac elegantiffimos libros edidit, quibus tituluſ eſt, De ingratitude fugièda, ad Pandulphum Balionium. Herodotus, inter reliqua poſteris tradidit, apud Perſas turpiſſimum fuiſſe, Mentiri, deinde ære alieno oppreſſum eſſe, quia neceſſe ſit multis debentem ſæpe mentiri. Perſarum inſtitutum, quo reges, tanquam Dei ſimulachrum adorabant, Plutarchus in vita Theiſtocolis apertiſſimè demonſtrat, inquit: Ad Regem Perſarum profectus, ad Artabanum tribunum militum incidit primùm. Cumque diceret, ſe Græcum eſſe, & cum Rege magnis de rebus communicare velle, & quæ ille vehementer expeteret: at ille, O, hoſpes, inquit, hominum inter ſe leges plurimùm diſſerunt, aliæque apud alios honeſta habètur: ſed omnibus pulchrum domeſtica inſtituta ſeruare ac retinere. Vobis itaque propoſitum eſt libertatem atque æqualitatem maximè admirari: nobis verò, cùm multæ atque pulcherrimæ ſint leges, illa omnium honeſtiſſima eſt, obſeruare regem, ſimulachrumque Dei omnia ſeruantis adorare. Si igitur noſtris legibus parere volueris, regemque adoraueris, faſ erit tibi intueri regem atque alloqui: ſi autem tibi alia mens eſt, internuntiis tibi cum rege vtendum erit: non enim patrium eſt regi, hominem minus adorantem audire.

Mars à Perſis colitur.

Perſarum ſignum.

Ingratitudinis crimen apud Perſas præ cæteris exoſum.

Perſarum inſtitutum, Reges, tanquam Dei ſimulachrum adorare.

Hæc ubi audiuit Themistocles, Ego, ô Artabane, inquit, gloriam huc & potentiam regis aucturus accessi. Proinde & ipse obtemperabo vestris legibus, posteaquam amico propitioque Persis Deo ita videtur, & mea opera plures etiam ex his, qui nunc regnant, vestrum adorabunt Regem. Quare nihil est, cur hoc sermones nostros remoretur, quos cum eo collocaturi sumus, &c.

*Mos antiquus
Persarum in
creandis Re-
gibus.*

Mos autem Persarum quo utebantur in creandis regibus, eodem auctore, hic fuit. Reges Pasagardas proficiscebantur, ut à Persarum sacerdotibus regio more sacris initiarentur. Erat bellicæ Deæ sacellum, quam verisimile est fuisse Mineruam. Eò ingressum regem, oportebat propriam vestem deponere, & quam Cyrus primus induerat, antequam regno potitus esset, assumere: caricis præterea vesci, & therminthum pro bellariis degustare, poculumque oxygalactis ebibere. Iis peractis, si qua fierent, haud cæteris, inquit, compertum est.

*Persarum in-
gens suspitio
de mulierum
suarum pu-
dicitia.*

Qualis autem Persarum mos fuerit in asseruanda mulierum pudicitia, Plut. in Themistoclis vita his paucis declarat: Barbarorum, inquit, natio plurima, & in primis Persarum, vehementer mulierum pudicitiam suspectam habet, in eaque re admodum aggressis est ac difficilis. Non enim coniuges modò, verum etiam auro emptas & pellices curiosè asseruant, & ne ab aliquo extero videantur, solliciti sunt, sic domi assidue oclusas habent. In itineribus obeundis sub tabernaculis clausis undique in vehiculis feruntur. Idem auctor in vita Artaxerxis: Vehementer enim, inquit, suspiciosum de mulierum pudicitia Barbaricum est genus, atque intemperans, ut non modò qui adierit, pellicemque regis attigerit, sed etiam qui ex itinere appropinquauerit, currusque,

*Venefici qua
pœna olim
affliciebantur
apud Persas.*

quibus vehuntur, impulerit, capite puniatur. Veneficij autem pœna apud Persas, ut hoc etiam obiter addatur, huiusmodi legibus vindicata est. Ampli erat petra, in qua illorù capita imposita, alia petra illidebantur, quoad faciem ac caput infregissent. Ceterum, qualis olim fuerit sepultura Persica, Agathias

*Sepultura
Persica.*

lib. 2. his verbis testatur: Hunc ex lege, inquit, seruant Persæ sepulture ritum, nudata ut carnibus ossa per campos dispersa iaceant, velint. apud hos namque in arcam vrnâve mortuos condere, vel terra obruere, haud quaquam fas est. Cadauer verò, ad quod non statim dilacerandum aduolent aues, aut canes accedant, hominis fuisse affirmant, qui inquinatis moribus fuerit, iniquiorisque animi, & dignus planè, qui in barathrum detrudatur, in prauisq; dæmonis ditionem ut veniat, & propinqui mortuum tunc maximè desunt, ut cui nihil putent spei reliquum esse, nec fati melioris participes fore. Quod si quam celerrimè mortuus deuoretur, beatum hunc & felicem dicunt, huiusque animam & demirantur quam maximè, & Deo similem faciunt, & dignam omnino quæ in campos Elysios deferatur. Hæc Agathias, & pleraque alia ibidem in hanc sententiam. Idem auctor, paulò post, de Allyriis, siue Chaldæis ac Medis locutus, hæc subiungit: Quod siue, inquit, cadauera, siue cineres Græcorum more exustos, illa contineant, haud tamen cum his aliquid habent, quæ Persæ hi facitiant, similitudinis: nec solum in sepulturis & mortuis, sed ne & nuptiarum quidem, & rebus Venereis flagitiosissimis ritibus, pro quibus præsentibus, & huius temporis Persæ sceleratius ac deperditè luxuriantur, qui non solum cum sororibus suis & consobrinis impudenter congregiuntur, sed cum filiabus vel genitores (proh scelus) miscantur, & quod omnium est impiissimum, (ô natura, ô leges) cum matribus filij. Persis au-

tem

*Flagitiosus
Persarum
incestus.*

tem fuisse nuper id sceleris adinuentum, ex eo, quod enarraturi mox sumus, nosse quis poterit. Ferunt, quondam magnam Semiramidem illam, & Assyriam, fuisse eò temeritatis euectam, ut cum Nino filio habere congressum voluerit, iuuenemque pertentasse: huncque reuientem concubitum, remque permolestè ferentem, pergentem ad facinus matrem protinus occidisse, patrareque id maluisse, quàm scelus committere. Non enim, si id lege permittebatur, Ninum duxerim ad id crudelitatis venisse, sed quid est opus nimium vetusta repetere? Paulò antè, quàm Macedones tantas res gererent, & Persæ destruerentur, Artaxerxem Darij ferunt, Parisatidem matrem, cum eodem malo afficeretur, quo & Semiramis, & secum rem habere percuperet, haudquaquam necasse, sed eiecisse iracundius, & propulsasse, quia nec pium id esset, nec patriū, nec in vita hominum consuetum. Sed huius temporis Persæ priscos mores omnes ferè omisere, & perinde iam euerterunt, alienisque legibus tanquam adulterinis vtuntur, ex Zoroastri desumptis Orimasdei disciplinis. Is autem Zoroaster, siue Zarades, nam duplici vocitatur cognomine, quo tempore in principatu floruerit, & tulerit leges, satis clarè internosci non potest. Persæ namque nostræ ætatis, Hytaspis temporibus, simpliciter tamen hunc fuisse affirmant: ita ut in ambiguo sit, nec planè satis dignosci queat, utrum Darij pater, an alius quispiam is fuerit Hytaspis. Sed quouis ille floruerit tempore, magister tamen & Persis fuit, & magici sceleris adinuentor, qui, prisco sacrorum ritu immutato, promiscuas quasdam & varias opiniones induxit. Hactenus Agathias, què constat floruisse Iustiniani temporibus.

Ninus matrem ob incastum expetitum interfecit.

Artaxerxes ab incastu abhorruit.

Zoroaster princeps Persarum.

Persis aurea aquila supra oblongâ hastam patentibus alis militare signum fuit: nonnunquam solis simulachrum, sacerque & æternus ignis. Quæ verò apud Romanos fuerint militaria signa, quæ iidem apud exteros, quove pacto educi consueverint, & quid tessera, quid vexillum sit, eleganter ostendit eruditissimus vir Alexander ab Alexandro, lib. III. cap. II. qui etiam ibidem asserit, Dario super tabernaculum imaginem solis crystallo inclusam, signi loco fulsisse in castris. Idem auctor lib. III. cap. XI. tradit, Persarum milites adeò abstemios fuisse, ut pane & aqua sæpius victitarent, panis condimentum, & obsonium, famem esse dictitantes, quibus tamen semel annis singulis inebriari permissum esset. At libro I. cap. XX. in quo disserit, in qua ætate milites apud Romanos legi consueverint, & quæ fuerit disciplina militaris, quòdve iusiurandum, hæc subiicit. Apud Persas magistri rei militaris, grandiori ætate fuere, nec citra annum quinquagesimum, sub quibus parata instructaque acie, parçè primùm, & modicè, mox exactissima cura militiam ediscebant, apud quos iuuentus à vicesimo ad I. annum militare cogebatur. Vltrà verò arma tractare vetitum. Quæ autè vota olim solennia fuerint apud Romanos, & quæ apud exteros, idem auctor fusè explicat lib. III. cap. XXII. De Ponti verò & Persarum regum vouendi consuetudine: Mos erat, inquit, ut in excelsis iugis, & summo vertice montium pyram construerent, alteramque desuper breuiorem, ipseque ad pyram ligna Rex inferret primus, Ioui que militari lac & mel inspergeret, & postquam vinum, mel & odores infuderit, velut propiciatio Deo, vota enunciaret, pulmètoque præparato, quod astantibus dabatur, pyræ ignem inferret, quo incendio æstuante aère, vix illuc accedere permittebatur. Quodnam autem regium diadema tam apud

Persarum signa militaria.

Magistri militie apud Persas grandæ.

Vouendi montis apud eosdem.

Regum Per-
sarum dia-
dema.
Cydaris ti-
ra Candys
regni inau-
guratio. j

Darij ultimi
Diadema.

Stola Semi-
ramidis.

Mos Persarū
in recen-
dis maximè
his militibus,
qui in praelio
interière.

Persarum lex
de ferendis
Regi mune-
ribus.

Romanos, quàm apud exteras nationes & gentes fuerit, eleganter declarat lib. i. cap. xxviii. & ibidem de Medis, Persis, & Armeniis regibus mentionem faciens, Cydaris, inquit, cum cœrulea fascia albo distincta, vel tiara, amictusque purpureus quadrangulari figura. Interdum Candys, quod Persarum Lydorumque insigne regium erat, pro diademate fuit. Quos quidem reges, antequam sceptrâ inirer, sacris initiari oportebat: qui modus erat, ut vestem, quam gestavit Cyrus, primum induerent, &c. Deinde, Persici, inquit, reges obseruauerunt ex myrrha & lapido odorata, capiti insigne regium ferre, palamque picturatam, & auro distinctam induere. Idem quoque subiungit, postremi Darij diadema fuisse purpureum albo distinctum, quod mox Alexander usurpauit ferre. Et quoniam ex his, quæ suprà recensuimus, apertissime constat, Persicos reges, priusquam sceptrâ capefferent, sacris initiatos, & vestem, quam gestarat Cyrus, prius induisse, ut, quænam hæc fuerit, clarius intelligatur, hanc à veteribus stola appellatam inuenio, eamque originem habuisse à Semiramide, ut testatur Diodorus Siculus rerum Ant. lib. iii. Ibi enim refert, Menonem Syriæ præfectum sub Nino, cum esset in obsidione Bactriana, longæ oppugnationis pertæsum, Semiramidem ipsius coniugem accersuisse: quandoquidem præ nimio amore absentis desiderium ferre diutius non posset. Hanc autem ad eum venisse indutam eiusmodi formæ stola, ut virne, an mulier esset, nequiret perspicere. Tuebatur, inquit, ea ab itineris æstu corporis calorem, agilis ad omne tempus. Cuius tanta erat commoditas, ut postmodum Medi, cum Asiæ imperarent, Persæque, stola Semiramidis vterentur. Id verò, quod de Persis in militiam ituris, me apud non ignobiles scriptores legere memini, haudquaquam silentio prætereundum videtur. Narrant enim, hos in bellum profecturos, ante regem in throno sedentem, cum duce ac vniuerso exercitu simul adesse solitos, & quemlibet sagittam vnâ in cophinos ad hoc paratos proiecisse. Hos deinde, regem suo sigillo signatos, diligenter custodiri iussisse. Vbi verò iam peracta militia, in Persidem redibant, quemlibet rursus sagittam suam ex his abstulisse, & postea regi nuntiatum, quotquot superessent sagittæ eorum qui non essent reuerfi. Qua ratione perspiciebatur, quòtnam in prælio cecidissent. Pulchra sanè ratio, & facilis ad mortuos dignoscendos erat.

Minimè autem & illud silendum est, quod inter cætera, de ipsis Persis meminit Ælianus, qui recenset quandam ipsorum legem de ferendis regi muneribus, atque ait, ipsos legem habuisse, quæ vna ex omnibus obseruantissime ab illis colebatur. Hæc autem huiusmodi erat. Cum Rex in Persiam equitabat, singuli pro suis facultatibus munera offerebant, ut qui agricultura dediti erant, & terræ colendæ operam nauabant, & qui sua manu laborabant opifices, neque nimis attrita & praua, neque nimis pretiosa & magnifica donabant: sed aut boues, aut oves: nonnulli etiam frumentum, siue vinum. Excunt autem ipsi, & præterequeranti, hæc à singulis apponebantur, & munerum nomine vocabantur, qua appellatione etiam ipse recipiebat. Qui verò his pauperiores erant, lac, palmas, & caseum ferebant, & alias primitias de ipsorum fructibus. Idem auctor lib. xii. scribit, Persarum consuetudinem fuisse, ut si quis de rebus obscuris ambiguisque consilium regi dare vellet, super aureo latere staret: atque si bona salubriaque in medium consu-

luisse

luisse visus esset, latere in consilij præmium accepto discederet: nihilominus tamen flagris cederebatur, si contrarium regi dixisset: At, inquit, meo quidem iudicio, libero viro iniuriam pro mercede rependere, non est æquum. Hucusq; Ælianus. Munera verò, quæ ipse rex dono dabat venientibus ad se legatis, siue ij ex Græcia, siue aliunde aduenissent, hæc erant: Vnicuique talentum Babylonicum argenti præstantissimi. Talenta verò, duæ fuerunt argenteæ phialæ. Conficit autem Babylonicum septuaginta duas minas Atticas. Item armillas, & acinacem dabat, & torquem: vniuersa hæc mille Daricis æstimata; adhæc, Stolem Mediceam, quam Dorophoricam appellabāt. Quibus autem disciplinis ac præceptis Persarum regis filios instruerent, Plato in Alcibiade priori disertè ac perspicuè docet. Primò autem de rege Lacedæmoniorum & Persarum locutus tradit, ipsoꝝ vxores ab Ephoris custodiri solitas, quò pro viribus cauerent, ne ex alio genere quàm Heraclidarum Rex gigneretur. At Persarum regem, ne suspicari quidẽ ullum, Regẽ ex altero, quàm ex sese nasci posse. Itaque nullam aliam fuisse coniugis regis custodiam, quàm metum. Vbi verò, inquit, maximus natus, ad quem imperium pertinet, filius in lucem prodierit, de veteri consuetudine primò eius natalem, quicumque in regno sunt, celebrant: simulq; in posterum quotannis eandem lucem sacris ac festis vniuersa Asia prosequitur. Mox verò nutriri puer incipit: neque id à quauis nutrice peragitur, sed ab ipsis duntaxat Eunuchis, qui in regis aula omnium optimi censeantur: nam illis iisdem reliqua omnia demandant, quæ ad pueri curam educationemq; pertineant. Præcipuè verò diligentiam adhibent maximam, vt natum ipsum decora & egregia forma habeant: ex quo membra eius & artus accuratè ac diligenter dirigunt atque componunt. Atq; hæc facientes illi, in magno honore sunt. Vbi verò septimum ætatis annum complerunt, ad equestris discipline magistros, atque in ipsas venationes mittuntur. Anno autem 14. curam eiusdem suscipiunt qui magistri regij nominantur: Hi quidẽ & ex vniuersa Persia delecti quatuor sunt, qui cæteris omnibus virtute præstent: videlicet sapientia, iustitia, temperantia, & fortitudine. Ex his verò primus eiusmodi magiam docet, quæ à Zoroastre Oromaze filio profecta est, quæ nihil est aliud, quàm Deorum cultus. Idemq; regia instituta tradit. Secundus commonet, vt in tota vita veritatem præcipuè colat. Tertius, ne quo affectu aut libidine superetur. Sed liberè vitam agere consueat: sibiq; ipsi primus imperare, nec alteri seruire. Quartus demum intrepidum illum & impavidum reddit, necubi metuendo seruus efficiatur. Hæc Plato. Illud autẽ notatu dignum, tametsi disciplina veterum Persarum in instituendis liberis passim ab omnibus multum laudata sit, vitio aliquo & culpa non caruisse, (adeò inter mortales nihil vsquam ab omni parte beatum,) nempe filiis tanquam seruis eos vti solitos fuisse, quod tyrannicum & inhonestum meritò censuit Aristoteles libro octauo Ethicorum cap. x. planè mihi antehac exciderat, nisi hoc in mentem reuocasset Theodoricus Liesveldius, magnus ac supremus Brabantiae Cancellarius, vir æqui iustiq; longè obseruantissimus, & qui ob singularem eruditionem, eloquentiam, pietatem fidemq; & amorem in patriam, ac reliquas eximias virtutes, iure ab omnibus colendus atque suspiciendus est. Cùm enim hanc meam de Persicis rebus historiam, priusquam typis euulgaretur, ipsi legendam

Munera legatis data à Regibus Persarum.

Filij Regum Persarum quomodo fuerint instructi.

Olim Persarum liberi loco seruorum habiti.

dam exhibuisssem, vtab eo, sicut moris est, diploma impetraré, postquam illa euoluisset, quæ de vetustis moribus Persarum retuli, animaduertit hoc à me præterminissum, cum probè meminisset, id se diligèter obseruasse apud Stagiritam, in cuius scriptis, vt in cæteris liberalibus disciplinis, ac præsertim in iure ciuili & municipali, egregiè atque insigniter versatus est, ideoq, me, (quæ ipsius fuit humanitas) amàter admonuit, vt istud etiam, memoratu haud sanè indignum, insererem, quod & lubens feci.

*Persarum
conuiuia.*

Quatenus verò attinet ad Persarum conuiuia, Athenæus, quem constat M. Antonini temporibus floruisse, libro III. cap. VI. ita posteris ac memoriæ mandauit. Scribuntur, inquit, hæc ab Herodoto, vbi Græcorum Persarumq, conuiuia inter se confert. Eum præcipuè diem supra reliquos omnes venerari Persarum legibus sancitum esse, in quo quisq, natus est: in quo etiam plura conuiuia parari dignum esse arbitratur, in quo & qui sunt diuites, bouem, asinum, equum & camelum totos in fornacibus assatos appofuerunt. At pauperes, oues exiguas apponere solent, paucisque cibis vtuntur, multisque, at iis non bonis bellariis. Atque ideo factum est, vt Græcos dicant Persæ, vbi conuiuantur, etiam famescètes cessare, quia nihil his memoria dignum post cœnam afferatur: quod si afferatur quid bonum, non etiam cessare. vino abundè vtuntur, neque illis ex opposito alicuius aut vomere licet, aut meiere. Hæc ita obseruantur. Cum facti sunt ebrij, de rebus eorum maximè seriis consulere consueuerunt: quod autem consultantibus placuerit, id die postero ædium præfectus ieiunis, vbi consultaturi conuenerunt, proponit. quod si ieiunis etiam placuerit, tunc id perficiunt; sin autem, omittunt. Rursus verò de quibus ieiuni consultarunt, ebrij decernunt. De Regum Persarum delitiis ita in Agesilao scriptum reliquit Xenophon: Quid Persarum Rex suauiter bibat, multi totum terrarum orbem peragrantes, inquirunt, atque infiniti propè quid suauiter comedat, machinatur. quot autem sunt, qui, vt dormiat, indagant, nullus profectò est qui dicere possit. Agesilaus autem, quia vir strenuus erat, omne quod contigerat, suauiter & viuebat, & comedebat, & ad commodè dormiendum quouis locus erat peropportunos. At in Hierone, vbi de iis delitiis agit, quæ Regibus, & de iis, quæ priuatis parabantur, hæc scripta reliquit: Noui, inquit Simonides, ita vulgus iudicare, nos suauius quàm priuatos, & bibere, & edere, quia videntur hi suauius edere, si nobis apposita cœna vescerentur, quàm ea quæ sibi apponitur; sed solitos cibos posse superare, id præcipuè voluptatem præbet, quare omnes homines festa suauiter expectant, præter Reges: his siquidè lautissimè semper paratæ mensæ, nullum possunt per festa augmentum accipere: ex quo fit, vt ex spe huius voluptatis primùm excident, minus habeant quàm priuati. Postea illud bene noui inquam, quod & tu sæpius expertus es, quod quanto plura præter necessaria apponuntur, tantò citius ciborum incidit satietas: quare eo ipso edendi tempore, is, cui multa apponuntur, minus iis habet, qui mediocriter viuunt: sed certè, inquit Simonides, eo ipso temporis spatio, quo animus cupit, multò magis hi lætatur, quibus lautissimi apparatus apponuntur, quàm illi, quibus frugalissimi. Theophrastus in lib. Deregno ad Casandrū, si modò legitimū est ipsius cōmentarium, multi enim Sosibij esse arbitrantur, in quod Callimachus poëta elegiacū epiniciū cōposuit, Persarū Reges scribit magnā
argenti

argenti copiâ per præconē proponere solitos iis, qui nouâ aliquam voluptatem inuenissent. Theopompus libro historiarum trigesimo quinto, Regem asserit Paphlagonum Thyn, dum cœnaret, centum ex omnibus in mensa apposuisse à bobus incipientem, & captiuum adductum ad Regem, atque in custodia seruatum, mox rursus ea nihilominus splendide viuientem, apponere. Quam rem cum audisset Artaxerxes, dixisse aiunt, quod hic sibi viuere videbatur tâquam citò moriturus. Idem Theopompus libro quarto decimo rerum Philippicarum, Cum Rex, inquit, ad aliquos, quibus imperat, accedit, viginti talenta in eius cœnam, aliquando etiam triginta, absumuntur. Hi verò multa etiam plura absumunt: vnicuique enim ciuitati pro ipsius amplitudine, veluti tributum, antiquitus cœnam parari est iussum. Heraclides autem Cumanus qui Persicas res scripsit, libro secundo inscriptorum Apparatuū, Qui seruiunt, inquit, Persarum Regibus cœnantibus, loti omnes, sumptuosasque vestes habentes, seruiunt, atque dimidium ferè totius diei in cœnâ studio versantur. Ex his, qui cœnant cum Rege, alij cœnant extra, ita vt omnibus intueri volentibus liceat, alij verò cum Rege, sed neque hi tamen cum ipso cœnant. At duo sunt inter se opposita domicilia, vnum, in quo Rex pranderet, alterum, in quo conuiuia: atque eò Rex aspicit, per portæ operimentum, illi autem Regem non vident. Accidit tamen aliquando, vt omnes diebus festis in eodem loco cœnent, quo tempore & Rex in magno palatio. Quando Rex ipse conuiuium exhibet, quod sæpe quidem facit, duodecim sæpius sunt Regis conuiuia. Atque quando cœnant, & Rex ipse solus, & conuiuia, hos quispiam ex Eunuchis aduocare solet, qui cum venerint, vnâ cum illo bibunt, at non tamen etiam idem vinum; hi que humi sedentes, ille in thoro pedes aureos habente, accumbit. Mox, cum ebrij fuerint, discedunt. Sæpius Rex solus & pranderet, & cœnat, quanuis aliquando vnâ mulier cœnet, & nonnulli filiorum. Post cœnam, pellices canunt coram illo, & tripudiant, vnaque incipiente, alia simul cunctæ canentes, hanc subsequuntur. Cœnam eam, quæ Regis appellatur, fama quidem est, esse splendidam; sed si diligentius perquiratur, studiose seduloque ordinatam esse, & eodem pacto multis potentibus Persarum apparari, inueniemus. Regi mille victimæ eodem die maectantur, inter quæ sunt equi, cameli, boues, asini, cerui, & plurimæ oues, multæ sunt & aues, quæ absumuntur, passeret & Arabici: sunt enim magna animalia, anseres, & galli, ex quibus moderatè singulis Regiis conuiuiis apponitur, quorum vnusquisque quod ex prandio reliquum fuerit, aufert. Maxima pars horum ciborum, victimarumque, quas Rex nutrit, in stipulatorum scutorumque aulam deportatur, vbi omnia intueri licet. Partes carniū paniumque æquas facientes distribuunt, nam sicut stipendiarij milites stipendiū æris in Græcia, ita isti victum à Rege accipiunt, qui pro stipendio dari illis consuevit. Aliis item Persis, qui sunt in principatu constituti, frequentes cibi in mensa apponuntur. Posteaquàm cœnarunt conuiuia, singulis seruis ciborum in mensa relictorum, relinquuntur autem carnes complures & panes: portionem distribuit is qui mensæ est præfectus, quam illi summentes, per totum diem habent nutrimentum. Accedunt ad Regem conuiuæ honorificentissimi ad prandium solū, vt excusationem consequantur, ne bis cogantur accedere, qui & ipsi conuiuas excipiunt. Scribit Herodotus

libro septimo, eos Græcos qui Regem exceperunt, Xerxiq̃ue cœnas præbuerunt, in tantas calamitates incidisse, vt extorres esse demum necesse fuerit cum viris Thasiis suarum ciuitatum, quæ sunt in Epiro, impensis Xerxis exercitum excipientibus, cœnamq̃ue præbentibus. Antipater ciuis quadringenta talenta absumpsit: argentea enim aureaq̃ue post cœnam apponebatur. Quare si bis Xerxes in eadem ciuitate comedisset, prandium simul sumens, extorris illa ciuitas continuò efficiebatur. Hæc ita, inquit, idem auctor libro nono historiarum. Regiam cœnam Rex ipse proponit, quæ semel tantum singulis annis paratur, eoq̃ue die quo Rex natus est, quæ cœna Persarum quidem idiomate, Τύχτα, at Græcè Annuum appellatur. Tunc caput solum purgat, Persisq̃ue mittit munera. Alexander verò Magnus cum frequenter vnà cum amicis cœnaret, centum minas vno die absumebat, circiter sexaginta aut septuaginta amicis apud eum cœnantibus, vt Ephippus Olynthius in cōmentariis de commutatione Alexandri Ephēstionisq̃; testatur. At Rex Persarum cum quindecim millibus virorum cœnabat, atque quadringenta talenta in cœnam absumebat, quæ pro Itala pecunia sunt quadringentæ ducentaq̃ue myriades: quæ, si in quindecim millia hominum diuidantur, singulos homines circiter centum & sexaginta nummos Italicos absumpsisse contingeret, ita vt æqua sit hæc impensa illi Magni Alexandri: is enim centum minas, vt Ephippus asserit, absumpsit. Hæc Athenæus.

De Magis,
& Magia.

Et quia, post obitum Cambysis, septem Magos regnum Persicum occupasse, antea commemorauimus, cumq̃ue Magus & Magia sit Persicum nomen, quo apud eos significabatur sapiēs, vt apud Græcos Philosophus, apud Gallos Druidæ, apud Ægyptios Prophetæ, seu sacerdotes, apud Indos Gymnosophistæ, & apud Assyrios Chaldæi; neutiquam ab instituto alienum fuerit, si de his rebus hæc pauca subiecero. Magorum nomen, honestissimum fuit apud Persas. Hoc enim illis tribuebatur, qui doctrinarum studiis de Deo, motibus corporum cælestium, ac rerum naturalium erant dediti, & excellabant, quibus etiam regij pueri educandi tradebantur. Hi, quia naturæ secreta altius rimari, & naturalem philosophiam inquirere, abdita illius mysteria, qualitates, proprietates, & totam rerum naturam, quantum quidē acie mentis & ingenij humani fieri potest, scrutari ac penitiùs introspicere consueuerant, admiranda opera efficiebant, humanum captum ferè excedentia, quæ naturalis Magia dicebatur. Hæc professio Magorum laude fuit dignissima, quòd huiusmodi cognitio dux esset ad Dei agnitionem, talem, qualem mēs humana post lapsum, extra verbum Dei reuelatum, ex naturæ contemplatione percipere potest. De hac, Ammianus Marcellinus libro XXXIII. mentionem faciens, ita scriptum reliquit. Magiam, inquit, opinionum insignium autor amplissimus Plato, Machagistiam esse verbo mystico docet, diuinorum incorruptissimum cultum, cui scientiæ sæculis priscis multa ex Chaldæorum arcanis Bactrianus addidit Zoroastres: deinde Hystaspes prudētissimus Darius pater, qui, cum superioris Indiæ secreta fidentius penetraret, ad nemorosam quandam venerat solitudinem, cuius tranquillis silentiis præcella Brachmanorum ingenia potiuntur, eorumq̃ue monitu rationes mundani motus, & siderum, purorūque sacrorum ritus, quantum colligere potuit, eruditus, ex his quæ didicit, aliqua sensibus Magorum infudit: quæ illi cum disciplinis præsen-

praesentiendi futura per suam quisque progeniem posteris ætatibus tradunt. Ex eo, per secula multa ad praesens vna eademque profapia, multitudo creata deorum cultibus dedicatur. Feruntque etiam, si iustum est credi, ignem cælitus lapsum, apud se sempiternis foculis custodiri, cuius portionem exigua, vt faustam, præisse quondam Asiaticis regibus dicunt. Huius originis apud veteres numerus erat exilis, eiusque mysterij Persicæ potestates in rebus faciendis diuinis solenniter utebantur. Eratque piaculum aras adire, vel hostiam contrectare, antequam Magus conceptis precationibus libamenta diffunderet præcursoria. Verum aucti paulatim, in amplitudinem gentis solidæ concesserunt, & nomen: villasque inhabitantes, nulla murorum firmitudine communitas, & legibus suis vt permissi, religionis respectu sunt honorati. Ex hoc Magorum semine septem post mortē Cambyſis regnum inisse Persidos, antiqui memorant libri, docentes, eos Darij factione oppressos, imperitandi initium equino hinnitu fortiti. Haecenus Ammianus. Cæterum, sicut fieri consuevit in plarisque aliis quoque rebus, vt homines, iis non contenti, latius euagantur, & mala quædam assuunt, vnde ipsæ quoque res malè audiant, & vocabula reddantur odiosa; idem his quoque honestissimis accidit studiis & professioni Magiæ. Hinc factum est, vt & Magorum, & ipsius Magiæ vocabulum, sicuti sophista, tyrannus, & id genus alia, infame sit, & in malam partem accipiatur. Distinctione itaque opus est, & duplicem esse ^{Duplex Magia.} Magiam fateri oportet, quarum altera, dæmonum tota opere & auctoritate ^{gia.} constet, quæ proculdubio execranda & portentosa est: altera nihil aliud sit, cum bene exploratur, quàm naturalis philosophiæ absoluta consummatio. Vtriusque cum meminerint Græci, illam Magiæ nullo nomine dignantes, ^{σοφιστικὴν} nuncupant, hanc propria peculiarique appellatione ^{μαγικὴν} quasi perfectam summamque scientiam vocarunt. Idem enim, vt Porphyrius quoque asserit, Persarum lingua Magus est, qui apud nos diuinorum interpret & cultor. Magna autem, imò maxima inter has artes disparilitas & dissimilitudo. Illā nō modò Christiana religio, sed omnes leges, omnis bene instituta Resp. damnat & execratur: hanc omnes sapientes, omnes cælestium & diuinarum rerum studiosæ nationes, approbant, & amplectuntur. Illa artium fraudulentissima: hæc altior sanctiorque philosophia: Illa irrita & vana: hæc firma, fidelis, & solida: Illam quisquis coluit, semper dissimulauit (quod in autoris ignominiā & contumeliā cedit) ex hac, scientia summa literarū claritas gloriaque antiquitus, & penè semper petita. Illius nemo vnquam studiosus fuit vir Philosophus, & cupidus discendi bonas artes: ad hanc Pythagoras, Empedocles, Democritus, Plato discendam nauigauerūt, exiliis veriùs (vt Plinij verbis utar) quàm peregrinationibus susceptis. Hanc reuersi prædicauēre, & in arcanis præcipuam habuēre. Illa vt nullis rationibus, ita nec certis probatur autoribus: hæc clarissimis quasi parentibus honestata, duos præcipuè habet autores, Zamoxildam, quem imitatus est Abaris Hyperboreus, & Zoroastrem, non qui fortè creditur, sed illum Oromasi filium. Est igitur hæc ^{Vera Magia definitio.} Magia nihil aliud quàm, iuxta Platonem, diuinorum scientia, qua, vt dictum est ex eiusdem sententia, filij Regum Persarum erudiebantur: & animi medicina, per quam scilicet, animo temperantia, & per illam corporis sanitas comparatur. In hac perstiterunt Charondas, Damigeron, Apollonius, Hostha-

mes,

nes, & Dardanus, qui cùm egregiè in magicis artibus præstaret, libros à se conscriptos in sepulchro fertur constituissè: quos Abderites Democritus, vir sagacis ingenij in perscrutandis naturæ viribus, diligentissimè requisivit, tum commentariis editis illustravit, disciplinamque ex illis reconditam, atque multiplicem accepit: quod & C. Plinius ad Cæs. Vespasianum testatur. In hac denique perstiterunt Eudoxus, Hermippus, & ferè omnes qui Pythagorica Platonicaque mysteria sunt perscrutati. Ut itaque nobilissimi, & doctissimi viri Ioannis Pici Miradulani verbis utar, illa nec artis, nec scientiæ sibi potest nomen vindicare: hæc altissimis plena mysteriis, profundissimam rerum secretissimarum contemplationem, & demum totius naturæ cognitionem complectitur. Hæc intersparfas Dei beneficio & interfeminatas mundo virtutes, quasi de latebris euocans in lucem, non tam facit miranda, quàm facienti naturæ sedula famulatur. Hæc vniuersi consensum, quem significantius Græci *συμπυρσία* dicunt, introrsum perscrutatus rimata, & mutuam naturarum cognitionem habens perspectam, materias adhibens vnicuique rei & suas illecebras, quæ magorum *ἰούρσες* nominantur, in mûdi recessibus & in naturæ gremio, in promptuariis arcanisq; Dei latitantia miracula, quasi ipsa sit artifex, promit in publicum: & sicut agricola vltimos vitibus, ita Magus terram cælo, id est, inferiora superiorum dotibus virtutibusque maritat. quo fit, ut quàm illa prodigiosa & noxia, tam hæc diuina & salutaris appareat: ob hoc præcipuè, quòd illa hominem, Dei hostibus mancipans, auocat à Deo: hæc in eam opem in Dei admirationem excitat, quam propensa charitas, fides ac spes certissimè consequuntur. Neque enim ad religionem ac Dei cultum quicquā promouet magis, quàm assidua contemplatio mirabilium operum Dei, quæ quidem efficit, ut in opificis cultum amoremque ardentius animati, illud canere compellamur: Pleni sunt cæli, plena est omnis terra maiestate gloriæ tuæ. Sacra literæ testantur, nato Seruatore humani generis, Magos ab Oriente ad eum venisse, ac dixisse: Vidimus enim stellam eius in Oriente, & venimus adorare eum, deductique à stella in domum Iacob ad Emanuel, per ea quæ obtulerunt munera, ostenderunt quis erat, qui adorabatur. Myrrha quidem, sicut testis est Irenæus lib. III. cap. x. quòd ipse erat, qui pro mortali humano genere moreretur & sepeliretur. Aurum verò, quoniam Rex, cuius regni finis non est. Thus verò, quoniam Deus, qui & notus in Iudæa factus est, & manifestus eis qui non quærebant eum. Hæc in præsentia de Magis, ac vtraque Magia. Ut autem de Aleceto Virgilius cecinit: Tibi nomina mille, Mille nocendi artes: sic specierum Magiæ, (de hac impia & fraudulentissima loquor) varietas & diuersitas, quarum meminerunt historiæ, penè infinita est. Ex innumeris autem, hinc obiter adiiciam quod scribitur de Pasete. Hunc aiunt natura mollem fuisse: at omnes mortales magia superasse: adeò ut ex incantationibus eius, & cœnæ sumptuosæ apparerent, & ministrantes quidam, quæ rursus omnia euanescebant. Dicunt etiam, hunc habuisse semiobolum ex mina à se factum, quem, cùm vendentibus à quibus emere aliquid volebat, daret, cùm volebat, ad eum redibat. vide Suidam pag. 764. item pag. 384. Huius meminit etiam Apion grammaticus, in lib. de Mago. Verum omiſsa enumeratione specierum, teneamus prohibitionem diuinam, quæ extat Leuit. 20. Anima, quæ declinauerit

nauerit ad Magos, & Ariolos, & fornicata fuerit cum eis, ponam faciē meam contra eam, & interficiam illam de medio populi sui. Nec sanè dubium est, quin, sicuti Moſis draco arrecta ceruice immani hiatu non aliter quàm obiectos pisces circumquaque petitos abſorbuit & deglutiuit omnes alios, qui ex virgis Magorum Ægyptiorum emerſerant: ſic ſathan his omnibus extremam perniciem ac interitum allaturus ſit, qui hæc impia ſectantur. Quòd autem Ioſephus lib. viii. Ant. de Salomone refert, ipſum videlicet, præter alia volumina, incantationes compoſuiſſe, quibus morbi ex humanis corporibus expellebantur, & coniurationum modos ſcriptos reliquiſſe, quibus cedentes dæmones ita fugatos dicit, vt in poſterum nunquam reuerti auderent: atque hoc ſanationis genus etiam ipſius tempore apud Iudaicæ nationis homines viguiſſe: quòd etiam ſcribit, ſe vidiſſe quendam ex ſuis popularibus, Eleazarum nomine, qui coram Veſpaſiano Auguſto, cuiusque liberis, ac tribunis, reliquiſque militibus, adminiculo huius ſcientiæ Salomonis, dæmonem ab homine fugaiſſe, multaque alia admiranda effeciſſe: in hoc equidem exiſtimarim, Ioſephum (quod ſanè tanti viri pace dictum velim: ſcio enim fuiſſe virum grauiſſimum, eximia eruditione, ac in omni antiquitate indaganda & illuſtranda ſedulo atque accuratè verſatum eſſe) communi errore deceptum eſſe, ipſumque Eleazarum fuiſſe hominem præſtigiatores, & ſathanicis artibus inſtructum. Libet autem hîc adiciere modum curationis, quo ipſum fuiſſe uſum teſtatur. Admoto, inquit, naribus dæmoniacy anulo, ſub cuius figillo incluſa erat radicis ſpecies à Salomone indicatæ, ad eius olfactum per naſum extrahebatur dæmonium; & collapſo mox homine, adiurabat id ne amplius rediret, Salomonis interim mentionem faciens, & incantationes ab illo inuentas recitans. Hæc ille. Caterùm, hæc omnia fuiſſe meras impoſturas, & dæmonis arte dæmonium expulſum, ipſumque Salomonem de huiusmodi rebus ne cogitaſſe quidem, nedum aliquid monumentis tradiſſe, hi mecum fatebuntur, qui, adhibito iudicio & ratione, rem omnem penitus introſpexerint. Porro de vtraque Magia extant etiam nonnulla apud Philonem in eo tractatu, cui titulus eſt, Quòd omnis probus, liber. Plinius quoque huius rei perſæpè meminit cùm aliis in locis, tum præcipuè libro xxx. cap. 1. Et de his quidem in præſentia ſatis ſuperque hætenus dictum ſit.

Priusquam verò huic operi ſupremam, vt aiunt, manum imponam, cùm in ſuperiori libro à me, inter cætera, demonſtratum ſit, quanti nam fuerint, Tammaſo imperatè, ſublatis portoriis & vectigalibus, Regni Perſici annuales prouentus, non grauabor hîc quàm pauciſſimis verbis oſtendere, quanta itidem fuerit regum Perſarum potentia, & opes, quibus à Cyro uſque ad poſtremum Darium, cum ſumma nominis celebritate atque amplitudine floruerunt, & quàm ingentes theſauros poſt ſe reliquerint, quod quidem facile cuius patebit, ex his, quæ hic modò ſubiiciam: ſed prius id breuiter dixerim, quo tempore Cyrus imperare cœpit, ipſos Perſas fuiſſe pauperes, eorumque regionem aſperam & incultam, ſicuti Arrianus teſtatur lib. v. At Cyrus, primus exitit, qui, vt diximus, Perſarum imperium conſtituit, & propagauit, eamque regionem cultam atque illuſtrem effecit. Hic, vt Strabo aſſerit libro xv. Paſagardas condidit, orbem ſitam in extremo angulo Perſidis Orientali, ad ipſum ſinum Perſicum, quæ poſtea fuit regum ſedes. Hic etiam condidit Cyropo-

Opes Regum
Perſarum.

Paſagarda.

Cyropolis.

Darius pri-
mus tributa
apud Persas
imperans.Persici regni
amplum
sub Artaxerxe.Regum Per-
sarum con-
tinua.

Cyropolis, cæterarum urbium eius gentis amplissimam & opulentissimam ac celliorem muro communitam, & in ea fuit ipsius regia. Etsi verò is permultas Prouincias suo imperio adiecerat, & magnæ opes inde annuatim colligebantur, quibus regum ærarium locupletius fiebat, hæ tamen haudquaquam tributi nomine dabantur: sed tanquam anniuersaria dona, ceu grati animi testimonium, à Satrapis, id est, Prouinciarum præfectis, ad Regem aliqua summa pecuniæ mittebatur. Darius enim Hytaspis filius, primus extitit, qui Persicum regnum in viginti satrapias, seu præfecturas distribuit, quibus postea singulos præfides adiecit, & tributa statuta fixaque indidit, & lege dicta, ut qui argentum tributi nomine penderent, talenti Babylonij pondere: qui aurum, Euboici, afferrent. Enimuero qui Persarum opibus expendendis nauauerunt operam, reges Persarum quaterna dena millia & quingenta talenta, vel Attica, vel Euboica, ex Asia tantum, & paucis locis Lybiæ tributorum nomine percepisse, ex antiquis auctoribus quidam asserunt: quæ doctissimus vir Gulielmus Budæus lib. de Asse quarto adamussim omnia dispūgit, & ad monetæ nostræ rationem ait efficere octies quinquies centena millia aureorum nostrorum. Hoc imperium deinde aliorum regnorum accessione tam longè lateque coaluit, & ad tantum fastigium euectum est, ut Artaxerxes, auctore Iosepho Ant. lib. XI. cap. VI. anno regni sui tertio ab India Æthiopiam usque, CXXVII. Satrapas constituerit. Quantæ autem opes in Persico fuerint imperio, & quàm infinitæ, ex eo iudicari potest, quod Ctesias & Dion, Persicæ historiæ scriptores, tradiderūt, regem Persarum ad cœnam suam quindecim hominum millia excipere solitum, in easque cœnas expendisse quadringenta talenta, quæ faciunt ducenta & quadraginta millia coronatorum, cum centum talenta sexaginta millibus extimentur, ut idem Budæus lib. de Asse 4. supputauit, ac etiã subiungit: Si hæ myriades in quindecim millia hominum diuidantur, singulos homines circiter centum & sexaginta nummos Italicos absumpsisse contingeret, ita ut æqua sit hæ impensa illi Magni Alexandri. Is enim cum frequenter vnâ cum amicis cœnaret, centum minas vno die absumebat, circiter sexaginta aut septuaginta amicis apud eum cœnantibus, ut Ehippus Olynthius testatur. Iosephus in eodem loco, cuius modò facta est mentio, addit, Artaxerxem, amicos & duces gentium Susis accepisse epulo sumptuosissimo, ut decebat, inquit, regem opulentum, magnificos centum octuaginta dierum apparatus ostentantem, cui plurimæ gentes, & earum legati, per continuos septem dies interfuerunt, & quo modo esset instructum, eleganter ostēdit. Ut verò summam, quantæ fuerint regum Persarum opes, ac thesauri, explicetur, Q. Curtius auctor est lib. V. Alexandrum Macedonem, post deuictum Darium in duobus præliis, cum Susam esset ingressus, Abulite illius regionis præfecto urbem tradente, incredibilem ex thesauris summam pecuniæ egisse, quinquaginta millia talentum argenti non signati forma, sed rudi pondere. Multi reges, inquit, tantas opes longa ætate cumulauerant liberis posterisque, ut arbitrabantur: quas vna hora in externi regis manus intulit. Idem auctor paulò post, cum ait Persopolim ab Alexandro expugnatam, & regiam direptam, atque incensam fuisse: narrat, in huius urbis Gaza fuisse reperta centum & viginti millia talenta, ad quæ vehenda, (namque ad vsus belli secum, inquit, portare decreuerat) iumenta & camelos à Susis & Baby-

Babylone contrahi iussit. Accesssere ad hanc pecuniæ summam captis Pasa-
gardis, sex millia talentum. Strabo autem lib. xv. sic eam enumerat. Pecunias
verò, inquit, omnes, quæ in Persia erant, Susa exportâdas curauit, quæ, quan-
quam & ipsa thesauris & supellectile plena erant, non tamen illic regiam ani-
mo destinabat, sed apud Babylonem, quam constituerat etiam supellectile &
instrumento regio adornare. Etenim illic quoque thesauri conditi erant.
Tradunt, præter eas pecunias, quæ Babylone, & eas quæ in castris erant, quæ
inde sumptæ non fuerant, ipsæ per se, quæ Susis & in Perside erant, x l. millia
talentum numerata & recognita fuisse: sunt qui dicant l. Nonnulli omnia
vndique Ecbatana cõportata, dicunt fuisse c. & lxxx. millia talentorum,
viii. millia verò quæ cum Dario è Media fugiente exportata sunt, ab iis di-
repta, qui eum occidere. Budæus libro de Atle 4. hanc pecuniæ summam ad
monetæ nostræ rationem referens, centies & octies millies mille aureos no-
stros valere existimat, hoc est, millies & octogies centena millia. Hæc verò
summa, vt idem tradidit, est multò maior, maxima omnium summarum,
quas vno tempore coactas in rebus Romanis legamus, & vt ad linguam no-
stram hæc summa referatur, sciendum est, quòd centum mille talentum, si ad
numisma & linguam nostram referatur, efficiet sexaginta Myriadas aureo-
rum, id est, sessanta milioni de scudi d'oro in oro. Diodorus asserit, ad eam
pecuniam vehendam, quæ fuit inuenta Persèpoli, opus fuisse mulorum &
camelorum tribus millibus, licet Hermolaus apud Curtium libro ix. exag-
geratione quadam in Alexandrum dixerit: At tibi triginta millia mulorum
captiuum aurum vehunt, cum milites nihil domum præter gratuitas cicatri-
ces relaturi sunt. Glareanus, in suis annotationibus super hunc auctorem, ci-
tans Diodorum de his tribus millibus mulorum & camelorum: Certè etiam
hic numerus, quantumuis magnus, inquit, aliquo modo ad veram rationem
deduci posse mihi videbatur. Si enim omnes summas Susis, Ecbatanis, Pasa-
gardis, Arbelis, Babylonis & Persèpoli inuentas computare volemus, tum
cogitare, non aurum solùm, sed & argenrum vectum, & pretiosa alia, vt lapil-
los, gemmas, ac margaritas: denique exaggerationem factam ab hoste peri-
turo Hermolao: non paruum adiumentum habebimus ad hunc locum fir-
miter constabiliendum: sed primum, Diodori locum in abacum reuocemus:
ac eo discusso, lectori non omninò stupido, reliqua de aliis locis diiudicanda
relinquemus. Persèpoli, inquit Diodorus, inuenta sunt auro ad argenti ra-
tionem reducto, centum ac viginti millia talentum. Qui numerus per sex-
centa ductus, producet summam 72000000. coronatorum. Iam quod ad pon-
dus attinet (portabant eam pecuniam mulorum ac camelorum tria millia,
vt dictum est) in Romanæ libræ besse comprehenduntur septuaginta duo co-
ronati. Est autem Bes libræ Romanæ, dimidium libræ Zygostaticæ, quæ ha-
bet coronatos centum quadraginta quatuor: per quos, si 72000000. diuidan-
tur, erunt libræ Zygostaticæ 500000. Hæ libræ, si per 3000. mulorū diuidan-
tur, singulis mulis euenient libræ 166. Ac supersunt 2000. libræ: quas si ad-
damus, incedent mulorum ac camelorum duo millia centenis sexagenis se-
ptenis: alia millia, centenis sexagenis senis libris. Nostra quidem aras, equi
vehunt ducenas libras: sed fortassis non in tam longum iter. Sed & vasa ipsa,
non tam commodè, quàm pecunia duci potuere: nec omnia in auro erant
o fortassis,

*Perfarum
Reges, Ma-
gni Reges
appellati.*

fortassis, sed & in ebore, argento, aliisque rebus, vt diximus, preciosis. Vt non omnino, si quis rectè secum animo omnes vbique summas colligat, ad eum quem in Persēpoleos thesauro ostēdimus, modum, absouum sit veritati, triginta millia mulorum aurum captum vehere Alexandro. Hucusque Glareanus. Minimè itaque mirādum est, si reges Persarum βασιλεί Μέγη, id est, Reges Magni appellabantur. nam ceteris, populorum addebāt nomina: vt rex Macedonum, rex Lacedæmoniorum. Quod autem Persici reges hoc nomine appellarentur, & omnino Magni essent, liquet cū ex aliis auctoribus, tum etiam ex Platone: siquidem Atheniensis quidam apud eum lib. 3. De legibus, vbi locutus esset de Assyriorum potentia, quam Nini tempore haud paruam fuisse dicit, statim subiungit: Quemadmodum igitur nunc nos Magnum Regem timemus. Nec enim dubium est, quin Persarum regem intelligat. Apud eundem Socrates in Aleib. 1. narrat, Lacedæmoniorum res, si ad Græcas opes conferantur, magnas quidem esse: at si ad Persicas, & Persarum regis, nihil esse: aitque, se audiuisse quendam fide dignum, aliquando ex iis, qui ad regem peruenerant, commemorantem: Transiisse regionem admodum spaciosam & bonam, propemodum vnius diei itinere, quam vocarent incolæ regiæ coniugis cingulum. Esseque alteram, quæ vocaretur Velum. Itemque alia multa atque præclara loca exempta ad mundum regiæ coniugis, habentia nomina singula, ab aliquo mundi genere. Verū, hæc omnia multò magis perspicua reddentur, si Aristotelis verba quæ extant 6. cap. de Mundo ad Alex. M. hîc subieccero. In quibus, quanta fuerit ipsorum potentia, splendor, & amplitudo, eruditè ac eleganter exprimitur. Quod etiam, inquit, in locis, quæ imperio magni Persarum regis parent, non vilissimum aliquod mancipium fecerit: sed proponatur augusta, vt referunt, species, Cambyse, vel Xerxe, vel Darij, quæ ad summam venerandæ maiestatis amplitudinem ornata sit. Nam fama celebrantur illi vel in Susis, vel in Ecbatanis commemorari nemini visi, admirandam quandam regiam incolentes, quæ quidem auro sit illustris, & electro, ac ebore fulgeat, nec desint fores multæ, & continuæ; vestibula item magno passuum numero inter se disuncta, valuis æneis, magnisque parietibus firmentur. Atque hunc apparatus extrâ ornatiorem reddunt primores homines, magna florentes existimatione, quorum alij ipsum regem stipant, vt satellites & ministri: alij septorum custodes, ianitores, & exploratores dicuntur, ita vt rex ipse Dominus & Deus appellatus, omnia videat, omnia audiat, Præter hos, alij constituuntur, Quæsttores, vel Diribitores potius, præfecti bellorum, ac venationum, & qui præsunt accipiēdis muneribus, qui que reliqua curant negotia, vt vsus postulat. Vniuersum autem imperium Asiæ, ab Occidente Hellesponto, ab Oriente Indis terminatum, gerendum susceperunt duces, præsides, reges, serui magni Regis, qui à pedibus de die sunt, exploratores, nuncij, excubitores, specularum custodes: quorum erat is apparatus, ea descriptæ collocationis ratio, tam rato ordine vices munerum constitutæ, eorum potissimum, qui è speculis vicissim ignem alij aliis efferunt ex vltimis imperij finibus vsque ad Susa, & Ecbatana, vt eodem die rex omnia quæ in Asia gerantur, cognoscat. ac propterea existimare debemus, magni regis præstantiam ad omnia continentis Dei maiestatem tantò minus perfectam esse, quantò illa est, si conferatur cum imbecillo & nequissimo

quissimo homine. Quapropter, si nihil ad decus eius pertineret se Xerxen videri, & omnia præstare, & quæcunque voluerit conficere, rebusque gerendis præesse, multo magis illiberale hoc ipsi Deo fuerit: immò grauius & decentius exilimabimus, ipsum constitutum esse summo in loco, & virtutem eius per vniuersum orbem diffundi, Solem & Lunam versare, & cælum totum conuertere, auctoremque esse salutis rerum, quæ terra cõtineantur. Hæc Aristoteles in eo cap. in quo agit de supremo Mundi principe, & moderatore vniuersi Deo. Nec sanè vllum Regem in terris inueniebat, qui (si parua magnis, & humana diuinis vllò modo comparare liceat) Dei amplitudinem hîc magis referret, quàm Persarum reges. Hi enim sic opibus affluebât, vt, quæ admodum Chares Myrtenæus in iis, quæ de Alexandri rebus gestis scripsit commentariis, testatur, habuerint ad caput quidem eius in quo cubabant lectuli, quinqueclinium cubiculum, in quo quinque millia auri talenta semper seposita iacebant: Hocque regis cervical appellabatur. Ad pedes autem identidem triclinium erat cubiculum, quod subpodium regium vocabatur, tria argenti millia in se continens talenta. Eodem etiam in loco supra regis lectulum, auream fuisse scribit vitem, aureis palmitum brachiis, racemorum simulachra ex preciosissimis magnæque indicaturæ lapillis conformata gestantem, tantaque demum illos licentiæ insania superbiaque inuaserat, vt obliti se esse homines, honores sibi etiam diuinis adhiberi iuberent. Cæterum, quatenus ad ipsorum delitias & molliitudinē attinet, ex veterum monumentis constat, eos, vt annua tempestatum deuitarent incommoda, varios regionum situs, terrarumque tractus mutare solitos. Hyeme nanque ob initiores cæli plagâ, Susis degebant. Est enim is regionis tractus cum salubris & temperatus, tum etiam inter paucos amœnissimus, Susamque Persarum lingua ob pulchritudinem lilium signare ferunt. In æstatis autem caloribus maximis, Ecbatana petebant, montosis sita locis, & algidis, frigidisque flacibus exposita. Autumnum verò omnem in Persæpoli trans mittebât, reliquumque postmodum anni spatium Babylone morabantur. Feruntque, illos regium capitis insigne, vt hac etiam parte delicatiores mollioresque essent, ex myrrha & labyzo impositum gestauisse. Est autem labyzus odoratissimum gummi, myrrhaque ipsa haud modicè sumptuosius. Adduntque etiam, præter mille selectos illos, quos melophoros, à malorum in thoracibus expressa effigie, denominabant, à tercentis etiam mulieribus assiduo custodiæ obsequio obseruatos fuisse: quæ interdum quidem dormiebant: Noctes verò insomnes ad lucernarum accensa lumina cantibus, variisque saltationibus transigebant. Ad quas Rex, si quando libuisset, per illorum aulas & diuersoria, quos melophoros appellari diximus, pedibus ire solebat, Sardianis, vt aiunt, tapetibus, vniuerso substrato solo, quos præter Regem calcare audebat nemo, sicque per omnia aularum transcurrens spatia, si quâdo exire quopiam concupisset, rarò equum, currum sæpius conscendere solebat, non per se, vt aiunt, quamuis altus non esset, neque satellitum sublatus manu, sed aurea innixus sella, quam huic destinatus muneri quidam, selliferque inde cognominatus, semper post illum deportabat. Domi autem, si quando admittere ad se quospiam voluisset, in aureo sedebat folio, quod quatuor hinc inde columnulæ preciosissimis ynde quaque distinctæ lapillis cingebant. De his etiam Plato in Alcibiade

Regum Persarum delicias.

Labyzus gummi.

cibiade priore sic breuiter, inquit. Quòd si vis iam intueri diuitias, & delicias, & vestitus, & implicatos amictus, & vnguentorum profusiones, & famulorum asseclarumque multitudinem, & ceteram vitam delicatam atque mollem Persarum, pudeat te profectò tui, sentientem, quanto interuallo ab illis relinquaris. Plura de horum Regum deliciis videre est apud Athenæum lib. 1111. cap. v1. vbi agit de Persarum conuiujs. libro autem x. cap. x1. tradit è Ctesia sententia, apud Indos Regi fieri ebrio non licuisse: Hinc ea vox Pori Indorum regis: Vini tantum bibo, quantum Soli libo. at apud Persas id vno die regi concessum fuisse, cum Soli sacrificarent. Eo die regem ebrietati studuisse, Persicoque more tripudiasse. Ex alijs verò, nullum fuisse in Asia, qui eo die tripudicaret. Sed omnes solitos abstinere. Literarum quoque monumentis proditum est, in Susiana regione Chaspium flumen præterfluere, quod ab Vxiis ortu habet, cuius aqua, vt ait Herod. lib. 1. decoctam, & in argentea vasa diffusam, ferentes permultæ carrucæ quatuor rotarum, multis trahentibus, regem assidue comitabantur, quoscunq; ille proficiscebatur. Nec aliam aquam bibere consueuerat. Athenæus hîc, cuius mentionem fecimus, libro 2. tradit, Ctesiam Gnidiu narrasse, quomodo regia hæc Choaspis fluij aqua coqueretur, & quomodo vasis imposita, deferretur ad regem, additque, illam & leuissimam & suauissimam esse. Memini insuper, me legere apud Plutarchum, Dinonem tradidisse, Persicos reges aquam etiam à Nilo & Istro in thesauris reponere consueuisse, vt ea re testarentur magnitudinem sui imperij omnia complectentis.

Hæc in præsentia de imperio regni Persici, deque his rebus, quas, huius operis initio, me enarraturu, sum pollicitus. Quod superest, Deo Opt. Max. immensas atque immortales gratias ago, cuius singulari clementia & inexhausta bonitate factum est, vt eò tandem peruenerim, quò hætenus longum maris emensus spatium, ceu nautæ ad Cynosuram solent, clauos & rostra direxeram. Huic itaque, per Iesum Christum, vnicum seruatorem ac liberatorem nostrum, vnà cum diuino ac cælesti Pneumate sit omnis laus, honor, & gloria in perpetuum.

F I N I S.

EX

437

EX C T E S I Æ S C R I P T I S Q V Æ

PERSICA NOMINATA SVNT, EXCERPTÆ A PHOTIO

historiæ, paucis ab hinc annis Latinè
primùm redditæ.



CTESIÆ Gnidij Persica libris viginti tribus continentur: sed in sex prioribus res Assyriorum, & quęcunque res Persicas præcelsere, tractat: à septimo autem libro de Persicis rebus agit: at in septimo, octavo, nono, decimo, undecimo, duodecimo, & decimo tertio, quę ad Cyrum, & Cambysem, & Magum illum, Dariumq̃, & Xerxem spectant, commemorat: ferè in omnibus repugnantia Herodoto narrans, illumq̃ in multis mendacem & scriptorem fabularum appellans: illo enim posterior est. Se autem eorum quę narrat, magna ex parte oculatum testem fuisse, aut cerè quę videre non licuit, de iis à Persis qui viderant, edoctum, ita demum ea memoriæ prodidisse dicit. Nec verò tantummodò ab Herodoti, sed etiam in aliquibus à Xenophontis Grylli filij historia dissepit. Floruit temporibus Cyri Dario & Parysatide geniti: qui frater fuit Artaxerxis, ad quem regnum Persarum deuēnit. Scribit itaque statim de Astyage, eum genere Cyro iunctum non fuisse: illumq̃ etiam Astygam vocat. Fugisse autem Astygam à conspectu Cyri in Ecbatana, & in criseranis regiarum ædium ab Amyti filia sua & eius viro Spitama occultatum fuisse dicit. at superuenientem Cyrum, non solum Spitaman & Amytin, sed eorum etiam liberos Spitacem ac Megabernem de Astyga per cruciatus interrogari voluisse: Astygam verò seipsum patefecisse, ne propter se pueri cruciarentur, captumq̃, & compedibus crassis ab Oebara vinctum: nec multò post, ab ipso Cyro liberatum, & non secus ac patrem honoratum obseruatumq̃ fuisse: filiamq̃ Amytin primùm quidem tanquam matrem in honore habitam, postea verò Cyro nupsisse, cum Spitamas eius vir esset interfectus, propterea quod mentitus esset, ignorari à se dicens Astygam, de quo interrogabatur. Hęc dicit Ctesias de Cyro, iis quę ab Herodoto referuntur, dissimilia. Itemq̃ illum aduersus Bactrios pugnauisse, & eam pugnam æquo Marte gestam fuisse: sed Bactrianos, postquam Astygam Cyri patrem factum esse, Amytin autem matrem & vxorē, intellexerunt, sponte seipsos Amyti & Cyro dedidisse. Tradit etiā, Cyrum cum Sacis bellum gessisse, & Amorgem Sacarum regem Sparethra maritum cepisse: eam autem, capto marito, exercitum coēgisse, bellumq̃ Cyro intulisse, & virorum quidem trecenta millia, mulierum verò ducenta in aciem eduxisse: & Cyrum superauisse, viuūq̃ eum cum multis aliis cepisse, itemq̃ Parmisem Amytis fratrem, & tres eius filios, propter quos postea Amorgem liberatum fuisse, quod & ipsi liberati fuissent. Tradit etiam, Cyrum Amorgis ope adiutum, Cræso & Sardibus bellum intulisse. Narrat etiam, quomodo Oebara cōsilio lignea Persarum simulachra in muro conspecta, timorem incolis iniecerint, & propter hanc causam ipsa vrbs capta fuerit: & quo pacto ante captam urbem, Cræsi filius pro obside datus fuerit,

o 3

cūm

cum Cræsus diuino quodam spectro deceptus fuisset. Narrat etiam quomodo dolos nesciente Cræso, filius in eius conspectu fuerit interfectus, & mater hanc calamitatem intuita, seipsam ex muro præcipitarit, nec tamen mortua sit: & quomodo capta vrbe, ad Apollinis ædem, quæ erat in vrbe, confugerit, ac mortua sit: & quomodo ter in templo vinctus à Cyro Cræsus, tertium arte oculos fallente solutus sit, quamuis templo sigilla circumposita essent, eorumque custodia Oebaræ commissa esset: quomodo item illis qui vnà cum Cræso vincti fuerant, amputata fuerint capita, vt quorum proditiōe solutus Cræsus fuisset. Narrat etiam, Cræsum in regias ædes adductum, vinctumque firmitus fuisse: sed cum tonitrua fulminaque irruissent, rursus fuisse solutum: tuncque Cyrum vix tandem eum missum fecisse. à quo tempore Cyrus cum aliis humanitatis officiis eum persecutus sit, tum verò vrbe magnam nomine Barenen prope Ecbarana ei donauerit: in qua erant quinq; millia equitum, peltatorum autem iaculatorumque & sagittariorum decem millia. Commemorat item, quomodo Cyrus Petisacan eunuchum, qui apud ipsum plurimum auctoritate valebat, in Persas miserit, vt Astygan à Barcaniis adduceret: nam & ipse, & Amytis filia patrem videre cupiebat. Quamobrem item Oebaras consilium dederit Petisacæ, vt in deserto loco Astygan relinqueret, & fame siti que conficeret: id quod factum est. At in somnis scelere patefacto, Petisacas puniendus traditur Amyti, qui eum exposcerat. Illa verò oculos eius effodit, pellemque detraxit, & cruci deinde affixit. Oebaras autem, timens, ne eadem quæ ille, pateretur, quamuis Cyrus nihil tale se permitturum affirmaret, nihilominus decem dierum inedia ipse sibi mortem consciiuit. Astygas verò magnificè splendideque sepultus est, atque in deserto loco cadauer eius intactum permansit, neque fuit à feris comesum. Leones enim cadauer eius, donec Petisacas reuersus acciperet, seruabant. Cyrus autem aduersus Derbices expeditionē suscipit, quorum rex erat Amoraus: at Derbices ex insidiis producunt elephantes, ac Cyri equites fugant, vbi ipse Cyrus ex equo cecidit, & quidam Indus. nam Indi Derbicibus in bello opem ferebant: à quibus etiam acceptos elephantes in bellum ducebant. Hic igitur Indus, cum Cyrus iam cecidisset, eum iaculo vulnerauit sub coxa in fæmore: ex quo vulnere postea mortuus est. tum verò ipsum adhuc viuum, cum familiares sui erexissent, ad castra profecti sunt. Occubuerunt autem in pugna illa multi Persæ, & æquales numero Derbices. nam illorum quoque decem millia erant. Amorges verò cum audiuisset, quod Cyro ceciderat, festinanter venit Sacarum, equitum viginti millia ducens; & cum Persæ ac Derbices inter se conflixissent, tam strenuè Persæ ac Sacæ pugnarunt, vt penes eos victoria fuerit: interfecto Derbicum rege Amora cum duobus eius filiis. occubuerunt autem Derbicum triginta millia: Persarum nouem millia, & regio in ditionem Cyro concessit. Cyrus verò sub mortis tempus, Cambysem primum filium regem creauit: iuniorem verò, nomine Tanyoxarcen, dominum Bactriorum, & ipsius regionis, necnon Chorumniorum, Parthorumque, & Carmaniorum, & vt suas regiones à tributo soluendo liberas haberet, statuit. Ex Spitamæ autem liberis, Spitadem quidem Derbicibus præfecit. Megabernem autem Barcaniis: eosque matri in omnibus obtemperare iussit. Quin etiā illos & mutuò, & cum Amorge dexteras in ami-

in amicitiae testimonium iungere voluit: & illis quidem, qui in mutua bene-
uolentia permanerent, omnia fausta precabatur: at illos, qui priores iniuriam
illaturi essent, deuouebat. His dictis diem suum obiit, tertio à vulnere accepto
die, cum annos triginta regnauisset. Atque hic finem habet vndecimus Cte-
siae Gnidij liber. Duodecimus verò à regno Cabyfis incipit. Hic regnans,
iussit patris corpus per Bagapetem eunuchum apud Persas sepeliri, & alia,
quemadmodum à patre constituta erant, administrauit. Plurimum verò apud
ipsum auctoritate valebat Arrasyras Hyrcanus: ex eunuchis autem Ixabates,
& Aspadates, & Bagapetes, qui etiam apud patrem maximus fuerat. Post Pe-
sitacæ autem mortem, hic aduersus Ægyptum & Amyrtæum Ægyptiorum
regem, exercitum ducit, cum Combapheus eunuchus, qui plurimum apud
Ægyptiorum regem poterat, pontes & alias Ægyptiorum res prodidisset, ut
ipse Ægypti præfecturam consequeretur. Id quod factum est. Ita enim cum
eo Cambyfes pactus fuerat, primum per Ixabatem Combaphei patruelem,
& suis ipse verbis postea. Cum autem Amyrtæum viuum cepisset, nullo
alio detrimento ipsum affecit, nisi quod illum in Susa cum sex millibus Ægy-
ptiorum, quos ipse delegit, relegauit. Sed & vniuersam Ægyptum subegit:
obieruntque in ea pugna Ægyptiorum quinquaginta millia, & Persarum
viginti. Quidam autem Magus, cui nomen erat Sphendadati, cum fuisset ob
delictum verberibus à Tanyoxarce cæsus, accedit ad Cambytem, & apud
eum fratrem Tanyoxarcem accusat, eum ipsi insidias moliri dicens: argu-
mentum etiam rebellionis addens, quod, si vocaretur, non veniret. Camby-
ses igitur fratrem ad se venire iubet. Ille verò aliquo negotio detentus, pro-
fectionem distulit. Tunc verò Magus eum audacius criminari. At mater
Amytis verba Magi suspecta habens, Cambysem filium, ne fidem haberet
Mago, admonebat. At rex se non credere fingeat: cum tamen maximopere
crederet. Cum autem tertio à Cambyse frater esset accersitus, venit: ipsumque
frater amplexatus est, cum nihilominus de illo interficiendo cogitaret. Sed
hanc cogitationem ad exitum inscia Amytide perducere conabatur. id quod
perfectum est: nam Magus consilium cum rege communicans, hunc dolum
machinatur. Cum ipse Tanyoxarci esset simillimus, consilium regi dat, ut
ipsi tanquam falso fratris regis accusatori, caput abscindi coram omnibus in-
beat: clam autem Tanyoxarcem interfici imperet: quin etiam illius vestem
sibi indui Magus postulat, ut ex ipso vestitu Tanyoxarces esse iudicetur. atque
hæc fiunt, nam hausto sanguine Taurino interficitur Tanyoxarces: at Ma-
gus illius veste induitur, & Tanyoxarces existimatur, diuque latet omnes,
præter Artosyran, Bagapetem, & Ixabatem. his enim solis rem Cambyses
aperire ausus est. Cambyses autem Labyzo qui primus erat inter Tanyoxar-
cis eunuchos, & aliis ad se vocatis, Magum illa veste indutum, ostendit se-
dentem, dixitque: Hunc esse Tanyoxarcem existimatis? Labyzus verò mira-
tus, Quem alium, dixit, esse putemus? Adeo propter similitudinem Magus
latebat. Mittitur ergo ad Bactrios, & omnia non secus ac si Tanyoxarces esset,
administrat. Post annos verò quinque, res tota declaratur Amyti per Tibe-
theum eunuchum, quem Magus verberauerat, petitque Sphendadatem à
Cambyse, quem dare noluit: quamobrem illa eum execratur, & hausto
veneno moritur. Sed contigit, ut sacrificante Cambyse, cum victimæ ingu-

larentur, sanguis non flueret, qua ipse ex re Magis etiam deiecto animo erat. Sed & Roxane puerum capite carentem peperit: Magique ipsi dicebatur, hanc prodigiorum significationem esse, nulli regni successorem ab eo relictum iri. Mater etiam noctu illi in somnis apparens, ob eadem perpetrata minabatur: ideoque magis etiam angebatur. Cum autem Babylonem accessisset, & ibi paruum lignum cultro poliens, tempus ut falleret, femoris musculum percussisset, undecimo die morte obiit, cum duodeviginti annis regnauisset.

Bagapetes autem & Artasyras, antequam Cambyses moreretur, consilium inierunt regni Mago tradendi, qui quidem illo mortuo regnum adeptus est. At Ixabates sumptum Cambydis corpus in Persidem portauit, unde veniens, dum Magus sub Tanyoxarcis nomine regno potiretur, de eo apud vniuersum exercitum indicium professus est, eumque infamauit. Quod cum fecisset, in templum confugit: indeque comprehensus est, & ei caput abscissum. Unde septem inter Persas principes viri una aduersus Magum conspirauere, Onophas, Idernes, Norondabates, Mardonius, Barissēs, Artaphernes & Darius Hystaspis filius. Hi, cum inter se fidem dedissent, assumitur etiam Artasyras, prætereaque Bagapetes, qui clauēs omnes regiarum adium habebat. Illi igitur septem viri Bagapetis opera in regias aedes ingressi, Magum inueniunt cum pellice Babylonia dormientem. Qui, cum illos vidisset, profiliit, & nullo instrumento bellico reperto, (quoniam omnes Bagapetes clam subtraxerat) sedile aureum confregit, eiusque pede arrepto, cum pugnaret, tandem à septem illis viris vulneratus, mortem obiit, cum septem menses regnauisset. Regnat verò ex septē illis viris Darius, cum eius equus iuxta id quod inter eos conuenerat, arte quadam adhibita, primus post solis ortū hinnisset. Cæterum quo die Sphendadates Magus interfectus est, festum Magophonia apud Persas celebratur. Hic Darius sepulchrum sibi extrui in duplici monte iubet, atque id extruitur: sed cum id videre cuperet, à Chaldæis & parentibus prohibetur. Cum autem parentes eius ascendere voluissent, ceciderunt atque interierunt: cum sacerdotes, qui illos sursum trahebant, illud conspicati, & inde timore correpti, funes laxassent: quæ res ingentem Dario mœrorem attulit: & illis qui eos trahebant, numero quadraginta, amputata capita fuerunt. Darius præterea Ariaramnē Cappadociæ Satrapam, aduersus Scythas proficisci, & viros feminasque captiuos abducere iubet. Ille autem cum triginta nauibus quinquagenū remorum traiciens, id executus est. Comprehendit autem & fratrem regis Scytharum Marsagetem, cum eum à suo fratre ob malè administratum munus in vincula coniectum inuenisset. At Scytharces Scytharum rex, iratus, literas Dario scripsit contumeliosas, & similiter ipsi responsum est. Darius tandem octingentorum millium exercitu coacto, & Bosphoro Istroque ponte iunctis, aduersus Scythas profectus est, & quindecim dierum itinere progressus est, sibi que mutuo arcus miserunt. Sed cum Scythici validiores essent, Darius pontes transiit, atque festinanter dissoluit, antequam totus transiret exercitus: quare Scytharces octoginta illa hominum millia in Europa relictā, interfecit. Darius verò, cum pontem pertransisset, domus templaque Chalcedonensium combussit: quoniam pontes, qui versus regionem suam spectabant, dissoluere tentauerant, & aram, quam Darius transiens in honorem Iouis Diabaterij statuerat, euerterant.

Datis

Datis autem ex Ponro rediens, & Medicum exercitum ducens, insulas Græciamque populabatur: cui apud Marathonem Miltiades occurrit, vicitque Barbaros: & ipse quoque Datis occubuit, eiusque cadaver petentibus Persis denegatum fuit. Darius autem ad Persas reuersus est, vbi celebratis sacrificiis, cum triginta dies morbo laborasset, mortuus est, qui annos ante regnum vixerat, & annos vnum & triginta regnauerat. Obiit etiam diem suum Artasyras. Bagapates autem, cum sex annos sepulchro Darij assedisset, mortuus est.

Regnat Xerxes filius eius, apud quem Artapanus Artasyræ filius, maximam obtinet auctoritatem, quemadmodum eius pater apud patrem regis obtinuerat, itemque Mardonius antiquus. Ex eunuchis autem, plurimum apud eum poterat Natacas. Xerxes vxorem ducit Onophæ filiam Amistrin, ex qua filium suscipit Dariam: & post biennium, alterum Hystaspen nomine: & præterea Artoxerxem: duasque filias, quarum vna, Amytis nomine auia vocatur; altera, Rhodogune. Xerxes aduersus Græcos expeditionem suscepit, quod Chalcedonenses pontem soluere conati essent, quemadmodum iam dictum est, & aram à Dario erectam diruissent: quodque Datin Athenienses interfecissent, neque cadaver eius dare voluissent. Primum igitur Babylonem profectus est: & Belitanæ videre sepulchrum exoptauit: viditque, opera Mardonij adiutus: & vnam olei non potuit, quemadmodum scriptum erat, implere. Inde Ecbatana profecto, defecisse Babylonios, & Zopyrū suum ducem interfecisse nuntiatur. In hunc modum de his loquitur Ctesias, non quemadmodum Herodotus. nam quæcunque hic de Zopyro (nisi quod mula ipsi pepererit) ille à Megabyzo facta fuisse scribit, qui Xerxis gener erat, cum filiam eius Amytin vxorem duxisset. Ita Babylon capta est per Megabyzum: cui Xerxes, præter alia multa, molam auream sex talenta pendentem donauit, quod apud Persas omnium regionum munerum est pretiosissimum. Xerxes autem, Persico exercitu coacto, qui ex millibus octingentis constabat, præter currus, instructis etiam mille triremibus, in Græciam profectus est, Abydumque, ponte iunxit. Ad eum Demaratus Lacedæmonius tum primum accessit, & cum illo traiecit, eumque ab inuadenda Lacedæmone prohibuit. Xerxes porro per Artapanum quindecim millia ducentem, apud Thermopylas cum Leonida Lacedæmoniorum duce prælium iniit, in quo magna Persarum cæsa est multitudo: ex Lacedæmoniis tantummodò duobus aut tribus interfectis. Postea viginti millia in aciem educi iubet: qui & ipsi superantur. Cum autem verberibus etiam cæsi, ut acriores ad pugnam redderentur, nihilominus victi fuissent, quinquaginta millia iubet educi: & cum nihil proficeret, bellandi finem fecit. Sed Thorax Thessalus, & apud Trachinenses potentissimi Calliades & Timaphernes cum exercitu aderant: quos Xerxes cum vocasset, vnaque Demarathum & Hegian Ephesium, Lacedæmonios nulla ratione vinci posse, nisi circumdarentur, intellexit. Persarum itaque quadraginta millia, cum duo illi Trachinienses per inuia eos duxissent, Lacedæmonios à tergo adoriuntur: qui circumdati, omnes ad vnum fortiter pugnantes occubuerunt. Rursus Xerxes aduersus Plataenses exercitum centum & viginti millium mittit, & Mardonium eius ducem constituit. Qui autem Xerxem in Plataenses concitabant, erant Thebani. Mardonio occurrit Pausanias Lacedæmonius, trecentos Spartanos & mille accolas, ex aliisque urbibus

urbibus sex millia secū ducens. Ibi superato exercitu Persarum, Mardonius vulneratus aufugit. Hic Mardonius, cum à Xerxe ad diripiendam Apollinis ædem missus esset, ingruente ingenti grandine oppressus moritur: quæ res Xerxi maximum inœrorem attulit. Is cum suis copiis Athenas proficiscitur: sed cum Athenienses, armatis centum & decem triremibus ad Salaminem fugissent, urbem vacuam cepit, quam incēdit, præter arcem: in ea enim etiam aliqui relictī pugnabant: tandemque cum & illi noctu fugissent, illam etiam noctu combusserunt. Xerxes autem, cum inde ad angustissimum Atticæ locum Heracleum appellatum, venisset, aggerem Salaminem versus ducere cœpit, pedestri itinere ad eam traicere cogitans: Sed consilio Themistoclis Atheniensis, & Aristidis, sagittarij ex Creta accersuntur, ac veniunt: deinde bellum navale Persarum & Græcorum geritur. Persæ naues habebant plusquam mille, ducemque Onophan: Græci verò septingentas. Græci tamen victores euadunt: & quingentæ naues Persarum profligantur: & fugit Xerxes consilio rursus & arte Aristidis atque Themistoclis. In reliquis verò omnibus præliis ceciderunt Persarum centum & viginti millia. At Xerxes cum in Asiam traiecisset, & Sardis proficisceretur, misit Megabyzum, ut templum Delphicum diriperet: illoque id suscipere recusante, Maracas eunuchus iniuriam Apollini illaturus, omniaque direpturus mittitur. Is, confectis ita rebus, ad Xerxem reuersus est. Xerxes ex Babylone ad Persas proficiscitur. At Megabyzus suam vxorem Amytin, quæ filia Xerxis erat, quemadmodum iam dictum est, adulterij insinuat. quamobrem Amytis à patre acriter reprehenditur: at illa impudiciæ crimen à se remouet. Verum Artapanus, qui plurimum apud Xerxem auctoritate valebat, cum Spamitre eunuchō, qui & ipse plurimum apud eum poterat, de Xerxe interficiendo consilium agitat: idque perpetrant, & Artoxerxi filio persuadent, ab altero filio Dariæo patrem suum necatum esse, adduciturque Dariæus ab Artapano domū Artaxerxis, cum ingenti clamore se parricidam esse negans: is tamen capite plectitur.

Artoxerxes igitur Artapani opera regno potitur: sed idem Artapanus eius vitæ insidiās, consilium suum cum Megabyzo, qui iam ob suspectam adulterij vxorem suam mærore affectus erat, communicat, fidemque mutuò datam iureiurando firmant. Sed re tota Megabyzi indicio prodita, Artapanus ea morte qua Artoxerxes erat afficiendus, afficitur: atque adeò quæcunque in Xerxem Dariæumque perpetrata fuerant, patefiunt. Aspamitres quoque, qui cædis Xerxis ac Dariæi conscius fuerat, acerbissimo genere mortis, adhibitis videlicet per scapham tormentis, plectitur. At post Artapani mortem, eorum quicum illo coniurauerant, & Persarum aliorum pugna oritur, in qua cadunt tres Artapani filij, & grauiter Megabyzus vulneratur. Quem casum Artoxerxes, itemque Amytis, & Rhodogone, ac ipsarum mater Amistris, ingenti luctu profecuti sunt: atque adeò vix tandem hæc Apollonidis medici Coi opera, summam adhibentis diligentiam, mortis periculo liberatur. Defciscunt ab Artoxerxe Bactra, aliusque item præfectus Artapanus: & æquo Marte pugnatur. Cum autem commissa iterum pugna, ventus in faciem Bactrianorum spiraret, vincit Artoxerxes, & in eius ditionem vniuersa Bactria concedit. Deficit etiam Ægyptus, Inaro Lydio, & altero Ægyptio defectio- nis auctoribus: omniaque ad bellū pertinentia parantur. Athenienses quoque;
Inaro

Inaro petenti quadraginta naues mittunt : & ipſemet Artoxerxes exercitum educere cogitat : ſed non ita conſultantibus amicis , mittit Achæmenidem fratrem cum quadringentis millibus peditum & octoginta nauibus. Confligit Inarus cum Achæmenide, Ægyptiique vincūt, atque Achæmenides, cū ab Inaro vulnus accepiſſet, moritur, eiufq; cadauer ad Artoxerxem mittitur. Idem Inarus mari victor euadit, Charitimide magnum inde nomen cōſecuto, qui quadraginta nauium Athenis miſſarum nauarchus erat. Ex quinquaginta Perſarum nauibus, viginti cum ipſis hominibus captæ, triginta proſtigatæ fuerunt. Deinde aduerſus Inarum mittitur Megabyzus, præter exercitum qui reliquus fuerat, alium ducens, qui ex ducentis hominum millibus conſtabat: nauibus autem trecentis, quibus Oriſcus præerat, adeò vt præter naues, reliqua multitudo quingentorum millium eſſet. nam cū cecidit Achæmenides, centum hominum millia ex quadringentis quæ duxerat millibus, vnà caſa fuerunt. Pugnatur acriter, & vtrinq; multi, ſed plures ex Ægyptiis cadunt. Tandem Megabyzus Inarum in fœmore vulnerat, fugatq; : & fortiter pugnantes Perſæ, victores euadunt. Inarus verò fugiēs, Byblum proſciſcitur (hæc eſt munita vrbs in Ægypto) & cū eo Græci quicunque in prælio, & cum Charitimide caſi non fuerant. Ægyptus, præter Byblum, partes Megabyzi ſequitur : & quoniam Byblus expugnari non poſſe videbatur, Megabyzus cum Inaro & Græcis, quorum erant ſex millia & amplius, fide data paciſcitur, nullam eos à Rege iniuriam accepturos, & Græcos, domū, cū liberet, reuerſuros. Cū igitur Sarſaman Ægypti præfectum conſtituiſſet, vnà cum Inaro & Græcis ad Artoxerxem proſciſcitur: eumq; inuenit iratum Inaro vehementer, quoniam is fratrem Achæmenidem interfecerat. Megabyzus omnia quæ geſta fuerant, narrat, & quomodo fide Inaro Græciſq; data, Byblum ceperit: atque pœnam illorum pertinaciter deprecatus, efficitur voti compos, tandemque ad exercitum deſertur, Inarum & Græcos nihil detrimenti paſſuros. Verū enimverò Amytis vicem interempti filij Achæmenidis dolens, grauiter conquirebatur, quòd Inarus & Græci pœnas ſibi non darent, atque adeò illos à Rege expoſcit: ſed is tradere recuſat. Deinde Megabyzum ab eo expoſcens, repulſam itidem patitur. Tandem tamen illa, cū inſtando moleſta eſſet, impetrauit, & quinque poſt annis, Inarum pariter & Græcos à Rege accepit. Atque hunc quidem tribus crucibus ſuffixit, Græcis autem quinquaginta (nam plures capere non potuerat) capita amputauit. At Megabyzus magno dolore & luctu affectus eſt, petiitq; vt ſibi in Syriam regionem ſuam proſciſci liceret. Huc etiam clām præmiſit Græcos alios, & proſectus eſt, atque à Rege deſciuit, maximasq; copias cōgēgit, quæ, præter equites, ex centū & quinquaginta millibus cōſtabant. Aduerſus eum Vſiris mittitur cum ducentis millibus: pugna conſeritur, ſeq; mutuò vulnerant Megabyzus & Vſiris: hic quidem iaculo Megabyzum in fœmore percuffit, & vulnus duos digitos altum inſiſxit: ille verò ſimiliter iaculo Vſirin in femore, deinde & in humero vulnerauit, vnde Vſirin ex equo cadere conſtrigit: ſed eum circumſiſtēs Megabyzus, attolli & ſeruari iubet. Multi autem Perſæ ceciderunt, Zopyro Artyphioq; Megabyzi filiis fortiter pugnantiſſimis: itaque tandem viribus longè ſuperior euadit Megabyzus, & victoria potitus, magnam Vſiris curam gerit, eumq; ad Artoxerxem mittit, id petentem.

tem. Rursus autem exercitus aduersus eum mittitur, & Menostanes Artarij filius, (Artarius autem erat satrapa Babylonis, & Artoxerxis frater) configit inter se: sed Persarum fugatur exercitus, & Menostanes in humero à Megabyzo percutitur: præterea in capite sagitta, sed nō lethali vulnere feritur. vnā tamen cum omnibus suis fugam capit, & Megabyzus splendida potitur victoria. Artarius Megabyzum per legatos monet, vt cum Rege paciscatur. Ille se pacisci quidem cum Rege, non tamen ad eum proficisci, sed in sua regione manere velle indicat. Hæc Regi nuntiantur, cui Artoxares Paphlagon eunuchus & Amistris studiosè consiliū dant vt paciscatur. Itaque ipse Artarius & Amytis vxor, & Artoxares, iam viginti annos natus, & Perifas Vfris filius, & Spirama pater, mittuntur. Multis igitur sermonibus & iuramentis ad fidem faciendam adhibitis, vix tamen Megabyzo vt ad Regem proficiscatur, persuadent. Cui tandem reuerso Rex per nuntios veniam se illi eorum quæ admisisset, dare significauit. Sed cum egresso ad venationem rege, & cum adorto Leone, Megabyzus belluam hanc in pedes se erigentem iaculo percutiens interfecisset, succensens ei Rex, quod eam percussisset, antequā ipse eam vllō ictu attigisset, caput abscindi imperauit. Sed Amistris & Amytis aliorumque precibus remissa ei mortis pœna, ad vrbe[m] quandam nomine Cyrtæ circa mare rubrum relegatur. Artoxares quoque eunuchus in Armeniam relegatur, quod sæpe pro Megabyzo liberius apud Regem locutus esset: Sed Megabyzus, cum in exilio quinque annos esset cōmoratus, aufugit, se Pisagan esse simulando (pisagas autem à Persis dicitur leprosus, ad quem nemini accedere licet) & ad Amytin domumque proficiscitur, & vix agnitus per Amistrin & Amytin, cum Regere cōciliatur: qui eum, quemadmodum antea, suæ mēse participem fecit, & cum sex & septuaginta vixisset annos, mortuus est: propter quod magno Rex est mœrore affectus. Mortuo Megabyzo, Amytis cum multis consuetudinem habebat, & ante hanc similiter mater Amistris: Apollonides verò Cous medicus, cum Amytis leuiter ægrotaret, & ipse eius amore captus esset, fore dixit, vt ea in pristinam valetudinem restitueretur, si cum viris rem haberet: vuluæ enim esse morbum. Sed cum hac arte voti compos factus, cum ea concumberet, illa autem tabe laborare cœpisset, à concubitu abstinuit. Tandem igitur illa morti vicina, matri in mandatis dedit, vt Apollonidem vlcisceretur. Hæc ipsi Regi Artoxerxi rem totam exposuit, & quomodo cum illa concumbere solitus, nō prius desisset, quā ei illius mali author fuisset: & quomodo supplicium de Appollonide sumi illa sibi mandasset. Ille matri quicquid ipsi visum fuerit, agendi potestatem facit. Hæc, cum vinctum Apollonidem bimeltri spatio cruciatibus affecisset, viuū postea defodit, quo nimirum tempore Amytis diem suū obiit. Sed Zopyrus Megabyzi & Amytis filius, vbi iam patrem & matrem amisit, à Rege desciiuit, atque Athenas profectus est, propterea quod Athenienses mater eius beneficiis affecerat. Caunum vnā cum illis nauigauit, & Caunios ciuitatem tradere iussit: at illi vrbe[m] ipsi quidem tradituros se respondebant, Atheniensibus verò, qui eum sequebantur, nequaquam. In Zopyri igitur murū subeuntis caput saxum iecit Alcides Caunius; ex quo ictu Zopyrus mortē obit. Amystris verò auia Cauniū illū cruci affixit. Postea autē & ipsa moritur, iam ætate valde confecta. Artoxerxes item obit, cum 42. regnasset annos.

Artoxer-

Artoxerxe mortuo, regnat Xerxes eius filius, qui solus erat legitimus ex Damaspia susceptus, quæ eodem ipso die, quo Xerxes mortuus est, è vita discessit: Bagorazus verò cadauer patris & matris in Persiam tulit. Fuerunt autem Artoxerxi septemdecim filij spurij, in quibus fuit Secundianus ex Alogune Babylonia susceptus, & Ochus, & Arsites, ex Cosmartidene, quæ etiam erat Babylonia. Ochus autem postea regnat, & præter hos, liberi eius. Fuerunt ex his, & Bagapæus & Parysatis, ex Andia, quæ etiam erat Babylonia. Hæc Parysatis, Artoxerxis & Cyri mater fuit, & Ochum pater viuens Hyrcaniorum præfectum constituerat, ei que in vxorem dederat mulierem, quæ Parysatis appellabatur, Xerxis filiam, & regis sororem. Secundianus autem, postquam sibi Pharnacyram eunuchum conciliauit, (qui secundum à Bagorazo & Menostane, & quibusdam aliis locum tenebat) cum Xerxes in quodam festo ebrius esset, atque in regia sua dormiret, ingressi, eum interficiunt, die à patris morte quinto & quadragesimo. Euenit ergo, vt amborum simul ad Persas corpora ferrentur. nam mulæ quæ currum trahebant, tanquam filij cadauer expectantes, iter facere nolebant; sed posteaquam aduenit, magna cum alacritate iter fecerunt.

Regno autem potitur Secundianus, qui Azabaritem & Menostanem eunuchos apud se habuit. At Bagorazo ad Secundianum reuerso, Secundianus iam pridem cum eo simultatem exercens, eum criminatus, quod absque eius consilio cadauer patris ibi reliquisset, lapidibus obrui imperauit. Quod factum ægerrimè exercitus tulit: qui, quamuis ab eo muneribus donaretur, eum nihilominus ob Bagorazi & fratris Xerxis cædem odio prosequeretur. Postea autem Ochus à Secundiano accersitus, venturum se promittit: sed minime venit: & hoc ab eo sæpius fit. tandem Ochus multo se munit exercitu, & regnum recuperaturus speratur. Arbarius equitum Secundiani præfectus, ab eo ad Ochum deficit, deinde Arxanes Ægypti Satrapa, quinetiam Artoxares ex Armenia venit ad Ochum: & ipsi citatin inuito imposuerunt.

Regnat Ochus, & nomine mutato Dariæus appellatur, qui dolis iuramentisque, monitu Parysatidis, Secundianum tentat. at Menostanes Secundianum diligenter hortabatur, ne crederet eius iuramentis, neque cum fallacibus hominibus pacisceretur: sed nihilominus Secundianus persuaderetur & capitur, & in cineres coniectus moritur, cum vi. menses, & dies xv. regnauisset. Regnat igitur solus Ochus, qui etiam Dariæus nominabatur: apud eum autem auctoritate valebant tres eunuchi. primum quidem locum Artoxare, secundum Artibarxane, tertium Athoo tenente. Vxorem autem potissimum in consilium adhibebat, ex qua, antequam regnum adipisceretur, duos susceperat liberos, Amistrin feminam, & Arfacan marem, qui postea mutato nomine, dictus est Artoxerxes. Ex eadem autem etiam regnante alterum suscepit marem, & ei nomen Cyri à sole est impositum, deinde Artostem: aliosque deinceps vsque ad tredecim, atque ista historicus ex illa ipsa Parysatide se audisse tradit. Sed reliqui filij celeriter è vita migrauerunt: superfueruntque illi quorum fecimus mentionem, & quartus filius, qui Oxendras est appellatus. Desciscunt à rege, Arsites frater eius germanus, ex eadem matre eodemque patre genitus: & Artyphius Megabyzi filius. In eos mittitur Artasyras, & Artyphium bello inuadit: atque in duabus pugnis Artasyras

p

vinci-

vincitur: deinde rursus congressus, Artyphium superat, & eos qui cum illo erant Græcos muneribus ad se allicit, adeò vt ille cum tribus tantummodo Milesiis relictus fuerit, tandem cum iusiurandum fidemque ab Artasyta accepisset, quoniam Arsites non comparebat, Regi se dedit. Parysatis verò Regi ad Artyphium interficiendum animato, consilium dedit, vt ne tunc temporis illum interficeret: (hoc enim modo Arsitem deceptum ei se dediturum) sed postquam ille deceptus captusque esset, tunc vtrumque necaret. id quod ita factum est, consilio exitum consecuto. Artyphius enim & Arsites in cineres coniiciuntur. Arsitem tamen Rex morte mulctare nolebat: Sed Parysatis partim precibus, partim vi id effecit. Pharnacyas item, qui vnà cum Secundiano Xerxem occiderat, lapidibus est obrutus: & Menostanes sibi ipsi mortem consciiuit, cum iam ad pœnam subeundam comprehēderetur. Desciscit Pisuthnes, & in eum Tissaphernes mittitur, atque Spitradates, & Parmises. Pisuthnes verò aduersus eos tendit, secum habens Lyconem Atheniensem, cum Græcis, quorum ille dux erat. Sed Regis duces pecuniis Lyconem Græcosque captant, & vt à Pisuthne desciscant, persuadent. deinde Pisuthni fide data, & ab eo accepta, eum ad Regem ducunt, qui eum in cineres coniicit, eiusque satrapiam Tissapherni tradit. Lycon verò & vrbes & regiones mercede proditiōis accipit. Artoxares autem, qui plurimum apud Regem poterat, ei molitur insidias, de regno inuadendo cogitans. nam cum esset eunuchus, imperauit vxori suæ, vt sibi barbam conficeret, idque vt vir esse existimaretur. Sed per eam patefacto hoc dolo, comprehenditur, & Parysatidis in potestatem traditur, à qua interficitur: Arsacis autem Regis filius, qui postea est nominatus Artoxerxes, vxorem ducit Idernis filiam, Statiram; atque Regis filiam similiter vxorem ducit filius Idernis. Amistris autem erat filia, cuius sponso nomen erat Terituchmes, qui patre suo mortuo, pro ipso satrapa constitutus est. Habebat autem sororem ex eodem patre natam, quæ Roxane vocabatur: quæ, cum formosa erat, tum verò sagittandi iaculandique peritissima. Huius amore captus Terituchmes, & cum ea rem habens, oderat Amistrin; tandemque eam in saccum coniicere statuit, vt à trecentis viris, cum quibus defectionem inlatus est, confoderetur. Sed quidam, cui nomen erat Vdiastes, qui autoritate apud Terituchmem valebat, & literas à Rege acceperat, quibus multa ei pollicebatur, si sua filia ei ab illo periculo liberaretur, Terituchmem aggressus, interfecit: cum ipse Terituchmes aduersus eos, qui in ipsum insurgebant, strenuè pugnando, multos interfecisset. nam ab eo triginta sex homines occisos fuisse tradunt. Sed filius Vdiastis Mitradates nomine, qui Terituchmis armiger erat, nec adfuerat, postquam rem didicit, patri diras imprecatus est: & cum urbem Zarin occupasset, eam filio Terituchmis conseruauit. At Parysatis matrem Terituchmis, fratresque Metrostē & Helicum, & sorores, quæ præter Statiram, duæ erant, viuas terra obrui, Roxanē autem viuam secari iussit. Id quod factum est. Rex verò, vxori suæ, vt simili pœna Statiram afficeret, Arsacis filij ipsius vxorem imperauit. Sed cum matrem & patrem multis fletibus & planctibus placasset, & Parysatidis animus flexus esset, pœnam remisit. Sed & ipse Ochus Dariæus Parysatidi dixit fore, vt valde ipsam aliquādo pœniteret. At in lib. xviii. narrat, quomodo Ochus Dariæus mortuus sit cum Babylone ægrotasset, & annos 35. regnauisset.

Regno

Regno igitur Arsaces potitur, qui & Artoxerxes mutato nomine dictus est. hoc regnum adepto, Vdialti lingua abscinditur, ei que ponè auellitur: atque ita tandem ille moritur, & filius eius Mithradates pro patre satrapa constituitur. Facta autem hæc fuere impulsu Statiræ: vnde Parysatis dolore afficiebatur. Criminatur Tissaphernes Cyrum apud Artoxerxem fratrem: is ad matrem Parysatim confugit, & à crimine obiecto absoluitur. Reuertitur Cyrus ad suam satrapiam, ignominia à fratre affectus, ideoque de defectione cogitat. Satibarzanes Orontem criminatur, cum Parysatide consuetudinem cum habere dicens, cum alioqui castè illa viueret. Morte igitur mulctatur Orontes; & mater irascitur ipsi Regi, quòd Parysatis veneno Terituchmis filium necauerit. Et de eo qui patrem igne contra legem sepeliuit, fit mentio, vnde Hellanicus & Herodotus mendacij arguuntur. Refertur etiam Cyri à fratre defectio, & quomodo Græcum pariter & Barbaricum exercitum coegerit, & Clearchus Græcorum exercitus dux fuerit. Commemoratur deinde, quo pacto Syennesis Cilicum Rex, ambos, Cyrum videlicet & Artoxerxem, in bello gerendo adiunxit, & quomodo Cyrus suum exercitum, et Artoxerxes vicissim suum exhortatus fuerit. Sed Clearchus Lacedæmonius Græcorum dux, & Menon, ambo Cyrum sequentes, semper inter se dissidebant, quòd Cyrus Clearchi consilio in omnibus vteretur, Menon autem in nullo apud eum loco esset. Et ad Cyrum quidem ab Artoxerxe multi transfugebant, sed nullus à Cyro ad Artoxerxem: quam ob causam Barbarus cum ad Cyrum desciscere tentasset, & accusatus ea de re fuisset, in cineres est coniectus. Narratur etiam, vt Cyrus in Regis exercitum impressionem fecerit, & victoria potitus sit: deinde vt occubuerit, dum Clearcho morem non gerit. Vt Artoxerxes contumeliosis modis in fratris cadauer sæuierit: quippe qui non solum caput, sed & manum, qua percussus ab eo fuerat, absciderit, & velut de ea triumphans, circumtulit. Scribit & vt Clearchus Lacedæmonius cum suis Græcis noctu recesserit, & vnam ex Parysatidis vrbibus occupauerit: & vt Rex cum Græcis fœdus inierit. Vt Parysatis Babylonem profecta sit, Cyrum lugens, & vix tandem caput eius manumque recuperauerit, quæ Susa miserit, ibique sepeliuerit. De Bagapate, qui iussu Regis caput à cadauere Cyri auulsit, & quomodo Regis mater, vbi in talorum lusu eum vicit, ex pacto Bagapatæ obtinuit, & quomodo ipsi pellis detracta fuerit à Parysatide, & cruci deinde fuerit affixus ab eadem: quo tempore ipsa propter multam Artoxerxis obsecrationem flere Cyrum cessauit. Quomodo Artoxerxes dona cuidam dederit, qui Cyri tiaram attulit, & Carem, qui Cyrum à se vulneratum arbitrabatur, honorifice exceperit. Parysatis autem illum qui honorifice exceptus fuerat, cruciatibus adhibitis interfecerit. Vt Artoxerxes petenti Parysatidi Mithradatem tradiderit, quippe qui in mensa se Cyrum interfecisse gloriatus esset; & vt sibi traditum, acerba morte mulctauerit. Hæc in libris x i x. & x x. continentur.

In libris autem xxi. & xxii. & xxiii. (quo tota hæc finitur historia) hæc continentur: Quo pacto Tissaphernes Græcis insidias molitus sit, cum socium sibi adiunxisset Menonem Thesælum, & per eum dolo iuramentisque Clearchum ducesque ceteros in potestatem suam redegerit, quanuis Clearchus præuideret, insidiasque amoliretur. sed tum multitudo per Menonem

decepta, Clearchum etiam inuitum ad Tissaphernem coëgit accedere, tum etiam Proxenus Bœotius antè dolo circumuentus, vt id faceret, hortabatur. Quomodo Clearchum, & cæteros, compedibus vinctos, Babylonem ad Artoxerxem miserit, & quomodo ad conspiciendum Clearchum omnes confluxerint: & quomodo Ctesias ipse, cùm medicus esset Parysatidis, Clearcho, dum in carcere esset, multa humanitatis officia, per eam præstiterit: Et vt illum Parysatis à vinculis liberasset, nisi Statira virum Artoxerxem ad eum interficiendum hortando compulisset. Ita Clearchus morte multatus est: & circa eius cadauer ostentum hoc extitit, quòd flante vento vehementissimo, sepulchralis agger magnæ altitudinis sponte sua id contexerit. Interfecti etiam fuerunt Græci cum eo missi, præter Menonem. Narrantur deinceps Parysatidis in Statiram conuicia, & quomodo Statira fuerit veneno necata, quod hunc in modum paratum erat, (cauebat enim sibi Statira diligenter ab hoc malo, quod ei tamen contigit) Vna pars cultelli veneno superillinitur, cuius reliqua pars intacta remansit: hoc secatur auicula parua, oui habens magnitudinem, (auiculam hanc Persæ rindacem appellant) diuiditurque in duas partes: & ipsa Parysatis dimidiam partem, quæ veneno carebat, accepit, comeditque: at partem veneno tinctam, porrexit Statiræ. Illa cùm eam quæ porrexerat, edere dimidiam partem vidisset, nec quicquam fraudis animaduertere potuisset, ipsa quoque vnà mortiferum comedit venenum. Hinc matri Rex irascitur, & eius eunuchi comprehensi cruciantur, & morte multantur. Prætereaque Ginge comprehenditur, quæ Parysatidi familiaris erat, atque de ipsa iudicium exercens, à iudicibus quidem absoluitur, à Rege autem condemnatur. Tandem verò cruciatibus afficitur & necatur. eoque nomine Parysatis filio, hic vicissim matri succenset. De Clearchi tumulo, qui octo post annis, palmarum plenus apparuit: quas Parysatis clam per eunuchos, quo tempore ille mortuus est, aggesta terra obruerat. Causæ, propter quas Rex Artoxerxes & Euagoras Salaminis Rex inter se dissiderent, & Euagoræ nuntij ad Ctesiam vt acciperent epistolas ab Abulite: & Ctesia ad ipsum epistola de reconciliatione cum Anaxagora Cypriorum Rege. Euagoræ nuntiorum in Cystrum aduentus, & à Ctesia datæ ad Euagoram literæ, vt ei fuerint redditæ. Et, Cononis ad Euagoram oratio, suadentis vt ad Regem ascenderet. Et Euagoræ epistola de honoribus, quibus ab eo affectus fuerat. Et Cononis ad Ctesiam epistola. Et, tributum Regi datum ab Euagora. Et, epistolæ Ctesia redditæ. Et, Ctesia ad Regem oratio de Conone, & epistola ad ipsum. Munera ab Euagora missa, Satibarzani traduntur, & nuntij in Cyrum perueniunt. Et Cononis epistola ad Regem, & Ctesiam. Quomodo adhibita custodia retenti sint nuntij à Lacedæmoniis ad Regem missi. Epistola Regis ad Cononem & Lacedæmonios, quam ipse Ctesias tulit. & quomodo à Pharnabazo Conon constitutus sit Nauarchus. Ctesiaque in Gnidum patriam suam aduentus, & Lacedæmonem, & disceptatio aduersus Lacedæmoniorum legatos apud Rhodum; & emissio ab Epheso vsque ad Bactra, & Indicæ regionis, dierum, parasangarum, Catalogus Regum à Nino & Seramide vsque ad Artoxerxen, quibus ille librum suum claudit.

P.E.R.

PERSARVM REGES FLORENTE

MONARCHIA.

- I. Cyrus regnavit annos viginti nouem.
- II. Cambyfes annos septem, menses quinque.
Magus septem menses.
- III. Darius filius Hyftafpis, annos triginta fex.
- IIII. Xerxes annos viginti.
- V. Artaxerxes Longimanus quadraginta.
- VI. Darius Nothus nouemdecim.
- VII. Artaxerxes Mnemon quadraginta, ficut vt alij 43.
- VIII. Ochus annos viginti fex.
- IX. Arfames annos quatuor.
- X. Darius vltimus annos fex.

Illud quoque hic obiter adiiciam, nempe, ab anno Longimani fecundo ad initium Alexandri, annos centum quadraginta quatuor numerari.

PARTHORVM REGES QVI DOMINATI SVNT

IN PERSIA POST EIECTOS MACEDONES.

- | | |
|--|-----------------|
| Arfaces I. vnde reliqui appellati sunt | Phraates I I. |
| Arfacidæ. | Teridates. |
| Arfaces II. | Vardanes. |
| Pampacius. | Gotarzes. |
| Pharnaces | Meherdates. |
| Mithridates. | Vonones. |
| Phraates. | Vologefes. |
| Artabanus. | Parthamaspates. |
| Mithridates II. | Artabanus. |
| Orodes. | |

PERSARVM POSTERIORES

REGES.

Artaxares	Annos 14. menses 10.	4193.
Sapores	ann. 31.	4208.
Ormisdates	ann. 1. dies 10.	4232.
Vararanes	ann. 3.	4210.
Vararanes II.	ann. 17.	4244.
Vararanes III.	menf. 4.	4261.
Narfes	ann. 7. menf. 9.	4269.
Misdates		
Sapores	ann. 70.	4277.
Anaxerxes	ann. 4.	4351.
Sapores III.	ann. 5.	4351.
Vararanes IIII. qui & Cermazat,	annis 11.	4356.
Ifdigertes	ann. 21.	4367.

450		
Vararanes v.	ann. 20.	4388.
Vararanes v i.	ann. 17. mens. 4.	4408.
Perozes	ann. 20.	4428.
Valens	ann. 4.	4445.
Cauades	ann. 11.	4449.
Zambades	ann. 8.	4461.
Cauades	ann. 30.	4468.
Cosroes	ann. 48.	4498.
Hormisda	ann. 8.	4546.
Cosroes	ann. 39.	4554.
Siroes	ann. 1.	4593.
Adhesyr	mens. 2.	4594.
Sarbaras	mens. 6.	4595.
Bornarim	mens. 7.	4596.
Hormisda	ann. 10.	4596.

Inde Saraceni Persidem occuparunt.

ARABVM SARACENORVM REGNVM.

Machomes	ann. 10.	4587.
Eubozara	ann. 2. mens. 6.	4597.
Aomar	ann. 10. mens. 6.	4600.
Odmen	ann. 12.	4615.
Haly	ann. 4. mens. 9.	4623.
Alhatein	mens. 4. dies 20.	4627.
Moau	ann. 19. mens. 6.	4628.
Ezid	ann. 3. mens. 8. dies 12.	4647.
Maruan	mens. 9.	4651.
Hedimelech	ann. 22.	4652.
Vlid	ann. 9.	4673.
Zulcimin	ann. 3.	4682.
Haumar	ann. 2.	4685.
Izedus	ann. 4.	4687.
Euelid	ann. 18.	4691.
Vualidus	ann. 1.	4709.
Gizid	ann. 1.	4710.
Maruan	ann. 6.	4711.
Muhamad Abubala	ann. 5.	4716.
Habdalla	ann. 21.	4721.
Mady, qui & Muhamad		4743.
Moyfes	ann. 1.	4751.
Aaron	ann. 23.	4753.
Muhamad	ann. 5.	4776.
Habdallas	ann. 17.	4781.
Muhamad	ann. 40.	4798.

Huc-

Hucusque eorum successio scripta inuenitur. Succedunt Turcæ illorum regna paulatim occupantes, & primus Tragolipax Mucaletus, Sultanus Perfarum declaratus est. 4838. & qui eum secuti sunt, Sultani omnes dicti fuerunt.

SERIES REGVM PERSIÆ
PROXIMORVM.

Caloioannes Rex
| Trapezuntis.
Vsumcassanus — Despoina.
Rex Perfarum —

Harduelles — Martha. — Iacuppus interfecit
gener Vsumcassani Harduellem.

Ismael Alphantes, Moratchamus
Sophi, Rex ab Ismaele interfecti,
Perfarum, qui cum Selymo Turcarum Imper. conflixit anno
Christi 1515.

Tammas 42. annis regnavit, obiit 1575.
Ismael II. patri successit. Mahomet Hodabendus, qui nunc cum
altero anno obiit. Turcis bellum gerit, cœpit 1577.

REGES OTTOMANNICI.

Othomannus primus Rex Turcarum cœpit anno Christianæ Salutis

1301. regnat	ann. 28.	5267.
Orchanes	ann. 22.	5295.
Amurathes	ann. 23.	5317.
Baiazetes	ann. 24.	5340.
Cyrifcelebes, qui & Calepinus ann. 6.		5365.
Mahometes primus	ann. 14.	5371.
Amurathes	ann. 31.	5385.
Mahometes secundus	ann. 31. menses 6.	5416.

Hic factus est primus Imperator Constantinopolitanus, & qui deinceps sequuntur, Orientis Imperium obtinuerunt.

Baiazetes secundus	ann. 31.
Selymus	ann. 8.
Solymanus	ann. 46.
Selymus secundus	ann. 9.
Amurathes III.	

F I N I S.

INDEX
RERVM MEMORABILIVM
QVÆ IN HAC PERSICA HISTORIA
CONTINENTVR.

- A**ARON Calysarex Persarum creatur, mortuo
Mose 224. mittit munera ad Carolum Mag.
ibidem. Persas rebellantes ad obsequiū reducit. 228.
idem plurima detrimenta infert Rom. Imperio ibidem.
pacem init cum Nicephoro. 229. bellum renouatur.
229. eius mors ibidem.
- Abdas Persidū Episcopus cum Marutha, regis filium
demonio liberant. 169.
- Abdimelicus, deuictus amulis, Pontificatum Sarac. asse-
quitur. 211. cum Iustiano iuni. re pacem init. ibid.
sub eo Heraclij stirps deficit. 211. vincitur à Muta-
ro. 211. subicit sibi Persiam. 212. & alias regio-
nes. ibid. & 213. moritur. 213.
- Abdela fratre Abulalano mortuo sit pontifex 224.
- Abdela alius superiorem Abdelam opprimit, ac regnum
occupat. 224.
- Abrahamus Patriarcha vititur stratagemate. 14
- Abramius & Pirametus filij Turuani Caramani. 326.
inter se praelium committunt, in eoq; Pirametus deu-
cto fratre, pacifice regnat: sed postea à Mahomete bel-
lo oppressus, fugit in Persiam. 326
- Abramius necatur à patruo. 250
- Abismarius quem & Tiberium nominauerunt, Imperator.
213. Heraclium fratrem mittit cum maximis co-
pis in Asiam, contra Saracenos, quos ibi ingenti clade
afficit, ac in Armenia eos trucidat. 213
- Abubalamis cognomento Muamat, Persidi & Syria im-
perat. 221
- Achomates Bassa à Mahomete secundo mittitur in Ita-
liam ad occupandum Occidentis imperium. 318
- Achomates Bassa propter affectatam tyrannidem à Soly-
mano interficitur. 360
- Ademanus regno Pers. subiectum. 402
- Admetus Molessorum rex, seruat fidem Themistocli, licet
illi antea fuisset inimicus. 72
- Adrianopolis à Bulgarijs capitur. 242
- Pub. Aelius Adrianus successor Traiani cum Persis & Ar-
menis societatem colit. 131. eiusdem singularis
mansuetudo & generositas, ibidem. obitus ibid.
- Aethiopes quem sibi regem prescriebant 8
- Africa in potestatem regis Persarū Chosrois redigitur 199
- Agas praefectus Iani? arorum. 341. quid vox significet.
ibid. Agas Iani? arorum sub Amuratbe 398
- Agaperus Diaconus floruit etate Iustiniani. 183. scri-
psit librum De officio pij & iusti Regis. ibid.
- Agareni, vide Saraceni.
- Agarenorum defectio. 130
- Agathias 137. 140. super nominibus Regū Persia 144
bella per Narseten gesta descripsit. 179
- Agésilas Lacedaemoniorum rex. 84. moritur. 86
- Agésilai vorum 14. virtus bellica. 84. victoria contra
Persas 85. modestia & pietas erga patriam. ibidem.
clementia in hostes. ibid. Nechtanabum Aegypti regem
in regnum restituit 86. obitus ibid.
- Agiamij dicuntur omnes Persi subiecti. 362
- Agisij, Orodus Persarum regis orator, quid Craffo respon-
derit. 106
- Agmatius, interempto Rustano, regnum Pers. sibi usurpat.
329.
- Aiacis Telamonij vox impia. 10
- Aladulus rex capitur à Selymo & interficitur. 349
- Alaricus Gothorum rex Romam capit & incendit. 167
- Alba Graeca vocatur Belgradum. 316
- Albericus deuincit Saracenos qui Italiam infestabant Ba-
silio Macedone imperante. 238
- Albuquerque natione Lusitanus ad Ismaelem Sophum le-
gatum mittit. 340. Armuzio regi tantū terroris
incussit, vt stipendiarius fieret regis Lusitanij 406
- legatus Ismaelis regis Persarum, ferculum globis fer-
reus, sagittis & ferreis fistulis preparari iubet 406. eius
legatus missus ad Ismaelem veneno interficitur. ibid.
- Alcairus, & Babylon praecipua sedes Saracenorum Prin-
cipi. 227
- Alchaudonius, siue vt alij, Ariamnes Arabū Princeps. 107
- Alciades Atheniensium Dux, suadet bellum in Siculos 81
ide deficit ab Atheniensib. 82. confugit ad Persas ibid.
- Alepum, vide Edeffa.
- Alexander ab Alexandris. 75
- Alexander rex Macedoniae, mittitur legatus Atheniensibus
à Mardonio, vt cum illis de pace transigat. 62. Idem
Aristidi Atheniensium duci, omnia Mardonij consilia
patescit. 64
- Alexander Magnus succedit Philippo. 92. huius ado-
lescentia contemnitur à Dario ultimo Persarum rege.
ibidem. Cur bellum ipsi Dario inuulerit. ibidem.
animi celsitudo. 93. Thebas diruit. ibid. Pindari
poeta domum incolumem seruat. ibid. Perit sibi da-
ri ab Athenien. Demosthenem, & Lycurgum. 94
- eiusdem moderatio in victoria. ibid. quem exercitum
primò habuerit contra Persas ibid. deuincit Darium
ad Granicum amnem: deinde Sardis, Mileto, Caria, &
Cilicia potitur. ibid. secundo fit victor. 95. eiusdem
clementia in Darij matrem, uxorem ac filias. ibidem.
Damasceum, Sidonem, ac Tyrum expugnat. ibidem.
petit Hierosolyma, & illic verum Deum adorat. ibid.
- eiusdem somnium. ibidem. Eiusdem benignitas erga
Hierosolymitanos. 96. victoria ad Gangamela: nec
non natura, mores, & vita. ibidem. & insequenti pag.
Homerum quanti fecerit. 98. mors. ibid. quandis
vixerit, & regnauit. ibid. Eiusdem militia. 99
- Alexander Seuerus Imperator, 138. eiusdem litera ad
Artaxarem Persarum regem ibid. eiusdem expedi-
tio in Persas, & victoria. ibid. eiusdem fortitudo pio-
tas in suos milites, ac etiam seueritas. 141. quam
vocem frequens in ore habuerit. ibidem. plurima
ipsius apophthegmata ibidem.
- Alexander frater Leonis filius Basilij Macedonis, Imperij
administrationem suscipit. 241. eiusdem mors. ibid.
- Alexandria. 411
- Alexius Angelus imperium fraude & parricidio rapit, sed
non diu illud retinet. 270
- Alexius Comnenus, amoto Nicephoro Botoniato, Impera-
tor salutarur 262. à Nortmannis ad Epidamnū
victus, insignem cladem accepit ibidem. hoc regnate
Godesfri-

I N D E X.

Godefridus Bilonens expeditionem Hierosolymitanam parat. 263. Imperator exercitum mittit contra Turcos, à quibus ingenti clade afficitur. 264. Philomelum capit. ibid. pacem init cum Turcis. 264. moritur. ibid. hoc regnante, terramotus, incendia, locustæ, ventorum vis, imber. 265
 Alexius Comnenus patri Manuelli succedit. 267. interficitur à patruele Andronico ibidem
 Alexius Comnenus Cypri tyrannus, capitur à Richardo Angliæ rege, 268. è carcere à filio extrahitur, sed morbo contracto interit 268
 Alexius Comnenus novum Imperium Trapezunti condit 272
 Alexius Ducas cognomento Murphilus vel Myrtilus, Alexio iunioris & Nicolao Canobo amotis, Imperium inuadit. 270. sub eo Constantinopolis capitur & diripitur 271
 Alexius iunior in imperium restituitur, Byzantio deditio-
 ne capto. 270. per seditionem repellitur, ibidem.
 eiusdem cades. ibidem
 Alis omnium, præterquam Muauie, consensu Pontifex creatur, in locum Ozmeni. 207. præliatur cum Muauia, ac tandem eius insidiis trucidatur in templo quodam prope Cusam Arabiæ urbem. 207. vide Hales.
 Allarchum regno Pers. subiectum 408
 Allobrogum dux vnà cum Venetis & aliis expeditionem suscipit aduersus Turcos & Saracenos. 270
 Aluantes, Agmatu trucidato, regni Persici gubernationem suscipit 329
 Aluantes Moratcamo deuicto, regnū Persiæ occupat 335
 infelicitur configit cum Ismaële Sopho 336
 Aman in crucem agitur ab Artaxerxe 78
 Amicitia inter Persas & Roman. 177
 Ammianus Marcellinus insignis historicus, floruit temporibus Iuliani Imperat. 161. lib. 24. & insequenti latè persequitur bellum inter Saporem & R. 157
 Amorum à Saracenis capitur ac diripitur 234
 Amurathes primus. 285. in Thraciam & Europam traiecit. 296. eius incrementa in amplificando imperio. 297. cades ibidem
 Amurathes secundus patri Mahometi primo succedit. 310
 insigni stratagemate Mustapham suum patrum vinct, ac fugientem insequitur, comprehendit & mox interficit. 311. frustra obsidet Constantinopolim. 311
 expugnat & diripit Thessalonicam. ibid. Græcos miris damnis afficit. ibid. & 312. eiusdem prosperi successus. ibid. infelix expeditio in Pannoniam. 313
 Adrianopoli moritur. ibidem. Ianizaros instituit. ibidem.
 Amurathes filius Achomatis vnus ex filiis Baiazetis, confugit ad Persas, & bellum mouet Turcis 344
 Amurathes creatur Imperator, mortuo patre Selymo 11. 373. eiusdem sententia in fratres. ibid. eius maximus apparatus contra Persas 387. stratagemata ibid. insigni clade afficitur à Persis. 388. Summachiam capit 389. iterum vincitur à Persis. ibid. & 390. implorat opem Scytharum. 390. erigit munitiones ibid. bellum renouat contra Persas sub Sinam Bassa 392. Vanum capit & Caris munitionem erigit, ac eius exercitus affligitur peste & commeatus inopia ibidem. infelicitur pugnat duce Sinamo, cum Persis 393. tanta inopia commeatus laborat, vt ab Epidauris petat frumentum, ibidem. reuocat Sinamum

Byzantium 394. mittit legatos ad Cæsarem, Galliciarum regem, ac Venetos propter filij circuncisionem. 396. Amurathis natura & mores 397. præcipui consiliarij ibid. eius Bassarum quatuor nomina. 397
 mittit classem Tunetam vt compescat ibidem seditiones exortas 398
 Amus opp. regno Persico subiectum 407
 Amyras Tarsensium rex interficitur ab Andrea duce ac Magistro equitum Basilij Imperat. 239. in eum exemplum diuinæ ultionis exhibetur ibid.
 Anastasius Dicorus Imp. 174. fulmine ictus perit ibid. eiusdem expeditio contra Persas 175
 Andreas cognomine Scythæ, Magister equitum Basilij Imperat. fundit Saracenos cum Amyra rege Tarsensium 239
 Andreas Auriæ cum classe contra Solymanum à Cæsare mittitur 361
 Androcles Samius summus architectus 36
 Andronicus Comnenus, intersecto Alexio patruele, sententia & tyrannide sibi imperium usurpat. 268. iniustam impuberis Alexij cadē vindicaturus, à Wilhelmo Sicilia rege vincitur. 268. diuinæ ultione, dat parricidij, tyrannidis ac sententiæ commeritis penas 268
 Andronicus, defuncto patre Michaële Paleologo, Imperator. 273. hoc regnante in Græcia cometes conspiciuntur. ibid. & Solis eclipsis.
 Andronicus senior patri Michaëli Paleologo in imperio successit. 283. eiusdem obitus. ibid. sub hoc tempus incurrerunt eclipsis Solis & Luna, & terramotus ibidem.
 Andronicus iunior filius Mich. Paleologi succedit. 283
 auum imperio deturbat. ibid. moritur 284
 Andronicus patri Iohanni Paleologo regnum adimit. 285
 expellitur ibidem
 Annenius quidam Myzissus, quem alij Magnesium, alij Mexentium vocant, Constante interempto, à militibus Imperator creatur. 209. sed paulo post opprimitur ibidem.
 Annius Tacitus succedit Aureliano 147
 Antalcide pax 87
 Antenor Francorum rex 37
 Antefagana 410
 Anthemius Theodosij iunioris instituit 169
 Anthim regis Scytharum responsum Dario dona poscenti. 34
 Antiochia emitur à Caloioanne, sed eam occupaturus Imperator à Præsule Gabulensi prohibetur 260
 Antiochie incendium & terramotus 177
 Antonius Pius Parthorum regem ab Armenia inuasionē solis literis repulit. 132. eiusdem obitus, & eximia pietas ac virtus ibidem
 Antoninus Pius cognomento Philosophus, Lucium Verum suum generum ad bellum contra Persas mittit. 132
 eiusdem victoria aduersus Persas. ibid. Pax cum iisdem. ibid. Armenia: us & Parthicus vnà cum Lucio Vero ipsius genero appellatur ibidem
 Antoninus Caracalla Imperator 134. fratrem Getam interficit. ibid. In Alexandrinos summam crudelitatem exercet. ibid. Augurum regem Osrenorum & Armeniorum regem contra amicitia & hospitalitatis leges comprehendit. ibid. eiusdem literæ ad Artabanum Persarum regem, 134. sub prætextu nuptiarum maximam cadem edit Persarum. 135. Martiale centu-

I N D E X.

centurione interficitur. 136. eiusdem crudelitas & libido. ibid. idem Caracalla nouerā ducit uxorem. 24	Artabazus absente Constantino Copronymo Imperator renuntiatur 220. idē capitur & oculis priuatur. ibid.
M. Antonius contra Parthos infeliciter dimicat 102	Artabazus, interfecto Marдонio, cum aliqua parte copiarum redit in Persiam 63. idem à Xerxe mittitur ad Pausaniam ibidem
Artaxas dē regem Armeniorum specie amicitia comprehensum interficit 104	Artaphernes Persicarum copiarum dux 40
Apis à Cambyse vulneratur 23	Artaxares natione Persa, vin strenuus, Artabano mortua eiectis Parthis Persicum regnum recuperat 138. mouet bellum in Romanos sub Alexandro Seuero ibidem.
Aquila aurea in Romanorum castris 418	Alex. Seueri literæ ad Artaxarem 138
Arabes, vide Saraceni & Turci	Artaxares, hunc plerique Artaxerxem vocant 139. primus inter Persas cidarum sumpsit ibid. Magnus appellatus, & cur ibidem
Arbella oppidum Alex. M. victoria nobilitatum 118	Artaxata Metropolis Armenia 114. deditur Romanis & direpta solo æquatur 122. à Nerone instaurata, & Neronia cognominata 128
Arcadius & Honorius Theodosio succedunt 167	Artaxerxes V. rex Persarum, dictus Longimanus 77. fratrem propter suspicionem paternæ cadis infontē trucidat ibid. vulneratur ab Artahano, quem postea interficit ibid. regnat annos 40. ibid. Cur Longimanus fuerit appellatus ibidem. eius mansuetudo & magnanimitas ibid. Eiusdem sumptuosissimum epulum, ibid. Esther ducit in matrimonium 78. Amanem in crucem agit ibid. scribit ad suos satrapas & duces in sanorem & gratiam Iudaorū ibid. eiusdem in ipsos Iudeos beneuolentia ibid. Mardocheum eximii honoribus prosequitur 79. Cui edictum renouat super instaurationem Ierosolymarum ibidem. dictum memorabile ibid. eiusdem clementia & liberalitas, ibid. eiusdem in literatos munificentia. Hippocratem accersit, eumq; habet in summo honore ac pretio 80. Aegyptios qui à se defecerant, ad pristinum obsequium redigit, ibid. obitus 80. & 83
Arcadius moriens, Isdigertem Theodosii filij sui adhuc penē infantis tutorem testamento constituit. 167. num Honorius rectē fecerit quoddam filij sui tutelam regi Persarum commiserit 168	Artaxerxes Mnemon v. rex Persarum 83. eius victoria contra Cyrum suum fratrem ibid. insidias filij euiat 84. bellum infert Lacedæmonis 86. quandiu regnauit 87. eius mors, ibid. mansuetudo & liberalitas ibidem
Ardaurius à Theodosio Dux constituitur contra Persas, & eiusdem victoria 170. à Narse Persarum duce ad pugnam prouocatus quid responderit ibidem	Artaxerxes germanus frater Saporis, sit particeps regni Pers. 141
Artamanes Persicarum copiarum Dux sub rege Hormisdas 191	Artaxias rex Armenia 104
Argonus, Tangodore patruo interempto, sit Imperator Tartarorum 280. eiusdem obitus ibidem	Artemisia pugna 54
Ariabignes Xerxis frater interficitur in bello contra Græcos 61	Artemisia regina interfuit bello Persico 61. Xerxem prouideret consuli ibid. & ab eo summopere laudatur ibid.
Arimnestus Degeatarum Dux contra Persas 63	Artemisia altera 61
Arion 411	Arthemius dictus Anastasius secundus Imperat. succedit Philippico Bardani 214. victus à Theodosio sacris initiatur 214
Aristagoras mouit bellum in Persas, ope Atheniensium 38	Argenam incenditur à Turcis & diripitur 250
idem cum ipsius exercitu interficitur. ibidem	Ancera regno Persico subiecta 402
Aristidis singulari modestia & virtus 42. & 61. 62	Asciorth rex Persarum temporibus Saracenorum 204
præficiunt exercitui Atheniensium ibid. Iusti cognomen adipiscitur ibidem	Asinulimus sectæ Mutari affleat seruos aduersus dominos suos concitat 220. ab hoc originem traxit Soghiana familia in Perside 221
Armenia olim aut semper Roman. ditionis exitit, aut subiecta regi quem Roman. Imp. delegisset. 120. Saracenis deditur. 212. hanc occupant Romani, trucidatis Saracenis, qui tamen eam sibi postea subiiciunt 213 rursus Romano Imperio subiicitur ibid. & 217. inuaditur à Sultano Aegypto 279	Asimbeius Vismassanes quomodo ad Persarum imperium deuenerit 316. eius legatio ad Mahometē 317 prælium cruentum cum eo committit 317. ingenti clade afficitur ibid. Persicum regnum inuadit 324 ad eum Pontificis Roman. & Venetorum legatio 324 sedus cum iisdem imit ibid. eiusdem legatio ad eosdem ibid. feliciter pugnat cum Mahomete 326 eius belli præcipua causa ibid. victoria ac potentia tum contra Scythas, tum contra filium Persiarum regnum occupare
Armorum vis 104	
Armuzij rex sit tributarius Emanuelis regis Lusitan. 406	
Armuzij siue Ormi descriptio 403. indigenarum mores & natura 404	
Arfaces Parthus, deuictis Macedonibus, occupat imperium Persarum 102. idem Seleucum Nicanorem prælio deuincit, ibid. Parthorum Reges ab eo nominantur Arfacida, ibid. eiusdem obitus 102	
Arfacida quando Persarum imperio potiti fuerint 103	
Arfaces secundus ibidem	
Arfames siue Arses, 9. rex Persarū vigēte Monarchia 92	
quandiu regnauit ibidem	
Arsenius Arcadij & Honorij institutor. 166.	
Arsenga regno Pers. subiecta 407	
Artabanus Persa dissuadet Xerxi bellum contra Græcos, 49	
Artabani cades 77	
Artabanus Parthus Persarum Rex designatur 103. post cladem Orodii filio illatam, fugit ad Hircanos 114	
quorundam procerum auxilio, amissum regnum recuperat 116. reconciliatur cum fratre Gotarze 117	
Artabanus secundus Vologesi succedit 134. à Caracalla sub prætextu nuptiarum vincitur 135. bellum gerit contra Macrinum, deinde cum eodem pacem init 137.	
Magni cognomen adipiscitur 138. interficitur ab Artaxare Persa ibidem	

I N D E X.

occupare molientem 327. & 328. eius obitus & natura	329
Assyrii regni finis	1
Astyagi somnium	11
Athenarum vrbs capitur à Persis, atque diruitur	62
Athen. muri instaurantur	86
Athenienses mouent bellum in Persas suasio Aristagora	38.
Mittunt ad Lacedaemones pro supplicio contra Darium 40. Persas vincunt 41. Eorundem votum ante pugnam Marathoniam 42. Quos dies, ceu fortunos, præcipue obseruauerunt 44. erga de se benemeritos ingrati 45. Legatos Xerxes vrbe interdicit, & eum qui suaserat, vt Persis parent, vna cum vxore ac liberis, lapidibus obruunt 52. admonentur ab oraculo Delphico, vt sese membris linguis cor munirent 59. victoria ad Salaminam 60. proponunt præmium decem millium drachmarum ei, qui Artemisiam, Xerxen in bello secutam, viuam cepisset: eorundem magnanimitas, & quid responderint legatis Mardonij 62. adhortantur Lacedaemones, vt sint constantes in bello contra Persas 62. rursus relictæ patriæ, se ad Salaminam conferunt 62. eorum ciuitas deserta, capitur à Mardonio decimo mense quo fuerat denuo capta & direpta 62. Lycidam vna cum vxore ac liberis interficiunt, eod quod suæisset, de postulat Mardonij referendum esse ad populum, ibid. victoria in pugna Plataensi 63. idem feliciter pugnant in Ionia ad Mycalen 67. Sextum in reditu expugnant ibid. redeunt in patriam, & illam instaurant & portum communiunt 67. nouos apparatus faciunt contra Persas, & Cymonem deligunt Imperatorem 72. eorundem ingratitudo erga viros potentes, ac etiam de se optime meritos ibid. Themagoram suum oratorem, quod Artaxerxem adorasset, capitali supplicio afficiunt 81. idem, Dematri interrogant multam centum talentorum quid Alexandrum M. assumpsisset Olympiacis 81. eorundem clades in Sicilia 82. gratitudo erga Thebanos 93	
Athos mons	51
Augarus Orosenus à Romanis desciens, Parthis patrocinatur, & sub amicitia specie Romanos in perniciem adducit	107
Augarus & Armeniorum rex contra amicitia & hospitalitatis leges ab Antonino capti	134
Augustus, vt controuersiam Teridatis ac Phraatis diiudicaret 113. ei signa & captiui redduntur à Parthis ibid. vrbe ouans ingreditur ibidem	
Aum. Abdima?idi filius defuncto Zulciminio, Saraceno- rum sic Pontifex	215
Val. Aurelianus succedit Fl. Claudio 146. eiusdem victoria contra Zenobiam viduam Odenati 146. eius cades 147. eiusdem seueritas, & epistola ad suum vicarium præclaras leges militares continens 147. & in victoria moderatio ibidem	
Axan, ab aliis Cassanus dictus, ab Axane in imperio constituitur	261
Axanes, Tangolipice mortuo, Turcici imperij administrationem suscipit 259. in Persia sedem figit, & per Sultanos ceteras prouincias gubernat, & regnum proferre ac ampliare nititur, ibid. infeliciter pugnat cum Romanis ibid. potitur victoria, & Romanum Diogenem captiui in prælio ad se perductum, liberum dimittit 260. exemplum singularis clementie ac mode-	

rationis in victoria exhibet ibid. præcauens bella ciuili- lia, ad nouos Saracenos, id est, Turcas pergit, eisq; persuadet, vt Axan quem Cassanum quidam vocant, principatum suum integrum teneat	261
BABYLON quo tempore à Cyro expugnatur	16
Babylon & Alcairus præcipua sedes Saracenorum Principi	227
Babylonia 410. Zopyri dolo recipitur à Persis	32
capitur a Tartaris 276. eius Calysa fame necatus 277. per dolum tentata	369
Bachu	410
Bagadet olim Babylonia	328
Bagas Ochum & Arjen eius filium interficit 90. eiusdem interitus ibidem	
Baiazeres primus 285. defuncto patre Orchane primo, regnum aufpicatur à cade fratris Iaguppi 298. eiusdem prospera expeditiones 298. Constantinopolim obsidet 299. in Asiam reuocatur ab obsidione Constantinopolitana: à Tamerlano 299. à quo ei proponuntur iniquissimæ conditiones 300. eiusdem ad Tamerlanum responsum 300. committit cum eo prælium 301. fugit & apprehenditur 301. eius vxor Eleazar Ducis Prusie filia, capta perducitur ad Tamyre ibid. & 302. ac filij cum infinita multitudine, vna capti ibid. crudelissimè trahuntur in custodia 303. eius obitus ibid. Filij eius de regno decertant 307	
Baiazetes 11. Turcorum Imperator 330. eius varia expeditiones 331. Valachia subigit: & infeliciter cum Caubheio Sultano Mæthico pugnabit ibid. mouet bellum in Venetos 332. eosdem magna clade afficit 332 cum eisdem pacem init ibid. legatos Iymæus Sophi cum irro successu dimittit 340. infestatur bello ab eodem 341. & 342. Calligero monachi Gracivatinio perterritus recipit se sub Rhodopen. 343. eius mors, & ingenium ibidem	
Baiazetes filius Solymanni fugit ad Persas 365. & ibi interficitur	384
Bairibum regno Pers. subiectum	407
Baldunus Flandria Comes, Constantinopoli capta ac direpta, Caesar designatur 271. eiusdem obitus ibidem	
Baldunus ultimus Imperat. 271. à Grecis Constantinopolitano imperio eiectus, in Italiam fugit	272
Barbaribenum regno Pers. subiectum	408
Bardas Sclerus elatus fortuna & successibus sub Zimisca imperiū affectat 246. victus cogitur fugere ad Cosroen Babylonum 246. à quo detentus vix elabitur ibidem.	
Basilus Macedo interempto Michæle, ad imperium euehitur, ac diuersas expeditiones parat in Saracenos 237. eius pietas in puriori doctrina proferenda 240. eiusdem ingratitudo in de se benemeritum, & mors 240	
Basilus & Constantinus fratres Romani iunioris liberi, succedunt Zimisca Imper. iure hereditario; sed omnis imperandi potestas cesit Basilio cognomine Porphyrogenito 246. Bardam Sclerum qui antea imperium affectarat & victus aufugerat, in gratiam recipit 246. eius victoria contra hostes ibidem. eiusdem sauitia in Bulgatos ibid. obitus 247	
Bassarum Amurathus quatuor nomina	397
Bastemum regno Pers. subiectum	402
Baydo Tartarorum Imperat. post Regaytum	280
Baytingirus rex Persarum post Iulauero	329
Begler-	

I N D E X.

Beglerbegus Bassa Assyria suavor Persici belli 394.	Gracia Bassa	398	expeditionibus vincit Arabes, Persas & Turcas	331
Belgradum à Mahometo II. frustra oppugnatur	316	Calurnij Flamma virtus ac fortitudo	57	
& Solymanno expugnatur.	359	Caliph I. Imperator Persia à Saracenis constituitur	205	
Bellisarius præcipuus dux Iustiniani	178. & 179	Calypha quid significet	252	
Bellum inter Cyrum & Cræsum 11. Peloponnesiacum 81		Calixti Põrificis Romani & Venetorum legatio ad Vsum-	324	
eius belli quæ causa fuerit 82. prædictum eclipsi Solis		cassanum	342	
& Cometa 82. Corinthiacum	86	Calligeri Monachi Græci vaticinium	342	
Bellum civile inter Cæsarem & Pompeium 111. huius		Calioannes Alexio Comneno patri succedit in imperio	265.	
belli causa & origo	ibidem	eiusdem victoria contra Turcos, Persas, & alias	265.	
Bellum Cræsi Parthicum 105. Parthicum Cæsari mād-		armas nationes 265. Tartaris summotis, contra Vnnos	266.	
datum, 112. inter Persas & Romanos	121. 157.	arma conuertit, eosq; profligat	266.	
170. 176. 178. 191		ibidem		
Bellum inter Parthos & Romanos, cum ipsorum Roma-		Camara oppidum amplum	406	
norum haud exigua clade 125. nouum bellum Ro-		Cambyses II. rex Persarum 23. Aegyptum subigit	23	
ma contra Parthos decernitur	125	contra Aethiops infelicitè pugnat ibid. exercitum		
Bellum atrocissimum inter Constantinum & Saporem re-		amittit dum conatur expugnare templum Ammonis:		
gem Persarum	157	Axim vulnerat, eius somnium & crudelitas	ibidem.	
Belli quod inter Turcas & Persas tandiu geritur, causa		eiusdem seuitia in proprium fratrem ibid. sorore du-		
394. & 395		cit vxorem, & ex se gravidam interficit 24. probi-		
Beneuentum capitur à Saracenis	238	bet instaurationem templi Hierosolymitani 27. eius		
Bibliander	30	mors ibid. stratagemata ibid. aduersus eum coniu-		
Bindamyr fluius idem qui Tigris	406	ratio	28	
Birum regno Pers. subiectum	402	Campo Sultanus Aegypti vincitur à Selymo	349	
Blases Peroz progenitus sit rex Persarum, cõiecto in car-		Cantacuzenus tutor sit filiorum Andronici iunioris	284	
cerem Cabade	175	filia in vxorem Iohanni legitimo heredi tradita, im-		
Blesis qui & Valens, frater Perozis, Persarum rex	173	perum administrat 284. ac tandem exorta inter eos		
Cabadin cuius locum successerat, regnū spõte cedit	175	discordia illud sibi vsurpat	ibidem	
Bonsacius Corsica Comes Saracenos vincit	270	Capua & Beneuenti oratores missi ad Basilium Imp. ca-		
Bonsacius Marchio Montisferrati	270	piuntur ex itinere redeunt à Sultano; quorum Ca-		
Britannici imperij conuersio sub Theodosio	172	puanus se constantissimè gessit pro salute patriæ	240	
Buda capitur à Solymanno	360	Cara	411	
Bulgarorum rex Trebellius 213. eorum excursiones 214		Carabes	329	
amplectuntur fidem Christianā suæ regie sororis 235		Caragus Bellerbeius Bassa Baiazetis necatur à Techelle		
obsidet Byzantium, & capiunt Adrianopolin	242	341		
Byzantium capitur à Pausania 70. frustra à Sarace-		Caramania, olim Cilicia vnde appellata 326. inter Ca-		
nis obsidetur 209. denud à Saracenis frustra obside-		ramanos duos fratres prælium	326	
tur 215. obsidetur à Bulgariis	242	Carbagada filius Casani Imper. Tartar.	282	
		Carinus alter filius Cari vincitur à Diocletiano	149	
		Caroli Martelli in chylia victoria aduersus Saracenos	217	
		eius coadiutores in bello aduersus eisdem 218. eius		
		obitus	219	
		Carolus Magnus Pipini filius 222. eius patria	ibidem	
		nunquam fuit Gallus sed Francus, & in ea quidem parte		
		Francia vbi Germani semper habitauerunt, genius		
		222. vincit Desiderium vltimum Longobardorum		
		regem ibid. mouet bellum aduersus Saxonas ibidem.		
		prælium committit cum Saracenis 223 in quo mag-		
		na clade afficitur ibid. nouam cladem mox accipit		
		ibidem. designatur Imperator à Leone Pontif. ibid.		
		mittit legationem Ierosolyma & in Persiam	224	
		mittitur ei munera ab Aarone Persarum rege	ibidem	
		cum Nicephoro Orientis Imperatore fœdus renouat		
		225. Ludovicum constituit heredem imperij	225	
		obitus	226	
		Caroli iunioris egregia virtus in repellendis Barbaris	227	
		Carolus V. & Ferdinandus frater exercitum parant con-		
		tra Turcas	361	
		Carpurum regno Pers. subiectum	407	
		Carsis à Turcis munitio erecta	392	
		Carsis munitio à Persis capta & euerfa	393	
		Carthaginiensium clades	49	
		Carus Narbonensis Probo succedit 148. bellum gerit in		
		Persas, & fulmine idem perit	ibidem	
			Casan-	

I N D E X.

q

I N D E X.

Constantinus Imperator primus ex Occidente in Orientem imperium transtulit 150. quot imperij successores reliquerit ibid. fugit insidias Diocletiani & Maximiani 151. Christianus mirum in modum fauet, & pro ipsis scribit ad Saporem Persarum regem 153 eius pietatis fructus amplissimus ibid. subditorum beneuolentia 154. dum contra Persas expeditione parat, veneno interficitur 150. mors eius per cometam denunciata 152	Corba regno Pers. subiecta 402
Constantinus filius Constantis minores fratres crudeliter necat, veritus nequando sibi imperanti officerent 209	Domit. Corbulo à Nerone praeficitur Orienti 120. eiusdem nobilitas & virtus ibid. eiusdem fidelissimum consilium datum Teridati 121. expugnat Volandum longe munitissimum oppidum ibid. exercitum instruit ad pugnam ineundam contra Teridatem 122. Artaxatā deditione capit, eamq; direptam euertit ibidem. maximum vita discrimen effugit ibid. Tigranocerta deditione occupat, & aurea corona donatur 123
Constantinus 111. Barbatu suae Pogonatus cognomento, in imperio succedit 209. trecentis Saracenorum militibus in praelio casis, eos sibi vestigales facit 210	regium praesidium vi expugnat ibid. propter mortem Ventidij vniuersae Syriae praeficitur 123. mittit superpetias Tigrani aduersus hostem 124. eiusdem providentia in tuenda Syria 124. legatio ad Vologensem 124. Parthico bello à Nerone praeficitur 125. eiusdem bellici apparatus & militaris disciplina 125. eiusdem oratio ad milites 126. Vologesis & Teridatis legatos amanter excipit ibid. ab hostibus etiam celebratur 126
Constantinus Copronymus tenet imperium post Leonem Isaurum 220. vehementior fuit patre in delendis imaginibus ibid. hoc regnante Saraceni iterum Pyrenaeos transgressi sugantur à Pipino 221. eius obitus ibidem. exarchatus in Italiam sub hoc deficit ibid.	Corbulonis & Teridatis mutui congressus 126. eorum colloquium osculis finitur ibidem.
Constantinus Leonis filius fit Imperator 241. cum Saracenis varia fortuna Romani dimicant 242. hac tempestate Turcorum qui & Vngri nominantur, Istrum incolentes, plerique ad Christianam religionem se conuertunt 242	Corbulonis laus à Teridate Roma apud Neronem decantata 128. à Nerone interficitur 129. eius in Germania, & contra Parthos res gestae, & virtutes. & in Neronem fides ibidem.
Constantinus à filio inficitur veneno, & paulo post extinguitur 242	Corbulo Chaucos praecipue vexavit 129
Constantinus frater Basilij ei in imperio succedit 247 eiusdem improspere expeditiones ibid. mors ibidem.	Corcyra à Turcis frustra oppugnatur 365
Constantinus Monomachus Zoe opera fit Imperator 256 eius obitus 257	Cortestanium 411
Constantinus Ducas, Isaacio succedit in imperio 258. hoc regnante, Cometa apparet: quem secutus est terramotus horribilis ibid. moritur 259	Craesus mouet bellum contra Oradem Persarum regem 105. eius victoria contra eiusdem praefectum Talymentum ibid. desidia ibid. eius superbum responsum traditum legatis Orodis 106. quae omnia illi eueniunt dum Parthus bellum inserit 106. eiusdem vox in omen vertitur 107. eiusdem consilia 107. filium amittit in praelio 108. post cladem, Carrhas perfugit, ac rursum inde sugere tentat 109. idem à Surena deceptus perit ibid.
Constantinus vltimus, Manuelis filius, in imperium succedit 285. sub hoc capitur Constantinopolis à Mahometo secundo Amurathis filio 286. eius obitus 290	Craesi clades diris omnibus portenditur 106. eiusdem interitus 108. & 110. aurumq; in os eius infusum 110. non censebat eum esse diuitem qui non posset suis sumptibus Romanum exercitum alere 109
Constantinopol. incendium 174. seditio 179. imperium quandiu steterit 292	Creta occupatur à Saracenis 231
Constantinopolis capitur & diripitur à Balduino Flandria Comite 271. anno 1261. à Graecis recuperatur, Latinis eiectis 272	Craesi regis Lydorum filius 11. eiusdem litterae ad Cyrum 11. idem consulit oraculum ibidem. alloquitur Solonem super hominis felicitate 12. vincitur à Cyro 12. seruatur beneficio filij sui muti 13
Constantinopolis frustra obsidetur à Baiaxete I. 299 iterum obsidetur, ac tandem capitur à Mahometo secundo 286. & 287. eius descriptio ibid. quantam sauitiam in ea exercuerint Turci 290. frustra obsidetur ab Amurathe secundo 311. peste diuexatur regnante Solymanno 367. maximum damnum accipit sub Selymo secundo 372	stratagema ibid. consilium traditum Cyro 17
Constantinop. & vniuersa ferme Graecia ingenti terramotu concutitur 342	Croia à Scanderbeio capitur 312
Constantinopoli & in finitimis locis inopia rei frumentariae & siccitas ferme inaudita 393	Crux aurea à Iustiniano Caesare diuo Sergio consecrata 196
Constantinopolitani palatii descriptio 319	Ctesias Cnidius Medicus, & rerum Persicarum scriptor sub Artaxerxe Mnemone 88
Constantinus pater Constantini fauet Christianis 152	Ctesiphon 102
Constantinus Constantini filius solus potitur rerum 154 eidem aduersus Persas expeditio infelicitur succedit ibid. Nisibin defendit contra Persas, & cum iisdem foedus contrahit 155. ingreditur Romam vna cum Hormisdas 155. responder ad literas Saporis 156. bellum instaurat aduersus Saporem Persarum regem 157. eiusdem somnium ibid. fatetur se destitutum esse à genio sua tutela ibid. obitus ibidem	Ctesiphon Parthorum regia 102. 115. à Romanis diripitur 133
Coppatinus, filius Glazastani Sultani 269	Ctesiphontes 411
	Cur leges conditae atque inuenta 7. cur olim creati reges ibidem. cur dantur obsides regum liberi 118
	Curci apud Persas quid significet 375
	Cutlunus Tangrolipicis Persarum regis nepos ab eo deficiit 249. in fidem societatemq; Roman. Imperatoris recipi postulat 258. in felicem Arabiam confugit ibid. parat arma contra Axanem nouum Sultanam, ut ipse imperium occupet 261
	Cyprus à Saracenis detenta, in potestate Rom. redit 244
	Cyropo-

INDEX.

- Cyropolis 432
Cyrus Persica Monarchia auctor 9. unde hoc nomen
sumpsit 10. de eodem oraculum 11. eius coniux
11. bello Cræsum adortus, & respondet ad literas
Cræsi: Daniele accersit ibid. de Cyro Esæa vaticini-
um 14. fauet populo Israelitico ibid. mittit epi-
stolam ad Syria satrapas 15. Babylonem expugnat,
& quo tempore 16. Thamyrim postulat in matri-
monium ibid. prohibetur ab egressu regni ibid.
ad Araxim exercitum educit 17. sequitur consilium
Cræsi ibid. stratagemate vitur ibid. insidias capit
Spargapisen filium Thamyris, eiusq; exercitum pro-
figit, 18. lacesitur iterum à Thamyri ad consili-
um ibid. movet exercitum contra eandem ibidem.
cum omnibus copiis exingitur ibidem. eius dotes ac
pietas 19. eiusdem sepulcrum ibid. memoria, gra-
tutudo, clementia, diligentia 21. forma, apophyge-
mata, parsimonia, liberalitas, aciei instructio, militare
rexillum, bellica disciplina, resera 22. qualem hym-
num quibus diis in ipso prælii aditu canere iuberet ibid.
quandiu vixerit, & regnavit 22
Cyrus Darij Norhi filius, movet bellum aduersus Artaxer-
xem Mnemonem suum fratrem, & in bello interficitur
83. eiusdem eximia virtus ibidem
- DALMATIA sese in libertatem vindicat, iugo Impe-
rij Græci excusso 232
Damasus & vniuersa Syria recipitur à Tartaris 281
Darius Hystaspis filius quomodo ad Persarum imperium
deuenerit 30. filiam Cyri Atossum in matrimonium
ducit, & præter hanc etiam Esther ibid. idē primus
apud Persas tributa instituit ibid. & 432. omnium homi-
nū paleherrimus, beneficis & gratus ibid. ope Demo-
cedis medicis præstantissimi consuluit à sua egritudine
31. aduersus Arphaxat expeditionē suscipi, eūq;
vincit 31. Babylonem obsidet, & Zopyri dolore cu-
perat 32. eiusdem dictum memorabile ibid. primus
apud Persas auream monetam excudit 33. Cyri e-
dictum renouat de institutione templi Hierosolymi-
tani 33. proponit suis satrapis questionem ibid. in sa-
cris libris vocatur Assuerus 34. Anthimi Scytharum
regis filiam in matrimonium postulat, sed frustra 34
exposcit à Scythis dona in signum subiectionis ibidem.
aurem, murem, & ranam, pro vuneribus accipit ibid.
eisdem bellum infert 35. ab ea expeditione infeli-
citer suscepta, recedens, vitur stratagemate ibidem
Darij pons 36. sella ibid. eiusdem exercitus ad Istrum
ceditur 37. reuersus in Persiam, legationem mittit
ad Macedones 37. eius oratores interficiuntur in cō-
uiuio ibid. Ionas cadit 38. cur Athenienses præci-
pue oderat 39. eiusq; expeditio aduersus Græcos 40
prælium inter eum & Athenienses 41. ab Atheniē-
sibus eius exercitus profigitur 41. eius obitus 46
epitaphium ibidem.
- Darius Longimanus 420
Darius Norhus regnat in Perside annis xix. 81
Darius vltimus rex Persarum florebat Monarchia 92
quo tempore & quandiu regnavit ibid. legationem
mittit ad Alex. Mag. quæse Regem regum, ac Deorum
consanguineum: Alexandrum autem samulum suum
appellat, ibid. proponit prænium interfectores Phi-
lippi & Alex. ibid. inter eum & Alexand. bellorum
causa ibid. infeliciter cum Alexandro pugnat ad Gra-
- nicum amnem 94. nouum exercitum apparat ibid.
iterum vincitur, ac aufugit ex prælio 95. eius ma-
ter, coniux, & due filie virgines in Alexandri potesta-
tem deueniunt ibid. tertio vincitur 96. eius fuga
& cades 96. diadema 424. fuit felicior post mor-
tem quam in vita ibid. quandiu vixerit, & regnavit
ibid. eiusdem delicia, luxus, & splendor ibidem.
Datis Darij dux contra Athen. 40. eiusq; clades 41
Decertandum quando sit cum hoste 43
Decius Imperator successor Philippi Arabis 143. eius-
dem obitus, & filij cades ibidem.
Declinatio imperij Occidentis facta est sub Valentiniano 172
Delphicum templum calitus sub Iuliano corruit, quod de-
inceps nunquam instauratum fuit 160
Demosiethen natus ab Atheniensibus orator ad Alexan. 94
Demosiethen apologus 94
Derbentum regno Pers. subiectum 408
Destherum regno Pers. subiectum 402
Desiderius vltimus Longobardorum rex vincitur à Carolo
Magno 222
Dictum Tigranē conspecto L. Luculli exercitu 44
Dies æreus quis Romæ fuerit appellatus 128
Diocletianus renunciatur Cæsar 149. contra Narsen
Persarum regem bellum mouet, & clade afficitur ibid.
potitur victoria aduersus Persas Duce Galerio 150
primus se adorari passus est, & pedes sibi ostendi ibid.
sponte abdicat se in petro, & ad illud recipiendum inui-
tatus, recusat ibid. moriē inter Diuos refertur ibid.
Diocletianus & Maximianus acerrimi hostes Christiano-
rum 152
Diodorus Siculus quo tempore vixerit 89
Dira omnia quæ Cræsi classem portenderent 106
Discordia inter Romanos propter obsides Parthorum ex-
orta 121. eadem composita per Neronem ibidem.
Discus aureus diuo Sergio voti causa inscriptus 196
Diuerfa ratio apud complures nationes creandi reges 8
Domitius Corbulo, vide Corbulo.
Domitius Nero, vide Nero.
- ECLIPSIS Luna 28. Solis 196 273
Eclipsis Solis & cometa præcesserūt bellum Peloponnes. 82
Eclipsis Solis & Luna sub Andronico seniore 283
Edena 411
Edeffe clades ex amnis ingenti inundatione 178. de-
fenditur à Romanis 181. à Romanis expugnata 254
ab eisdem defenditur contra Arabes 255
Edeffa & Alepum veniunt in ditionem Tartarorum 277
Elmai dicuntur Persæ: vide Persæ.
Elizabetha Britannie Regina 172
Emanuel Paleologus, fratre è regno ex-ussus, à Baiazete
Turcorum rege, illud obtinet 285
Emircanus Marise preficitur à patre Hodabendo, bello
Persico aduersus Amurathem 386
Encomium & sepultura eorum Græcorum qui in Ther-
mophylis cecidere 57
Epistola Xerxis missa Esdrae sacerdoti Hebraeorum 68
Artaxerxis ad suos Satrapas & Duces provinciarū 78
Item alia ad Hyftium Hellefonti præfectum 80
Orodis Persarum regis ad Crassum 106. Volozes
ad Neronem 124. altera ad eundem 128
Antonini Caracallæ ad Artabanum Pers. regem 134
Alexandri Severi ad Artaxarē Persarum regem 138
Valerij Aureliani ad suum vicarium 147

I N D E X.

Constantini Magni ad Saporem Persarum regem pro Christianis 153.	Saporis ad Constantium Imp. 155	Constantij ad Saporem 410	Eri. 14	Esaia vaticinium de Cyro 241	Esmian Calysa in Euprii obsidione interficitur 78	Ester nubit Artaxerxi 216	Euelitus post Gizidum patrem Calysa renunciatur 203	Eubocata successor Mahometis Constant. 259	Eudoxia sue, Eudocia Imperatrix, mortuo Duca 407	Euphrates 54	Eurybiades Lacedemonius praeficitur vniuersa classi contra Xerxem 221	Exarchatus Longobardicus, quando primum incepit in Italia 191.	sub Copronymo deficit 191	Exarchorum arx & sedes Rauennae 183	Explicatio capitum admonitionum quae apud Gracos Tabella dicitur regia, ab Agapeto scripta 153	Exempla, Christi persecutoribus res esse aduersas, defensoribus autem Christianorum secundas 47.	Exemplum singularis beneuolentiae fraternae clementiae ac moderatiouis 260.	constantiae ac magnanimitatis in defendenda patria 62. & 292.	crudelitatis 112. & 119.	immanitatis 25.	Diuina vitionis 219	& 239.	fortitudinis 160.	instura 27.	moderationis in victoria 65. & 191.	& 267.	modestia 70	perfidiae 411.	seueritatis 308	FABER Callimachus insignis architectus 216	Feria exaltata Crucis instituta ab Heraclio, propter victoriam contra Persas 202	Flagitiosi Persarum mcestus 422	Flavius Claudius Caesar renunciatur, interempto Gallieno 146	Florianus frater Taciti imperium tanquam hereditarium inuadit 147	Foedus inter Xerxem & Carthaginienses inter Persas & Romanos 150. & 166	Fortunati & infortunati dies apud varias gentes 44	Francorum victoria Duce Martello 218	Franci & Veneti Byzantio deditione capto, Alexium iuniorum in imperium restituant 270	Fraterna beneuolentia & singularis modestia exemplum 47	Friderici Aenobarbi expeditio in Asia 268.	tribus magnis praetis hostes vincit, funditq; 268.	satis fuit impeditus quo minus Turcas ac Saracenos plene deleuerit 269	de eiusdem obitu variae opiniones ibidem	Fridericus Palatinus defendit Viennam contra Solymannum 361.	eius virtus & magnanimitas ibid.	GALERIVS dux Diocletiani Persas vincit 150	Augustus appellatur, Diocletianusq; succedit ibid.	Galenus Roma à Senatu Caesar est appellatus 143	Licin. Gallienus Valeriani frater, siue, vt aliis placet, filius, per vndecim annos Romanum imperium turpissimè administrat 145.	interimitur à Cecropio Dalmata 146	Galli imperium Orientis obtinent 271	Gaudentius Atheniensis ab vltimo Dario de ipsius exercitu rogatus, quidnam ei responderit 99.	idem propter fidele consilium à Dario interficitur 99	Gazelles à Solymanno deficit, & victus interficitur 359	Gemes, qui & Zizimus frater Baiazetis I. regno exclusus, confugit Rhodum 330.	necatur siande Pontificis Alexandri ibidem	Gempsa Parthorum magnus Sultanus ingunt Tartaroni à suis ceruicibus depellit 282	Gennadius Patriarcha Constantinopol. exhibet Mahometo confessionem 320	Genna capitur & diripitur à Saracenis 238	Gennenses, eorum bella & victoria: vide Franciscus Catalusius	Georgiani, siue Georgij populi, vbi habitent 351.	vocatur Christi in Iacobina ibid.	adiungunt se Persis 389	Georgius filius Iohann. Castrorum Scandebensis dictus vide Scand. 312	Gerardus Mercator 28. 30	Germani quosdam sibi reges creabant 8.	eorundem laus 9	Germani cuiusdam militis robur & magnanimitas 268	Gies regno Pers. subiecit. 402	Gigantei generis mulier 178	Ginus Magnus Canes tertius Tartarorum Imper. 276	Gizidus, siue Gizitus, Abdimech filius, Aum vro succedit, quo imperante, excitatus est in Perside alius Calisa Gizidus, & ipse Moalibis appellatus, contra quem missus fuit cum magno exercitu Masalmicus, qui eum praetio vicit, Persidemq; subiecit 216	Gizitus secundus in locum Euclis succedit 219	Gobellus, abas Cobila, frater Naolontenebitur ad imperium in Tartar. 278.	à Sultano Aegypti bellum e Syria & ingenti afficitur clade 278. & 279.	Abaga eius filius fit Tartarorum Imper. 279	Gobrya vera interpretatio super his munibus quae misit Antiochus Scytharum rex, Dario, ipsi bellum inferenti 35	Godefridus Bilioneus Lotharingia Princeps, Dux expeditionis Hierosolymitanae 263	Gordianus tertius iunior, anno atatis suae XII. Romanum imperium suscipit 142.	eiusdem in Persas profecti successus per Misitheum suum generum ibid.	triumphus & interitus ibidem	Gotarzes Arabani Parthorum regis frater in Persia seditiones excitat 117.	cum fratre in gratiam redit 118	confugit cum Vardane, & vincitur ibidem	obitus tyrannide Persa Meherdatem Roma accersit, & eiusdem astutia 119.	idem: Meherdatem superat in praetio 119.	eius obitus ibidem.	Gothi vnde suum genus traxerint 16	Goutates Turcorum rex vincitur à Iachino, & amittit regnum 276	Gratianus Imper. Valentiniiani filius, Lugduni per insidias à Maximo interficitur 165	Graecia intestinis bellis diuexatur 74.	floret insignibus viris sub Xerxe, Artaxerxe, ac ceteris Persiarum regibus vsque ad vltimum Darium ibidem	Gracilegatos Darij in conuiuium interficiunt 37.	eorundem clades in Ionia 88.	apparatus contra Xerxem 54	mittunt legatos ad Gelonem Syracusanum, ad Creteneses, & Corcyreos pro supplicis contra eundem ibidem.	eorundem clasius contra Xerxem quantae exititerit 54	victoria contra Persas ad Salaminam 60.	periti in arte natandi 61.	ab hominum adoratione abhorrebant 81	Graco imperio destructo, septem Principes regna inter se partiuntur 294	Gracum Imperium, sub Iohanne Palaeologo cepit paulatim in seruitutem Turcorum delabi 285.	quidam fuerint 290	Guibo-
--	---------------------------------	---------------------------	---------	------------------------------	---	---------------------------	---	--	--	--------------	---	--	---------------------------	-------------------------------------	--	--	---	---	--------------------------	-----------------	---------------------	--------	-------------------	-------------	-------------------------------------	--------	-------------	----------------	-----------------	--	--	---------------------------------	--	---	---	--	--------------------------------------	---	---	--	--	--	--	--	----------------------------------	--	--	---	--	------------------------------------	--------------------------------------	---	---	---	---	--	--	--	---	---	---	-----------------------------------	-------------------------	---	--------------------------	--	-----------------	---	--------------------------------	-----------------------------	--	---	---	---	--	---	---	--	--	---	------------------------------	---	---------------------------------	---	---	--	---------------------	------------------------------------	--	---	---	---	--	------------------------------	----------------------------	--	--	---	----------------------------	--------------------------------------	---	---	--------------------	--------

I N D E X.

Guibocus, siue Virbocus, vnus ex praefectis regis Tart.	278	Hoccora secundus Tartarorum Imperator	275
Guines filius Sophit. tantam doctrinam sinitatitq; opinio-		Hocemus Alis F. ab Abdalamo Iezidi filio interficitur	210
nem in Oriente cõdiciat, vt à Tamerlano inuasiatur	333	Hodabenus, defuncto fratre Ismaële, regni Pers. admini-	
Gulera à Turcis expugnatur	373	strationem suscipit	385
Gunza à Turcis deditione capta, Nicolao Turzio ob eius		Homar, siue Homarus Eubocara succedit	203.
constantiam traditur.	361	metis religionē summo studio conseruauit inuolutā	333
HABRAYMVS Bassa ad summos honoris gradus à		Homeri poemā intestino draconis cxx. pedum aureis lre-	
Solymanno euehitur 360. eius gratia excidit	364	ris descriptum, vnā cum ingenti bibliotheca sub Zenonis	
ingulatur	ibidem.	principatu Constantinopoli deslagrauit	174
Hales gener Mahumetis	332	Honorius, vide Arcadius.	
Halibassa caditur à Techelle	341	Hormisda filius Saporis Persarum rex	140
Halla oppid. regno Persico subiect.	407	Hormisdas Persarum rex, successor Cabadis	191
Handeralba, quæ & Belgradum	316	Ardamanem ad euasandas Romanorum provincias cū	
Haolonus, siue Hiclonus, frater Mangonis, regnum Persie		magnis copiis mittit 191. Pacē int̃ cum Iustino secun-	
& Babyloniam, Edeffam, Alepum, & Antiochiā, Sul-		do 391. bello infestat̃ à Tib. Constantino	191
tanis inter se disidentibus, caput 276. eius obitus	279	cum copiis Armeniam irruit, magnumq; terro-	
Helas Tammassi frater desicit ad Solymannum	368	rem Romanis incurit ibid. sed funditur, fugaturq;	
causa deflectionis	ibidem.	eius exercitus, ac diripitur ibid. iterum præliū com-	
Helena mater à Romano iuniore filio Constantini, multa		mittitur, in quo Romani sunt victores 192. infelici-	
afficitur mirra, ita vt Basilium primogenitum imperij		ter pugnat cum Philippico Duce Mauritiij Imper. 192	
corona insigniuerit	243	& 193. per popularem seditionem è regio throno de-	
Hellepontus	50	turbatur, instigante Varamo, qui cum Romanis infelici-	
Helucij vincuntur à Cesare 43. eorundem victoria ad-		ter pugnauerat, & in custodiam conuicitur, ac in eius	
uersus Gallos iuxta Basileam	67	conspectu coniux & filius ingulatur 193. & 194	
Hemircanus, vel Emircanus, Marise Persici regis filius, ve-		Hormisdas, natione Persa, regio sanguine procreatus, fru-	
nit in castra 393. prouocat cum 40. millibus Sima-		stratis custodibus ad Constantinum confugit	154
nium ad pugnam	393	ingreditur Romam cum Constantio, & eius faciliū	
Henrici Penie epistola ad Cardinalem Saulium de gestis		responsum 155. praeficitur à Iuliano exercitui con-	
Ismaëlis contra Turcas	345	tra Persas	158
Henricus S. Pauli Comes	270	Hostilanus & Volustanus interfecit	143
Henricus succedit fratri Balduino in imperio Constanti-		Humiades dux inuictissimi animi contra Turcas	313
nopolitano	271	eius victoria 316. eiusdem obitus & virtus	ibidem
Heraclius Imperator succedit Phoca 199. eius legatio		Hydrus expugnatur à Mahomete	318
ad regem Persarum Chosroën 199. eiusdem altera		IACHINVS Tartarus Ariz Drangianæq; & Aracho-	
legatio 200. Ostiensem praefectum exercitus Chosrois		sia terras ad regnum Turquestan, necnon Partium,	
superat, in fugam adigit, & 3000. Persarum milia ca-		Mediam, ac Persiam occupat 276. Gouiate Turco-	
dit 200. Persas tribus præliis vincit 201. fœdus		rum regi regnum adimit 276. cometes apparet 276	
cum Persis percutit, interfecto Chosroë, recuperatq;		Iacobita Georgiani	351
quicquid Romano imperio ereptum erat à Persis	201	Iacuppus rex Persarum post mortem Vsumcassani	329
Heraclij stirpis defectio	211	ab vxore adultera veneno interimitur	329
Hermogenes Dux præcipuus Iustiniiani cum Bellisario ad-		Iaddi Pontificis visio 95. idem cum reliquis sacerdoti-	
uersus Persas	179	bis & vr̃bana multitudine Alexandro occurrit, & ab	
Herodanus plurimum dissentit à cæteris scriptoribus super		eo humanissimè saluatur ac excipitur	ibidem
victoria Alexandri Seueri contra Persas	139	Ianizarorum ordo ab Amurathe secundo institutus	313
Herodotus quo tempore vixerit	89	eorum praefectus Aga 314. vnde nomen Ianizarorum	
Herostratus incendit templum Ephesi, voto adipiscendæ		deriuatur	ibidem
famæ	99	Ianne regis Othomanni dicuntur Custodes corporis	294
Herzillum regno Pers. subiectum	408	Iathatines Rucratimi filius Sultanus 272. eius cades ibid.	
Hiberi potiuntur Armenia 114. inter eos & Persas		Ices, mortuo Gizio secundo, Pontificatum assequitur 220	
prælium	115	Iezidus, defuncto Muamta, eius filius, Pontifex & rex salu-	
Hiclonus, vide Haolonus.		tatur 210. eius symbolum	ibidem
Hierosolyma capitur à Saladino	350	Ignis artificialis, quo naues incenduntur	216
Hiesdum regno Pers. subiectum	403	Ignis violati panis	418
Hipparchi interitus	38	Immanitatis horribili exemplum	25
Hippias Atheniensium tyrannus regno eiectus, confugit ad		Impræclis Muamatis successor, mouet bellum contra Ro-	
Persas, & Darium extimulat ad bellum Græcis infe-		manos	232
rendum ibid. eius interitus	45	Incendium Constantinopolit.	174
Hippocrates accersitur ab Artaxerxe, & ab eo summis ho-		Incessus Persarum flagitiosi	422
noribus afficitur	80	Indagarus Manicheorum antistes tempore Cabadis	177
Hissania à Sarcenis infestat̃ sub Vlito	214	Inducia inter Hispanum & Turcas	398
eis subiicitur	215	Iohannes Castriotorus Epiri & Albania dominus	312
Histiæ mors	38	ab Amurathe pacem impetrat	ibid.

I N D E X.

Iohannes Leunclaus	139
Iohannes Palaeologus filius Andronici iunioris, regno pulsus à socero, confugit ad Franciscum Catalauiam Genuensem patricium, cuius ope iuuatur, & in regnum reducitur 284. regno potitus, cum ex Italia nullam opem speraret, cum Amurathe Orchanis filio fœdus init, unde captus est Grecum imperium in seruitutem Turcorum paulatim delatib.	285
Iohannes Palaeologus filius Emanuelis	286
Iohannes, Philippi Audacis Burgundi filius, Sigismundo Imper. opem adfert, sed capitur à Turcis, ac tandem liberatur	309
Iohannes Zimifca succedit Nicephoro Phoca 245. eiusdem victoria aduersus Saracenos & Roxolanos ibid. Byzantium euans ingreditur, ubi honorifice exipitur, & tropheæ in templo Constantinopolitano locat	245
eiusdem obitus	246
Iones deficiunt à Dario	38
Ioma	15
Ioppe	411
Iouinianus Imper. 161. initio imperij Christianum se esse profiteretur ibid. eiusdem constantia in religione ibid. configit cum Persis, & demum inter conditiones pacis 162. eiusdem pietas & mors 163. Cometes conspectus est sub mortem Iouiniani Imper. 163. portenta conspiciuntur sub mortem eiusdem.	162
Irene vxor Leonis 1111. Imperatrix Romani imperij 221 sub ea restituntur imagines ibid. eius crudelitas in filium 221. eadem principatu exiit ibid. huius temporibus inuenta est lamina ærea, in area lapidea, his verbis: CHRISTVS nascetur ex virgine	222
Isaaciis prædict interitum Valenti Imperatori	165
Isaaciis Commenus substituitur in locum Mich. Stratotuci 257. eiusdem mors & ingenium	258
Isaaciis Angelus è gente Comnena ad imperij gubernacula collocatur 268. eiusdem obitus	266
Isidigerres Varanus Cermasar Persarum regis filius 141 ab Arcadio, filij tutor substituitur 167. quandiu regnauit 168. Christianis plurimum fauet ibid.	
Ismaël, cognomēto Sophus, alio nomine, Siach Ismaël 332 Tauris victor ingreditur 333. fugit ex Persia 334 expeditio aduersus regem Persarum 335. formidabilis omnibus ferè nationibus potitur Babylonia, Mesopotamia, & multis aliis regionibus 338. Lasibam Sarmantis regulum deuincit ibid. eius legatio ad Venetos cum eorundē responso 339. eiusdē legatio ad India reges ibid. & ad Albuquerqueium eiusdem legatio 341. item ad Baiazetem cum irritō successu ibid. Techellem mittit in expeditionem contra Turcos 342 configit cum Selymo ancipiti Marte, in quo prælio vulneratur 344. de gestis Ismaëlis contra Turcas Henrici Penia epistola extat 345. domesticis seditionibus implicatus multa amittit 349. Ismaëlis & Selymi comparatio 351. varia potentissimorum principum legationes missæ ad Ismaëlem 354. eius obitus & natura	357
Ismaël secundus, Persarum rex creatur, post mortem Tammasi, regnum recusante Hodabendo primogenito 385. eiusdem stratagemas ibidem. à sorore veneno necatur	385
Ismeria Th. bani factum infigne ac memorabile	80
Isus	411
Istibus à Turcis communitur	308

Isticus quo astu literas miserit ad Aristago 38. mors ibid. Italia sub Theophilo Imperat. plurimum infestatur a Saracenis	235
Indeorum calamitas sub Iuliano	160
Inlauerus succedit Iacippo in imperio Persæ.	329
Inlinus in Gallia acclamatur Imperator Augustus 157 creatus Imperator statim bellum mouet in Persas ibid. Delphos mittit legatos, qui interrogarent de euentu belli Persici ibid. eiusdem victoria prope Argentoratū ibid. expeditio in Persas 158. iustitia obseruantissimus ibid. Admonetur a Sallustio, qui antea fuerat in Consulatu eius collega, expeditionem in Persas differendam esse propter Sybillina oracula ibid. eiusdem terrestribus & naualis exercitus in Persas, ibid. prosperi successus in Persia, ibid. victor vsque ad Ctesiphontem peruenit, ibid. contemnit prodigia & amicorum monita, quo nouum bellum prosequatur ibid. configit cum hoste, & vulneratur ibid. eiusdem blasi hemia in filium Dei, & mors, ibidem. abstinentia, impietas	160. 161
Iustinianus succedit Iustino 178. eius præcipui Duces, Belisarius & Narfes 178. sub eodem res esse 179 cum Chosroë pacem init 180. sed eam Chosroës violat ibid. sub Iustiniano plurima prodigia, ut cometa, terramotus, &c.	182. & 183
Iustinianus iunior, quem alij Iustinum tertium vocant, à patre Constantino 4. Barbato Caesar creatur, sitq; vltimus ex stirpe Heraclij 211. violato fœdere. bellum infert Saracenis 212. insigni clade propter fœdus violatum afficitur ibid. à Leonio exiit principatu 212 ex Chersoneso frustratis custodiibus elapsus, ope & armis Trebellij Bulgarorum regis, recuperat imperium; ac magnam in Leonium hostesq; reliquos exercet tyrannidem 213. ingulatur	214
Iustinianus Dux Genuensis, defendit Imp. Græcum, & Constantinopolitanam urbem à Mahumeto secundo obsessam 288. & 289. vulneratus se recipit in viciniam Chalcedonem 289. moritur	ibidem
Iustinus Imp. succedit Anastasio 176. mouet bellum contra Persas, at breui post secuta est pax 176. rursus mouet bellum 178. eius obitus	ibidem.
Iustinus secundus Imp. succedit Iustiniano 190 bello ab Hormisdas rege Persarum infestantur Roman. prouinciæ 191. pax confirmatur	ibidem.
Iustitia exemplum	27
LABIENSVS præfectus equitum Pompeij Magni, incitat Orodem Parthorum regem ad bellum Romanis inferendum. 111. capitur à Ventidio	ibidem.
Lacedæmones in rotunda Luna & ante plenilunium in aciem non exibant 40. Xerxis legatos in puteum prouincit 52. Syneum creant ducem contra Xerxē 54 Leonidem suis copiis præficiunt aduersus eundem	55
eorundem victoria	ibidem.
Lacedæmoniorum qui vnà cum Leonide in Thermophylis ceciderunt, epitaphium auctore Simonide. legationem mittunt ad Athenienses 62. isdem mittunt supplicias Duce Pausania ibid. Eundem proditiōis contritum, in delubro Mineræ mediis interficiunt	70
Themistoclem accusant apud Athen. eodem crimine 71 vexantur terramotu 74. inueniunt pacem cum rege Persarum 82. Ducem creant Agesilaum contra Persas, eumq; in medio cursu rerum benegerunt, domum reuocant 85. victi à Conone Atheniensium Duce, mari-	

I N D E X.

maritimum imperium amittunt &c.		Macrinus successit Caracalla 136. Imperator designatur	
Lanzibentum	407	ibid. eiusdem expeditio ac praelium contra Persas 136	
Laonicus Chalcondylas quidam de Mahometo secundo		foedus inter virosque	137
scripsit	315	Madi filius Abedele fit Pontifex	224
Larum vrbs	406	Madranolanum	408
Lasilba Sarmentis regulus vincitur ab Ismaele Sopho 338		Magi predicant Cyrum 30. annos regnaturum	14
Leges cur condita atque inuenta	7	a septem Persarum principibus opprimuntur	28
Leo Armenius Orientalium copiarum Dux fundit ac fugat Saracenos, &c. 230. Michaelis Cuiopalis heredibus expulsis, imperium inuadit ibidem. eiusdem cades	231	De Magorum praelectionibus 140. Regina Persarum filij partum predicunt	140
Leo primus Graeciae sanguinis Imperator 174. eiusdem egregia virtus	ibidem	Magi & Iudaei Christianam religionem summo odio prosequuntur	152
Leo Isaurus, Cōno antea nominatus, fit Imperator à Theodosio Adramyteno 214. imagines è templis aboleri iubet 219. repellit Saracenos ab vrbe regia sub eo terramoris ibidem. dysenterico fluxu extinguitur	220	Magi Marutha aduersantur, & callido facinore conantur efficere, vt à se Marutham rex dimittat 169. eorū dolo detegitur ibid. noua fraus & dolus patet, ac etiā grauius coercetur	ibidem.
Leo quartus Copronymi filius, coronatur à Patriarcha viuo patre, & Irenen Atheniensem ducit 221. patrem imitatus est in delendis imaginibus ibidem. mors ibid.		De Magis & Magia	428
Leo filius Basilij Imperat. 240. sub eo Romani confligunt cum Saracenis ancipiti Marte ibid. eius mors 241		Magia duplex 429. eius definitio	ibidem
Leonidas Lacedaemoniorum Dux 55. in Thermopylas proficiscitur 55. eius magnanimitas 56. mors ibidem. epitaphium 87. quibus verbis suos fuerit allocutus, hoste aduentante, ibid. Xerxi diadema auellit ibid. eius cor inuentum est hirsutum ibid.		Magistri militiae apud Persas grandaeui	423
Leontius à Tiberio in vincula conicitur 213. crudeliter interficitur vnā cum Absimaro ab Iustiniano ibidem		Mamaluchi à Selymo funduntur, & postmodum delictur, 349. quādiu regnarint in Aegypto, & eorum origo 350.	
Lex de Polygamia promulgata à Cabade Pers. rege 174		Mahometis initium 202. dux creatur adiuncto sibi Saracenicis exercitu ibid. eius mors	203
Licinius vincitur in acie à Crispo F. Constantini, & itādem interficitur à praefide ipsius Constantini	152	Mahometes Celebinus, siue Calepinus, interficit Moysen 308. de eius origine variae opiniones 309. primus huius nominis, imperium adeptus, nomen Turcorum ita celebre reddit, vt Europae gentes illud quammaximè reformident 310. eiusdem obitus	ibidem.
Longobardorum exarchatus initus 191. finis 221		Mahometes secundus Amurathi succedit	286
Lucy Veri res gesta sub Traiano 130. sub Antonino Pio, cognomento Philosopho, contra Persas	132	Constantinopolim obsidet & expugnat 286. & 287. 316. primus Constantinopoli naualia instituit 315	
Lucius Septimius Severus, mouet bellum in Persas 133 eiusdem victoria & mors, auctoritas, & pleraque alia ibidem.		Belgradum frustra oppugnat 316. configit cum Vsumcassano 317. Persarum castra inuadit ac diripit, ibidem. Trapezuntis imperium euertit	318
L. Vitellius, vide Vitellius.		Comnenam familiam extinguit 318. Ciliciam occupat ibid. Catalios delet ibid. Rhodum frustra obsidet 318. Hydrum expugnat ibid. eius obitus & natura 319. Palatij ab eo Constantinopoli constructi descriptio ibid. de bello inter eum & Vsumcassanum leges 325. & 326. de victoria eiusdem contra Pirametum	ibidem.
Luculli victoria aduersus Tigranem 44. eiusdem legatio ad Orodem Persarum regem	104	Mahometici regni initium	227
Ludi gladiatorij apud Puteolos à Nerone facti	127	Mahometus Purpuratus Ottomannici exercitus Imp. 388	
Ludovicus filius Caroli Mag. constituitur ab eo heres Imperij 226. cognomentum Pij adeptus est	227	eiusdem cades	ibidem.
non potuit à Pontifice Paschale per oratores moueri, vt Michaelē Tralumi Orientis Imper. iuuaret contra Saracenos	231	Mango Gino succedit in Tartar. imperio	276
Ludouici regis Vngariae interitus	360	Mangodamor, siue Mandagamar, frater Abagae Tartaror. regis, dux exercitus, fugit victus à Sultano Aegyp. 279	
Luna eclipsis	28	Maluchia	410
Lusitanorum ope Turci funduntur à Persis, & maxima clade afficiuntur	365	Mamunus Impraëlis filius Calysa Syria, vir rei astronomicae peritissimus 236. sub eo Saraceni Armeniam populantur	236
Lusitani scelopetarij proficiscuntur in Persiam, regi opem laturi	368	Manes Persa, vnde Manichei 145. trucidatur à rege Persarum	146
Lycidas vnā cum vxore ac liberis interficitur ab Atheniensibus, quod suaderet, de postulatis Mardonij referendum esse ad populum	62	Manicheorum praecipua dogmata	145
Lysander Lacedaemoniorum Dux	80	Manichaorum secta quomodo ex Persia deleta fuerit 177	
MACEDONES Persicos oratores missos à Dario interficiunt in conuiuiis 38. quādiu in Persia regnarint	102	Manuël Comnenus à Caloioanne ad supremum imperij fastigium euebitur 266. eiusdem perfidia in Conradum Sueuum Imperator. 266. ea vindicatur à Rogerio Siciliae rege ibid. infelicitur pugnat cum Turcis ibid. mors	267
Macimum	403	Marathon vnde nomen accepit 40. μαράθ, id est μαρτυρία appellata 42. vnde Marathonia pugna.	
		Mardocheus summis honoribus afficitur ab Artaxerxe 79	Mardo-

I N D E X.

Mardonius Darij præfectus contra Græcos	49	tracto recuperat	281
Xerxi auctor est ut bellum Græcis inferat 48. relin-		Memnon Rhodus Persarum dux contra Alex. M.	92
quitur à Xerxe in Græcia qui bellum prosequatur 60		eius consilium in gerendo bello qualem fuerit	94
legatos mittit ad Athenens. 62. inuadit Athen. ibid.		Memorabilis vox cuiusdam Persæ	68
interficiuntur, & à quo	65	Mengerium	408
Marsilia quo tempore condita	15	Mercedinum	402
Val. Martianus Imp. 173. cum Persis & Vandalis sedus		Mesirhes purpuratus è gente Palæologa ad oppugnandum	
percutitur ibid. eius memorabilis vox, & obitus ibid.		Rhodom à Mahumeto secundo præmittitur	318
Martyropolis frustra à Romanis oppugnatur	193	Messeth Sulcimen, id est, Templum Salomonis, in quo fe-	
Maruanus creatus Pontifex ab Abdalamo deturbatur re-		runt olim tumulatum Salomonis matrem	407
gno Saracenicò	211	Meson.	410
Maruanus Pontifex creatur, Ice mortuo 220. eius cla-		Metasthenes ex Persia oriundus, Persicæ historie scri-	
des 221. ex Aegypto omne Maruanum genus expel-		ptor	89
lunt	221	Metellinus in insula Genuës. occupatur à Mahumeto 11. 318	
Maruthas Mesopotamie episcopus apud Persas Rom. le-		Michaël Cyropolates Nicephori gener fit Imperator 230	
gatus in magno est apud Persarum regem honore 168		renouat antiquum sedus cum socero & Carolo inceptum	
idem capitis dolorem diuturnum in Ildigerte rege, pre-		de terminis Orientalis & Occidentalis imperij ibidem.	
cationibus disbellit ibid. ei Magi aduersantur	169	hac tempestate cometes apparet	ibidem.
idem cum Abda Persidis episcopo regis filium demonio		Michaël Translus, seu Babus cognomento, post Leonis Ar-	
liberat	169	menij cadem ad imperium enuchitur 231. post varios	
Masistius Persarum equitum dux à Græcis caditur	64	conflictus fundit Saracenos ibid. clade afficitur, &	
Masfadale id est, domus Alis in ea trucidati ac contumu-		mox victoria potitur 232. sub hoc Dalmatia sese in	
lati	207	libertatem vindicat	ibidem
Masutus filius Clizastlani Sultani	269	Michaël Theophilus filius Imp. 235. aduersus Saracenos	
Matthias Ungaria regis virtus, & in bello felicitas	330	expeditione parat ibid. eiusdæ clades 236. eius auun-	
Mauritius creatus Imp. contra Persas feliciter pugnat, duce		culus Petrona nomine, desperata salute, in Saracenos	
Philippico 192. cum idem Philippicus frustra Mar-		irruens, eos vincit, ac victor Byzantiū reueritur 236.	
tyropolim oppugnat, urbem aliam prope Martyropolim		sub hoc Rom. cum videret Venetæ classem à Saracenis dele-	
extruit	193	tâ, eos aggreditur, fundit et fugat 237. eius cades ibi.	
Mauritius, vite humana instabilitatis memor, Chosroën		Michaël Paphlago post mortem Romani Argyri, Caesar	
suo regno exutum benigne excipit 195. Narfen præ-		designatur 255. mittit per fratrem suum Constan-	
ficit Romanis copias contra Persas 195. qui sex mil-		tinum opem Edessa vrbi ab Arabibus obfessa, eamq, li-	
lia Persarum manu capit, eosq, ad Chosroën adductos		berat 255. Romanorum insignis victoria ductu Ma-	
hostilibus confixit 195. Chosroën in suum regnum re-		niaciis contra Saracenos 255. Sicilia & alias regiones	
ducit	ibidem.	Romano imperio restituit 255. cum Saracenis sa-	
Mauritij vox ante mortem 197. interficitur ibidem.		cus percussit 256. principatu se abdicat, & Michaël-	
Maxentius Imperator à Constantino deuictus, in flumine		lem Calaphatem imperij hæredem instituit	ibidem.
submersus, perit	151	Michaël Calaphates, Michaël Paphlagonis nepos fit Im-	
Maximianus eodem die Mediolani deponit imperium quo		perator 256. ob tyrannidem imperio exiit ibid.	
Dioletianus 150. Christianos ingenti odio persequi-		Michaël Stratioticus succedit Theodora in imperio 257	
tur 151. Masilia à Constantino interficitur	152	Michaël Comnenus Caesaris legatus Turcos deuincit 260	
Maximianus Imperator Alex. m. Senero in imperio succedit		Michael, cognomento Parapinacius, capto à Turcis Roma-	
142. eiusdem mors miserabilis	151	no Diogene imperium obtinet 261. hoc regnante,	
Maximus apud Aquileiam prælio superatur	165	anteceps monstrum famem, quam mox subsequuta est	
Medi summo in honore suos reges habuerunt	8	lues quæ interempti sunt plerique mortales	261
Medi montani quosdam sibi reges creabant	ibidem.	Michaël Palæologus imperium Constantinopol. occupat,	
Mediarurus R. mano imperio subicitur	217	electus Latinus 272. extinctis Lascaris, à quibus re-	
Medorum regnum	1	rum potui non poterat, sibi imperium usurpat	273
Megarenses dimicant cum ceteris Græcis contra Persas,		eius mors	273
pro salute patriæ 63. eorundem virtus & fortitudo		Milusia	402
ibid. extremè in acie laborantes, succurrunt ab A-		Milo Anglerius Rolandi pater in prælio cum Saracenis &	
thenien.	63	Carolo Mag. commisso, caditur	223
Meherdates à Parthis Roma accersitus, ut rex designare-		Miltiades Atheniensium dux 40. eius obitus & virtus	45
tur 118. idem amittit regnum propter nimiam cun-		Mislatres filius Narsis Persæ, rex	104
stationem, & nouellorum procerum perfidiam	119	Misubius gener Gordiani tertij iunioris, vir doctiss. & elo-	
Ninon & Arbelam capit 119. in consuetum quem cum		quentiss. Romano exercitui præfuit contra Pers. 142	
Gotarze habuit, dolo capitur, & vincit traditur victo-		eiusdem prosperi successus ac honores illi à Senatu Rom.	
ri, & auribus decisis, paulo post morbo absumitur	119	exhibiti	ibidem.
Melek Sair succedit patri Catho Sultano Aegypti	279	Mitridates ex Arsacidarum familia, Persis imperat	103
vincit Tartaros	ibidem.	eiusdem victoria & mors	ibidem.
Melechmaser Sultanus Aegypti configit cum Casano Tar-		Mitridates secundus Persæ rex, cognomento Magnus 103	
zarorum Imperatore, a quo vincitur, & amittit Da-		eius res gesta ibid. ob nimiam crudelitatem è regno	
mascum & Syriam, quam postea sœdere cum eo con-		expellitur	ibidem.
		Mithri-	

I N D E X.

Mithridates, Romanos regum capitales hostes appellavit	7	NABUCHODONOSOR, somnium, ac eius interpretatio ex Daniele	9
Mithridates Romanis adiuvantibus Armeniam inuadit	118	Narses dux Persarum misus contra Rom. 179. Romanos ad praelium provocans quid responsi acceperit ibid.	
Monarchia Persarum quandiu steterit	100. eadem à Dario transfertur in Alex. Mag.	101	Narses præcipuus dux Iustiniani 178. per Narsem gesta bella describit Agathias
Monarchia successio apud Rom. Imp. non semper eodem atque solito tenore processit	164	179	Narses succedit Vararani tertio
Mones dux copiarum Teridatis	124	140	Narseus rex Persarum Varranis secundi filius & Varracis nepos qui Varranem primum patrem, Hormisdānum, Saporem abauum, & Artaxarem abauum habuit, Armeniam & Mesopotamiam bello lacepsit 149. eiusdem victoria & clades ibid. eius proles, uxores ac sorores capiuntur
Mons Artho	51	150	Nations varia irrumpunt in Galliam & Italiam
Morbus popularis & communis in toto orbe perquam diuturnus	181	167	Nectanabæ Aegyptiorum rex, ope Agesilai, restituitur in regnum
Morathamus pellitur regno Pers. ab Aluante: cõstigit cum Ismaële & vincitur	33. 35	86	Nebemias præest populo Israëlito annis xli.
Mos Romanorum in trãiciendis fluminibus	50	79	Domit. Nero mittit Domitiũ Corbulonem in Syria & cõtra Parthos 120. Tigranẽ mittit in Armeniam 123
Moschemum	407		consulti suos proceres, bellum ne anceps in Parthos an pacem vellent 124. nouum bellum decernit ibidem. eiusdem clementia in Patum ibid. Teridatem benignẽ excipit, & diademate imposito regem Armenia declarat 128. cithara publicè canit ibid. Teridatẽ cum maximis muneribus in suum regnum remittit ibidem. transit in Greciam ibidem. quinquennio imperium optimè administravit
Moses, mortuo Madi patre, fit Pontifex	224	131	Nicaa Bithymia vrbs à Saracenis frustra oppugnatur
Moses filius Baiazeti, necat fratrem Mulsamanem	307	217	Nicanor Seleucus deuincitur ab Arsace Partho
eius singularis seueritas 308. interficitur à fratre Mahometo Celebino	ibidem	100	Nicephorus Botomates succedit Michaëli Parapinacio in imperio
Muamates filius Aaronis Califa I. regni successor ab eo relinquitur	229	262	Nicephorus, excussa Irene, rapit imperium Orientis 223 & 228. cum Carolo Mag. sedus renouat
Muanias præfectus exercitus Saracenicus	207	225	eiusdem impropera expeditio contra Saracenos 228
committit leuia praelia cum Ali regni amulo, ac eum tandem trucidari curat 207. amulis sublati, præcipuè Albacemo, quem ciues Cusa & Arathe Pontificem creabant, solus regnat 208. Susa à Romanis in Sicilia caso cum 300. millibus, moritur Damasci	210	244	mittit epistolam ad Persarum regem Aaronem ibidem. pacem init cum eodem Aaronem cum maxima Romana ignominia 229. eius cades cum clade Romani exercitus
Muchumetus vincit Babylonum Calisam 248. ab eo Persæ deficiunt 249. interficitur in prælio ibidem.		244	Nicephorus, cognomento Phocas, mittitur à Romano Imp. cum exercitu contra Saracenos, ac feliciter cum eis dimicat 243. Romano viuis exemplo, fit Imperator 243
Muchumetus, Turcorum Imperator, qui Tanisimao successerat, à Manuèle Casare pace non impetrata, committit cum eo praelium, eumq; vincit: sed singularis moderationis in victoria erga eum exemplum exhibens, cum eo pacem init	267	244	eiusdem varia expeditiones contra Saracenos 244
Muhamedes Mahadinus postremus Hocemi filius narratur à Persis nondum obuisse, &c.	210	244	clades, victoria, ibid. ei dedunt se Tharsenses ibidem. Cyprus redit in potestatem Romanorum
Muhamer Hodabendus, sine Cudabenus, filius Tammasi 381. & 384. electus à proceribus, recusat administrationem regni Pers. ibid. & 385. fit rex Persarum, fratre secundogenito è viuis sublato, 385. & 391 præficit filium Emircanum bello aduersus Amurathem 386. tres fratres per dolum trucidat 386. maximas copias describit contra Turcas ibid. capit Vanum vrbe amplius 387. victoria potitur ibid. mittit legatos ad Amurathem 392. bellum renouatur ibid. splendidissimã legationem mittit ad Amurathem 396		245	Antiochia capitur à Romanis ibid. eius interitus
Mulsamanes filius Baiazeti, à fratre Moysæ obtruncatur, 307.		411	Nicesorium
Muner a legatis data à regibus Persarum	425	270	Nicolaus Canabus succedit Alexio iuniori in imperio
Mustapha frater Amurathis, relictus à suis proceribus aufugit, ac comprehensus mox, ab eodem interficitur	311	361	Nicolaus Iurizius ob virtutem & animi constantiam in defendenda Gunza, à Turca conseruatur
Mustapha alter frater etiam interficitur ab eodem Amurathe rerum potiente	312	158.	Nicomedia temporibus Iuliani Imper. corruiit terræmotu
Mustapha primogenitus Solymanni fugit ad Persas	366	118	Ninos vetustissima sedes regum Assyriorum
redit in gratiam cum patre 367. idem à patre interficitur	367	119	capitur à Meherdate
Mustapha Purpuratus succedit in locum Mahometi	388	423	Ninus matrem ob incestum expetitum interficit
stratagemata ibidem. mors 391. eiusdem expeditiones	ibidem	170.	Nisibis, ciuitas Persis subiecta, obsidetur ab exercitu Rom.
Mutar quem Fexidus Persidi prouincia præfecerat, Persarum imperium occupat 210. se vatem esse proficitur, & ab eo Persarum reges qui hodie Sophi vocantur, originem duxisse dicuntur 210. vincit Abdimelicũ	211	141.	soluitur obsidione 171. sub Sapore secundo redit in potestatem Persarum
eius cades	212	145.	recipitur ab Odenato Palmirino 145. obsidetur à Persis tẽpore Constantij Constantinij filij, & liberatur
		155	Nomina quorundam regum Persarum qui post deuictos Parthos, in Persia domati sunt
		140	Nortmanni Calabriam, Apuliam, & Siciliam sua dirionis faciunt 257. Gracis Imperatoribus adiungunt Siciliam,

I N D E X.

liam,regnante Romano Diogene	261	Orhomannus primus Imperator eius familia	293
Notaras regis Gracorum Iudex primarius	291	Bithyniam cum regionibus qua Olympum respiciunt;	
eius singularis constantia & magnanimitas	292	nanciscitur 294. eius obitus	294
vna cum suis liberis à Mahomete I I. interficitur ibid.		Ozmenus à Mahomete tertius Pontifex creatur, successor	207
Numerianus filius Carilectus Imp.ab Arrio Apro, cuius		Homari 205. seipsum interficit	
filiam duxerat in vxorem, interficitur	149		
		PACORVS regis Orodii filius interficitur in prælio	
OCCHIALIM Amiralis Turcicus	398	à P.Ventidio	111
Ochus, VI. rex Persarum Mnemoni successit 89. eius		Paleologa familia imperium quandiu permanferit	292
crudelitas & cades ibid. & 90. 91. recuperat Aegy-		Palladij celeritas inaudita	171
ptum 90. persequitur Iudæos ibid. eiusdem Strata-		Pampacius tertius Persarum Parthorumq; rex	103
gema ibid. auaritia 91. quandiu imperarit	92	Panici terrores vnde dicti	43
Odenatus Palmirius 144. regis Saporis crudeliss. thesau-		Parthamaspates Parthorum rex à Traiano designatur	
ros sui iuris facit, & victoria potitur contra Persas 145		130	
eiusdem meritis	145	Parthi, duce Arsace, Persarum imperium occupant 101	
Odium inter Lacedamonios & Athen. vnde emanarit	74	eorū reges dicuntur Arsacida ibid. eorū historia ibid.	
Odor bonus vnde proveniat iuxta Theoph.	97	armatura ibid. fugiunt nocturnum prælium 109	
Ogdianus, siue Sogdianus, rex Persarum	81	feliciter dimicant aduersus Crassum 108. & pag. inseq.	
Opes regum Persarum	431	idem in os Crassi post mortem aurum liquefactum co-	
Opinus	411	iciunt 109. adiuvant Pompeium in bello civili 111	
Oppida diuersa cum suis nominibus, ad Persicum regnum		denictio Pompeio, adherent Cassio & Bruto aduersus	
pertinentia 405. 406. 407. &c.		Augustum & Antonium ibid. vincuntur à P. Vent-	
Oratio Vologesii habita ad proceres regni	123	dio Romanorum duce ibid. contra M. Antonium vi-	
Oratoris cuiusdam Capuani redeuntis à Basilio Imp. à		ctoria potiuntur 112. Casari Augusto obsides ablegant	
Sultano deprehensi admiranda constantia pro salute		& creandi regis arbitrium permittunt, nec non captiuos	
patria	240	& militaria signa M. Crasso & Antonio adempta, re-	
Orchanes II. Turcorum rex, Cantacusenij filiam ducit in		stituunt 113. contempto Vonone, quem Roma acce-	
vxorem 285. eiusdem prosperi successus, ac eo impe-		suerant, Artabanū sibi regem constituunt 114	
rante regnum Græcia in scruitutem Turcorum delabi-		videm, ignaro rege, mittunt legatos ad Tiberium, & no-	
tur 285. & 295. interit relictis duobus filiis, Soly-		uum principem sibi exposcunt 114. iterum Claudio	
manno, & Amurathe	296	imperante, à Romanis desciunt, & occupant Arme-	
Orias	408	niam 117. Romanas legiones subiugum mittit ibid.	
Oriente Imperium euersum à Saracenis & Turcis	227	ob tyrannidem Gotaræ Meherdarem Roma accersunt	
Orientis Imperium penes Gallos	271	118. Caracalla dolo & perfidia vincuntur 135	
Ormi, siue Arimuzij descriptio 403. indigenarum natu-		quandiu regnarint in Persia 138. auctore Gempsa	
ra & mores	404	Persico imperio iterum potiuntur	282
Orodes Persarum Parthorumq; rex 102. Babyloniam		Parthicum bellum Casari mandatum	112
expugnat ibid. fratrem interficit ibid. mouet bellū		Pasagarda	431
aduersus Romanos ibid. neque Romanos, neque Mi-		In Patria defendenda singularis constantia exemplū	62
trahidtem in bello adiuvat 104. ad C. Pompeium		Patriarcha Constantinopolitanus summo dedecore à Con-	
legatos mittit, qui rebus infectis redeunt ibid. cum		stantino Copronymo afficitur	220
Tigrane in gratiam redit, ad Crassum legatos mittit		Paulus Samosatenus, eiusq; præcipua dogmata	145
cum literis, quibus illum à bello Parthis inferendo de-		Pausanias mittitur à Lacedæmoniis cum quinque millibus	
hortatur 106. eiusdem expeditio in Romanos ibid.		hominum armatorum in auxilium Atheniensium con-	
Surenani suis copiis præficit ibid. bellum gerit in Ar-		tra Persas, & constituitur dux totius Græci exercitus	
menia 106. victoria potitur contra Romanos duce		62. 63. eiusdem virtus atque animi celsitudo 63	
Surena 108. cum rege Armenia pacem componit,		clissi præficitur 67. Byzantium expugnat 70	
atque affinitatem contrahit 111. callet Græcā lin-		eiusdem epistola missa ad Xerxem ibid. Xerxis filiam	
guam ibid. suafu Labienū bellum infert Romanis 111.		in matrimonium ambit ibid. conuictus proditiōis,	
Pacorū filium in acie amittit, & propter cladem ac-		confugit in delubrum Mineruæ 70. eiusdem obitus,	
ceptam furore corripitur 102. filij mortē deslet ibid.		ambitio, & arrogantia ibid. Item duo exempla sin-	
à Phraate filio cum reliquis filiis interficitur ibidem.		gularis moderationis ab eo edita 71. à Simonide ad-	
Orodes Parthorum rex incerta prolis succedit Phraati,		monetur, vt meminerit se esse hominem ibidem.	
& breui post ob seuitiam à suis interficitur	113		
à Iosepho Herodes vocatur	116	Pax Antalcide	87
Orodes Artabani F. configit cum Pharasmane Hybero, in		Pax inter Parthos & Romanos transacta	125
acie vulneratur, & vincitur	114	inter eosdem diuturna 130. inter Romanos & Per-	
Orthogales pater Orhomanni primi eius familia Imper.		sas	132
293. & 294.		Pelopidas Thebanus missus legatus ad Artaxarxem, nihil	
Osiris interficitur à fratre Tryphone	43	indecorum admixit	81
Orhomannica stirpis origo	293	Pera Genuē, tradita 273. à Turcis deditione occupata 291	
Orhomannorum auspicijs Turcicum imperium progressus		Pericles dux Atheniensium post Themistoclem 73. & 74	
facit 283. & 296. & 297. &c.		auctor belli Peloponnesiaci	82
		Periodonices qui in stadio & nauigatione vincit	128
		Perozes	

Perzes post Varanem rex Persarum, 173. eiusdem
expeditio contra Hunos; & interitus ibidem.
Persarū origo, & unde appellatur 4. Persæ dicti Elami-
ta 5. eorum regia familia unde ortum traxerit ibid.
apud Persas & Medos regium nomen in summa vene-
ratione habitum 8. eorum tabellionum cursus &
modus 21. de regibus Pers. Platonis sententia 25
Gazim ararium vocant 28. septem principes Pers.
Magos opprimunt 28. vnum solum Deum esse cre-
debant, & equum eidem Deo consecrabant 30. apud
eosdem Darius 117. primus tributum instituit 30. quos
maximè solennes habuerunt 44. 99. laceſſunt bello ab
Aristagora 38. Græcos clade ingenti afficiunt ibid.
cum Atheniens. committunt prælium, in quo vincuntur
41. de Xerxis Persarumq; expeditione contra Aegy-
ptios, Syriacos, & Græcos, lege 48. & seq. multa nau-
igia amittunt vi tempestatis 54. committunt acerrim-
um prælium ad Thermopylas 55. & 56. eorum
irruptio in Græciam 58. vincuntur ad Salaminā 60
Athenas capiunt ac diripiunt 62. configunt cū Græ-
cis ad Plataeas, in qua pugna vincuntur 63. iterum
vincuntur à Græcis in minori Asia 67. tota Græcia
expelluntur ibid. duplici clade afficiuntur à Cimone
Atheniensium duce 74. caduntur ab Agesilio 85
bellum mouent aduersus Alexand. 92. ingenti clade
afficiuntur 94. iterum vincuntur 95. tertio vin-
cuntur 96. quādiu eorum Monarchia steterit 100
ad Alexandrum M. deficit 101. post eius obitum suc-
cedit Ptolemæus, deinde Ptolemæus Lagi, ac eius poste-
ritas ibid. Arsacis imperio subiiciuntur ibid. quādiu
steterint sub Macedonum imperio ibidem.
Persæ accipiuntur pro Parthis, & Parthi itidem pro Pers-
is 117. configunt cum Hiberis 115. à Romanis de-
fiscunt & occupant Armeniam 117. Vardnem ac-
cessunt ibid. Meherdarem Romæ accersunt ob Go-
taræ tyr. inuident 118. inter eos & Romanos acre
bellum suscipitur 121. pacem contrahunt cū eisdem,
130. iterum deficiunt 131. cum Adriano societa-
tem coluerunt ibid. pacem ineunt cum Rom. ac mox
sub Antonino Pio, cognomēto Philosopho, multa incom-
moda Romanis inferunt 132. & quētin huius belli
fuerit occasio ibid. eorum clades à Romanis inflicta
136. fœdus inter eosdem 137. Persæ, eiectis Par-
this, regnum recuperant 138. mouent bellum contra
Roman. 138. & 139. eorum reges quomodo se gere-
bant erga subactas nationes 140. infelicitè pugnat
cum Misithæo Gordiani genero 142. mox ineunt pa-
cem cum Rom. quādiu non durat 143. capiunt Va-
lerianum Imper. ac eum crudelissimè tractant ibidem.
& 144. vincuntur à Palmirio 145. mittunt le-
gationem ad Val. Probum pro pace 148. fœdus ineūt
cum Rom. 150. quibus temporibus Christianam fi-
dem amplexi fuerint 152. cum Constantio felici-
ter pugnant 154. & 155. in obsidione Nisibis clade
afficiuntur ibid. laceſſunt terrestri ac nauali bello à
Iuliano 158. configunt cum Rom. 159. & 161. &
162. eorum pertinacia in bello ibid. de pace tra-
ctant ibid. pacis leges ibid. mouent bellum in eos-
dem 165. fœdus ineunt cum eisdem 166. & 167.
Ignem tanquam Deum colebant 169. quos Magos
appellabāt ibid. bellum redintegrant 170. clade
afficiuntur ibid. inuadunt à Saracenis cōtra Rom. ibid.

vincuntur 171. mouent bellum, & vincuntur ibid.
pax coit 172. & 175. bello laceſſunt ab Anastasio
175. à Iustino 176. amicitiam contrahunt cum
Rom. 177. renouant bellum 178. & 179. pacem
ineunt 179. & 180. quæ mox violatur à Chosroë
180. hoc mortuo, renouatur bellum contra Rom. 191
pacem componunt ibid. iterum bello laceſſunt à Ro.
& vincuntur 191. & 192. & 193. & 195. pacem
ineunt 195. Africam in suam potestatē redigunt 199
vinuntur ab Heracleo, tribus præliis 201. cum He-
racleo fœdus percutiunt interfecto Chosroë 201
à Saracenis vincuntur 204. & 205. hinc non modò
imperium, sed nomen etiam amittunt; Saracenisq; de-
inceps pro Persis appellantur 204. postremum Ho-
ceni filium, Muhamedem Mahadinum nomine, nondū
obiisse narrant 210. & multa ibidem de eo referun-
tur. nouis motibus agitantur sub Maruano 220
vincuntur à Chosroë Babylonio 246
Persæ, duce Muchumeto, vincunt Babylonium Calisam,
Pisafrium Chosroë successorem 248. Persæ cum
Saracenis proſtigantur à Turcis 248. deficiunt à
Muchumeto 249. à Turcis occupantur Saracenis
expulsis 249. eorum regis improſperi conatus in Me-
dia occupanda 250. capiuntur à Tartaris 276
quomodo à Tamerlano inuaduntur & occupantur 305
eorum rex obtruncatur à Tamerlano 306. quomodo
eorum imperium ad Vsimbetum Vsumcassanem deu e-
nerit 316. & 324. quomodo ad Turcos deuenerit 317
cum Orhomannis feliciter configunt 325
eorum regnū inuaditur ab Vngherm. aumet filio Vsum-
cassani 327. sed pater mox illud occupat 328
procerum Persiæ insignē stratagemā ibid. vincuntur
à Caithbeio Sultano Aegypti 331. Ismaël Sophus
regno potitur 332. Persæ differunt à Turcis in reli-
gione 333. Persis quid à natura sit institum 339
quomodo à Turcis vocentur 358. eorum insignis vi-
ctoria 365. & 366. Pers. regum consuetudo 374
qualitatem fuerit Persici regni gubernatio sub Tammasi
principatu 374. quæ loca amiserint hoc regnante 376
è Persico regno vectigalia sublata 378. Persarum in
suos reges cultus & obseruantia 380. eorum annui
reditus regnare Tammaso 382. arma quibus utuntur
in bello, & equi 383. cum quibus regibus Persæ con-
federati sint 384. eorum apparatus contra Turcas
386. Persis adhærent Scythæ in bello contra Turcas
387. Vanum urbem amplissimā capiunt ibid.
victoria ibid. committunt prælium cum Turcis, in quo
insigni clade Turcas afficiunt 388. Turcas fundunt
non cum mediocri sua ipsorum strage 389. recipiunt
Summachum ibid. munitionem Turcarū diripiunt 392
de improſito Turcas cadunt ibid. eorum stratagemā
394. qualia sint eorum edificia 418. olim dicti fue-
runt sagittarij ibid. quæ sodas metallæ nunc sint a-
pud Persas 418. eorum montes quondam auri ferti-
les ibid. apud eos gemmarum vsus ibid. mulieres,
veteres mores, ac instituta, dij ibid. vere nubūt 419
cultus & cœnæ 420. à Persis Mars colitur 421
eorum signum ibid. ingrati tudinis crimen apud eos
præ ceteris exosum ibid. reges tanquam dei simula-
crum adorare eis mos 421. eorum mos in creandis
regibus 422. ingens suspicio de mulierum suarū pu-
dicitia ibid. quæ pena veneficos afficiant ibid. ince-
stus flagitiosi ibid. signa militaria 423. magistris
militia

I N D E X.

militia grandaui ibid. vouendi modus ibid. eorum regum diadema 424. eorum mos in recensendis maxime his militibus qui in pralio interiere ibid. lex de ferendis regi muneribus ibid. filij regum quomodo fuerint instructi 425. olim loco seruorum habitii ibid. Pers. conuiuia 426. Regum Pers. opes 431. Regum Persarum conuiuia 432	Augustum, appellat se Regem Regum 113. cedit Armenia ibid. filium Vononem Romam obsidem mittit ibid. a tertio filio eiusdem nominis interimitur ibid.
a Persarum rege regna possessa 400	Phraates ex gente Arsacidarum Roma accitus & substitutus rex Parthorum, obit in itinere 114
Persapoliis 412. quomodo fuerit incensa ibidem	Pipinus Saracenos iterum Pyrenaeos montes transgressos fugat 221
Persia quomodo nunc appelletur 5	Piramus, vide Abrahamus.
transfertur ad Parthos 101. quandiu ea potiti sint Arsacida 103. in ea seditiones a Gotarze fratre Artabani exciata 117. Christianismus propagatur 169 eius fertilitas 418. amplitudo sub Artaxerxe 432	Pisafirius Chosroë successor Babylonius Calysa vincitur a Persis 248
Persici regni descriptio 3. quisnam fuerit status ante Monarchiam adeptam 6. Persici oratores interficiuntur a Macedonibus in conuiuio 37	Plancus, & plerique Romanorum qui Crassum sequebantur seipso interficiunt 108
Persicus sinus 4	Plataenses soli adiuvant Athenienses in bello Marathonio 42. suum agrum tradunt Atheniensibus 63
Persica sepultura 422	Plataea descriptio, & unde illi hoc nomen inditum ibid.
Persica ac Turcica militie discrimen 353	ab Alexandro M. propter indigenarum virtutem instauratur ibid. Plataensis pugna 64. & eius descriptio 66
Persici regni descriptio iuxta Curtium & recentiores 400	Platanus a Xerxe adamata 76
Petrone auunculus Michaelis Imp. desperata salute, in Saracenos irruens, eos vincit, ac victor Byzantium reuertitur 236	Platonis sententia de regibus Persarum 25
Petrus Antistodorensis defuncto Henrico fratre Balduino fit Imperator 271	Plutarchus quo tempore vixerit 89
Petrus Gillius 36. 51	Polla 407
Peucestes post obitum Alexandri M. obtinet Persiam 101	Polydamas Scotus, vir corporis statura maximus 82
Phalanx Macedonica 314	Pompeius Orodem Persarum regem contemnit 104
Pharsinensis victoria aduersus Orodem 115	idem paulo post, eiusdem potentiam, & rerum humanarum inconstantiam pertimescit 105. in bello civili adiuuatur a Parthis 111
Pharnabazus Artaxerxis Mnemonis gener 80	Pons Xerxis qualis fuerit super Hellesponto 50
Pharnaces successit Pampacio 103. moriens Mithridatem suum fratrem, prateritis liberis Imperij successorē constituit ibidem	Portenta sub Iouiniano 163
Phatausa filius Cabadis regis Persarū fit Manichaeus 177	Præsegada 411
Philippicus dux Maurij Imp. contra Persas 193	Principes septem regna inter se partiuntur, declinante Greco imperio 294
Philippicus Bardanes regit Imperium post mortem Iustiniani, Leontij & Absimarj 214. in vincula conicitur ibidem.	Procopij Casarensis scripta 178. haud incelebris scriptor restatur inter cetera, Arcadium, Isidorem Persarum regem, Theodosij filij tutorem testam. constituisse 167
Philippides cursor insignis 40	idem describit bellum gestum ab Anastasio Imper. aduersus Persas 174
Philippopolis condita a Philippo Arabe 143	Procopolis 410
Philippus Mel. 34	Prodigium in mari sub Leone Isauro 217
Philippus pater Alexand. M. fit rex Macedonum. Ocho apud Persas regnante 22. & 91. eiusdem victoria & clementia ibid. interficitur a Pausania 92. quem diem pra ceteris coluerit 99	Prælium acerrimum inter Vsumcassanum & Mahumeten secundum 317
Philippus Arabs primus Romanorum Imp. qui Christianissimum amplexus fuit, Gordiani successor 143. mox inuic pacem cum Persis ibid. Philippopolim urbem sui nominis condit ibid. idem Persis bellum indicit ibid. eius cades ibidem.	Prælium cruentissimum inter Persas & Turcas in campis Calderanis 344. & 346. & 347. &c.
Philomellum capitur ab Alexio Comneno Roman. Imperat. 264	Prælium memorandum inter Tamerlanem & Baias, etē commissum, in quo Baias, & ceteri capitur 301. & ubi contigerit 302
Phocas Imperator creatur interfecto Mauritio 198. a suis interimitur 198. & 199. sub eodem Romanum imperium ingenti clade afficitur 198	Prælium nauale inter Venetos & Turcas 308
Phraates Persarum rex 103. eius obitus ibidem.	inter Persas & Athenienses 41. ad Thermopylas 55
Phraates Parthorum rex patrem Orodem & fratres interficit 112. parricida, matrem in uxorem ducit, ibid. vincit Antonium ibid. regno deturbatur, in eius locum Teridate substituto, & breui post restituitur, controuersa inter eum & Teridatem ab Augusto diiudicata 112. & 113. Armeniam occupat, & in suis literis ad	eodem tempore gestum quo naualis pugna ad Artemisium in Thessalia 56. nauale ad Salaminam 60
	terrestre contra Mardonium Persarum ducem 63. 64
	inter Parthos & Romanos 108. inter Persas & Hyberos 115. inter Gotarzem & Meherdatem 119
	inter Romanos & Persas sub Alex. Senero 139
	inter Persas & Rom. 159. inter Persas & Rom. sub Hormisdas 191. & 192
	Ptolemaeus Lagi regnat in Persia, & illius posteritas vsque ad Ptolemaeum Dionysium x11. eius familia 102
	P. Crafi interitus 108
	Pugna Artemisia 54. Leuctrica 88
	Pyrethi Cappadoces 419
	Pyropum ibidem
	Qyæ forma regiminis fit praestantior 29

Qua-

INDEX.

Quando decertandum sit cum hoste	43	Romanus Constantini Leonis filium patrem veneno tol-	
Q. Cediti virtus & magnanimitas	57	lit 242. Imperium occupat 243. impius in Hele-	
Quintus Curtius egregius historicus	100	nam matrem & sorores ibid. sub eo Romani cum Sa-	
Quisnam fuerit status regni Persici ante Monarchiam ad-		racenis feliciter pugnarunt 243. eius mors	243
eptam	6	Romanus Argyrus, siue Argyropylus mortuo Constantino	
Quomodo Romani pontes construebant	36	frater Basilij Caesar creatur 253. eiusdem expeditio-	
Quomodo intelligi debeat locus Herodoti cum dicit Xerxē		nes aduersus Saracenos ibid. ei Calepita pendunt tri-	
trecenta verbera Helleponto inflixisse iuxta interpre-		butum 254. infeliter pugnat 254. victoria poti-	
tationem Petri Gillij	51	tur in re nauali ibid. expugnat Edessam	254
		moritur 255. hoc imperante locustarum ingens vis	
		in Oriente grassatur	ibid.
RADAGISVS Gothorum dux in Italia interfi-		Romanus Diogenes propter coniugium Eudocia imperio	
citur	167	potitur 259. expeditionem suscipit in Turcos prospo-	
Ragufum à Saracenis frustra obsidetur	238	ro successu in spem occupanda Asia erectos ac longē la-	
Regaytus frater Argoni, Imp. Tartarorum	280	teq. grassantes ibid. feliciter pugnat contra hostes ibid.	
Reges cur olim creati 7. reges creandi apud complures		idem Hierapolim occupat 259. nouam expeditionem	
nationes diuersa ratio	8	suscipit contra Turcos 260. eos ingenti clade afficit	
Regum filij obsides cur tradantur	118	ibidem. capitur in prælio, & perductus ad Sutra-	
Regia Persarum familia vnde ortum traxerit	5	nam statim liber dimittitur 260. eius calamitosus	
Regnum siue Imperium Occidentale post Valentinum ter-		exitus	ibid.
tium quandiu vacauerit	173	Rucratinus filius Clifastani Sultan. 269. pellit fratrem	
Rerum publicarum genera	29	Choichosroen principatu	270
Rhadamistus propter scitiam deturbatur Armenia, &		Rustanus rex Persarum post Bassingirum	329
fugit ad Hyberos 120. eius vxor Zenobia ab eo		Rustanus Persarum rex 334. eiusdem cades	ibidem.
vulneratur, & in Araxim flumen proiecta, à pastoribus			
illinc extrahitur, & viua ad Teridatem perducitur 120			
Rhodus capitur à Saracenis 206. deditione capta à So-		SABA dux Saracenorum, in Italiam traiciens, feliciter	
lymanno	359	cum Venetis dimicat 237. sed commisso prælio cum	
De Rhodiana oppugnatione qui scripserunt	311	Romanis ceditur	237
Richardus Frisonum dux, Iauacro baptisimalis ringitur, sed		Sagar Persicus gladius	420
frustra 219. in eundem exemplum diuina vltionis		Sair	402
exhibetur	ibidem.	Saladinus quisnam fuerit 350. Hierosolyma capir ibi-	
Robertus succedit Petro Antifiodorensi in imperio	271	dem. timet potentiam ac arma victicia Frederici	
Roderici Portundi Hispanica clavis præfeti clades	360	Aenobarbi	269
Rodericus Gomezus legatus Albuquerquei, veneno sublatus		Salamina descriptio & commendatio	59
est	406	Salinus Asinulini filius, in Aegypto Maruanū deuincit 221	
Rolandus filius Milonis & sororis Caroli Magni cum Ma-		Aegyptiis imperat, & ab eo caput Aegypti Sultanorum	
suriū summum ducem Saracen. propria manu in-		imperium	221
terfecisset, in prælio extinguitur	223	Saltanatum	402
Roma à Gallis capitur 88. ab Alarico 167. à Con-		Sammachium occupatur à Turcis	389
stante filio Constantini iunioris diripitur	208	Sapores I. succedit Misdaun in regno Pers.	140
Roma triumphatur	112	Sapores II. filius Artaxerxis	141
Romani quomodo pontes construebant 36. eorum mos		omnium crudeliss. Artaxari succedit 140. eius crude-	
in traiciendis fluminibus 50. virtus non minus illu-		litas 144. thesauris suis spoliatur ab Odenato Palmi-	
stris quàm Græcorum 57. suscipiunt expeditionem		rio 145. timet Odenatum & eius socum Balistam	
pro recuperanda Armenia, duce Domitio Corbulone 120		Valerianum	145
bellum contra Parthos decernunt sub Nerone	125	Sapores Nisibin obsidet 155. cladem in obsidione Nisibis	
sub Traiano 130. & sub Lucio Septimo Seuero 132		accipit ibid. eius literæ ad Constantium 155. atro-	
potiuntur victoria in Persas sub Iuliano	160	cissimum bellum inter hunc & Constantinum	157
eorundem virtus 161. noui conflictus vtriusque sub		Amida potitur, & euertit. contra Iulianum arma mo-	
Iouiniano & pax, 162. nouum bellum reparatur sub		uet & consigit 158. idem facit sub Iouiniano	162
Valente 165. quid responderint Narfi Persarum duci		pacem renouat cum Rom. ibid. violato federe bellū	
cum diem pugne ipsis constitisset 170. pugna sub		in eosdem instaurat, & Ctesiphontem occupat	165
Varerano cum ipsorum victoria	171	mittit legatos ad Theodosium, & cum illo sedus cōtra-	
eisdem magna derrimenta infert Aaron rex Pers. 228		bit 166. Instinctu Magorum ac Iudeorum, Christianos	
inter Rom. & Persas pax iniuitur cum maxima Rom.		nos persequitur	152
ignominia 229. bellum renouatur ibid. afficiuntur		Sarraceni adiuvant Persas contra Romanos	171
maxima clade, & Nicephorus obruncatur, eiusq. regia		sed vincuntur, & eorum maxima pars in Euphrate	
supellex diripitur, &c. ibidem. cum Saracenis pu-		submergitur	ibidem
gnant 231. committunt prælium cum		Saraceni vnde appellati 202. Agareni dicti	ibidem
Saracenis 234. sed fugantur ibidem. victoria po-		prosperi eorum successus 203. vincunt in acie Persas,	
tiuntur contra Saracenos sub Michæle Imp.	237	quorum deinceps & imperium & nomen sibi usurpāt	
Romanum imperium penes Zoën & Theodoram	256	204. multa de Saracenis narrantur ibid. prælium	
Romani imperij excidij & ruina causa	296	committunt cum Persis apud Margum ciuitatem, ac	
		victoria	

I N D E X.

victoria potiuntur 205. Imperatorem regno Persarum eligunt quendam de progenie Mahometi, cuius vocant Caliph 205. in quolibet aliorum regnorum quæ subiugauerant, constituunt vnum Soltanum 205 eorum varia expeditiones & victorie ibid. & 206 Muauis prefectus Saracenicæ exercitus Constanti Romanosq; tanta clade afficit, vt mare illorum sanguine ruberet 206. Rhodum capiunt ibid. Siciliam inuadunt 207. Ozmeno interfecto, inter eos de nouo Pontifice eligendo, oritur contentio ibid. Ali creatur eorum Pontifex omnium consensu præterquæ Muauis, cuius tandem insidius perit ibid. Albacemus creatur, Ali mortuo, à ciuib; Cuse & Aratha, sed cedit Muauis ibid. qui solus, sublati emulis, regnat 208 causa religionis inter Saracenos exoritur dissidia ibid. ab eis Syracusa capiuntur 209. eorundem excursiones ibid. frustra Byzantium obsident ibid. fixi tributarij Romanorum, amissis in Sicilia trecentis hominibus, à Constantino 4. casis 210. peste & fame infestantur sub Abdimelico Pontif. 211. Iustinianus iunior sedere violato eis bellum infert 212. vincunt Iustinianum ibid. sibi dedunt Armeniam ibid. deuantant Thraciam ibid. Africa potiuntur 213. maxima clade in Asia afficiuntur à Tiberio ibid. trucidantur in Armenia, quam tamen iterum sibi subiiciunt ibid. Armeniam rursus amittunt ibid. eorum excursiones ibid. & 214. iidem inuadunt Hispaniā ibid. eam sibi subiiciunt 215. Byzantium denuo frustra obsident ibid. Nicæam frustra oppugnant 217. confidunt cum Turcis 217. Galliam inuadunt ibidem. vincuntur à Carolo Martello ibid. Galliam Narbonensem inuadunt & occupant, moxq; eam amittunt ibid. ingenti clade afficiuntur 218. intra 105 annos quantos progressus fecerint ibid. iterum excurrunt in Armeniam & Thraciam 219. diuersis seditionibus infestantur sub Maruano 220. Saraceni fugantur à Pipino, 221. cum Carolo Magno prælum committunt 223. eum magna clade afficiunt ibid. cum Turcis pugnant 224. cladem accipiunt à Carolo Pipini fratre circa Sardiniam victi 225. Sardiniam & Corsicam eximproviso inuadunt 225. à Christianis Imper. Occidentalibus funduntur 227. Orientale imperium Turcarum ope euerterunt ibidem eorundem Principis præcipue sedes 227. eorum potentia domesticis simulatibus collapsa interit 228. & 229. eorundem Sultanis oppressis, Turci sibi regna constituunt 228. à Leone Armenio Orientalium copiarum duce funduntur & fugantur 230 Cretam occupant 231. vincuntur à Bonifacio Corsica Comite 231. Vaticanum diripiunt, ibid. confidunt cum Romanis ibid. funduntur ibid. vincunt, & mox vincuntur 232. acerrimum prælum committunt cum Romanis, adiuti à Turcis 234. Amorium occupant & diripiunt ibid. Italiam plurimum infestant 235. Armeniam populantur 236. sed afficiuntur clade ibid. Saracenorum excursiones ex Sicilia in Italiam Saba duce ibid. Venetos cum ipsis dimicantes ad vnum trucidant 237. commissio cum Romanis prælio, funduntur, fugantur, & ad naues cum multa cade compulsi sunt ibid. noue Saracenorum excursiones in Italiam 238. ab Alberico deuincuntur ibid. Ragusum frustra obsident ibid. capiunt Benenentum & Genuam, eamq; diripiunt ibid. in fugam

vertuntur, ac Tarsensum rex interficitur 239 eorum dux Soltanus capitur à Christianis, & dolo evadit 239. ancipiti prælio pugnant cum Romanis 240 Cretensium Saracenorum clavis ingenti clade afficitur 241. eorum varia excursiones ibid. Tarsenses Cyprum & Antiochiam amittunt, vi Romanorum præsi 244. vincuntur cum Roxolanis à Iob. Zimifca Imp. ibid. Saracenicæ imperij declinatio propter domesticas dissensiones 247. profligantur cum Persis à Turcis 248. & amittunt Persiam 249. de eisdem multa recensentur 252. quædiu eorum imperiū floruit 253 stratagemata eorum in obsidenda Edessa patefactum 255 ingenti clade afficiuntur à Romanis ibid. incunt fœdus cum Romanis 256 Sarbatus Archiatrapes apud Chosroën 200. eius stratagemata aduersus Chosroën ipsi necem machinanti ibid. concitat primores proceres Persiæ ad defectionem ibid. Scanderbeus. i. Alexander Magnus 312. Croim & omnem paternam ditionem recipit ibid. Schac quid significet 357 Scyras 402. & 410 Scyras neglecto Darij exercitu leporem insequuntur 35 Darij munera ridicula offerunt, sed non carentia mysterio ibid. adulatoria cuiusdam interpretatio ibid. Gabria vera interpretatio ibid. se coniungunt Persis in bello contra Turcas 387. fauent Turcis 389 à Persis interfecti 411 Sebastia 299 Sebastia capitur à Tamerlano ac diripitur 269 Seditio grauis inter Turcas exorta 130 Selencia capta & incensa Selymus Baiaæ mortuo, Turcorum imperium assequitur 343. eius horribilis sententia 344. eiusdem expeditio aduersus Ismaëlem Persarum regem ibid. Taurisum capit ac diripit 349. Aladolum regem inuadit ac victum in acie interfici iubet 349. vincit Campionem Sultatum Aegypti, & Mamaluchis suis & postmodum deletis, Syriam & Aegyptum in sua potestatem redigit ibid. suspendit Tomombeium 350. eius obitus ibidem. Selymi ac Ismaëlis comparatio 351 Selymus I. I. Solymanni successor 370. pacem confirmat cum Venetis cum iuramento, quam tamen postea violat 371. Cyprum capit ibid. & 372. nauali prælio cladem ingentem à Christianis perpetuitur 372. Guletam expugnat 373. eius obitus ibidem. Sepultura Persica 422 Diuus Sergius cruce aurea & disco aureo donatur 196 Sericum vulgo Talymanum 408 Seripbes quid significet 252 Serui comitati contra suos dominos 220 Sub L. Seuerio nouum bellum contra Persas suscipitur 130 moritur 133. eiusdem auctoritas & pleraq; alia ibid. Sicaidar Harduellis filius Guinis, pater Ismaëlis Sophi 332 Sigismundus Imperator 309. eiusdem expeditio aduersus Turcas ibid. ingens clades ibidem. Sinan Bassa & Osmanus 397 Sinamus Purpuratus, præfectus exercitus Amurathis contra Persas, detrectat pugnam 393. inopia commectus laborat ac infeliciter pugnat ibid. reuocatur Byzantium 394 Sinus Persicus 4 Sinus Persicus 410 Sittas

I N D E X.

Sittas quidam nomine, Martyropolim Persis prodit 192
Soldanus, siue Soltanus, dominus cuiuslibet regni à Sarace-
nis occupati, praterquam Persia cui præficiunt Impera-
torem Caliph nomine 205
Solymannus Selymo I. in imperium Turc. succedit 359
eiusdem prima expeditio ibid. Belgradum expugnat
ibid. Rhodum deditione capit ibid. Hungariam in-
uadit 360. inuadit iterum Hungariam, & Budam
eiusq. arcem occupat ibid. Viennam Austriam frustra
obsidet, anno 1529. ibid. iterum inuadit Pannoniam
361. idem Romanum imperium sibi vendicat ibid.
Gunzam deditione capit ibid. à Carolo V. impeditus
infectis rebus domum, fugienti similis, reuertitur ibid.
classen parat contra Casarem ibid. bello lacescit
à Tammafo Pers. rege, cui enatae inducie aliquam rela-
xationem afferunt 362. eiusdem noua expeditio cō-
tra Persas ibid. in qua saua tempestate diuexatur et
magna clade afficitur 363. potitur Babylonia &
Assyria anno 1534. ibid. nouam expeditionem parat
aduersus Persas, in qua Taurisum diripit ibidem.
ingenti clade afficitur ibid. mouet arma in Lusitanos
& deinde in Italos 364. idem Venetos bello adori-
tur 365. Corcyram frustra oppugnat ibid. pacem
init cum Venetis, cum maximo eorum incommodo ibid.
nouum bellum mouet contra Persas ibid. Strigoniam
& Albam regalem capit, Christianosq. ingenti clade
afficit ibid. à Persis vincitur ac funditur ibid. & 366
hac clade cometes ac cetera prodigia præcesserunt 366
Solymanni victoria & clades in Persia ibid. eius obitus
& natura 369. funeralia & sepultura 370. eius-
dem iuramentum ibidem
Somnium Nabuchodonosor ac eiusdem interpretatio 9
Sophi Persarum reges, hodie sic vocati, vnde originem du-
xerint 210
Sophiana familia vnde originem traxerit 221
Sophianorum ortus 295
Sophus, Musa Caimi stirpe propagatus, Mahumeris reli-
gionem aliquantum immutauit 335
Sophus Ismaël 334-335. & 336
Spaha 402
Spargapises filius Thamyras capitur, eiusq. exercitus in-
fidus Cyri profigitur 18. sibi mortem consciscit ibid.
Spartani legatos Xerxis interficiunt 52
Stola Semiramidis 424
Stratagema quid sit 14. Stratagema Darij 35
Themistoclis 59. Leotychida Spartani 66
Ochi regis Persarum 90. Parthorum in bello contra
Crassum 108. Ventidij Romani contra Parthos 111
Sarbat Archisatrapa Chofrois 200
Stratagemata non esse improbata 14
Straua 407
Successores Alexandri 101
Sultania 402
Sultani Aegyptij 221. Califa appellari volunt; quæ vox
summum Principem & Regum regem significat 221
Sultanus 252
Sultanus quidam Barbarorum Princeps, pacem init cum
Romanis 264
Summachia, vide Sammachium
Sumachia 408
Surena Orodis præfectus 106. eiusdem victoria contra
Crassum 108. fraus atque dolus contra eundem 110
eiusdem nobilitas, fortitudo atque potentia ibidem

primus Parthorum regi diadema imponebat ibid.
interficitur ab Orode 112. eius filius Teridatem in-
gni regio euincit 118
Surum, Berræ & Antiochia expugnantur à Persis 181
Susa 410
Syracusa capiuntur à Saracenis 209
Syracusan deuiti à Marcello 43
Syria & Aegyptus in potestatem Selymi rediguntur 349
Syria administratio Corbuloni demandatur 123
in ea tuenda eiusdem providentia 124
Syriaca Beroa, nunc vocatur Calep 51
TABELLA regia præcipua capita & præcepta de offi-
cio piæ ac iusti principis continens, ab Agapeto Diacono
conscripta 183
Tabellionum Persarum cursus & modus 21
Tamerlanus Scytharum rex Baiazeri bellum mouet 299
Sebastiam capit & diripit ibid. iniquissimas conditio-
nes proponit Baiazeri 300. ad eundem Baiazeris re-
sponsum ibid. eiusdem expeditio aduersus Baiazerem
ibid. committit cum eo prælium 301. victum &
fugientem cum capit ibid. vitur in eundem feritate
ac crudelitate inaudita 303. eius sauitia 304
quomodo regnum Persia inuaserit & occupauerit 305
Persarum regem obtuncat, ac eius natura & mores 306
eiusdem interitus ibid. antecepsit eius obitum ingens
ac lucidus cometa ibid.
Tammassus succedit Ismaeli in regno Pers. 359. mouet
bellum aduersus Solymannum 362. contractis in-
ducis quiescit ibid. redintegratur inter eos bellum, 362
se inferiorem cognoscens, abijt in montium recessus do-
nec suas copias adaugeat 363. amittit Babyloniam
& Assyriam ibid. duce Delimenthe magna clade Tur-
cas afficit ibid. nouum bellum inter eos redintegratur
356. Lusitanorum ope fundit Turcas ibid. & 366
mittit legatum ad Selymum II. 370. à Cairo exiit
regno Gilano 371. quid responderit audita Chri-
stianorum Principum nauali victoria 372. compo-
nuntur inter eum & regem Aethiopiae Danidem contro-
uersia ibid. eius mores & natura 374. qualisnam
fuerit Persici regni gubernatio sub eius principatu, &
quæ loca amiserit 374. 375. 376. & sequent.
eius aula & senatus 379. Cancellarij 380. quot
liberos Tammassus sustulerit 381. annui redditus Per-
sarum eodem regnante 382. eiusdem miliria ibid.
& quot Sultani vsus sit 383. eius mors 384
Tamyx Guthlumum Tartaris fortunatū gladiū sonat 303
Tangodor succedit patri Abage Tartar. regi 280. cum
Sultano Aegypti fœdus init, & Christianos odio prose-
quitur 280. à suo nepote necatur ibidem.
Tangrolipix rex Persarum post mortem Mchumeti Sul-
tanus declaratur 249. sue genti aditum in Persidem
aperit, eamq. expulsis Saracenis occupat ibid. subiicit
Babylonios ibid. contra Arabes & Medos infelicititer
pugnat ibid. infelicititer pugnat cum Romanis 250
eiusdem improperi conatus in Media occupanda ibid.
necat nepotem suum Abrahimum ibid.
Tarsus 411
Tartarorum, qui & Scythæ, primam Europam irruptio,
265.
Tartarorum origo 274. & 275. primus eorum Impera-
tor Changius 275. huic succedit Hoccors. eorum
irruptio in Europam atrocissima 276. horum regum
sedes

I N D E X.

<i>Sedes Cambalis siue Gambalesca</i> 276. capiunt regnū	<i>ram</i> 18. eiusdem stratagema	<i>ibidem.</i>
<i>Persia</i> <i>ibid.</i> Babyloniam occupant <i>ibid.</i> Edessam,	<i>Tharsenses</i> se dedunt Niciphoro Phoca Imp.	244
<i>Alepu</i> , Antiochiam capiunt 277. expelluntur Sy-	<i>Tharsensis</i> Elades, qua vix vllam maiorem Turci pertulisse	313
<i>ria</i> & vincitur à Sultano Aegypti 278. & 279. eum	putantur	93
postea deuincunt, & recuperant Damascum & Sy-	<i>Thebani</i> vincuntur ab Alexandro	43.
<i>riam</i> 281. denud Syriam amittunt	<i>Themistocles</i> virtus in pugna Marathonia	idem A-
<i>Tartar.</i> imperij declinatio 282. quandiu Tartari im-	theniensibus explicat responsum Apollinis 59. consti-	lit, ad Salaminem pugnandum <i>ibid.</i> eiusdem strata-
perauerint <i>ibid.</i> atroci praelio Turcos fundunt 295	gema & virtus <i>ibid.</i> victoria apud Salaminem 60	idem ab Atheniensib. principatu exiit, quod à Spar-
<i>Taurisum</i> Metropolis siue regia vrbs regni Persici, Ptole-	tanis dona accepisse insimularetur 67. eiusdem so-	lertia communitur portus Atheniensis <i>ibid.</i> accusa-
mao Terua 374. & 401. à Selymo capitur ac	tur à Lacedemoniis apud Athenienſes 72. sagit in	Epirum <i>ibid.</i> scribit ad Artaxerxem <i>ibid.</i> ad eum
diripitur 349. iterum à Solymanno diripitur	profectus, maximis ab illo muneribus datur 73	laus illi tradita à Thucydide <i>ibid.</i> eiusdem obitus <i>ibid.</i>
<i>Taurus</i> mons	<i>Theodora</i> , vide Zoë.	
<i>Techelles</i> vnus ex Harduellis discipulis 334. Persici ar-	<i>Theodora</i> mortuo Constantino Monomacho, à Senatu Im-	<i>ibidem.</i>
mis instructus, mouet bellum contra Turcos	peratrix declaratur 257. moritur	ibidem.
eiusdem prospera fortuna <i>ibid.</i> Caragiū Bellerbeium	<i>Theodoricus</i> Liefveldius, magnus ac supremus Brabantia	425
necat <i>ibid.</i> discedit in Armeniam	Cancellarius	411
<i>Tegeate</i> coniungunt suas vires cum ceteris Gracis contra	<i>Theodosia</i>	
Persas	<i>Theodosius</i> à Gratiano fit consors Imperij 165. eiusdem	victoria aduersus Max. tyrannū & ceteras nationes 165
<i>Teridates</i> , Phraate expulso, rex Parthorum constituitur	sedes init cum Persis 166. Arcadium & Honorium,	imperiij consortes designat, eiq; tutores assignat <i>ibid.</i>
113. confugit ad Casarem Augustum	eiusdem mors & memorabilis vox atque clemētia <i>ibid.</i>	
<i>Teridatis</i> & Phraatis controuersia ab Augusto diiudi-	<i>Theodosius</i> I. I. Rom. Imp. Christiana pietatis fuit acerr-	imus propugnator 169. eiusdem victoria contra Per-
catur	ſas, & in eadem singularis moderatio 171. eiusdem	legatio ad Vararancem regem Persarum <i>ibidem.</i>
<i>Teridates</i> alter ex Arsacidarum sanguine mittitur in Par-	noua eiusdem victoria contra Persas <i>ibidem.</i> pacem	init cum Persis 172. eius mors <i>ibidem.</i>
thiam à Tiberio, & creatur rex contra Artabanū 114	<i>Theodosius</i> cognomento Adramyttenus, seu Adromittihenus	imperio potitur, Anastasio secundo expulso
in regio solio collocatus, admonetur à L. Vitellio, vt alto-	Leoni Isauro vltro cedi imperium	ibidem.
ris Casaris meminerit <i>ibid.</i> pleraque oppida & vrbes	<i>Theodorus</i> Lascarus gener Alexij Angeli fit Imperator 272	eiusdem expeditio & victoria contra Turcas & Alexium
recipit <i>ibid.</i> in Seleucia regaliter excipitur & euin-	ſocerum, quorum Sultani manu propria obruncat, &	clementer ſocerum captum detinet <i>ibid.</i> eius mors <i>ibid.</i>
ciatur regio insigni à Surena 115. longa mora & cun-	<i>Theodorus</i> Lascarus minor eius filius succedit	273
ctatio ei noxia	<i>Theophilus</i> succedit in imperio post mortem patris sui Mi-	chaelis Trauli 232. eius expeditio in Saracenos <i>ibid.</i>
aufugit in Syriam	inferior fit Saracenis ac Theophobi stratagemate, inco-	lumnis euadit 233. duce Theophobo, nouam contra
<i>Teridates</i> rex Armeniorum mittit legatos ad Corbulonem	eosdem expeditionem parat, qua ipsi felicissime succes-	ſit <i>ibid.</i> in eosdem tertio anno profectus, vincitur ac
121. ei Corbulo dat fidelissimum consilium <i>ibidem.</i>	penē capitur; sed Manuēlis duci exercitus virtute con-	ſeruatur <i>ibid.</i> sub eo Romani pugnanti cū Sarac. 234
instruit aciem aduersus eundem 122. recedit à pu-	ſed fugantur <i>ibid.</i> moriens Theophobum ob regnan-	dis ſuſpicionē trucidari iubet 235. sub eodē Italia plu-
gna <i>ibid.</i> Artaxatam expugnat & diripit <i>ibidem.</i>	rimum inſeſtatur à Saracenis	ibidem.
profigitur ex Armenia, regio eius praſidio vi expugna-	<i>Theophobus</i> dux exercitus Theophili Imp.	233
to 123. expeditionem parat in Armeniam duce Mo-	<i>Thermopyla</i> quanam ſint, & cur ita nominentur	55
neſe 124. Tigranocertam frustra obſidet <i>ibid.</i>	<i>Thermussa</i> Italici generis, prius concubina Phraatis, dein-	de fit eius comux
eiusdem virtus in tuenda Syria <i>ibid.</i> mittit legatos ad	<i>Theſſalonica</i> expugnatur, & diripitur ab Amurathe ſe-	cundo
Corbulonem, qui amanter excipiuntur 126. colloquū	<i>Thezichia</i> regio	408
cum Corbulone expetit <i>ibid.</i> ac etiam in illud admit-	<i>Thimagoras</i> Athenienſum orator, miſſus ad Artaxerxem	ab iſſdem capitali ſupplicio aſſicitur, eo quod ipſum re-
titur <i>ibid.</i> prior equo deſiit <i>ibid.</i> vterque iungit	gem adoraffer	81
dexteras, & colloquium oſculis finitur <i>ibid.</i> diadema	<i>Thimarum</i> oppidum	407
Neronis imagini ſubiicit, eiſq; ſacrificat <i>ibid.</i> à Cor-	<i>Thracia</i>	
bulone conuiuio excipitur <i>ibid.</i> priuſquam diſcedat,		
iturus ad Neronem, fratres ac matrem inuiſit, & filiam		
obſidem tradit, & literas Neroni ſupplices mittit 127		
magna pompa Romam deducitur <i>ibid.</i> à Nerone be-		
nigne excipitur 127. ac in eius gratiam ludigladia-		
torij apud Puteolos à Nerone facti <i>ibid.</i> in ſpectacu-		
lis duos vno iſſu tauros conſicit <i>ibid.</i> eius ad Neronem		
oratio deprecatoria 128. diademate inſignitus, rex		
Armenia declaratur <i>ibid.</i> Neronem improbat & de-		
reſtatur, atque interim eidem adulatur, ingentibus mu-		
neribus ab eodem donatur <i>ibid.</i> in Armeniam redit &		
Artaxatam inſtaurat		
<i>Terramotus</i> apud Lacedamonios 74. Antiochia 177		
ſub Iuſtiniano		
<i>Terramotus</i> ſub Leone Iſauro 219. ingens in Aſia & a-		
liis regionibus ſub Maruano Califa		
<i>Teſſu</i>		
<i>Thamyris</i> prohibet Cyrum ingreſſu ſui regni		
deterreret Cyrum à bello 17. eumq; iterum ad conſi-		
ſtium laceſcit & deuincit 18. condit urbem Thamy-		

I N D E X.

Thracia deu. statur à Saracenis	212	eorum incrementa 297. eorum stratagemata contra	
Thucydides quo tempore vixerit	89	Perf. 387. Summachium capiunt 389. vincuntur à	
Tiberius 213. vide Absimar		Perfis ibid. & 390. erigunt munitiones 390. quæ à	
Tiberius Alexander eques Romanus Procurator Iudææ		Perfis diruuntur 392. Caris munitione erigunt ibid.	
post Cuspium Fadum	126	peste affligitur, & comatus inopia: & stratagemata ibid.	
Tiberius Constantinus à Iustino adhuc vivente ad imperium		Turcica ac Persica militia discrimen	353
ascitus 191. bellum contra Persas suscipit; ac		Turcomannia regnum	262
felicitate exequitur ibid. præbet exemplum singularis		Turvanus Caramanorum postremus	326
moderationis in victoria ibid. committitur verum		Tyranni quinam proprie dicantur 46. tyranni triginta	
prælium, in quo sunt Romani victores	192	post captum Valerianum à Persis Romanum Imper.	
eius mors & dotes	ibidem.	vno eodemq; tempore diuexant	145
Tiflis à Mustapha purpurato occupatur	391	Tyris ab Alexandro M. expugnata	95
Tigranides clades & fuga	44	Tzanis Persarum gubernator	316
Tigranides dux Persarum ad Michalem	75		
Tigranides & Orodes in gratiam redeunt	105	VAGOS Persarum dux, regnante Ocho, templum	
Tigranides à Nerone rex Armenia, pulso Teridate, designatur	123.	Hierosolymitanum ingressus, illius spolia anexit	89
ei mittuntur suppetiæ à Corbulone aduersus		Valens Valentiniano succedit 365. gerit bellum contra	
hostem 124. tragœdias scripsit, orationes plurimas	111	Perfis ibid. eiusdem expeditio aduersus Gothos circa	
edidit, ac etiam historias composuit		Byzantium, clades & mors, ibid. Arriani dogmatis	
Tigranocerta facit deditionem, & mittit Corbuloni auream		defensor	ibidem.
coronam 123. frustra obsidetur à Teridate 124		Valentinianus succedit Ioviniano in imperio Roman.	164
Timoclea matrona Thebæne insigne facinus	93	Christiane fidei ac pietatis studiosissimus	ibidem.
Tiribazus Persarum dux	87	eiusdem mors	ibidem.
Tissaphernes Persarum dux 82. superatur ab Agesilao 85		Valentinianus II. præest Gallie, & Viennæ strangulatur 166	
capitis damnatus, iussu Artaxerxis interficitur ibidem.		Valentinianus tertius, sub quo facta est declinatio Imp.	
Tithracistes filius Xerxis spurius, Persarum dux	73	Occidentalis 172. eiusdem tyrannici mores	173
Tithraustes succedit in locum Tissaphernis	85	Licin. Valerianus creatur ab exercitu Imperator	143
Tomombeus suspenditur à Selymo	350	& mox Augustus est factus vid. capitur à Persis, &	
Traianus mouet bellum in Persas 130. potius Armenia		calamitosa exitu vitam terminat	ibidem.
Nisibi & Ecbatani Parthicus appellatur ibid.		Valerius Aurelianus Imp. 146. eiusdem victoria contra	
ei triumphi à Senatu decernuntur ibid. dum nauigat		Zenobiam ibid. mors 147. eiusdem epistola ad, uñ	
Oceanum, amittit omnia quæ in Oriente armis acquisierat		vicarium ibid. in victoria moderatio	ibidem.
ibid. rursum quædam recuperat ibid.		Valerius Probus succedit Florianus 148. Persas ita exter-	
Parthis regem Parthiam ispatem designat, ei q; diademata		ruit ut ad eum legatos mitterent pro pace, quam etiam	
imponit ibid. amittit Armeniam & Mesopotamiam		impetrarunt ibid. eius interitus & laus	ibidem.
131. eiusdem obitus & vox memorabilis ibid.			
heroica virtutes & apophthegmata	ibidem.	Vandalorum excursions	173
Trapezuntici Imperij initium 272. euertitur à Mahomete		Vania	402
secundo	318	Vanura vrbs ampla capitur à Persis ac diripitur	387
Trapezuntis Imperium euersum à Mahomete II.	318	à Turcis capitur	392
Triumphus Traiano à Senatu decreti	130	Varanus Persarum dux est auctor rebellionis aduersus	
Triumviratus Romæ	112	Hormisdam	193
Turci cruce aliquando notati	195	Varanes, qui & Cermasas, filius Saporis 11.	141
cum Saracenis configunt 217. communiunt Isthmum		Varanes vel Vararanes, succedit Isidorigi in regno Perf.	
308. configunt cum Venetis nauale prælium ibid.		169. fœdera cum Romanis 171. soluit, & Christianos	
pacem ineunt cum eisdem ibid. configunt sub Mahomete		ingenti odio prosequitur ibidem. & 170. Narsen du-	
II. infelicitate cum Vsumcassano 325. eorum mos descri-		cem cum exercitu mittit ibid. adiuuatur contra Ro-	
bitur 326. vincuntur à Cathibeio Sultano Aegypti 331		manos à Saracenis 170. parat bellum in Romanos	
ex Turcis plerique relicto Mahomete, Christiana fidei		171. vincuntur	ibidem.
adherent 242. de improviso à Persis caduntur 339		Vararanes 1. filius Hormisdæ Perf. rex	140
eorundè classis Tunciam missa 398. incursions in		Vararanes 11. succedit	ibidem.
Armeniam 224. cum Saracenis pugnant ibid.		Vararanes 111. dictus Seganesia. i. Seganorum rex ibid.	
Turca cum Saracenis Orientale imperium euertit 227		Vardanes frater Artabani accersitur à Persis in Persiam,	
eorundè defectio à Persis 248. Turci profligunt Per-		& rex constituitur 117. eius victoria aduersus Go-	
sas & Saracenos ibid. eorum incrementa	249	tarzen 118. eiusdem cades	ibidem.
expulsis Saracenis, occupant Persiam ibid. Arzenum		Varianum nationum irruptiones in Italiam, regnantibus	
incendunt & diripiunt, & paulo post caduntur à Ro-		Arcadio & Honorio	167
manis 250. de Turcorum origine multa recensentur		Varmenis clades	313
250. 251. & 252. Turc. gentis incrementa	257	Vastinum	402
eorum prosperi successus 261. inter Turcas & Roma-		Vaticanum diripitur à Saracenis	231
nos pax initur 264. Turc. clades ac regnum occupa-		Vestigalia à Persico regno sublata	378
tum à Iachino 276. eorum progressus Othomannorum		Venefici qua pena olim afficiebantur apud Persas	422
auspiciis 282. & 283. cades à Tartaris inflata 295		Veneri dimicantes cum Saracenis, pereunt 237. nauali	
		prælio configunt cum Turcis 308. eorum victoria ibid.	
		pacem	

I N D E X.

pacem ineunt cumreisdem ibid. eorundem legatio ad
Vsumcassanum 327. bello infestantur à Baiazete
 332. recipiunt Cepheleniam ibid. pacem ineunt
 cum Turca ibid. eorundem bellum aduersus Solymā-
 num 365. pax cum eo contracta cum magno ipsorum
 incommodo ibidem.
Ventidius stratagemate Parthos deuincit & Pacorum
 Orodus filium interficit, ac etiam Labienum capit 111
Ventri corona imposita 140
Vespasianus adeptus imperium Vologesi gratias agit, cumq;
 hortatur vt Romā legatos mittat, & pacē esse sciat 129
Vezir Bassa 397
Vienna Austria obsidetur à Solymanno 360
Vincētius Alexandrinus mittitur à Venetis legatus in
 Persiam 371
L. Vitellius à Tiberio praeficitur Romano exercitui in Oriē-
 te 114. admonet Teridatem Parthorum regem re-
 nunciatum, vt altoris Caesaris meminerit 115
 eiusdem discessus in Syriam ibid. rem contra Artā-
 banum praeclare gerit 117
Vitianus Annius gener Corbulonis 126
Vladislaus rex Pannonia fortiter Amurathem à suis fini-
 bus arceat 313
Vltius Abedramonis filius post mortem Abdimelici, Ponti-
 ficatum assequitur 213
Vnghermaumet Vsumcassani filius à patre deficiens, inua-
 dit regnum Persarum 327. idem confugit Byzan-
 tium 328. stratagemate deceptus redit in Persiam,
 vbi à patre comprehensus, interficitur ibidem.
Vnionum captura 405
Volandum expugnatur à Corbulone 121
Vologeses Vononis filius creatur rex Parthorum 119. Pa-
 corum ac Teridatem fratres ornat praefecturis prouin-
 ciarum 120. Artaxata & Tigranocerta sub iugum
 mittit ibid. Armeniam frustra inuadit ibid. hor-
 tatur Corbulonis et Quadrati Numidij tradit obsides Ro-
 manis ibid. variis curis distribitur 123. eius ora-
 tio ad proceres sui regni ibid. pacis cum Romano Imp.
 audior quam belli 124. reuocat Monefen ab Arme-
 nia ibid. eius legati missi Romam irriti redeunt, tamē
 configit cum Romanis & petitur victoria 124. cum
 iisdem pax inita ibid. legati alij ad Neronem 125
 redeunt cum muneribus ibid. legati eius & Teridatis
 missi ad Corbulonem amanter excipiuntur 126. pe-
 tit à Nerone inducias ibid. Nero mittit ei literas 128
 ad quem scribit responsum ibid. quadraginta millia
 Persarum pollicetur Vespasiano 129. ad Vespasianum
 scribens, vocat se Regem regum ibidem.
Vologesus II. infert Romanis prior bellum, regnante M.
 Antonino Philosopho, quos etiā magna clade afficit 132
 eiusdem clades sibi à Rom. illata ibid. cum iisdem in
 gratiam redit ibidem.
Vonones Parthus obses Romam mittitur à patre 103. à
 suis prouincialibus accersitur in regnum ibid.
 expulsus fugit in Armeniam 114
Vonones II. Medorum praefectus, accersitur in Parthiam,
 & rex designatur 119
Vouendi modus apud Persas 423
VVilhelmus Normannus euocatur à Britannis 172

XENOPHON quo tempore vixerit 89
Xerxes quartus Persarum rex 48. eiusdem victoria ad-
 uersus Aegyptios ibid. parat expeditionem in Scythas,

qua improspere succedit ibid. bellū infert Graecis, suasa
 Mardonij 49. foedus contrahit cum Carthagine ibid.
 Pontū flagris cadit, & mari compedes iniici iubet 50
 eiusde epistola ad montem Athos 51. mittit legatos in
 Graciā 52. quo tempore mouerit bellū in Graciā ibid.
 suas copias inuxta Abydū in editiore tumulo contēplatus,
 primò quidē se beatū existimat, et mox lacrymatur ibi.
 suorum numerum recenset 53. quantus fuerit eius
 exercitus terrestris atq; maritimus ibid. classis praefectū
 constituit Achimēnē suū fratrem, siue, vt alijs placet, Me-
 gabatē ibid. terrestrium copiarū duces, ibidem nomi-
 nātur. flumina exsiccata in trāsitu tacti exercitus ibid.
 patitur naufragium 54. tres Gracōs qui ad suū ex-
 ercitum explorandū missi fuerant, liberos dimittit ibid.
 pugna naualis ad Artemisium aquo Marte cōmittitur
 ibid. apud Thermopylas maxima clade afficitur, &
 ipsemet vulneratur 56. suos mittit ad diripiendū Del-
 phos, qui omnes in nubibus & fulminibus serme delentur
 58. Graciā depopulatur, exceptis his locis qua dedi-
 tione fecerant ibid. vincitur apud Salaminam 60
 fugit ex Graciā, relicto Mardonio suarum copiarū du-
 ce ibid. eius exercitus maior pars dum in Persiā re-
 uertitur, perit inedia, peste ac ceteris incommodis 61
 laudatur à Iosepho propter pietatē exhibītā populo Is-
 raelitico 68. eiusdem epistola missa Estra sacerdoti,
 ibid. mittit Artabazum ad Pausaniam, & nouā ex-
 peditionem parat in Gracos 71. interficitur ab Artā-
 bano suo cognato 75. annum natalem solenniter
 celebrat ibid. quem diem funestum & exitiale ha-
 buerit ibid. eiusdem species ac proceritas ibid. ma-
 gnanimitas & clementia 76. cur lacrymas effude-
 derit, dum suum exercitum contempletur ibid. in qua
 nam re se deceptum existimauit ibid. qua pena pu-
 merit Babylonios qui à se defecerant ibid. animi cel-
 stitudo ibid. natura facilis ad credendum ibidem.
 Platanum adamat ibidem.
Xerxes post mortem Artaxerxis, regnat in Persia annū,
 siue, vt alijs placet, non amplius 2. mensibus 81

ZATVS rex Lazorum sit Christianus 177
Zeliobes rex Hunnorum interficitur à rege Persarum ob
 perfidiam 176
Zeno Leone defuncto sit Imperator 174. eiusdem mi-
 serabilis mors ibidem.
Zenobia Rhadamisti coniunx, ab eo vulnerata, & in Ara-
 xim flumen proiecta, à pastoribus illinc extrahitur, &
 viua ad Teridatem perducitur 120
Zenobia Odenati Palmirini coniunx post eius mortem gu-
 bernat Romanum imperium 145. capitur à Valerio
 Aureliano, & Romam captiua perducitur 146
Zenodotionum perfidia in Romanos 105
Zich Persa facundissimus Orator Chosrois 180
Io. Zimisca Imperator Byzantium ouans ingreditur 245
Zoë & Theodora, Michaële Calaphate, ob tyrannidem
 principatu abdicato, Imperium Rom. administrant 256
Zopyri fides atque amor erga Dariū 32. eius dolo Ba-
 bylonia recipitur à Persis ibidem.
Zoroaster Princeps Persarum 423
Zorobabel, quaestionem à Dario propositā dissoluit, & ab
 eo impetrat in laurionem templi Hierosolymitani 33
Zosimus historicus 143. 160. 166
Zulciminus Pontif. Saracen. 215. eiusdem obitus ibid.
 F I N I S.

EMENDANDA ET ADDENDA.

REX Lydorum, res, pag. 15. Dij immortales mo, pro me 17. mimimi duxeris, pro minimi, 17. cibum fumerent, pro fameret, 22. Arbano, pro Artabano, 32. dissolueram, pro dissoluerant, 37. eadem re, pro ea de re, 41. Sitrapes, pro Sarrapa, 42. circa finem paginae 56. ac fortiter, addendum est, ac potius fortiter. in fine paginae 60. Hæc pedestribus, legendum est, Nec. in pagina 65. ubi sunt hæc verba circa finem: Postero die Mardonij cadaver non extitit, pro extitit, legendum est, non fuit inuentum. initio primæ pag. 70. ea seruitute liberat, legendum eas. numerus paginae quæ habet 80. debet esse 86. initio paginae 87. ubi legitur, muri Atheniensis, legendum, Athenienses. in pagina 94. cum sermo est de Memnone Rhodio, post mouendum, deest verbum suadet, sine hortatur. circa finem paginae 104. pro Phraates, legendum, Orodes. pag. 109. pro sese receperunt, legendum, sese recepit. pag. 116. circa finem, mulieris Italiæ, pro Italica. pag. 123. ubi legitur latius ac diutius quàm, hæc postrema dictio est omittenda. pag. 159. ubi legitur, de mortalitate animæ, legendum, de immortalitate. numerus paginae in libro V. ubi est 365. debet esse 165. in pag. 168. in margine, Num Honorius, legendum, Arcadius. 151. pro infensissimi, legendum, infensissima. Vbi inuenitur hæc vox actutum, semper debet esse integra dictio. Significat enim statim, vel subito. In præfatione, ubi legitur, inclyta, & honesta familia, legendum, honestissima. Reliqua, si quæ inciderint errata, benignum & candidum lectorem facile condonaturum spero.

ET quoniam superius circa finem lib. XI. recensuimus quamplurimos conflictus habitos his proximis annis inter Turcos & Persas, in quibus facile apparuit, fortunam ad ipsos Persas ut plurimum inclinasse, operæpretium me facturum existimaui, si ea quæ postremò ex Constantinopoli huc allata sunt, in fine huius operis breuiter subiecero: siquidem plurimorum literis atque nuntiis confirmatur, nuperrimè inter eosdem acerrimo & cruentissimo prælio dimicatum esse, eo quidem successu, ut ex Turcis, præter captiuos & vulneratos, circiter quadraginta millia contrucidata sint, inter quos etiam nonnulli prouinciarum præfides, quos ipsi patrio idiomate Sanzacos appellant. Narrant præterea, Osmanum Purpuratum, Ottomannici exercitus imperatorem, fuga sibi salutem peperisse. Alij verò scribunt, ipsum vnà cum plerisque proceribus viris, necnon sexaginta maioribus tormentis, magnæque vi pecuniarum, & varia suppellectile, tentoriis, cæterisque impedimentis, in hostium manus ac potestatem deuenisse, ac etiam Tifim, haud exigui momenti municipium, siue propugnaculum, à Persis vi captum ac expugnatum esse, aded ut hæc postrema victoria omninò insignis & rarissima iudicetur. Reliqua, Tempus Veritatis parens, seu Veritas ipsius Temporis filia, commonstrabit, & patefaciet.

